




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 882 8°






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 882 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 882 8°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 882 8°

61 - 200



LN 882

M





Ad ab orbe rondo 5647.

P
EN

EVANG
Dominicis dieb
Ecclesijs D
tum m

NICOLA

PRAEFIX

COMMON E
sios Verbi, de per
firma de vero co
sacrum m
nam

L. 100
100



AN

POSTILLA

SEV

ENARRATIO

EVANGELIORVM, QVÆ IN
Dominicis diebus, & in Festis Sanctorum, usitate in
Ecclesijs Dei proponuntur, in gratiam pio-
rum ministrorum Euangelij, con-
scripta per

NICOLAVM HEMMINGIVM.

PRAEFIXA EST EIVSDEM

COMMONEFACTIO AD MINIS-

tros Verbi, de perpetuo Ecclesie Christi consensu, in do-
ctrina & vero cultu Dei, ne opinionum varietate, &
sectarum multitudine offensi, vel confesio-
nem abiciant, vel segnius of-
ficium faciant.



ANNO M. D. LXXII.

Amicorum

Bibliotheca

RAVIANNA

Dono Lovdensi

transit in Lep

Dr. N. J. Schermer

Kij Bibliotheca

off. XI. Apr. 1667.

OMN
DEI E
SV CHA
Regni Danie
dilectis gratian
m & Domi
optat
ser



ma opinionum
non pessimi
uinam eorum
dum alij alium
sapientia & p
liorum conten
despiciunt) fir
ctu, quo que
ligunt, aut a
& pietatem ad
eares, sinitur
dicta cupidit
omnia miscen
modum (ut a
Euangelij ho



OMNIBVS SERVIS

DEI ET MINISTRIS IESV CHRISTI, IN INCLITIS

Regnis Dania ac Noruegia, suis fratribus in Christo dilectis gratiam, misericordiam & pacem à Deo patre & Domino nostro IESV CHRISTO,

optat Nicolaus Hemmingius mini-

ster Euangelij in Academia

Haffniensi.



RODEST in primis obseruare, carissimi fratres, perpetuum Catholicę Ecclesię Christi cōsensum in doctrina & vero Dei cultu: præsertim in hac maxima opinionum varietate, quę facit, vt multi non pessimi angantur animis, dubitantes cuinam cœtui se socios adiungant. Nam dum alij alium magistrum iactant (de cuius sapientia & pietate gloriantur non sine aliorum contemptu, quos tanquam ex alto despiciunt) fit, vt cœco iudicio pro eo affectu, quo quenquam illis aut fauere intelligunt, aut aduersari, eius eruditionem & pietatem æstiment. Hinc nascuntur similitates, sinistrae suspiciones, odia, iurgia, vindictę cupiditas: Quibus sursum deorsum omnia miscentur: Ex qua re duplex incommodum (vt alia taceam) nascitur. Nam & Euangelij hostes in sua pertinacia impietate

P R A E F A T I O.

teq; confirmantur, & infirmiores ac imperi-
tiores, qui magis propensi ad amplexandam
veritatem erant, non parum perturbantur,
fluctuantes & incerti, quibus se potissimum
partibus adiungant. Inter quos non pauci
quasi nihil certi de tota religione tradi sta-
tuitur possit, non modo de omnibus eius par-
tibus, sed etiam de omnibus religionibus du-
bitare incipiunt. Hic nostrum officium est,
fratres dilecti, & precibus nostris & admoni-
tionibus iuuare infirmos, ne hac turba & col-
luuione opinionum offensi, ruant praecipites
in certum interitum. Huic malo potissimum
medetur perpetua Catholicae Ecclesiae con-
sensus in doctrina & vero Dei cultu obserua-
tio. Vt enim vnus est tantum Deus: ita &
vna aeterna, constans & minime fallax Dei
veritas, vna religio vera, vna fides, vna recte
viuendi regula, & vna Christi Ecclesia, quae
sola verum colendi Deum modum nouit.
Huius Ecclesiae qui non est ciuis, gratia & sa-
lute excidit, quantumuis magnos se habere
magistros gloriatur. Contra, qui in hoc coe-
tu Deum spiritu & veritate colit, gratiae &
salutis haeres est, etiamsi bubulcum magi-
strum habeat. Non enim haec res pendet ab
hominis vel dignitate, vel indignitate: sed à
magisterio spiritus Christi, qui suum purum
verbum & sincerum nobis vitae & salutis re-
gulam

PRÆFATIO.

gulam esse voluit. In quo verbo & cultu verbo tradito, summus fuit omnium sanctorum Patriarcharum ante diluuium & post diluuium, Prophetarum, Apostolorum, atque adeo omnium piorum consensus: quorum doctrinam & cultum si nos vere retineamus, possumus iure in Christo gloriari, quod simus ciues Ecclesiæ IESV CHRISTI, etiam si totus mundus nos exosos habeat, & tanquam hæreticos excretur, Volo igitur, fratres, de hoc perpetuo consensu nonnulla dicere, vt certo nobis constet, an in eo consensu Catholicæ Ecclesiæ simus, nec ne: aut aduersarij nostri, qui, cum iactant suos magistros (quos patres vocant) ferro & igne cursum doctrinæ Propheticæ & Apostolicæ intercludere conantur. In huius argumenti tractatione multa sane concurrunt, quæ huc tanquam ad scopum collimant. Hic enim necessario quæritur, quisnam sit ortus veræ religionis: quæ certitudo: quantus consensus omnium ætatum Ecclesiæ in eadem doctrina: quibus artibus Satan veram religionem oppugnare soleat: denique qua prudentia pñ aduersus Satanæ insidias & fraudes vti debeant: ne, quemadmodum primi parentes fecerunt, sinamus nos *πιθανολογίας* à fontibus salutis ad cisternas Diaboli, humanas traditiones & *ἐθελοθρησκείας* abduci.

PRÆFATIO.

A quo autem ortum habeat vera religio attingendum non esset, nisi tantus fuisset olim, & hodie esset hominum & Diabolorum furor, quod ausi sint religiones instituire pro cœco suæ rationis sensu, quas ferro & igne tuentur: ac eam religionem, quæ à solo Deo est, persequuntur, vt vaticinium comprobent, quod editum fuit de semine serpentis morsuro calcaneum Seminis mulieris. His multo rectius iudicauit prophanus Socrates, qui cum apud Xenophontem interrogaretur, quænam esset vera religio, respondit eam esse, quam ipse Deus instituit. Nam cum Dominus clare apud Prophetam dicit, se abominari doctrinam & cultus hominum, extra omnem controuersiam sit nobis, quod vera atq; perpetuo constans religio ab ipso æterno Deo ortum habeat. Apollo Pythius ab Atheniensibus interrogatus, quas potissimum religiones tenerent, respondit, eas, quæ essent in more maiorum. Cum rursus obijcerent, morem maiorum sæpe mutatum esse, ait optimum sequendum. Nam, vt ait Hesiodus, *νόμος ἀρχαῖος ἀπὸς*. Ad eundem modum hodie aduersarij antiquitatem iactant, auctoris veræ religionis nomine suppresso, qui potius cum Socrate respondere, quam cum impuro Dæmone deberent. Nam vt Satan: Ita & illi antiquitatis autoritate
ad

ad stabile
quidem est
mam esse,
beat, & non
cipio suam
metro cum c
uexerat, Qua
cem antiquit
tera ad Sat
tatum omniu
quæ nec prin
hac vetustiss
DEI, qua doc
cui confirmat
addidit, quæ
& authentica
stior est, q
habitura est: I
tio & Impietat
bet suos pro
quosdam, quo
runt, de quib
fixa semper in
trouersia de d
quam ad extr
Nos quoq; pa
& illos ingens
Patres profite
gionem fidei

PRÆFATIO.

ad stabiliendos errores abutuntur. Verum quidem est, antiquissimam religionem optimam esse, modo ab optimo DEO ortum habeat, & non ab antiquo serpente, qui à principio suam religionem in mundum ex diametro cum divina religione pugnantem inuexerat, Quare discernendum est inter duplicem antiquitatem. Vna enim ad Deum: altera ad Satanam refertur. Prior illa antiquitatum omnium longe vetustissima est, ut quæ nec principium nec finem habeat. Ex hac vetustissima antiquitate prodijt veritas DEI, qua docetur, quæ nam sit vera religio, cui confirmandæ Deus miranda testimonia addidit, quæ essent veluti perpetua quædam & authentica sigilla veritatis diuinæ. Posterior est, quæ principium habuit, & finem habitura est: Ex qua prodijt omnis superstitio & Impietas. Vtræque hæc antiquitas habet suos propagatores veluti Patriarchas quosdam, quos posteriores Patres appellarunt, de quibus non parum gloriantur. Papiæ semper in ore habent patres: in omni controuersia de doctrina & cultu Dei ad eos tanquam ad extremam ancoram confugiunt. Nos quoque patres agnoscimus: sed inter nos & illos ingens est discrimen. Nos enim eos Patres profiteamur, qui à Deo acceptam religionem fideliter tradiderunt posteris, ut sunt

P R Æ F A T I O.

Patriarchæ, sancti Reges, Prophetæ, Christus ipse et Apostoli: hos solos patres veneramur, à quorum sententia discedere, salute excidere iudicamus. De patribus, qui tempora Apostolorum secuti sunt, iudicamus iuxta regulam Ambrosij: Nos noua omnia, quæ Christus non docuit, iure damnamus: quia fidelibus via Christus est. Si igitur Christus non docuit quod docemus, & nos id detestabile iudicemus. Et iuxta hanc Pauli regulam: Si quis aliud Euangelium docuerit, anathema sit: Isti autem, vt fucum faciant simplicioribus, interrogandum esse dicunt de semitis antiquis, non esse limites antiquos transgrediendos, quos fixerunt Patres & maiores nostri. Quod si id minime licere in agrorum finibus certum est, quanto minus id licere in religionis limitibus iudicabitur? Verum nos limites, quos fixit autor religionis Deus: quos acceptos diuinitus tuebantur sancti Patriarchæ, Apostoli: à quibus apros & lupos inuicta animi fortitudine repulerunt sancti martyres (inter quos primum locum obtinet sanctus Abel) denique quos filius Dei suo precioso sanguine statuit, non transgredimur: sed intra illos manemus constantes. At fines, quos antiquus serpens cum sua sobole fixit, transgredimur, intra quos non nisi mera damnatio clauditur. Religionem igitur
veram

veram ad
minatur à
bit & eam
naturam ing
stantissima el
exiliis.

Sed quæ
stans religio,
vox Dei & fig
ligionis & cul
Semper enim
tem verbo, &
nibus pateface
bus ingerit,
idem signum
vt veluti per
mum transun
plex verbum,
finis & scopus
semper e verbo
sunt, quinq
pue suam voc
tilissime docebu
tempus promi
tutæ promissio
saicæ: ac deni
onis, exhibito
Hæc quinq
gionem & lib

PRÆFATIO.

veram ad Deum, qui antiquus dierum denominatur à Daniele, referimus. Vnde constabit & eam antiquissimam esse, & sui autoris naturam ingeniumque referre. Quare ut constantissima est semper; Ita sui perpetuo similis existit.

Sed quænam illa est sibi perpetuo constans religio, quæ eius summa, quæ partes & vox Dei & signum voci additum veram religionis & cultus Dei normam præscribit. Semper enim Deo in more fuit, suam voluntatem verbo, & externo aliquo signo hominibus patefacere. Quod enim verbum auribus ingerit, ut ad mentem transmittatur, idem signum oculis aspiciendum proponit, ut veluti per fenestras lux quædam in animum transfundatur: ut vox & signum sit duplex verbum, vocale & aspectabile, quorum finis & scopus vnus est: sed signi interpretatio semper è verbo solo petenda est. Hæc qualia sunt, quinque tempora, quibus Deus præcipue suam vocem sonuit & signa edidit, aperitissime docebunt: ut sunt status ante lapsum. tempus promissæ reparationis: tempus repetitæ promissionis: tempus reipublicæ Moisaicæ: ac denique tempus completæ promissionis, exhibito Iesu Christo Domino nostro. Hisce quinque temporibus eandem fuisse religionem & sibi per omnia constantem, voce

α 5

Dei

P R Æ F A T I O.

Dei & signis diuinis est ostendendum.

Ante lapsum quando Adam ornatus erat imagine Dei, Deus homini & verbum tradiderat & signum. Verbum requirebat noticiam Dei, & obedientiam erga ipsum; prohibebat ne quid tentaret homo contra Dei interdictum sub comminatione pœnæ; habebat etiam verbum promissionem immortalitatis, quam promissionem fide amplectabatur Adam; Et arbor vitæ, vt aspectabile verbum, idem per oculos in mentem transfudit. Quæ omnia eo spectabant, vt Adam imaginem Dei tanquam in speculo repræsentans, Deū perpetuo coleret & celebraret. Ex his constat, quod vera religio ante lapsum hominis fuerit purus cultus Dei iuxta Dei verbum, cuius regula erat verbum & signum. Partes fuerunt agnitio Dei, fides promissæ immortalitatis, obedientia erga Deum interior & exterior. Finis, repræsentare imaginem Dei, ac cum prædicare & celebrare. Et fuit in eo statu cultus Dei perfectissimus, qualis est futurus post resurrectionē, nisi quod tum non quidem substantia, sed gradibus futurus est multo plenior. Hic cultus Dei, qualis est primo homini præscriptus, à nobis etiam post lapsum requiritur. Neque vlla mutatio facta est in cultus ratione: Sed horribilis deprauatio secuta est in toto huma

no

no genere
tum, vt hur
ipsum incoa
rem vitæ, qu
patet factus fu
Lapso ig
Parentibus, I
patet factus verb
cultu post lapi
prehendit trans
bo promissioni
factus solueret
fituaret homin
cando amiserat
erat veluti asp
Mellia, Hoc an
oblatio pecoru
sequitur, quod
omnino similen
re lapsum, licet
nem non habeat
Requirunt enim
quirit agnitione
mitionem Chri
quæ erat in Par
requirit ex fide
magis magisq
Dei per Chri
fulgeat firma

P R Æ F A T I O.

no genere post lapsum primorum Parentum, ut hunc cultum plene præstare, imo ne ipsum incoare possit quisquam, nisi ad arborē vitæ, quæ est Iesus Christus, ei accessus patefactus fuerit.

Lapso igitur genere humano in primis Parentibus, Deus rursus suam voluntatem patefecit verbo & signo: unde discitur, quo cultu post lapsum voluerit coli. Verbo reprehendit transgressionem sui mandati: verbo promissionē edidit de Messia, qui homo factus solueret lytron pro reatu Adæ, & restitueret homini imaginem Dei, quam peccando amiserat. Signum adiecit verbo, quod erat veluti aspectabilis quædam concio de Messia. Hoc autem signum erat mactatio & oblatio pecorum & frugum terræ. Ex his sequitur, quod post lapsum Deus requirat omnino similem cultum cum eo, qui fuit ante lapsum, licet suis gradibus eam perfectionem non habeat, quam ante lapsum habuit. Requirit enim hic Deus agnitionem sui, requirit agnitionem nostri peccati: requirit agnitionem Christi, qui est loco arboris vitæ, quæ erat in Paradiso: requirit fidem Messia, requirit ex fide obedientiam, ut paulatim magis magisque in homine reparetur imago Dei per Christum, hoc est, ut in mente refulgeat firma DEI noticia: in anima sancti-

tas:

P R Æ F A T I O.

tas: & omnibus viribus obedientia ex præscripto verbi præstanda. Hæc breuiter verbo & signo indicantur in principio Mosis. Nam olim οἱ παλαιοὶ κρείττονες ἡμῶν ὄντες καὶ ἐγγυτέρω θεῶν ὀικῶντες, vt Platonis verbis vtatur: Melius & solidius erudiebantur breuibus Aphorismis & Symbolis, quam nos longis concionibus. Fuit enim olim ea docendi ratio cum Theologis, tum Philosophis communis & familiaris, vt id quod breuibus Aphorismis proponerent, idem certis significarent symbolis. Lapso homine hic Aphorismus propositus voce Dei est: Semen mulieris conteret caput serpentis. Symbolum, quod quadam imagine idem significabat, fuit oblatio diuinitus Patribus commendata.

Abel itaq; cum suas offerret victimas, in Aphorismum propositum respiciebat, & offerens hæc cogitabat. Primum mortem victimæ intuens, admonebatur de morte, in quam inciderat genus humanum propter peccatum: vnde haud dubie ingens dolor in animo eius excitatus est. Deinde intuens sanguinem victimæ admonebatur factæ promissionis, de Messia: cuius merito & intercessionem placari iram DEI iuxta promissionem statuit, vnde & consolatio in corde nata est, & fides, qua Deo acceptus fuit per Iesum Christum.

Christum. Hæc
sanctitatem iux
Deum prædica
am & misericor
Dei in se quod a
tum Deo præstit
te sua confirmau
Hypocrita ipsum
minis & vero cul
mortem oppeter
fratris decretum
sua constantia, qu
colat, qui obedie
sti confessionem
adeo vitæ ipsi, q
lolet, anteponat.
primis parentibus
et, quod eadem r
plum, quæ ante la
tam circumstanti
per deprauation
nam reparationis
Dei eadem mane
nem vendebat, lic
Dei purus durauit
exigua, vsque ad
mille sexcentos q
ni posteritas car
gens persecuta e

P R Æ F A T I O .

Christum. Hac fide iustificatus sola, veram
sanctitatem iuxta vocem Dei meditatus est,
Deum prædicans & laudans propter iustici-
am & misericordiam. Atq; ita Abel, imagine
Dei in se quodammodo reparata, verum cul-
tum Deo præstitit, quem cultum postea mor-
te sua confirmavit. Nam cum Cain frater &
Hypocrita ipsum à confessione promissi Se-
minis & vero cultu auocare studeret, potius
mortem oppetere voluit, quam in impium
fratris decretum consentire, significans hac
sua constantia, quod is demum vere Deum
colat, qui obedientiam erga Deum & Chri-
sti confessionem omnibus rebus, mundi, atq;
adeo vitæ ipsi, qua nihil homini carius esse
solet, anteponat. Ex hoc ergo verbo & signo
primis parentibus post lapsum tradito appa-
ret, quod eadem religio fuerit eorum post la-
psum, quæ ante lapsum erat. Etsi autem quæ-
dam circumstantiæ externæ accesserunt pro-
pter depravationem naturæ, & promissio-
nem reparationis : tamen substantia cultus
Dei eadem manebat, atque ad eundem fi-
nem tendebat, licet imperfectius. Hic cultus
Dei purus duravit in Ecclesia, quæ fuit per-
exigua, vsque ad diluviū, hoc est, annos
mille sexcentos quinquaginta sex. Nam Cai-
ni posteritas carnaliter promissionem intelli-
gens, persecuta est veram Ecclesiam : sibi Ec-
clesiæ

PRÆFATIO.

eleſiæ titulum uſurpauit: verum cultum Dei
 in prophanam hypocrifiſin & ſuperſtitionem
 commutauit. Porro cum hypocrifiſin & ſu-
 perſtitionem cum alijs horrendis ſcleribus
 diluuiſio puniuiſſet Dominus, Nohæ verbo
 & ſymbolo verum Dei cultum iterum com-
 mendat: Non nouum quidem, ſed prorsus
 eundem, quem ab initio inſtituerat. Verum
 cum hunc hypocrifiſi & ſuperſtitione Iaphet,
 & Cham tyrannide proſtigaiſſet, manſit in ſo-
 la familia Patriarch Sem. Is enim recte in-
 telligens promiſſionem & eius Symbolum,
 Deum ex fide coluit eiſq; obediuit, quemad-
 modum Abel & Nohe fecerunt. Eſſi autem
 & verbum & Symbolum traditum primis
 Parentibus, Nohe & Sem retinuerunt: tamen
 propter nouum euentum nouum Symbolum
 acceſſit. Nam cum Deus impium mundum
 diluuiſio perdidiciſſet propter defectionem à
 vero & puro cultu Dei, promiſit Nohæ &
 eius poſteritati, ſe poſtea mundum diluuiſio
 non perditurum. Huic promiſſioni ſymbo-
 lum, nempe arcum cœleſtem adiecit, qui erat
 promiſſionis quoddam *μνημόσυλον*. Arcum
 itaq; qui in nubibus apparere ſolet, verbi
 ſui nota inſcripſit Deus, vt quaſi ſigillo pro-
 miſſum illud ſuum ratum fore confirmaret,
 quo ſe non ſolum Deum Nohæ, cuiusq; po-
 ſteritatis, cuius ſe in fidem clientelamq; con-
 tulerat, futurum

tulerant, futurum
 deinceps homi-
 undationibus d
 lum intuens No
 Abeliſ, Deo v
 exhibuerunt,

Sequitur Abr
 ra Moſis, qua ara
 & nouo ſymbole
 datus. Nam de
 fuit in primis pa
 ra ſymbole euid
 igitur Abrahamo
 edicentur in ſem
 terræ. Symbolur
 umciſio genitali
 ego verbo docui
 it: Ita ſymbole
 trine & cultus fig
 edicentur in ſemi
 inuat: quorum p
 ſationis totius gen
 eam & defeſcio
 promittit benedi
 maledictione hære
 ſit in homines om
 eſt repetitio pro
 orum eius, quo
 ſus verbis; Sem

PRÆFATIO.

tulerant, futurum receperat : verum etiam se
deinceps homines nunquam aquarum in-
undationibus deleturum. Hoc igitur symbo-
lum intuens Nohe & Sem, exemplo sancti
Abelis, Deo verum & spirituales cultum
exhibuerunt.

Sequitur Abrahami ætas usque ad tempo-
ra Moïsis, qua ætate idem cultus & voce Dei
& nouo symbolo Patriarchis est commen-
datus. Nam decrecente iam sapientia, quæ
fuit in primis parentibus, ut verbo clariori,
ita symbolo euidentiori opus erat. Verbum
igitur Abrahamo propositum fuit hoc : Be-
nedicentur in semine tuo omnes cognationes
terræ. Symbolum verbo additum erat Cir-
cumcisio genitalis membri in masculis. Ut
ergo verbo docuit, utrumque cultum requisi-
uit : Ita symbolo idem fecit, quod erat do-
ctrinæ & cultus sigillum. Cum enim ait : Be-
nedicentur in semine tuo, tria apertissime in-
sinuat : quorum primum est repetitio accu-
sationis totius generis humani propter pec-
catum & defectionem à DEO. Nam cum
promittit benedictionem, significat eos in
maledictione hære, quæ maledictio perua-
sit in homines omnes cum peccato. Alterum
est repetitio promissionis seminis & benefi-
ciorum eius, quod Adamo dictum erat sub
his verbis : Semen mulieris conteret caput
serpen-

P R Æ F A T I O.

serpentis. Id quod hic significantiori voce benedictionis exprimitur. Nam benedictionis voce significatur fauor Dei, reconciliatio, remissio peccatorum, & iusticia propter Christum, quemadmodum Paulus Moſis interpret exponit. Tertium est indicatio nostræ imbecillitatis, quod nostris viribus non possumus benedictionem nancisci: sed oportere nos eam obtinere fide in semen promissum. Hanc fidem Abrahæ secuta est obedientia in tota eius vita, iuxta præceptum: ambula coram me & esto perfectus: quam obedientiam sanctus Patriarcha declarauit victima filij. Quanti enim fecerit obedientiam erga Deum, ex eo apparet, quod potius voluerit vnigenitum filium Isaac, quem genuerat in senectute, cui tam magnificæ promissiones erant factæ, ad mandatū Dei mactare, quam ab obedientia erga Deum recedere. Symbolum vero additum à verbo interpretationem mutuari debet. Nihil enim aliud Symbolum est, quam aspectabile verbum. Tria proinde symbolum ponit ob oculos: nempe natiuitatem nostram carnalem esse corruptam: Deinde promissum esse semen, per quod natura reparabitur: tum circumcisione carnis significari circumcisiōnem cordis, qua amputatur ignorantia Dei, affectuum impuritas, & cordis contumacia: vt nouus homo nascatur,

scatur, gesta
tate & iustici
cum priorib
significatio m
bolo varias
ignorantia no
uam colendi
quemadmodu
tumnauit. Nam
pocriſm, reſectio
boli amplexati
imitatores fide
circumciſionis
persecuti sunt
factum est, qu
simos remanſe
Aegypto Patre
Patriarcha lacc
cum poſt eius
ſtus eſſet, Deus
gente iam 80, ar
brahæ 340. ann
nis repetit mul
retur cultus ve
tium. Tameſſi
ſignum Moſi co
chis commend
nes & plura in
us ſtatis ratio

PRÆFATIO.

scatur, gestans imaginem Dei, in vera sancti-
tate & iusticia. Ecce quam apte quadrant hæc
cum prioribus. Vox quidem mutatur, sed
significatio manet. Hæc in verbo & in sym-
bolo varietas humanæ imbecillitati seruit, &
ignorantiæ nostræ medetur; nō aliquam no-
uam colendi DEVM rationem præscribit,
quemadmodum carnale semen Abrahæ au-
tumnavit. Nam quemadmodum Cainitæ hy-
pocrisin, reiecto puro intellectu verbi & sym-
boli amplexati, persecuti sunt Abelem &
imitatores fidei ipsius; Ita Ismaelitæ in litera
circumcisionis hærentes, spiritu neglecto,
persecuti sunt veros filios Abrahæ: ex quo
factum est, quod verus cultus apud paucis-
simos remanserit. Nam cum exularent in
Aegypto Patres, sola familia Ioseph, mortuo
Patriarcha Iacob, verum cultū retinuit, qui
cum post eius mortem tantum non extin-
ctus esset, Deus, nato Mose in Aegypto & a-
gente iam 80. annum, à promissione facta A-
brahæ 340. anno, verbum iterum promissio-
nis repetit: multa addit signa, & vt conserua-
retur cultus verus, erexit regnum & sacerdo-
tium. Tamen si autem idem verbum & idem
signum Mosi commendat, quod ante Patriar-
chis commendarat: tamen longiores concio-
nes & plura insuper signa adhibet prout ei-
us ætatis ratio postulabat. Quæ omnia ad eun-

dem

dem

P R Æ F A T I O.

dem scopum collimabant, & eundem cultum Dei spiritualement hominibus commendabant: Nam in deserto (vt præteream rubum ardentem & columnas ignis & nubis) Man, Petra, & Serpens æneus, vt symbola doctrinæ & cultus Dei proponebantur: quæ tria significabant Christum olim promissum. Man enim, Paulo interprete, significabat cibum spirituale, quo noui homines, per Christum facti aluntur in Christi regno. Petra figurabat potum spiritualement, quo credentes reficiuntur. Serpens suspensus adumbrabat Christum suspendendum in aram crucis pro peccatis mundi: quemadmodum ipse Christus symbolum hoc interpretatur. Intuitus in serpentem æneum typus erat fidei, qua homines iustificati & viuificati coram Deo ambulant, & ad perfectionem aspirant. Verum postquam populus in terram promissam, quæ typus erat cœlestis patriæ, introductus erat, plura adhuc signa veluti aspectabiles conciones ei propositæ sunt: ex quibus pauca quædam attingam: nam omnia persequi instituta breuitas non permittit. Tota quidem respublica significat Ecclesiam: sacerdotium & regnum figurant Christum, qui sacerdotio suo placat iram Patris iuxta promissionem primam, & suo regno destruit regnum Diaboli, peccatum & mortem: & utroque reparat imaginem Dei

Dei in hominibus
vita rursus c
dentia ipsum
Ceremonia
spiritualis signi
explicat, ac cul
dar. Verum q
illustiores elige
cerdotis ornatu
cerdotis, arca fo
asperio, baptis
singularem hab
ficationem, qu
ditationes de
piorum officii
in fronte & ve
aurea diuinitat
stis vero mund
& puram ab or
cerdos semel in
diorum, typus
vna oblatione
Hoc aperte Es
nusat: vt sit
velles sacerdo
ornatos vult e
quemadmodu
exponit, cum
iusticia, & san

PRÆFATIO.

Dei in homine, ad quam homo erat creatus,
ut ita rursus ornatus imagine Dei, vera obe-
dientia ipsum colat ac celebret.

Ceremoniæ multæ sunt additæ, quarum
spiritualis significatio primam promissionem
explicat, ac cultum Dei spiritualem commen-
dat. Verum quia multæ sunt, paucas easq;
illustriores eligam, & breuiter excutiam. Sa-
cerdotis ornatus, annua oblatio summi sa-
cerdotis, arca fœderis, agnus phase, sanguinis
aspersio, baptisma, quotidianæ oblationes
singularem habuere rerum spiritualium signi-
ficationem, quæ omnes dulces habent me-
ditationes de Mediatoris conditionibus &
piorum officio. Sacerdos summus laminam
in fronte & vestes mundas gestauit. Lamina
aurea diuinitatem Christi significabat: ve-
stis vero munda humanitatem, sed mundam
& puram ab omni peccato. Quod autem sa-
cerdos semel in anno intrauit in Sancta San-
ctorum, typus fuit Sacerdotis Christi, qui
vna oblatione consummaret sanctificandos.
Hoc aperte Exod. 28. indicatur, vbi Domi-
nus ait: ut sit ei placatus Dominus. Deinde
vestes Sacerdotis figurant sanctitatem, qua
ornatos vult esse suos sacerdotes Dominus,
quemadmodum Dauid Moïsi interpre-
s exponit, cum ait: Sacerdotes tui induantur
iusticia, & sancti tui exultent. Arca fœderis

§ 2 signifi-

PRÆFATIO.

significat populum Dei, cum quo expresso verbo pactum fecit Dominus. In hac arca fuerunt tabulæ legis, quæ tegebantur in arca lamina aurea: qua re nihil aliud significatum fuit, quam quod habet prima promissio, Semen mulieris conteret caput serpentis, nisi quod symbolum dulcius rem exprimit. Tabulæ enim decalogi in arca teguntur aurea lamina, quæ dicitur propiciatorium. Hoc est, Christus qui est propiciatio pro peccatis nostris, regit in Ecclesia peccata hominum, aduersus iram & horrendum iudicium Dei, quid quæso hoc est aliud, quam semen mulieris conteret caput serpentis? Ita hunc typum explicat Mosi interpretes Paulus Rom. 3. Iustificamur gratis per illius gratiam, per redemptionem quæ est in Christo Iesu, quem proposuit Deus propiciatorium per fidem in sanguine eius. Vt enim pontifex Hebræorum solebat semel singulo quoque anno propiciatorium imbuere sanguine, cum in sancta sanctorum ingrederetur: Ita summus noster pontifex Iesus Christus semel obtulit se Patri pro peccatis mundi, & æternam redemptionem reperit. Agnus Phase habuit etiam significationem symbolicam, qua prima promissio veluti viuis coloribus depingebatur: cuius typum explicat Paulus, cum ait: Et Phase nostrum immolatus est Christus. Quod autem

autem iste ag
ba Christum
infirmos
nia nobiscum
cato, vi nos
rituales qui ca
aurem de Agn
vniuersa mulier
tur non propi
Christum: sed
propter totum
vitæ. Sanguinis
ficationem. S
Christi, effusi
scientiæ nostræ
ribus, quemac
Epistola ad He
perinent bapti
nes. Figurabat
purgationem
emundat nos
tatem veram, q
imaginem Dei
riam & laudem
symbolicæ in
sionis, quas q
Abele, Seth, Et
rum cultum
runt, non dissim

PRÆFATIO.

autem iste agnus de grege sumebatur, innuebat Christum carnem nostram assumpsisse, & infirmitates carnis nostræ tulisse, & per omnia nobiscum similiter tentatum absque peccato, ut nos quoque cœlestes, qui terreni, spirituales, qui carnales sumus, redderet. Quod autem de Agno dicitur: Immolabitque eum vniuersa multitudo filiorum Israel, significatur non propter vnum & alterum obisse Christum: sed propter Ecclesiam, hoc est, propter totum corpus scriptorum in libro vitæ. Sanguinis aspersio apertam habet significationem. Symbolum enim fuit sanguinis Christi, effusi in ara crucis, quo aspersæ conscientiæ nostræ mundantur à mortuis operibus, quemadmodum typum hunc autor Epistolæ ad Hebræos pie explicat. Eodem pertinent baptismata & quotidianæ oblationes. Figurabant enim hæc in genere cum purgationem illam, qua Christus abluit & emundat nos ob omni iniquitate, tum sanctitatem veram, qua credentes ornantur, ut iam imaginem Dei repræsentare incipiant in gloriam & laudem Dei. Hæc legis typica fuerunt symbolicæ interpretationes primæ promissionis, quas qui intellexerunt cum Adam, Abele, Seth, Enoch, Noë, Abraham &c. verum cultum & spirituales Deo exhibuerunt, non dissimilem quo ad substantiam cul-

P R Æ F A T I O.

tus attinet, sed omnino similem imo eundem. Sed quid hic fit? Sicut Cainitæ promissionem carnaliter; intellexerunt & ex symbolo addito fecerunt cultum per se: ita hic maxima pars Iudæorum, omisso spiritu, literam admirata est, cultum Dei posuerunt in istis externis ritibus sine fide: quem errorem taxat grauissime Dominus apud Prophetam, ubi ait: Quo mihi multitudinem victimarum vestrarū dicit Dominus? & paulo post: Ne offeratis ultra sacrificia frustra, incensum abominatio est mihi. Et huius rei causam mox subiungit, cum ait: Iniqui sunt cœtus vestri, calendas vestras & solēnitates vestras odit anima mea. His verbis significat Deus, non ita se instituisse ceremonias, quasi eas ut cultum requireret spirituales, sed ut in ijs populus se ad pietatem exerceret, obfirmaretq; fidem suam, magisq; ac magis sese in puro cultu Dei contineret. Verum ut natura superstitiosi sunt homines, maxima pars per hypocrisin abducta est à vero ceremoniarum usu, ac in earum obseruatione proram & puppim, ut aiunt, suæ salutis collocarunt, quorum errorem missi Prophetæ, cum arguerent, rapti sunt ad supplicia tanq; in legem Dei blasphemi. Ex his patet, summum fuisse consensum ipsorum, qui in repub. Moïsis vixerunt, cum in doctrina, tum in cultu
cum

cum sancto
luum, vi
se vsq; ad
nur præter
stum; inuo
am, & alias
ginem Dei
runtur? Res
æternus iux
lieris, hoc est,
ret caput ser
tatur destrue
Prophetarū
cultum Dei
bolis restitui
& remissione
ornat sua iust
tat in ijs mo
rati Dei: breu
quam primus
na luceat lum
ter noster co
suis discipulis
& vita docuer
perpetuo hui
verbum cert
terna veluti li
cœnam Dom
sionem clari

PRÆFATIO.

cum sanctis patribus ante diluuium & post diluuium, usque ad vocationem Moysi, & à Moysi usque ad Christum. Quid enim hic requiritur præter agnitionem peccati, fidem in Christum, inuocationem, sanctitatem, obedientiam, & alias virtutes, quæ ad reparandam imaginem Dei in nobis tanquam partes requiruntur? Restat postrema ætas, qua λόγος æternus iuxta vaticinia assumpsit semen mulieris, hoc est, naturam humanam, ut contereret caput serpentis, h. ut Iohannes interpretatur destrueret opera Diaboli. Hic Moysi & Prophetarum interpres & completor, eundem cultum Dei iam fere collapsum verbo & symbolis restituit, iussit prædicari poenitentiam & remissionem peccatorum, credentes in se ornat sua iusticia, donat Spiritu sancto, excitat in iis motus congruentes legi & voluntati Dei: breuiter, reparat imaginem Dei, ad quam primus homo conditus erat, iubet ut ita luceat lumen nostrum, ut glorificetur Pater noster cœlestis. Hunc eundem cultum suis discipulis commendat, quem ipsi voce & vita docuerunt & expresserunt. Verum ut perpetuo hunc cultum conseruaret Ecclesia, verbum certum tradidit, ac verbo duo externa veluti sigilla apposuit, Baptismum & cœnam Domini. Verbum primam promissionem clarius interpretatur. Signa sunt aspe-

§ 4 stabiles,

P R Æ F A T I O.

stables, quædam conciones, quæ idem quod
verbum docent & offerunt. Sed quid fit?
Vt olim Cainitæ, Camitæ & Pseudoisraelitæ
verbum corruperunt, & ei carnali sua stulti-
cia humana somnia assuebant: ita hypocri-
tæ à verbo deficientes, in hac postrema mun-
di ætate, cultum Dei conspurcarunt, donec
hæreticorum furis & regno Antichristi do-
ctrina rursus fere cum veris cultibus, sacra-
mentis partim conspurcatis humanis tradi-
tionibus, partim mutilatis obruta sit. Cæte-
rum ante 40. fere annos excitatus Propheta
Dei beatus Lutherus, restituit doctrinam &
cultum veterem, quem & primi nostri paren-
tes acceperant à Deo, & Christus suæ Eccle-
siæ commendarat. Atque hunc verum &
perpetuum cultum Dei esse, quem nostra Ec-
clesia hodie tueretur, clarissime intelligitis, qui
ipsum ad normam Patriarcharum & Eccle-
siæ Apostolicæ refert. Sed quid nobis acci-
dit? Idem sane quod primis parentibus quod
Abrahamitis, quod Ecclesiæ Apostolicæ.
Diabolus enim toto impetu ruit ad perden-
dum Euangelium & verum cultum Dei abo-
lendum: atque id nostra ætate furiosius agit,
quia nouit exiguum sibi restare tempus, quo
liceat ei in Ecclesiam Christi sæuire. Quibus
autem technis iste aduersarius Christi ad de-
lendam sinceram doctrinam & verum cul-
tum

tum vran
Primum e
nempe Tu
phemat na
quod Papa
profiterur
lari tamen
inuadit: doc
constaminat,
uerit. Papa e
allectus, co
genus in mu
ros homines
tior incolet
niterit idolo
gara fir mai
fianorum h
fint fascinat
parte suas fi
tan, non agit
nifros conq
nabaputæ, S
doctrinam re
fuo impuro
ro cum hile
non polle cu
Dei impedi
finis disidit
committat

P R Æ F A T I O .

tum vtatur, res ipsa hodie palam loquitur. Primum enim regnum, illudq; amplissimum, nempe Turcicum erexit, quod palam blasphematur nomen Christi. Deinde aliud regnū, quod Papatum vocant, statuit: quod etsi nō profitetur se palam aduersari Christo: singulari tamen dolo & fraude regnum Christi inuadit: doctrinam corrumpit: sacramenta contaminat, breuiter, verum cultum Dei peruertit. Papa enim ministerij titulo primatum assecutus, omne superstitionis & Idolatriæ genus in mundum inuexit, adeo vt post natos homines nulla vnquam sit audita violentior intolerabiliorq; tyrannis, nullumq; extiterit idolomania genus, quo grauior irrogata sit maiestati diuinæ iniuria, & quo Christianorum hominum mentes prodigiosius sint fascinatæ. Posteaquam autem hac ex parte suas fraudes deprensas cognouit Satan, non agit inducias, sed suæ impietatis ministros conquirat, quales sunt Libertini, Anabaptistæ, Seruetiani, Antinomi & alij, qui doctrinam repurgatam & sacramenta rursus suo impuro rostro fœdare conantur. At vero cum hisce suis conatibus animaduertit se non posse cursum Euangelij, & puri cultus Dei impedire, aggreditur alia via, qua intestinis dissidijs distrahat, ac hostiliter inter se committat illos ipsos, quos animaduertit se-

§ 5 riam

PRÆFATIO.

tiam præ cæteris meditari Ecclesiæ ac veræ religionis restitutionem, ne scilicet coniunctis studijs & consilijs hoc tam præclarum opus vnanimes moliantur. Præterea subinde quosdam è castris Christi exturbat, qui Apostatæ facti, grauissimum damnum Ecclesiæ inferunt: inter quos sunt, qui nouam rationem conciliandi odium puræ doctrinæ apud infirmos & imperitiores excogitant. Colligunt enim antinomias in dictis eorum, quorum opera Deus est vsus in hac extrema senectâ mundi ad repurgandam suâ Ecclesiam: cum tamen in nulla parte fundamenti doctrinæ & cultus Dei possint vllam veram Antilogiam monstrare, vtut se in mille formas Protei isti transformant. His machinamentis Satanæ videmus effectum esse, quod obstinati sint facti confirmationes in sua superstitione: infirmiores ac imbecilliores magna ex parte succumbant, cum piorum omnium ingenti dolore: & nisi Christus accelerauerit suum aduentum, metuendum est, ne rursus superioribus tenebris plerique inuoluantur. Quid nobis quæso hic faciendum est fratres? Cauendæ sunt insidiæ Satanæ: respiciendum est ad exempla maiorum, Abel, Abrahamæ, Prophetarum, Christi, Apostolorum: horum cœtui in doctrina, cultu, inuocatione nos adiungamus; non turbemur multitudine hosti-

hostium: non
grum: non fr
rumis, quas p
elle est: Non t
litatem Ecclesi
cõtema: sed et
umphantem, q
facit in hac vita
gloria donatur
teuerauerint vsq
grauissimæ senten
te, ne intretis in
(inquit) dico, om
solicitat caro: t
offendunt doctr
tiles superborum
aduersus hæc o
di inuocatio Dei
lomon: Turris
ad eam confugie
uocatione nostra
Prophetiam &
animos nostros a
plicas idoloma
nreg: sæpe cog
mois fundamen
na doctrina, &
ex cultus: veri
tiones diuinæ

P R Æ F A T I O.

hostium: non moueat nos numerus transfu-
garum: non frangamur animo in cruce & æ-
rumnis, quas pios perferre in hoc mundo ne-
cesse est: Non tantum respiciamus ad humi-
litem Ecclesiæ, quæ in hac vita humili iacet
cõtemta: sed etiam intueamur Christum tri-
umphantem, qui eos, quos conformes sibi
facit in hac vita, olim beata immortalitatis
gloria donaturus est, modo constantes per-
seuerauerint vsq; ad finem. Meminerimus
grauissimę sententię Christi: Vigilate & ora-
te, ne intretis in tentationem. Quod vobis
(inquit) dico, omnibus dico. Tentat mundus:
solicitat caro: turbant hæreticorum agmina:
offendunt doctrinæ & morum scandala: fu-
tiles superborum hominum rixæ molestant:
aduersus hæc omnia præsidium tutissimum
est inuocatio Dei. Non enim frustra dicit Sa-
lomon: Turris fortissima nomen Domini,
ad eam confugiet iustus & saluabitur. In in-
uocatione nostra respiciamus ad Ecclesiā
Propheticā & Apostolicā, & muniamus
animos nostros aduersus Mahometricas & Pa-
pisticas idolomanias & hæreticorum ἐνοχ-
λίσαις: sæpe cogitemus, quam firmis & im-
motis fundamentis nitatur Ecclesiæ perpe-
tua doctrina, & constans Ecclesiæ Catholi-
cæ cultus: veniant nobis in mentem patefa-
ctiones diuinæ, quibus ipse DEVS suam
volun-

P R Æ F A T I O.

voluntatem hominibus patefecit, quando locutus est cum sanctis Patriarchis & Prophetis: quam suam voluntatem multis stupendis miraculis confirmavit, cum in veteri, tum in nouo testamento: aspiciamus dulcissimum cōsensum Moſis, Prophetarum, Christi, Apostolorum in doctrina & cultu: incitemur ad confessionem exemplo tot Martyrum, qui cum Abel protomartyre doctrinam cœlestem suo sanguine confirmarunt: abſtineamus à futilibus disputationibus, quibus vinculum pacis, quod est dilectio, soluitur, & magis piæ vitæ studeamus, quam argutis & inutilibus disputationibus, ex quibus quid mali ortum sit in Ecclesia, non sine magno dolore animi cogito. Etsi autem in his regnis est summa (sit Deo gratia) adhuc tranquillitas, & in omnibus Ecclesijs pius consensus: tamen pietas suadet, vt afficiamur eorum calamitate, qui hodie affliguntur propter quorundam intempestiuas rixas, quibus multorum principum, & aliorum animi vulnerantur. Verum cum his malis mederi non possumus, confugiamus ad illum, qui solus potest omnia. Orate igitur cum tota Ecclesia Christi æternum Deum Patrem Domini nostri Iesu Christi, vt sibi Ecclesiam in hac vita colligat, & in ea puritatem doctrinæ, & verum cultum conseruet; vt ipsum vere colamus, & in

in omni æterni
Ore, vt gub
rum nostrum
cum eius nom
sanctissimo in r
rum virtutum
solum iusticiæ
Princeps, verum
rumq; fautor &
tritus fidelissimu
ritu regat regni
& gubernatores
scholarum, & C
animum, gloria
honestatis dis
quillam & qui
omni pietate &
bus regni stab
dia coalescant, &
iores cogitent, i
Dei secum futur
bus obediant in
pi: vt ita dulci
hoc regno confi
viamus. Orate
gni. Orate, vt
primat, ac largia
flores in vera d
qui recta doce

P R Æ F A T I O.

in omni æternitate celebremus ac diligamus.
Orate, vt gubernet suo spiritu regem Domi-
num nostrum clementissimum D. Frideri-
cum eius nominis secundum, qui vt Patri
sanctissimo in regnum successit: ita paterna-
rum virtutum hæres existit verissimus: non
solum iusticiæ & æquitatis amantissimus
Princeps, verumetiam Ecclesiarum schola-
rumq; fautor & patronus optimus, imo nu-
tritius fidelissimus. Orate, vt Christus suo spi-
ritu regat regni Consiliarios & alios nobiles
& gubernatores Ecclesiarum, politicarum,
scholarum, & Oeconomiarum, addatq; ipsis
animum, gloriam Dei, veram doctrinam, &
honestatē disciplinæ conseruandi, vt tran-
quillam & quietam vitam degamus cum
omni pietate & honestate. Orate pro omni-
bus regni statibus, vt omnes dulci concor-
dia coalescant, & alij alios subleuent, vt ma-
iores cogitent, inferiores cohæredes regni
Dei secum futuros: vt inferiores superioribus
obediant in Domino, vt Paulus præci-
pit: vt ita dulcissima harmonia ordinum in
hoc regno constituta, pacifice & tranquille
viuamus. Orate aduersus hostes Regis & re-
gni. Orate, vt Christus impetus Satanæ re-
primat, ac largiatur Ecclesiæ Doctores & pa-
stores in vera doctrina & pietate concordēs,
qui recta docendo exemplo piæ vitæ glo-
riam

P R Æ F A T I O.

riam Dei illustrent: quo tandem plene omnes resecta facie gloriam Domini, vt in speculo conspicientes, in eandem imaginem transformentur à gloria in gloriam, sicut à Domini spiritu, Amen.

Iam reliquum est, vt nonnihil dicam de meo consilio, cur videlicet has in Euangelia Dominicalia enarrationes, ediderim in lucem. Ante quatuordecim annos priuatim domesticis meis discipulis dictaui quædam scholia in Euangelia Dominicalia, quo eorum studia hac mea opella nonnihil iuua-rem, nihil omnino cogitans de edendo. Sed quid sit? quæ paucis discipulis dictata erant multis communicantur: & dum animaduerti ista auidè à multis expeti, ea nonnihil ante sexennium auxi: Iam vero piorum quorundam pastorum preces me impulerunt, vt publicarem & in lucem emitterem. Quare cum hic labor totus destinatus sit pñs Euangelij ministris, mihi visum est sub nomine vestro, carissimi fratres, hunc meum laborem in lucem emittere. Quod si quis fructus ad vos inde peruenerit, Deo gratias agite, & me Deo vestris commendate precibus. Hoc vnum studiose curauì, vt doctrinam Catholicæ Ecclesiæ pure proponerem, quam & schola Vi-tebergensis ultra 40. annos & adhuc sincere tuetur, & præstantissimi viri huius Scholæ pro-

prelores: L
nas D. Petrus.
gis: D. Olau
im in Domine
nam liberatione
tradiderunt. In
nos, qui illis in
schola: & serio or
sensu viuamus &
bitamus, quin h
Ecclesiæ Dei, sic
Oro Deum Pat
fui, vt nos suo S
in ipso simus.
valere.

Ann

P R Æ F A T I O.

professores: D. Iohannes Maccabæus Alpi-
nas: D. Petrus Palladius: D. Iohannes Senin-
gius: D. Olaus Chrysostomus (qui omnes
iam in Domino quiescunt, expectantes ple-
nam liberationem per aduentum filij Dei)
tradiderunt. In hoc consensu persistimus &
nos, qui illis in officio successimus in hac
schola: & serio oramus Deum, vt in hoc con-
sensu viuamus & moriamur. Non enim du-
bitamus, quin hic sit consensus perpetuus
Ecclesiæ Dei, sicuti supra satis ostendimus.
Oro Deum Patrem Domini nostri Iesu Chri-
sti, vt nos suo Spiritu coniungat, vt vnum
in ipso simus. Bene & feliciter in Christo

valete. Hafniæ 30. Martij,

Anno à Christo nato

1561.


DOM
MA



lum, quod con
tis Alim all
ure & adducit
quid dixerit, d

DOMINICA PRIMA ADVENTVS

Matthæi 21.



CUM appropinquassent Hierosolymis, & venissent Bethphage ad montem Oliuarum, tunc Iesus misit duos discipulos, dicens eis: Ite in castellum, quod contra vos est, & statim inuenietis Asinam alligatam, & pullum cum ea, soluite & adducite mihi. Et si quis vobis aliquid dixerit, dicite: Dominus hiis opus habet, &

DOMINICA I.

bet, & confestim emittet eos. Hoc autem totum factum est, vt adimpleretur, quod dictum est per Prophetam dicentem: Dicite filiæ Sion: Ecce Rex tuus venit tibi mansuetus, sedens supra Asinum & pullum filium subiugalis. Euntes autem discipuli, fecerunt sicut præceperat illis IESVS. Et adduxerunt Asinam & pullum, & imposuerunt super illos vestimenta sua, & eum super illa collocarunt. Plurima autem turba strauerunt vestimenta sua in via: Alij verò cædebant ramos de arboribus, & sternebant in via. Porro, turbæ quæ præcedebant, & quæ sequebantur, clamabant dicentes: Hosanna Filio Dauid, benedictus qui venit in nomine DOMINI, Hosanna in altissimis.

ENARRATIO TEXTVS.

CVM hoc de Aduentu Domini festum sit omnium primum ordine, quod in Ecclesia celebratur, operæ precium est, ut admoneamur, quæ in singulis festis spectanda sint, ne aut cum impio & prophano mundo eis in contumeliam Dei abutamur, aut minus piè, quam par est, eadem celebremus non sine multorum scandalo. Sunt autem in uniuersum tria in singulis festis considerata: Historia, quæ festi fundamentum est: beneficium, cuius Historia meminit: & festi uerus legitimusq; usus. Vt enim historia mentem erudit: ita beneficium Dei, cuius memoriam, confirmat Historia, fide

ADVENTVS.

dem alit & confirmat: ex qua fide gratitudo manat, quæ Deum pro accepto beneficio celebrat mente, uoce, confessione, & moribus: in qua gratitudine uerus festi usus conspicitur.

Hæc tria omnibus festis accommodanda sunt. Quare cum hoc festum sit institutum de Aduentu Domini, Historia Auentus, quæ ad conceptionem, natiuitatem, doctrinam & facta Christi, præcipuos articulos nostri Symboli, pertinet, discenda est, beneficium Dei, quod est per Sacrificium expiatorium saluare perditam ouem, & recolendum: illa mens erudienda, hoc fides alenda & confirmanda est, ut inde mentis gratitudo nascatur, qua Deum, qui filium dare dignatus est, mente, uoce, confessione & moribus celebremus. Porro ut nobis præsens festum reddatur cum in Dei gloriam, tum in nostræ instructionem utilius, tres locos ordine tractabo, qui sunt:

- I. De Aduentu Domini.
- II. Descriptio Regis Christi & eius Regni.
- III. De ciuibus huius Regis, eorum officio, atq; adeo de uero usu & salutaris meditatione Auentus Domini.

DE PRIMO.

Quò magis & certius erudiamur in Dei laudem, & nostri salutarem instructionem de Auentu Domini nostri Iesu Christi, Sex circumstantias cum diuo Bernardo pensandas in eo præponamus,

A 2 quæ

4 DOMINICA I.

quæ sunt : Quis sit qui ueniat : Vnde:quo: ad quid: quando : & quâ.

I. Venit secundum Gabrielis testimonium altissimi Filii, æqualis altissimo patri in uera dignitate. Hinc discamus quanta sit eius Maiestas, dignitas & potentia. Venit Semen mulieris, uerus homo de semine Abraham & Dauid, iuxta oracula Prophetarum, & testimonia Apostolorum: in uero Patre in uera humanitate. Ex quo discamus, qua naturæ societate nobis coniunctus sit: ut ad eum accedere non pertimescamus. Venit ergo Christus, qui idem Deus est uerus, & homo uerus, una persona in duabus naturis subsistens, qui & potest saluare, quia Deus: & uult, quia naturam nostram assumpsit, ut pro nobis uictima fieret.

II. Vnde uenit? coelo uenit, è sinu Patris uenit, qui omnia implet, & ubiq; inuisibiliter adest: uenit & in utero uirginis, conceptus Spiritus sancti opera, nutritur sanguine uirginis, nascitur, educatur, circumciditur &c.

III. Quo uenit? in mundum uenit, qui per ipsum factus est, in propria uenit, & sui eum non receperunt, uenit in inferiores partes terræ. Atq; hoc est sine controuersia magnum illud mysterium, de quo Apostolus 1. Tim. 3. Deus manifestatus est in carne, iustificatus est in spiritu, conspectus est ab Angelis, prædicatus à gentibus, fides illi habitata est in mundo, sursum receptus in gloriam.

IIII. Ad quid uenit? Causas Aduentus Domini in mun-

inmundum, &
ocula Prophe-
uenientis Domi-
tur præconia: a
tur Ecclia.

Vix Dei ad-

lioni coneret ca-

ens ait: Christus

boli, Huius uocis

idem Deus incul-

dicens: In semine

Ex his ergo intei-

rit Christus: Pr-

Alterum, ut be-

Abraha, hoc est

etperit, sicuti a

& totam poster-

mancipasset, ac in-

ieciisset, requireb-

pernas lucremus,

humano iusticia-

rentia potuit. Dita-

placare, prodire i-

in mundum, sic b-

destruit regnum

que pro nobis u-

Hoc ipsum u-

trum, agna ph-

super populum

in mundum, uox Dei prænunciat: Typi figurant: oracula Prophetarum clamant: uerba & facta aduenientis Domini comprobant: Apostolica testantur præconia: ac omnium sanctorum laeta confitentur Ecclesia.

Vox Dei ad Serpentem fuit, Gen. 1. Semen mulieris conteret caput tuum, quod Apostolus explicans ait: Christus apparuit, ut destruat opera Diaboli. Huius uocis sententiam sæpe sanctis patribus idem Deus inculcavit, & potissimum Abrahamo dicens: In semine tuo benedicentur omnes gentes. Ex his ergo intelligitur, quod propter duo aduenit Christus: Primum, ut destrueret opera Diaboli. Alterum, ut benedictionem adduceret super filios Abrahamæ, hoc est, super omnes, qui Christum fide receperint, sicuti Abraham fecit. Nam cum Adam se, & totam posteritatem, suo lapsu regno Satanae mancipasset, ac in maledictionem commertam coniecisset, requirebat iusticia Dei, ut aut commertas pœnas lucremus, aut satisfaceret aliquis in genere humano iusticiæ Dei: uerum cum nulla finita potentia potuit Diabolum superare, & Deum iratum placare, prodijt filius Dei de arcana sua sede, uenit in mundum, fit homo, nostram causam in se recipit, destruit regnum Diaboli, ac iram Patris placat, factus pro nobis uictima & sacerdos.

Hoc ipsum multi figurant typi: ut sacrificia patrum, agnus phase, aspersio sanguinis uaccæ rufæ super populum, atq; adeo Arca fœderis, totum

A 3 sacri-

Sacrificium Aaronicum cum omnibus suis ritibus
& ceremonijs.

Oracula Prophetarum innumera has ipsas causas Aduentus Domini consentientibus suffragijs clamant: ut Esaie 53. Verè languores nostros tulit, & dolores nostros portauit, ipse uulneratus est propter prauaricationes nostras, & attritus est propter iniquitates nostras. Dominus coniecit in illum iniquitates omnium nostrum. Huiusmodi sunt plurima testimonia Prophetarum, quæ breuitatis causa omitto.

Verba & facta Christi aduenientis idem comprobant: Venite, inquit, ad me omnes, qui laboratis & onerati estis, & ego uos refocillabo. Item: Qui credit in me non peribit, Sed uitam eternam habebit. Item: Pro ijs sanctifico me ipsum, hoc est, me hostiam Deo Patri offero pro ipsorum peccatis expiandis: quod non solum multa miracula, quæ fecit, quibusq; opera Diaboli destruxit, conuincunt, uerumetiam mors ipsa, & eam secuta gloriosa uictoria.

Apostolica testimonia quis potest numerare? Paulus dixit: Mortuus est pro peccatis nostris, & resurrexit propter iustificationem nostri. Idem scribit: Eum qui non nouit peccatum fecit peccatum, ut nos fieremus iusticia Dei in ipso. Iohannes Baptista clamat: Ecce agnus Dei qui tollit peccata mundi. Iohannes Apostolus: Iesus Christus purgat nos ab omni iniquitate nostra. Idem summam benefici-

neficientium Christi complectens, scribit: Christus apparuit, ut destruat opera Diaboli.

Deniq; uniuersa Christi Ecclesia has ipsas Aduentus Christi causas lata per Spiritum Christi confitetur, ita canens: Tu ad liberandum suscepturus hominem, non horruisti uirginis uterum. Tu deuicto mortis aculeo, aperuisti credentibus regna coelorum &c.

Verum si de tempore quæris, respondet Apostolus Paulus: Postquam uenit plenitudo temporis, emisit Deus filium suum natum ex muliere, factum sub Lege, ut eos qui erant legi subnoxij redimeret, ut adoptionem filiorum reciperemus. Venit ergo nec serius, nec tardius quam uenire debuit. De hoc aduentus Domini tempore prædixerunt Prophetae, Iacob, & Daniel: de qua re plura dicenda erunt die natiuitatis Domini.

Vnum restat, uia uidelicet per quam uenit: & hæc quoq; diligenter requirenda, ut possimus recte ei occurrere. Sicut itaq; ad operandam salutem nostram uenit semel in carne uisibilis: ita quotidie ad saluandas animas singulorum ubicunq; eius uerbum cogitatur, legitur, prædicatur, in spiritu uenit, & inuisibilis: imo illic semper adest, iuxta promissionem: Ero uobiscum usq; ad consummationem seculi. Atq; tum rursus apparebit uisibilis iudex uiuorum & mortuorum, ut qui ipsum antea aspernabantur medicum & saluatorem, tum sentiant iudicem, & suorum scelerum uindicem.

iustissimum: de quo aduentu proxima die Domini-
ca plura audiemus. Atq; hoc pacto de Aduentu Do-
mini breuiter dictum sit.

DE SECVNDO.

Secundus locus, quem continet textus Euange-
lij, habet descriptionem Regis Christi, atq; eius re-
gni: quæ descriptio confirmatur Zachariæ testimo-
nio, quod adducit Euangelista, ut sciamus hanc pom-
pam non temere institutam: Sed ex uoluntate Dei
& consilio arcano Trinitatis longe antea prænun-
ciatam fuisse. Multa enim hæc pompa nos docet de
conditionibus regis Christi, & eius regni. PRIM-
VM enim hæc Christi pompa equitantis in Ie-
rusalem, discrimen facit inter Christum regem, &
mundi reges, eorumq; diuersa regna. Satis enim
arguit hæc contenta pompa, quod Christus nec
mundanus Rex sit, nec regni eius administratio sit
mundana: Nam Reges mundi, ut à suis magnifici
æstimentur, splendide ornantur: ita regnorum mun-
danorum administratio splendorem & magnificum
requirit apparatus. SECVNDO docet hæc
historia, quod sub hac uili pompa lateat omnipo-
tentia & diuinitas quædam. Nam cum ait, Soluite
& adducite mihi. Item: Dominus his opus habet.
Item: Confestim dimittet eos, significat Christus
Rex noster, se diuina sua uirtute omnia, quæ uult,
efficere posse: atq; adeo hominum corda & uolun-
tates in sua habere manu.

Et si igitur regnum Christi in hoc mundo ap-
paret

paret contentis
diuinitatem resp
tius, nihil deniq;

Porro uacuum

nam exhortatio

& placet confiteri

filia. Hinc de

sternatos, planeq;

gium. Deinde o

tum Dei, ut hinc

admodum secunda

ait: Oculumini

naticinium deser

rum quod sit Rex

tus uenit: ac si

su Rex, de quo tu

regnum Dei, que

perdidit. Hanc

dicit, ut eum non

remam: Sed poti

petamus; ab eo

eum pauperem e

conditionem refert

uoluit, ut nos sp

bet.

D

Hinc Regis

Christi, & turb

debemus, modo

paret contemptibile : Tamen si Regis potentiam & diuinitatem respicis, nihil eo augustius, nihil potentius, nihil deniq; gloriosius.

Porro uaticinium Prophetæ tria continet, primum exhortationem ad Ecclesiam iam deiectam & plane consternatam : Latere, inquit, & exulta filia Sion. Hinc docemur, quod ad deiectos & consternatos, planeq; contritos spiritu pertineat Euangelium. Deinde continet hoc uaticinium mandatum Dei, ut huic regi homagium præstemus, quem admodum secundus quoq; Psalmus hortatur, cum ait : Osculamini filium. TERTIO, continet hoc uaticinium descriptionem personæ Christi, nimirum quod sit Rex Ecclesiæ promissus : Ecce ait, Rex tuus uenit : ac si diceret, hic est tandem ille promissus Rex, de quo tot extant testimonia, qui restituet regnum Dei, quod Diabolus inuasit, ac peccato perdidit. Hunc regem mansuetum, & mitem esse dicit, ut eum non fugiamus tanquam crudelem tyrannum : Sed potius plena cum fiducia accedamus, petamusq; ab eo promissam salutem. Quod autem eum pauperem esse prædicat, id ad præsentis uitæ conditionem referendum est : Quia ideo pauper esse uoluit, ut nos spiritu pauperes daret, & æternum beet.

DE TERTIO.

Huius Regis ciues sub persona discipulorum Christi, & turbæ describuntur, quos nos imitari debemus, modo inter ciues regni Christi censeri

A 5 ueli-

uelimus. Primum itaq; cum discipulis Christo adducamus Asinum: hoc est, nos, quibus ministerium uerbi demandatum est, omnia, quæ nobis præcepta sunt, in gloriam Christi & eius regni propagationem faciemus. Deinde uestimenta nostra sternemus super Asinam: id quod tum demum faciemus, quando facultates nostras ad conseruationem ministerij conferemus. Ramos quoq; cademus de arboribus, et obijciemus Christo: hoc est, Christum prædicabimus, & agnoscemus perpetuum Regem: cuius regnum perpetuo instar palmæ florere optabimus, ut nullis operibus ærumnarum huius mundi succumbat. Clamabimus Hosanna: hoc est, ex fide inuocabimus, & confitebimur hunc Regem, certi quod eius Regnum sit benedictum in excelsis.

Hinc iam breuiter colligamus, quis sit uerus usus, & salutaris meditatio huius festi de salutari CHRISTI Aduentu. Primum itaq; studeamus, ut hic Rex ad nos ueniat: Quomodo hoc fit? Vera pœnitentia accersitur, sola fide retinetur, puro cultu delectatur. Deinde admoneamur gratitudinis, ut ipsum mente, uoce, confessione, & moribus celebremus: qui nostra caussa ad nos uenit: qui factus homo dedit seipsum pro peccatis nostris, ut eriperet nos de presenti seculo malo, iuxta uolun-

tatem Dei & Patris nostri: Cui gloria

in secula seculorum,

AMEN.

DOMI


DOMI
DA A



Run signa
in terris am
tionem, resonat
ibus hominib
ne eorum, que
Nam virtutes
tum videtur
in nube cum p
autem fieri in
huc capita vesti

DOMINICA SECVNDA

ADVENTVS, EVANGELIUM Lucae 21.



ERunt signa in Sole & Luna & Stellis, & in terris anxietas gentium per desperationem, resonante mari, & fluctu, extabescen-
tibus hominibus præ timore & expectatio-
ne eorum, quæ superuenient orbi terrarum.
Nam virtutes cœlorum mouebuntur. Et
tum videbunt Filium hominis venientem
in nube cum potestate & gloria magna His
autem fieri incipientibus, suspicite & attol-
lite capita vestra, quoniam appropinquat
redem-

redemptio vestra. Et dicit eis similitudinem: Videte ficum & omnes arbores, cum protrudunt iam gemmas, cernentes, ex vobis ipsis scitis, quod iam instet æstas. Ita & vos, cum videritis hæc fieri, scitote, quod instet regnum Dei. Amen dico vobis, non præteribit ætas hæc, antequam omnia facta fuerint. Cælum & terra transibunt, verba autem mea non transibunt. Cauete autem vobis, ne quando grauentur corda vestra crapula & ebrietate, & curis huius vitæ, & superueniat in vos repentina dies illa, tanquã laqueus enim superueniet in omnes, qui sedent super faciem omnis terræ. Vigilate ergo omni tempore orantes, vt digni habeamini fugere ista omnia, quæ futura sunt, & stare ante Filium hominis.

ENARRATIO TEXTVS.

Quemadmodum proximo die Dominico Ecclesia memoriam Aduentus Christi in carne recoluit: Ita hæc Euangelica lectio de Secundo ipsius aduentu tractat, & pertinet ad Articulum fidei nostræ, quo mente & ore confitemur, eundem Dominum, qui prius uenit, ut esset Mediator & Saluator in se credentium, uenturum ad iudicandum uiuos & mortuos: ut illi, qui Christum in hac uita receperunt, & Saluatorem agnouerunt, æterna donentur uita resuscitatis corporibus: & qui eum spreuerunt, indulgentes suis affectibus in contumace

tumeliam Dei, dignis cruciatibus afficiantur æternum. Constituantur autem huius Euangelicæ lectionis tres loci.

- I. De Aduentu Christi ad iudicium.
- II. Vfus & fructus præmonitionis de eodem Aduentu.
- III. Exhortatio Christi ad discipulos, ut sint parati sine impedimentis.

DE PRIMO.

Occasionem huic concioni de Aduentu Christi ad iudicium, præbuit colloquium Christi & discipulorum eius de templo Hierosolymitano. Nam cum admirarentur discipuli ornatum templi, ipse Dominus respondit fore, ut ita uastaretur aliquando, ne relinqueretur lapis super lapidem. Hoc audientes discipuli, interrogant de tempore. Quibus respondens, signa quæ præcederent excidium Hierosolymitanum exposuit, illos confirmans, ne animum desponderent propter imminencia mala: hinc occasione sumpta transit ad uniuersale, & supremum iudicium, & quæ signa illud sint præcessura enumerat.

Verum quò omnia nobis fiant illustriora, primum circumstantias quinq; quas textus complectitur, examinabimus. Deinde ipsum iudicium ex scripturis describemus.

Circumstantiarum itaq; prima est temporis. Tempus enim monstrat à signis, & comparatione confirmat. Sunt autem plura signorum genera, quæ
Aduen-

Aduentus DOMINI ad iudicium præcedunt.

PRIMUM in Sole & Luna & stellis conspicitur, quod quale sit futurum Marc. 13. cap. his uerbis explicat: Sol obtenebrabitur, hoc est, erunt frequentes Solis eclipses: & Luna non dabit splendorem suum, dum uidelicet patitur eclipsin: & stellæ cælo decident, hoc est, uidebuntur decidere. Huius generis signa præterijisse quam plurima hæc nostra testatur ætas. Nunquam enim tot contingere uel Solis uel Lunæ eclipses.

SECUNDUM signum imminentis iudicii, est anxietas gentium præ desperatione, hoc est, ut Matthæus & Marcus interpretantur: Insurget gens contra gentem, & regnum contra regnum, nec erit locus tutus à bellis. An non huius generis signis plenum esse mundum, testatur hic dies?

TERTIUM generis signa sunt maris, fluctuum, Aeris, tempestatum, horrendorum tumultuum, & inusitatorum quorundam & uehementium uentorum. An non & huius generis signa nostra ætas uidit quam plurima?

QUARTUM genus signorum ex secundo & tertio manat, quod est extabescencia præ timore & expectatione eorum, quæ superuenient orbi terrarum.

QUINTUM genus: uirtutes cælorum mouebuntur, hoc est, erunt inusitati aspectus in cælo, & in terris, terræmotus. Breuiter, Cælum & terra irati iudicis faciem quodammodo referent, ut

ut peccatores istis iræ Dei signis moti, agant pœnitentiam, & conuertantur ad Dominum.

Hæc signa in hunc modum ad extremum iudicium applicat Dominus: Videte ficum & omnes arbores, cum iam emiserint folia, uos eas cernentes, ex uobis ipsis cognoscitis, quod iam prope sit æstas: Ita & uos, cum uideritis hæc fieri, agnoscite, quod prope sit regnum Dei. Nam hæc signa è creaturis omnibus, quæ sursum ac deorsum feruntur, erunt ueluti præcones, quorum uoce citabuntur homines ad horribile illud tribunal, qui hic in mundo lasciuiantes suam ipsorum salutem neglexerunt, & ueluti ebrij Christum salutis autorem contemserunt.

Præter hæc quintuplicia signa, quorum textus meminit, sunt & alia Matth. 24. Marc. 13. 2. Thess. 2. Dan. 2. & 7. Apol. 17. quæ omnia sunt ueluti quædam aspectabiles conciones de pœnitentia, quibus Deus inuitat homines, ut confugiant ad filium suum Doximum nostrum Iesum Christum, in quo solo salus est.

SECUNDA circumstantia est, quod, is, qui est filius Dei & hominis, Iesus Christus, sit futurus iudex: Vnde pij & impij habent quod discant. Pij quidem, ut sciant illum futurum iudicem, qui omnibus in se credentibus uitam æternam promiserat addito iureiurando: Amen dico uobis, Omnis qui credit in me non pereat, sed habeat uitam æternam. Hæc promissio iuramento confirmata nequaquam

quaquam fallere potest. Impij uero, ut uel agant pœnitentiam, relicta impiorum colluie, & ita de salute per Christum parta gaudeant, uel meminerint, hunc quem renuerunt saluatorem, adiudicaturum ipsos æternis cruciatibus, ut tum demum cum suo magno malo discant, quàm sit horrendum in manus Dei uiuentis incidere.

TERTIA circumstantia est, quod sit uenturus in nube gloriosus & tremendus, non seruus, ut antea, sed Dominus: non iudicandus, sed iudicaturus: non iam inuitaturus homines ad pœnitentiam, sed impœnitenes æternis pœnis puniturus: idq; ut iudex iustus.

QUARTA circumstantia, quod sit uenturus potens, cum potestate & gloria magna, unde descendum, quod & possit damnare rebelles, & ualeat æterna uita donare credentes.

QUINTA circumstantia, causam Aduentus Christi ad iudicium (quantum quidem ad pios attinet) exprimit: Appropinquat redemptio uestra, qua uoce Christus indicat, non fore, ut Ecclesia bene in hoc mundo sit habitura, non enim potest antea à natiuitate huius mundi liberari: Ita significat complementum beneficiorum Christi erga Ecclesiam, esse plenam redemptionem ab omnibus malis: cum qua coniuncta est perfecta fruitio æterni Dei cum æterna letitia. Hæc ergo pertinent ad piorum consolationem. Verum, quantum ad impios attinet, iste dies Aduentus Domini erit dies iræ & calami-

calamitatis, non liberationis: caliginis & tenebrarum, non lucis: mœroris, non lætitiæ: exitij, non salutis.

Cæterum iudicij forma, Matth. 25. his uerbis describitur: Cum autem uenerit filius hominis in Maiestate sua, & omnes Angeli cum eo: tunc sedebit super sedem Maiestatis, & congregabuntur apud eum omnes gentes, & separabit eas ab inuicem, sicut Pastor segregat oues ab hædis, & statuet oues quidem à dextris suis, hædos autem à sinistris. Tunc dicet Rex ijs, qui à dextris erunt: Venite benedicti Patris mei, & possidete regnum uobis paratum à constitutione mundi. Esuriui enim, & dedistis mihi manducare, &c. & ijs, qui à sinistris erunt, dicet: Discedite à me maledicti in ignem æternum, qui paratus est Diabolo & Angelis eius. Esuriui enim, & non dedistis mihi manducare &c. Atq; ita impij ibunt in supplicium sempiternum: iusti uero in uitam æternam. Et in Apocal. 20. Sedebit super thronum magnum candidum, à cuius conspectu fugit terra & cœlum, & mortui magni & pusilli stabunt in conspectu throni: & tunc aperietur liber uite, & libri conscientiarum, & iudicabuntur ex his, quæ scripta sunt in libris, secundum opera ipsorum: qui bona egerunt, ibunt in uitam æternam: qui uero mala, in ignem æternum.

Porro in sententia Iudicij duo spectanda sunt:
A parte Dei, benedictio: à parte hominum, bona
B opera,

opera. Cum dicit: Venite benedicti patris mei, significat eos gratis saluari propter Christum, quem fide receperunt. Nam in solo Christo benedicuntur homines, in gratiam Dei recipiuntur, & gratis iustificantur. Verum cum ad bona opera prouocat, id facit Dominus, non quod sint causse salutis: sed propter alias causas, nempe, quia sunt testimonia ueræ fidei & timoris Dei. Deinde, ut compensatione ærumnarum, quas ferunt in hac uita, proposita, magis eos ad piæ sanctæq; uiuendum excitet.

DE SECVNDO.

Cur Christus præmonuerit suos de suo ad iudicium Aduentu, explicat, cum ait: Cum hæc fieri incipient, suspicite, & attollite capita uestra. Hæc omnia signa admonebunt nos perpetuæ cuiusdam pœnitentiæ in hac uita: sed quid nos facimus? Videmus ceruicibus nostris imminere diem extremum, nihilominus pœnitentiam differimus, indulgemus nostris affectibus: Quid faciunt nobiles? quid principes? quid docti? quid indocti? quid ciues? quid rustici? quid deniq; fere omnes? Quis seriò de hac Christi præmonitione cogitat? pluris facimus prædium rusticanum, quàm Regnum Dei: imò quis non huius uitæ commoda uel perexigua anteposit saluti animæ?

DE TERTIO.

Quia Christus præuidit, quibus malis mundus esset inmundaturus sub sui Auentus tempus, exhortatio

rationem instituit : ut cum uident, quæ tum maximam mundi partem, à salute promissa excludunt : tum se strenuos præbeant milites, qui uigilijs & precationibus pugnent contra hunc mundum, sub uexillis unius Iesu Christi. Quò autem ad utrumq; sint paratiores, interponit rationes : nam & diem istum repentè superuenturum ait, & isto pacto eos omnia euasuros mala, & constituendos coram Dei Filio pronunciat.

Ait ergo : Attendite uobis ipsis, ne quando grauentur corda uestra crapula & ebrietate, & curis huius mundi. Hæc sunt ergo uitanda, crapula, ebrietas, & cura huius mundi, impia scilicet, & prophana, quæ fidem Christi extinguunt. His malis cum omnes mundi ordines implicari & inuolui manifestissimum sit, eò magis hæc Christi exhortatio in conspectu nobis esse debet : ne mundi malis moribus decepti pereamus.

Deinde, cum subiungit Dominus : Vigilate omni tempore deprecantes, docet quibus rebus occupari eos oporteat, qui superuentura mala cupiunt effugere. Requirit in summa fugam malorum, & ardens bonorum studium : utrumq; coniungit Apostolus ad Titum scribens : Abnegantes omnem impietatem, & mundanas concupiscentias, sobrie, iuste, & piè uiuamus in hoc seculo, expectantes beatam spem, & aduentum gloriæ magni Dei, Cui sit laus, imperium, & gloria in secula seculorum, Amen.

DOMINICA TERTIA

ADVENTVS, EVANGE-

lium Matthæi 11.



Iohannes autem cū audisset in carcere
facta Christi, missis duobus discipulis suis,
dixit illi: Tu es ille qui venturus est, an alte-
rum expectamus? Et respondens Iesus dixit
illis: Ite & renunciate Iohanni ea, quæ audi-
tis, & videtis: Cæci visum recipiunt, & clau-
di ambulant, leprosi mundantur, & surdi au-
diunt, mortui excitantur, & pauperes letum
accipiunt Euangelij nuncium: Et beatus est
quisquis nō fuerit offensus in me. Euntibus
autem

autem illis, c
hane: Quid
tis? Num aru
Age, quid exi
nem mollibus
mollia gestant,
quid exultis vid
te dico vobis, S
Hic est enim, de
mitro nuncium
qui praparat

ENAR

HOC Eue
Christi, ill
ribus, quantum
que in oculos im
nam nū respici
num & gloriosiss
cuius externa spec
tur: Unde monem
cruce sit confitue
tiones, sed ad Chr
inter pauperes, et
illi cunctis & re
quod mundi pote
tennant. Breuiter
Christi depingit
rum, & Christum

autem illis, cœpit Iesus dicere turbæ de Iohanne: Quid existis in desertum vt videretis? Num arundinem, quæ agitur à vento? Age, quid existis vt videretis? num hominem mollibus vestibus amictum? Ecce qui mollia gestant, in domibus regum sunt. Ad quid existis videre? num Prophetam? Certe dico vobis, & excellentiorem Prophetam. Hic est enim, de quo scriptum est: Ecce ego mitto nuncium meum ante faciem tuam, qui præparaturus est viam tuam ante te.

ENARRATIO TEXTVS.

HOC Euangelium describit nobis Regnum Christi, illudq; depingit proprijs suis coloribus, quantum scilicet ad externam eius formam, quæ in oculos incurrit, attinet. Nam si eius arcanam vim respicis fidei oculis, est longè splendidissimum & gloriosissimum: Hic itaq; solummodo de eius externa specie agitur, Præcursor incarceration: Vnde monemur, quòd Christi Regnum sub cruce sit constitutum: mittuntur discipuli dubitantes, sed ad Christum solum: Christus Rex ipse inter pauperes, cœcos, surdos, leprosos uersatur: Illi curantur & recipiunt letum salutis nuncium, quod mundi potentes, nobiles, & sapientes contemnunt. Breuiter, ut hoc Euangelium Regnum Christi depingit: ita confirmat Iohannis ministerium, & Christum uerum esse Messiam promissum

B 5

patria

patribus certis indicijs euincit. Verum uberioris doctrinae causa praesens Euangelium in quatuor locos distribuatur: Qui sunt:

- I. Et sors, & officium ministrorum uerbi indicatur.
- II. Interrogatio Iohannis.
- III. Responsio Christi.
- IIII. Encomium & laudatio Iohannis.

DE PRIMO.

Iohannes autem, cum audisset in uinculis opera Christi, ad ipsum mitrit duos de discipulis suis. Iohannes uinculis constrictus sortem ministrorum uerbi exemplo suo docet: Et idem, discipulos suos ad Christum mittens, uerum officium ministrorum uerbi ostendit. De utroque igitur ordine dicam, ac primum de sorte eorum in hac uita.

Iohannes hortatur homines ad poenitentiam, & accusat scelera: Sed quid illi euenit? Hoc docet Historia, Matth. 14. Illic enim narratur, quod, cum Iohannes reprehendisset Herodem, ac dixisset, non licere ipsi habere uxorem fratris sui, coniectus sit in carcerem, ac tandem supplicio capitis affectus. Istud premium retulit sanctus Baptista ab impio Tyranno. Nam quemadmodum Medicus, si furiosi hominis uulnus attingit, illudque curare conatur, non aliud expectare potest, quam ut furiosus in se manus conuertat, ac malum pro bono reddat: Ad eundem modum minister uerbi, si hominis impij & potissi-

potissimum ty
dignat per
genus aliud ex
tem. Quam au
ni exemplum d
historia, cum a
tot martyres el
es, hinc Aposto
tio, Petri crucifi
plicia, qua nos
rum ministrorum
quam Christus
que est uia ad
Christum Iesu
Quare non
persecutionem
emplo incitat,
potissimum sit
Christum, & m
mundi. Deinde
Spiritus sancti,
guit, sicut in Io
sua uita minist
mundi cum Ioha
da potius quoniam
satores esse uide
cerem uita, &
um rite praest
Christum & mi

potissimum tyranni alicuius peccatum reprehendit, ut agat poenitentiam, & sanetur à peccati plaga, non aliud expectet, quam minas, maledicta, mortem. Quam autem uerum hoc sit, non solum Iohannis exemplum docet: uerumetiam totius Ecclesie historia, cum ueteris, tum noui testamenti. Hinc tot martyres clarent, hinc tot Prophetarum necesse, hinc Apostolorum persecutio, Pauli trucidatio, Petri crucifixio: & alia atq; alia aliorum supplicia, quæ nos commones faciunt de sorte sanctorum ministrorum in hac uita. Sed felix est Crux, quam Christus præclaram pronunciat: Beata crux, quæ est uia ad ueram & diuturnam uictoriam per Christum Iesum.

Quare non debent ministri Euangelij propter persecutionem cessare in officio: sed Iohannis exemplo incitati, strenue facere officium, quod in his potissimum situm est. PRIMVM, ut prædicent Christum, & monstrent agnum tollentem peccata mundi. Deinde arguant peccata. Sunt enim organa Spiritus sancti, qui mundum per ipsos peccati arguit, sicut in Iohanne uidemus. 3. Pia, sancta q; sua uita ministerium suum ornent. 4. Minas mundi cum Iohanne contemnant, parati ad ferenda potius quæuis supplicia, quam ut in officio cessatores esse uideantur. 5. Si contigerit eis in carcerem mitti, & rapti ad supplicia propter officium rite præstitum, quid hic facient? negabunt Christum? Minime. Sed ad Christum discipulos

B 4 mittent

mittent, non metuentes eos, qui corpus occidere tantum possunt: sed potius eum, qui ut perdere corpus & animam: ita saluare utrumq; potest. Hæc sint breuiter de primo loco dicta.

DE SECVNDO.

Tu es ille qui venturus est, an alium expectamus? Huic legationi, & interrogationi occasionem præbuit error discipulorum Iohannis de Messia: Illi enim partim externa facie Christi offensi (sicut apparet ex responsione Domini) partim amore Magistri decepti, existimabant Ioannem Messiam esse. Hunc errorem ut adimat discipulis suis Ioannes, mittit eos ad Christum, ut interrogent illum, sit ne ipse Messias, an alius adhuc sit expectandus, utq; isto pacto, dictis & factis Christi plenius erudirentur de Christo, quod ipse sit uerus Messias, & non Iohannes. Non ergo mittit Iohannes discipulos suos ad Christum, quod dubitet ipse de Christo: Sed, ut dubitantium discipulorum saluti consulat. Discamus igitur nos à Iohanne humiliter de nobis sentire, ne quid nobis arroganter tribuamus: discamus à discipulis, obedientiam præstare superioribus nostris, & potissimum ijs, qui nos recte ad Christum uoce & uita mittunt.

DE TERTIO.

Sed quid respondet Christus? Euntes renunciate Iohanni, quæ auditis & uidetis, Cæci vident, claudi ambulant, leprosi mundantur, surdi audiunt, mortui resurgunt, pauperes
Euana

Euangelizantur, & beatus est, qui non fuerit scandalizatus in me.

Hoc responsum quatuor continet: signa indubitato monstrantia uerum Messiam: imaginem Ecclesie in hac uita: ad quos Euangelium pertinet: et admonitionem, ne quis offendatur externa facie Christi, atq; eius Ecclesie.

Probatio, quod ipse Iesus sit uerus Messias, hæc est. Quicumq; sua uirtute cæcis uisum præbet, claudis recte incedendi facultatem, leprosis sanationem, surdis auditum, mortuis uitam, & pauperibus, hoc est, contritis & anxijs conscientijs propter sensum peccati, annunciat Euangelium, is absq; omni dubio uerus est Messias. Nam Esaias ita de Messia uaticinatur: Pusillanimes confortamini, nolite timere, ecce Deus uester ultionem adducet retributionis. Deus ipse ueniet, & saluabit uos. Vnde illum cognoscamus? Respondet Propheta: Tunc aperientur oculi cæcorum: & aures surdorum patebunt: & saliet, ueluti ceruus, claudus: & apertæ erunt lingue multorum. Idem: Spiritus Domini super me, eo quod unxit me ad Euangelizandum pauperibus, ut mederer contritis corde, & prædicarem captiuis libertatem, & clausis apertionem. Cum igitur me uidetis, iuxta Prophetarum uaticinia ista præstare mea uirtute, cur me non agnoscitis Messiam? Atq; ita Christus hac demonstratione se uerum Messiam esse conuincit, & suum officium esse docet, miseris & afflictis opem ferre.

Imago præterea Ecclesie, & Regni Christi hic conspicitur contempta coram mundo: auditores Christi sunt pauperes, egroti & contempti coram mundo. His Christus annunciat salutis uiam, & medetur illorum morbis. Et quemadmodum tum sanabat corporum morbos: ita hodie peccatorum conscientias peccato uulneratas sanat, & affert læticiam cordibus spiritualement: id quod uere sentiunt, qui in uera inuocatione uocem Euangelij audiunt.

Cum dicit, Pauperes Euangelizantur, ostendit, ad quosnam pertineat Euangelium: nimirum ad pauperes, hoc est, contritos corde ob peccatorum suorum scditatem. Vnde in Psalmo: Sacrificium Deo spiritus contribulatus, cor contritum & humiliatum Deus non despicies. Item alius Psalmus: Qui sanat contritos corde. Et Esaias 57. Deus habitat cum contrito & humili spiritu, ut uiuificet spiritum humilium, & uiuificet cor contritorum. Ad eos igitur solos pertinet Euangelium, qui sentiunt sua peccata, dolent & expauescunt iudicium Dei, & abijciunt propositum peccandi. Est proinde Euangelium leta annuntiatio de remissione peccatorum, & consolatio in corde per uerbum & Spiritum sanctum, quæ ad illos solos pertinet, qui agunt poenitentiam & credunt Euangelio, accipiunt remissionem peccatorum, donantur iusticia Christi, qua illis imputata, tanquam iusti apparent in conspectu Dei, donantur Spiritu sancto, & iam noua creatura in Christo effecti, incipiunt

punt Deo ex
ut in omni cog
lippi.

Admonitio I.

sentus non fue

discipulos offenso

de in genere mon

Christi offendant.

lium, uel receptum

ti omnibus tempo

tate adeo offensa

noluerit doctrin

quit, ciuitati u

bis Hierosolym

religio sacra

tate nouis no

nunc uero hoc in

rio nostro sentit

immortalibus eff

cta, &c.

Hec quat

Splendorem, gr

rum, & domum

qua laris suar

gemmas pusil

pastoris Christi

cum Noa & pa

luuij periculo

rentissima per

piunt Deo ex fide obedire, & quotidie satagunt,
ut in omni cognitione & sensu abundant, Phi-
lippen. 1.

Admonitio Domini: Beatus qui in me of-
fensus non fuerit, primum significat, Iohannis
discipulos offensos fuisse in persona Christi. Dein-
de in genere monet omnes, ne externa facie regni
Christi offendantur: ut uel non recipiant Euange-
lium, uel receptum reiiciant, quemadmodum mul-
ti omnibus temporibus offenduntur. Cicero sua æ-
tate adeo offensus est seruitute populi Dei, quod
noluerit doctrinam Ecclesiæ recipere. Sua cuiq; in-
quit, ciuitati religio Læli est, nostra nobis: stanti-
bus Hierosolymis peccatisq; Iudæis: tamen istorum
religio sacrorum, à splendore huius imperij, graui-
tate nominis nostri, maiorum institutis abhorrebat:
nunc uero hoc magis, quod illa gens, quid de impe-
rio nostro sentiret, ostendit armis, quàm cara dijs
immortalibus esse docuit, quod est uicta, quod elo-
cata, &c.

Hec quatuor hodie etiam Papistæ iactant:
Splendorem, grauitatem nominis, instituta maio-
rum, & dominium. Verum Christus hic monet, ne
istis laruis sinamus nos decipi: sed potius adiun-
gamus nos pusillo & contempto gregi, qui uocem
pastoris Christi audit. Multò enim consultius est
cum Noa & paucis alijs Arcam intrare, & à di-
luuij periculo liberari, quàm cum maxima & flo-
rentissima parte mundi perire: Melius est cum
ulce=

ulceroso Lazaro in sinu Abrahamæ gaudere, quàm cum diuite epulone inferni tormentis cruciari.

DE QVARTO.

Illis abeuntibus cœpit IESVS dicere ad turbas de Iohanne: Quid existis in desertum videre &c. Hoc Iohannis encomium oð pertinet, ut ipsa turba magnificiat ministerium Iohannis, ac ipsius uoci tanquam cœlesti credat. Coniungit autem Christus in hoc encomio omnia, quæ probum Apostolum decent, & commendat illum à quatuor uirtutibus. Primum à Constantia: Confert enim ipsum rupi immobili, quæ non agitur à uentis, instar arundinis. Num arundinem, quæ agitur à vento, existis videre? quasi diceret, nequaquam talis est Iohannes: Sed instar firmæ rupis potius, quæ nullis tempestatibus & fluctibus cedit. Debet ergo uerus Euangelij præco, nec terrore hominum, nec fauore à uerstate desistere: id quod, pro dolor, nimis multi faciunt hodie.

Deinde commendat Iohannem à uitæ genere: uidelicet, quòd agat uitam non mollem, ut adulatores aulici: non splendorem querit, ut qui gratiam hominum uenantur: sed uitam degit, suo munere & functione dignam: quæ nec inuocationem Dei impedit, nec ipsum in officio languentem reddit. Hoc in genere etiam ad omnes uerbi ministros pertinet: ut ita uiuant, ne uel mollities in moribus conspiciatur, uel alijs uanis rebus impediuntur, quo minus officium faciant.

Tertio

TERTIO
Ienia Prophet
alijs Prophetis.
QVARTO
fugitur: Hic
Ecce ego mitt
em ruam, qui
n. Est ergo Ioha
qui regi aduenie
nientie. Huius
tari debent mi
STO parare
mines: debent u
stam Iesum, et
rum, Amen.

DOMI
TA AL

HOC est te
miserant
dotes & Leuit
quis es? Et co
contellus est in
stus. Et inter
Helias es tu
pheta ille? Et
go ei: Quis e

TERTIO, commendat Iohannem, ab excellentia Prophetiæ: præponit enim ipsum omnibus alijs Prophetis.

QVARTO, commendat eum, à legatione qua fungitur: Hic est enim, de quo scriptum est: Ecce ego mitto Angelum meum ante faciem tuam, qui præparabit viam tuam ante te. Est ergo Iohannes legatus Messiae et præcursor, qui regi aduenienti uiam parat prædicatione penitentiae. Huius exemplum suo quodam modo imitari debent ministri Euangelij: debent **CHRISTO** parare uiam: debent Christo adducere homines: debent unicam monstrare salutis uiam Christum Iesum, cui honor & gloria in secula seculorum, Amen.

DOMINICA QVARTA ADVENTVS, EVANGELIUM Iohan. 1.

HOC est testimonium Iohannis, quando miserant Iudei ab Hierosolymis Sacerdotes & Leuitas, vt interrogarent eum: Tu quis es? Et confessus est, & non negauit: Et confessus est inquit: Non sum ego Christus. Et interrogauerunt eum, Quid ergo? Helias es tu? Et dicit: Non sum. Es tu Propheta ille? Et respondit: Non. Dixerunt ergo ei: Quis es, vt responsum demus ijs, qui

mise-



miserunt nos? Quid dicis de te ipso? ait: Ego vox clamantis in deserto: Dirigite viam Domini, sicut dixit Esaias Propheta. Et qui missi fuerant, erant ex Phariseis. Et interrogauerunt eum, ac dixerunt ei. Cur ergo baptizas, si tu non es Christus, neque Helias, neque Propheta ille? Respondet eis Iohannes, dicens: Ego baptizo aqua, sed in medio vestrum stat, quem vos nescitis, ipse est, qui cum me sequeretur, antecessit me, cuius ego non sum dignus, ut soluam corrigiam calceamenti. Hæc in Bethabara facta sunt trans Iordanem, ubi Iohannes baptizabat.

Enar-

ENARRATIO TEXTVS.

Occasio huius Euangelij hæc fuit: Pharisei audiuerant, quòd Iohannes institueret nouam docendi rationem, & inueheret ceremonias nouas, idq; sine autoritate Pontificum: quòd iuberet parare uiam Domino: quòd reciperet ad Baptisma totam Iudæam: quòd clamaret adesse promissum Regem & Messiam. His rebus auditis Pharisei moti, mittunt ad ipsum in desertum nuncios interrogatum, qua autoritate id faciat. Id fecerunt, non quòd ipsius doctrinæ aures præbere cuperent: sed potius ideo, ut Christum, & ipsum perderent: ut lucrosas ceremonias retinere possent: utq; suam autoritatem, nulla habita ratione salutis populi sibi commissi, retinerent: quorum exemplum strenuè satis nostri Papistæ sibi imitandum proponunt.

Summa autem hæc est, quòd interrogant Iohannem, An sit Christus: Ille autem, ut uerus Christi minister, Christo testimonium præbuit, & iussit eos dirigere uiam Domini, suam uocationem tacite confirmans esse diuinam. Docendi gratia, tres sint loci huius Euangelij.

- I. Testimonium Iohannis de Christo.
- II. Descriptio Iohannis, adeoq; omnis pij ministri uerbi Dei.
- III. Quid sit parare uiam Domini.

DE PRIMO.

In testimonio Iohannis sex consideranda sunt.

- I. Qui mittuntur, & cur mittuntur. Mittuntur autem

Enar-

autem Pharisei à Phariseis : sanctissimi in specie, à sanctissimis : qui uidebantur sibi esse columnæ Ecclesiæ Dei: qui habuerunt prærogatiuam successionis : qui titulum Ecclesiæ sibi solis arripuerunt. Sed ecce, qui capita Ecclesiæ uidebantur, hostes sunt Christi. Vnde discamus nec titulis, nec successio- nibus : Sed soli diuinæ uoci credendum esse. Ob- seruemus quoq; artem Satanaticam, quam à suo Ma- gistro didicerant hi Pharisei : non enim hic inter- rogant, quòd faueant Christo aut Iohanni, ut uide- ri uolunt : sed ut perdant utrunq; ut serpens in Pa- radiso fecit.

II. Cui datur testimonium ? Christo. Qui dat testimonium? Iohannes. Hinc duo discite : Primum, quod ministerium uerbi debeat hunc scopum habe- re, ut Christo perhibeat testimonium. Secundum, quòd ars Christiana sit, contra Satane technas pu- ra Christi confessione niti.

III. Coram quibus datur testimonium ? Coram mundo & hostibus Christi : Vnde discendum est, quod debeat pius confiteri Christum coram toto mundo, cum discrimine famæ, rerum, & uitæ : ad quod cum promissio, tum comminatio nos inuita- bunt. Promissio est : Qui confessus fuerit me co- ram hominibus, confitebor & ego illum coram Pa- tre meo cœlesti : Comminatio, Quemcunq; pudue- rit mei coram hominibus, eius & me pudebit co- ram Patre meo cœlesti.

IIII. Summa testimonij Iohannis de Christo hæc est,

est, quod Christus sit homo, quod sit Deus, quod sit uerus Messias, remissor peccati. Nam cum dicit, Ipse est qui post me venturus est, indicat ipsius ueram humanitatem: Cum uero addit, qui ante me fuit, ipsius diuinitatem fatetur. At cum ait: Medius autem uestrum stetit, quem vos nescitis, Respondet ad questionem, et Iesum Messiam esse pronunciat. Baptismi lauacrum, concionatur Messie officium esse, peccatum remittere.

Vsus et fructus huius testimonij, quod nos debeamus testimonio Iohannis credere, et Christum amplecti, uerum peccatorum remissorem, qui sanguine suo nos lauit à peccatis: cuius rei efficax signum, Baptismum nobis contulit: de quo alias.

VI. Pharisei sunt imago personarum Christianorum, id est, Hypocritarum, qui non possunt ferre ueræ pietatis doctrinam: Sed fingunt se pios externis moribus: se sanctissimos simulant, sed aliam personam intus gerunt: inde est, quod tales hypocritæ dicantur. Nam ut hypocritæ in fabulis sunt, qui personas absentes habitu et gestu externo representant: Ita Pharisei, pietatis absentis laruam tantum conspiciendam præbent: Vnde hypocritæ sunt dicti, ut qui, etsi reuera in corde sint impij, foris tamen sanctissimi appareant.

Ego sum vox clamantis in deserto: PRIMVM Iohannes definit omnes Prophetas, Apostolos et ministros uerbi, quod sint uox. SECVNDO,

C

DO,

DO, quod non sit uox inanis, sed clamantis, id est, predicantis. TERTIO, in deserto, id est, in mundo uniuerso. QVARTO, admonentur auditores dignitatis illius uocis. Est enim non uox hominis: sed DEI clamantis &c. QVINTO, quod Iohannes allegat Esaie testimonium. Nihil enim pius concionator asferre debet sine testimonio sacrarum literarum: Testimonium autem præsens desumptum est ex cap. 49. SEXTO, admonentur quoque concionatores, ne Deo tribuant alienam uocem. Qui enim id faciunt, non Dei ministri sunt, sed Diaboli flagella: quos non secus atque lupos fugere decet.

DE TERTIO.

Parare uiam Domino est, eodem Iohanne Baptista autore, poenitentiam agere: nec sine magna causa est Iohannes usus hac figura loquendi, quæ proprie pertinet ad regna mundana. Solent enim regibus aduenturis uia preparari: quo accedere possint sine periculo & offendiculo. Hoc ipse Esaias exponit, cum ait: Omnis uallis exaltabitur, & omnis mons & collis humiliabitur, & erit præruptum in rectitudinem, & loca confragosa in planiciem. Hec spiritualiter intelligenda sunt, de impedimentis omnibus interioribus & exterioribus, quæ impediunt, quo minus Rex noster Christus ad nos ueniat: Interiora impedimenta sunt, ignoratio Dei, cupiditates, prauitas, stulta confidentia &c. Exteriora impedimenta sunt, scandala

omnia

omnia, quæ obijcit Satan in doctrina, Sacramento
 & moribus. Verum, ut breuius dicam, Montes (id
 est, quicquid altum est in mundo) destruendi sunt
 concione legis. Valles, id est, qui spiritu contriti
 sunt, attollendi sunt prædicatione Euangelij. Sen-
 tes, id est, mala uita, prauis affectibus sunt amputandi
 noua obedientia, & studio formandi uitam secun-
 dum uerbū Dei: atq; ut id fiat, requiritur primum,
 ut sint qui clament in deserto. Deinde opus est sa-
 na doctrina, quæ est lucerna, præparantium uiam.
 Tum requiritur, ut adueniente Domino, id est, lu-
 cente in cordibus nostris gratia Dei, præbeamus
 nos obsequentes per ueram pœnitentiam, & exhi-
 beamus nos ciues Dei, homagium Christo Domino
 præstantes. Postremo offeramus munera & uitu-
 los labiorum nostrorum, id est, confessionem: idq;
 mente, uoce, confessione & moribus.

Verum, quia hæc intelligi non possunt sine ex-
 emplorum appositione: breuiter sententiam Pro-
 phetæ & Iohannis declarabimus exemplis. Sum-
 ma concionis Iohannis fuit: Agite pœnitentiam, &
 credite Euangelio, hoc est, quod ex Esaia dicit, pa-
 rate uiam Domini. Quomodo id fecit? Montes des-
 prebit: Nam cum uideret multos ex Phariseis &
 Saducæis uenire ad Baptismum suum, dixit eis:
 Progenies uiperarum, quis demonstraui uobis fu-
 gere à uentura ira? Nolite dicere intra uos: Pa-
 trem habemus Abraham. Dico enim uobis, quod
 potest Deus de lapidibus istis suscitare filios Abra-

hæ. Iam. n. securis ad radicē arboris posita est. Omnis arbor, quæ non fructum bonum facit, excidetur, & in ignem mittetur. Vide hic, quomodo Iohannes montes humiliat. PRIMVM, cum uocat eos progeniem uiperarum, taxat illorum cor prauum, sanguinis cupidum, & ingratum. Deinde tollit causam, de qua maxime gloriabantur. Ex eo enim superbiebant, quod erant filij Abrahæ: Sed hoc nihil prodesse ait. Nam Deus non est personarū acceptor: neq; enim, qui ex carnali Semine Abrahæ sunt, mox sunt filij: sed qui Abraham imitantur fide et obedientia, hi sunt eius filij, quemadmodum Christus apud Iohannem testatur: eos filios Diaboli appellans, qui se filios Abrahæ esse gloriabantur. TERTIO cōminationem addit nisi resipiscant. Securis, inquit, ad radicem arboris posita est: Hoc est, ultio diuina non procul abest, ut omnis arbor mala excidatur, & in ignem mittatur. Ita & alij ministri uerbi montes demoliri debent, monstratis peccatis hominum, sublata gloriationis materia, & propositis pœnis, quæ omnes, qui non conuertuntur, manent. Deinde ualles exaltabunt: quomodo id? Quemadmodum Iohannes fecit, monstrato Christo, dicens: Ecce Agnus Dei, qui tollit peccata mundi. Cum dicit ECCE, inuitat ad fidem: cum addit, AGNVS DEI, QVI TOLLIT PECCATA MVNDI: reconciliationis materiam exprimit. Tertio, sentes amputat, cum ait, AGITE FRVCTVS DIGNOS POENITENTIA.

Simi-

Simile exem-
PRIMVM, i
in Dabde: qui
fecit uixit, ta
ita parala de
pauper, dicit diu
plurimas: pauper
eam eueni, quam
creuerat apud eu
illius comedens, e
eius dormiens, et
grinus ad diuite
quem diues, &
Cum hoc Danie
lius mortis est q
et ille uir: Vria
xorem eius accep
Dominus, suscitau
do Nathan expre
teriam gloriatiom
quod Rex sit: &
fuit est magnus i
cum animaduertit
iuentem, adeo ut
peccant Domino: a
minus translati pe
inde sentes quosq
uorte filij, contine
Ad eundem

Simile exemplum in Nathan Propheta habemus. PRIMVM, montem deiecit, hoc est, Hypocrisin in Dauid: qui commisso adulterio & homicidio securè uixit, tanquam re bene gesta: Idq; proposita parabola de duobus uiris, quorum unus erat pauper, alter diues. Diues habebat oues & boues plurimas: pauper autem nihil habebat, nisi unicam ouem, quam emerat, & nutrierat, & que creuerat apud eum cum filiis eius, simul de pane illius comedens, & de calice eius bibens, & in sinu eius dormiens, eratq; illi sicut filia. Sed cum peregrinus ad diuitem uenisset, accepit hanc pauperis ouem diues, & suo hospiti apposuit, parcens suis. Cùm hoc Dauid audiret, indignatus est dicens: Filius mortis est qui fecit hoc. Respondit Nathan: Tu es ille uir: Vriam Hetheum occidisti gladio, & uxorem eius accepisti in uxorem tibi. Ecce ego, ait Dominus, suscitabo aduersus te malum. En quomodo Nathan exprobrat Dauidi peccatum, tollit materiam gloriationis, ne putet se non puniendum, cò quòd Rex sit: & cominatur illi pœnas. Hic deiectus est magnus ille mons, & hypocrisis: uerum, cùm animaduertit Nathan, Dauidem deiectum & iacentem, adeo ut diceret cum magno eiulatu: Ego peccaui Domino: uallem hanc subleuat, dicens: Dominus transtulit peccatum tuum, non morieris. Deinde sentes quoq; amputat, dum proposita pœna morte filij, continet eum in officio.

Ad eundem modum Petrus in Actis, primum

C 3

concio

concione legis cristas Iudeorum deprimat, & montes humiliat: peccatum illis inculcat, docet nihil prodesse, quod sint de posteritate Abraham, proponit comminationes poenarum, nisi resipiscant. Mox ubi audit eos compunctos corde, & peccati conscientia deiectos, erigit eos rursus proposito Christo, in cuius nomen iubet eos baptizari. Deinde quoque cauet ne sentes succrescant, inhortans eos ad poenitentiam.

Hæc exempla sunt illustria, & ad primi hominis conuersionem congruunt. Superbit Adam secutus nouum doctorem Diabolum. Hunc primum Deus prosternit obiurgatione, proposita peccati magnitudine: mox deiectum erigit, data promissione seminis, quod erat contritum caput serpentis.

Similiter Dominus superbos Phariseos humiliat, afflictam Magdalenam exaltat, atque ad piam sanctamque hortatur uitam, dicens: Fides tua te saluam fecit: uade in pace.

Cæterum ministri uerbi, qui hoc uerbo non deprimunt montes, non attollunt ualles, nec sentes amputant, non sicut Dei, sed ut Diaboli & uentris mancipia faciunt. Multi quidem in genere declamant contra adulteria, incestus, usuras & alia uicia. Sed pauci sunt, qui in os crimina obijciunt, ut Iohannes Herodi, Phariseis & Hypocritis: ut Christus suis auditoribus: ut Ambrosius Theodosio. Quare hoc non faciunt? Partim, quia uere non cogitant cuius uice funguntur: partim, quia metuunt sue

scilicet & for
tem & timidat
dam & promi
ssum suis se
quia ipse sit mi
Iohannes & alior
sanctus & exempl
si sibi animam a
ipsum interfuit gl
rum, Amen.

IN FES
TATIS



sue uite & fortunis. Verum contra hanc cecitatem & timiditatem opponant uocationis sue mandatum & promissionem, qua Christus promisit se affuturum suis seruis, & sibi imputat factum, quicquid ipsius sit ministris: Præterea, se confirmabunt Iohannis & aliorum sanctorum ministrorum constantia & exemplo, subindeq; Deum precabuntur, ut sibi animum addat, ut ea facere audeant, quæ ipsius intersint gloriæ, Cui honor in secula seculorum, Amen.

IN FESTO NATI-
TATIS CHRISTI, EVAN-
gelium Lucae 2.



C

4

Exijt

EXiit decretum à Cæsare Augusto, vt censeretur totus orbis. Hęc descriptio prima facta est præside Syriæ Cyrenio. Et ibant omnes, vt profiterentur in suam quisq; ciuitatem. Ascendit aut & Ioseph à Galilæa, de ciuitate Nazareth, in Iudæam, in ciuitatem Dauid, quæ vocatur Bethlehem, eo q; esset de domo & familia Dauid: vt profiteretur cum Maria, desponsata sibi vxore, quæ erat prægnans. Accidit autem cum essent ibi, completi sunt dies pariendi. Et peperit filium suum primogenitum, ac fascijs eius eum inuoluit, reclinauitq; eum in præsepi, quod non esset eis locus in diuersorio. Et pastores erant in regione eadem vigilantes, & excubantes excubias nocte, super gregem suum; & ecce Angelus Domini astitit illis, & claritas Domini circumfulsit illos: & tumuerunt timore magno. Et dixit illis Angelus: Ne timeatis, Ecce enim annuncio vobis gaudium magnum, quod futurum est toti populo, quia natus est vobis hodie seruator, qui est Christus Dominus, in ciuitate Dauid. Et hoc vobis signum: Inuenietis infantem fascijs inuolutum positum in præsepi. Et subito facta est cum Angelo multitudo militiæ cœlestis laudantium Deum & dicentium: Gloria in altissimis Deo, ac in terra pax, hominibus bona voluntas.

ENAR

ENAR
Hæc histo
Symboli,
Qui Articulus
antiquam & A
in ijs omnibus, q
dent. Et tamen
fij, vel pueris Ch
nem magnas ob
sa deputatum e
circumstantijs e
tum ut oblecta
narratione: se
firmandis & e
conficiatur.
sunt ut humane
gignens & exer
endos & consola
rarum spem habe
constituamus, in q
tescunt, & sunt h
I. Histori
tius
II. Vsa &
D.
I. In histo
quorum primu
suis post Roman
condito 3944 à C

ENARRATIO TEXTVS.

HÆc historia est confirmatio Articuli nostri Symboli, qui est: natus ex Maria uirgine. Qui Articulus nouam natiuitatem proponit, quæ antiquam & Adamicam & corruptam sanctificat in ijs omnibus, qui hunc Christum fide apprehendunt. Et tamen hic articulus de natiuitate Christi, uel pueris Christianis debet esse notissimus: Tacmen magnas ob causas certum ei festum ab Ecclesia deputatum est: uti nimirum historia cum suis circumstantijs explicetur & discatur: non tantum ut oblectemur pulcherrima huius Historiæ narratione: sed multo magis, ut in conscientijs confirmandis & erigendis, huius summi Articuli usus conspiciatur. Non enim sacræ Historiæ legendæ sunt ut humanæ, sed ut usum earum perpetuo cogitemus & exerceamus, ad nos docendos, instituendos & consolandos: utq; per lectionem scripturarum spem habeamus. Porro locos duos tantum constituamus, in quibus plurimi alij, ut patebit, delitescunt, & sunt hi.

I. Historia Christi nati cum suis circumstantijs & membris.

II. Vsus & praxis huius historiæ.

DE PRIMO.

I. In Historia nouem membra consideremus, quorum primum est de tempore: Natus est Christus post Romam conditam 700. anno: à mundo condito 3944. à Christo nato ad hodiernum diem,

C § nunc

42 IN FESTO NATIVITAT.

nunc expleti sunt anni 1568. Sed cur Euangelista adeo perspicue meminit temporis, decreti Cæsaris, ducis Cyrenij? Tres sunt causæ. PRIMÆ uaticinia Prophetica: Sunt autem uaticinia de uenturo Christo duplicia. Alia enim simpliciter, sine certi temporis præscriptione, uenturum Messiam annunciant: qualia sunt: Semen mulieris contaret caput Serpentis. Item: Benedicentur in Semine tuo omnes gentes. Esaie 7. Ecce uirgo concipiet &c. David: Dixit Dominus Domino meo &c. Baalam: Ex Iacob orietur stella. Alia uaticinia tempus & annum passionis, & regni Christi prædicunt. Iacob: Non auferetur Sceptrum de Iuda, donec ueniat Zilo, id est, filius eius, scilicet mulieris: ac si dicat: Semen mulieris, quod est promissum, ut destruat opera Diaboli, tum demum ueniet, ubi Sceptrum de Iuda ablatum fuerit: Cum ergo hic Lucas meminit Augusti, tributi, & peregrini ducis, significat iamiam adesse tempus, in quo nasci Christum oportuerit, iuxta uaticinium Iacob. Daniel quoque annum crucifigendi Christi & resurgendi expressit cap. 9. Scias ergo & intelligas, quod ab exitu sermonis, de reducendo populo, & ædificanda Hierusalem, usque ad Christum ducent hebdomadæ septem, & hebdomadæ sexaginta duæ: post hebdomadas uero sexaginta duas occidetur Christus: & una hebdomada roborabit pactum multis, & in dimidia hebdomada cessare faciet sacrificium.

Hic

Hic clare
Christi. Sed tria
mada: Quando
hebdomadas in
Hebdomada
de diebus hebdom
mada 7. annos c
nos 490.
Sed quando in
monis, hoc est, ab
afore, ut libera
lonica, id est, cap
Dimidat pr
propter res dñi
7. hebdomadas:
annos manserunt
blyonica. Deinde
annis 350. infra uer
plurimilic. Postre
Baptizatus fuit
tandem pro nostr
fuit etatis 33. anno
iuuenis Lucam in
pus uolentia Chri
SECUNDA
qui adhuc Messiam
multis seculis politi
TERTIA c
ut sit uetus &

Hic clarè Daniel prædicit tempus occidendi Christi. Sed tria hic sunt obseruanda. Quid hebdomada: Quando incoanda supputatio: & cur 70. hebdomadas in tres ordines digerat.

Hebdomada in hoc loco intelligenda est, non de dierum hebdomada, sed annorum: ut una hebdomada 7. annos contineat, & 70. hebdomade annos 490.

Sed quando incoanda supputatio? Ab exitu sermonis, hoc est, ab eo tempore, quo prædixit Ieremias fore, ut liberaretur populus à captiuitate Babylonica, id est, captiuitatis fere anno 20.

Diuidit præterea hebdomadas in tres partes, propter res diuersis temporibus gestas, primum, in 7. hebdomadas: nam per id tempus, hoc est, 49. annos manserunt adhuc Iudæi in captiuitate sua Babylonica. Deinde in 62. Hebdomatibus, hoc est, annis 350. instaurata fuit Hierusalem, mansitq; populus illic. Postremò, hebdomada ultima Christus Baptizatus fuit, prædicauit, miracula edidit, ac tandem pro nostra salute passus est. Passus autem fuit ætatis 33. anno. Hæc si conseras cum Historijs, inuenies Lucam iuxta hanc computationem, tempus nascentis Christi signasse.

SECUNDA causa, ut Iudæi confundantur, qui adhuc Messiam expectant, prorsus deleta iam multis seculis politia Mosaica.

TERTIA causa, ut nos simus certi, quòd uerè sit natus & exhibitus Christus, quem olim Deus

44 IN FESTO NATIVITAT.

Deus promisit fore liberatorem generis humani & faucibus serpentis.

Secundum de loco. Nascitur in Bethlehem & in peregrinatione: In Bethlehem quidem, propter uaticinium Micheæ, quod allegat Matthæus cap. 2. ex Micheæ 5. cap. In peregrinatione uerò, ut significetur, Ecclesiam Christi in hoc mundo in peregrinationibus mansuram, idq; non sine contemptu & persecutione: Idem Iohannes indicat, ter repetendo eandem sententiam: tenebræ eum non apprehenderunt: mundus eum non cognouit: sui eum non receperunt: ex his consequitur, Regnum Christi non esse mundanum.

Tertium de parentibus. Secundum humanitatem nascitur in coniugio quidem: sed ex uirgine, cuius rei grauissimæ causæ sunt. Prima est promissio: Semen mulieris conteret caput Serpentis. Item: Ecce uirgo prægnans pariet filium. Secunda est necessitas: Nemo enim natus secundum naturæ cursum, est sine labe & peccato. Ergo debuit Messias ex uirginis sanguine, sine semine uirili per Spiritum sanctum concipi, ut esset purus ab omni labe peccati, sicut uerum Emanuelem Deum & hominem deuit.

QUARTVM, quia Christus uerus Deus & uerus homo est: ex primo capite Iohannis, dicendum est de diuinitate Christi, & explicandæ circumstantiæ temporis, modi, rei, loci, facti, causæ. Si itaq; queris: quando fuit Christus secundum diuinitatem

uinitatem? Respondet Iohannes: In principio erat uerbum, id est, uerbum fuit ante initium omnium creaturarum rerum. Non est igitur creatura Christus. Si quæris: quomodo fuit? Respondet: Et uerbum erat apud Deum: ergo alia persona est à Deo Patre. Si quæris quid fuit? Respondet: Et uerbum erat Deus: quo dicto significatur, quod una sit essentia diuina. Si quæris: quid egit? Respondet: Omnia per ipsum facta sunt. Si quæris: quid agit? Respondet: illuminat omnem hominem ueniens in hunc mundum. Si quæris: quò uenit? Respondet: In mundum uenit, in sua uenit. Si quæris: quomodo uenit? Respondet: Verbum caro factum est. Si quæris: cur uenit? Respondet: Ut daret potestatem filios Dei fieri, quotquot in ipsum credunt. Si quæris: quando uenit? Respondet: fuit homo missus à Deo, cui nomen erat Iohannes &c. Hæc breuiter meminisse de diuinitate Christi profuerit.

QVINTVM de cunabulis Christi, quæ nihil aliud, quàm mundi contemptum & paupertatem extremam significant, quam paupertatem Christus experiri uoluit, ut nos diuites redderet. In hæc cunabula inspiciant arrogantes, ac deponant fastum: huc inspiciant pauperes, ac desinant desperare, tanquam ob paupertatem sprete. Obseruandus est hic abusus omnium rerum conditarum à Deo: Bethlehem seruit lucro: Diuersorium hospitibus: Christus Rex in stabulum reijcitur omnium rerum Dominus. Sic & hodie Ecclesia spernitur, dum Impij abun-

46 IN FESTO NATIVITAT.

abundant opibus, honoribus & potentia.

SEXTVM de apparitionibus Angelorum : qui primum testantur adesse Dominum. Secundo, ipsa claritate ostendunt, qualis sit Rex recens natus Christus. Tertiò, qualia sint eius beneficia, & qualis inde Deo reddatur gloria, hymno declarant.

SEPTIMVM de concione Angeli ad pastores, Nolite timere : Ecce enim Euangelizo vobis gaudium magnum, quod erit omni populo, quia natus est vobis hodie Saluator, qui est Christus Dominus in ciuitate Dauid. Et hoc vobis signum, Inuenietis infantem pannis inuolutum positum in presepio.

Hec concio omnium, quæ unquam antea in mundo facta sunt, est excellentissima, cuius partes sunt plurimæ.

PRIMA: lubent Angeli ut pastores non timeant : qua re ostendunt Christum aduenisse, ut tollat maledictionem legis, & peccatum, propter quod uenit in homines maledictio.

SECUNDA: concio Euangelij : Annuncio vobis gaudium magnum. Cum magnum dicit, distinguit hoc à mundi gaudio, quod durat ad breue tempus, & debili fundamento nititur. Verum hoc gaudium, quod Angeli annunciant, Magnum dicitur quatuor de causis : Primum propter materiam, quæ magna est, nempe reconciliatio nostri cum DEO. Secundo, propter diuturnitatem & stabilitatem : perpetuo enim durat & manet constans,

stans. Tertiò, non perit : non gaudij fide est, peritens ad TERTI

Quia inquit, hoc Christus Dominus

QUARTI qui, Dauid, hoc

QVINTA hoc erit vobis fo

inolutum, pos

facit. Primum sum querente: inuolunt panni

OCTAVI

nam reuelatur Pa

NONVM d Gloria in excelsi

stans. Tertiò, propterea quòd ad paucos tantum non pertinet: sed ad omnes, qui hanc annunciationem gaudij fide recipiunt. Quarto, quia spirituale est, pertinens ad totius hominis salutem.

TERTIA: caussa & materia huius gaudij: Quia, inquit, hodie uobis natus est Saluator, qui est Christus Dominus.

QUARTA: monstrat locum. In ciuitate, inquit, David, hoc est, Bethlehem.

QVINTA: signum uerbo additur. Ait enim, hoc erit uobis signum: inuenietis infantem, pannis inuolutum, positum in præsepio. Hoc signum duo facit. Primum deducit eos recta ad puerum, ne ipsum querentes aberrant: Etsi enim omnes matres inuoluunt pannis suos infantes, tamen in præsepijs non ponunt. Secundo discernit Regnum huius pueri, à regnis huius mundi. Nam regna mundi exterius splendorem habent: atq; hæ sunt partes con-

OCTAVVM de natiuitate Christi. Primum reuelatur Pastoribus: Vnde duo discenda sunt. Vnum, Christi regnum non esse mundanum. Alterum, Christi Regnum pertinere ad pauperes, iuxta illud: Pauperes Euangelizantur.

NONVM de carmine Angelico, quod est: Gloria in excelsis Deo, in terra pax, hominibus bona voluntas. Hæc concio miro compendio complectitur fructum Dominicæ natiuitatis, quæ in tribus consistit. Primum enim Deo red-

ditur

48 IN FESTO NATIVITAT.

ditur gloria. 2. Pax sit hominibus. 3. Bona uoluntas Dei erga homines declaratur.

Primum ergo, cum Angeli dicunt: Gloria in excelsis Deo: significant quod nemo possit Deo ueram gloriam tribuere sine cognitione Christi. Homo enim erat conditus in hunc finem, ut Deo conditori gloriam tribueret: Sed per lapsum primorum parentum factum est, ut nec recte agnouerit Deum, nec glorificauerit. Sed quæris: quid est Deo gloriam tribuere? Tribuere alicui gloriam nihil aliud est, quam alicui ueram uirtutem tribuere. Ut cum rex aliquis, iuste, sapienter, fortiter, clementer agit, tribuitur ipsi à subditis gloria, hoc est, subditi ipsius facta approbant, ac cum singulari beneuolentia ipsum prædicant. Proinde simili modo Deo tribuitur gloria, quando agnoscuntur & uerè sentiuntur ipsius uirtutes, sapientia, iusticia, fortitudo, misericordia, ueritas & aliæ.

Sapientia Dei in eo conspicitur, quod hominem, quem condiderat in suam gloriam, reparet rursus, ut imaginem, quam per peccatum perdiderat, per Filium suum, natum ex uirgine, recuperet: ac ita gloriam sapientiæ Deo tribuit.

Iusticia peruidetur ex eo, quod hominem, qui peccauerat, noluerit in gratiam recipere sine compensatione iniuriæ. Nam cum aut hominem æternum perire ob suum peccatum necesse erat, aut alium quem in humano genere satisfacere Deo oportebat, qui sustineret pœnas pro toto genere humano,

Deus

Deus dedit fili
in qua satisfec
merito Deo, C
Fortitudin
& eius sermo
ipsius regnum d
eos attinet, qui
derint.
Misericordi
mus perditum &
ingentibus eru
ferno, & dan
um in gratiam
omnia opera D
boni, & homi
etiam inuita g
Veritas in
quorum memor
ipsis enim in pe
Senam mulieris
penis: hunc pro
Propter has
la est: idq; pos
beneficia. Hec gl
premiu agnosce
um. Denique, cu
cum mente, nec
predicam. Qu
tionem Dei inu

Deus dedit filium, qui assumpsit humanam naturam, in qua satisfecit iusticiæ Dei: Quare laus iusticiæ merito Deo, Christo Domino nato, tribuenda est.

Fortitudinis commendatio est, quod serpenti & eius semen, per Christum superauerit, atq; adeo ipsius regnum deleuerit, quantum quidem ad omnes eos attinet, qui hunc natum Iesum fide apprehenderint.

Misericordia in eo relucet, quod humanum genus perditum & oppressum tyrannide Diaboli, & ingentibus ærumnis & calamitatibus, morte, inferno, & damnatione, per filium, & propter filium in gratiam recipiat: Hæc Dei misericordia omnia opera Dei excedit, quam perpetuo & Angeli boni, & homines electi prædicabunt, imò Diaboli etiam inuiti agnoscent.

Veritas in eo patet, quod promissionum antiquarum memor, exhibeat quod olim promisit. La-
pſis enim in peccatum primis parentibus promisit Semen mulieris, quod erat contritum caput serpentis: hanc promissionem nunc implet dato Filio.

Propter has ergo uirtutes, Deo gloria tribuenda est: idq; potissimum ab ijs, qui sentiunt ipsius beneficia. Hæc gloria tum demum ei tribuitur, cum primum agnoscamus hoc Dei mirandum beneficium. Deinde, cum Filium fide amplectimur. Tertio cum mente, uoce, confessione & moribus Deum prædicamus. Quarto, cum quàm plurimos ad agnitionem Dei inuitamus.

D

Deinde

Deinde cum dicunt Angeli: In terra pax, notatur præcipuum beneficium Christi, propter quod in mundum uenit, nimirum ut pax fieret inter Deum & hominem. Hæc pax est mutui consensus Dei & hominum: Dei quidem recipientis homines in gratiam propter Filium: Hominum uero, fide accipientium oblatum beneficium cum gratiarum actione, ac perpetua animi gratitudine. Huius pacis dulcissimi sunt fructus: Accessus ad Deum, gaudium Spiritus, bona conscientia, letus de hac uita exitus. Hanc pacem turbant peccata contra conscientiam, securitas, neglectus uerbi. Quare non secus, quam pestes fugienda sunt.

Postremo loco addunt: Hominibus bona uoluntas, Hoc est, postquam Deus hominibus per Christum reconciliatus est, fauet ipsis, & uera paternamque sororem ipsos complectitur, tanquam carissimos liberos, quos sibi adoptatos in Christo caros habet. De hoc beneplacito etiam loquitur Dauid in Psalmo 5. Quoniam tu benedices iusto Domine, sicut scuto beneplacito munis eum. Cum Dauid hoc loco beneplacitum Dei confert scuto, monstrat eius uerum usum & fructum. Significat enim, quod fauor Dei sit nobis uice clipei, quo munimur aduersus impugnantium nos tela. Diabolus sua ignita in nos tela uibrat: sed hoc scuto tuti sumus. Atque ita de alijs.

DE SECVNDO.

Vsus duplex est: Generalis, qui ex tota historia
petitur,

petitur, Et specialis, qui petitur ex singulis partibus. Generalis ergo est, ut discamus nostrum uerum saluatorem Deum & hominem ex uirgine natum recipere & amplecti, opponendo eum omnibus miserijs nostris, peccato, morti, maledictioni, ira Dei & inferno: certi, quod hic Filius Dei & Mariæ sit, secundum uaticinium Esaie, Nobis natus & nobis datus. Idq; ut sit iusticia & salus omni in ipsum credenti. Specialis usus est multiplex. PRIMVS ut à parentibus Christi, obedientiam erga magistratum discamus. SECVNDVS, ut à pastoribus discamus, obtemperare testimonijs de Christo, Christum querere, & redire ad opera uocationis. TERTIVS, ut ab Angelis discamus, primum annunciare Christum ignotis: unde omnes pij ministri uerbi consolari se poterunt in ministerio, quod idem doceant, quod antea per tantos hereticos Spiritus traditum est. Deinde discamus ab Angelis & Pastoribus confessionem huius Christi. Postremo discamus glorificare Deum, & cum Angelis canere, Gloria in altissimis Deo, cui sit honos & gloria in secula seculorum, Amen.

FERIA SECUNDA

NATIVITATIS CHRISTI,

Euangelium Matth. 23.

ECce ego mitto ad vos Prophetas, & sapientes, & scribas, & illorum aliquos occiditis, crucifigetisq; & illorum nonnullos

D 2

flagel-



flagellabitis in Synagogis vestris, & persequemini de ciuitate in ciuitatem, vt veniat super vos omnis sanguis iustus, qui effusus est super terram, à sanguine Abel iusti, vsq; ad sanguinē Zachariæ filij Barachiz, quem occidistis inter Templum & Altare. Amen dico vobis: venient hæc omnia super generationem istam. Hierusalem, Hierusalem, quæ occidis Prophetas, & lapidas eos, qui ad te missi sunt, quoties volui congregare filios tuos, quemadmodum Gallina congregat pullos suos sub alas, & noluisti? Ecce relinquetur vobis domus vestra deserta. Dico enim vobis, haudquaquam me videbitis post-

posthac, donec
nit in nomine
ENAR

P. R. quoniam de
quia hic die
quare sanctorum,
leant: & quid no
cundum sit.

Festa celebra
mre, sicuti apud
intercessores im
sine horrendo
Sed sunt multe
dam sanctorum
utile, & sunt pe

PRIMA,
ciatur, quæ nob
monito de prom
phanorum homin
u apparuit, iacu
erit profecto, cor
ue uerarum uir
Paulo, Petro, Ma
& alijs multis.

SECTIO
ministerio locum
Sunt enim edifica
cationes ad mini
strum per unum

posthac, donec dicatis: Benedictus qui venit in nomine Domini.

ENARRATIO TEXTVS.

Priusquam accedamus ad textus enarrationem, quia hic dies diuo Stephano dicatus est, dicam quare sanctorum festa in Ecclesia Dei celebrari soleant: & quid nobis in exemplo diui Stephani spectandum sit.

Festa celebrantur in Ecclesia Dei non Ethnico more, sicuti apud Papistas, ut sanctos patronos & intercessores inuocemus, id quod non potest fieri sine horrendo sacrilegio & contemptu Filij Dei: Sed sunt multe alie grauissimae causae, cur quorundam sanctorum festa in Ecclesijs nostris retineri sit utile, & sunt potissimum sex.

PRIMA, ut perpetua historia Ecclesiae aspicatur, quae nobis & vitae regula esse debet, & admonitio de prouidentia Dei: Si enim Historias prophanorum hominum, in quibus alicuius uirtutis larua apparuit, iucundum est legisse: multo iucundius erit profecto, eorum historias legere, in quibus uiae uerarum uirtutum icones refulserunt, ut in Paulo, Petro, Maria, Stephano, Magdalena, latrone & alijs multis.

SECUNDA, ut testimonia de doctrina, de ministerio docendi, & de Ecclesia considerentur: Sunt enim edita miracula, factae sunt mirandae uocationes ad ministerium Ecclesiae, illustrata est doctrina per uniuersam Ecclesiam: In his testimonijs

D 3

pulchra



uestris, & per
itatem, ut uen
iustus, qui effu
e Abel iusti, v
Barachia, qu
& Altare, Am
omnia super gen
ilem, Hierusal
lapidas eos, qu
olui congrega
n Gallina com
& noluisse: Et
s vestra defen
q̄ me videbit
pos



pulcherrimum est uidere perpetuum consensum ueræ Ecclesiæ in scriptis Prophetis, Apostolicis & in Symbolis, & dijudicare inter ueram doctrinam Ecclesiæ & omnium temporum corruptelas, mendacia & imposturas.

TERTIA, ut Deus celebretur, & ei gratiæ agantur, quod se patefecerit, tradiderit doctrinam, ostenderit præsentiam suam in Ecclesiæ, & nos ciues fecerit eius cœtus, qui habet testimonia, ueræ Ecclesiæ & ueri cultus.

QUARTA, ut exempla confirmant fidem nostram: Cum legimus ipsos exauditos & adiutos esse diuinitus, ut in Psal. 33. dicitur: Iste pauper clamauit ad Dominum, & Dominus exaudiuit eum, fiduciam concipimus, ut & nos inuocantes iuuat. Sic ergo unusquisque nostrum statuat, & apud se colligat: Magdalenam, Latronem, Paulum poenitentes recepit in gratiam, non obstantibus eorum enormibus peccatis, quibus Deum antea offenderant: Igitur & ego ad eundem Dominum confugiam, ut me in gratiam recipiat. Petrum post horrendum lapsus uenia dignatus est: Ergo & ego lapsus non desperabo. Est enim semper sibi constans & sibi similis, nec est personarum acceptio apud eum.

QUINTA, ut pro uocatione singuli sanctorum exempla imitemur: Paulus non fractus est persecutionum mole, sed constanter Euangelium docuit: cuius exemplum imitentur ministri uerbi. Iohannes non ueritus est Herodis minas: quare pius
concio

concionator ipsius exemplo discat mundi furores
contemnere. Abraham ex fide sancte instituit su-
am domum, in uero timore Dei & inuocatione: ab
hoc ergo discant omnes pii patresfamilias: & sic
alia exempla accommodentur.

SEXTA, ut Sanctorum dulcis sit apud nos
memoria, & laudetur eorum uirtus, quod donis
Dei bene usi sint, quod sint domicilia Dei, & testes
de eo, quod sint ornatu ingentibus uirtutibus, quod
sint nobis uiua exempla conuersionis, fidei, poeni-
tentiae, constantiae, patientiae & aliarum uirtutum.

Hæ sex causæ sunt grauissimæ, propter quas &
memoria sanctorum, exemplo ueteris Ecclesiæ re-
tinetur, & eorum festa celebrantur. Quæ cum
ita fiant, omnia in gloriam Dei & nostram ipsorum
salutem cedunt.

Iam pauca de Stephano dicenda sunt, in cuius
Historia has circumstantias cogitemus: Religio-
nem, officium in Ecclesia, defensionem suæ religio-
nis, constantiam in confessione, Inuocationem Chri-
sti, consolationem, & uitæ exitum.

Religio Stephani: Stephanus fuit Christianus,
uir plenus fide & Spiritu sancto, plenus gratia &
fortitudine. Vbi enim uera fides, ibi Spiritus san-
ctus, quo maior incrementa fides capit, eo magis se
præsentem testatur Spiritus sanctus, accendens mo-
tus in cordibus congruentes cum lege Dei. Con-
tra, ubi Spiritus sanctus non sentitur efficax, ibi
neque fidem ueram adesse, manifestum est. Habemus

D 4 ergo

ergo hic, quod in Stephano imitemur, nempe fidem efficacem, cui testimonium prebet Spiritus sanctus: non imitantur fidem Stephani, qui eam in ore habent, & interim inuoluuntur prauis cupiditatibus, & ruunt quocumque cæci affectus eos abripiunt.

Officium Stephani in Ecclesia fuit pauperibus ministrare & seruare thesaurum Ecclesiæ in usum sanctorum pauperum: in quo officio non dubium est eum sedulum fuisse. Nam habuit Spiritum sanctum gubernatorem, ueram fidem, & caritatem, agendi regulam. Hunc ergo sibi proponant pauperum curatores & Diaconi. Primum afferant fidem, sine qua nulla diligentia, & nullum officium rite fieri potest. Deinde in administratione declarent se regi Spiritu sancto, ne uel durius pauperes excipiant, uel ad gratiam hominum bona dispensent, uel torpeant in officio, uel etiam furentur ipsi, uel quod uere pauperum est transferant in alios: sed omnem fidem in officio præsent, cogitantes Deum suæ administrationis inspectorem: statuentes quod membra Christi sint, quorum cura ipsis demandata est: uere sentientes templa Dei esse, quibus præfecti sunt, utut paupertate, morbis & ulceribus scateant.

Quomodo defenderit Religionem quam professus est Stephanus, ostendit 6. & 7. cap. Actorum: Non in periculo abiicit confessionem: non dissimulat, ut multi: sed constans est & fortis suæ religionis

nis

nis propugnator
etiamque tum
etiamque Phari
iudei, sed sectis
tam totius populi
religionem defen
simur.

Constantia e
quod non nimis
datione absterrea
miles, confessione
nobis quoque in e

Inuocatio
iacet, ostendit
tate huius uiri
etiamque, neque fr
lus, qui cultos er
lapidabant, postea

Consolatio in
filium Dei, pro q
dextris Dei pro se
ne pena uerbis
sinas in nostra
preceptis Dei aux
Spiritum.

Eximium uir
precatione. Dom
um, expirant e
ipse cursum con

nis propugnator: non ipsum impedit multitudo se-
ctarum, quæ tum erant plurimæ: non frangitur au-
toritate Phariseorum ac summorum uirorum in
Iudæa, sed sectis se fortiter opponens, solus impe-
tum totius populi sustinet, & longa oratione suam
religionem defendit: quod exemplum nos quoq;
imitemur.

Constantia eius in confessione inde apparet,
quod non minis, non excommunicatione, non lapi-
datione absterreatur à confessione: sed ut inuictus
miles, confessionem in medijs periculis retinet. Hoc
nobis quoq; in exemplum propositum est.

Inuocatio Christi, cum iam obrutus lapidibus
iacet, ostendit & fidem, & testatur de uera cari-
tate huius uiri. Intercedit enim pro suis interse-
ctoribus, neq; frustra pro illis intercessit. Nam Pau-
lus, qui custos erat uestium eorum, qui Stephanum
lapidabant, postea conuersus est.

Consolatio in hac inuocatione sentitur: Nam
filium Dei, pro quo ista sustinuit, uidit stantem à
dextris Dei pro se interpellantem, qua consolatio-
ne poenæ acerbitas non parum mitigata est: hunc
si nos in nostra cruce imitemur, uere sentiemus
præsens Dei auxilium, consolantis nos suo sancto
Spiritu.

Exitus uitæ ipsius latissimus fuit. Nam in hac
precatione: Domine Iesu, suscipe spiritum me-
um, expirauit & obdormiuit in Domino: Atq; ita
ipse cursum consummauit, fidem seruauit, ac iam

coronam, ut strenuus uictor, cum gloria obtinet. Hunc ergo & nos morituri nobis proponamus.

Nunc textum Euangelij uideamus, cuius summa est. Christus prædicit pericula ministrorum uerbi, & comminatur pœnas persecutoribus. Nos docendi causa quatuor locos tractabimus, Qui sunt :

- I. Prædictio persecutionis ministrorum uerbi.
- II. Exaggeratio peccati persecutorum.
- III. Comminatio pœnæ.
- IIII. Exprobratio ingritudinis eorū, qui Christum inuitantem se ad pœnitentiam respuunt.

DE PRIMO.

Ecce ego mitto ad vos Prophetas & sapientes & scribas, & ex illis occidetis, & crucifigetis, & ex illis flagellabitis in Synagogis uestris, et persequemini de ciuitate in ciuitatem. Hoc loquitur Christus ad Iudæos, qui tum uidebantur ipsa Dei Ecclesia esse, & significat, quanta rabie persequuntur aliquando suos legatos, Prophetas & Apostolos. Mittit quidem Deus suum uerbum, ut saluentur recipientes uerbum, eiq; fidem adhibentes : quod autem inde quidam fiant deteriores, hoc non Deo, sed maliciæ hominum imputandum est, qui Deum trahentem per uerbum sequi nolunt. Cur autem persequantur impij Apostolos, explicat Dominus Matth. 10. ubi ait : Et eritis odio omnibus hominibus propter nomen meum.

um. Iohan. 16. Sed uenit hora, ut quisquis uos interfecerit, arbitretur se cultum præstare Deo, & hæc facient uobis, quia non nouerunt Patrem, neq; me. Hic causam ponit, cur impij ita in pios insaniant, uidelicet quod Deum ignorent: quæ Dei ignorantio facit, ut ipsi parricidæ putent se sacras uictimas offerre Deo, cum fideles occidunt. Atq; adeo ruunt ignorantes Deum in hypocrisin, ex hypocrisis in parricidium, donec compleuerint mensuras scelerum suorum. Quid ergo facit Christus? Venit ad ægrotos: illi, ut phrenetici, in Christum se conuertunt, quem de medio sublatum cupiunt. Monstrat ille per suos morbum: Illi contra, morbum non agnoscunt: quare & Medicum contemnunt, & eius legatos persequuntur.

DE SECVNDO.

Vt veniat super vos omnis sanguis iustus, qui effusus est super terram à sanguine Abel iusti &c. Quam grauitè peccent persecutores Ecclesiæ, ostendit. Dicit. n. eos fore reos totius sanguinis sanctorum, qui unquam effusus est, non secus, atq; ipsi sua manu omnes pios & sanctos, atq; adeo ipsum Christum trucidassent: Nam inter omnes impios quædam impietatis cognatio est, quæ facit pœnas æque graues, & reatum æqualem.

DE TERTIO.

Amen dico vobis, venient hæc omnia super generationem istam. Hæc tametsi proprie dicuntur de persecutoribus Iudæis: tamen in uniuersum

uersum ad omnes Ecclesiæ persecutores pertinent : Iuramentum quod interponit Dominus, nos docet duo. Primum, quod impij uerè aliquando rapiantur ad supplicia, utut diu differri uideatur iudicium. Deinde, quod pij, qui persecutionem patiuntur, aliquando gloriose liberentur, traditis suis hostibus perpetuis supplicijs ; Vnde discant pij non succensere impijs persecutoribus, sed potius commiseratione super illorum certa damnatione tangi, & pro illis intercedere, ut Dominus eos conuertat, ne omnes damnentur : quemadmodum Stephanus fecit, ut supra audiuius.

DE QVARTO.

Hierusalem, Hierusalem, quæ occidis Prophetas &c. Hæc uerba Christi compellantis Hierusalem primum exprobrationem habent. Deinde affectum Christi erga eos declarant. Tum significant, quod sua propria culpa pereant. Postremo poenitentiam comminantur.

Cum enim dicit : Quoties volui te congregare, exprobrat ingratitude, quod nec oblatum beneficium recipere uoluerint, nec suæ salutis ullam rationem habuerint, tantum abest, ut benefactoris liberalitatem agnouerint, aut ei grati fuerint. Utinam non magna pars eorum, qui hodie audiunt Euangelium, illis esset similis : id quod sanè suis declarant fructibus.

Affectum suum erga ipsos declarat Dominus, dum se Gallinæ confert, quæ suos pullos intime amat,

mat, & nihil non agit, quò eos ab inimicis auibus tueatur. Absit à pijs cordibus, sentire Christum apud se aliud statuisse de Iudæis, uoluntate aliqua arcana, quàm quòd lacrimis, & ore testatus est. Nam horrendum est, cogitare in Christo contradietorias uoluntates esse, qui ipse damnat cor duplex. Verè igitur illorum salutem uoluit, iuxta dictum Prophetæ: Nolo mortem peccatoris: sed ut conuertatur & uiuat.

TERTIO loco, cum ait Dominus, ET NOLVISTI, aperte testatur Iudæos sua culpa perisse, & repugnasse Christo ex propria malicia, qui eis salutem obtulit. Non dicit, & Deus noluit recipere in gratiam: sed TV NOLVISTI: Quare hinc duo discamus. Primum, ut cautiores facti Iudæorum damno, uerbo Dei præbeamus aures, & inuitanti Christo nos obsequentes præbeamus, nec reluctemur Spiritui sancto, qui uoluntates omnium mouet, qui audiunt Euangelium. Alterum, quòd, quicunq; uerbum audientes, ei non obtemperant, pereant sua culpa, quorum interitus & damnatio non ascribenda ulli fato, aut uoluntati arcane Dei, quasi quorundam salutem non uellet.

QUARTO, cum subiungit: Ecce relinqueretur vobis domus uestra deserta. Hæc pœnæ cōminatio, etsi in specie pertinet ad Iudæos persecutores, quibus uastationem minatur religionis, politiarum & Oeconomiarum: in genere tamen ad omnes persecutores Euangelij pertinet. Commi-

tur

62 FERIA III. NATIVITAT.

tur autem illis, ut aliqui salutem ex ipsis resipiscant. Nam omnes Propheticae comminationes habent tacitam conditionem, scilicet, nisi egeritis poenitentiam: sicut in Niniuitis uidemus, & Christum audimus contestantem, his uerbis: Nisi poenitentiam egeritis, omnes similiter peribitis, Luc. 13.

Simus ergo admoniti hac comminatione, ut nos, modo uelimus effugere iram Dei, seriam agamus poenitentiam, & Christum saluatorem nostrum ueris gemitibus imploremus, ut nos uera fide & inuocatione conseruet, cui cum Deo Patre & Spiritu sancto sit laus, honor & gloria in secula seculorum, Amen.

FERIA TERTIA NATIVITATIS DOMINI,

Iohannis 21.

Dicit Iesus Petro: Sequere me. Cōuersus Petrus, uidit illum discipulum, quem diligebat Iesus, sequentem, qui & recubuit in Coena super pectus eius, & dixit: Domine, quis est ille, qui te tradit? Hunc ergo cum uidisset Petrus, dicit Iesu: Domine, hic autem quid? Dicit ei Iesus: Si uelim eum manere donec veniam, quid ad te? tu me sequere. Exiit ergo sermo iste inter fratres, quod discipulus ille non moreretur. Et non dixerat ei Iesus: non moritur: Sed, si eum uelim manere, donec veniam, quid ad te? Hic est discipu-



discipulus ille,
his, & scriptum
est testimonium

ENARR

Summa huius
Sic interrogat
illi, ut se sequatur
et glorificatur
tri, Evangelista ad
rigit, qui male in
rant falso loquent
asserit, Evangelium
verum esse. Porro
tuatur loci, qui



discipulus ille, qui testimonium perhibet de
his, & scripsit hæc, & scimus quod verum
est testimonium eius.

ENARRATIO TEXTVS.

Summa huius Euangelij est: Postquam Christus
interrogasset Petrum an se amaret, mandat
illi, ut se sequatur, significans, quod se sua morte
esset glorificaturus. Præterea correcto errore Pe-
tri, Euangelista aliorum discipulorum sensum cor-
rigit, qui male intelligentes uerba Domini, puta-
runt falso Iohannem non moriturum. Postremo
asserit, Euangelium à Iohanne scriptum de Christo,
uerum esse. Porro huius Euangelij quatuor consti-
tuantur loci, qui sunt:

I. Collo-

- I. Colloquium Christi & Petri, & mandatū Christi, ut Petrus se sequatur.
- II. Ut uocatio cuiq; sua commendatur: Ita damnatur curiositas.
- III. Correctio erroris discipulorum orti ex male intellectis uerbis Domini.
- IIII. Commendatio Euangelij à Iohanne scripti.

DE PRIMO.

Et cū hoc dixisset, dicit Petro: Sequere me. Quia Petrus ter negauit Christum, uoluit Dominus terna confessione eum in suum statum & Apostolatum restituere. Nam par erat, ut qui toties negasset suum Dominum, hac ratione & uelut disciplina castigaretur, ac probaretur, & ut nota fieret eius conuersio. Tria autem sunt, quæ hic cum Petro agit Dominus: Primum ter illum interrogat, an se amet: cui Petrus ter quoq; respondet, ut hac terna confessione, apud alios ternam negationem ablueret, ac in suum ita locum restitueretur. Deinde ter commendat illi Apostolatus officium, dicens: Pasce oues meas, hoc est, esto Apostolus meus, qui doctrina Euangelij, Sacramentis, & sancta uita mihi congreges oues. Habemus hic munus Apostolatus, adeoq; omnium ministrorum uerbi, esse pascere oues Christi. Deinde Metaphora ouium significatur, qualisnam sit cœtus ille hominum, qui ouium appellatione signatur. Primum ergo quedam de pascendi ratione: Deinde de ouibus quedam hic dicenda sunt.

Christus

Christus pascit, & Apostoli, alijq; ministri uerbi pascunt: sed non similis omnium ratio est. Christus enim ut Dominus, ouium pastor, Apostoli ut serui: Christus intus suo Spiritu: Apostoli externo ministerio. Nam eos qui feritate morum urfi aut Leones erant, cicurant, intus Domino per Spiritum suum operante: ac ita in ouile Christi, hoc est, in regnum Christi introducunt: idq; adhibitis clauibus Ecclesie Christi, à Christo uero pastore datis. Sunt autem hæ clauis aliæ nullæ, quàm uerbum & fides: uerbum adhibet minister, fidem ad prædicationem uerbi intus adhibet Spiritus CHRISTI. Nam prædicatione uerbi Dei, de peccatorum remissione impetranda per Christum, unica clauis est ad aperendum regnum cœlorum, Quod si is, qui audit, adiungat etiam ueram fidem, & Euangelio uere adsentiat, accedit etiam clauis altera: his duabus clauibus recluditur regnum cœlorum, & impetratur condonatio peccatorum. Hoc ita esse ostendit legatio Christi, in qua, quod per clauis figuratè dicitur, claris & significantibus uerbis exprimitur cum ait: Euntes prædicate Euangelium omni creaturæ: Ecce habes priorem clauem. Verum cum addit: Qui crediderit, saluus erit, alteram ostendit clauem. Sunt ergo hæ duæ clauis uerbum & fides, quibus recluditur regnum cœlorum: Verbum applicatur foris per ministrum: sed uirtute Spiritus receptum, gignit per fidem, qua intratur in ouile Christi.

E

Deinde

Deinde, cum pastores intromiserint oves in ouile Christi, debent eas pascere uerbo & Sacramentis: aberrantes ab ouili, pedo, hoc est, obiurgationibus reuocabunt: laborantes & egrotas consolationibus refocillabunt: & semper excubias agent circa gregem suum, ne lupi ueniant & disrumpant ouile, & dispergant oves. Hæc omnia commisit Dominus Petro atq; alijs Apostolis, imo omnibus ministris Euangelij, quando dixit Petro: *Pasce oves meas.*

Sed cur oves appellat, quos Christo adducunt Apostoli? Tres causas potissimum inuenio: quarum Prima est, quod mansuetos esse oporteat, qui Christo dant nomina. Non enim decet eos, qui in Christi familia censerī uolunt, imitari truculentiam leonum, rapacitatem luporum, astutias uulpium, libidinem hircorum, sordes porcorum, aut alios ferarum affectus exprimere.

Secunda causa est, quod quemadmodum oves sui pastoris uocem norunt: & alienam refugiunt: Ita pij solum Christum doctorem agnoscent, & eos, qui eius uocem sonant, audient, & non alios quantumuis magni nominis, imo etiam si fuerint Angeli de cælo.

Tertia causa est, quod quemadmodum oves suum pastorem, quocumq; iuerit, sequuntur: Ita pij Christum, in uita, in cruce, in gloria sequi debent, ipsius uitam uitæ regulam intuebuntur, ipsius crucem per patientiam, quoties opus est, sustinebunt,

nebunt, de postea cuius in cruce socij erant, gloriæ quoq; erunt participes: quemadmodum Paulus ait: Si cum illo patimur, una etiam cum illo glorificabimur. Hinc ergo pij uerbi ministri discant recte pascere gregem Christi. Et oues sint mansuetæ: audiant sui pastoris unicam uocem: eumq; sequantur in uita, cruce & gloria.

Tertium, quod agit hic Christus, est quod Petro significat, quali mortis genere sit Deum glorificaturus, cum ait: Cum esses iunior, cingebas te, & ibas quo volebas: cum autem senueris, extendes manus tuas, & alius te cinget, & transferet quo noles. Significatur his uerbis, quod Petrus ob Christi confessionem debeat aliquando crucis supplicium subire: quod Irenæus & pleriq; ueterum testantur Romæ factum esse regnante Nerone. Tametsi de hac re iusta potest esse dubitatio.

His subiungit Christus mandatum suum ad Petrum, & iubet ut se sequatur, non amplius abiciat confessionem, sicut antea, sed strenue usq; ad mortem se inuictum militem Christi præstet: hoc unusquisq; nostrum sibi dictum putet.

DE SECVNDO.

Conuersus Petrus, uidit illum discipulum, quem diligebat Iesus sequentem, qui & recubuit in Cœna super pectus eius: hunc ergo cum uidisset, dicit Petrus Iesu: Domine, hic autem quid?

Cui Iesus: Si eum uelim manere donec ueniam,

E 2 quid

quid ad te? tu me sequere. Petrus audiens à Domi-
no, quòd esset aliquando subiturus, Christi nomine,
durum supplicium, non tam quid sibi faciendum
præscribitur spectat, quàm est sollicitus de alijs: est
quidem paratus ad ferendam crucem Christi nomi-
ne: sed interim accedit ex infirmitate carnis quæ-
dam curiositas, qua ea inuestigat, quæ ad se nō spe-
ctant. Tanta enim hominum imbecillitas est, ut sem-
per in nostris aduersis respiciamus ad aliorum fe-
licitatem: qua re facimus ipsi nobis crucem acer-
biorem & difficiliorem. Libenter uellemus, ne alij
nobis essent feliciores. Dulce enim, iuxta prouer-
bium, commune naufragium. Verum cùm Dominus
hanc curiositatem taxat in Petro, sciamus hanc re-
prehensionem ad nos quoq; pertinere. Vt autem
istud in Apostolo corrigat, ait: Quid ad te? me se-
quere, quasi dicat: Noli respicere ad aliorum feli-
citatem, sed potius hoc specta, ut tuum officium fa-
cias, ac feras quicquid tibi Dominus ferendum im-
posuerit. Ita uult Dominus, ut nostram curemus uo-
cationem in timore Domini: non uult, ut putemus
nos infeliciores esse, si alij nobis uidentur felicio-
res. Nam quælibet uocatio suam habet adiunctam
crucem, quæ ferenda est æquo animo. Omnes, inquit
Paulus, qui uolunt piè uiuere in Christo, persecu-
tionem patientur: nemo ergo, modo pius erit, ex-
pers crucis erit. Quare curiositate prophana ab-
iecta, unusquisq; maneat in uocatione, qua uocatus
est: Sit quietus, & propria agat, iuxta Pauli con-
siliū.

filium. Quier
prophorum
mur: quemad
propria agere,
uocationis sum
quing sunt in
uocatio debet e
ta debent esse a
tio, si quid adu
lationem petas
Quarto, uoca
Christi comm
felicitate in u
cedit, Deus
adhibeat. Ho
sane tuam uoc
fore.

Exiit inter f
ille non more
reuerentis. C
quid ad te? Disce
si sua conditio
nen mori, donec
ligentia in lecti
quam que dicim
mur itaq; que
conditio, aut

filium. Quietos uult nos esse, ne instar hominum prophanorum in alienis negocijs nimium occupemur: quemadmodum multi hodie faciunt. Vult nos propria agere, hoc est, uult unumquemque, quæ suæ uocationis sunt, curare. Vt autem id fieri possit, quinque sunt in quaque uocatione spectanda. Primum uocatio debet esse legitima. Deinde, fides & caritas debent esse actionum regulæ in uocatione: Tercio, si quid aduersi in uocatione contigerit, consolationem petas è conscientia legitimæ uocationis. Quarto, uocationem ad gloriam Dei & Ecclesiæ Christi commodum referes. Postremo, quia nihil feliciter in uocatione absque benedictione diuina succedit, Deus rogandus est, ut manus auxiliatrices adhibeat. Hoc si feceris in uero timore Dei, senties sane tuam uocationem non inutilem Ecclesiæ Dei fore.

DE TERTIO.

Exiit inter fratres sermo, quod discipulus ille non moreretur. Vide quam facilis est in errorem lapsus. Christus dicit: Si eum uolo manere, quid ad te? Discipuli autem hoc intellexerunt, quasi sine conditione dixisset: Volo illum manere, & non mori, donec ueniam. Hic ergo admonemur diligentie in lectione sacrorum librorum, ne aliena, quam quæ dicuntur illinc extruamus. Amplectamur itaque, quæ clara & perspicua sunt: quæ, cum conditione, aut obscure dicuntur, conferamus cum

clarioribus locis : & imploremus Deum , ut nobis
det clauem ueræ scientiæ, quo intelligamus ea sine
errore , quæ nostræ salutis intersunt : à quæstioni-
bus inutilibus , nihil facientibus ad ædificationem,
abstineamus , scientes hanc simplicitatem gratam
Deo, iuxta dictum : Altiora te ne quæseris.

DE QVARTO.

Ipse Euangelista claudit suum Euangelium di-
cens : Hic est discipulus iste, qui perhibet te-
stimonium de his , & scribit hæc, & scimus,
quòd verum est testimonium eius. Hæc est
ueluti quædam obsignatio Euangelij à Iohāne scri-
pti, cum dicit: Scimus, significat Euangelium esse
certum, uerum & infallibile. Hoc Euangelium uo-
cat testimonium, quia de Christo & eius beneficijs
testatur. In quem autem finem suum Euangelium
scripserit Iohannes, exponit ipse in fine capitis 20.
cum ait : Hæc autem scripta sunt, ut credamus, quòd
Iesus est Christus ille Filius Dei, & ut credentes ui-
tam habeatis per nomen eius. Est ergo duplex finis
Euangelij : nempe noticia Iesu Christi, & salus per
fiduciam in ipsum, Cui gloria in secula, Amen.

DOMINICA INFRA
OCTAVAM NATIVITA-
tis Christi, Luc. 2.

Et

ET erant Pater & Mater eius mirantes super his, quæ dicebantur de illo. Et benedixit illis Simeon, & dixit ad Mariam matrem eius: Ecce positus est hic ad ruina[m], & in resurrectionem multorum in Israel, & in signum cui contradicitur. Quin & tuam ipsius animam penetrabit gladius, ut retegantur ex multis cordibus cogitationes. Et erat Anna Prophetissa filia Phanuel de tribu Aser: Hæc processerat in multam ætatem, & vixerat cum viro annis septem à virginitate sua. Et hæc vidua annorum ferme octoginta quatuor, quæ non discedebat de templo ieiunijs ac deprecationibus seruiens die ac nocte: & hæc eadē hora superueniens, vicissim confitebatur Domino, & loquebatur de illo omnibus qui expectabant redemptionem Hierosolymis. Et ut perfecerunt omnia secundum Legem Domini, reuersi sunt in Galilæam in ciuitatem suam Nazareth: Puer autem succrescebat, corroborabaturq[ue] spiritu, & implebatur sapientia, & gratia Dei erat super illum.

ENARRATIO TEXTVS.

HOC Euangelium est pars rerum gestarum, die purificationis beatæ uirginis in Templo, postquam parentes IESV secundum legem Mosi obtulissent & constituissent puerum coram Domino. Est autem summa huius partis, quod Si-

E 4 meon

meon & Anna testimonium dent Christo, & agnoscant illum Regem & Messiam promissum: cui impius quidem mundus sese oppositurus est in proprium malum: pii uero amplectuntur ipsum sibi in resurrectionem & salutem. Constituamus autem tres locos, qui sunt:

- I. Admiratio parentum Iesu.
- II. Testimonium Simeonis et Annæ de Christo.
- III. Augmentum humanitatis Christi.

DE PRIMO.

Parentum Christi admiratio ostendit, quod ratio nihil percipiat rerum diuinarum. Debemus ergo uoci Dei credere, eamq; admirari, potius quam abnegare. Admirantur autem quod Deus nunc secundum suum æternum ac arcanum consilium miserit Messiam, quem tot Prophetæ, Patriarchæ, & Reges expectauerant: Admirantur testimonium Angelicum, admirantur senis Simeonis uocem, quæ etiam in fide confirmantur solidius.

Hæc admiratio sancta quædam est cogitatio, quæ reuerenter considerant & amplectuntur spiritus sancti uaticinium: unde magis magisque in Christi cognitione proficiunt. Hoc exemplum nobis quoq; proponendum est. Non mox repudiabimus, quæ ratio non capit: sed sancta cum admiratione amplecti debemus diuina oracula: & ut fides nostra noua capiat incrementa, omnia adminicula ex Prophetijs, ex miraculis, ab exemplis, ab omnibus deniq; rebus colligemus in maiorem admirationem.

N.
nem. Non ille
cit. qui quotidie
admiratur.
Porro Ioseph
Maria fuerit ei
datus. Dicit habu
matrem, et quia p
Paulus dicit ad H
quæstio, id est, si
tre quidem secun
matre uero est, si
bitem & eternu
sine matre ab a
Euangelij con

In testimoni
sunt. Primum, he
suum affectum c
mirum quod cap
regno: atq; hoc s
rum Patriarchar
cari iunioribus. E
si nihil aliud, quæ
na precari. Hinc
stam confiteri:
quod pertinet ad
cundam petitione
Alterum, quo

nem. Nam ille demum in schola Christi bene profecit, qui quotidie cum augmento fidei magis magisque admiratur.

Porro Ioseph hic dicitur pater Christi, eo quod Maria fuerit ei desponsata, & quod Ioseph mandatum Dei habuerit curandi hunc puerum & eius matrem, et quia putatus est vulgo esse pater Christi. Paulus dicit ad Hebr. quod Christus est ἀπατὼρ et ἀμήτωρ, id est, sine patre & sine matre: Sine patre quidem secundum natiuitatem carnalem: Sine matre uero est, secundum natiuitatem illam admirabilem & æternam, qua filius Dei natus sit à Patre sine matre ab æterno: de qua natiuitate principium Euangelij concionatur, sicuti nuper audiuius.

DE SECUNDO.

In testimonio Simeonis, quatuor consideranda sunt. Primum, benedicit eis: qua re Simeon declarat suum affectum erga Christum & eius regnum, nimirum quod cupiat bene huius noui Regis nouo regno: atque hoc fecit Simeon consuetudine Sanctorum Patriarcharum, qui solebant senes bene precari iunioribus. Est enim benedicere hebraica phrasis nihil aliud, quam felicem successum optare ac bona precari. Hinc singuli discamus, Primum Christum confiteri: Deinde eius regno bene precari, quod pertinet ad secundum præceptum, & ad secundam petitionem.

Alterum, quod considerandum est in testimo-

E 5 110

nio Simeonis, est uaticinium, quod duo complectitur: Primum, quod Christus sit futurus multis in ruinam, ut in ipsum impingentes cadant multi & pereant, non ipsius culpa: sed ipsorum, qui hunc Christum amplecti nolunt. Sed quæret aliquis: Quo modo Christus positus sit in ruinam incredulis, qui iam sunt perdit. Bis pereunt impij. Primum propria infidelitate sunt perdit. Deinde, quia oblata salute se ultro priuant. Perinde enim est, ac si quis ob furtum esset adiudicatus morti semel, & deinde regis filium pro se intercedentem conspueret, spreta per illum oblata liberatione. Hic merito bis perditus dici posset, cum ob proprium furtum, tum quia liberatorem suum aspernaretur in maius supplicium. Quamuis ergo omnes impios, qui Christi nomen non audiuerunt, certus manet infidelitatis sue interitus: Tamen illi, qui scientes & uolentes Christum respuunt, secundam ruinam sentient, & grauius punientur. Seruus enim sciens uoluntatem Domini & non faciens, uapulabit plagis pluribus: mitius ergo erit Turcis & ethnicis in extremo die quam illis, nisi egerint pœnitentiam. Alterum, quod idem Christus sit futurus resurrectio multorum in Israel, id est, liberatio à peccato, donatio iusticiæ, resurrectio à morte, & hæreditas omnium bonorum.

TERTIVM, quod considerandum est in Simeonis testimonio, est Apostrophe ad uirginem matrem Christi, cui prædicit crucem & persecutionem,

nem, dicens: Et tuam ipsius animam pertransibit gladius. Hæc uerba etiamsi proprie ad Mariam pertineant: tamen communiter ad totam Ecclesiam, cuius typum gessit, referenda sunt. Maria opus habuit hac admonitione propter duo. Primum ut hoc Spiritus sancti oraculo admonita, componeret se ad sustinendos tristes euentus, cum uideret filium suum male excipi à suis, ac tandem in crucem suspendi. Deinde, ut ita munita aduersus futuros insultus, nihilominus certa fiducia exultaret, quòd tandem ipsius filius esset futurus suorum hostium uictor: hac freta fiducia astitit cruci, forti animo ipsius gloriosum triumphum expectans. Deinde hæc uerba ad Ecclesiam totam pertinent. Hoc enim uaticinio indicatur, quod ipsa Ecclesia sit in hoc mundo futura sub cruce, & simul exemplo uirginis eam erigit.

QUARTVM, quod in hoc Simeonis testimonio considerandum est, quod Simeon dicit, disceptationes ex multorum cordibus reuelandas: quæ uoce significat fore multos, qui aperte se declarabunt esse hostes Christi, & rursus qui Christum confitebuntur, usq; ad extrema pericula & sanguinis effusionem. PRIMVM nos consoletur aduersus scandalum crucis. ALTERVM in nobis fiduciam alat.

In testimonio Annæ duo considerata sunt: Primum Prosopographia personæ Annæ, quam commendat à Prophetico spiritu, id est, cognitione rerum

rum spiritualium seu regni Christi à parentibus, ab ætate, à castitate, à sedulitate precandi.

Hec eo pertinent, ut sanctissimæ matronæ maiorem autoritatem concilient, ut plus uni sanctæ matronæ credamus, quàm maximæ Phariseorum & Sacerdotum turbæ, qui hunc CHRISTVM non agnoscunt.

Imitemur igitur nos potius paucos pios, quàm innumeram impiorum turbam, quæ Euangelium persequitur. Obseruemus quoq; hic imaginem Ecclesiæ Christi, quæ est grex pusillus, non præferens splendorem mundi: sed faciem uerbi cœlestis.

Alterum est confessio Annæ, quæ tria continet.

1. Quòd cum Simeone confitetur Christum, & simul melodia aliqua Christum prædicabat: unde pij discant, ut se mutuo hortentur ad prædicandas laudes Dei.
2. Docet populum. Cessantibus enim Scribis & Phariseis, mulier sancta prodit, & loquitur de illo omnibus, qui expectabant redemptionem in Hierusalem.
3. Apertè Christum *Ἰωάννην* & Redemptorem agnoscit. Intellexit enim istum infantem fuisse Semen illud promissum, quod contritum esset caput serpentis, ac ita hominem perditum eriperet è regno Diaboli.

DE TERTIO.

Puerulus autem crescebat & roborabatur Spiritu, implebaturq; sapientia, & gratia Dei

Dei erat super illum. Hoc est, Quemadmodum puer Iesus etate progressus est: Ita diuina natura in ipso se exeruit, ac indies magis magisque proficiebat sapientia, & una cum etate creuerunt in eo animi dotes. Verum quia diuinitati nihil potest accedere, manifestum est hæc ad humanam pertinere naturam: Quemadmodum enim corpore adoleuit paulatim: Ita secundum animam indies magis magisque dotes animi creuerunt. Neque hoc à Christo alienum est, qui nostri causa formam serui assumpsit, in qua exinanitus fuit. Nam ut propter nos exinanitus fuit: Ita rursus paulatim creuit, donec in suam gloriam iterum per resurrectionem ingressus est. Neque hoc factum est sine nostra doctrina & admonitione. Docemur enim, illum ideo creuisse, ut nos de plenitudine eius accipiamus gratiam pro gratia. Admonemur & nos exemplo Filij Dei, ut perpetuis incrementis studeamus, ut indies magis magisque abundemus in uera Dei cognitione & omni sensu: ut & uero iudicio & affectu probemus quæ sint pia, sancta & honesta, & ueros fidei fructus quotidie edamus: sed ita ut dies sequens præcedentem superet. Nam qui non progreditur in cognitione Dei, & sensu pietatis, ipse retrogreditur, ac in eo paulatim extinguatur fides: & ita rursus in corde ipsius sepelitur Christus, ac iterum in peccata contra conscientiam ruit. Exemplum habemus in Dauide. Is enim sapientia spiritali supra omnes suæ ætatis homines profecerat,

78 *DOMIN. INFRA OCT. NAT.*
rat, & gratia Dei erat cum illo. Sed quid factum
est? Factus est sedens in suo regali solio paulò lan-
guidior: Extinguebatur paulatim ille ardor &
zelus glorie Dei, qui fuit in illo, dum contra Go-
liad pugnauit, & eum uicit: & cum in periculis
uersabatur quotidie persequente ipsum Saule. Quid
inde factum est? Conspicitur mulier decora &
pulchra: affectus excitantur sine ullo impedimen-
to. Ardor enim spiritus iam prorsus friguit: uo-
luntas cedit affectui, ac deinde ruit in peccatum
contra conscientiam commisso adulterio, cui mox
addidit optimi ciuis parricidium: quæ scelera po-
stea per integrum annum hypocrisi textit, etsi si-
mulauit quidem pietatem, quæ iam Spiritu Dei ab-
sente exulabat.

Huiusmodi sunt multa alia exempla, quæ mo-
nent nos, ut puerum Iesum hic imitemur. Is creuit
sapientia, & gratia Dei erat super illum: nos quoq;
crescamus sapientia salutari, & rogemus fontem
sapientiæ Iesum, ut de sua plenitudine nobis largia-
tur: Ita futurum est, ut gratia Dei, quam obtinemus
per & propter Christum, super nos maneat. Vt
enim gratia Dei sola facit, ut in donis spiritualibus
faciamus quotidie progressus: Ita retinetur gratia
& manet, quando ipsi non torpemus, sed strenue
laboramus, ut gratiam accepisse frustra non uideamur.

Huc pertinet illud Pauli: Spiritum nolite ex-
tinguere. Suscitanda sunt igitur dona Dei crebris
exerci-

DIE
exercitijs, ut in
Dei Patris, Filij
honor, gloria, in

DIE C.
NIS D.

ET postq; co-
Circumcide-
men eius IES
Angelo, prius

ENAR

HOC festi-
Hoc causas
prima est, ut sci-
cium Dei erga
commendat, intel-
no recte utamur,
stam salutem &
Historia est, quæ
sua naturitate ca-
consequitur, & nome-
cre, si inditum, a
Deum, qui
pro nobis factus
cet: Factus est sub
redimeret.
Vnus deniq; in

OCT. NAT.
lo. Sed quid factu
gali solio paulula
latim ille ardet
illo, dum conuersa
cum in periculi
e ipsum Sancti
mulier decorat
ine ullo impetu
prorsus frigida
ide ruit in pecu
to adulterio, cum
iura: quae seclera
ypocriti textit, et
ia iam Spiritu Dei

DIE CIRCVMCIS: DOM. 79
*exercitijs, ut indies magis proficiamus in gloriam
Dei Patris, Filij & Spiritus sancti, Cui soli Deo sit
honor, gloria, in secula seculorum, Amen.*

DIE CIRCVMCISIO
NIS DOMINI, EVAN-
gelium, Luc. 2.

ET postq̃ consummati sunt dies octo, vt
circumcideretur puer, vocatum est no-
men eius IESVS, quod vocatum erat ab
Angelo, priusquam in vtero conciperetur.

ENARRATIO TEXTVS.

HOC festum de Circumcisione Domini, tres
ob causas in Ecclesia institutum est. Quarum
prima est, ut sciatur Historia. Secunda, ut benefi-
cium Dei erga genus humanum, quod Historia
commendat, intelligatur. Tertia, ut beneficio diui-
no recte utamur, cum in Dei gloriam, tum in no-
stram salutem & aliorum adificationem.

Historia est, quod Christus Dominus die octauo
à sua natiuitate carnali, iuxta legem Moysi sit cir-
cumciscus, & nomen ei, quod ab Angelo prae dictum
erat, sit inditum, uocatusq̃ sit Iesus.

Beneficium, quod Historia commendat, est, quod
pro nobis id factum sit, quemadmodum Paulus do-
cet: Factus est sub lege, ut eos, qui sub lege erant,
redimeret.

Vsus deniq̃ in his consistit, ut cognito benefi-
cio,

cio, Deo grati simus, nostram fidem hoc facto confirmemus, ac exemplo Dei Patris & Filij ipsius Iesu Christi studeamus de omnibus bene mereri. Porro, ut hæc nobis informandis de hoc beneficio efficacius seruiant, duos locos tractabo, Qui sunt:

- I. De Circumcisione.
- II. De suauissimo nomine Iesu.

DE PRIMO.

Vt hanc de Circumcisione distinctius intelligamus doctrinam, hæc ordine nobis explicanda uidentur: quomodo Deus soleat hominem de sua instituere uoluntate: Qualis res fuerit Circumcisio illa carnalis, quæq; in illa sint spectanda: unde constabit Sacramentorum cum ueteris, tum noui Testamenti ratio: Cur Christus sit circumciscus: & quæ sit spiritalis illa circumcisio, sine qua salus nemini unquam contigit.

Deus ante lapsum, & post lapsum, ante legem, sub lege, & post Christum exhibitum, semper solitus est hominem de sua uoluntate duabus instituere rebus: unâ perceptibili mente, altera, perceptibili sensu, ut id, quod menti offertur intelligendum, quodammodo sensibus externis percipiatur: Ita uoluit Deus clementissimus humanæ consulere imbecillitati.

Menti uerbum proponit, per quod suam uoluntatem homini patefecit: sensibus signa aspectabilia, quæ idem docent uisibiliter, quod uerba sonant & menti offerunt. Hominem formatum Deus in Pa-

radiso

radiso posuit, ei uerbum suae uoluntatis testimonium dedit: uerbo adiecit duplex signum externum, nempe arboris uitae, & arborem scientiae boni & mali. Post lapsum hominis dedit promissionem Seminis, cui signa externa sacrificia adiecit. Superato diluuio, promissionem uoce proposuit, ac eius signum arcum caelestem fecit. Abrahamo fit promissio Seminis, cui promissioni signum circumcissionis in perpetuam rei memoriam adiecit. Promisit liberationem de seruitute Aegyptiaca, quam & praestitit: sed hanc promissionem agno Pharae obsignauit. Mosi promissionem commendauit, sed addito ueluti sigillo testamento sanguinis uaccae ruffae. Tandem Deus dat Filium, & per illum promittit credentibus uitam aeternam, quam promissionem duobus augustissimis Sacramentis, Baptismo & Coena Domini confirmauit. Breuiter: semper suo uerbo Dominus aliquod externum adicere testimonium solet, ut & mente & sensu, quasi palpeamus, quae sit eius erga nos uoluntas. Quicquid enim ab homine percipitur, id fit aut mente aut sensu, aut utroque simul: Verum Deus, ut certiores simus de nostra salute, uerbum menti, signum externum sensibus, proponit, & nihil non facit, quod ad nostram salutem facere iudicatur. Atque ita Deus hominem de sua uoluntate instituere solet.

Hoc iacto fundamanto, qualenam signum fuerit circumcisio illa carnalis & aspectabilis, facile intelligitur, modo uerbum, cui hoc signum addi-

F

tuna

tum est, in medium producamus. Nam signum nihil aliud est, quam promissionis, quæ uerbo continetur, efficax quoddam Symbolum & authentica obsignatio.

Quòdnam est igitur uerbum, cui circumcisio additur? Dominus Gen. 17. promisit se fore Deum Abrahami & Seminis eius, & requirit ab Abrahamo fidem huius promissionis, & ut ambulet coram se & sit perfectus, hoc est, ut omnia postponat obedientiæ erga se, retinens fidem & bonam conscientiam. Huic promissioni & mutuo pacto ipse Deus externam circumcisionem adiecit, ut in carne Abrahamæ testimonium esset mutui inter Deum & Abrahamum fœderis. Ait enim Dominus: hoc est pactum, quod obseruabitis inter me & uos, & semen tuum post te. Circumcidetur inter uos omne masculinum, & circumcidetis carnem præputij uestri, ut sit in signum fœderis, inter me & uos &c.

Videmus ergo hîc promissionem præcedere, mandatum signi sequi, signum præscribi, & fidem promissionis, iuxta Pauli rationem, exigî: Vnde colligitur in Circumcisione esse quatuor: promissionem, mandatum Dei, signum aspectabile, & fidem promissionis, quam necessario requirit promissio. Atq; hæc quatuor in Circumcisione sunt spectanda, quæ in eiusdem definitione includi debent hoc modo:

Circumcisio carnalis mandata à Deo, est reser-
ctio

Actio præputij uirilis membri, quo Deus suum pa-
 ctum cum homine initum confirmat, & uicissim
 homo hoc diuini fauoris testimonio confirmatus se
 uiua fiducia erigit. Quare Paulus Circumcisio-
 nem $\sigma\phi\rho\alpha\gamma\iota\delta\alpha$, id est, signaculum iusticiæ fidei
 appellat Rom. 4. Est enim ueluti externa promissio-
 nis de gratuito fauore Dei obsignatio: eadem de
 causa Stephanus in Actis Circumcisionem testa-
 mentum appellat. Quia ergo promissio necessario
 præcedit, & fides sequitur, quæ in promissione
 respicit, mutuum erit fœdus Circumcisio, Dei qui-
 dem promittentis, & hominis fide promissam gra-
 tiam recipientis, quæ promissionis fides signo ex-
 terno confirmatur: Atq; hæc est Circumcisionis
 uera ratio. Iam duo necessario adiicienda sunt: u-
 num, cur in seminali membro illud signum esse uo-
 luerit Dominus. Alterum, quare etiam nunc non
 daret, cum promissio sit æterna.

Præcisio eius membri, quod est geniturae in-
 strumentum, significat primum totam naturam
 nostram, ut est propagata ab Adam, corruptam es-
 se. Deinde significat eandem amputandam & re-
 secandam. Caro enim & sanguis non possunt in-
 trare in regnum cœlorum. Tertio, significabat
 uenturum esse Semen promissum, quod afferret no-
 uam natiuitatem, qua homines nascerentur filij
 Dei. Atq; ita si, generalem rationem Circumcisio-
 nis spectes, est testimonium & obsignatio gratiæ
 si Symbolum, est naturæ deprauatæ & mundanæ

de nota: si externam hominum societatem, est signum seu tessera, quo Ecclesia à prophanis coetibus discernitur.

Sed quare etiam nunc non durat Circumcisio, cum promissio nondum cessauit? quia unum signabatur per Circumcisionem exhibendum, quod iam exhibitum est: Nempe Semen mulieris, quod est Christus Dominus de purissimo uirginis sanguine natus. Quare etsi res promissa manet: signum tamen Circumcisionis mutatum est in Baptismum: ut sicuti Circumcisio figurabat uenturum: ita Baptismus testetur exhibitum Christum. Quare adhuc qui circumcidi uult, Christum uenturum expectat, & non credit, exhibitum.

Ex his, quæ iam de Circumcisione dixi, facile est iudicare, quæ sit sacramentorum, cum noui, tum ueteris testamenti ratio. Vt enim in Circumcisione quatuor concurrunt: promissio, mandatum de signo, signi usus, & fides promissionis: Ita in omni Sacramenti ratione eadem concurrere necesse est: ut Sacramentum diuinum, sit signum uisibile mandatum & institutum à Deo, quo, ut Deus erga hominem suam testatur promissionem: ita homo accipiens signum, uicissim suam erga Deum fidem profitetur, eamque usu signi & cogitatione confirmat. Verum in signis singulis, spectanda est singularis analogia signorum ad res signatas: ut aquæ in Baptismo analogia ad rem signatam, hoc est, quemadmodum foris hominem abluit ab externis sordibus

Sordibus: Ita C
tius nostras à me
Sed cur Chr
nummum pecca
bens exponit, et
temporis, misit D
re, factum sub le
neret: Quare u
cumcisus: neq; u
te suam in ara c
testatus est, Ci
diuinitus instit
Iam pauc
eumcisione, q
cordis in spirit
per illam exteri
tribilem. De ha
cumcidite præp
uestram, ne induc
z, omnium lucul
Circumcisionem,
qui spiritum D
sto, & non in ca
bis sunt duo spec
ua Circumcisio
stus, atq; adeo
amputat quicqu
nobis, quæ circ
mum etatum.

Sordibus: Ita Christi sanguis intus abluit conscientias nostras à mortuis operibus. Atq; ita de alijs.

Sed cur Christus circumciscus est, cum sit extra numerum peccatorum? Hoc Paulus Galatis scribens exponit, cum ait: Quando uenit plenitudo temporis, misit Deus Filium suum natum ex muliere, factum sub lege, ut eos, qui sub lege erant, redimeret: Quare ut natus est propter nos: ita & circumciscus: neq; uoluit Circumcisionem abolere ante suam in ara crucis peractam uictimam: qua re testatus est, Circumcisionem, Sacramentum fuisse diuinitus institutum.

Iam pauca adijcienda sunt de spiritali Circumcisione, quæ uocatur in scriptura Circumcisio cordis in spiritu, non manu facta, quæ significatur per illam externam, ut res inuisibilis per rem aspectabilem. De hac præcipit Dominus, Deut. 10. Circumcidite præputium cordis uestri, & ceruicem uestram, ne induretis amplius. Sed Paulus ad Phil. 3. omnium luculentissime hanc spiritualem definit Circumcisionem, cum ait: Nos Circumcisio sumus, qui Spiritum Dei colimus & gloriamur in Christo, & non in carne confidentes. In his Pauli uerbis sunt duo spectanda: causa seu effectus, seu actiua Circumcisio & passiua. Causa est ipse Christus, atq; adeo actiua Circumcisio est, qua Filius amputat quicquid est peccati & maledictionis in nobis, quæ circumcisio sentitur in omnibus pijs omnium ætatum. Effectus seu passiua Circumcisio

est, qua renati amputant indies magis ac magis reliquias peccati, & student nouæ uitæ, omnibus uicijs, quantum fieri potest, amputatis. Verum Paulus optimo ordine distribuit effectus: & tres statuit. 1. Vt colamus Deum spiritu. 2. Vt gloriemur in Christo. 3. Vt abijciamus fiduciam carnis abnegando nos ipsos. Ultimo loco positus primus ex ordine consequentiæ: quem secundus sequitur, & hunc qui in primo loco ponitur.

Proinde nos circumcidere oportet omnia membra cum interiora, tum exteriora: Interiora: ut sunt, mens, cor, uoluntas. Mens circumcidenda est abiectione erroris, & uera Dei noticia: à corde uiciosi affectus amputari debent: uoluntas, conuersione ad Deum. Exteriora: ut sunt aures, oculi, labia, mores &c. ut iam non amplius deprauatæ naturæ obsequium præstent: sed Spiritui regenerationis obtemperent.

DE SECUNDO.

Nomina solebant imponi pueris in circumcisione, sicuti nunc baptizatis imponuntur: Tunc quidem, ut essent Circumcisionis testimonia: nunc uero ut sint Baptismi collati signa. Quare quoties nostra nomina audimus, debemus reuocare in memoriam fœdus, quod cum Deo in Baptismo iniungimus.

More igitur aliorum puerorum, Christo impositum est nomen in Circumcisione, & uocatus est IESVS.

Solita

Solita autem sunt imponi infantibus nomina, uel ex arbitrio hominum: idq; nunc ex cognatione, nunc ex uirtute clarorum hominum, nunc ex casu, nunc ex affectu: uel ex mandato Dei: idq; non sine aliqua significatione rei uel præteritæ, uel futuræ. Nam Deus, qui falli nequit, non frustra imponit hominibus nomina.

Cur ergo filius uirginis IESVS est nominatus? Propter officium quod in mundo erat habiturus: Sic enim iussu Dei angelus ait, Matth. 1. Vocabis nomen eius IESVM, quia populum suum liberabit à peccatis eorum. Iesus enim saluator est. Angelus adiecit saluandi genus, nimirum à peccato: ergo à morte, damnatione, ira Dei, inferno: ergo placat Patrem, restituit imaginem Dei, & donat æterna uita credentes. Hæc enim omnia coniuncta sunt cum peccati condonatione. Verum ut usum huius nominis IESV certiores teneamus, ad quatuor partes eum reuocabo.

PRIMA est, quod admoneat nos perditos esse sine hoc Iesu, id est, Salvatore. Quare nos peccati admonet & pœnitentiæ.

SECUNDA, quod monstret nobis salutis fontem: Nam qui saluari uult, hinc hauriat necesse est. Quare nos fidei in hunc Saluatorem admone-mur.

TERTIA, quod sit nostra consolatio, contra desperationem, magnitudinem peccati, indignita-

P 4 tent.

tem, particularitatem, potentiam & vires Diaboli:
hinc hypostasis fidei nascitur.

QVARTA admonet nos obedientie, & gra-
titudinis, ne nostra culpa salute per ipsum parta
excidamus, Cui gloria in secula seculorum, Amen.

DIE EPIPHANIE

DOMINI, EVANGELIUM

Matthæi 2.



CVM autem natus esset IESVS in Beth-
lehem ciuitate Iudææ, temporibus He-
rodis Regis: Ecce Magi ab Oriente accesse-
runt Hierosolymam, dicentes; Vbi est ille,
qui

qui natus est
illius stellam
dorem eum.
turbatus est,
cum illo, & co-
bus, & scribis p
Christus nacer
Bethlehem Iud
prophetam: Et
quaquam min
Ex te enim mi
bernaturus e
Herodes cla
quisiuit ab i
illet. Et iussi
eti illuc, acc
vero inuener
veniam, & ad
profecti sunt
Oriente, præ
staret supra lo
tem vidissent
gno valde, E
puerum cum
adorauerunt
obtulerunt e
Myrrham, &
ne reuertere
am reuerfi

qui natus est Rex Iudeorum? Vidimus enim illius stellam in Oriente, & accessimus ut adoremus eum. Auditis autem his Herodes Rex turbatus est, & tota Hierosolymorum urbs cum illo, & conuocatis omnibus pontificibus, & scribis populi, percontatus est eos, ubi Christus nasceretur. At illi dixerunt ei: In Bethlehem Iudææ. Sic enim scriptum est per prophetam: Et tu Bethlehem terra Iuda nequaquam minima es inter principes Iuda: Ex te enim mihi proditurus est dux, qui gubernaturus est populum meum Israel. Tum Herodes clam accersitis Magis accurate perquisiuit ab illis, quo tempore stella apparuisset. Et iussis ire in Bethlehem, dixit: Profecti illuc, accurate inquirete de puero. Vbi vero inueneritis, renunciate mihi, ut & ego veniam, & adorem illum. At illi audito rege profecti sunt: & ecce stella, quam viderant in Oriente, præcedebat illos, donec progressa staret supra locum, in quo erat puer. Cum autem vidissent stellam gauisi sunt gaudio magno valde. Et ingressi domum, inuenerunt puerum cum Maria matre eius, & prostrati, adorauerunt illum, & apertis thesauris suis obtulerunt ei munera, Aurum & Thus & Myrrham: & oraculo admoniti in somnis, ne reuerterentur ad Herodem, per aliam viam reuersi sunt in regionem suam.

F S

ENAR=



HOC festum uocatur in Ecclesia Epiphania Domini, hoc est, apparitiones Domini. Postquam. n. de Auentu & natiuitate Domini festa celebrata sunt ab Ecclesia, uisum fuit sanctis patribus hoc etiam festum addere, ut docerent Ecclesiam de uarijs Domini in carne apparitionibus. Quadruplicem autem rationem assignant, cur hoc festum Epiphania uocant, quarum prima est, quod hoc die apparuerit Magis quarentibus Christum ductu stellæ. Secunda, quod hoc die, reuolutis 29. annis ab eius natiuitate, apparuerit eius gloria in Baptismo per testimonium Patris de cælo sonantis: Hic est Filius meus dilectus: & per uisibilem S. sancti super eum apparitionem. Tertia, quod eodem die elapso à Baptismo anno, apparuerit ipsius gloria in nuptijs, dum uertit aquam in uinum. Quarta, quod 31. ætatis suæ anno rursus apparuerit gloria ipsius, dum quinq; millia hominum saturauit panibus septem. Hæ omnes apparitiones eo pertinent, ut et Christum probent uerum Messiam & saluatorem in se credentium, & in nobis confirment fiduciam: ut certo statuamus nos salutem per ipsum consecuturos. Atq; hæc de ratione festi, nunc ad ipsum Euangelium accedamus, quod continet Historiam primi generis apparitionum Christi: nimirum quomodo Magis apparuerit, hoc est, Ethnicis, ut sciamus Christum cum suis beneficijs ad Ethnicos quoq; pertinere. Est autem summa huius narrationis

et dicitur Euangelium
solum quæ sit
com no illic muer
stille, que eos p
letem, ubi muer
rebat muer: i
dum uiam reuer
locos in hoc Eua
I. Historia
II. Vsq; H

Præfati
quarum singu
admonitiones.
Nato Ch
rodus, ueniunt
natum Regem.
Hic tria m
rum condito, &
Tempus sig
RIBVS H
ptum à Iuda, &
bit. Hæc collat
fi & tempore.
qui ipsum adu
firmat, ut cer
uerunt Messiam

rationis Euangelicæ, quòd Magi uenerint Hierosolymam quæsitum recens natum regem: Sed cum cum nò illic inuenissent profecti sint, securi ductum stellæ, quæ eos præcedebat, donec uenerunt Bethlehem, ubi inuentum puerum honorabant, & offerebant munera: quo facto diuinitus admoniti per aliam uiam reuersi sunt in regionem suam. Duos locos in hoc Euangelio tractabimus, qui sunt:

- I. Historia cum suis circumstantiis & doctrinis, quæ sunt plurimæ.
- II. Vſus Historiæ, & ſpiritualis ſignificatio oblationis Magorum.

DE PRIMO.

Præſentis Historiæ circumſtantiæ ſunt multæ, quarum ſingulæ peculiare continent doctrinas & admonitiones.

Nato Chriſto in Bethlehem temporibus Herodis, ueniunt Magi ab Oriente, ut adorent recens natum Regem.

Hic tria ueniunt perpendenda, tempus, Magorum conditio, & finis aduentus.

Tempus ſignificatur, cum dicitur TEMPORIBVS HERODIS: ceſſauerat enim ſceptrum à Iuda, & iuxta uaticinia Chriſtus naſci debuit. Hæc collatio uaticiniorum de natiuitate Chriſti & tempore, quo natus eſt, ut confutat Iudeos, qui ipſum adhuc expectant: Ita piorum fidem confirmat, ut certo ſibi perſuadeant hunc ipſum eſſe uerum Meſſiam, quem Magi quærent.

MAGI

Magorum conditio, quod fuerint non ex Iudeis: sed ex gentibus: unde discimus, quod hic novus Rex, natus in Bethlehem, etiam ad gentes pertineat, quæ Magorum exemplo monentur, ut Christum querant & adorent.

Magi præterea dicebantur: quæ appellatione eorum dignitas & officij excellentia significatur. Est enim Magus hebraica vox, & dicitur à meditando & docendo, quæ duo ad Reges & sacerdotes potissimum spectarunt: Vnde Persæ suos reges & Sacerdotes Magos appellarunt. Quid hinc docemur? Christus in præsepi reclinatus iacet contentus à suo populo: Magi uerò ab Ethnicis oriundi ueniunt, ut adorent: quæ re significatur, quod etsi regnum Christi non sit de hoc mundo, esse tamen regnum magnificum & gloriosum, imò celeste, quod multi agnoscent non offensi eius externa & humili coram mundo specie.

SECUNDA circumstantia est, quod Magi ueniant Hierosolymam, & illic querant recens natum Christum. Iudæi qui libros Propheticos in manibus habuerunt, quibusq; commissa erant oracula Dei, stertunt securi, Christum non querunt: sed illi, qui eorum iudicio ad Ecclesiam Dei non pertinebant, querunt. Sed ubi? In Regia ciuitate Hierusalem: quo cum uenissent, & nihil de hoc Rege audirent, non parum quassata est illorum fides: nihilominus tamen se signo erigunt. Dicunt enim: uidimus eius stellam. Didicerant haud dubie ex reliquijs

liquijs scholæ Danielis, quando Christus esset nasciturus, talis stella tempus nascentis significaret.

TERTIA circumstantia est diligenter consideranda: nam monstrat qualis rex sit Christus. Ut enim præsepe, in quo iacuit, arguit regnum ipsius non esse de hoc mundo: Ita stella de cœlo apparens cœlestem illum esse regem docet. Et quemadmodum præsepe docet ipsum humilem esse, in mundi conspectu: Ita stella eius regni Maiestatem aspiciendam proponit, in fidei nostræ profectum, ne cum nobis contemtibilem prauus & malignus gentis suæ despectus reddat: quæ gens adhuc in sua ignorantia perseuerans Christum persequitur.

Quidam hic quærent, qualisnam fuerit stella, & alij aliud sentiunt, sed hoc manifestum est, quod tribus proprietatibus ab alijs perpetuis stellis differat, nempe situ, motu & splendore. Situs, quod fuerit in infima aëris regione, alioqui certum iter proficiscentibus monstrare non potuisset. Motus, quod non circulariter mouebatur: sed recta progressa est, ut dux viæ non secus atq; columna nubis & ignis, ante populum exeuntem de Ægypto processit. Splendor quoq; differentiam facit: quia aliæ stellæ noctu tantum micant, hæc etiam interdiu eluxit. Non ergo fuit naturalis & perpetua stella, quales sunt, quæ in firmamento sunt. Quid ergo, Cometæ ne fuit? Similis quidem Cometa apparet fuisse: sed Angelum Dei fuisse non dubium est, quemadmodum Epiphanius testatur. Hic enim appa-

apparuit in forma stellæ, ut & Christi regnum ostenderet cœleste, & ipsum Christum ueram stellam & facem prædicaret, qui hominem solus à tenebrarum regno in suum gloriosum regnum introducit prætensa sui uerbi face, & illustrante ipsius Spiritu corda hominum, unde Zacharias CHRISTVM appellat Orientem ex alto, illuminantem eos, qui sedent in umbra mortis. Et Iohannes: Erat lux uera, quæ illuminat omnem hominem uenientem in hunc mundum.

QVARTA circumstantia est de Herode, & tota ciuitate Hierusalem. Herodes turbatur & tota Hierosolyma cum eo. Herodes metuit Regnum à se translatum iri in recens natum Regem. Non enim intellexit Christi regnum fore cœleste, & non de hoc mundo: unde Ecclesia canit: Hostis Herodes quid times, non adimit terrestria, qui regna dat cœlestia. Hierosolymitanorum ingratitude & oscitantia notatur, qui tædio malorum fracti, abiecerant iam spem redemptionis & salutis promissæ: Potius uoluerunt cum impio Herode sub seruitute uiuere, quàm nouum Regem, qui æternam libertatem adferret, recipere. Sed ea est hominum deprauata natura, quod satius iudicent retinere aliquam tranquillitatem carnis, quam cum aliquo periculo Christum autorem salutis recipere.

QVINTA concilium Herodis & Sacerdotum continet, cum Prophetia Micheæ Prophetæ. Herodes alioqui religionis & Prophetiarum contemtor,

temtor, iam turbatus, ubi Christus nasceretur, quaerit. Nam audita interrogatione Magorum, mox conijcit regem illum, de quo quaerunt, Messiam esse, olim diuinitus promissum: sed quid Sacerdotes? Sincere ex scriptura respondent, producto in medium Micheae testimonio, qui tamen postea se furiose toti scripturae opposuerunt. Scripturam enim magnificiunt impij, donec suis affectibus aduersari non uidetur: sed quando peccatum accusat, quando cristas deprimit, quando mortem & damnationem proponit, quando denique aliquid contra receptos mores, doctrinam, & traditiones tentatur, ibi mox fremunt impij, non amplius agnoscitur Christus, iam blasphemus appellatur. Papistae nostri hodie fatentur nobiscum Christum unigenitum Filium Dei esse, assumpsisse naturam humanam, unam esse personam subsistentem in duabus naturis: uerum ubi uentum est ad Christi officium, & dicimus illum esse solum Iesum, solum Christum, hoc est, solum Saluatorem, solum Pontificem & intercessorem, & neminem saluari posse, nisi qui sola in illum fide iustificatus fuerit: Hic fremunt, quia illorum mores, doctrina & traditiones non possunt stare cum hoc Christi officio: ideo partim corrumpunt scripturas, partim abijciunt, & eos, qui Christum docent sincere & pure, gladio & igne persequuntur, quemadmodum Scribae & Sacerdotes, qui hic primum cum Simeone & Anna sincere responderunt, postea tanquam phrenetici, fi-

dem

dem Christi abiecerunt, & eum cum suis ministris persecuti sunt. Atque ita non satis est, si Papistæ cum sinceris Doctoribus in primis principiis conveniant: sed oportet esse in toto fundamento & omnibus fidei articulis constantem consensum: Non ergo scrutemur verba ad eius perditionem, sicuti Herodes fecit: non negligenter, ut Scribæ & Pharisæi, qui monstrant quidem viam: sed quam ipsi non ambulant, qui similes fuerunt fabris Arcæ Noë, quam cum edificassent, ipsi perierunt: Noë autem cum suis est saluatus, sicuti hic Magi saluati sunt, perditis Scribis & Sacerdotibus. Sed scrutemur scripturam cum Simeone, Anna, Maria & alijs, qui inde salutem adepti sunt.

Iam paucis Prophetiam Micheæ uideamus. Ita enim ait: Et tu Bethlehem in terris Iudæ, nequaquam minima es inter duces Iudæ. Ex te enim exhibit Dux, qui pascet populum meum Israel, & egressus eius ab initio à diebus æternitatis. Hoc Micheæ testimonium multa de Christo docet: Primum locum natiuitatis eius monstrat. 2. Eius officium docet, quod est Dominatorem agere in Israël ad pascendum populum suum. 3. Incarnationem eius, qua uerus homo fit natus, ostendit. Nam cum dicit: AB INITIO, indicat incarnationem Christi, qui iam ab initio mundi promissus fuit, ut suo tempore secundum carnem nasceretur. 4. Cum ait, A diebus æternitatis, significat eius diuinam naturam, qua ante conditum

mun =

mundum fuit. 5. Quod una persona sit in duabus naturis subsistens. Cum enim ait, Egressus seu egressiones eius, nomen plurale ad naturam diuinam & humanam pertinet; Singulare, E I V S, personae unitatem subindicat. Atq; ita uidemus Prophetam precipuos nostrae fidei articulos coniunxisse, qui fusius ab alijs enarrantur.

SEXTA circumstantia est de astutia Herodis, qui, cum prudenter se egisse putat, maxime desipit. Non est enim prudentia, non est astutia, non est consilium aduersus Dominum: clam uocat Magos, tanquam una cum illis natum regem amplecteretur: querit tempus apparitionis stellae, quasi inde certior de Messia fieri uellet: iubet ut, cum inuenerint puerum, sibi renuncient: ac si una cum ipsis eundem adorare cuperet. Ecce quantum hic sudat uulpes Herodes, sed consilium, quod erat in hac re precipuum, nec ipse nec Iudaei secuti sunt. Si honoris gratia per aliquot uiros deduxisset Magos, facilis ratio fuisset ad inueniendum infantem: sed Deus illorum consilia infatuauit. Hodie, imò multis annis quaesierunt Papistae perdere religionem: sed ita Dominus infatuauit illorum consilia, quod ne unum quidem hominem Lutherum potuerint perdere. Hinc discamus quod Deus sit custos Ecclesiae, & consilia impiorum perdat iuxta Psalmum primum.

SEPTIMA circumstantia est de oblatione Magorum, qui Christo inuento, regi Iudaeorum obtulerant munera, Aurum, Thus, & Myrrham: mu-

G

nera

nera sane, quorum illa terra fertilis erat. Hic duo discamus. Primum, quod nos, qui Christo homagium præstamus, debemus aliquid de nostris facultatibus conferre ad conseruationem ministerij. Alteram, de prouidentia Dei, qui isto munere uoluit tanquam uiatico ad exilium prospicere puero recens nato, & parentibus eius: unde discamus quod Deus nolit suam Ecclesiam deserere.

OCTAUA circumstantia, quod Magi in somnis admoniti, per aliam uiam reuersi sint in regionem suam: qua re & Herodes delusus est, & Deus declarauit, quod suorum etiam dormientium curam habeat.

DE SECVNDO.

Singule circumstantie huius historie aliquam doctrinam suppeditant Ecclesie, sicuti uidimus: nunc autem quantum ad usum generalem attinet, duo discamus à Magis: quorum prius est, querere Christum ductu stelle. Alterum, inuento Christo munera offerre. Ductum stelle cum ipsis sequimur, quando nobis lucernam pedibus nostris, solum uerbum Dei proponimus, & eum in uerbo suo querimus: Inuento Christo munera offerimus cum Magis, Aurum, Thus, & Myrrham, quando Aurum, hoc est, puram fidem & castam uitam: Thus, id est, confessionem, inuocationem, gratiarum actionem: Myrrham, id est, patientiam sub cruce & afflictione exhibemus. Præterea offerimus Mariæ, id est, Ecclesie Christi, & ministerio uerbi,

DOM.
uerbi, & Ioseph
munera: hoc est,
uirtus & facultas
desu in hoc mundo
nostrum, cui gloria

DOMIN
EPIPH



Et cum factu
decim, ascen
secundum consue
manifq; diebus,
puer Iesus Hier
runt parentes ei

uerbi, & Ioseph, id est, ijs qui præsunt Ecclesie,
munera: hoc est, promouebimus ministerium totis
uiribus & facultatibus, ut quam optime habeat Ec-
clesia in hoc mundo per Christum Iesum Dominum
nostrum, cui gloria in secula, Amen.

DOMINICA I. POST EPIPHANIAM, Luc. 2.



ET cū factus esset Iesus annorum duorū
decim, ascendit illis Hierosolimam
secundum cōsuetudinem diei festi, consum-
matisq; diebus, cū redirent illi, remansit
puer Iesus Hierosolymis, & non cognoue-
runt parentes eius, Cæterum ratū esse in

comitatu, venerunt itinere diei, & requirebant eum inter cognatos & inter notos: Et cum non inuenissent eum, reuerſi ſunt Hieroſolymam, quærentes eum. Et accidit, poſt triduum, inuenerunt illum ſedentem in medio Doctõrum audientem illos, & interrogantem eos. Stupebant autem omnes, qui eum audiebant, ſuper intelligentiã & reſponſis eius: & viſo eo admirati ſunt. Et dixit mater eius ad illum: Fili, cur feciſti nobis ſic? Ecce Pater tuus & ego dolẽtes quærebamus te, & ait ad illos: Quid eſt quod quærebatis me? An nesciebatis, quod in his, quæ Patris mei ſunt, oportet me eſſe? Et illi non intellexerũt ſermonem, quem locutus eſt iſtis, & descendit cum eis, venitq; Nazareth, eratq; ſubditus illis. Mater autem eius conſeruabat verba omnia hæc in corde ſuo. Et Ieſus proficiebat ſapientiã, & ætate, & gratiã apud Deum & homines.

ENARRATIO TEXTVS.

HIC textus pars eſt Hiſtoriæ de geſtis Chriſti, & continet quid egerit duodecimo ſuæ ætatis anno, uidelicet, quod ſpecimen quoddam ſuæ uocationis exhibuerit, diſputando & diſſerendo cum legis doctõribus. Quid autem egerit Dominus à tempore, quo oblatuſ ſit in templo, uſq; ad duodecimum annum, & quid deinde à 12. ad 30. fere ſacra Hiſtoria non meminit: quare id ſcire noſtra non intereſt:

terest: sufficit enim nobis, ista cognoscere, quæ Deus uoluit patefacere, ut quæ nos erudiant, in Dei cognitione, & uera pietate. Illis igitur omis, quæ ociosi Monachi scripserunt de infantia & puerili ætate Christi, Euangelium præsens iuxta gratiam, quam Dominus dederit, explicabimus.

Est autem summa huius Historiæ. Christus duodecim annos natus, cum parentibus suis in festo Pascatos proficiscitur Hierosolymam: qui in reditu amissus requiritur, inuenitur inter doctores, & à parentibus reprehensus, defendit se superioris mandato, nempe Dei, quod oportuerit se ipsius negocia curare, atq; ita descendit cum illis, est subditus, proficit sapientia, ætate, gratia apud Deum & homines.

- I. Exemplum Ioseph, Mariæ, & Christi, proficiscientium Hierosolymam nobis proponitur.
- II. Tentatio Mariæ & Ioseph ex amissione Iesu pueri.
- III. Cura & officium parentum erga liberos, & liberorum uicissim obediencia erga parentes.
- IIII. Profectus Christi, in sapientia, ætate & gratia.

DE PRIMO.

Et cum factus esset annorum duodecim ascendentibus illis Hierosolymam secundum consuetudinem diei festi. Hic primum

G 3 quedam

quædam de festis Iudeorū sunt admonenda. Deinde exemplum Ioseph, Mariæ & pueri spectandum.

Deus in ueteri testamento instituit uaria & multiplicia festa, ut populum suum de præstitis beneficijs admoneret, erudiret rudes, & omnes in uero Dei cultu contineret: Verum non omnia festa erant æque solennia. Quotidie mane & uespere fiebant sacrificia. Singulis septimanis, septima dies celebris erat. Habebant singuli menses peculiare festum. Tria præterea solennia festa singulis celebrabantur annis.

Quotidie mane & uespere fiebant oblationes in memoriam æterni cultus debiti Deo, addebantur preces à pijs, reuocabant in memoriam promissionem Seminis, in quam fide intuebantur in omnibus suis oblationibus. In huius locum Ecclesia substituit matutinas & uespertinas preces.

SEPTIMO quoque die hebdomadis memoria celebrabatur creationis rerum, adhibitis sacrificijs & gratiarum actione: in cuius locum Ecclesia substituit diem primum septimane, in memoriam secundæ creationis, hoc est, regenerationis, quæ fit per resurrectionem Domini, quæ primo die hebdomadis contigit: atque ideo ab Ecclesia Apostolica iste dies, Dominicus dictus est.

Singulis mensibus in exordijs mensium, hoc est, in Neomenia festum celebrabatur in memoriam conseruationis: Nam cum uiderent lunam semper feruare ordinarios motus & illuminationes, uoluit Deus,

Deus, ut pro
Deo ageretur
rum instituit. H
ligatamen non
quam tñ Iudei
Singulis anni
sunt, Pascha, Pen
instituta in men
rum seruare: E
gis in motu Sina
tationis populi
Tabernaculis, ut
beneficium libe
In locum horu
stituit Ecclesia
nis Domini, qui
Pentecosten in a
lij per uisibilem
miraculosa lingua
memoriam dati &
Porro in tribu
debant omnes
lem iuxta legem
Ioseph subiciunt,
ut suo exemplo me
gausimulorum &
uare pios decet, q
disciplina ad con
Verum discer

Deus, ut pro toto gubernationis beneficio gratie Deo agerentur: atq; ideo hoc festum Neomeniorum instituit. Hoc festum etsi Christianos non obligat: tamen non minus nos gratos esse oportet Deo, quam pij Iudaei fuerunt.

Singulis annis tria solennia festa habebant, quae sunt, Pascha, Pentecoste, Scenopegia. Pascha erat institutum in memoriam liberationis ab Aegyptiorum seruitute: Pentecoste, in memoriam datae legis in monte Sina: Scenopegia, in memoriam habitationis populi in deserto quadraginta annis in Tabernaculis, ut hac ceremonia reuocarent totum beneficium liberationis ab Aegypto in memoriam. In locum horum trium festorum Iudaicorum, substituit Ecclesia, Pascha in memoriam resurrectionis Domini, qui nos de seruitute Diaboli liberavit: Pentecosten in memoriam confirmationis Euangelij per uisibilem exhibitionem Spiritus sancti, & miraculosa linguarum dona: Et natalitia Domini in memoriam dati & exhibiti Christi.

Porro in tribus illis solennibus & annuis festis, debebant omnes masculini sexus uenire Hierusalem iuxta legem Mosi: cui legi hic Ioseph & puer Iesus se subiiciunt, cum ut legi satisfacerent, tum ut suo exemplo nos excitarent ad reuerentiam erga ministerium & pias ceremonias, quas ideo seruare pios decet, quia sunt Pedagogia quaedam & disciplina ad conseruandam religionem utilis.

Verum discernendum est inter ceremonias di-

G 4 uin

uina autoritate institutas, & eas quæ gravitatis
& ordinis causa institutæ sunt: ad illarum obser-
uationem obligamur iure diuino. Requirit enim
à nobis Christus, ut baptizemur singuli semel, ut sac-
ra ipsius Cœna participemus sæpe, ut eius uer-
bum assidue audiamus: at humanæ ceremoniæ non
ita obligant, modo absit contumacia, contemptus &
scandalum.

Quemadmodum igitur hic audimus Mariam,
Ioseph, & puerum Iesum festa, ceremonias iudaï-
cas, singulari religione obseruasse: ita nos disci-
mus magnificare ceremonias nostras, & illis liben-
ter interesse, ac alios nostros bono exemplo ad obe-
dientiam & pietatem inuitare.

DE SECVNDO.

Consummatisq; diebus, cum redirent, re-
mansit puer in Hierusalem zc. Hic incipit Eu-
angelista describere tentationem Mariæ & Ioseph:
in qua tentatione quatuor sunt circumstantiæ pen-
sande: Prima recitat aliquot occasiones huius ten-
tationis. Secunda tentationem ipsam & crucem Io-
seph & Mariæ describit. Tertia, factum illorum
in hac tentatione exponit. Quarta consolationem
habet.

PRIMA occasio indicatur his uerbis: Re-
mansit puer Iesus in Hierusalem: Quare, in-
quies, non significauit parentibus? Primum, ut signi-
ficaret se nō esse tantū Mariæ filium: sed Dei quoq;
quod plus est, ideoq; non tam parentem matrem,

CH. 4. 112

quam eternum Patrem respexit. Deinde, ut suo exemplo doceat pueros, non expectandum esse consilium parentum, ubi obedientia Deo præstanda agitur: Deo enim plus quam Parentibus debetur. Tertio, ut parentes suos maioris diligentie admoneat, atq; adeo omnes qui liberos habent, ut diuinitus commissum depositum obseruarent diligentius. Quarto, ut ipsi, Maria & Ioseph, disciplina hæc castigatoria admoniti, cogitarent serio, qualesnam sua natura essent: nempe ignaui & segnes, non per omnia suo satisfaciens officio.

SECUNDA indicatur occasio, cum dicitur, & non cognouerunt parentes eius. Hic taxatur aperte negligentia parentum Iesu, quæ negligentia fuit non leue peccatum: unde nec leuis crux extitit in corde Virginis, sensit partem gladii suum cor tetigisse, cuius duodecimo anno antea mentionem fecerat sanctus Simeon. Cogitabat tantum thesaurum commissum sibi à Deo, ut illum obseruaret: contulit summam miseriam cum miseria Eux: Nam ut illa genus humanum à Diabolo seducta perdidit: Ita uirgo existimauit se sua negligentia amisisse mundo promissum saluatorem.

TERTIA occasio tentationis & crucis indicatur cum dicitur, existimantes ipsum esse in comitatu, ex negligentia enim error nascitur.

Iam ipsa satis dura tentatio & crux sequitur. Quærentes Iesum integro triduo, ipsum non inueniunt. Amisus non inuenitur inter cognatos: gra-

G s uis

uis crux. Amissus non inuenitur inter notos: grauior crux. Quæsitus triduo non inuenitur: grauissima crux.

Sed quid faciunt in hac acerbissima cruce mortuissimus Ioseph, afflictissima uirgo? Redcunt Hierusalem, ingrediuntur templum, inueniunt amissum inter doctores sedentem disputantem.

Hic rursus concipiunt consolationem, & tanquam è tenebris inferni liberantur, uiso puero Iesu.

Hæc in nostram doctrinam & consolationem scripta sunt: non enim aliter nobis accidit in nostra tentatione & cruce. Amittitur Christus thesaurus noster preciosus. Quæ occasio? Negligentia: non audimus uerbum, non inuocamus, raro sacramento Cæne utimur, in nullis denique pietatis studiis nos exercemus. Hanc negligentiam sequitur error, labimur ex uno peccato in aliud: ex una heresi in aliam. Hinc tandem nascitur mala conscientia, quæ parit desperationem. Quid in his ærumnis faciendum? querendus est Christus, is solus hisce malis mederi potest. At ubi quæso querendus est? inter cognatos & notos nostros? nequaquam. Vbi ergo? In sancta ciuitate Hierusalem, id est, in Ecclesia. Apud quosnam? Apud eos qui uerbum habent, hic ubi amissum Christum inueneris, retinendus est fide, inuocatione, & sanctis moribus: ne nos rursus deserat, & nos amisso Christo pereamus, sicut Iudas fecit.

DE PRIMO,

Quia

Quia factum Ioseph & Mariæ monet nos de cura & officio parentum erga liberos: similiter factum pueri Iesu monet, de officio puerorum & obedientia erga parentes, de utroq; ideo breuius dicam, quia de ea re solet in Catechesi diligentius doceri.

Quantum igitur ad parentes attinet, has sequentes admonitiones necessarias esse iudico.

PRIMUM cogitent parentes, se ideo generare liberos, ut liberi nati sint ciues Ecclesiæ, ac Deum unâ cum ipsis colant, & ubi ipsi obdormierint in Domino, Dei cultores suo loco relinquant. Utinam non pauci essent, qui hoc serio cogitarent.

DEINDE statuant se omnem operam perdituros, nisi pueros suos in timore Domini educauerint, & sæpe opem diuinam implorauerint, contra tot insidias, quas diabolus struit teneræ ætati. Audimus multos conqueri de inobedientia puerorum suorum: sed animaduertunt, quod diuinitus puniantur, quod uelint suos pueros probos efficere, sine benedictione Domini, quam raro serio implorauerunt.

TERTIO cogitent, quàm nobilis res sit puer: quem ipse Dominus in utero matris formauit, aluit, in lucem produxit, donauit corpore & anima, ut ipsum Deum archetypum tanquam in tabella referat.

QUARTO sciant hæc ordine curanda esse: corpori debent nutrimentum, educationem, uestes,

¶ aliquando uirgas, ut liberos in officio contineant: Animæ debent doctrinam, eam duplicem, pietatis & ciuilitatis, illa bonam conscientiam apud Deum obtinent, hac bonam famam coram hominibus consequuntur. His enim duabus rebus potissimum in hac uita studere debemus. Paulus utramque complectitur, cum ait: Parentes educate liberos in disciplina & correptione Domini. Cōfirmatur Tobie factō, qui filium suum instituens ait: Omnibus diebus uitæ tuæ in mente habeto Deum, caue ne peccato consentias: Hic primum pietatis studium commendat filio: Deinde ne cōsentiat peccato, hoc est, ne auscultet eis, qui se ad peccandum inuitant: Requirit ergo à filio sanctam quandam ciuilitatem.

POSTREMO cogitent parentes, quàm multa cumulent peccata & committant, qui, ut par est, non faciunt officium in educandis liberis suis. Primum naturæ legem uiolant, quæ omnibus dictat officium suum esse, pie & honeste prolem educare. Deinde contra Deum peccant: mandatum enim Dei & auctoritatem contemnunt. Is enim cum iubet pie honesteq; liberos educari, contemtor Dei est, qui imperata recusat. Tertio contra dignitatem suam. Deus enim parentes, loco quodammodo suo uult esse, quantum ad externam disciplinam attinet: sed hanc dignitatem uilipendunt, qui officium negligunt.

Hæc peccata multiplices pœnæ sequuntur spirituales & corporales, in ipsis parentibus & in liberis

liberis, atque a
 iam puerorum
 Iesu Christi exem
 magister sit ne
 Primum a se
 unde discant boni
 lere, ac sacros con
 cernuntis Ecclesi
 Deinde discant
 ridiscant, quere
 his, & audire
 Christus non dis
 sunt, quod igno
 Tamen exemp
 pueri pii, reue
 re, si quid dubi
 Præterea Ca
 propter uerbum
 ri discant, pluri
 rentes, in maiori
 quæ edicta pure
 Postremo, Ch
 est illis subiectus.
 ripientes, ac eis
 O bonis sunt. H
 magnas promit
 te: ita nica cum
 ribant commi
 que etiam ad p

liberis, atque adeo in tota posteritate.

Iam puerorum officium erga parentes quale sit, Iesu pueri exemplum euidenter docet: adeo ut non magnopere sit necessariū aliunde præcepta petere.

Primum ascendit Hierusalem cum parentibus: unde discant boni pueri cum parentibus Deum colere, ac sacros coetus amare, ac reuerenter interesse ceremonijs Ecclesiæ.

Deinde disputat, quærit, audit: hinc nostri pueri discant, quære quæ ignorant, disputare de dubijs, & audire recta dicentes: Quamuis autem Christus non disputauit, de quo dubitauit: non quæsiuit, quod ignorauit: non audiuit rectius docentes: Tamen exemplum nobis prodest. Deberent ergo pueri pij, reuersi domum, cum parentibus disputare, si quid dubij haberent de rebus auditis &c.

Præterea Christus parentes, cognatos, notos propter uerbum Dei amittit: hinc nostri quoq; pueri discant, pluris Deum facere, quam carnales parentes, in maiori precio habere uerbum Dei uini, quam edicta parentum.

Postremo, Christus redit cum parentibus, & est illis subiectus. Hinc pueri nostri discant reuereri parentes, ac eis obtemperare in omnibus quæ pia & honesta sunt. Hæ uirtutes puerorum, ut habent magnificas promissiones de bono successu in hac uita: Ita uicia cum his uirtutibus pugnantia in pueris habent comminationes & pœnas grauissimas, quæ etiam ad posteritatem eorum se extendunt:

nam

110 DOMINICA II. POST

Nam ut plurimum nepotes ueluti hereditate accipiunt maiorum uicia.

DE QVARTO.

Quia de quarto loco nonnulla die abhinc octauo dicta sunt, tantum unum & alterum uerbum dicam. Iuxta diuinam naturam Christus non crescebat etate, sapientia & gratia: sed iuxta humanam naturam, quam, quia ueram assumpsit, in ea creuit etate, sapientia & gratia. Cuius exemplum utinam imitemur, ut cum etate, sapientia & gratia coram Deo & hominibus accresceremus. Hoc autem ut fiat, donet nobis Christus, Cui gloria in secula seculorum, Amen.

DOMINICA II. POST

EPIPHANIAM, EVANGELIUM Iohan. 2.

ET die tertia nuptiæ fiebant in Cana Galilææ, & erat mater Iesu ibi, Vocatus est autem & Iesus, ac discipuli eius ad nuptias. Et ubi defecisset uinum, dicit mater Iesu ad eum: Vinum nō habent. Dicit ei Iesus. Quid mihi tecum est mulier? nondum venit hora mea. Dicit mater eius ministris: Quodcunque dixerit uobis, facite. Erant autem ibi lapideę hydrię sex positę, secundum purificationem Iudeorum, capientes singulę metretas binas aut ternas. Dicit eis Iesus: Implete hydrias aqua, Et impleuerunt eas usque ad summum.

Et



Et dicit eis: In
clino: & rulen
set architrclinu
neq; sciret, vnd
qui hauserant a
cit ei: Omnis he
num ponit, & e
quod deterius
num usq; ad he
um signorum Ie
nifestauit glori
eum discipuli e

ENAR

POST
hereditate



Et dicit eis: Infundite nunc, & ferte architriclino: & tulerunt. Postquam autem gustasset architriclinus aquam in vinum versam, neque sciret, unde esset, sed ministri sciebant, qui hauserant aquam, vocat sponsum & dicit ei: Omnis homo primo loco bonum vinum ponit, & cum inebriati fuerint, tunc id quod deterius est. Tu seruasti bonum vinum usque ad hoc tempus. Hoc edidit initium signorum Iesus in Cana Galilææ, & manifestauit gloriam suam, & crediderunt in eum discipuli eius.

ENARRATIO TEXTVS.

HOC

HOc Euangelium pars est Historiæ Christi, in qua suam gloriam in nuptiis manifestam reddidit. Nam uini miraculo, et suam naturam diuinam declarat, & officium insinuat, & ueritatem sue doctrinæ, tanquam diuino quodam sigillo, obsignat: Naturam quidem suam diuinam eo declarat, quod naturam rerum uerbo permutat: ad ipsius enim mandatum aqua fit uinum. Officium uero ostendit, quod imploratus opem feret indigentibus. Certitudinem doctrinæ hoc miraculo ueluti obsignat: Nam ne quis de certitudine doctrinæ ipsius, quæ cœlestis est, dubitet, diuinum edit opus, quod doctrinæ testimonium reddit: unde discipuli eius in fide confirmantur.

Loci autem, quos in hac concione tractabimus, erunt quatuor.

- I. De nuptiarum solennitate.
- II. De ipso coniugio iam inito & confirmato.
- III. De præsentis miraculo, cum suis circumstantiis.
- IIII. De exemplis uitæ, quæ hinc sumi possint.

DE PRIMO.

De nuptiis dicturus, hæc ordine dicam. 1. Inter quas personas, natura & pietas nuptias approbet. 2. Qua uia futuri coniuges debeant nuptias aggredi. 3. Qualis consensus, & quorum esse debeat. 4. Cur in coetu Ecclesiæ publico stipulationem publicam fieri conueniat. 5. Quale conuiuium nuptiale esse deceat.

In personis matrimonium ineuntibus spectanda sunt quatuor, cognatio, affinitas, religio & naturales uires, quæ in coniugio requiruntur. Quantum ad cognationem & affinitatem attinet, arcendi sunt à matrimonio, qui se inuicem attingunt gradibus consanguinitatis & affinitatis in Leuitico prohibitis. Præterea etiam uiolare gradus, à magistratu ciuili prohibitos, nequaquam licet. Quid autem in religione fieri expediat, factum Abraham aliorumq; sanctorum, interdictum Pauli, pericula, imò in multis horrendi lapsus ostendunt. Abraham cum suo Isaaco uxorem deligere instituit, mandauit procuratori domus suæ Eleezer, ut non acciperet filio suo de filiabus Cananeorum: sed abiret ad cognationem suam, & inde acciperet uxorem filio suo Isaac. Sciuit enim Abraham, quantum mali in familia pariat dispar religio. Hinc enim contentiones, hinc blasphemie, hinc impedimenta cultus & inuocationis Dei.

Interdictum Pauli est, ne ducamus iugum cum infidelibus: quod non solum de doctrina intelligendum est: sed de omni uitæ consuetudine. Qui tetigerit picem, inquit Salomon, coinquinabitur ab ea. Neq; enim fieri potest, ut qui cum impio conuersetur, non aliquid labis ipse etiam contrahat.

Pericula & multi horrendi lapsus ex dispari coniugio sequuntur, testis Salomon est, qui prophetarum mulierum conuictu factus est idolatra: Testis est Achab, qui impie Iezabelis consilio adeo fuerat,

H

rit,

rit, quod Prophetas Dei trucidare non ueritus sit, ac tandem ruit in aeternum exitium: tantum potest impie mulieris malicia.

His accedat puerorum educatio, quæ legitima esse nequit, quando parentes diuersam colunt religionem: Tum enim aut pueri omnino prophani fiunt, omnis religionis contemtores, aut hypocritæ, cum propter alterum parentum, quod sentiunt, consieri non audent.

Quarto requirit in personis, quæ contrahent matrimonium, ne altera alteram fallat, cum uel morbo & frigidityte exhaustæ sint uires, uel alioqui in natura defectus sit, ut quis ad matrimonij beneuolentiam reddendam non fuerit idoneus.

Viam, qua futuri coniuges debeant nuptias aggreffi, docent exempla, pietas & honestas. Hæc enim tria simul docent, quod non à leuitate, ut sæpe fit, non inter pocula, non à libidine incoandus sit contractus. Abraham petit suo filio coniugem, parentes Rebecæ consentiunt. Postea queritur puellæ consensus, & Isaac eam in uxorem ducit. Iacob seruit Laban longo tempore, parentes puellæ de nuptijs sollicitat, quorum uoluntati accedit uirginis pudicus consensus. Pietas quoque idem suadet: Nam ut quartum præceptum præcipit honorari parentes: Ita uult etiam, ut hic honor parentibus deferatur, ut de nuptijs liberorum statuant, utque liberi nihil in hac re tentent cum contumelia parentum. His etiam ipsum omnibus dictat natu-

ra, ut

ra, ut honesta sit hæc copula, quæ non nisi per mortem finiri aut dissolui potest.

Postquam autem hac uia omnia legitime tentata sunt, propius rem accedere oportet, & audientis mutui contrahentium consensus, qui minime coactus esse debet: sed liber, ut neutra pars se coactam dicere iure possit. Quanquam enim à parentibus recte fit initium: tamen parentibus non licet inuitos cogere. Nam præterquam quod coactum matrimonium non fit uere matrimonium, accedit hoc mali, quod raro in talibus res bene succedat.

Cur autem in coetu Ecclesiæ stipulationem publice fieri conueniat, quatuor sunt causæ. 1. Ut sciatur qui contrahunt hunc statum in Ecclesia locum habere. 2. Ut uoce ministri instituantur futuri coniuges in hoc sui coniugij auspicio. 3. Ut testis sit Ecclesia stipulationis factæ, ne cum scandalo uiuant, ac si contubernium potius esset, quam coniugium. 4. Ut inuentur publice precibus totius Ecclesiæ, quo inceptum matrimonium cedat in gloriam Dei, ipsis in commodum, adeoque toti Ecclesiæ in ædificationem per piam in sancto coniugio conseruationem.

Restat ut de conuiuio nuptiali breuiter aliquid dicatur, in quo quid abesse, quidque adesse oporteat, considerandum est. Abesse omnino oportet à Christianis nuptijs. 1. Crapulam. 2. Superbiam. 3. Immodicos sumtus. 4. Turpes & scurriles sermones, quales solent esse impudicorum tibicinium.

5. impedimentum pietatis, ne uidelicet eo tempore indulgeant conuiuio, quando sacra in templis fiunt, unde Deus offenditur, proximus scandalizatur, & multis est occasio lapsus. Contra, adesse debent,
 1. Pietas. 2. Honeſta hilaritas. 3. Sancta colloquia.
 4. Crebra uota, ut Deus hunc ſuum ſtatum ſua benedictione ſecundet: Hæc enim legimus in ſanctorum nuptijs fuiſſe uſitata, quare etiam Deus ſua bonitate huiusmodi nuptias eſt proſecutus.

DE SECVNDO.

Postquam iam de nuptijs quædam ſignauimus, breuiter nunc de ipſo inito & confirmato matrimonio nonnulla adiſciam, & tantum duo faciam: Primum cauſſas finales coniugij commemorabo. Deinde quibus uirtutibus conſuetudo coniugalis amabilis & dulcis redditur, exponam.

*matrimonij
cauſſæ finales
4.*
 Cauſſas finales matrimonij quatuor eſſe omnes pij norunt: quarum PRIM A eſt mutuum adiutorium: Nam, cum Salomon dicit: uæ ſoli, ſignificat mutuum adiutorium & ſocietatem neceſſariam eſſe, quo melius & tranquillius ærumnas huius uitæ feramus. Propter hanc cauſſam poſſunt contrahere matrimonium ſenes, quorum corpus effœtum eſt, ut gignere non poſſint.

SECVND A cauſſa, eſt procreatio ſobolis: uult enim Deus iſto pacto humanum genus ſeruari. Atq; ideo ad primos parentes dixit: Creſcite & multiplicamini, & replete terram.

TERTIA cauſſa eſt, ut ſit Eccleſia domeſtica, in

POST

EPIPHANIAM.

117

ea, in qua parentes, tanquam Prophetae, dignitate Prophetica sunt ornati, ut suos liberos de Deo & religione doceant, & liberi, tanquam plantulae quaedam, perpetua doctrina & exhortationibus irrigentur, ut tandem fiant arbores dulcissimum fructum fidei producentes.

QVARTA caussa, est vitatio scortationis in hac corrupta & deprauata natura: ita. n. ait Paulus: Propter fornicationem unusquisque uxorem suam habeat. Est enim coniugium remedium contra impurissimum scortationis & adulterij scelus, in quo multa & horrenda scelera cōcurrunt: Primum enim contumax uiolatio legis diuinæ est. 2. Legis naturalis est peruersio. 3. Legum civilium turpis et fœda transgressio. 4. Regenerationis cœnum est. 5. Plagium est horrendum: non enim nostri iuris sumus: sed eius qui suo precioso sanguine nos redemit. 6. Resurrectionis dehonestamentum est. Quid enim fœdus est, quàm turpissimo scelere fœdare corpus, quod. olim ad æternam resurget gloriam. 7. Est horrenda templi Dei prophanatio, 1. Cor. 6. Cum autem hic tot peccata concurrant, nō est quod quisquam manus ultrices Dei se euasurum putet.

Cæterum consuetudo coniugum amabilis & dulcis redditur hisce quinque: Pietate, uirtute, mutua ἐπιεικεία, mutuo amore, & utrinque sedulo & pie præstito officio.

Pietas iure primum locum tenet. Nulla enim stabilis & firma amicitia est, nisi à Deo ortum ha-

H 3

beat:

scortatio e
prophanatio
plij dei.

beat: quare pietatem præluere necesse est: cum enim coniuges decreuerunt Deo obedire, omnia postea facilia sunt.

Virtus & morum probitas inter coniuges, mutuam oblectationem parit. Hæc enim cum exercetur, consuetudinem uitæ reddit amabiliorem.

Mutua ἐπιείκεια, qua æqui boniq; consulimus alter alterius mores & errores, omnino est necessaria. Nam in hac imbecillitate naturæ multa errata incidunt, quæ nisi mutua condonatione tegantur, horrendi tumultus orientur.

Mutuus amor ex pietate ortum habens & uera uirtute facit, ut non nimis acute in aliorum uicia introspeciamus: sed multa aut non animaduertimus, aut si animaduertimus, amore tegimus: operit enim multitudinem peccatorum caritas.

Officium utrinq; pie & sedulo præstitum iugum leue & suauiter reddit. Cum enim coniuges se mutuo animaduertunt, & uident parem diligentiam in officio, fit & suauior consuetudo, & magis utrinq; excitantur ad officia præstanda, ut alter alteri equalia reddat.

Hæc quinq; ubi non adsunt, uitæ consuetudo omnium acerbissima est, imò ipsa morte durior. Quare pij dent operam, ut hæc uirtutes perpetuo in sua uita conspiciantur.

DE TERTIO.

Explicatis locis, qui præbuerunt occasionem huic miraculo: nunc ipsum miraculum cum suis circum-

circumstantijs uideamus. Sunt autem circumstantiæ plures, ut sunt tempus, occasio, intercessio matris et responsio, apparatus miraculi, miraculum ipsum, confirmatio miraculi, usus & fructus eiusdem.

Tempus notatur, quod & tertio die, ex quo in Galileam peruenerit, factum sit, & omnium primum miraculorum, quæ Dominus edidit, fuerit: Tempus igitur monet, ut singulari diligentia hoc miraculum perpendamus.

Occasio miraculi quadruplex è textu colligi potest. 1. Ipse nuptiæ in Cana celebratæ. 2. Matris Iesu inuitatio ad nuptias. 3. Defectus uini. 4. Cor uirginis ad iuuandum promptissimum.

Deficiente igitur uino, Mater Iesu ad Filium dicit: Vinum non habent: Cui Iesus, Quid mihi tecum est mulier? nondum uenit hora mea. Mater quidem hoc dicit uel commiserationis causa, uel ut Filius opem ferat præsentī necessitati, quacumq; tandem ratione: sed Christus matri durius respondet: idq; maximas ob causas: Non hic dignatur eam matris titulo: sed mulierem simpliciter eam appellat. Deinde ait: quid mihi tecum? nondum enim uenit hora mea. Dominus hic longius respicit: uidet enim, quæ superstitiones aliquando erant orituræ de inuocatione Mariæ uirginis. Videt quod, quæ propria essent Dei & mediatoris, in illam impie essent translaturi. Quare hoc duriori responso perpetuam & grauem doctrinam omnibus seculis tradit, ne immodicus sanctorum cultus

sui officij honorem obscuret: atq; ideo matrem propriam in uulgarem mulierum ordinem cogit: Non ergo de causa leui matrem ita alloquitur: Quid mihi tecum? sed ut inter suum officium & matrem, adeoq; alios sanctos discernat. Non uult partiri officium, quod suum est proprium, & matri partem attribuere: sed sibi soli uendicat saluatoris officium: Impie ergo superstitiosi uirginem salutarunt reginam coeli, aduocatam, uitam, dulcedinem, matrem gratiae, atque adeo salutem mundi: Nulla enim pars redemptionis Mariae ascribenda est. Quod autem addit, nondum uenit hora mea, duo insinuat, nempe se nequaquam incogitantia uel torpore cessasse, & sibi rem curae futuram, ubi oportunitas se offeret.

Quid hic mater Iesu? quodcumq;, ait ministris, dixerit uobis, facite: hoc ad apparatus miraculi pertinet: concipit tantum mater bonam spem, ut praesenti necessitati succurrat filius. Quod autem dicit ministris: Quicquid iusserit uobis facere, facite, nobis suppeditat generalem doctrinam in Ecclesia, cuius & typus et membrum est beata uirgo. Quid ergo Ecclesia hinc discit? ut cum beata uirgine iubeat ministris adeoq; omnibus Christianis, ut Christo obtemperent faciendo quicquid ille iusserit, ut ut parum rationi consentaneum esse uideatur.

Iam Dominus oblata oportunitate iubet ministris, ut hydrias, id est, uasa aquaria sex, quae illic erant

erant destinata purgationi superstitiosæ Iudæorum, quarum singulæ capiebant binas aut ternas metretas, hoc est, omnes simul circiter sex Amer uini capiebant, has inquam hydrias iubet Dominus implere aqua usq; ad summum: quo facto iubet dari Architriclino. Nam arcana uirtute Christi, uinum iam erat, quod modo fuit aqua: quod cum gustasset Architriclinus, dicit sponso: Omnis homo primum bonum uinum ponit, & cum inebriati fuerint, tum id quod est deterius: Tu autem seruasti bonum uinum usq; adhuc. Hoc additum est ad confirmationem miraculi: testatur enim Architriclinus, hoc uinum multo nobilius fuisse quam id, quo antea usi sunt.

Iam sequitur usus & fructus miraculi, Et manifestauit (inquit Euangelista) gloriam suam, & crediderunt in eum discipuli eius. Destinatum igitur erat hoc miraculum duabus rebus, nempe manifestandæ Christi gloriæ & fidei discipulorum confirmandæ. Quæcunq; enim miracula mundo ostendit Christus, totidem diuinæ eius gloriæ testimonia fuerunt, & totidem doctrinæ ipsius ac fidei in auditoribus obsignationes.

Hic est ergo uerus usus miraculorum Christi, ut eius gloria illustrata, & per illa ueluti authentica sigilla confirmata ipsius doctrina, in ipsum uia fiducia recumbamus. At miracula, quæ uel obscurant gloriam Christi, uel fidem extinguunt, præstigia Diaboli sunt, à quibus, ut nobis caueamus,

H 5

monet

monet Dominus Matth. 24. Surgent, inquit, Pseudochristi & Pseudoprophetae, & dabunt signa & magna prodigia: Ita ut in errorem inducantur, si fieri possit, etiam electi: Ecce prädixi uobis. Nemo erga credat miraculis, nisi quæ gloriam Christi manifestant, & ueram in ipsum fidem alunt & confirmant.

DE QVARTO.

Quia in hoc Euangelio multarum personarum fit mentio, nunc quid doctrinae & admonitionis à singulis petendum sit, breuiter ostendam.

Primum igitur ab omnibus his conuiuiis discamus exemplum frugalis hilaritatis, modo absit luxus & insania: de qua re in primo loco plura dicta sunt.

*quando
Christus
inuitatur
a conuiuiis*

A sponso & sponsa discamus Christum recipere in nostra conuiuia, quod tum demum fit, quando in timore Dei, & cum gratiarum actione utimur donis Dei ad honestam hilaritatem, & relinquimus domi eos, qui non sunt inuitati.

*Christus
inuitatur
quid facit.*

A miraculo discant sponsus & sponsa, quod, si Christus ab ipsis ad nuptias inuitetur, mutaturus sit aquam in uinum, hoc est, omnia amara in dulcia conuertet, eos prosequetur sua benedictione, adeo ut nihil sit ipsis defuturum.

A Christo discamus pro nostris facultatibus, iuuare sponsum & sponsam, hoc est, Ecclesiam ornare, quibuscumque id tandem poterimus modis.

A Christo rursus res, quæ in abusu & superstitione

tione fuerunt, t
ut glorie Dei e
mian. Hyarie hi
fel Christus eis u
as, & edificatio
fuit, quæ olim e
ipsum conuerti de
A Maria disc
tione & inopia,
sua alibi benedict
Ab Archie
Christi facta at
A Minist
obtemperare,
quom facere q
A Christo,
familiaritatem
lere illorum tenu
bonitas nuptias
culatibus, cum r
Hæc copiosius
hæc materia, qu
no tractari solet.
nuptiarum, ostē
uicini sexti pr
sui circumstanti
tioni exempla p
commendent. D
si Christi det n

tione fuerunt, transferre ad bonum piumq; usum, ut gloriæ Dei & Ecclesiæ in ædificationem seruiant. Hydriæ hîc seruierunt superstitioni Iudaicæ: sed Christus eis utitur ad illustrandam suam gloriam, & ædificationem Ecclesiæ. Ita bona Ecclesiastica, quæ olim erant in abusu, nunc in meliorem usum conuerti deberent.

A Maria discamus affici aliorum commiseratione & inopia, & inuocare Deum, ut pauperibus sua adsit benedictione.

Ab Architriclino discamus purgatis mentibus Christi facta approbare.

A Ministris discamus Christo iubenti operas obtemperare, & non tam spectare quid iubeat, quàm facere quod iubeat.

A Christo, Maria & discipulis simul discamus familiaritatem cum hominibus colere, boni consilii illorum tenuitatem: discamus etiam pauperum honestas nuptias nostra præsentia honorare, & facultatibus, cum res postulat, iuuare.

Hæc copiosius diximus de hoc Euangelio, quia hæc materia, quam continet, non nisi semel in anno tractari solet. Dixi de ratione nuptiarum, de matrimonio, ostendi quoq; quantum peccatum sit uiolatio sexti præcepti: Exposui miraculum cum suis circumstantijs, & quid doctrinæ & admonitionis exempla personarum in hoc Euangelio nobis commendent. Deus autem pater Domini nostri Iesu Christi det nobis suam gratiam, ut hoc miraculo con-

lo confirmati, Deo Patri, Christo & Spiritui sancto ueram tribuamus gloriam in uero timore Dei & fide, cui soli immortalis & uiuus Deo sit honor, gloria & imperium in omnia secula seculorum, Amen.

DOMINICA III. POST
EPIPHANIAM, EVANG.
gelium Matth. 8.



Cum descendisset autē de monte, secutæ sunt eum turbæ multæ: Et ecce leprosus accedens adorauit eum dicens: Domine, si velis, potes me mundare: protēsaq; manu tetigit

EP
tetigit illum, &
propterea mur
illu letis: Vide
de ipso Sam
iulsi offerri
Ponō cum ing
um, adit eum
dicens: Domi
domi paralytic
Et dicit illi Iesu
illi. Et respond
non sum idone
Imo tantum
mulus meus.
us potestati l
tes, & dico hu
ni, & venit, &
Hæc autem cu
eli, & ait seque
ne in Israel qui
eo autem vobis
Occidente veni
Abraham, & Isa
rum: filij vero
extiores, illic
tium: & dixit
quemadmodum
tus est famulus
ENARB

retigit illum, dicens: Volo, mundus esto: ac
 protinus mundata fuit illius lepra. Et dicit
 illi Iesus: Vide, ne cui dixeris, sed abi, ostende
 te ipsum Sacerdoti, & offer munus, quod
 iussit offerri Moses in testimonium ipsis.
 Porro cum ingressus fuisset Iesus Caperna-
 um, adiit eum Centurio obsecrans eum, &
 dicens: Domine famulus meus decumbit
 domi paralyticus, ac grauiter discruciat.
 Et dicit illi Iesus: Ego cum venero medebor
 illi. Et respondens Centurio dixit: Domine,
 non sum idoneus, ut tectum meum subeas:
 Imo tantum dic verbum, & sanabitur fa-
 mulus meus. Nam & ego sum homo alteri-
 us potestati subditus, & habeo sub me mili-
 tes, & dico huic, vade, & vadit, & alteri, ve-
 ni, & venit, & seruo meo, fac hoc, & facit.
 Hæc autem cum audisset Iesus, admiratus
 est, & ait sequentibus se: Amen dico vobis,
 ne in Israel quidem tantum fidei reperi. Di-
 co autem vobis, quod multi ab Oriente &
 Occidente venturi sunt, & accumbent cum
 Abraham, & Isaac, & Iacob, in regno cælo-
 rum: filij vero regni ejicientur in tenebras
 exteriores, illic erit ploratus & stridor den-
 tium: & dixit Iesus Centurioni: Abi, &
 quemadmodum credis, ita fiat tibi, & sana-
 tus est famulus eius in hora illa.

ENARRATIO TEXTVS.

HOC



Hoc Euangelium proponit nobis affectū Christi erga genus humanum, & præcipue erga eos, qui ad se in anxietate & cruce confugiunt. Quod enim uerbis promisit, dicens: Venite ad me omnes, qui laboratis & onerati estis, & ego reficiam uos, & inuenietis requiem animabus uestris: Id hic facto declarat. Nam postquam in monte Patris uerbum docuisset, descendit, & opere quod docuit complet, suam doctrinam miraculis confirmans: Duo siquidem miracula hic edit: uerbo sanat leprosum, mandato absentem Centurionis filium curat. Horum miraculorum usus est, & ut Christum uerum Messiam esse comprobent, & eundem uelle afflictis se inuocantibus opem ferre testentur, non secus atq; huic leproso & Centurioni se inuocantibus opem tulit. Cæterum quo nobis præsentia miracula ad maiorem instructionem seruiant, quatuor locos tractabo, qui sunt:

- I. Generalis doctrina de omnibus miraculis Christi.
- II. De leproso & eius curatione et circūstantijs.
- III. De Ethnico Centurione, eius fide, & cura pro famulo.
- IIII. Laudatio fidei huius Ethnici.

DE PRIMO.

Quia Euangelica historia multa miracula Christi, quibus suam gloriam manifestat, doctrinam confirmat, & fidem in auditoribus auget, continet: uolo breuem & generalem doctrinam tradere, cuius
usus

usus erit in omnibus particularibus miraculis Christi. Cur autem Dominus addat suo sermoni miracula, proximo die Dominico dictum est, & iam statim breuiter in principio repetij. Verum ut plenam doctrinam miraculorum habeamus, plura sunt excutienda, quæ ut in certum claudantur numerum, quinque questionibus omnia subiiciam: Quæ persona: qui fines, quis modus, & quis usus: curque hodie non edantur miracula.

Personæ sunt triplices: Primum morbis & tyrannide Diaboli oppressæ. Deinde spectatores miraculorum. Postremo Christus miracula edens.

Fines sunt plures. 1. Vt Christus suam gloriam manifestet. 2. Vt doctrinam suam obfignet. 3. Vt hominum fides confirmetur, qui miracula cernunt. 4. Vt Deus glorificetur uisis ipsius stupendis operibus. 5. Vt paulatim regnum Diaboli destruat. Quæcunque miracula eduntur contra hos fines, damnantur, ut præstigiæ Diaboli, Matth. 24.

Modus uariis est: nunc enim solo uerbo edit miracula, ut hic: nunc, ut precium sui corporis ostendat, manum applicat: nunc ad Deum præmissa gratiarum actione: nunc sola uirtute sine uerbo, ut aquam in uinum conuertit. Ad hunc modum etiam pertinet fides eius, qui miraculo inuatur, ut in hoc Euangelio legitur.

Usus triplex est, ut miraculose sanatus non amplius peccet: ut spectatores fiduciam de sanatore concipiant: utque nos, qui miracula Domini legimus, de

de gloria Christi, & de doctrina confirmemur, simul fidem in ipsum concipiamus, quod non secus ergo nos affectus sit, quàm fuit erga illos.

Sed cur iam nulla miracula fiunt? Cæcus plane est, qui nulla miracula hodie conspicit. Ecclesia Christi est exiguus grex, quem diabolus Rex tenebrarum, & Papa Antichristus persequuntur, & omnes nervos intendunt eo, ut ueram Christi religionem extinguant: id tamen non possunt. Vnum Lutherum totus mundus persequabatur: sed pilum de capite ipsius non tetigerunt. Quare miraculose ipsum atq; adeo pusillum suum gregem defendit Deus. Hæc præsentia Dei in Ecclesia satis miraculosa est, ut non alia miracula quærere sit necesse. Deinde miracula & uirtutes sanationum corporum, & uisibiles donationes Spiritus sancti solummodo in primitiua Ecclesia edebantur, ut in perpetuum in omnem posteritatem Christi gloriam, doctrinam & nostram fidem confirmarent. Quorum usus apud nos est, ut sciamus, ea fuisse authentica quædam sigilla, quibus Deus suam doctrinam in perpetuum confirmatam & obsignatam uoluit.

DE SECVNDO.

In leproso qui sanatur, spectentur sex: Infirmitas, personæ conditio, fides, inuocatio, patientia, confessio.

Infirmitas leprosi pœna peccati est: quare ipsum iræ diuinæ admonet, & iusti Dei iudicij. Est. n. omnis crux, omnis calamitas, & quicquid aduersi nobis

Bis in hac uita accidit, ueluti concio quedam diuina, qua Deus accusat peccatum, ostendit suam iram: quam Dei iustissimam iram cum homo cogitat serio, sine cognitione Christi, in desperationem ruit: unde saepe fit, ut homo uel sibi manus afferat, uel paulatim tabescat dolore: Conscientia enim peccati, nunquam, uel ad momentum ullum, tranquillum finit. Hoc uno declaremus exemplo: Oedipus rex Thebanus, orta in suo regno pestilentia, cogitat aliquid quod atrox scelus, à se uel suis perpetratum esse: Vocat Tiresiam sacerdotem: iubet ut sua augurandi arte monstret autorem tam atrocis sceleris, propter quod tota respublica adeo graui pestilentia infestetur. Deprehendit ergo Oedipus seipsam & non alium istud graue scelus perpetrasse. Sustulerat enim de propria matre, quam ignarus in uxorem duxerat, liberos. Nam puer expositus est à parentibus, ut interimeretur: sed pastor, cui hoc mandatum erat, parcit puero eleganti, qui tandem uir factus, bella gessit pro Thebanis feliciter, & pro re bene gesta ei regnum tradiderunt, & reginam Iocastam in uxorem dederunt: ducit ergo ignarus propriam matrem in uxorem. Postquam autem hoc peccatum Oedipo innotuit per sacerdotem, & conspexit totum regnum grauissima peste infestari propter suum factum, de ira Dei cogitat: Huius cogitatione adigitur in desperationem. In hac desperatione primum adimit sibi oculos, ne hunc solem aspiciat. Deinde conscientia sceleris excarnificatus

ficatus, magno eiulatu iubet, ut astantes à se discedant, ne uel umbra sua noceat bonis. Postea fugiens à regno, uixit cæcus & mendicus, donec desperatione absorptus, periit. Mater locusta peccati conscientia impatiens doloris, max, ubi innotuit culpa, sibi uitam laqueo finiuit: Adeo horrendum & foedum malum est peccatum, quando homo illud cordis oculis uere intuetur.

Personæ leprose conditio admodum dura fuit: nam separatim à cœtu populi Dei illum uiuere oportuit. Quo ingenti dolore haud dubie multi contabuerunt: nam non solum à societate hominum fuerunt exclusi: uerumetiam consolatione per uerbi prædicationem destituti erant. Præterea quinque notis erant ab alijs hominibus distincti, quæ res non parum auxit dolorem. Prima nota, uestimentum dissolutum & dissectum. Secunda, caput detectum. Tertia, os coopertum. Quarta, habitatio semota ab hominum consuetudine. Quinta, publica proclamatio, qua immundus proclamabatur, ut indignus, qui inter Israelitas in populo Dei uersaretur. Atq; hæc conditio fuit huius leprosi: his malis, si non accessisset fides in Christum, prorsus dolore fuisset extinctus.

Accedit ergo Christum, concipit fidem, & tamen si sensit se damnationem meruisse: tamen liberali promissione Christi se erigit. Audiuerat haud dubie hanc uocem Christi: Venite ad me omnes qui laboratis & onerati estis. Audiuerat haud dubie à

Iohana

Iohanne de Chr
cata mundi. Le
stren sentis e
recumbens.

Ex hac fide
geramus fructu
negligentia illu
nos crediderunt?

Verum in inu

emplum proponi

Domine si vis

modum David e

tij se restitui,

leprosus hoc be

na Domini, qu

quam nos ipsi.

Hæc prætere

si exemplum hab

banur eos, qui

pauper concen

cipibus et sacerdot

Christum empor

em: cuius constan

diat.

Non leprosi h

plures sunt circu

singule peculiat

qui leprosi tangit

leprosus: uerbo

Iohanne de Christo: Ecce Agnus Dei qui tollit peccata mundi. Leprosus ergo hic cognito medico, spem sanitatis concipit, certa fiducia in Christum recumbens.

Ex hac fide Christum inuocat: est enim fidei germanus fructus inuocatio, ut quæ sine fide fieri nequit, iuxta illud: Quomodo inuocabunt, in quem non crediderunt?

Verum in inuocatione singulare patientiæ exemplum proponitur. Ait enim Christo leprosus: Domine si vis, potes me mundare? Quemadmodum David expulsus regno, cum conditione petijt se restitui, si ita Deo bonum uideretur: Ita hic leprosus hoc beneficium corporale relinquit in manu Domini, qui melius nouit, quæ nobis expediunt, quam nos ipsi.

Hæc præterea oratio insigne confessionis Christi exemplum habet. Scribæ & Pharisei persequebantur eos, qui Christum confitebantur: sed hic pauper contemptus leprosus uel frementibus principibus et sacerdotibus Christum confitetur, statuit Christum omnipotentem esse, adeoq; uerum Messiam: cuius constantem confessionem & nos imitari decet.

Iam leprosi huius curatio spectanda est, in qua plures sunt circumstantiæ examinandæ, quarum singulæ peculiæ doctrinas habent. Manus corpus leprosi tangit: promittit alacriter quod petit leprosus: uerbo iubet eum mundum esse: effectus,

I 2 hoc

hoc est, mundatio à lepra sequitur continuo: munda-
dato dat triplex præceptum, ut nemini dicat: ut
ostendat se Sacerdoti: ut offerat munus secundum
legem.

Manus extensio & attactus corporis leprosi
immense gratiæ & bonitatis Christi symbolum
fuit, quo facto mirum in modum leprosi fidem au-
xit. Nam cum uidebat Filium Dei non solum non
abhorruisse instar aliorum hominum à suo collo-
quio: Verumetiam suam immunditiam manu teti-
gisse, singulari Spiritus gaudio est perfusus.

Cum hoc contactu coniungitur promissio: Vo-
lo: leprosus ait, si uis. Christus uolo respondet. Hinc
apud se leprosus conclusit, se mox sanatum iri.

Promissioni addit, Mundus esto: qua uoce su-
am diuinam potentiam declarat, confirmat doctri-
nam, & fidem in spectatoribus & Historiæ lecto-
ribus auget: uelle enim Christi facere est: omnia
quæ uoluit in cælo & in terra, fecit. Hæc Christi
potentia consolabitur nos aduersus potentiam Dia-
boli &c.

Et confestim est mundata lepra eius. Hoc
ipsum miraculum est & beneficium erga lepro-
sum: quo beneficio tanquam simbolo quodam no-
tat: quod is paratus sit, ad purgandos omnes à sua
spirituali lepra, qui ad ipsum fide accedunt.

Mandata sequuntur, primum ne leprosus cui-
quam dicat: huic mandato zelo quodam prædican-
di beneficij Christi leprosus non obtemperat, in
qua

qua re non parum peccauit. Debebat enim non gratias referre benefactori iuxta suum sensum: sed obedientiam potius, qua nullum aliud Christo acceptus est sacrificium.

Secundum & tertium mandatum sequuntur: Vade ostende te Sacerdoti, & offer munus tuum in testimonium ipsis. Hoc fecit Christus, ut legi Mosis hoc pacto satisfaceret, in qua committitur sacerdotibus iudicium de lepra, ut infectos de coetu reiiciant, & sanatos recipiant publico suo testimonio. Quod autem offerre sanati iubentur, ideo factum est, ut ista oblatio esset symbolum gratitudinis illorum, qui sanitatem adepti essent erga Deum.

Papistæ, qui ex hoc loco confessionem auricularem extruunt cum enumeratione peccatorum, stulti sunt, & sæpe deprauant scripturam, eam in alienum sensum detorquentes. De confessione, quam nos retinemus in nostris Ecclesijs, aliàs dicendum est.

DE TERTIO.

Historia continens beneficium Centurioni exhibitum, plurimas doctrinas, quas numeris distinguam, quo melius teneri possint, habet.

1. Obseruanda est imago duplicis populi Iudaici & Ethnici. Primum sanatur Iudæus. Deinde Ethnicus: unde docemur, beneficia Christi promiscue ad omnes pertinere: non esse distinctionem Iudæi & Greci. Vt enim omnes peccauerunt & egent glo-

I 3 ria

132 DOMIN. III. POST
ri Dei: Ita omnibus Christus suum beneficium of-
fert fide recipiendum.

2. Diuersa conditio Iudæi & Ethnicus non ca-
re doctrina. Iudæus erat pauper, Ethnicus diues:
non ergo Christus respectum habet præsentis for-
tune, non contemnit pauperem, non reijcit diui-
tem. Iudæus erat plebeius, nobilis uero Centurio:
in regno ergo Christi, non habent rationem maio-
rum stemmata: sed in Christum fides, qua omnes,
siue nobiles siue ignobiles, Filij Dei nascuntur. Iu-
dæus erat in mundo contemptus, Centurio aulicus
honoratus: sed ex fide æstimat Dominus, quis sit
apud se honoratior.

3. Iam ex circumstantijs quæramus, qualis fue-
rit fides Centurionis: quod Ethnicus fuerit extra
populum Dei peculiarem, satis humiliat ipsum. Pos-
set quidem gloriari apud homines de Centuriatus
dignitate: sed hæc gloriatio nullum locum habet
apud Deum: Nam ut ait apud Hieremiam Dominus,
qui gloriatur, in me gloriatur, qui facio misericor-
diam, iudicium & iusticiam: non ergo Centurio si-
ne pœnitentia accedit Christum: sed agnita sua mi-
seria, opem Christi implorat pro famulo, idq; ex ue-
ra fide, qua re ipsius etiam caritas erga proximum
declaratur. Cum autem dicit: Non sum dignus,
ut intres in domum meam: item, tantum dic
vnum verbum, & sanabitur puer meus, &
se peccatorem fatetur, & Christum diuina natura
præditum agnoscit, in quem & credit. At cum
subiun-

Iubungit: Nam & ego homo sum sub potestate constitutus &c. significat quam facile sit Christo diuina uirtute etiam absentes iuuare solo uerbo & uoluntate, cum ipse sit homo sub aliena potestate constitutus, possit famulis præscribere quæ faciendæ, & ipsi imperata faciunt.

4. Hic quæstio oritur de aliena fide. Centurio credit: sed famulus eius sanatur: unde certam hanc doctrinam colligimus, quod pii sua fide possint alijs impetrare corporalia beneficia: sed an aliquis aliena fide saluari possit salute æterna, quæstio apud Christianos nulla est: Nam illi sciunt neminem saluari sine propria fide, quæ quidem acquiri potest, cum pii pro alijs orant, ut Deus ipsis largiatur fidem.

DE QVARTO.

In hoc præconio fidei Ethnici plura sunt consideranda. Primum admonitio Christi, quæ ad eius humanitatem refertur: Indicat enim affectus humanos, sed sine peccato. 2. Iurat se non inuenisse tantam fidem in Israhel. Iudæi enim non solum uerbum, uerum etiam signa requirebant: sed hic Ethnicus modicum doctrinæ gustum cum haberet, solo uerbo est contentus. Mariæ fides perfectior erat: sed ex perfectiori instructione, & certioribus & pluribus signis: maior igitur est Centurionis fides secundum aliquam partem, non secundum absolutam fidei rationem. 3. Docemur hoc loco, quod oporteat fidem crescere, & quotidiana incrementa sumere.

sumere. 4. Docet hic Christus de uocatione gentium, ut ipse cum Abraham, Isaac & Iacob colligantur in unam Ecclesiam per fidem in Christum. 5. Prædictio reiectionis Iudeorum propter suam incredulitatem, cum interminatione poenæ. 6. Cum dicit Centurioni, Vade, fiat tibi vt credidisti, significat omnia possibile credenti, quemadmodum Christus alibi testatur, Cui honor & gloria in secula seculorum, Amen.

DOMINICA III. POST
EPIPHANIAM, EVANGELIUM Matth. 8.



ET

ET cum ingressus esset Iesus nauim, secuti sunt eum discipuli sui: & ecce motus magnus factus est in mari, adeo vt nauis operiretur à fluctibus, ipse vero dormiebat. Et accendentes discipuli excitauerunt illum, dicentes: Domine, serua nos, perimus. Et dicit illis: Quid timidi estis, exigua præditi fiducia? Tunc excitatus increpauit ventos & mare, & facta est tranquillitas magna. Porro homines admirabantur, dicentes: Qualis est hic? quia venti quoq; & mare obediunt illi.

ENARRATIO TEXTVS.

HO C Euangelium rursus indolem Christi nobis ponit ob oculos, quæ est suis adesse in periculis, eosq; iuuare, secundum Psalmi dictum: Tecum sum in tribulationibus. Item: Inuoca me in die tribulationis, exaudiam te, & honorificabis me. Ad eundem modum Apostolorum Exemplum hic docet, quid in periculis sit faciendum, uidelicet ut cum Apostolis Christum nostra fide excitemus, quo nobis petentibus opem ferat. Hæc est autem summa Euangelij, quod Christus, periclitantibus discipulis in nauì præ tempestate subito orta, excitatus increpet mare, & uentum, unde tranquillitas magna secuta est, & admiratio in spectatoriis. Locos autem tres tractabimus, qui sunt:

- I. Varietas tentationum piorum in hoc mundo.

I 5

II. Hi



- II. Historiæ præsentis explicatio cum suis circumstantiis.
- III. Pulcherrima imago Ecclesiæ Christi in hoc mundo.

DE PRIMO.

Quia hoc Euangelium meminit tentationis in nauis, uolo breuiter indicare tentationum genera, quibus homines sollicitantur: idq; ideo, ut agnitis periculis, quæ nos undiq; circumstant, simus uigilantiores, ne tentationibus fracti abijciamus confessionem ac gratia excidamus. Sicut enim Christi discipuli inter maris fluctus tentabantur de uita: Ita singuli Christiani, omni fere hora salutis suæ naufragium timere debent.

Tentationum genera sunt multa: aut .n. tentatio Deum autorem habet, aut à Diabolo proficiscitur, aut ab hominibus uenit, aut in ipso qui tentatur causam habet, aut res circumstantes molestant.

Deus tentat, ut nobis ipsis reddamur probationes res: non enim tentat, ut sciat, quem nihil latet: sed ut scire nos faciat, quantum in pietate profecerimus. Et tentat Deus in moribus, & in doctrina, & in signis iræ. In moribus tentauit Abraham, quando iussit eum mactare filium suum unigenitum Isaac in holocaustum: Verum Abraham obediendo Deo in re adeo dura & difficili, factus est sibi ipsi probatior, & uidit uerum suæ fidei fructum, præferre obedientiam erga Deum omnibus rebus mundi. Sic hodie pij diuinitus tentantur, dum mandatis Dei pro-

propositis, omnium uirtutum morumq; regulis certissimis. probatiores sibi redduntur per spontaneam obedientiam. Ac contra qui scientes & uolentes ruunt in peccata, & succumbunt tentationi, fiunt rei iræ Dei, donec resipiscant.

Deinde in doctrina quoq; tentat nos Deus, quando permittit Pseudopphetas uenire, & uariis dogmata erronea proponere, de quo tentationis genere loquitur Moses Deut. 13. Si surrexerit in medio tui Propheta, aut qui somnium se uidisse dicat, & prædixerit signum atq; portentum, & euenerit quod locutus est, & dixerit tibi: Eamus & sequamur Deos alienos, & seruiamus ijs (hoc est, si nouum modum colendi Deum instituat) non audies uerba Prophætæ illius & somniatoris, quia tentat uos Dominus Deus uester, ut palam fiat, utrum diligatis eum an non, in toto corde, & in tota anima uestra. Hæc tentatio Deo ascribitur, quatenus probationis est, & non seductionis. Ad eundem modum hodie dat nobis uerbum: sed permittit oriri hæreses plurimas, ut eo pacto nos tentet probetq; an illum uere ex uiua sinceraq; fide diligamus. Aliquando in signis tentat Dominus, dum in cælo, terra, mari, horrenda sue iræ signa proponit, quæ signa mirum in modum piorum animos concutiunt. De hoc tentandi genere loquitur Moses Exod. 20. Nolite timere, ut enim tentaret uos uenit Deus, & ut terror illius esset in uobis, & non peccaretis.

Diabolus tentat defectione à doctrina, presumptione

140 DOMIN. IIII. POST
tione in officio, idolatricis cultibus multis alijs mo-
dis: de quibus dicendum est Dominica secunda
quadagesimæ.

Homines, cum hostes, tum amici tentant nos uarijs modis, doctrina, hypocrisi, exemplo, consilio, promissione, comminatione.

Inuenit etiam homo in se ipso, à quibus tentatur, ut sunt peccatum hereditarium. Deinde multi affectus inde pullulantes, qui nos sollicitant, ut aliquid contra Deum tentemus. Tentatur interdum homo à dotibus aut animi aut corporis, quales sunt pulcritudo, robur, ingenium, artificium &c. Hoc tentationis genere, qui superari nolit, cogitet omnia diuinitus esse collata in Dei gloriam & aliorum commodum.

Res quoque circumstantes sæpe piorum mentes tentant & perturbant, quarum quedam ante nos sunt, ut quæ imminet: quedam post, ut quæ præterierunt: quedam à dextris, ut quæ iucunda sunt: quedam à sinistris, ut quæ tristia existant. Ante nos, mors minatur, iudicium Dei horrendum excruciat, infernus os patens habet. Post nos seu retro à tergo sunt præterita peccata, quæ conscientiam hominis cruciant. A dextris sunt diuitiæ, honores, potentia, quæ multos homines in æternum exitium præcipitant. A sinistris sunt paupertas, probra, contentus, infamia, pericula in terra, mari, domi, foris. Hæc tentationum genera sunt grauissima, quæ superantur fide, inuocatione, crebris suspirijs ad

Deum

Deum pro au-
perpetua serua-
tui hoc loco dice-
am & precatione

D.

In huius mira-

deride circumsta-

1. Tentatio fidei

Dominum, atque i-

curitas non ita di-

ta, uultu fluctibus

paulo antea sec-

maxis deſperab-

minum fidei secu-

2. In hoc peri-

cum ut uires lab-

at reficeret, tum

ret, non quod ipſi

ignorant: ſed ut ip-

Præterea etiam id-

dem eſt, ut in diſci-

o maiore timore q-

homines inuocari

preſens auxilium n-

ſuauiter, opem

culo, ſuſpente, ſine

Eſt autem omnia

neſſaria, ex ſua

ſpina dare para-

Deum pro auxilio, morum innocentia, breuiter, perpetua seriatq; pœnitentia. Hæc de tentatione uolui hoc loco dicere, ut nos excitemur ad uigilanti-
am & precationem, ne intremus in tentationem.

DE SECUNDO.

In huius miraculi historia sequentes sunt consi-
derandæ circumstantiæ.

1. Tentatio fidei. Discipuli habent secum in nauis
Dominum, atq; ideo nauigant securius: sed hæc se-
curitas non ita diuturna fuit: nam tempestate ora-
ta, nauis fluctibus obruitur: unde factum est, ut qui
paulò antea securi nimium fuerunt, iam fluctibus
maris desperabundi obijciantur: Quare nemo ni-
mium fidat secundis: sed in rebus secundis metuat.

2. In hoc periculo grauissimo Christus dormiuit,
cum ut uires laboribus fatigatas somno recrearet
ac reficeret, tum ut discipulorum fidem explora-
ret, non quod ipse scrutator cordium, quicquam
ignorarit: sed ut ipsi sibi discipuli fierent notiores.
Præterea etiam ideo Dominum dormisse creden-
dum est, ut in discipulis maior fides excitaretur,
& maiore timore perculsi discipuli, Christum ue-
hementius inuocarent, ac in maximo periculo,
præsens auxilium maioris facerent. Nam si Chri-
stus uigilasset, opem laborantibus, ut in graui peri-
culo, sua sponte, sine discipulorum precibus tulisset,
Etsi autem omnia, quæ ad nostram sunt salutem
necessaria, ex sua bonitate & paterno erga suos
affectu dare paratus est: non tamen nisi rogatus
dare

dare solet: Est enim oratio *ordinarium instrumentum* ad impetranda omnia, quæ nobis à Deo necessaria sunt: idq; ea de causa, ut ipsum quidem uerum Deum creatorem & fontem omnis boni ueneremur, nos uero impotentes creaturas (ut quæ sine Deo necquicquam habemus, nec quicquam ualeamus) agnoscamus.

3. Praxis fidei hic conspicitur: Fides enim non est ociosus assensus aut cogitatio: sed est sortis gigas, qui uicit mundum, ut Iohannes inquit: Hæc est uictoria, quæ uicit mundum, fides uestra: uincit quidem fides: sed per uictorem quem possidet. Hæc fides habet mundum hostem, hoc est, peccatum, mortem, Diabolum, pericula, carnem. A parte peccati stat lex, conscientia, desperatio. A parte fidei stat Euangelium, sacrificium Christi, certa fiducia. Cum ergo suo fulmine, fumo, igne, uaporibus, tonitru te adoritur lex, accipiat fides Euangelium, illudq; legi opponat.

Cum ergo lex dicat: Omnis qui non fecerit omnia quæ scripta sunt in libro legis, maledictus est, oppone Euangelium: Omnis qui credit in Filium, habet uitam æternam.

Mors cum minetur mortem, oppone ei mortis uictorem Iesum Christum, qui morti uictæ exprobrans ait, ubi mors aculeus tuus? ubi o inferne uictoria tua? idem apud Iohannem ait: Qui credit in me, non gustabit mortem in æternum: sed transibit à morte ad uitam. Mors igitur pro homini utilis est:

est: nam est tantum transitus ad meliorem uitam,
tantum abest ut pijs formidabilis esse debeat.

Diabolus quidem accusat, & magnum catalogum facinorum texit, sed oppone ipsi Christi sententiam de ipso, qui ait: Princeps huius mundi iam iudicatus est, & illud Pauli: Deus est qui iustificat, quis est qui condemnet? si obijcit nobis iniusticiam nostram, respondeamus cum Paulo: Eum qui non nouit peccatum, fecit peccatum, ut nos fieremus iusticia Dei in ipso.

Pericula similiter peccati nos coarguunt: Sunt enim ueluti concio iudicij Dei de peccato. Responde, iudicium à Dei domo incipere, & Dominum omnem filium quem recipit castigare, idq; in bonum filij.

Caro sollicitat ad desperationem: sed tu carnem subijcito spiritui, & dic ipsius iudicium hic nullum habere locum: atq; ita mille occurrunt, quæ salutem nostram impedire uolunt.

Potuit ergo Nero, peccato, legi, morti, carnem ita exprobrare? nequaquam: Nam soli Filij DEI hoc ius habent, alij tenentur captiui sub peccato, quia serui sunt peccati, ut qui peccatum faciant, illis indulgendo aduersus spiritum, imo spiritu extincto prorsus. Quicunq; ergo uult peccato, legi, morti, Diabolo, carni, &c. exprobrare, uideat an sentiat ueram poenitentiam, uideat an habeat fidem & bonam conscientiam: Deniq; uideat an ita sit compositus, quod omnia uitæ commoda postponat

ponat obedientiæ erga Deum, abiecto peccandi proposito.

4. Christus duo reprehendit in discipulis. Primum pusillanimitatem, quia non debebant timere eo præsentem: cuius cum tot miracula uidiissent, facile didicisse potuerunt, eum non perire posse, cui Christus præsens adest. Deinde fidei paruitatem, quia non crediderunt eum posse tantum dormiendo, quantum uigilando, tantum mari, quantum terra, qui terræ erat & maris creator.

5. Ut autem dormiendo declarauit se hominem esse: ita hic imperando uentis se Deum esse docet: utrunq; seruit fidei nostræ tenuitati. Humanitas enim uoluntatem erga nos, diuinitas uero facultatem docet, quæ duo ad omnem actionem proæreticam requiruntur.

6. Christus, ut breuiter complectar, hac Historia ostendit, se uere uelle salutem hominum, & præsertim eorum, qui se inuocant. Nam ut uult se in periculis à nobis inuocari: ita etiam uult patrum suum erga nos affectum, dum à periculo liberat, declarare.

DE TERTIO.

Hæc allegoria est suauissima: pingitur enim hic sors & imago Ecclesiæ. Mare est Mundus: Naui est Ecclesia: uentus est Diabolus: pius cœtus credentium discipuli sunt: Christus est ueritas: Euangelium fides.

Primum hic obserua, antequam Christus cum discipu-

EP
discipulis in mari
est, hoc est, in
Verum post ingre
tempus uelut
quid? Adisti qui
Dumtaxat: hinc et
manicam, id est,
ram hic diligente
pro uera agnosc
est orator, ut
suum oratorem in
bet gubernator
omnes suos, h
usq; & obedi
ris contenta est
2. Obserua
tranquillo mari:
huc illuc impellat
di Historia docet
nientiam in medio
li Dei, mox illam
tendis modis tactu
pist Nobe ad Abr
tum ad Chri
remit in munda
dum. Sed qu
nauulum ferre
per arguit, hoc
q; iustos pec

discipulis in nauim ingreditur, mare tranquillum est, hoc est, mundus securè stertit in suis peccatis: Verum post ingressum Christi in nauim, excitatur tempestas ualida, adeò ut nauis uideatur obrui. Sed quid? Adest qui imperet mari & uentis Christus Dominus: hinc ergo primum discamus, extra hanc nauiculam, id est, Ecclesiam non esse salutem. Verum hic diligenter spectandum, ne hostilem nauim pro uera agnoscamus: Hostilis nauis foris quidem est ornatio, intus capacio: sed habet uera nauis suum ornatum interius, & multo augustiorem habet gubernatorem S. Sanctum, habet naucleros omnes pios, habet uerbum Dei, Sacramenta in uero usu, & obedientiam ergo ministerium: his thesauris contenta est hæc nauis in tantis fluctibus.

2. Obseruetur, quod hæc nauis non uersetur in tranquillo mari: sed turbetur fluctibus, qui ipsam huc illuc impellunt: quod uerissimum esse ipsa mundi Historia docet. Deus condito mundo, hanc nauiculam in medio posuit: uerum Diabolus hostis filij Dei, mox illam turbauit procellis: postea miserandis modis iactata est usque ad tempora Noë: post Noë ad Abrahamum: inde ad tempora Moysis: tum ad Christum, qui, ut hanc nauim saluaret, uenit in mundū. Neq; adhuc conquieuerunt fluctus eius. Sed quenam causa est, cur mundus hanc nauiculam ferre nequeat? quia Ecclesia mundi opera arguit, hoc est, mundi sapientes stulticiæ accusat: iustos peccati reos peragit: diuites non beat:

K

sed

sed infelices & miseros pronunciat, nisi pietas uera diuitijs præsit moderatrix: Atq; hoc est quod Christus promisit fore, cum ait: Spiritus sanctus mundum peccati, iusticiæ, iudicij arguet. Quid peccauit Abel in Cain, qui ipsum horrende occidit? Respondet Iohannes: Opera eius fuerunt bona, & fratris mala. Quid Nohe? Quid Ieremias? quid Esaias? quid Christus? deniq; quid tot sancti Martyres inde usq; ab initio mundi? mundum de tenebris ad lucem deducere uoluerunt, ut renunciatis mundanis concupiscentijs pie, honeste, iusteq; homines in mundo uiuerent. Hanc gratiam mundus suis benefactoribus referre solet: fluctibus enim uult obruere eos: sed non succedunt illi omnia ex uoto: non potest nauiculam hanc funditus perdere: nam ex sanguine Martyrum noui nascuntur Martyres.

Discamus igitur hanc sanctam aduersus scandalum persecutionis & paucitatis artem. Si offendit te iactatio nauis, respice ad Christum, qui præsens in naui adest. Si paucitas te turbat, respice ad Arcam Nohe, ad Sodomitas, ad reliquum mundum totum: ea quæ sunt optima nunquam placuerunt, nisi paucissimis, Ecclesia in principio exigua fuit: in medio maxima: in fine ita rursus exigua erit, ut uideatur operta fluctibus, malicia Diaboli, prauis doctrinis demoniorum & sceleratis moribus.

Discamus proinde in his fluctibus excitare Christum nostra inuocatione, qui à sua naui nunquam

quam dicit: se
mentis disciplin
spiritu sancto, &
lorum, Amen.

DOMIN
EPIPH



Aliam para
Alsimulan
mini feminant
sed dormientil
nicus, & sem

POST

EPIPHANIAM.

147

quam abest : sed eam Spiritu sancto, uerbo, Sacra-
mentis disciplina gubernat : Cui una cum Patre &
Spiritu sancto, honor & gloria sit, in secula seculorum, Amen.

DOMINICA V. POST
EPIPHANIAM, EVAN-
gelium Matth. 13.



Aliam parabolam proposuit eis, dicens:
Assimulatum est regnum coelorum ho-
mini seminanti bonum semen in agro suo,
sed dormientib. hominibus, venit illius ini-
micus, & seminavit Zizania inter triticum,

K 2 abijt

abijt. Cum autē germinasset herba, & fructum fecisset, tunc apparuerunt Zizania: Accedentes autem serui patrisfamilias, dixerūt illi: Domine, nonne bonum semen seminaras in agro tuo: vnde igitur habet Zizania? Ille vero dixit illis: Inimicus homo fecit. Serui autem dixerunt illi: vis igitur abeamus & colligamus ea? At ille dixit, non: ne dū colligatis Zizania, eradicetis cum illis simul & triticū: sinite pariter crescere vtraq; vsq; ad messem, & in tempore messis dicam messorib: Colligite primum Zizania, & colligate ea in fasciculos ad comburendum ea: triticum vero congregate in horreum meum.

ENARRATIO TEXTVS.

Occasionem huic Euangelio præbuerunt auditores Christi, quorum alij fuerunt Hypocritæ, qui sibi tamen non parum placuerunt, quod accenserentur gregi Christi: Alij fuerunt sinceri & boni: sed quia uiderunt confusam bonorum cum malis simul mixturam, non parum turbabantur illorum mentes. Vt ergo & illos suæ hypocrisis et pænæ olim secuturæ admoneret, & hos, proposita futura separatione & mercede, ad constantiam & infractam fiduciam erigeret, hanc proponit parabolam. Cuius hîc sensus est, quod bonis mali permisti esse debeant in Ecclesiâ, donec hic mundus steterit, qui in fine seculi sunt à se inuicem separandi, ut pijs merces, impijs uero commerita reddatur pœna:

pœna: pertinet proinde hoc Euangelium eò, ut hypocrisis terreat, ac proposita pœna inuitet ad pœnitentiam: & consoletur pios, eosque ad tolerantiam malorum armet. Porro loci huius Euangelij quatuor sunt.

- I. Quale sit regnum Christi in hoc mundo.
- II. De hostibus huius regni.
- III. Oratio discipulorum Christi contra hostes, & cur Deus patiatur hostes in Ecclesia.
- IIII. De pœnis hostium Christi, & præmijs piorum.

DE PRIMO.

Regnum cœlorum uaria in scriptura significat. PRIMVM enim cum Iohannes dicit, agite pœnitentiam: appropinquat enim regnum cœlorum, non est aliud regnum cœlorum, quam uitæ nouitas, qua Deus nos instaurat in spem beatæ immortalitatis: Nam ereptos è seruitute peccati & mortis, sibi nos uendicat, ut in terra peregrinantes cœlestem uitam iam fide possideamus. Cum ergo dicit, appropinquat regnum cœlorum, significat restitutionem ad beatam uitam, adeoq; ueram & æternam felicitatem in Christo proponit. DEINDE significat ipsum Christi Euangelium, quo ciues in regnum cœlorum aggregantur, ut cum dicit Dominus: Regnum cœlorum intra uos est. TERTIO significat fructum prædicati Euangelij in cordibus piorum, atq; tunc est, ut Paulus Rom. 14. definit, iusticia, gaudium, spiritus & pax in conscientijs

tijs nostris. **QVARTO** significat ipsam futurā felicitatem in eterna uita post iudicium: ut cum Christus promittit fore, ut multi ab oriente & occidente ueniant & accumbant cum Abraham, Isaac & Iacob in regno cœlorum. **QVINTO** ipsam uisibilem Ecclesiam significat in hoc mundo, in qua sunt boni & mali permixti usq; ad messem, hoc est, consummationem seculi. In hac significatione capitur regnum cœlorum in hoc presenti Euangelio: de quo regno nunc pauca ex presenti Parabola dicam. Simile est regnum cœlorum homini, qui seminauit bonum semen in agro suo &c. Homo seminans, est Christus uerus Deus & uerus homo: Ager est mundus: semen sunt filij regni. Horum trium singuli plura docent.

Primum enim, cum Christus dicitur seminator, hac significantur. 1. Quanta sit Ecclesiæ dignitas, quæ autorem habet Filium Dei. 2. Quod sapientes mundi non seminant Ecclesiam: id. n. solius Christi est: quare nec sapientia mundi conseruatur. 3. Quod officium Christi sit seminare, hoc est, docere iusticiam & salutem æternam. 4. Quod nullus possit semen bonum fieri, id est, iustificari & innouari ad uitam æternam, sine Christo seminatore.

Deinde cum Christi ager dicatur mundus, plura nobis cogitanda offeruntur. 1. Quod non unum aliquod regnum mundi, non Italia, non Græcia, non Iudæa, non deniq; ulla natio sub sole possit sibi soli uendicare, quod sit ager Domini: nam totus mundus

us est ager ille, in quem suum semen coniicit Christi seminator. Quare ut nulla natio, adeoque nullus homo potest iure conqueri, se de regno cœlorum exclusum esse: ita nullus populus poterit hanc gloriam sibi soli, ut dixi, uendicare. 2. Hic conspicitur, quod immensa sit Dei misericordia offerentis omnibus per uastum orbem Christi beneficia, hoc est, sapientiam, iustificationem, sanctificationem & redemptionem. 3. Cur ager dicatur, obseruandum: Nam hic Metaphora significatur, quod cultura sit necessaria. Nam ut ager hic prædicatione pœnitentiæ est arandus: Ita sanguine & spiritu Christi irrigandus est, alioquin semen suffocatur & perit.

Semen est hic & id quod seminatur, et id quod crescit. Quid seminatur? Euangelium Christi, quod ut offert gratuitam remissionem peccatorum: ita iugem requirit pœnitentiam. Hoc semen id est, Euangelium Christi, ager excipit fide: sed Spiritu sancto fouetur & conseruatur, ne obrutum tempestatibus, carne, & cruce intermoriatur, & pereat. Deinde semen dicitur id, quod è semine nascitur, nempe triticum ipsum, hoc est, filij Dei. Est enim uerbum Dei seu Euangelium, semen illud incorruptibile, quo renascimur in filio Dei.

Hec ergo descriptio est regni cœlorum, id est, Ecclesiæ Dei in hoc mundo. Unde primum docemur, quod Ecclesia nō sit opus hominis alius, quam filij Dei: Quare uanus est Papa, cum gloriatur se

K + huius

huius Ecclesie seminatorem esse. Deinde, quod huiusmodi doctrinis non edificetur Ecclesia, sed tantum Euangelio Iesu Christi, quod qui purum doceant, cooperarii sunt Christi, seminatoris.

DE SECVNDO.

Hec parabola docet, quod regnum Christi sit suos habiturum hostes, quemadmodum etiam prima promissio habet Gen. 3: Semen serpentis insidiabitur semini mulieris. Hoc quam uerum sit, docet Ecclesie Historia inde à promissione Seminis in hunc usq; diem. Vbi est Abel, ibi est etiam aliquis Caim: ubi Isaac, ibi etiam Ismaël: ubi Iacob, ibi etiam Esau aliquis: ubi Dauid, ibi Saul: ubi Christus, ibi Iudas: ubi Paulus, ibi Nero aliquis, nec est quod aliud speremus: perpetuo enim Satanas insidiabitur Ecclesie Christi, quam aut prorsus abolere, aut prauis doctrinis & moribus contaminare conatur.

Sed quando ueniunt hostes? Cum homines dormiunt, uenit inimicus homo, & seminat Zizania. Hoc somno, cum ministri uerbi, tum auditores taxantur. Ministri uerbi dormire dicuntur, cum non fideliter faciunt officium, docendo, quæ salutaria sunt: monendo eos, qui segniores uidentur: obiurgando eos, quos uiderint non recta uia incedere ad ueritatem Euangelij: consolando pauidas conscientias: & confutando erronea dogmata, quæ cum fundamento, hoc est, articulis fidei pugnant. Auditores quoq; dormire dicuntur, cum uel segniter uerbum audiunt: uel frigent & paulatim deficiunt,

Deinde, quod
r Ecclesia, sel
quod qui purum
seminatoris.
N D O.
d regnum Chri
madmodum etia
men serpentis
quam uerum
promissione Sem
bel, ibi est etia
mael: ubi Iacob, ibi
i Saul: ubi Christu
aliquis, nec est qu
m Satanas infideliu
propterea abolere, cup
raminare conatur.
hostes? Cum homin
mo, & seminat Zi
uerbi, tum audim
dormire dicuntur, cu
e, docendo, que su
legiores uidentur
non recta uia inced
solando pauidus m
onea dogmata, qu
ulis fidei pugnant
ntur, cum uel leg
ent & paulatim

unt, quemadmodum hodie uidemus multos facere.
Cum ita dormiunt homines, uenit inimicus ho
mo, idq; ideo, quia hostis Christi est, cuius regnum,
hoc est, Ecclesiam uastare cupit, & suum regnum
dilatare mendacio & homicidio.

Quid facit inimicus homo? seminat in agro Do
mini. Quid? 1. falsam & hereticam doctrinam pu
gnantem cum articulis fidei: idq; coepit in Paradi
so & deinceps omnibus aetatibus. Vbicunq; enim
uera & sincera Euangelij doctrina praedicatur, ibi
quoq; hic inimicus adest, ut fontes saluatoris salu
tares ueneno inficiat, ne homines ex fontibus pu
ris saluatoris salutem hauriant. 2. seminat uerbi
contemptum in multis. Ex his seminibus nascuntur
Zizania, id est, filij nequam, ut sunt: 1. Hypocrite,
2. Sophistae, 3. Tyranni, 4. Blasphemi, 5. Scelerati:
atq; hi omnes coniunctis copijs, Ecclesiam, hoc est,
pusillum illum Christi gregem oppugnant.

Sed quid est quod dicit, inimicum hominem ia
cto Zizaniarum semine in agro Domini abire? an
Diabolus ab Hypocritis, Sophistis, Tyrannis disce
dit? Nullo pacto: sed ideo abire dicitur, quia aliam
personam induit: non uult uideri hostis: sed spiri
tus Dei & angelus lucis, quemadmodum in Ana
baptistis uidere est, qui iactant quidem spiritum
Dei & arcanas reuelationes, cum tamen meris Sa
tanae prestigijs fallantur.

Atq; ita hic secundus locus primum docet, quod
Ecclesia habeat suos hostes etiam in medio agro,

K 5 hoc

hoc est, in externa societate Ecclesie 2. Monet, ne assentiamur hostibus. 3. Discamus hostes à ueris ciuibus Ecclesie discernere. 4. Monet, ne nos exemplo multorum aut deficiamus ab Ecclesia prorsus, aut offendamur calamitate Ecclesie, quæ in hac uita hostium iniurijs exposita est.

DE TERTIO.

Serui patremfamilias accedunt et dicunt, nonne bonum semen seminasti in agrum tuum? per hunc accessum seruorum ad patremfamilias, significatur oratio piorum pro Ecclesia contra sectas & scandala in Ecclesia: Pij enim ut perpetuo precantur bona & salutaria Ecclesie, ita deprecantur mala & nociua, id quod in Psalmis Dauidicis passim uidere licet: Rogate, inquit, quæ ad pacem sunt Ierusalem: Ita prosperentur diligentes te. Contra hostes confundantur, ait, & pereant, qui uolunt mihi malum. Item Psal. 7. Conuertatur labor eius in caput eius, atq; in uerticem eius iniquitas ipsius descendat.

Sed quomodo hoc stare potest cum Christi præcepto, qui iubet, ut oremus pro maledicentibus nobis, & iniuriam nobis facientibus? Oratio Ecclesie contra hostes habet semper annexam conditionem pœnitentiæ & conuersionis: Est enim sensus, ut aut conuertantur per pœnitentiam, aut confundantur & pereant: ne perpetuo blasphemias in Deum crepent, & sanctis Dei sint molesti. Orandum est ergo pro hostibus ut conuertantur, quod si non

non conuertantur, orandum est contra eos, ut conuertantur, frustrati suis consilijs, quibus struunt Ecclesie Christi insidias.

Visne, inquiunt famuli, ut eamus & eradicemus ea? quibus ait, non: sed finite utraq; crescere, ne forte colligentes Zizania, eradicetis simul & riticum. Primum hic sciendum est, quod Christus neq; de pastorum, neq; magistratum officio distingat: sed tantum offendiculum tollit, quo turbantur infirmi, dum uident in Ecclesia multos esse impuros. Pastoribus enim commissus est gladius spiritualis, quo separant impuros ab Ecclesia, dum eos excommunicant, quo pudore offusi tandem resipiscant, & boni eorum contagione non conquinentur. Magistratui est etiam gladius commissus, sed secularis, ut uocant, quo turbatores humane societatis punit & eiecit. Quanquam autem pastores & magistratus uel maxime sedulo fecerint officium: tamen ita nunquam purgabunt Ecclesiam, quin aliquae feces impurae doctrinae & prauae uitae remaneant, quod cum uidemus, non debemus offendi: sed admoniti hac parabola, purgare quantum possumus, reliqua Deo committentes. Non enim Christus hoc dicto indulget alendis sordibus in Ecclesia: sed tantum fideles suos hortatur, ne animo deficiant, cum malos secum ferre cogantur: Ex hoc ergo loco colligamus. 1. Quanta sit misericordia Dei, qui tam patienter malos in Ecclesia fert, ut agant poenitentiam. 2. Quod his consolemur nos contra

cōtra scandalum paucitatis obedientium Euangelio.
3. Quod confutentur Anabaptistæ, qui negant illū
cœtum Ecclesiam esse, in quo sunt multi scelerati.

DE QUARTO.

Et in tempore messis dicam messoribus:
Colligite primum Zizania & colligate ea in
fasciculos ad comburendum, triticum vero
congregate in horreum meum. Hic concio-
natur de separatione piorum ab impijs, quæ est
futura in consummatione seculi. Deinde prædicit
fore, ut impij puniantur: Pij uero aggregentur in
regnum Dei. Quemadmodum enim Zizania colliguntur & igni mandantur: triticum uero colligitur & in horreum seruandum reponitur: ita in fine seculi futurum est, ut impij tradantur æternis pœnis cruciandi, pij uero liberentur & donentur æternæ uitæ possessione. Hoc sine parabola Christus Matth. 25. ita exprimit in sententia extremi iudicij, ubi impijs dicturus est: Ite uos maledicti in ignem æternum, Pij uero: Venite benedicti Patris mei, & possidete regnum uobis paratum ab initio. In summa, Impij lata duplex pœna nominatur, maledictio, & ignis æternus, quia enim contemserunt beneficium Christi gratuito sibi oblatum, maledictioni omnium creaturarum subijcientur, quæ pœna quam sit horrenda, nulla lingua explicare potest. Deinde duplici punientur igni, nempe male conscientie, cuius ingens cruciatus nunquam finietur: & igne corpus urente et non consumente.

nam

in eternis pœnis corpus destinatum, perpetuum
ignem sentiet. Si hæc serio cogitaremus, non ita
frigidi essemus in rebus salutis nostræ.

In sententia piorum duplex proponitur præ-
dicam mellis: nempe benedictio paterna, & regni Dei hæ-
reditas: illa opponitur maledictioni, hæc eternis
pœnis: Duplex ergo argumentum hinc sumamus:
unum à pœnis impiorum, Alterum à præmijs iu-
storum, utrunq; efficax est (modo rite cogitetur)
ad operandum in nobis timorem Dei et ueram per-
petuamq; pœnitentiam.

Hoc ergo pacto tota hæc parabola hunc habet
scopum, ut relinquat impius uitam suam qua pec-
cat, relinquat iniquus cogitationem suam, qua de re-
missione peccatorum desperat, & secundum Pro-
pheta dictum conuertatur ad Dominum, quia
multus est ad ignoscendum. In hoc M V L T O ni-
hil deest, sed est in eo omnipotens misericordia &
misericors omnipotentia, Cui gloria in secula,
Amen.

DOMINICA SEPTVA

GESIMÆ, EVANGELI-

um Matth. 20.

Simile est regnum cœlorum homini patri-
familias, qui exiit primo statim diluculo,
ad conducendos operarios in vineam suā.
Conuersione aut facta cū operarijs in singu-
los

los dies denario, misit eos in vineam suam. Et egressus circiter horā tertiam, vidit alios stantes in foro ociosos, & illis dixit: Ite & vos in vineam meam, & quodcunq; iustum fuerit, dabo vobis. Illi autem abierunt. Rursum autem exiit circiter sextam & nonā horam, & fecit similiter. Circa vndecimam vero exiit, & inuenit alios stantes ociosos, ac dixit illis: Cur hic statis totum diem ociosi? Dicunt ei: quia nemo nos conduxit. Dicit illis: Abite & vos in vineam meam, & quicquid fuerit iustum, accipietis. Cum autem vespere facta esset, dicit Dominus vineę procuratori suo: Voca operarios, & redde illis mercedem, incipiens à postremis vsque ad primos. Et cum venissent, qui circa vndecimā horam venerant, acceperunt singuli denarium. Venientes autem & primi, arbitrati sunt, quod plus essent accepturi, & acceperunt ipsi quoq; singuli denarium. Et cum accepissent, murmurabant aduersus patrem familias, dicentes: Hi nouissimi vnā horam fuerunt in opere, & illos pares nobis fecisti, qui portauimus pondus diei & æstum. At ille respondens, dixit: Amice, non facio tibi iniuriam. Nonne denario pactus es mecum? Tolle quod tuum est, & abi. Volo autem huic nouissimo dare sicut & tibi. An non licet mihi facere quod volo in rebus meis?

An

AN oculus tuus malus est, quod ego bonus
 sim? Sic nouissimi erunt primi, & primi no-
 uissimi: Multi enim sunt vocati, pauci ve-
 ro electi.

ENARRATIO TEXTVS.

HÆC parabola imaginem Ecclesiæ nobis ob-
 oculos ponit. Nam in ea ostenditur, quomo-
 do in Ecclesia, quæ uinea confertur, agitur. Quem-
 admodum enim operarij se habent ad uineam: sic
 se habent homines ad Ecclesiam. Operarij autem
 in uineam, alij maturius, alij serius uocantur: alij
 multum diuq; , alij parum breuiq; laborant tem-
 pore: sic hominum alij citius, alij tardius præ-
 dicatione Euangelij Ecclesiæ aggregantur: alij
 minus, alij magis laborant. Præterea, ut paterfa-
 milias alij ex conducto dat mercedem diurnam,
 alij ex gratia tantundem: ad eundem modum cœ-
 lestis Pater æquè in omnes munificus est, qui in
 Ecclesia sua laborant. Deinde ut paterfamilias
 superbos & contumaces abire iubet, & eos, qui
 ipsius liberalitatem boni consulunt, fouet: Ita DE-
 VS Pater, eos qui quærent mercedem operum,
 reiicit, cum eos, qui ex gratuita ipsius beneuolen-
 tia pendent, æterna donat uita. Atq; ita sensus hu-
 ius Euangelij est, quod nemo debeat suis operibus
 uel fidere, si sunt multa: uel desperare, si sunt nul-
 la: sed tantum ex bonitate Dei pendeat, ambulans
 in timore DOMINE. Porro loci tres constitui
 possunt.

I. Quod

- I. Quod quilibet Christianus conductus sit in uineam Domini, ut laboret.
- II. Generalis doctrina de bonis operibus & mercedibus bonorum operum.
- III. De dicto Christi: Sic erunt nouissimi primi, & primi nouissimi: Multi sunt vocati, pauci vero electi.

DE PRIMO.

Ecclesia Dei saepe in scripturis uinea Domini dicitur: idq; primum, quia Dominus eam elegit, & dignatus est foedere gratiae & aeternae salutis, in numerisq; beneficijs prosecutus est, plantauit & coluit. Tota Ecclesia uinea est: singuli autem Christiani palmites sunt, qui & alia ratione operarij dicuntur. 2. Hæc appellatio ostendit, quanti Dominus suam Ecclesiam æstimet: nulla enim possessio uinea preciosior est. Nam nulla plus operæ & assidui laboris flagitat. 3. Cum Ecclesiam uineam suam appellat Dominus, suam curam & sollicitudinem erga nos commendat. 4. Significat hæc appellatio, nos assiduo cultu & continua cura indigere, & manum à Domino adhiberi oportere, si ueros & fructuosos palmites habere uelit. 5. Quod qui in Ecclesiam recepti sunt, debeant fructum bonum producere. Vt enim non labruscas, sed uuas uini palmites producant: ita Christiani non carnis, sed spiritus opera faciant.

Iam quomodo quilibet Christianus in uinea Domini laborare debeat spectandum est. Vt enim in

uinea

the vined
called the
wild vine

uinea uaria sunt officia: alius enim plantat, alius rigat, alius potat, alius alligat, alius pedamenta ponit, alius fodit, alius terram stercoreat: Ita in Ecclesia diuersæ sunt uocationes & officia, pro quorum uarietate in Ecclesia laborandum est. Dominus ordinat singulis labores suos pro sua uoluntate, uni dat falcem, alij ligonem, alij cultrum siue securim: Ita alius concionator est, alius magistratus, alius paterfamilias, alius in schola Doctor, alius discipulus, alius artifex &c.

Verum hic quilibet in suo labore tria spectabit. 1. An suus labor sit utilis in uinea & mandatus à patrefamilias. 2. Quid uitandum sit inter laborandum. 3. Quid quomodoq; faciendum.

An labor tuus sit utilis & mandatus à patrefamilias, scias ex duobus, præcepto nimirum & uocatione. Præceptum habet: omnis labor, qui ad hanc uineam plantandam, rigandam, fouendam, conseruandam facit, hoc est, labor qui glorie Dei, ædificationi Ecclesiæ & hospitij Ecclesiæ, id est, politijs & Oeconomij deseruit, diuinitus præceptus est in prima tabula, & in quarto præcepto. Deinde non sufficit laborem præceptum esse, nisi legitima sit uocatio facta ad laborandum: Qui enim sibi sumit laborem in uinea sine uocatione, temerarius est, & nullum fructum edit.

Inter laborandum uitare oportet. 1. Ne superbias, si plus quam alius, aut etiam melius tibi laborare uidearis. 2. Ne spectes mercedem operæ præstitæ:

L

stite:

stite: sed præceptum patrisfamilias, qui ut labores in uinea te collocavit. 3. Ne minus laborantes contemnas. 4. Ne murmures contra patremfamilias, si liberalis uidetur in eos, qui te minus laborasse uidentur.

Quid inter laborandum spectandum & assidue cogitandum. Primum unumquemque cogitare oportet, se non ad ocium: sed ad laborem introductum esse in uineam Domini. Nullus enim in uinea Domini relictus est locus segniciei aut torpori: nullus sine patrisfamilias offensione, quod sibi iniunctum est, in alium reijcere potest: Quare strenue laboret, qui in hanc uineam introductus est sine fraude: Nam maledictus est, qui facit opus Domini fraudulenter. 2. Inter laborandum cogitet se stare in conspectu Domini, qui non solum uidet externas actiones, sed etiam secreta cordium, & ex cordis affectu opus æstimat, potius quam ex operis effectu. 3. Hæc Domini inspectio ad solícite agendum, laborantem solícitabit, ut alacri animo æstum & pondus diei ferat. 4. Sola bonitas patrisfamilias Dei præcipientis laborem spectanda est, sola inuitabit ad strenue præstandum officium. 5. Vbi omnia feceris, dices te inutilem seruum esse: Nam si uel superbias, quod prior ueneris in uineam Domini, uel contemnas alios, qui te minus laborasse uideantur, uel murmures contra patremfamilias, qui æquè liberalis est in alios atque in te, audies: Amice, non facio tibi iniuriam, nonne denario pæctus

Aut es mecum: tolle quod tuum est, & abi.
 An non licet quod volo facere in meis? An
 oculus tuus malus est, quod ego bonus
 sum? Tria hic taxantur in murmuratione. 1. Quod
 confidat dignitati sui laboris. 2. Quod liberalita-
 tem in patrefamilias non admiretur & prædicet,
 sed culpet potius. 3. Quod inuideat alijs liberalis
 patrisfamilias benignitatem: tales sunt omnes, qui
 iusticiam ex operibus sectantur uacui fide.

DE SECVNDO.

Vt doctrinam de bonis operibus distinctius in-
 telligamus, tria sunt nobis perpendenda: **PR I**
M V M, quæ requirantur ad boni operis rationem.
DEINDE, quæ sint causse bonorum operum.
TERTIO, Cur Deus adeo multas & præclaras
 promissiones adiecerit bonis operibus, cur ea mer-
 cede dignetur.

Quantum ad primum attinet, quinque requirun-
 tur, ut aliquod opus ab homine factum merito bo-
 num dici possit. 1. Præceptum. 2. Spiritus Christi.
 3. Fides. 4. Finis uerus. 5. Gratia qua boni consulti-
 tur defectus.

Quod autem ad boni operis rationem requira-
 tur præceptum, manifestum est ex his quatuor:
 ex conditione nostra, ex mandato, ex prohibitione,
 ex cultus diuini ratione.

Nostra conditio est, quod simus serui Dei, & is
 Dominus Deus noster: Quare ut ipsius est præci-
 pere nobis facienda: ita nostrum est ipsius uolun-

L 2 tatem

tatem sequi, tanquam regulam certissimam officij nostri.

Iam docet mandatum Ezech. 20. In præceptis meis ambulate, & iudicia mea custodite, & facite ea. Esa. 48. Ego Dominus Deus tuus docens te utilia, ambulare te faciens in uia qua ambulas. Hier. 33. Speculatorem dedi te domui Israël, audies ex ore meo sermonem, & annunciabis eis ex me.

Prohibitio est manifesta Deut. 12. Non facietis singuli quod sibi rectum uideatur. Ezech. 20. In præceptis patrum uestrorum nolite incedere.

Cultus Dei ratio requirit, ut opus plus placeat, sit præceptum: Vnde Dominus pronunciat se frustra coli mandatis & doctrinis hominum. Et Esaia 29. unum ex flagitijs nominatur, propter quæ malaminatur populo suo Dominus, quod coluerint ipsum mandatis hominum. Quare Paulus Coloss. 2. omnem *ἐν δόξῃ καὶ ἔργῳ* manifeste damnat.

Hinc ergo patet, quod ad boni operis rationem requiratur præceptum Dei: Sit ergo uerbum Domini lucerna nostra, quæ nobis præluceat in omnibus nostris actionibus.

Secundo requiritur ad boni operis rationem Spiritus Christi. Quicumque enim spiritu Dei aguntur, hi sunt Filij Dei. Spiritus carnis commaculat opus, adeo ut qui in carne sunt, Deo placere non possint. Opus est ergo spiritu regenerante nos in novos homines, sine quo nec nos, nec opera nostra placent.

Tertio

40. *notandum*
cultum.

8 E
Tertio requ
conciliat Deo
placere quod
placere Deo: Qu
tum est.
Quarto requ
tatem, quemadmo
tur. Noueris (unc
disserendas esse
faciendum est: i
est. Cum itaq;
uidetur, si non
cere debet, pe
ultimum omni
debet, cui null
QVINT
ritur gratia, qu
melli fide iustit
ferit multas mac
men ipsius opera
illo uicium tegit
Ista ergo quin
tionem, sine qui
bonum dici pote
nisi, causas reci
pernebunt, &
ta. Dignitas, Pra
Necessitas q
ramenda, uita

Tertio requiritur fides: Fide enim persona reconciliatur Deo & fit iusta: propter fidem ergo placent quoque opera: Nam sine fide impossibile est placere Deo: Quicquid enim non fit ex fide peccatum est.

Quarto requiritur finis uerus ad operis bonitatem, quemadmodum hæc uerba Augustini testantur: Noueris (inquit) non officijs, sed finibus à uicijs discernendas esse uirtutes: officium autem est, quod faciendum est: finis uero propter quod faciendum est. Cum itaque facit aliquid homo, ubi peccare non uidetur, si non propter hoc facit, propter quod facere debet, peccare conuincitur: esse autem finem ultimum omnium actionum nostrarum gloriam Dei decet, cui nulli alij sæpe subordinantur.

QVINTO, ad boni operis rationem requiritur gratia, qua boni consulitur defectus: Nam tametsi fide iustificatus, non satisfacit legi Dei, imo sentit multas maculas in omnibus suis operibus: tam ipsius opera uere placent Deo, & quod est in illis uicium tegit gratia.

Ista ergo quinque requiruntur ad boni operis rationem, sine quibus opus nequaquam coram Deo bonum dici potest: nunc quod secundo loco promisi, causas recitabo, quæ nos ad bene agendum permoueant, & sunt in uniuersum tres, Necessitas, Dignitas, Præmium.

Necessitas quintuplex est: mandati, debiti, fidei, retinendæ, uitationis poenarum, & conuersionis.

L 3 NE=

NECESSITAS prima, est mandatum Dei, cui omnes creature rationales obedire debent. Et Paulus ait: Hec est uoluntas Dei sanctificatio uestra.

SECUNDA necessitas, est debitum, de quo Rom. 8. Debitorum sumus Dei, non carnis: non enim sumus nostri iuris: sed eius qui redemit nos suo precioso sanguine.

TERTIA necessitas, est fides, quæ retineri nequit, ubi peccatis contra conscientiam indulgemus: Vnde Paulus: Si quis suorum & maxime domesticorum curam non habet, fidem abnegauit & infideli deterior est. Milita militiam honestam, habens fidem & bonam conscientiam.

QUARTA necessitas, est uitatio poenarum: Propter iniquitates, inquit Dauid, corripis filios hominum.

QUINTA necessitas, est conuersio: Vnde ego dicit Dominus, nolo mortem peccatoris: sed ut conuertatur & uiuat. Cum enim sit conuersio, homo uiuificatur & regeneratur in nouum hominem, ut iam spiritu facta carnis mortificet. Rom. 8.

Secunda causa bonorum operum est dignitas. Nam iustificati sunt Filij Dei: sunt templum Dei sanctum: sunt reges & sacerdotes, uncti à Spiritu sancto, qui induti iusticiam, Deum mente, uoce, confessione, & moribus prædicare debent.

Tertia causa, est præmium, hoc est, compensatio patientiæ, & obedientiæ credentium erga Deum:

um: Nam Deus promittit præmium, quod nos ex fide expectare debemus, non nitentes operibus à nobis præstitis: sed promissionibus gratuitis: Ita Moses Hebræ. 11. legitur respexisse ad remunerationem. Cum ergo Deus promittit renumerationem, duo faciemus. Primum nostri operis indignitatem & imperfectionem agnoscamus. Deinde Deum promittentem in suis promissis ueracem statuamus, freti promittentis bonitate, non operis dignitate.

Perpendendum tertio loco proposui, cur Deus adiecerit promissiones bonis operibus, & cur ea mercede dignetur: Huius rei cause potissimum sunt quinque.

PRIMA, ut sint testimonia prouidentie Dei. Vult enim sciri Deus & bona corporalia res esse ab ipso creatas, & non casu spargi, sed ab ipso Ecclesie dari & conseruari, iuxta dictum: Esurientes impleuit bonis, & diuites dimisit inanes.

SECUNDA, ut sint testimonia, quod uelit Deus etiam in hac uita seruare Ecclesiam: unde 1. Tim. 4. Pietas habet promissiones presentis uitæ & future.

TERTIA, quia Deus uult & necessitatem corporalem esse commonefactionem de fide, inuocatione, spe, gratiarum actione, & uult hæc bona fide peti, & expectari per patientiam.

QUARTA, ut sint commonefactiones de promissione gratiæ. Beneficia enim corporalia, fidelibus sunt gratiæ obsequatio.

L 4 Quinta

QVINTA, quia Deus uult utrumq; fieri: & Ecclesiam esse subiectam cruci, & inter ipsa pericula seruari in hac uita. Vtrumq; Esaia 17. indicatur: Domine Deus noster salua nos de manu Zenecherib, ut cognoscant omnia regna terrae, quod tu solus sis Dominus.

DE TERTIO.

Sententia, qua hanc parabolam claudit Dominus, diligenter obseruanda est. Sic nouissimi erunt primi, & primi nouissimi. Quare? Multi enim sunt vocati, pauci vero electi.

Huius sententiae propositio, quae est paradoxon rationi, ut erigit pusillanimes agnoscentes suam infirmitatem: ita Hypocritas superbos, tumentes opinione iustitiae & sanctitatis, deiicit, & ueluti diuino quodam fulmine prosternit. Sed qui sunt primi? qui nouissimi? Primi apud seipsos sua opinione & operum suorum aestimatione, erunt nouissimi apud Deum, id est, nullius precij, imo homines sententia Dei damnati.

Nouissimi apud seipsos sunt, qui serio agnoscunt suam uilitatem & infirmitatem, ut qui nihil sentiant se habere meriti, hi erunt primi apud Deum, hoc est, Deo accepti, modo firma fide in Christum mediatorem recumbant.

Ratio sententiae huius, Multi sunt vocati, pauci vero electi, duo docet: unum, quanta sit bonitas & misericordia Dei uocantis omnes ad agnitionem sui filij per Euangelium. Alterum, quanta sit

*Qui primi
qui nouissi
mi*

SEP
si ingruendo
riuntur, qui sum
agentes penitent
operibus, deoq;
fiant, cum meritis
glorificantes. Ha
net, ut agnoscamus
per Euangelium.
tindunt mandati
cia. Tertio, ut tu
per a inuocatione
lum recipiant
la, Amen.

DOM
GES

Uo autem
Cet e singuli
eum, dixit per
mentem facieb
um, & inter sen
rim, & concu
cederunt ill
um, & enatur
more. Et aliud
maræ sping su
didit in terran

sit ingratitudo hominum, è quibus adeo pauci inueniuntur, qui sunt electi, hoc est, sinceri, pii, & agentes pœnitentiam seriam: sunt pauci, qui suis operibus, adeoq; sibi totis renunciant, & soli Deo fidunt, eum mente, uoce, confessione & moribus glorificantes. Hæc ergo sententia nos primum monet, ut agnoscamus beneficium Dei, qui nos uocat per Euangelium. Secundo, ut detestemur ingratitudinem mundi, non acceptantis oblata beneficia. Tertio, ut iungamus nos pœnitentia, fide & uera inuocatione illis paucis, qui sincere Euangelium recipiunt in gloriam Dei, Cui honor in secula, Amen.

DOMINICA SEXA-
GESIMÆ, EVANGELIUM
Luc. 8.

Cum autem turba plurima conueniret, et è singulis ciuitatibus properarent ad eum, dixit per similitudinem: Exiit qui sementem faciebat, ad seminandum semen suum: & inter seminandum, aliud cecidit circa viam, & conculcatum est, & volucres cœli comederunt illud. Et aliud cecidit super petram, & enatum aruit, quia nō habebat humorē. Et aliud cecidit inter spinas, & simul enatæ spinæ suffocauerunt illud. Et aliud cecidit in terram bonam, & enatum fecit fructum.

L 5 ctum



Et cum cecuplum. Hæc dicens, clamabat: Qui
habet aures ad audiendum, audiat interro-
gabant autem eum discipuli eius dicentes,
quæ esset ista parabola? At ille dixit: Vobis
datum est nosse mysteria regni Dei, cæteris
autem per parabolas, ut videntes non vide-
ant, & audientes non intelligant. Est autem
hæc parabola: Semen est sermo Dei: qui au-
tem iuxta viam, hi sunt, qui audiunt, deinde
venit diabolus, & tollit sermonem de corde
eorum, ne credentes seruentur. Nam qui su-
pra petram non sunt, qui cum audierunt, cum
gaudio suscipiunt sermonem, & hi radices
non habent, qui ad tempus credunt, & in
tempo-

tempore terre
in spinas ceci-
soli tudinibus
vitæ eunt, &
tum. Quod a-
sunt, qui in cor-
tes sermonem
per patientiam
ENARI

Hoc Evang-
Ecclesie m-
tis ex incorrup-
sibili coetu qu-
tores, seminis
enim euenire,
naturali, iusto
non omne fert
ram iacitur: sed
varios habet audi-
tatem producit
I. Parabola
II. Genera
III. De dicto
die
D
Causa cur
mibus, plures su-
phetarum: P
et Christus

tempore tentationis recedunt. Quod autem in spinas cecidit, hi sunt, qui audierunt, & solitudinibus & diuitijs ac voluptatibus vitæ euntes, suffocantur, nec referunt fructum. Quod autem in bonam terram, hi sunt, qui in corde honesto ac bono audientes sermonem retinent, & fructum adferunt per patientiam.

ENARRATIO TEXTVS.

Hoc Euangelium continet pulcram imaginem Ecclesiæ militantis in hoc mundo, & nascentis ex incorruptibili semine uerbo Dei, in cuius uisibili coetu quales, & quàm multiplices sint auditores, seminis naturalis similitudine depingit: Idem enim euenire semini cœlesti testatur, quod semini naturali, iacto in terram, accidere solet. Nam ut non omne fert fructum, quod ab agricola in terram iacitur: sed uix quarta pars: Ita uerbum Dei uarios habet auditores, in quorum paucissimis salutarem producit fructum. Loci tres sunt:

- I. Parabola explicatio.
- II. Genera auditorum uerbi Dei.
- III. De dicto Domini: Qui habet aures ad audiendum, audiat.

DE PRIMO.

Causse cur Dominus in parabolis locutus sit turbis, plures sunt. Prima esse potest prædictio Prophetarum: Prophetæ etenim prædixerunt fore, ut Christus adueniens in parabolis esset docturus.

rus. Fuit autem antiquissima docendi ratio, parabolis & symbolis docere. 2. Quia hoc genus docendi mirifice in oculos, & animos hominum incurrit. 3. Quia quæ huiusmodi imaginibus & symbolis traditur, memoriam iuuant, ut doctrina per ista, ueluti symbola, ad posteritatem omnem, transmittatur. 4. Parabola quoque duriores obiurgationes molliunt, & uelo quodam tegunt, ut minus offendant: postea autem animo perceptæ & intellectæ erudiunt, & idem quod perspicua doctrina efficiunt, & interim neminem traducunt.

Porro partes huius parabola sunt: Seminator, Semen, Fructus, Terra.

Seminator Deus est, qui tametsi per homines semen in terram mittit: tamen ipse una adest & operatur: quare ministri uerbi coadiutores Dei dicuntur: quo nomine significatur, utrumque, scilicet, quod & Deus suo modo operatur, & homines cooperatorum suam operam Deo collocant. Hic duo discamus: Primum esse preciosum & nobile semen: uidemus. n. in mundo, quo præclarius fuerit semen, eo prudentiores & peritiores adhiberi, qui semen in terram iaciunt. Si reges mundi dicerentur adhibitis sapientibus mundi, hoc semen in terram mittere, omnes admirarentur: omnes singulari cura cuperent hoc semen cognoscere: sed hic iam adest seminator Deus, adsunt Oeconomi mysteriorum Dei: quare necesse est, & seriam & nobilem imprimis hunc esse sationem. Alium, quod hinc discamus,

mus est, magnum flagitium esse, grauissimisque pœ-
nis plectendum: uel huius seminatoris Dei semen
in terram, id est, in cor prius aratro legis præpa-
ratum, non recipere: uel receptum non maximo
cultu, sollicitudine, ac diligentia fouere ut crescat,
quò seminatore gratissimum ferat fructum.

Semen est ipsum uerbum Dei, non hominis, quod
semen Filius Dei unigenitus attulit è sinu Patris:
hoc semen uiuum est, quare si fructum aliquando
non proferre uidetur, non seminis, sed terræ culpa
est. Hoc semen qui uel uiciant, ut hæretici faciunt:
uel suffocant, ut hypocritæ, uel ui opprimant, ut
tyranni: uel adulterinum substituunt, ut Papistæ,
sentient olim iusti Dei iram, qui ut semen purum
dedit: ita idem purum et minime uiciatum uult ser-
uari, quod apud suam Ecclesiam deposuit in thesau-
ris Prophetarum & Apostolorum reconditum.

Fructus, quem hoc semen producit, seminis, ut
debet, naturam imitatur, postquam excreuit. Pri-
mum enim ex eo in terrā iactō, nascitur pœnitētia,
hoc est, uitæ prioris sceleratæ mutatio: quemadmo-
dum enim nobile aliquod semen, terræ uisceribus
conceptum, sua uirtute suffocat urticas, quæ prius
terram occupârunt: Ita hoc semen herbas malas,
quas in corde hominis seminauit Diabolus, hoc est,
peccata suffocat uera contritione, ut non amplius
ut antea fructum ferant lethalem ad damnationem.
Deinde hoc semen, una cum salutarī pœnitentia
producit fidem, cuius fructus est Deo gratissimus:
ex hac

ex hac fide tanquam è spica proueniunt semina, hoc est, filij Dei, iuxta illud: Qui credunt, dedit hanc dignitatem, ut filij Dei fierent. Hi, ut inquit Petrus, renati sunt, non ex corruptibili semine: sed incorruptibili per sermonem uiuentis Dei, & manentem in æternum. Filij Dei ita ex semine incorruptibili Dei nati, proferunt suum fructum, nempe bona opera & patientiam, quibus usq; ad messem ager Domini foecundus floret.

DE SECVNDO.

Ex seminis conditione iacti in terram, genera auditorum uerbi Dei quatuor colligere est: Semen enim iactum in terram, aut non concipitur terre uisceribus, aut concipitur cum fructu, sed mox flaccescente & pereunte, aut concipitur cum fructu durante usq; ad messem: atq; hæc uarietas ex conditione terræ prouenit: nam si in uiam cadit semen, non agit radicem, sed aut conculcatur pedibus, aut à uolucris deuoratur. Si in petricosa loca cadit, quia in altum radices non mittit, enatum mox perit: si inter spinas cadit, à spinis suffocatum moritur sine utilitate: Si in terram bonam iactum fuerit, fructum fert, eumq; copiosum. Hinc esse quatuor auditorum genera, manifeste Dominus concludit: de quibus nunc ordine dicendum est.

PRIMUM auditorum genus hoc modo parabola significatur: Aliud cecidit super uiam, & conculcatum est. Parabola à Domino ita explicatur:

catur: Qui secus viam hi sunt, qui audiunt,
 deinde venit Diabolus, & tollit verbum de
 corde eorum, ne credentes salui fiant. In hac
 explicatione multa concurrunt diligenter perpen-
 denda. 1. Quæ caussa sit, quòd non ferat fructum,
 nimirum quia terra dura & sicca est, hoc est, cor-
 da audientium sunt saxeæ & dura, adeo, ut uerbo
 non cedant. Durescunt autem corda peccandi con-
 suetudine, impunitatis spe, cogitationibus Epicu-
 reis, exemplis peccantium infinitis, & Diaboli do-
 lis. Quòd autem Dominus ait sermonem semina-
 ri in cordibus eorum, perinde est, ac si dicat, ui-
 cio hominum & prauitate fieri, quòd de corde au-
 ditorum eripitur: Deo proinde iniuriam faciunt,
 qui illi suam damnationem ascribunt: Ille enim
 in omnes misericors: is semen mittit in terram,
 hoc est, mittit qui Euangelium doceant: sed homi-
 num culpa euenit, quòd sine fructu conculcetur.
 2. Diligenter obseruandum est, quòd Diabolus di-
 catur uenire & tollere sermonem de corde: unde
 colligimus hunc salutis nostræ hostem, ut sationis
 tempore solent famelicæ aues, simul ac prodit in
 medium doctrina, instare & irrumperè ad eam ra-
 piendam, priusquam humore concepto germinet:
 hoc Satanae perpetuum studium esse, historia omni-
 um temporum docet, ac Petrus testatur, cum ait:
 eum tanquam Leonem rugientem quærere quem
 deuoret. Sicuti enim primis nostris parentibus ad-
 uersatus est, idq; per uerbi diuini oblationem de
 corde

corde ipsorum: ita hodie simili studio incumbit, ut uerbum prædicatum fructuosum apud auditores maneat. 3. Est obseruandum, quod Euangelium sit salutis prædicatio. Nam cum dicit, Diabolus tollere uerbum de cordibus auditorum, ne salui fiant, satis indicat uerbum Dei nostræ salutis destinatum esse. 4. Obseruanda est hic magna fidei laus, dum nostræ salutis causa, aperta uoce Christi hic uocatur, ut credentes, inquit, salui fiant. Quem admodum enim salus ministerio Euangelio hominibus offertur: Ita sola fide recipitur oblata salus & retinetur. Vnde Apostolus: Euangelium est potentia Dei in salutem omni credenti. 5. Ut magna nostra ingratitude taxatur, qui salutem oblata per uerbum contemnimus: Ita execrandus est eorum error, qui uerbo uocali suam uirtutem adimere conantur, qui sane Diaboli organa sunt ad impediendam hominum salutem.

SECUNDVM auditorum genus hac parabola notatur. Aliud cecidit super Petram, & enatum exaruit, quia non habuit humorem. Parabola à Domino explicatur his uerbis: Nam qui super Petram, hi sunt, cum audierint, suspiciunt cum gaudio sermonem: hi tamen radices non habent qui ad tempus credunt, & tempore tentationis recedunt: dum crux non premit & persecutio, non infimum locum in Ecclesia habent: uerum ubi persecutio oritur propter Euangelium, succumbunt, & in ipsis fides emoritur sine fructu: huius generis

generis auditores sunt, proh dolor, plurimi. Cum primum in hoc regno repurgata doctrina Euangelij esset, plurimi uisi sunt Euangelium serio complere: sed cum uiderent amicos offendi; cum animaduertierent non parum suæ autoritati apud Papistas decedere, & iam pressius eos crux tangere, obliti dulcedinis Euangelij, quod cum gaudio prius susceperant, ab eo turpiter cum ignominia summa & animarum suarum horrendo interitu discedunt miseri, quibus satius fuisset nunquam bonum Euangelij gustasse, quam ut cum tanta ignominia gratia & salute rursus exciderent.

TERTIVM auditorum genus parabola hac pingitur, Et aliud cecidit inter spinas, & simul enatae spinæ suffocauerunt illud. Parabola hæc Dominus interpretans, ait: Quod autem in spinas cecidit, hi sunt, qui audierunt, & à sollicitudinibus & diuitijs ac voluptatibus vitæ reuocati, suffocantur, nec referunt fructum. In hac explicatione Domini plura sunt consideranda. Primum quod hoc genus hominum fuerit idoneum ad fouendum intus semetum, hoc est, quod uera poenitentia sint ad Dominum conuersi, credant & amarent uerbum Dei. Deinde, quod aliunde proueniat corruptio seminis, hoc est, uerbi Dei in corde hominis seminati, nempe à spinis. Quemadmodum semen bona terra conceptum, enatum sæpe spinarum complexu corrumpitur, ut prorsus pereat ante messem: Ita multi in principio pii colentes Deum, moriuntur sine fructu.

M

spinis

Spinis ante finem uitæ suffocantur, spinis, inquam, sollicitudinum, diuitiarum & uoluptatum. Tertio obseruandum hic est, quod Dominus hic ponat tria genera spinarum, quæ sementem cœlestem, postquam in culmum assurrexit, suffocant: ut sunt sollicitudines, seu curæ huius seculi, ut Matthæus habet, diuitiæ, seu, ut Matthæus & Marcus habent, deceptio diuitiarum & uoluptates uitæ.

Cum ergo hæ sunt spinæ, quibus uerbum Dei suffocatur, & nemo nostrum sit, qui non ingenti spinarum copia & quasi densa silua refertus sit, danda est opera, ut si spinas ipsas omnino euellere non possimus: saltem aculeos ipsorum retundamus, ne diuinam sementem confodiant & perdant.

Quantum igitur ad PRIMVM spinarum genus attinet, ita retundatur, si toti huic mundo cum suis concupiscentijs renunciemus, & utamur hoc mundo tanquam non utentes: quemadmodum monet Paulus.

SECUNDVM genus non nocebit, si Salomonis consilio usi fuerimus, qui ait: Si diuitiæ affluunt, noli cor apponere. Item Pauli, qui ait: Præcipe diuitibus in hoc seculo, ne superbiant, ne sperent in diuitiarum incertitudine: sed in Deo uiuente, qui præbet nobis abunde omnia ad fructificationem: sed ut bene agant, & diuites esse studeant in bonis operibus, & sint liberales erga alios.

TERTIVM genus spinarum, uoluptatis uita est, quæ in delicijs, pompa, gloria mundi, delicat

his cibis & uestibus, & rebus Veneris posita sunt: quæ omnes & singulæ semen diuinum suffocant, ut fructum uitæ æternæ producere nequeat. Has ergo spinas diligenter caueant, quibus salus æterna curæ est.

QVARTVM genus auditorum hac parabola parte notatur: Et aliud semen cecidit in terram bonam, & dedit fructum emergentem atq; crescentem, & attulit vnum triginta, & vnum sexaginta, & vnum centum. Explicatur parabola à Domino his uerbis: Quod autem in terram bonam cecidit, ij sunt, qui corde bono & benigno audientes sermonem retinent, & fructum afferunt in patientia. In hac explicatione quinque obseruanda sunt, quæ bonam terram, in quam iactum est semen Domini, definiunt. 1. Est corde bono & benigno recipere semen & uerbum audire. 2. Retinere semen, id est, non obliuisci uerbi auditi, sed illud perpetuo meditari. 3. Est fructum facere in uera pietate, sanctitate, caritate & uocationis munere. 4. Quod hunc fructum in patientia ferre oporteat, ne uidelicet ullis rebus sinamus à fide, & fructu producendo nos abduci. 5. Quod non omnes æquè multum fructus proferrant: ait enim Dominus: unum triginta, unum sexaginta, unum centum, hoc est, qui credunt Euangelio pro mensura fidei fructificant: alij plus, alij minus. Hoc in fructibus discrimen docet & consolatur: docet quidem, quod semen DEI non

M 2 debet.

debeat esse in frugiferum, modo salutare ipsum nobis esse cupiamus: consolatur uero eos, qui benigno & bono sunt corde, & multum fructus cupiunt producere in horreum Dei: sentiunt tamen se uiribus destitui, & non posse sexagesimum aut centesimum prouentum reddere. Hi non despondeant animum: Nam paterfamilias etiam inferiores dignatur suo honore & bonitatis elogio.

Quisquis ergo suae salutis amans est, studeat fructum facere, pro suae uocationis ratione: & quando se parum producere animaduertit, petat opem à Patrefamilias, & in ipsius confidat bonitatem, qui non abiicit eum, qui uel minimum fructum profert.

DE TERTIO.

Dum hæc diceret, ait Euangelista, exclamans alta voce, ait: Qui habet aures ad audiendum audiat. Quoniam autem exclamat Dominus, significatur & ipsius affectus erga homines, quod cupiat eos saluos fieri, & hominum surditas ad audiendum ea quæ salutis sunt. Deinde cum ait: Qui habet aures ad audiendum audiat, haud obscure indicat, se duo genera auditorum habere, quorum quidam sunt surdi, non quod non audiant externis auribus: sed quod in intima cordis non reponant quæ audiunt. Huius generis auditorum quanta sit copia, docent scelerati mores multorum, qui fidem in ore habent sine fructu omni, in uita & moribus: quidam sunt auriti, quod auribus externis capiunt, in in-

in intima cordis
mensura fidei
minimam suam in
uerbum Dei audi
oportere aures
enim uerbum se
sanctum in uerbo
audiendum, &
nostra malicia
Tamen etiam se
& omnibus se
aperiuntur, qu
sistunt. Quare
Dominum cla
preparet, offe
nostram saluta
gloria in secula

DOMI
QV A C

Tunc autem
Iordanem
tur ab illo. At
dicens: Mihi c
ta uenis ad me
dixit ad illum
nos, ut cōplea
mittit illum.

in intima cordis reponunt, fructum seminis pro
 mensura fidei producentes. Verum sciendum, ne-
 minem sua industria sibi aures, quibus fructuose
 uerbum Dei audire possit, formare & aptare: sed
 oportere aures ipsas à Domino perforari. Cum
 enim uerbum foris in auribus sonat, adest Spiritus
 sanctus in uerbo efficax, qui aures cordis aperit ad
 audiendum, & recipiendum uerbum, modo ipsi
 nostra malicia spiritui aperienti non reluctemur.
 Tametsi enim solus Dominus aures aperire potest,
 & omnibus se paratum exhibet, tamen illis solis
 aperiuntur, qui sua contumacia Domino non re-
 sistunt. Quare nostrum est perpetuis suspirijs ad
 Dominum clamare, ut aures nostras aperiat, corda
 præparet, affectus purget, quo uerbum audiamus in
 nostram salutem & gloriam Dei, Cui honor &
 gloria in secula, Amen.

DOMINICA QVIN-

QVAGESIMÆ, EVAN-

gelium Matth. 3.

TVnc autem accedit Iesus à Galilæa, ad
 Iordanem ad Iohannem, ut baptizaretur
 ab illo. At Iohannes prohibebat illum,
 dicens: Mihi opus est, ut abs te baptizer, &
 tu venis ad me? Respondens autem Iesus
 dixit ad illum: Omitte nunc, sic enim decet
 nos, ut cōpleamus omnem iusticiam. Tunc
 omittit illum. Et baptizatus Iesus ascendit-

M 3 pro



protinus ab aqua: & ecce aperti sunt illi
coeli, & vidit spiritum Dei descendentem
tanquam Columbam, & venientem super
ipsum. Et ecce vox de coelis dicens: Hic est
Filius meus dilectus, in quo mihi bene com-
placitum est.

ENARRATIO TEXTVS.

Hoc festum institutum est in Ecclesijs nostris
propter historiam Baptismi Christi, quæ his-
toria præcipuum factum, quod unquam in mun-
do contigit, continet: neq; unquam continget, pri-
usquam Christum uiderimus uenientem in nubibus
cum Angelis suis & potestate magna. Si ergo de-
lectat

QVI.
lectat nos maio-
maximi Herois
cunctis oblecta-
sola, plura com-
mundat offerre pe-
ad huius historia
Iuranda questione
hoc festum in Ec-
ordinatione sit in
pore amicitia
nem respondeo.
nostram saluter
dinatio in Da-
non omittite
tere.

Ad poster-
ueniat maxime
de causis. Prim
Historia. Hacten-
natiuitate Domini
peritione. 4. de o-
putatione eius in
Quid autem egerit
hil scriptum est;
rentibus. 6. de B.
re optime recitat
tatione. 9. de do-
12. 11. de resurre-
tionis. 13. de missa

lectat nos maiorum Heroum historia, habemus hic
maximi Herois historiam, quæ non solum sua iu-
cunditate oblectat animos legentium: Verumetiam
sola, plura commoda affert, quam omnes Historiæ
mundi afferre possunt. Priusquam autem accedimus
ad huius Historiæ expositionem, duæ nobis sunt di-
luendæ quæstiones: Quarum prior est, cur nam
hoc festum in Ecclesiastica nostrarum Ecclesiarum
ordinatione sit institutum: Posterior, cur hoc tem-
pore anni potius quam alio. Ad priorem quæstio-
nem respondeo. Historia Christi textitur propter
nostram salutem, ideo uoluit etiam Ecclesiastica or-
dinatio in Dania hanc potissimum historiæ partem
non omittere: Sed certo tempore anni eam propo-
nere.

Ad posteriorem dico, quod hoc tempore con-
ueniat maxime eam historiam tractare: idque duabus
de causis. Primum propter ordinem & seriem
Historiæ. Haftenus enim ordine audiuius. 1. de
natiuitate Domini. 2. de Circumcisione. 3. de ap-
paritione. 4. de oblatione eius in templo. 5. de dis-
putatione eius in templo cum ageret 12. annum.
Quid autem egerit à duodecimo anno usque ad 29. ni-
hil scriptum est, nisi quod fuerit subiectus suis pa-
rentibus. 6. de Baptismo eius, qui hoc anni tempo-
re optime recitatur. 7. sequitur de ieiunio. 8. de ten-
tatione. 9. de doctrina & miraculis. 10. de passio-
ne. 11. de resurrectione. 12. de ascensione in cœ-
lum. 13. de missione Spiritus sancti, qua Christi do-

M 4 strina



& ecce aperit
um Dei descende
n, & uenientem
de coelis dicens: Be
in quo mihi bene

IO TEXTVS
um est in Ecclesi
Baptismi Christi
quod unquam in
unquam continge
us uenientem in
te magna. Si ergo



doctrina confirmata est. 14. sequuntur reliquo tempore anni conciones uariæ, in quibus beneficia Christi Ecclesiæ commendantur, proponuntur pietatis exempla, inuitantur homines ad piam sanctamq; uitam. 15. de iudicio extremo, & præuijs piorum & pœnis impiorum. Hæc sunt præcipua membra historiæ Christi, quæ optimo ordine, pro ut res gestæ sunt, singulis annis in nostris Ecclesijs tractantur. Est præterea alia causa, cur hoc anni tempore de Baptismo Christi agit nostra Ecclesia, nimirum ut doceatur, quale nam uestimentum deceat Christianos contra Diabolicum illum & Ethenicum furorem, & debacchandi ritum, qualis hætenus in usu fuit in multis locis Christiani orbis, non sine graui Dei offensa. Atq; hæc de præsentī festo dicta sufficiant. Loci tres:

- I. Historia Baptismi Christi, cum suis circumstantijs.
- II. Usus Historiæ in Ecclesiâ.
- III. Nostri Baptismi ratio & usus.

DE PRIMO.

In Baptismo Domini plures sunt perpendende circumstantiæ, & potissimum hæc quinque. 1. Quæ personæ hic agant. 2. Locus. 3. Colloquium Christi & Iohannis. 4. Baptizatio Christi. 5. Euentus, seu id quod contigit baptizato Domino. De his quinque circumstantijs ordine dicam.

PRIMA: Tunc uenit Iesus à Galilea ad Iohannem. Hic duas personas habemus. Iohannem, qui
in

in spiritu Helie missus erat ad præparandam uiam Domini: Vnde pater eius Zacharias spiritu prophético de eo dixit adhuc infante: Et tu puer Propheta altissimi uocaberis: præbis enim ante faciem Domini parare uias eius: ea de causa Christus ipse pronunciat Iohannem plus quam Prophetam esse, & quo nullus maior de muliere natus sit. Deinde habemus hic alteram personam, nempe ipsum Christum Deum & hominem: Adsunt ergo hic duæ personæ, quibus nihil præclarius habet hic mundus uniuersus: Iohannes fuit summus Propheta Dei: Christus æterni Dei æternus Filius: quorum quia et summa dignitas & autoritas existit, nobis hic insinuatur quanta sit, & dignitas & autoritas Baptismi, qui à Deo profectus celebratur per eos, quibus nihil habet mundus eximium magis.

SECUNDA: Venit ad Iordanem. Hic locus signatur celebrati Baptismi. Iordanis non frustra meminit Euangelista: uult enim, ut ad miracula quæ olim in Iordane contigerunt respiciamus, ut inde nos colligamus, quæ sit uis & efficacia Baptismi spiritualis.

Primum itaq; occurrit miraculum, quod contingit, cum populus duce Iosua ingrederetur in terram promissam: Nam Iordanis fluuius contra naturam aquæ ab altera parte stetit ut murus, præbuitq; populo Dei iter, ut siccis transiret pedibus, secutus arcam Domini, quam sacerdotes Dei præferebant ante populum. Isto typo significatum est,

M S nos

nos è regno Satanae, in regnum Dei transferri per baptismum, precedente Christo, qui uera propiciationis arca est.

Helias pallio diuifit Iordanem, ac transgressus fluuium in cœlum subuectus est. Naaman Syrus leprosus ablutus in Iordane ad iussum. Propheta sanitati est restitutus. Vt autem Heliae factum transitum in cœlum per Baptismum fieri adumbrat: Ita Naaman Syri purgatio spiritalem per Baptismum fieri mundationem à peccatis figurat: Nam quod foris figurat Baptismus, id intus sua uirtute operatur Dominus. Cum igitur hic fit Iordanis mentio, meminerimus quod spiritualiter de Baptismo nostro significet.

TERTIA, At Iohannes prohibebat illum, dicēs: Mihi opus est, ut abs te baptizer, & tu uenis ad me. Respondens autem Iesus, dixit ad illum: Omitte nunc, sic enim decet nos, ut compleamus omnem iusticiam: tunc mittit illum. In hoc colloquio plura sunt spectanda membra: Primum de prohibitione, qua Christum obnixè prohibebat et oratione et manu. Duo quidem hic diligenter perpendit Iohannes, sed tertium negligit. Perpendit se indignum esse, ut qui soluat corrigiam calceorum Christi, ne dum eius nudum corpus abluat. Deinde perpendit, quod Christus sit immunis à peccato, atq; ideo iudicat ipsum nō indigere Baptismo, ut eo abluatur in signum pœnitentie. Tertium, ut dixi, neglexit, nempe quod esset & sui officij,

officij, & officij Christi. Debebat. n. officium intueri, & non indignitatem suæ personæ. Debebat iudicare Christum non aliquid moliri posse, quod non spectaret ad officium Mediatoris. Atq; ideo audit in Christo, Omitte nunc: sic enim decet nos implere omnem iusticiam. Tu missus es ut baptizes: ego autem ueni ut baptizatis salutem conferam, faciamus ergo uterq; quod nos deceat.

Hic ergo tria à Iohanne discamus: Primum agnoscere nos indignos esse, quibus ullum in Ecclesia ministerium committatur. Deinde agnoscere Christum eum esse, qui solus à maculis peccati nos abluere ualet. Tum mandato Christi obedire in nostra uocatione, non impediēte nos indignitate nostra, sed urgente officium mandato Domini.

QVARTA: Et baptizatus Iesus: hic æternus Filius Dei, sanctus, immaculatus, purus à peccatis, & excelsior cœlis, baptizatur. Sed cur baptizatur? plures possunt assignari causæ: Primum. n. uoluit per baptismum inaugurari ministerio Dei, & hoc quasi sœdere ostendere, se ministrum Dei esse. Secundo, ut Baptismus externus esset figura mortis, sepulture & resurrectionis suæ: unde & suam passionem Baptismi nomine designauit, cum filijs Zebedæi responderet Matthæi uicesimo, dicens, Potestis baptizari Baptismo, quo ego baptizor? Tertio, ut sanctificatas relinqueret aquas omnibus baptizandis: non enim Sacramenta Ecclesiæ consecrantur murmure Sacerdotis, tanquam magica

magica incantatione: sed Sacramentorum conficitur consecratio institutione, facto, promissionibus Christi ac nostra obedientia erga ipsum. Quarto, Baptismum communem nobiscum habere uoluit, ceu certissimum unionis & societatis, quam nobiscum habere dignatus est, testimonium & pignus: Vnde Paulus probat, nos esse filios Dei, qui Christum per Baptismum induimus. Quotquot, inquit, baptizati estis, Christum induistis. Quinto, ipse facere uoluit, quod omnibus facere imperauit, quemadmodum ait Augustinus: optime enim is docet, & imperat, qui suae doctrinae typus est, & imperata prius facit.

QVINTO euentus consideretur. Nam quae contigerunt baptizato Christo & orante, sunt omnium maxima miracula, quae unquam contigerunt. Primum aperitur coelum, qua re significatur, & quod solus Christus sit uia in coelum, quem induimus in Baptismo, & quod coelum clausum maneat: omnibus, qui Christum uiam unicam in coelum non agnoscant. Deinde uidit Spiritum Dei descendentem quasi Columbam, & sedentem super eum: Hae dulcissima imago est beneficiorum Christi. Nos omnes in diluuiio peccati perditii eramus: sed Christus uenit nobis arca, qui nos in se recipit à diluuiio, in cuius testimonium uenit Columba, & quiescit super eum. Huius rei typus erat Arca Noe, & columba quam emisit, quae reuersa ramum oleae in ore habuit, in signum siccati diluuii: Ita hic S. sanctus, in specie

*specie columbæ apparens, testis est absorpti diluuij
 peccatorum: sed in sola Arca est salus, hoc est, in
 Ecclesia Christi, ubi S. sanctus habitat. Tertio au-
 dita est uox de cælo, dicens: Hic est Filius meus
 dilectus, per quem placatus sum. Ecce hic au-
 dimus Patrem cælestem præconem Euangelij esse.
 Quid quæso potest admirabilius esse: quid ma-
 gis stupendum? ô deploranda cæcitas hominum, ô
 detestanda surditas: Pater cælestis sonat suum Eu-
 angelium de cælo, & nos cæci non intuemur cæ-
 lum, nos surdi non audimus uocem docentis. Sed
 quid quæso docet? Hic est, inquit, Filius meus
 dilectus. En testimonium Patris de Filio, huic cre-
 de, si salus tibi citæ est, is natura est filius, nos gra-
 tia. Ideo dilectum appellat, non quod nos dilecti non
 simus: sed in dilecto, in quo solo nos caros habet: il-
 lum propter se amat, nos uero propter illum. Na-
 tura enim sumus filij iræ, Ephes. 2. per Christum
 uere adoptamur in filios, unde sequitur in concio-
 ne Dei: In quo complacitum est mihi, id est, per
 quem sum placatus & humano generi reconcilia-
 tus. Hic tria sunt alto animo perpendenda. 1. Quod
 sine Christo Deus sit nobis iratus, idq; propter pec-
 catum, quo Deum offendimus. 2. Quod solus Chri-
 stus sit reconciliatio nostri: ipse enim est propicia-
 tio pro peccato. Sanguis enim Iesu Christi purgat
 nos ab omni iniquitate. 3. Quod hæc paterna bene-
 uolentia & reconciliatio sit fide accipienda ac ba-
 ptismo designanda. Hanc fidem sequi debet noua
 obedi-*

obedientia & gratitudo erga Deum. Ecce habes summam Euangelij, ad quam in omni uita & mortis hora respicere debemus: non enim aliunde solida conscientie consolatio sumi potest. Atq; hæc sint breuiter dicta de narratione Euangelica.

DE SECVNDO.

Etsi usus ex ijs quæ dicta sunt facile colligi potest: tamen quedam hic capita recitabo. Primum ergo sciamus, quod noster Baptismus hic consecratur & sanctificetur aqua Baptismi per Christum, qua aqua baptizari dignatus est. Deinde totum spectaculum nobis ob oculos, tanquam in imagine Ecclesiam Christi depingit, hic conspicitur Iohannes doctor in Ecclesia: ubi enim uerbam Dei non est, ubi non auditur docentis uox, illic Ecclesia monstrari non potest. Deinde Christus baptizatur: à bene enim instituta Ecclesia, usus Sacramentorum abesse non potest. Tertio Christus baptizatus orat, cuius exemplum membra ipsius imitentur, & Deo uerum cultum ex fide præstent. Quarto, Filius stat in medio: uox Patris sonat de cælo: Spiritus sanctus requiescit super Baptizatum: idem reuera hodie fit in nostra Ecclesia: Deus enim Pater, Filius & Spiritus sanctus suæ Ecclesiæ adest, & per uocem prædicantium testatur suam beneuolentiam erga Christi Ecclesiam. Per Filij præsentiam testatur, quod nos in filios adoptauerit, & per Spiritum sanctum testatur se gubernare Ecclesiam suam: unde & nos hanc fiduciam concipiamus,

24 12
quis, quod porta
aditus tam.

D

plures quæ a
sunt in superioribus

ter quædam attinge
serum est, atq; di

ma, & quæ sit ue
Quæ ergo sit

testimonium grati
tate baptizato,

tus per Christum
fidem. Deinde e

dam ratione di
ritualis Christi

te, sepultura, e
à morte, sepulcre

est symbolum mi
dam Paulus Rom

baptizati sumus in
baptizati sumus,

per Baptismum in
sus excitatus est

uitæ ambulamus.

Præterea,
dam professionis
Christi & hostes
Meditatio p
PRIMV

mus, quod portæ inferorum non sint præualituræ aduersus eam.

DE TERTIO.

Pleraq; quæ ad nostrum Baptismum pertinent, sunt in superioribus locis explicata: Quare breuiter quedam attingam, quæ præcipue scire necessarium est, atq; duo dicam: quale signum Baptismus, & quæ sit uera eius meditatio.

Quale ergo signum est Baptismus? Primum est testimonium gratiæ, eiusq; & exhibitæ, & applicatæ baptizato, nimirum quod Deus sit illi placatus per Christum, quod sane testimonium requirit fidem. Deinde est symbolum hoc signum, quod quadam ratione docet: Est enim signum uirtutis spiritualis Christi, nimirum quod Christus sua morte, sepultura, & resurrectione sit nostri liberatio à morte, sepulcro, & donator uitæ æternæ. Deinde est symbolum uitæ nouæ coram Deo, quemadmodum Paulus Rom. 6. docet his uerbis: Quotquot baptizati sumus in Christum Iesum, in mortem eius baptizati sumus, consepulti igitur sumus cum ipso per Baptismum in mortem, ut quemadmodum Christus excitatus est ex mortuis, ita & nos in nouitate uitæ ambulemus.

Præterea, coram hominibus est tessera quædam professionis, qua testamur nos esse membra Christi & hostes Diabolorum.

Meditatio pia Baptismi in his rebus posita est.

PRIMUM statuere oportet, quod baptis-

mus

mus noster sit firmissima quædam obsignatio, & Sacramentorum nostræ reconciliationis cum Deo.

DEINDE, Baptismus debet nobis esse perpetua quædam admonitio, quod hæc reconciliatio sit facta, per sanguinem, mortem, sepulturam ac resurrectionem Christi.

TERTIO admonebit nos mortificationis carnis & uiuificationis spiritus, adeoq; perpetuæ in hoc mundo pœnitentiæ, & futuræ per Christum glorificationis,

QUARTO, admonebit nos, quod regenerationis beneficium sit donum & opus totius Trinitatis, in cuius nomine baptizamur, ut ipsi adhæreamus, ac colamus per totam uitam, Cui honor & gloria, in secula seculorum, Amen.

DOMINICA PRIMA IN QVADRAGESIMA, Euangelium, Matth. 4.

Tunc Iesus subductus fuit in desertum à Spiritu, ut tētaretur à diabolo. Et cum ieiunasset dies quadraginta ac noctes quadraginta, tandem esurijt. Et accedens ad eum tentator, dixit: Si filius Dei es, iube ut lapides hi panes fiant. At ille respondens, dixit: scriptum est: Nō solo pane victurus est homo, sed omni verbo quod egreditur per os Dei. Tunc assumit illum Diabolus in sanctam ciuitatem



uitatem, & st
templi, dicitq;
re deorsum. N
mandaturus et
ne quando im
um. Dixit illi le
tentabis Domi
assumit illum i
sum valde, & e
mundi, & glori
omnia dabo ti
me. Tunc dicit
quam est enim
rebus, & illum



uitatem, & statuit eum super pinnaculum
 templi, dicitq; illi: Si Filius Dei es, præcipita
 te deorsum. Nam scriptum est: Angelis suis
 mandaturus est de te, ac manibus tollent te,
 ne quando impingas in lapidem pedem tu-
 um. Dixit illi Iesus. Rursus scriptum est: non
 tentabis Dominum Deum tuum. Rursum
 assumit illum Diabolus in montem excel-
 sum valde, & commonstrat ei omnia regna
 mundi, & gloriam illorum, & dicit illi: Hæc
 omnia dabo tibi, si prostratus adoraueris
 me. Tunc dicit illi Iesus: Abi Satana, scri-
 ptum est enim Dominum Deum tuum ado-
 rabis, & illum solum coles. Tunc dimittit il-
 lum

lum Diabolus, & ecce Angeli accedebant ac ministrabant ei.

ENARRATIO TEXTVS.

Quemadmodum proximo die Dominico audiuius historiam Baptismi Christi, in qua maximæ res continentur: Ita hoc Euangelium etiam partem historiæ Christi continet, uidelicet de eius ieiunio & tentatione: quibus rebus Deus singulari sapientia suum Filium humiliari uoluit, & ostendere, quum uerum sit, quod olim prædixit: nimirum quod ut serpens insidiaturus esset calcaneo Seminis mulieris, hoc est, quod Christi personæ ac eius regno esset Satan positurus insidias (id quod hæc Historia uerissimum esse ostendit) ita idem Semen contritum esse caput serpentis: Cuius rei specimen quoddam in hac historia uidemus. Hæc omnia eo referenda sunt, ut & Christi obedientiam sub cruce discamus, & sciamus qualem clipeum oporteat opponere tentationibus & iaculis Diaboli. Loci duo.

I. De Ieiunio.

II. De Tentatione.

DE PRIMO.

In hoc loco duo spectanda sunt: Primum quænam sit ratio ieiunij in genere. Deinde quid sentiendum sit de Christi ieiunio in specie.

Ieiunium est abstinentia ad tempus à cibo & potu, qua corpus affligitur & ueluti mortificatur. Et est triplex: Indifferens, pium & impium.

Indiffe

Indifferens ieiunium est, cum uel præ inopia uel ualitudinis caussa, uel ingenti aliquo animi mœrore abstinetur à cibo & potu. Hoc per se nec placet nec displicet Deo, uerum prout fides & patientia adfuerint, placere & displicere putandum est.

Ieiunium pium, Christianum & acceptum Deo, est abstinentia non solum à cibo & potu, qua corpus premitur & mortificatur: Verumetiam ab omnibus alijs rebus, quæ carni ullam uoluptatem adferre possunt, eo pertinens, ut plenū sit spiritus imperium per ueram pœnitentiam, piam orationem, & seriam renunciationem omnium iniuriarum, quibus proximus lædi potest. Nam corporis afflictio per ieiuniū, est symbolum mœroris animi propter peccatum, & testimonium ueræ pœnitentiæ. Huius fines sunt (propter quos & acceptum est) tres: Mortificatio carnis: Excitatio spiritus: & intensius omnis pietatis studium. Huiusmodi fuit ieiunium Pauli, cuius meminit 2. Corint. 6. & certe deberent pii homines sancto ieiunio sæpe spiritum excitare, ne carnis concupiscentijs succumberent.

Est autem hoc sanctum & Christianum ieiunium duplex: Priuatum & solenne. Priuatū est, quod quis sua sponte sibi imponit, uel pietatis excitandæ caussa (quale ut sæpe aliās, ita potissimum ante sacram synaxim, à quolibet Christiano, cuius caro hac castigatione indiget, institui uellem) uel officij noui capefcendi gratia, ut se quis eo præparet ad meditationem officij, oretq; ut Deus auspicijs suis

muneris propicius aspiret: huiusmodi fuit olim ieiunium Musis in monte, & Heliae in deserto, & ieiunium Christi in deserto, cuius hic fit mentio.

Solenne ieiunium pium & Christianum est, quod Magistratus pius, siue gubernatores Ecclesiarum indicunt, uel ut praesens malum, ut pestis, gladius, sectae, seditiones &c. uera poenitentia & inuocatione Dei tollatur aut mitigetur: uel ut mala, quae ob peccata grassantia imminere uidentur, cauantur. Huius generis ieiunia à sanctis regibus & Prophetis sepe indicta sunt, quae Deo fuerunt grata propter poenitentiam, fidem, inuocationem, caritatem, meditationem beatæ uitæ, & huiusmodi alia, quae in Christiano ieiunio adesse solent & omnino debent. De hoc duplici ieiunio, priuato & solenni, tenenda est hæc regula, quod ut priuatum liberum est in arbitrio cuiusq; positum: ita solenne mandato magistratus, caritatis lege, & publici commodi necessitate obligat, quare illud contumaciter uiolare grande peccatum est.

Impium seu Pharisaicum ieiunium, est abstinentia à certo cibi genere, quæ putatur cultus Dei esse per se, & res Deo grata propter ipsum opus, ideoque meritoria. Quasi uero Deus moraretur externa opera, ubi conscientia est impura: & ieiunium per se esset in eo genere operum, quæ Deo immediate & simpliciter probantur, quemadmodum ea, quæ in lege sua, hoc est, Decalogo præscribit, & non potius esset externum quoddam exercitium,

citium, & quedam corporalis exercitatio, alium finem spectans; nimirum ut poenitentiae, orationi, carni domandae, caritati, meditationi beatae vitae subseruiat. Merito ergo Propheta huiusmodi Hypocritica ieiunia damnant: in quibus plurima horrenda scelera concurrunt: Ut opinio cultus, fiducia operis, necessitas, coactio, delectus ciborum necessarius, modus ieiunandi, quo uel porci saginari possint, meditatio fraudis & iniuriae proximorum.

Potest autem hoc ieiunium Pharisaicum diuidi in duo genera, ut unum statum, aliud arbitrium dicatur. Statum ordinarium est, & certo tempore anni affixum, quale apud Papistas quadragesimale ieiunium, ut uocant, & ieiunium quatuor temporum Apostolorum, quibus suffragia Apostolorum emere uoluerunt, & eiusmodi plurima, in quibus nihil praeter meram superstitionem & multiplicem impietatem exercuerunt.

Arbitrarium ieiunium, est quod aliquis arbitrio suo, quo Deum sibi debitorem faciat, deligit: quale illius fuit, qui iactabundus in oratione sua ad Dominum ait: Ieiuno bis in Sabbato, ubi suum ieiunium, ut opus sanctum & meritorium praedicat, ac Deum admonet, ne eius obliuiscatur.

Hec sint dicta in genere de ieiunio, nunc pauca de Christi ieiunio adijciam. De hoc ita ait Euangelista: Tunc ductus est Iesus in desertum à spiritu, ut tentaretur à Diabolo, & cum ieiun-

nasset quadraginta diebus & quadraginta noctibus, postea esuriit. Hic primum tempus notatur, nimirum quod statim à Baptismo ieiunauerit. Deinde notatur locus, nempe desertum. 3. Modus ieiunii, uidelicet quod quadraginta diebus & noctibus absq; omni cibo uixerit. 4. Miraculum, quod & tanto tempore potuerit absq; cibo uiuere, & quod non esurierit tanto spacio: nam non sensit famem, priusquam quadraginta dies & totidem noctes præterierant.

Sed cur Christus hoc fecit? Primum, ut hoc miraculo testaretur de sua diuina potentia. Deinde propter figuram: Moses enim typus Christi, in monte ieiunauit quadraginta dies & totidem noctes. 3. Vt satisfaceret pro gula primorum parentum & nostra. 4. Propter uocationem: Hoc enim usitatum Deo est, cum uelit aliquem arduo officio præfici, sicuti in Mose & Helia uidemus. 5. Vt esset exemplum nobis, ut nos sobrij perpetuo in timore Domini uiuamus.

Est igitur usus ieiunii Christi agnoscendus, qui est multiplex. 1. Vt cogitemus quantum fuerit humiliatus Filius Dei. 2. Vt exemplo Filij Dei sobrie orationi studeamus. 3. Vt illi gratias agamus, qui nostro nomine tantum ieiunium sustinuit.

Deinde ab altera parte cauendus est abusus, ne uidelicet abutamur hoc sancto Christi ieiunio, quod fit, si uel præceptum uniuersale faciamus ex hoc Christi facto: uel putemus nos fieri participes ieiunii

ieiunij Christi per nostrum fictum ieiunium : uel
suspiciemur ieiunium nostrum peccatorum remis-
sionem mereri, ex opere operato, sicuti Thomas
Aquinas sacrilege docet : uel iudicemus cum Am-
brosio hoc quadragesimale ieiunium à Pontifici-
bus Ecclesiæ impositum esse necessitatis, ita ut ne-
mo pius habeatur, nisi qui hoc ieiunium seruauit.
Hæ omnes opinioniones pugnant ex diametro cum ipso
fidei fundamento, quod est, solius Christi merito
saluari credentes.

At dicunt : Omnis Christi actio nostra est in-
structio : Is autem ieiunauit quadraginta dies : ergo
nos debemus hoc factum Christi imitari. Verum
quidem est, quod dicunt, omnis Christi actio nostra
est instructio, sed non est uerum, quod omnis Chri-
sti actio sit nobis imitanda, id quod ex actionum
Christi differentiis manifestum est : Sunt enim acti-
ones Christi aliæ morales : aliæ miraculosæ : aliæ pe-
culiæ. Morales uitam ac mores nostros instru-
unt : est enim ipse perfectissimum uirtutum exem-
plar. Miraculosæ, inter quas hoc ieiunium nume-
ro, mentem nostram de ueritate doctrinæ Christi
informant & confirmant. Peculiæ seu piacula-
res sunt, quæ ad redemptionis & expiationis bene-
ficiū pertinent : Hæ salutis fiduciam in nobis fo-
uebunt & alent. Atq; ita omnis Christi actio est
quidem nostra instructio, sed non omnis imitanda,
sed tantum quæ ad mores & uitam, iuxta legis de-
calogi præscriptum pertinent.

N 4

Licet

Licet ne ergo ieiunium quadragesimale ieiunare? licet, modo seruentur in eo conditiones, quas supra dixi in sancto & Christiano ieiunio seruandas esse. Et sane aperte fateor isto tempore singulari sobrietate opus esse, ad meditandum beneficium redemptionis, quod tum solet in nostris Ecclesijs quotidie proponi in enarratione passionis Dominice; sed coactio & necessitas abesse debent.

DE SECVNDO.

Accedens ad eum tentator &c. In his Christi tentationibus uidere licet: Primum, quanta sit audacia Satanae & studium eius ad destruendum regnum Christi. Nam ne quidem Filio Dei pepercit, sed eum accedit, tentat: & quemadmodum regnum Dei in Paradiso inuasit & superior est factus: Ita nouum Paradisum regnum Christi molitur destruere, ac eius regem telis tentationum adoritur. Deinde hic licet uidere, quam sit humiliatus Filius Dei, ut non solum sit afflictus ieiunijs, uerum etiam tentationibus Satanae sit petitus.

Cæterum, ut nos hinc salutare instructionem accipiamus, Primum de tentationibus Christi dicam. Deinde quare sit tentatus: Postremo, quid nobis doctrinae & consolationis sit petendum ex tentationibus Christi.

In singulis tentationibus Christi, quæ tres hic numerantur, quatuor spectemus. 1. Quæ occasio. 2. tentationis modus. 3. Tentationis finis. 4. modus uictoriae.

Quam

Quantum itaq; ad primam attinet tentationem, eius occasio hisce Euangelistæ uerbis indicatur: Et cum ieiunasset quadraginta diebus & quadraginta noctibus, postea esuriit. Ecce qualem occasionem nactus est. Christus ieiunat: parat se ad officium capessendum: sed Satan aliud molitur, & ex bono facto Christi eius perdendi materiam captat. Hoc perpetuum Satanae studium fuit, ut & benefactis sanctorum & peccatis abutatur illis in perniciem: sed nouit Dominus qui sunt sui, & potest eos è tentatione eripere.

Tentationis modus sequitur: ait enim tentator: Si filius Dei es, dic ut lapides isti panes fiant: finis huius tentationis fuit, Christo persuadere, periculum facere, an Deus miraculo suam diuinitatem comprobare uellet: quod si non faceret, ut suspicaretur Dominus se Deo curæ non esse. Pugnat ergo hæc tentatio cum prouidentia Dei, qua Deus suis filiis prouidet omnia, quæ sunt ipsis ad salutem & præsentem uitam necessaria.

Modus uictoriæ sequitur: Cui respondens dixit: Scriptum est, Non in solo pane uiuit homo, sed in omni verbo, quod procedit de ore Dei. Hic uidemus in uerbo Dei uictoriam esse sitam aduersus Satanam. Satan uult persuadere Christo, quod sit periturus, nisi ex lapidibus panes faciat: sed Christus negat hominem uiuere solo pane seu cibo corporali. Cibus enim non nutrit, nisi accedat benedictio diuina, à qua panis robur capit,

N 5 scri-

Scriptum est enim, Comedent & non saturabuntur. Scripturam autem huc adductam à Christo habes Deut. 12. Quo in leco consolatur Moses populum in deserto, ubi non erat panis: sed Deus Manna de cælo dedit, & aquam de petra. Hanc promissionem Christus sibi atq; omnibus pijs applicat: significans fore, ut in medio famis Deus suis sit adfuturus & necessaria suppeditaturus. Huius promissionis exempla habemus in Israelitis, Helia, Eliseo, Mose, & hic in Christo. Huc illud Propheta: Non confundentur in tempore malo, & in diebus famis saturabuntur. Hæc promissio, cum ad nos quoq; pertineat, arripienda est fide, & opponenda est Satane, ne nos tentatione famis euertat. Atque hæc de prima tentatione Christi & eius usi sint breuiter dicta. Secunda sequitur.

Occasio secundæ tentationis hisce uerbis describitur: Tunc assumpsit eum Diabolus in sanctam ciuitatem, & statuit eum supra pinna-culum templi. Ecce occasionem, Ecce artificium Satane, qui ex re qualibet perdendi materiam petit.

Modus tentationis additur: Si Filius Dei tu es, mitte te deorsum: scriptum est enim, Angelis suis mandabit de te, & in manibus tollent te, ne forte offendas ad lapidem pedem tuum. Finis, ut Christus tentaret aliquid contra uocationem, ac ita in se iram Dei prouocaret, quemadmodum primi parentes fecerunt. Nam post-

postquam uidit malignus iste, quod Christus scriptura se erigit, conatur scripturam mendacijs suis muoluere. Psalmus ille, quem citat Satan, loquitur de prouidentia Dei, quod uelit Deus quemlibet pi-um in suis uijs, hoc est, in suo uitae genere & uocatione legitima conseruare: non praecipit, ut aliquid emerarie faciamus contra uocationem. Sed quomodo Christus hoc Satanae telum ignitum extirpat? Verbo: ait enim. Rursus est scriptum: Non tentabis Dominum Deum tuum. Hec habemus. Deute. 6. ubi tentare Deum significat aliquid e promissione, conuolare per diffidentiam: siue in rebus prosperis, siue aduersis: quare talis tentatio aduersatur fidei & Dei timori. Qui enim in rebus prosperis secutione Christi uiuit, & deponit timorem Dei, is certo tentat Deum contra primum praecceptum: rursus qui in tribulationis hisce ueritatem succumbit, quasi Deus nullam nostri curam gereret, etiam tentat Deum uocando in dubium eius promissiones. Ecclesia hodie uexatur occasione, & experitur foris pugnam & intus terrorem, hic certe non est tentandus Deus: non est discedendum, si sumus eius populus, si uerum est hoc Euangelium, quod profiteamur, cur ergo non hoc tempore nos iuuat? cur hostibus omnia tam prospera succedere permittit? hic fortiter cum Christo dicamus, Non tentabis Dominum Deum tuum. Sequitur tertia tentatio. Tertiae tentationis occasio hisce uerbis indicatur: Iterum assumpsit eum Diabolus in montem

tem excelsum valde, & ostendit ei omnia regna mundi & gloriam illorum. Vide, in prima tentatione abusus est cruce Christi ad ipsum tentandum: nunc illa regna mundi proponit, ut illorum gloria perstringatur ac ruat contra Deum. Tentatio hæc est: Hæc omnia dabo tibi, si cadens adoraueris me: Finis fuit, ut Christus fieret idolatra: sed contra hanc tentationem uictoria potitur Dominus. Primum repellendo Satanam, qui ausus est sibi arrogare diuinos honores. Deinde perfodiendo ipsum gladio Dei dicens: scriptum est, Dominum Deum tuum adorabis, & illi soli seruiēs. Hæc scriptura habetur Deut. 6. in qua duo sunt: præceptio & prohibitio. Præcipit enim, ut unum Deum adoremus, & ei seruiamus diuinis cultibus, iuxta primam Tabulam: prohibet ut ullis creaturis istum honorem tribuamus, siue Diabolis, siue hominibus, siue angelis. Sit hæc regula nobis perpetuo in conspectu aduersus omnes Papistarum dolos.

Sed cur tentatus est Christus? 1. Ut nos tentati sciamus nos habere pontificem per omnia tentatum. Deinde, ut nos eius exemplum erudiat, ne sinamus Diabolum ullis rebus nos auocare à uero timore Dei. Cum ergo uult nobis persuadere, quod non sumus Deo curæ, quando premimur cruce & multis ærumnis, respiciamus ad Filium Dei, & gladio, quo ipse usus est, reprimamus hostem. Cum nos sollicitat, ut aliquid tentemus contra uocationem, unde conijci



T digressus il
Tyri & Sidon

conijci possimus in salutis & uitæ discrimen, oppo-
namus gladium Dei. Cum magnis præmijs nos inui-
tat ad idolatriam, caueamus ne istis hamis nos in-
nassam damnationis pertrahat. Breuiter, in tota ui-
ta laboremus, & crescamus in uera Dei cognitione,
et muniamur aduersus Satanam præsentia Filij Dei,
Cui uictori nostro una cum Patre & Spiritu san-
cto sit gloria in secula, Amen.

DOMINICA SECVN-

DA IN QVADRAGESIMA,

Euangelium Matth. 15.



ET digressus illinc Iesus, secessit in partes
Tyri & Sidonis. Et ecce mulier, Cananæa,
quæ

quæ à finibus illis venerat, clamabat ad illum, dicens: Misere mei Domine, fili Dauid: filia mea misere à Dæmonio agitatur. Ille vero non respondit ei verbum. Et accedentes discipuli eius, rogabant illum dicens: Amitte illam, nam clamat post nos. At ille respondens, dixit: Non sum missus, nisi ad oues perditas domus Israeliticę. Illa vero venit & adorauit eum, dicens: Domine succurre mihi. At ille respondens dixit: Non est honestum sumere panem filiorum, & obijcere catellis. Hæc autem respondit: Certe Domine, etenim catelli edunt de micis, quæ cadunt de mensa Dominorum suorum. Tunc respondens Iesus, dixit illi: ô mulier, magna est fides tua. Fiat tibi sicut vis. Et sanata fuit filia eius ex eo tempore.

ENARRATIO TEXTVS.

HOc Euangelium ad nos gentes præcipue pertinet: Exemplum enim huius mulieris Ethnicę, gentes recipi docet. Nam ut eam inuocantem recepit & iuuuit: ita nos quoque uult recipere: non enim apud Dominum est acceptio personarum, ut & Petrus ait: In ueritate comperio, quod non sit personarum acceptor Deus: sed in omni gente, qui timet Dominum & operatur iusticiam, acceptus est illi. Est autem hoc immotum Decretum Dei, quod ut omnes impoenitentes abijciat & damnet: Ita quicumque agunt pœnitentiam, & ex fide Deum

inuo-

uerat, clamabat: **Inuocant, per Mediatorem unicum Iesum Christum**
 mei Domine, **recipiantur, & sola bonitate Dei saluentur. Cuius**
 à Damono **decreti exemplum uidemus in hac muliere, quæ sub**
 dit ei verbum: **cruce inuocat, exauditur, & fide iustificata salua-**
 rogabant illu- **tur, iuxta illud Ioëlis: Omnis qui inuocauerit No-**
 am clamat post- **men Domini, saluus erit. Loci tres:**

- I. **Que sit uera & salutaris pœnitentia.**
- II. **Cur Christus hanc mulierem repulerit.**
- III. **Viva imago ueræ Ecclesiæ.**

DE PRIMO.

Omnino necessarium est recte doceri homines
 de uera pœnitentia: ea enim nisi adfuerit, nemo sal-
 uari potest: ideo dicam clare & distincte, quid sit
 salutaris pœnitentia: quomodo fiat: & quibus ab-
 soluatur partibus.

Christiana & salutaris pœnitentia absq; omni
 dubio, est conuersio hominis ad Deum, ut fiat no-
 ua creatura, iuxta ipsius uoluntatem, quantum fie-
 ri potest in hac infirmitate, uiuens: Vel, ut clarius
 dicam, salutaris pœnitentia est uerus dolor de of-
 fensa Dei, cum uoto ac spe ueniæ propter uictimam
 filij Dei, & uoluntate, singulariq; studio omne
 posthac peccatum uitandi, Deoq; totam uitam post-
 hac approbandi.

Hanc esse ueram definitionem salutaris pœni-
 tentiæ, unico Ezechielis testimonio ostendi potest.
 Hic enim Propheta cap. 18. ita ait: Conuertimini
 & agite pœnitentiam ab omnibus iniquitatibus ue-
 stris.

stris, & non erit uobis in ruina iniquitas: projicite à uobis omnes iniquitates uestras, & facite uobis cor nouum & spiritum nouum.

Hoc testimonio tria continentur: Primum est inuitatio ad pœnitentiam: Nemo, inquit Dominus, uenit ad me, nisi quem pater traxerit. Secundum est promissio: non erit uobis in ruina iniquitas. Tertium est pœnitentiæ descriptio: Agite, inquit, pœnitentiam: Vult nos ergo dolere de offensa Dei. Projicite à uobis omnes iniquitates uestras: ergo suam & odium peccati requirit. Cum ait: couertimini ad Deum, fidem requirit, sine qua nemo ad Deum conuerti potest: fide enim, ut inquit Paulus, accessum habemus ad Deum. Præterea cum additur: facite uobis cor nouum, & spiritum nouum, ut noua simus creatura, postulat iuxta Dei uoluntatem uiuentes. Hinc conficitur, quod uera & salutaris pœnitentia sit dolor uerus de offensa Dei, cum uoto ac spe ueniæ, ardentiq; studio omne peccatum uitandi, ac Deo in posterum totam uitam approbandi. Hoc in illustri exemplo clarius uideamus. Dauid post horrendum lapsum in adulterium & homicidiam, pœnitentiam agit iuxta formam in Psalmo expressam. Primum ait: Miserere mei Deus secundum magnam misericordiam tuam. Hic & dolet ob suam miseriam, quod Deum adeo indigne offenderit, & agnoscit Deum misericordem, unde uotum & spes in eo extitit, ac uiua in Messiam fiducia. Quantus autem fuerit dolor, quantaq; fides, qua

qua superauit dolorem, idem Psalmus multis uerbis indicat: cum autem addit in eodem Psalmo: Spiritum nouum crea in uisceribus meis, se nouā creaturam fieri optat. Huiusmodi multa sunt exempla: ut Adam, Manassis, Petri, Latronis, Magdalene, &c., quae nos cogitare oportet, ut illorum exemplo & erudiamur de uera poenitentia, & seriam poenitentiam cum illis agamus.

Et si autem ex ijs, quae diximus, mediocriter intelligi potest, quomodo fiat uera poenitentia: tamen illud distinctius declarare uolo: nihil enim homini magis necessarium est, quam ut uera poenitentia reconcilietur Deo & saluetur. Ut igitur sciamus quomodo uera poenitentia agatur, obseruanda sunt septem puncta:

1. Noticia Dei requirentis obedientiam. Hec sumitur ex Decalogo: Ego sum Dominus Deus tuus, qui eduxi te de terra Aegypti &c. Hic requirit Deus agnitionem sui: deinde sequitur qualem obedientiam postulet: Non habebis Deos alienos coram me. Tertio comminationes additae testantur, quod damnet in obedientiam: uisitans (ait) iniquitatem patrum in filios, in tertiam & quartam generationem. Postremo etiam de Deo sciendum est, quod sit misericors, secundum uocem Euangelij. Antequam igitur ad ueram poenitentiam pateat aditus, requiritur noticia Dei requirentis obedientiam, iudicantis & damnantis serio inobedientiam, & rursus miserentis & recipientis peccatores in gratiam propter Mediatorem.

2. Hanc

2. Hanc noticiam sequi debet examen factorum nostrorum ad Legem Dei, & singula præcepta seorsim sunt consideranda. Primum ergo in hoc examine uide, an Deum habeas cui soli fidas, an ipsum timeas, an ames, an totis uiribus colas, an ipsius nomen tibi sit sacrosanctum, an ipsum prædices, celebres, inuoces, quemadmodum primæ Tabulæ præcepta præcipiunt. Ad eundem modum examen institucundum est in secunda Tabula de proximo &c. Ex hoc examine uenies in cognitionem tuæ turpitudinis, & iustæ damnationis propter Dei offensam: huiusmodi examen à nobis requirit, quoties scriptura nos hortatur ad poenitentiam.

3. Hoc examine initio ex agnitione peccati, & iudicij Dei, oritur uehemens pavor in conscientia, quem pauorem augent circumstantiæ iudicij Dei, quæ sunt præsentēs calamitates, tyrannis diaboli, infernales poenæ, mors æterna & damnatio.

4. In hoc ingenti pauore, nisi fides succurreret, infiniti homines perirent. Nam in hoc pauore, ex contemplatione misericordiæ Dei promissæ propter Christum, concipitur fiducia remissionis peccatorum. Atq; ita homo tanquam ex inferno eluatur, & apprehendit manum Filij Dei, qui se ex inferno eripit. Hic mens promissiones Dei cogitat, intuetur Filium Dei pendentem in cruce pro tuis & meis peccatis: Audit uocem Ioëlis consolatione plenissimam: Conuertimini ad Dominum Deum uestrum, quia gratosus & misericors est, tardus

ad

ad iram, & uelocitatem. Harum reuerentiarum, ut nos istis. Cognita hac. Cuiusmodi uenit, & peccatum, confitetur. Cuiusmodi seris orationibus Dei. Qui hoc peccatum agnoscens Deum. Cuiusmodi, sicut in. Absolutur à peccato. Non sua iusticia, se. Putatur. Nam ne. Persona in Christo. Iusticia Christi, ac. Tis propter Christum. Iustificatus fide. Generatus agniti gratia. Tantum in posterum. Verum in hac. Proponam exemplum. Cuiusmodi, & sumamus. Ius poenitentia salu. Quemadmodum in ipso. PRIMVM. Omnipotens, Deus. Iac & Iacob, qui. Virtutis tue.

ad iram, & uelox ad pietatem, & parcens super malicia. Harum promissionum exempla considerentur, ut nos istis confirmemus.

5. Cognita hac Dei misericordia, peccator concipit spem uenia, & incipit palam suum deplorare peccatum, confitetur Deo suam turpitudinem, & confugit seria oratione & ardenti corde ad misericordiam Dei.

6. Qui hoc pacto per hos gradus ascendit: Primum agnoscens Deum, ipsius iudicium & misericordiam, sicuti iam expositum est, is hac fiducia absoluitur a peccato suo, et iustificatur coram Deo, non sua iusticia, sed Christi, quae omni credenti imputatur. Nam uera nostri iustificatio est credentis personae in Christum absolutio a peccato, imputatio iusticiae Christi, acceptatio ad uitam aeternam gratis propter Christum.

7. Iustificatus fide & adoptatus in filium & regeneratus agit gratias Deo, celebrat Deum, & totam uitam in posteram emendat.

Verum ut haec clarius a nobis intelligi possint, proponam exemplum salutaris poenitentiae, de qua audistis, & sumam Manasse regem Iuda, in cuius poenitentia saluari haec omnia conspiciuntur; quemadmodum in ipsius oratione apparet.

PRIMUM enim cum inquit, DOMINE omnipotens, Deus patrum nostrorum Abraham & Isaac & Iacob, quem omnes paucit & tremunt a uultu uirtutis tuae, & insustentabilis est ira com-

minationis tuæ super peccatores, immensa uero & imperuestigabilis misericordia promissionis tuæ, quoniam tu es Dominus altissimus, graciosus, misericors, & multum miserens, & poenitens super malicijs hominum.

In his uerbis Manassés, est : 1. Agnitio Dei. 2. Debitæ obedientiæ testificatio. 3. Iudicij diuini in peccatores confessio. 4. Misericordiæ noticia & prædicatio.

DEINDE secundum sequitur, uidelicet examen factorum Manassés ad normam legis, ita enim ait : Peccaui super numerum arenæ maris, multiplicatæ sunt iniquitates meæ Domine.

TERTIO, quantus pavor fuerit in corde ipsius ostendit, cum ait : Et non sum dignus intueri & aspicere altitudinem cœli præ multitudinem iniquitatum mearum.

QUARTO in his pauoribus erigit se cogitatione misericordiæ, & ait : Et nunc flecto genus cordis mei precans ad te Domine, qui promissisti poenitentiam & remissionem peccatorum, qui peccauerunt tibi.

QVINTO sequitur ueniæ precatio : Quare peto rogans te : Remitte mihi Domine, remitte mihi, & ne simul perdas me cum iniquitatibus meis, neq; in æternum iratus reserues mala mihi, quia tute Deus, Deus, inquam, poenitentium, & in me ostentas omnem bonitatem tuam.

SEXTO, hæc precatus statuit se exauditum

QVARTO
et uoluntatem quæ
uobis in secundum
Hic Manassés iustus
SEPTIMO,
sequitur emendatio
ipsius oratione. Et lau
dare me, quoniam te
et tibi est gloria in
Hanc rationem
et semper sunt secuti
iudicium Dei, ag
dum examinat, pau
ria misericordiæ, pr
iustificatus Deum
ficiuntur.

Audimus quæ
fiat, iam quæ sunt
et numerantur
et noua uita.

Ad contritionem
sui agnitio Dei, ex
ta ob peccatum.

Ad fidem tria
de petito ueniæ, et

Ad nouam uitam
cordis, eris, et uita
Dei consistit.

DE
Scribitur in

Et iustificatum: quare et addit, Quia indignum saluabitis me secundum magnam misericordiam tuam.

Hic Manasses iustus fide factus, noua est creatura.

SEPTIMO, hanc gratuitam iustificationem sequitur emendatio in tota uita. Vnde sequitur in ipsius oratione: Et laudabo te semper omnibus rebus uite meae, quoniam te laudat omnis uirtus cœlorum, Et tibi est gloria in secula seculorum, Amen.

Hanc rationem agendi pœnitentiam omnes sancti semper sunt secuti. Dauid agnoscit Deum, agnoscit iudicium Dei, agnoscit misericordiam, suum factum examinat, pauet ob peccatum: erigit se fiducia misericordiae, precatur ueniam, iustificatur fide, iustificatus Deum celebrat. Hæc in Psalmo 51. conspiciuntur.

Audiuimus quid sit pœnitentia, Et quomodo fiat, iam quæ sint eius capitales partes tenendum est, Et numerantur tres, quæ sunt, Contritio, Fides, Et Noua uita.

Ad contritionem requiruntur prima tria, quæ sunt agnitio Dei, examen facti Et pavor conscientie ob peccatum.

Ad fidem tria proxima, cogitatio misericordiae, petitio uenie, Et iustificatio.

Ad nouam uitam requiritur ultimum, quod in cordis, oris, Et uite institutione secundum Legem Dei consistit.

DE SECVNDO.

Scribitur in hoc Euangelio, quod Christus repulerit

pulerit hanc mulierem. Quare hoc facit? quare dicit se tantum missum esse ad oues, quæ perierunt de domo Israël? An non idem Dominus est, qui dicit, Venite ad me omnes, qui laboratis & onerati estis &c. Respondeo: Dominus hoc fecit non sine magnis causis. 1. Hoc fecit ut mulieris fides hac mora exerceretur & cresceret. 2. Ut esset exemplum pietatis aduersus pertinaces Iudeos, qui Christum contemserunt. 3. Ut ostenderet Dominus, se uelle uinci à nobis assiduitate precumstrarum. 4. Ut hoc exemplo doceret presentes spectatores ueram pietatis indolem. Sed Dominus aliam causam assignat, cur hanc mulierem repulerit: dicit enim, Non sum missus, nisi ad oues, quæ perierunt de domo Israël. Respondeo: Hoc non dicit Christus, quasi negaret gentibus accessum ad gratiam suam: Fuit enim illa mulier gentilis, sed aliæ causæ sunt. 1. Vult hic notare obstinatum maliciam & ingratitude Iudeorum, qui Christum peculiariter ad se missum non agnouerunt. 2. Quod uerbum Dei ipse Christus, ante mortem suam prædicaret Iudeis, & post mortem daret mandatum prædicandi gentibus: Nam Dominus probibuerat prædicare Euangelium inter gentes ante suam mortem. Verum postea cum à morte excitatus esset, dedit hoc mandatum Apostolis: Ite in mundum uniuersum, & prædicate Euangelium omni creaturæ &c. Hoc mandatum manifeste ostendit, quod Christi beneficia ad Iudeos & gentes pertinent, hoc est, quod omnes

Quæ ad
omnes Iudeis &
receptum, & uerum
opes beneficiorum
omnia illorum pecc
extremo die surgant.
uam eternam. Vera
pererant, nunc
misericordia eternis
tur: Nam sicut Dom
cori cum his agenti
conditione personar
colis index eorum
non moratur, siue fi
ues, siue rustici.

DE

Pulcherrima ima
brum membrorum
uolere. Primum em
tam ualde obruitur
desia & singula em
mes, que uolunt pie
nem patiantur. Hoc
tollere iugum suum.
conformes suo Filio
qui olim sumus illi fi
nan. 2. Ecclesia in
non nullum aliud af
uisionem ad DE.

omnes ex Iudæis & gentibus, qui CHRISTVM recipiunt, & ueram pœnitentiam agunt, sint participes beneficiorum Christi, ita ut ipsius sanguine omnia illorum peccata sint abolita, & tandem in extremo die surgant ad beatam immortalitatem & uitam æternam. Verum qui CHRISTVM recipere recusant, uiuentes absq; pœnitentia, illi absq; misericordia æternis pœnis cum Diabolo punientur: Nam sicut Dominus fuit, est, & erit misericors omnibus agentibus pœnitentiam, absq; omni conditione personarum: ita fuit, est, & erit implacabilis iudex eorum, qui pœnitentiam non agunt: non moratur, siue simus reges, siue nobiles, siue ciues, siue rustici.

DE TERTIO.

Pulcherrima imago Ecclesiæ Christi, & singulorum membrorum describitur in hac Cananæ muliere. Primum enim quemadmodum hæc Cananæ mulier obruitur calamitate: ita & tota Ecclesia & singula eius membra. Hinc Paulus: Omnes, qui uolunt pie uiuere in Christo, persecutionem patiantur. Hoc Christus docet, cum iubet nos tollere iugum suum. Vult enim Deus nos fieri conformes suo Filio in afflictionibus & ærumnis, qui olim sumus illi futuri conformes in gloria, Roman. 8. 2. Ecclesia in his calamitatibus orat opem: nam nullum aliud asylum habet Ecclesia, quam orationem ad DEVM, qua impetratur auxilium.

O 4

3. Christa

3. Christus uidetur auertere aurem, dum non statim impetramus quæ uolumus. 4. Ecclesia exemplo huius mulieris non desinit precari: sed perseuerabit in oratione, donec impetrauerit quod petit.

Porro singula membra Ecclesiæ hinc quod discant habent.

1. Vnusquisque nostrum se agnoscat Cananæum, hoc est, impium & indignum gratia Dei.

2. Clamet cum hac muliere, Miserere, miserere.

3. Si tentaris, persiste tamen huius mulieris exemplo: si non hodie aut cras te exaudierit: tue tamen preces non erunt inanes, sed uere exaudientur propter Christum, si ex fide, huius mulieris exemplo, oraueris.

4. Agnosce te canem cum hac muliere: sed talem, qui ex micis cadentibus de mensa Domini sui saturatur, ideoque in oratione persiste.

5. Futurum est & tibi, quod huic mulieri accidit, quæ prius canis dicebatur, mox pro filia agnita est: tanta est misericordia Domini, Cui honor et gloria in secula seculorum, Amen.

DOMINICA TERTIA

IN QUADRAGESIMA.

Euangelium Luc. 11.

ET erat eiciens Dæmonium, & illud erat mutum, cumque eiecisset Dæmonium, locutus est mutus, & admiratæ sunt turbæ. Qui dam autem ex eis dixerunt: per Beelzebub prin-



principem dæmonum
aliquos tentantes. lig
eo: ipse autem
rum, dixit eis: O
ipsum diuitem, d
domum cadit. C
uersus seipsum d
regnum eius: q
me eicere dæmo
præsidio eicio e
præsidio eiciunt
erunt. Porro si
profecto perue
fortis armatus



principem dæmoniorum eijcit dæmonia. Et alij tentantes, signum de cœlo quærebant ab eo: ipse autem cum sciret cogitationes eorum, dixit eis: Omne regnum aduersus se ipsum diuisum, desolabitur, & domus supra domum cadit. Quod si Satanas quoque aduersus seipsum diuisus est, quomodo stabit regnum eius? quia dicitis: per Beelzebub me eijcere dæmonia. Quod si ego Beelzebub præsidio eijcio dæmonia, Filij vestri cuius præsidio eijciunt? ideo ipsi iudices vestri erunt. Porro si digito Dei eijcio dæmonia, profecto peruenit ad vos regnum Dei. Cum fortis armatus custodit atrium suum, in pace sunt

O 5

ce sunt

ce sunt ea quæ possidet: Vbi vero fortior eo superueniens vicerit eū, vniuersa arma eius aufert in quibus confidebat, & spolia eius distribuit. Qui non est mecum, contra me est, & qui non colligit mecum, dispergit: Cum immūds spiritus exierit ab homine, ambulat per loca arentia, quærens requiem, & non inueniens, dicit: Reuertar in domum meam, vnde exiui. Et cum venerit, inuenit eam scopis mundatam atq; ornatam, tunc vadit & assumit septem alios Spiritus secū nequiores ipso, & ingressi habitant ibi, & fiunt extrema hominis illius peiora primis. Factum est autem, cum hæc diceret, extollens vocem quædam mulier de turba, dixit illi: Beatus venter qui te portauit, & vbera quæ suxisti. At ille dixit: Quinimo: Beati qui audiunt sermonem Dei, & custodiunt illum.

ENARRATIO TEXTVS.

Hoc Euangelium, dilecti, clare ostendit, cur Christus uenerit in hunc mundum & assumeret humanam naturam, nimirum ut & nouum regnum incoaret, & regnum Diaboli aboleret, hoc est, quod Deus dicit Gene. 3. Semen mulieris conteret caput Serpentis, quod Iohannes interpretatur, cum ait: Christus apparuit, ut destrueret opera Diaboli, hoc est, regnum Diaboli, quod à peccato incipit, peccato ædificatur, damnatione æterna abe soluitur.

218
soluitur. Huius S.
rat se Christus in h
non obesset à Dia
pellis, primum sign
est. Deinde se ipsa
ciendit se humani g
quidam hic in grat
sorem, cum impij
Dei. Postremo in f
mus dat Christo o
hitudinem: Nam
ter qui te portauit
qui audiunt uerbum
quatuor.

I. Differenti
II. Contentio
qua lude
ipse uero
III. Quid futur
ptum rur
Satana.
III. Que sit ue
DE

Et erat efficien
opere testantur duo
Satana, & esse mas
lao diuersa regna,
uere possit. Cum
potentissimi

Soluitur. Huius Satanae regni destructorem declarat se Christus in hoc Euangelio, dum liberat hominem obsessum à Diabolo. Nam cum Diabolum expellit, primum significat se potentio- rem Diabolo esse. Deinde se ipsius hostem declarat. Tum signo ostendit se humani generis saluatorem. Præterea ostenditur hic ingratitudo mundi erga suum Saluatorem, cum impij Iudæi adscribunt Satanae opera Dei. Postremo in fine huius Euangelij, mulier clamans dat Christo occasionem monstrandi ueram beatitudinem: Nam dum mulier clamat: Beatus uenter qui te portauit, Is respondet: quinimo, Beati qui audiunt uerbum Dei, & custodiunt illud. Loci quatuor.

- I. Differentia regni Satanae & regni Christi.
- II. Contentio inter Iudæos & Christum, in qua Iudæi reprehendunt Christi factum, ipse uero illud defendit.
- III. Quid futurum est illis, qui Christum receptum rursus reiiciunt, obtemperantes Satanae.

IIII. Quæ sit uera beatitudo & felicitas.

DE PRIMO.

Et erat eiciens Dæmonium. Hæc uerba aperte testantur duo diuersa esse regna: Christi & Satanae, & esse maximam differentiam inter hæc duo diuersa regna, adeo ut nunquam inter ea conuenire possit. Cum ergo Diabolus & Christus duo sint potentissimi diuersorum regnorum reges,

de

de utroq; dicemus, ut intelligatur, quantum mali est in Satana regno, & quantum boni & felicitatis in Iesu Christi salutari regno.

De Diabolo hæc quatuor puncta consideranda sunt. 1. Quis sit. 2. Quid faciat. 3. Cur faciat. 4. Cur Deus permittat ut faciat.

Quis ergo est? Quantum ad naturam, est creatura Dei, sicuti Angeli Dei: quantum ad studium & peruersitatem, quam ex se habet, est mendax, latro, fur: qui perpetuo homicidio & mendacio gaudet, & nihil magis expetit, quam humani generis æternum interitum. Quod talis sit Diabolus, docet fraus eius, qua primos homines decepit.

Quid facit Diabolus? Videmus in hoc Euangelio, quod hunc miserum hominem reddat cæcum & mutum. Considera, quæso, hic Diaboli crudelem tyrannidem aduersus hunc miserum. 1. Aures obturat illi. Quare? ne uerbum Dei audiat, Cur hoc cupit? Quia scit Diabolus primum gradum in cælum esse, uerbum Dei audire: Nemo enim sine auditu uerbi Dei unquam salutem consecutus est: Euangelium enim, ut inquit Paulus, est potentia Dei in salutem omni credenti. 2. Cor obsidet, ne uerbum in eo locum habeat. Quare hoc facit? Quia scit sine fide, quæ ex uerbi auditu est, neminem iustificari. Nam ut Christus dicit, qui non credit, ira Dei manet super eum. 3. Reddit mutum. Quare? ne confiteatur Christum suum saluatorem: nam scit neminem saluum fieri sine oris confessione: sic enim

Paulus

Paulus Roma. 10. ait: Corde creditur ad iusticiam, ore fit confessio ad salutem. 4. Reddit hunc miserum cœcum ne uideat, Quare? ne uideat opera Dei enarrantia gloriam Dei, ut David testatur, cum ait: Cœli enarrant gloriam Dei, & opera eius annunciat firmamentum. Ecce occludit Satan huic misero homini omnes uias salutis.

Quare hoc facit iste malignus? 1. Quia ipse damnatus est, & nullam salutis spem habet. 2. Odio Christi tanto laborat, quod ipsius regnum ferre non potest. 3. Odio implacabili aduersus humanum genus inflammatur, adeo ut cupiat omnes secum æternum damnari: Ideo Petrus inquit: 1. Pet. 5. Diabolus, ut Leo rugiens circumit, querens quem deuoret.

Sed cur Deus hoc permittit Satanae, ut ita homines uexet? 1. Hanc pœnam nostro peccato meruimus: quicquid enim nobis mali acciderit, nobis ipsis adscribemus, & causam in nobis ipsis quæremus. 2. Deus hoc permittit, ut intelligamus quanta sint beneficia Christi erga Ecclesiam: nemo enim melius intelligit libertatis aut sanitatis commoda, quam qui aliquando carceris mala & morbi molestias expertus est. 3. Ut Christum inuocemus contra Diabolum, qui solus eum superare potest. 4. Ut fide nos aduersus illum muniamus, iuxta illud: Cui fortis resiste in fide. Est enim fides uictoria mundi, ut ait Iohannes. Hæc est uictoria quæ uincit mundum, fides nostra. 5. Ut præsentia Christi liberati, à Satanae

Satane tyrannide, & agnoscamus Christum in nobis habitare, iuxta illud 1. Reg. 17. Ut sciat omnis terra, quod sit Deus in Israël, id est, in Ecclesia, & Deum prædicemus qui nos liberat.

De Diabolo audiuius, quis sit, quid faciat, cur Ecclesie exitio studeat, & cur id Deus permittat: Nunc de rege Christo audiamus, de quo dicam: Quis sit, quid faciat, & cur faciat.

Quis est Christus? Deus & homo à Patre ante secula natus, æternus Deus cum æterno Patre & Spiritu sancto, quemadmodum in Symbolis confitemur: Descendit de cælo propter nostram salutem, & assumpsit humanam naturam, ut sua morte liberaret nos ab æterna morte & supplicio.

Quid facit? Hoc docet nos præsens Euangelium. 1. Aperit huic surdo aures: Deinde eiecit ex illo Diabolum: soluit linguam, ut loqui possit: oculos quoque aperit. Hoc ipsum quotidie facit in sua Ecclesia. 1. Aperit aures, ut audiamus uerbum: quicumque enim libenter audit uerbum Dei, sciat aures suas apertas esse, & qui contra non audit uerbum lidenter, sciat suas aures adhuc à Satana obturatas esse. Quare qui nondum habet aures ad audiendum uerbum, confugiat ad Christum, is solus aperit. 2. Cor à Diabolo liberat, ut credere possimus: nam Iohannis 6. docet Christus, quod fides sit opus Dei: ita enim ait: Hoc est opus Dei, ut credatis in eum quem ipse misit. Si ergo non credis, adhuc diabolus occupat cor tuum: quare Christus ad eun-

du-

us est, qui solus eum superare potest. 3. Soluit linguam, ut eum ore etiam confitearis, prædices & inuoces.

Cur autem hoc facit Christus? 1. Quia est amans hominum, quorum naturam assumpsit, quando homo conceptus & natus est ex Maria uirgine. 2. Quia est hostis Diaboli. 3. Quia officium eius est, ut hostis sui Diaboli regnum inuadat, ipsum hostem spoliet, ac omnes in se credentes donet uita eterna.

Ex his iam apparet, quantum sit discriminis inter regnum Diaboli & Christi. In regno Diaboli est peccatum & mors: In regno Christi est iusticia & uita. In regno Satane est damnatio: in regno Christi est absolutio à damnatione, & salus. In regno Satane sunt tenebræ: in regno Christi est lux perpetua. In regno Satane est cruciatus: in regno Christi est gaudium. In regno Satane conspicitur Diabolus cum damnatis omnibus: in regno Christi Sancti fruuntur conspectu Dei & immortalitatis gloria, per Christum Iesum. Hinc ergo admoneamur, & quanto cum studio fugiendum sit regnum Satane, & quanta diligentia conandum sit, ut ciues constituamur beati regni Christi.

DE SECVNDO.

Iudei uidentes hoc factum Christi, tanquam legati Satane, se totis uiribus Christo opponunt, & dicunt, in Beelzebub principe Demoniorum eijcit Demonia. Vide quanta sit mundi malicia: Dei

Dei opus Diabolo ascribit, quo in peccatis suis moriatur. Quis mortalium tanta insania insurgeret aduersus Christum, nisi spiritu Satanae excitaretur? Verum Christus illam contumeliam Dei nequam quam fert, sed fortissimis argumentis istam Diabolicam contumeliam confutat.

PRIMUM argumentum: Nemo potest per unum Diabolum alium eijcere: Ergo uos improbe asseritis me in nomine Beelzebub eijcere demonia: Nam si unus Diabolus alij Diabolo uim faceret, & eum eijceret, non esset stabile regnum Diaboli. Nunc autem uidemus regnum Satanae maxime stabile & firmum esse. Nam omne regnum contra se diuisum, desolabitur: Vbicunq; enim est discordia, ibi certus expectandus est interitus.

SECUNDUM argumentum est: Si ego in nomine Beelzebub eijcio demonia, uestri quoq; filij in eodem nomine eijciunt demonia: sed hoc uestro ipsorum iudicio est falsum: nam uos Dei uirtute illos demonia eijcere fatemini: quare improbe facitis, cum me demonia in nomine Beelzebub eijcere asseritis.

TERTIUM argumentum: In digito Dei, id est, potentia diuina eijcio demonia, ergo falso Diabolo ascribitis opus meum.

QUARTUM argumentum, Fortis à fortiori superatur: Diabolus à me superatur: Nam illum eijcio, illius spolia capio: igitur sum illo fortior. Cum fortis armatus custodit atrium suum,
in

in pace sunt ea quæ possidet. Quis est ille fortis armatus? Serpens antiquus: Custodit atrium suum, dum habitat in incredulis, dum hominum sensus excæcat, ne Christum agnoscant: atq; tum omnia quæ possidet, sunt in pace, quando scilicet silet uerbum Dei, & sonant humanæ traditiones. Verum cum gladius stringitur, quod est uerbum Dei, mox Diabolus cogitur cedere: nam Christus, qui in uerbo est, potentior est Satana.

QVINTVM argumentum: Qui non est mecum, contra me est, & qui non colligit mecum, dispergit, hoc est, Diabolus dissipat Ecclesiam, & ego colligo Ecclesiam, ergo inter me & Diabolum non conuenit: quod autem diabolus dissipet Ecclesiam, probat pulcherrima similitudine.

DE TERTIO.

Cum immundus Spiritus exierit de homine, hoc est, cum Diabolus, qui & ipse immundus est, & animos hominum coinquinare multis modis solet, exierit de homine, quemadmodum iam de misero hoc, qui obsessus erat, mea uirtute eiectus est. Quid tum facit? Ambulat per loca inaquosa, quærens requiem, & non inueniens, dicit: Reuertar in domum meam vnde exiui: Ambulat per loca inaquosa, id est, per corda non irrigata flumine S. sancti. Quid est quod quærat requiem et non inueniat? hoc dicto significatur eius studium: non enim satis est ei nocuisse, nisi magis noceat, Tanto perdendi homines studio laborat, non contentus

P

tentus

tentus est multa corde possidere, nisi ad ea redeat, à quibus antea expulsus, unde dicit: Reuertar in domum meam vnde exiui. His uerbis significatur, quod non sinat intentatos eos, qui fide purgati sunt: sed conetur rursus, in eorum corda intrare, quo eos à regno CHRISTI abducatur: quod cum fit, fiunt nouissima hominis illius peiora prioribus, quia fit de nouo hostis Christi, expellit Spiritum sanctum, & grauiiores poenas luet, nisi rursus per ueram poenitentiam eiecerit diabolus. Obseruemus ergo, quim periculosum sit ijs, qui semel Christo dederunt nomina, & rursus se iugo Diaboli subiiciunt. Hi enim ut grauissime in Spiritum sanctum peccant, ita etiam grauissime poenae sunt ipsis metuendae. Quare qui salutis suae ulla tanguntur cura, cito resipiscant, & strenue aduersus Satanam militent: ne eos rursus in peccatorum diluuium precipitet.

DE QVARTO.

Factum est cum hæc diceret, extollens vocem quædam mulier de turba, dixit illi: Beatus venter &c. At ille dixit, Quinimo, Beati qui audiunt verbum Dei & custodiunt illud. Hic primum obseruemus diuersa hominum iudicia de uerbo Dei. Quidam admirantur & amant uerbum, ut hæc mulier: Quidam male loquuntur de uerbo, ut illi, contra quos hic Christus agit. Nam semper à principio mundi fuerunt tales auditores uerbi. Cain uerbum contempsit: Abel amauit. Nohe
amauit

amavit uerbum: & reliquus totus mundus contem-
nit. Tempore Hieremie paucissimi uerbum Prophe-
tarum receperunt cum fructu: plerique ad ueterem
idolatriam redire maluerunt. Hinc apud Ieremiam
dicunt: Quando sacrificauimus reginae coeli (id est,
Soli) omnia fuerunt nobis prospera: abundauimus
frumento &c. Ad eundem modum nostri dicunt:
quando Missas audiuius, dedimus Monachis, omnia
fuerunt in meliore precio, maior erat timor Dei,
maiorque caritas. Hanc gratiam refert mundus
Deo pro suo beneficio. Dat nobis uerbum salutis:
nos potius uolumus humana somnia. Offerit gra-
tis: nos uolumus Monachorum nugis mereri.
Sed istis omisis audiamus Christum, Beati, inquit,
qui audiunt uerbum Dei, & custodiunt il-
lud. Hec pauca uerba sunt, & habent additam
magnam promissionem.

Quodnam est illud uerbum Dei? Aliud esse
non potest, quam quod Prophetae tradiderunt: Chri-
stus suo confirmauit sanguine: Apostoli docue-
runt. Quodnam est illud? Eius summam habet
puerilis nostra doctrina Catechismus, & sunt de-
cem praecepta, Symbolum, doctrina de Sacramen-
tis, & quam singulis diebus Dominicis auditis ex
Euangelio, hoc est, ut uno dicam uerbo, quam Pro-
phetae, Christus & Apostoli docuerunt. Hoc uer-
bum uult audiri: ergo uult ministros esse & pa-
stores, qui hoc uerbum docere possint. Nam cum
det uerbum, offerat salutem, quae fide ex auditu

percipitur, necessarium est, ut sint qui hoc uerbum doceant.


Verum quia non satis est docere & audire uerbum, nisi custodiatur, addit Dominus: Et custodiunt illud: Quid est custodire uerbum? Est uerbum auditum discere, retinere, eiq; credere, & ex fide Deo ueram obedientiam prestare. Ita Abraham pater noster fecit, audiuit uerbum, retinuit, eiq; obediuit, & ex fide tantam obedientiam prestauit, quod potius, mandante Deo, uoluerit suum unigenitum filium mactare, quam Dei preceptum uiolare. Sed quis est inter nos, qui Deo hanc obedientiam prestat? filij uolumus Abraham dici, sed non uolumus patris uestigijs insistere. Quid illis promittit, qui audiunt & obediunt? Beati, inquit, qui audiunt Verbum &c. Beati, id est, sunt ab omni miseria liberi, à peccato & damnatione. Beati, id est, donati uita & gloria aeterna, per Iesum Christum Dominum nostrum, qui cum Patre & S. sancto uiuit unus Deus in secula seculorum, Amen.

DOMINICA LÆTA RE, IOHAN. VI.

Post hæc abiit Iesus trans Mare Galilææ, quod est Tiberiadis, & sequebatur eum turba multa, quia videbant eius signa, quæ faciebat super his, qui infirmabantur. Subiit autem in montem Iesus, & ibi sedebat cum discipulis.



discipulis suis, I
dies Iudæorum
Ios Iesus, & uidi
taret ad se, dicit ac
mus panes ut eda
tentans eum: ipse
diturus. Respond
rum denariorum
ut unusquisq; pu
Dicit ei vnus ex
frater Simonis P
quinque panes
sed hæc quid su
autem Iesus: Fac



discipulis suis. Instabat autem Pascha festus
 dies Iudæorum. Cum sustulisset ergo ocu-
 los Iesus, & vidisset, quod multa turba ve-
 niret ad se, dicit ad Philippum: Vnde eme-
 mus panes ut edant isti? hoc autem dicebat
 tentans eum: ipse enim sciebat quid esset fa-
 cturus. Respondit ei Philippus: Ducento-
 rum denariorum panes non sufficiunt eis,
 ut vnusquisq; pusillum quippiam accipiat:
 Dicit ei vnus ex discipulis ipsius Andreas,
 frater Simonis Petri: Est puer hic, qui habet
 quinque panes hordeaceos, & duos pisces,
 sed hæc quid sunt inter tam multos? Dixit
 autem Iesus: Facite ut homines discumbant:

P 3 Erat

Erat autem gramen multum in eo loco. Discubuerunt ergo viri numero ferme quinq; millia. Accepit autem panes Iesus, cumq; gratias egisset, distribuit discipulis suis: Discipuli vero discumbentibus. Similiter & ex piscibus quantum volebat. Ut autem impleti sunt, dicit discipulis suis: Colligite quę superfuerunt fragmenta, ne quid pereat. Collegerunt ergo & impleuerunt duodecim cophinos fragmentorum ex quinque panibus hordeaceis, qui superfuerant his qui comederant. Illi ergo homines cum vidissent, quod Iesus fecerat signum, dicebant: Hic est vere Propheta ille, qui venturus est in mundum. Iesus ergo cum cognouisset quod venturi essent, ac rapturi ipsum, ut facerent ipsum Regem, secessit iterum in montem ipse solus.

ENARRATIO TEXTVS.

Summa huius Euangelij est, quod Christus docet *Strimam*, quam tradit Matth. 6. Primum querite regnum Dei & iusticiam eius (id est, Dei) & cetera adiicientur vobis, hic facto suo & exemplo confirmet: ut nos uerbo Christi & miraculo eius edocti, curam uentris abijciamus, & sequamur Christum in desertum, eiq; omnem curam pro nobis relinquamus, iuxta eius mandatum: lacta in Dominum curam tuam, & ipse te enutriet. Vult ergo totum hoc Euangelium docere, quod, qui uerbum

bum Dei audiant, ament & conseruent, non sint perituri fame, quia Christus eorum in se curam recipit. Losi tres.

- I. Quod Deus habeat curam illorum, qui se sequuntur.
- II. Circumstantiæ præsentis miraculi, & eius apud nos usus.
- III. Factum huius turbæ uolentis Christum Regem creare. Item de Christi fuga.

DE PRIMO.

In hac prima doctrina multa perpendenda se offerunt, quorum singula aliquam doctrinam & admonitionem suppeditant: ut sunt Christi profectio, operatio, ardor turbæ ad ipsum audiendum, quid turbam mouerit, quæ utilitas inde ad turbam peruenerit, & quid nos ab exemplo turbæ & facto Christi discere debeamus.

Profectio Christi narratur his uerbis: Abijt Iesus trans mare Galilææ, quod est Tiberiadis. Fuit autem Tiberias urbs in honorem Tiberij Imperatoris ab Herode extructa apud Iordanem. In hac profectioe Christi, obseruandus est finis & exemplum. Finis fuit ut late propagaret suum Euangelium, doctrina & miraculis. Exemplum est, ut nos Christum imitemur, quisque in sua uocatione, non parentes nobis: sed nocte dieq; per terram, per mare, nostræ studeamus uocationi respondere. Neq; hoc exemplum est ministris

P 4

uerbis

uerbi imitandum tantum, sed omnibus iuxta rationem uocationis cuiusq;

Quid in hac professione agit Christus? Marcus cap. 6. dicit Christum misertum fuisse eorum, quia erant sicut oves non habentes Pastorem, & coepit eos docere multa. Matthaeus addit, quod tota die fuerit occupatus in sanandis aegrotis. Hec quatuor offerunt perpendenda. 1. Affectus Christi 2. Causa istius affectus. 3. Quales simus sine ministerio uerbi 4. Quis finis ministerij.

Cum Christus miseretur turbæ, monemur, ut cogitemus, quam paterne sit erga nos affectus, ut qui nostris calamitatibus afficiatur: hoc est, quod Apostolus dicit ad Hebræos: Nos habemus Pontificem, qui potest compati infirmitatibus nostris. Cur autem misertus sit turbæ, causa fuit quæ narratur à Marco, Quia erant sicut oves, non habentes pastorem. Sed quales sunt oves sine pastore? Misere expositæ furum & luporum iniurijs. Cum autem hoc diceret Dominus, populus per falsos doctores erat abductus à uero Dei cultu in uarias superstitiones, quarum fructus est animarum interitus: quemadmodum nos olim in Papatu experti sumus, ubi pro uero cultu Dei fuerunt in Ecclesiam inuectæ horrendæ superstitiones, ut inuocatio sanctorum, prophanatio Sacramentorum, purgatorium & aliæ nugæ, quæ hodie utinam in multorum animis non residerent. Hinc ergo discamus, quales sint homines sine ministerio uerbi, nempe quod sint ueluti oves

in

in deserto uagantes: ubi omni momento periculum graue illis immineat à furibus & lupis, imo, ut uno uerbo dicam: Vbi non est uerbum Dei, ibi nulla salus. Discamus & hic finem ministerij uerbi. Homines sine uerbo sunt, sicuti oues uagantes sine pastore. Ergo uerbum est illis ueluti baculus pastoralis, quo homines è deserto ad suum pastorem congregantur: Est & ueluti pabulum, quo reficiantur & alantur: Est & remedium, quo animæ nostræ sanantur. Breuiter est semen immortale, per quod renascimur ad uitam æternam, quando uerbo prædicato credimus: quanta autem sit diuini uerbi necessitas, hinc facile intelligitur.

Ardor populi ad audiendum Christum hic etiam indicatur. Sequebatur, inquit Euangelista, eum multitudo magna: Idq; in locum desertum procul ab urbibus, ubi nec cibus nec potus erat. Vide maximum ardorem, quo populus gestit Christum audire, ut nullam curam corporis sui habere uideatur: hora multa præterijt, inquit Marcus.

Cur autem Christum ita secuta sit turba, explicat Iohannes in hodierno Euangelio: cum ait: Quia uidebant signa quæ faciebat. Signa autem fuerunt cum testimonia potentie diuinæ in Christo, tum doctrinæ quædam signacula, & summæ beneuolentiæ Christi erga homines indicia: Nam in horum trium cogitationem deuenerunt per signa & miracula quæ Dominus fecit.

Ex hoc ergo, quod hæc turba sit Christum secuta, hoc

P 5

ta, hoc

ta, hoc percepit commodum, quod in salutis sue cognitionem deuenit: nam cum doctrinam suam, quam ore docuit, stupendis miraculis confirmavit, fidem uerbo adhibuerunt, qua fide illi omnes saluati sunt, qui usq; ad finem perseuerarunt. Deinde & corporalia beneficia perceperunt multi: nam sanauit male habentes, quemadmodum referunt alij Euangelistae.

Quomodo iam huius turbae exemplum est nobis imitandum? 1. Hanc turbam imitamur, si uerbum Dei diligenter audiamus & ei credamus, conuicti miraculis Christi, quibus ueritatem suae doctrinae confirmavit. 2. Imitabimur etiam hanc turbam in eo, quod regula à Christo Matth. 6. tradita obediat, ita enim Christus ait: Querite primum regnum Dei, & iusticiam eius, & cetera adijciatur uobis. Hic ordo est diligenter ab omnibus p'is obseruandus. PRIM A, cura debet esse regni Dei, & iusticiae Dei. DEINDE etiam suo loco pro uocationis ratione est laborandum. Nam ita scriptura ait: In sudore uultus tui uesceris pane tuo. Et in Psalmo dicitur: Labores manuum tuarum manducabis. Paulus quoq; dicit: Qui laborat, manducet. Ita labor omnib. praescribitur, sed iuxta rationem cuiusq;, alius est enim labor pastoris, alius agricolae, alius Regis, alius Cancellarij & Senatoris, Verum cauendum est omnibus, ne ordine inuerso laborent, quod faciunt illi, qui primam quidam curam uentris habent, postremam uero mentis. Qui
ergo

ergo Magistratum gerit, sic cogitet: Meus Christus dicit, primum querite regnum Dei & iusticiam Dei, & postea reliqua huic uitæ necessaria: huic præcepto mei Domini obtemperabo, certus quod uere, quod promisit, sit præstaturus, ut ut ratio & mundus totus obmurmuret: Et hunc ordinem à Christo præscriptum conetur euertere. Deus o ues pascit: cur me ipsi obedientem non pasceret? Dat corpus: cur non uestem? dat animam: cur non cibum? dat aeterna: cur non temporalia? Quicumque ergo pius est, debet hanc regulam CHRISTI sequi: Querite primum regnum Dei & iusticiam eius, & cetera adicientur uobis. Verum, probo do- or, multi contra hanc regulam peccant. Primum enim qui non solum ipsi uerbum Dei non audiunt, sed alijs impedimento sunt, ut non audiant, quem- idmodum impij mariti faciunt, qui suas uxores à uerbo retinent, auaricia suæ explende gratia: Hi INDE etiam suo uo temerario ausu irrumpunt in officium Dei, & Christi præceptum malignè contemnunt: unde quicquid agunt male succedit. Primum uolunt laboribus manuum corpori prospicere. Deinde, si quando uacat, mox dicit: Qui labor animæ exiguum curam habent. Colligo, inquit aliquis, uxori meæ & liberis. Recte facis, & probo enim labor pastoris uuum studium: natura enim hoc docet, & ratio hinc Cancellarij & Mictat, ut maritus uxoris & prolium curam ha- e omnibus, ne ordina- & Paulus dicit, Qui negligit suos est infide- e illi, qui primarij deterior: sed collige iuxta Christi regulam, & premare uero turba exemplum. Primum querere regnum Dei,

Dei: Deinde in uocatione tua sis diligens. Si aliter feceris, liberi tui non gaudebunt ex tuis laboribus: Nam maledictus labor est tuus, & maledictus fructus laborum tuorum erit, nec proderit liberis tuis. Est autem hoc dictum uerissimum: Ex male quaesitis non gaudet tertius haeres. Experientia docet quod mala à parentibus parta, liberi ut plurimum cum meretricibus in ganeis, in potationibus, in contentionibus & litibus absumere turpiter soleant: Quare si pietas nobis cordi est, Christi regulam & huius turbæ exemplum imitemur, quod si fecerimus, sentiemus liberalem manum Dei erga nos.

DE SECVNDO.

Iam uideamus praesentis miraculi circumstantias, quæ multæ sunt. Primum Dominus dicit Philippo: Vnde ememus panes ut manducent hi? Cur hoc additur ab Euangelista? Hoc autem dicebat tentans eum, hoc est, ut experiretur quid haberet fidei, qui antea uiderat aquam in uinum conuersam esse in Cana Galilææ.

Sed quid respondet Philippus? Ducentorum denariorum panes non sufficiunt eis, ut unusquisque modicum accipiat. Hic Philippus immemor miraculorum, quæ antea uiderat, rationem suam in consilium adhibet, quasi diceret, Magna turba est, requiritur ad eam saturandam magna pecunia, & nos nihil fere habemus, frustra enim de pane emendo disputatur, deliberatio frustra adhibetur, dum impossibilitas impedit.

Sed

Sed uenit alius discipulus Andreas, & dicit puerum adesse, qui habeat quinque panes hordeaceos, & duos pisces, sed hæc nihil ad tantam turbam, hic discipulus etiam desperat.

Sed quid ad hæc Christus? Dicit ergo eis. Facite homines discumbere, quasi dicat, cum hoc sit impossibile uestro iudicio, ut tanta turba hic conseruari possit, ne fame pereat: Ego quæ illis dixi & uobis: Querite primum regnum Dei, & iusticiam eius, & cætera omnia adicientur uobis, ostendam factorem meam promissionem non esse uanam: uos saltem iubete turbæ, ut ad comedendum discumbat.

Hic discipuli magistro obtemperant, & uiri numero, quasi quinque millia se ad comedendum conueniunt, expectantes miraculosam saturitatem.

Cum ita discumberent, accepit Iesus panes illos quinque hordeaceos & pisces, ac primum facta benedictione, & actis gratijs, distribuit discumbentibus, quantum uolebat. Postquam autem saturati sunt, dixit discipulis suis: Colligite quæ supersunt fragmenta, ne quid pereat. Et illi obtemperantes collegerunt duodecim cophinos fragmentorum. Videlicet miraculum, quo Christus suam diuinam potentiam, suam promissionem & suum officium confirmat.

Quid nos hinc discere debemus? Multæ sane doctrinæ hinc peti possunt.

Primum confirmatur id, quod in primo loco uidiuimus, uidelicet, quod qui Christum sequuntur,

tur, non sint fame perituri, quemadmodum iam audiuiſtis.

DEINDE hoc miraculo confirmatur affectus Christi erga eos qui ſequuntur, de qua re etiam in prima doctrina audiuiſimus.

Præterea confirmatur hoc miraculo, quod contra rationis iudicium Chriſtus poſſit iuuare, quando uult. Nam ut regnum Chriſti & regnum mundi ſunt diuerſa: ita alia fieri poſſunt in regno Chriſti, quàm in regno mundi. Nam qui regno Chriſti præſidet, omnipotens eſt, cuius uelle eſt fieri: omnia. n. quæ uoluit, ut inquit Dauid, fecit in cœlo & in terra. Cum igitur proponit nobis Euangelium miranda Dei opera, de reſurrectione mortuorum, de uita æterna, de æternis impiorum pœnis, & huiusmodi alia, non adhibebimus in conſilium rationem noſtram, ut ab illa quæramus, quid fieri poſſit, ſed ſolum uerbum Dei interrogabimus, ſi enim Deus aliquid dicit, mox ueniet nobis in mentem eius potentia & ueritas: quia potens eſt, nihil eſt ei impoſſibile, & quia uerax, quicquid dicit ratum & firmum erit. Dicit enim, cœlum & terra tranſibunt, uerba autem mea non tranſibunt.

Docemur & hoc miraculo & Chriſti factis, quòd Deus res modicas piorum augere uelit ſua benedictione: non enim in magna rerum copia ſita eſt ſaturitas: ſed in benedictione Domini, quæ ſola diuites facit. Vnde Chriſtus Lucae 12. Non in abundantia cuiuſq; uita eius ex ijs quæ poſſidet. Et

David

David Psalmo 121.
ſepſime accidit, q
un melius paſcitur
pauca præcioſis ſer
per Lazarus melius
dantur, quàm diue
Hæc diligenter cogit
promiſſionem Domini,
et, & noſtrum panem
& dicere, Patrem no
lodie.

Adhæc docet
tari diuina beneficia
dono, & petamus, a
ne conſecrare uelit:
catur per uerbum &
Paulus docet, i. Timot
m agnoſcant diuina
gratia agunt datori, n
eximus, ubi magna pr
horror uos, ut hoc C
quies bonis Dei don
in dictum de præſenti
na locus.

DE
Cum uidiſſent
ſecerat ſignum
Propheta, qui v
dus ergo cum c

quemadmodum
miraculo confirm
sequuntur, de q
diuimus.
hoc miraculo
ristus possit inu
Christi & regn
eri possunt in reg
Nam qui regno Ch
cuius uelle est fieri
da David, fecit in
proponit nobis Euan
la resurrectione mon
nis impiorum peccat
tuebimus in consiliu
queramus, quid semp
interrogabimus, si
tueniet nobis in ment
quia potens est, nob
uer ex, quicquid dicit
icit enim, celum & ter
mea non transibunt.
hoc miraculo & Chri
dicas piorum augeri
nim in magna rerum
in benedictione Dom
de Christus Luca 11
eius ex ijs que po

David Psalmo 121. Et abundantia diligentibus te.
Sapissime accidit, quod pauper aliquis timens Deum
melius pascitur pane & olere, quam diues im
pius ex preciosis ferculis & dulcissimo uino. Pau
per Lazarus melius pascebatur micis, quæ ei uix
dabantur, quam diues epulo ex suis delicatis cibis.
Hec diligenter cogitemus singuli, ac expectemus
promissionem Domini, ut nostris laboribus benedi
cat, & nostrum panem augeat. Is enim iussit orare
& dicere, Panem nostrum quotidianum da nobis
hodie.

Adhæc docet nos Christi factum, ut usurpa
ri diuina beneficia, gratias agamus Deo pro suo
 dono, & petamus, ut suum donum sua benedictio
ne consecrare uelit: Creatura enim Dei sanctifi
catur per uerbum & orationem, quemadmodum
Paulus docet, 1. Timoth. 4. Verum fit, ut multi, quia
non agnoscunt diuina beneficia, & multo minus
gratias agunt datori, uel in magna rerum copia sint
gentes, ubi magna prementur paupertate. Quare
hortor uos, ut hoc Christi exemplum imitemini,
ut quoties bonis Dei donis uti uolueritis. Atq; hoc
est dictum de presenti miraculo. Sequitur iam ter
tius locus.

DE TERTIO.

Cum uidissent (dicit Euangelista) quod Ie
sus fecerat signum, dicebant: Hic est vere il
le Propheta, qui venturus est in mundum.
Iesus ergo cum cognouisset, quod venturi
essent

essent, vt raperent se, & facerent se Regem, fugit iterum in montem ipse solus.

Hic duo proponuntur exempla, Vnum turbae, alterum Christi. In turba duo uidemus, Vnum: quod ex miraculo agnoscit Messiam, id quod recte à turba factum est: nam Propheta Isaias prædixit fore, ut cum uenerit in mundum Messias, magna miracula esset editurus, per quæ agnosceretur. Haec tenus ergo recte iudicauit turba. Alterum, quod uidemus in turba, est error iudicii turbae, quæ cum uideret ex miraculo Iesum esse Messiam, uoluit eum in Regem creare. Sed Christi Regnum non est mundanum, sicuti ipse Pilato dixit, Regnum meum non est de hoc mundo. Voluit quidem turba grata esse Christo, sed non secundum scientiam suam declarauit gratitudinem. Vnde nos discamus gratitudinem erga Deum ab hac turba: uerum quia illa errauit in facto, nos uerbum Dei pro regula gratitudinis amplectamur.

Cæterum cum Christus cognouisset imperitum turbae zelum uolentis se in Regem creare, fugit in montem, & non patitur se Regem à turba creari. Quid nos hinc discamus? PRIMVM, quod modo dixi, quod regnum Christi non sit mundanum. DEINDE quod nullum honorem expetere debeamus contra nostram uocationem. Vnusquisq; sit contentus eo dignitatis gradu, ad quem uocatus est, & non inuadat alienam functionem gloriæ cupiditate. Verum hæc tria spectemus, quisq; in sua uocatione.

Primum

Primum laboremus
queramus uulgi la-
bos sit nostrum pr-
classe seruicium in-
nobis recte faciunt, q-
amprodunt, quos D-
publica innotescat, -
lant. Quod ne nob-
um, ut nos suos Spirit-
Deo sit honor, laus
AMEN.

DOMINICA

101



Primum laboremus strenue in timore Dei. 2. Non queramus uulgi laudes, si quid boni egerimus. 3. Hoc sit nostrum propositum, ut Deo & ipsius Ecclesie seruiamus in timore Dei: qui aliter agunt, nihil recte faciunt, offendunt Deum: suam superbiam produnt, quos Deus saepe sinit labi, ut ipsorum stulticia innotescat, ac ita suae arrogantiae poenas luant. Quod ne nobis quoque accadat rogemus Deum, ut nos suo Spiritu gubernet, Cui soli & eterno Deo sit honor, laus & gloria in secula seculorum, AMEN.

DOMINICA IVDICA

IOHAN. VIII.



Quis

Q Vis ex vobis arguet me de peccato? Porro si veritatem dico, quare vos non credidistis mihi? Qui ex Deo est, verba Dei audit: Propterea vos non audistis, quia ex Deo non estis. Responderunt ergo Iudæi & dixerunt ei: Nonne bene dicimus nos, quod Samaritanus es tu, & Dæmonium habes? Et respondit Iesus: Ego Dæmonium non habeo, sed cohonesto Patrem meum, & vos ignominia affecistis me. Ego autem nō quæro gloriam meam, est qui quærat & iudicet. Amen dico vobis: si quis sermonem meum seruauerit, mortem non videbit in æternum. Dixerunt ergo illi Iudæi: Nunc cognouimus quod dæmonium habes: Abraham mortuus est & Prophetæ, & tu dicis: qui sermonem meum seruauerit, non gustabit mortem in æternum. Nunquid tu maior es patre nostro Abraham, qui mortuus est, & Prophetæ mortui sunt: quem te ipsum facis? Respondet Iesus: Si ego glorifico me ipsum, gloria mea nihil est. Est Pater meus, qui glorificat me, quem vos dicitis Deum vestrum esse, & tamen non cognouistis eum, ego autem noui eum: & si dixerō quod non nouerim eum, ero similis vestri mendax, sed noui eum, & sermonem eius seruo. Abrahā pater vester exultauit, ut videret diem meum, & vidit atq; gauisus est. Dixerunt ergo Iudæi

Iudæi ad eum
habet, & Abrahā
Amen amen dico
tam nasceretur,
pides Iudæi, ut in
abconditis, & ex
ENARRA

Hoc Evangelium
nam de Christo
gaudione per Chri
Christus suam per
desendit, & moni
Iudæi Christi host
& doctrine Chri
armis, quibus Sa
sus est. Arma aut
(vobis bellighe
nis (offervobis) Hab
in regni descriptio
na. Vi enim Christu
Sane satellites sui
quia nostra interes
quam quid contra se
dus doctrinas huius
et singulas respond
delectabo. Loci di
li. Quod quema
rus Me
dit à Di

Iudæi ad eum: Quinquaginta annos nondū habes, & Abraham vidisti? Dixit eis Iesus, Amen amen dico vobis, Antequam Abraham nasceretur, ego sum: Tollebant ergo lapides Iudæi, vt iacerent in eum. Iesus autem abscondit se, & exiuit ē Templo.

ENARRATIO TEXTVS.

Hoc Euangelium continet singularem doctrinam de Christo, & eiusdem doctrine oppositionem per Christi hostes. Quemadmodum. n. Christus suam personam, officium & doctrinam defendit, & monstrat uerum salutis fontem: Ita Iudæi Christi hostes se opponunt personæ, officio, & doctrinæ Christi, & contra illum agunt tribus armis, quibus Satanas inde usq; ab initio mundi usus est. Arma autem illa tria hæc sunt: Hypocrisis (vdrart's hellighed) Sophistica (kraaglof) tyrannis (offervold) Habet ergo hoc Euangelium duplicis regni descriptionem, uidelicet Christi & Satanae. Vt enim Christus hic suum regnum tuetur: ita Satanae satellites sui Domini partes agunt. Verum quia nostra interest potius quid dicat Christus, quam quid contra sentiat Satanas, ex uerbis Christi duas doctrinas huius Euangelij proponam, & quid ad singulas responderint ac fecerint hostes Christi declarabo. Loci duo:

- I. Quod quemadmodum CHRISTVS sit uerus Messias: ita omnis qui eum non audit à Deo non sit.

Q 2

II. Quod

*Triplicia
Satanæ
arma
Christi
hypocrisis
sophistica
tyrannis.*

II. Quod, qui uerbum Christi seruet, à morte aeterna liberetur. Et in his duabus præcipuis huius Euangelij doctrinis, conuentionem inter Christum & Iudæos exponam, in qua expositione multæ particulares doctrinae se offerunt.

DE PRIMO.

Primæ doctrinae partes sunt duæ: Vna, quod Christus sit uerus Messias. Altera, quod qui Christum non audit, à Deo non sit. De priori parte ita habet textus: Quis ex uobis arguet me de peccato? Si veritatem dico, quare uos non creditis mihi? Doctrinam Christi reprehenderunt Iudæi, quia Satanas & eius ministri oderunt ueritatem. Christus suam doctrinam uitæ innocentia, Prophetarum testimonijs, & uarijs miraculis confirmauit, ut & agnosceretur à Iudæis uerus Messias esse, & ab illis crederetur Christo in salutem. Cum ergo illi instinctu Satanae, odio Christi, & amore suæ falsæ doctrinae, quam à maioribus acceperant, se Christo totis uiribus opponerent: Christus contra sitiens salutem humanam, suam innocentiam, doctrinam & officium defendit, ut saltem quosdam ex suis hostibus lucrifaciat Deo, & à damnationis præcipitio reuocet. De innocentia erga suæ personæ primum querit. Quis (inquit) ex uobis arguet me de peccato? quasi diceret: palam uixi inter uos ab infantia mea ita innocenter, ut nemo uestrum possit me ullius peccati arguere. Hoc autem

cum

cum sit proprium Meſſiæ, quare me Meſſiam olim promiſſum non agnoſcitis? Nam ſolus Meſſias eſt abſq; omni peccato. Cum ergo nemo ueſtrum poterit me peccati conuincere, ſtulte facitis, qui non ſolum me non agnoſcitis Meſſiam: uerum etiam me ut peccatorem condemnatis. Huc addit de doctrina ſua: Si ueritatem dico uobis, cur non creditis mihi? quaſi dicat: cum doctrinam meam innocentia uitæ, teſtimonio Prophetarum, & multis miraculis ita ueram eſſe doceam, ut uelit noliſ, eam ueram eſſe fateamini, cur non creditis mihi? proſus inſanus eſt, qui id quod uerum eſſe nouit, tanquam falſum perſequitur: ſed ea eſt natura hominum, qui male inſtitutus eſt à puero, difficulter ab errore reuocatur: adeo à teneris aſſueſcere multum eſt. Verum hic quid à Chriſto & à Iudæis diſcimus? A Chriſto quidem diſcant omnes miniſtri uerbi, uitam ſuam inſtituere, & ita docere, ut nemo quicquam habeat, quod uel in uita, uel in doctrina arguere poſſit. Tametſi enim ſolus Chriſtus purus erat ab omni peccato: tamen qui eius Euangelium docere uolunt cum fructu, debent publicis criminibus carere. Poëta enim recte dicit:

Turpe eſt doctori cum culpa redarguit ipſum.

Quomodo enim, quaſo, ſacerdos potator potatorum reprehendere poterit? quomodo audebit ſcortator ſcortatiorum & adulteros caſtigare? quomodo auarus auariciam? Uſurarius uſuram? contentioſus, lites? Superbus, ſuperbiam damnare? In ſumma:

Q 3 qui

qui alios uult arguere, ipse debet esse sine culpa: Qui autem dicunt: Facite ut doceo, & nolite facere, ut ago, non sunt Christi ministri, sed Satana. Nam nemo docere censendus est, nisi uita exprimat, quod uerbis docet. Ita enim Paulus docet Timotheum: Esto forma gregis, id est, quod uoce doces, uita exprime, ut doctrinae exemplum uiuum in te conspiciant auditores tui. Vnde & de se Paulus dicit: Estote imitatores mei, sicut ego Christi. Deinde, qui audiunt Euangelium, debent aliquid ab his Iudaeis discere, non quidem ut cum illis se Christo & suis doctoribus opponant: sed ut eorum damnatione admoniti poenitentiam agant, & Christi beneficio saluentur.

De altera parte primae doctrinae, ita ait textus: Qui ex Deo est, uerba Dei audit, propterea uos non auditis, quia ex Deo non estis. Causam assignat, cur Iudaei tam maligne doctrinam Christi contemserint, uidelicet, quod non fuerint à Deo, sed à Satana. Non loquitur hic de humana natura, quae uere à Deo est, sed de malicia hominum, quae est à Diabolo: haec enim malicia facit, quod homines uerbum Dei non libenter audiant. Hic unusquisque se examinet, & de se ipso statuatur, num à Deo sit aut Diabolo. Qui etenim uerbum Dei libenter audit, habet testimonium Christi quod sit à Deo, contra qui uerbum contemnit & persequitur, uere est à Diabolo: tametsi hoc libenter non uolunt audire homines impij. Sed quemadmodum
hic

hic Iudæi Christum, qui sibi hoc indicauit, perse-
 quebantur & calumniabantur: ita hodie ministros
 Euangelij persequuntur, qui uoce illorum declaran-
 tur à Diabolo esse. Quid ergo hic dicunt Iudæi? Re-
 sponderunt & dixerunt ei: Nonne bene dicimus
 nos, quod Samaritanus es tu, & dæmonium habes?
 Hæc est ars Satanae, quod quando non potest infra-
 ciari ueritatem, confugit ad conuicia: ita & hodie
 fit, quando non possunt homines negare, quin uer-
 bum Dei sit, quo illorum impietas arguitur, statim
 confugiunt ad conuicia, & aliquid quærunt, quod
 in ministris Euangelij reprehendant. Sed quid facit
 hic Christus? Respondet: Ego dæmonium non
 habeo, sed honorifico Patrem meum, & vos
 inhonorastis me: Ego autem non quæro
 gloriam meam, est qui quærat & iudicet. In
 hac responsione Christus primum negat se habere
 Dæmonium, quod ex eo confirmat, quod quærat
 gloriam Dei, quod non faciunt, qui pacta cum Dia-
 bolo fecerunt. Deinde conuicium in Iudæos re-
 torquet, cum inquit: Et vos inhonorastis me,
 qui Deum honoro. Qui enim eos conuicijs affict-
 unt, qui Deum honorant, à Diabolo eos duci ne-
 cesse est. Præterea cum addit: Ego non quæro
 gloriam meam, est qui quærit & iudicat, re-
 mouet à se inanis gloriæ cupiditatem, & se in suo
 officio Patri commendat. Ex hac Christi responsi-
 one, ministri uerbi tria discant. 1. Tueri se quan-
 tum fieri possit à conuicijs quibus afficiantur, ne

Q 4

illorum

illorum ministerium uilescat, ubi ipsi in contemptum uenerint. 2. Conuiciatoribus sua peccata obijcere, quod non tam contra homines, quam contra Deum ipsum belligerantur. 3. Suam gloriam non querere, sed Dei, & certo sibi persuadere, quod Deus ipsorum innocentiam tueatur.

DE SECVNDO.

De secunda doctrina ita sonant uerba Domini: Amen amen dico vobis: Si quis sermonem meum seruauerit, mortem non videbit in æternum. Hæc uerba sunt bene perpendenda, quæ summum beneficium Christi erga homines continent, uidelicet quod qui sermonem Christi seruauerit, non sit uisurus mortem in æternum. Verum quod hæc melius intelligamus, uolo ordine explicare quid contineant. Primum enim hic obseruandum est iuramentum Christi. 2. Quales simus sine Christo. 3. Quid per illum consequi liceat. 4. Quomodo beneficiorum Christi participes fieri ualeamus.

Iuramentum eo pertinet, ut confirmet nos de ueritate Dei contra omnes humanas & diabolicas doctrinas, contra sensum carnis, atq; adeo contra totum regnum Diaboli, quod Sophistica, Hypocri- si & tyrannide constat: non enim fieri potest, ut Filius Dei fallat, qui tanto iureiurando fidem suæ doctrinæ fecit.

Quales sumus sine Christo? per Christum fit, ut non uideamus mortem in æternum: quare sine Christo æternæ mortis sumus rei. Est autem, ut
qua

quadruplex uita:
PRIMA uita

hoc mundo uiuimus
cuius est donum
precepto: sed uita
habetur quidem
gloriam Dei: Neron
etiam in contumeli
sunt ipsius condemna
opponitur mors natu
cuius est poena pe
minum uariat. Na
transitus ad uitam
Neroni fuit iactura

SECVNDA

uit peccatum in
scientias suas, ut in
mala est, quia ad da
nitur mors peccati,
nobis, quod fit, quam
more Dei uiuimus.

TERTIA uita

in nobis per gratiam
est donum Dei, &
mors gratia, hoc est
do relinquitur in pec
semper est mala, qu

QUARTA

quadruplex uita : ita & quadruplex mors .

PRIMA uita est naturæ, qua naturaliter in hoc mundo uiuimus. Hæc uita bona quidem per se est, quia est donum Dei, quod promittit in quarto præcepto : sed uariat pro conditione hominum, Abrahamo quidem fuit bona, quia is ea usus est in gloriam Dei : Neroni uero fuit mala, quia ea usus est, cum in contumeliam Dei, qui eam dedit, tum in suam ipsius condemnationem. Huic uitæ naturali opponitur mors naturalis, quæ mala quidem per se est, quia est pœna peccati : sed pro conditione hominum uariat. Nam ut Abrahamo hæc mors fuit transitus ad uitam meliorem, quare ei bona fuit : ita Neroni fuit ianua gehennæ, igitur ei mala erat.

SECUNDA uita est peccati, qua scilicet uiuit peccatum in homine, & regnat per concupiscentias suas, ut in omnibus impijs. Hæc perpetuo mala est, quia ad damnationem tendit. Huic opponitur mors peccati, qua mortificatur peccatum in nobis, quod fit, quando & uera pœnitentia & timore Dei uiuimus. Hæc mors peccati semper est bona, quia transitus est ad uitam æternam.

TERTIA uita est gratiæ, qua uiuit Christus in nobis per gratiam : hæc semper bona est, quia est donum Dei, & uia ad gloriam. Huic opponitur mors gratiæ, hoc est, priuatio gratiæ, quod fit, quando relabimur in peccata, & abijcimus fidem. Hæc semper est mala, quia est uia ad gehennam.

QUARTA uita est uita æterna, qua pij ui-

Q 5

uent

uent cum Deo & Angelis in æterna beatitudine: hac uita maxime bona est. Huic opponitur mors æterna, quæ est æterna damnatio, huic morti æternæ obnoxij sunt omnes sine Christo: nisi enim Christi beneficio ab hac morte liberamur, erit nobis perpetuum peccati stipendium: sicut Paulus dicit Rom. 6. Tales ergo sumus sine Christo, hoc est, miseri, damnati, & rei æternæ mortis.

Sed quales per Christum euadimus: Hoc Christus iuramento astruit, nimirum quod ab æterna morte liberati donemur æterna uita, in qua erit gaudium sine fine.

Quomodo Christi beneficiorum reddamur participes? Respondet hoc Euangelium: Amen amen dico vobis, si quis sermonem meum serua-uerit, non videbit mortem in æternum. In uerbo igitur Christi magnus thesaurus est: quid hoc seruat, habet Christum, qui solus est uia ad uitam. Quid est seruare uerbum Christi? Est illud audire, illud discere, eiq; credere, iuxta illud: qui credit in Filium, habet uitam æternam. Quare? quia qui credit, iustificatur fide sua, hoc est, absoluitur à peccato, donatur iusticia Christi, & acceptatur propter Christum ad uitam æternam. Qui igitur uitam æternam cupit, hæc obseruet quæ iam dicta sunt, uiuat in perpetua pœnitentia, audiat uerbum Christi, ei credat, & usq; ad mortem in fide perseueret: ita futurum est, ut hæc naturalis mors sit illi transitus futura ad æternam uitam.

Sed

Sed quid Iudæi dicunt ad hanc Christi salutarem doctrinam? Christus dicit: Qui custodierit sermonem meum, non videbit mortem. Iudæi respondent: Nunc cognouimus quod dæmonium habes: Abraham mortuus est & Prophetæ, & tu dicis: Si quis sermonem meum seruauerit, non gustabit mortem in æternum, numquid tu maior es Abraham patre nostro, qui mortuus est, &c. quem te ipsum facis? quasi dicerent: Si sermo tuus adeo est efficax, ut te audientes non gustent æternam mortem, sane maior es Prophetis & Patriarcha nostro Abraham, qui mortui sunt: sed hoc est falsum: non enim es maior Abraham. Est igitur falsum quod dicis, qui custodierit sermonem meum, non gustabit mortem in æternum: quare blasphemus in Deum es, & habes dæmonium. Christus respondet & ait: Si ego glorifico meipsum, gloria mea nulla est, (scilicet uestro iudicio) est Pater qui glorificat me. Sententia horum uerborum est, Filius unigenitus Dei est maior seruis Dei & Filijs Dei adoptiuis: Ego sum Filius Dei unigenitus, quemadmodum Pater ipse de me testatur uoce sua & operibus: Prophetæ autem & Abraham sunt serui Dei & filij Dei adoptiui: Quare sum ego maior, quam Abraham & Prophetæ: non est ergo mirum, si sermo meus est efficacior quam illorum. Deinde Sophistica sunt usi: nam quod Christus dixit de æterna morte, illi de naturali morte

inter-

interpretati sunt, sed maligne. Quare Christus pergit eos reprehendere dicens: Si dixero quod non noui eum, ero similis vobis mendax. Nam vos dicitis, vos nouisse quem non nouistis. Sed quid est nosse Deum? Est. 1. scire quis sit, nempe Pater, Filius, & Spiritus sanctus. 2. credere in illum. 3. iuxta ipsius uoluntatem uitam instituire.

Verum quia Iudæi de Patre Abrahamo gloriabantur, pergit Christus ostendere, quam uana sit ista iactantia, & ait: Abraham pater vester exultauit, ut uideret diem meum, uidit & gauisus est. His uerbis tria docet Christus. 1. Quod fuerit, antequam assumeret humanam naturam, nempe ab æterno, æternus Deus. 2. Quod Abraham in se crediderit: nam credere in Christum, est spiritualiter Christum uidere. Videtur autem Christus tripliciter: Spiritualiter tantum, ut Abraham, & nos, qui in illum credimus hodie: Corporaliter tantum, ut Iudæi uiderunt ipsum, qui hic cum eo colloquebantur: Corporaliter & Spiritualiter simul, ut sancti, qui cum Christo in terra uersati sunt, & nos qui credunt post resurrectionem mortuorum. Prima & ultima uisio est salutaris. 3. Docet Christus his uerbis, quod Iudæi non insistant uestigijs patris sui Abraham, de quo adeo gloriantur: nam Abraham agnouit Christum, & in eum credidit, & gauisus est de eo: Iudæi autem nec in Christum credunt, nec de illo gaudent, imo potius Christum damnant

nam quare falso g
respondent ad hoc
nondum habes
erunt: Abraham m
rem & ultra: non ig
undam fuisse. Chri
dico vobis, anteq
Tria aperte de Chri
si uerus Deus. 2. Qu
u et homo in Chri
tam diuina perso
fuerit, ut fieret uis
quid ad hoc Iudæi
in eum. Hic desce
tane, quod est uis e
contra Christum e
nunc tandem arma
condit se, & exiit
doce. Vnum quod Ec
uersus tyrannidem Di
non uelit suum uerb
quod eos, qui ipsum
tum apud eos, qui se
Mediatori cum Patre
lus & gloria in seculu

DOMINI

RVM

Cum appropi

nant, quare falso gloriantur de Abraham. Sed quid
 respondent ad hoc Iudæi? Quinquaginta annos
 nondum habes & Abraham vidisti? ac si di-
 cerent: Abraham mortuus est ante duo millia anno-
 rum & ultra: non igitur ipsum uidere potuisti, qui
 nondum fuisti. Christus respondet: Amen amen
 dico vobis, anteq̃ Abraham foret, ego sum.
 Tria aperte de Christo docent hæc uerba. 1. Quod
 sit uerus Deus. 2. Quod sit uerus homo. 3. Quod De-
 us et homo in Christo non sint duæ personæ, sed una
 tantum diuina persona, quæ humanam naturam as-
 sumsit, ut fieret uictima pro mundi peccatis. Sed
 quid ad hoc Iudæi? Tulerunt lapides, ut iacerent
 in eum. Hic describitur extremum refugium Sa-
 tanæ, quod est uis & tyrannis. Hactenus egerunt
 contra Christum conuitijs, Hypocrisis, Sophistica:
 nunc tandem arma capiunt. Sed Christus abs-
 condit se, & exit de Templo. Quo facto duo
 docet. Vnum quod Ecclesia diuinitus custodiatur ad-
 uersus tyrannidem Diaboli & mundi. Alterū quod
 non uelit suum uerbum, nec se in suo uerbo esse
 apud eos, qui ipsum palam persequuntur: sed tan-
 tum apud eos, qui se recipiunt & amant. Huic uero
 Mediatori cum Patre, & Spiritu sancto, sit honor,
 laus & gloria in secula seculorum, Amen.

DOMINICA PALMA

RVM MATTH. XXI.

Cum appropinquassent Hierosolymis &c.

Hoc

Hoc Euangelium bis in anno legitur, nempe Dominica prima Aduentus, & Dominica Palmarum: sed non eadem de causa. Nam Dominica Aduentus legitur, quia Prophetia Zacharie conacionatur in eo de Aduentu Christi in mundum, qui futurus erat Rex & Saluator in se sperantium: Hodie autem legitur propter Historiam, quæ hoc die gesta est, nempe sexto die antequam pateretur.

Summa autem Euangelij est, quod Christus super Asinam & pullum eius, adductos per discipulos sedens, equitauit uersus Hierusalem, cui populus acclamabat, Hosanna filio David, & palmas strauerunt in uia, & uestes suas. Deinde quod ingressus eiecerit ementes & uendentes &c. Loci sunt tres.

- I. Descriptio regis Christi & eius regni.
- II. De ciuibus huius regis & eorum officio.
- III. De ijs quæ in Templo contigerunt, postquam eo Christus est ingressus.

DE PRIMO.

De hoc lege Dominica prima Aduentus, qui ibi est secundus locus.

DE SECVNDO.

Hic fuit tertius Dominica prima Aduentus: unde petatur explicatio usq; ad paragraphum de usu Aduentus.

DE TERTIO.

Tertius

Tertius locus est historia eorum, quæ contigerunt in templo, postquam eo Christus ingressus est. Hæc Historia in quatuor partes distribui potest, quæ sunt:

1. Eiectio ementium & uendentium in Templo, & eius facti ratio.
2. Sanatio claudorum & cæcorum in templo.
3. Defensio puerorum clamantium Hosanna filio David.
4. Fremitus principum, sacerdotum & scribarum aduersus Christum.

DE PRIMA PARTE.

Narrat Euangelista, quod Dominus ingressus sit templum, & eiecerit ementes & uendentes. Deinde quod causam sui facti addat, cum inquit: Domus mea, domus orationis vocabitur, vos autem fecistis illam speluncam latronum. In facto tria perpendenda sunt. 1. Facti occasio. 2. Factum ipsum. 3. Significatio facti. Occasio facti fuit inexplibilis auaricia sacerdotum, qui idcirco hæc ordinabant, ut qui uellent offerre, haberent ad manum uenale, quicquid cuperent. Horum auaricia cum sit damnanda, cauere sibi debent ministri Euangelij, ne artes expilandi plebem quærant: quemadmodum in Papatu factum est, ubi Missas, indulgentias, & alias nugas habuerunt uenales in propriam & aliorum damnationem. 2. Perpendendum est Christi factum: nam hoc facto testatur se Regem, summum Pontificem, & diuini cultus præsidem

præsidem esse: Alioqui priuata autoritate manum non admouisset: sed uoce tantum dolorem animi declarasset. Hoc factum Christi imitari debent et magistratus pius, & præfides cultus diuini, ne extent in templis Christianorum pollutiones cultus diuini. Alij quibus non est ea autoritas, debent dolore, & uoce testari, quod cultus diuini corruptelas improbant. 3. Significatio huius facti est perpendenda: nam ut templum pollutum erat: ita significauit spiritualem fore templi purgationem per suam mortem & resurrectionem gloriosam.

Deinde in caussa huius facti, quæ exprimitur hisce uerbis: Domus mea domus orationis vocabitur, vos autem &c. duo discamus: Primum quod templum uisibile sit sedes diuini cultus. Etsi enim omnis locus est pijs templum, siquidem licet ubiq; Deum inuocare: tamen templum communis locus est, in quo conuenire & precari, & alia, quæ ad pietatis externam disciplinam attinent, exercere oportet. Alterum, ut nos habeamus templa destinata cultui diuino in honore, & seruemus ea munda ab idolis & idolorum cultu. Verum adeo, prob dolor, adheret multis Papistica superstitio, ut ne idolum de suo templo tolli permittant. Sed de hac re alias plura.

DE SECVNDA PARTE.

Secunda pars rerum gestarum à Christo in templo est, quod claudos & cæcos ad se uenientes sanauit: quo facto testatur primum, quod sit uerus

Messias

Messias. Nam Propheta Isaias prædixit, ut cum uenisset Messias, talia miracula ederet. 2. Significat hoc factum officium Messie, quod est destruere opera Satanae: nam cum morbum tollit Christus, causam etiam amouet: causa autem morbi omnis, est peccatum. 3. Vsum templi indicat symbole, quod eo destinatum esse debet, ut nos à spiritualibus morbis purgemur, quod fit, dum uerbo, quod illic prædicatur, credimus, & credentes abluimur à peccatis nostris sanguine Iesu Christi, sicut Iohannes dicit: Sanguis Iesu Christi emundat nos ab omni iniquitate.

DE TERTIA PARTE.

Cum pueri clamarent in templo Hosanna filio David, et obiurgarentur à Phariseis, Christus puerorum patrociniū sumit, & eorum factum scripturae testimonio comprobat. Nonne legistis, inquit, ex ore infantium & lactentium perfecisti laudem.

Hic habemus quod discamus ab utrisque, hoc est, à pueris & à Christo. A pueris primum discant nostri pueri Christum agnoscere & prædicare. Christus enim cum dicit regnum cælorum pertinere ad pueros, profecto uult puerorum fide & uoce laudari & celebrari, sed pro dolor, multi sunt pueri, qui non solum ignorant Christum, uerum etiam adeo corrupte sunt educati, ut nihil aliud didicerint, quam iurare, mentiri, turpiter loqui, & alias nequicias exercere, qui non solum ipsi

R

aliquan-

aliquando suæ nequiciæ dabunt poenas: uerum etiam parentes ipsorum à Deo punientur, qui pueros ipsis in pietate erudiendos dedit, adeo sacrilege neglexerunt. Deinde discamus à pueris, Christum confiteri in medio hostium eius. Hic aderant Pharisei, & Scribæ præcipui gubernatores Reipub: istius, qui Christum persequabantur & irascebantur omnibus, qui Christo aliquem honorem exhibuerunt: Verum hac seuitia non sunt absterrenti pueri, sed quo magis prohibebantur, eo magis clamabant: ea enim est uis fidei, quod ubicunq; sit, non possit celari, sed semper prorumpat in Dei laudes. Hoc officium ab omnibus requiritur, iuxta illud Pauli dictum Rom. 10. Corde creditur ad iusticiam, ore fit confessio ad salutem.

A facto Christi discamus primum, quod uelit eos, qui sibi credunt, tueri. Deinde, quod exemplo Christi, ratione uocationis, debeamus innocentiam aliorum tueri, & præcipue patrocínio nostro pijs adesse, ne ab impijs opprimantur.

DE QVARTO.

Fremitus principum, Sacerdotum & Scribarum aduersus Christum, longe ante prænunciatus fuit uoce Dei & Prophetarum: Nam cum Deus Gene. 3. prædicit fore, ut semen serpentis calceturum sit Semen mulieris, significat quod Satan & eius membra homines prophani & impij sint Christum & Ecclesiam persecuturi. Et Dauid Psal. 2. non solum hunc fremitum Iudeorum aduersus Christum

P.
Christum Spiritu
uerunt gentes, &
uoniam ex dicti
semen mulieris, id
credentes sunt supe
bra. Quia autem in
in eodem Psalmo in
confidant in eo. Qu
renunciemus, et firm
sum uictorem Sata
ui honor & glori

DE COE
I. C

Ego accepi à
uobis, q od
qua traditus est, &
gratias egillet, fre
Hoc meum est co
giur, hoc facit
nem. Ad eundem
aita coena, dicens
famentum est in
quonelcunque b
rationem. Quo
tis panem hunc
tu, mortem D

Christum Spiritu praeuidet, cum ait: Quare fremuerunt gentes, & populi meditantur inania: uerumetiam ex dicto Genesis promittit futurum, ut Semen mulieris, id est, Christus, & omnes in illum credentes sint superaturi Satanam & ipsius membra. Qua autem in re consistat ista uictoria, David in eodem Psalmo indicat cum ait: Beati omnes, qui confidunt in eo. Quare nos Satanae & eius membris renunciemus, et firma fiducia recumbamus in Christum uictorem Satanae & donatorem aeternae uitae, cui honor & gloria in secula, Amen.

DE COENA DOMINI, I. CORINTH. XI.

EGo accepi à Domino, quod & tradidi vobis, quod Dominus Iesus in ea nocte, qua traditus est, accepit panem: & postquam gratias egisset, fregit, ac dixit: Accipite, edite: Hoc meum est corpus, quod pro vobis frangitur, hoc facite in mei commemorationem. Ad eundem modum & poculum, perfecta coena, dicens: Hoc poculum nouum testamentum est in meo sanguine: hoc facite quotiescunque biberitis in mei commemorationem. Quotiescunque enim comederitis panem hunc, & de poculo hoc biberitis, mortem Domini annunciabitis, donec

R 2 venerit.

venerit. Itaq; quisquis ederit panem hunc, aut biberit de populo Domini indigne, reus erit corporis & sanguinis Domini. Probet autem homo seipsum, & sic de pane illo edat, & de poculo illo bibat. Nam qui edit aut bibit indigne, iudicium sibiipso edit & bibit, non dijudicans corpus Domini.

ENARRATIO TEXTVS.

Hoc Festum ideo institutum est, ut Historia institutionis Cœnæ Dominicæ hoc die in Ecclesia tractetur, quo verus huius sacræ Cœnæ usus intelligi possit. Nam cum Christus pridie antequam pateretur, hanc Cœnam institueret, mandatum dedit discipulis, ut hanc Cœnam in sui conseruarent memoriam. Quare necesse est, magnas & graues causas esse, cur necessarium sit, huius Cœnæ institutionem magni facere. Nisi enim causas instituta huius Cœnæ diligenter perpenderimus, non possumus satis admirari saluatoris nostri bonitatem, qui cum esset in grauissimo dolore propter imminentem mortem, uoluit tamen hanc instituere & eam commendare Ecclesiæ, in firmissimum Sacramentum nostræ salutis per ipsum partæ, in quo perpetuo conseruaretur fœderis inter Deum & hominem sanciti sanguine Christi memoria. Verum ut nos possimus de hac Cœna distinctius docere, proponam tres locos, quos hoc tempore explicabo per Dei gratiam. Loci tres.

- I. Instituta huius Cœnæ circumstantia, & signi-

significationes, unde colligetur eius plena descriptio.

- II. Vera & legitima probatio eorum, qui hac Cœna utiliter uti uolunt.
- III. Verus usus legitimæque meditatio huius Cœnæ.

DE PRIMO.

Multæ circumstantiæ sunt in historia institutionis huius Cœnæ, quas ordine ex textu proponam.

PRIMA est temporis: Ita enim habent uerba textus: Dominus noster Iesus Christus in ea nocte qua tradebatur. Nam die Iouis sero, antequam die Veneris sequenti crucifigeretur, hanc Cœnam instituit: unde duo colligamus. Primum, quātum necesse est fuisse amorem Christi erga nos, qui cum sciret se postridie passurum, uoluit tamen hanc perpetuam suorum beneficiorum memoriam instituere. Alterum, quod huius Cœnæ celebratio debeat à nobis fieri in uera pœnitentia, quemadmodum postea rursus dicetur.

SECUNDA circumstantia est de conuiuiis, qui fuerunt in hac Cœna: in ea præsuit Christus: aderant discipuli boni & mali. Boni quidem fuerunt infirmi ualde: malus fuit solus proditor Iudas. Hinc docemur, quod Christus uelit semper adesse huic Cœnæ, & quod Cœna hæc pertineat ad discipulos Christi, & tametsi impij quoque se immiscent: cedit tamen hæc Cœna illis in iudicium & damnationem, quemadmodum postea rursus dicetur.

R 3

Tertia

TERTIA circumstantia est benedictionis: nam accepto pane gratias egit. Si filius Dei ante usum rerum egit gratias, quid nos decet?

QUARTA circumstantia est elementorum: nam pane & uino usus est in huius Coenae institutione. Quemadmodum enim homo externus alitur pane & uino: ita spiritualiter internus homo alitur corpore & sanguine Christi.

QUINTA circumstantia est rerum, quae inuisibiliter adsunt in hac Coena: ut sunt uerum corpus & uerus sanguis Domini nostri Iesu Christi.

SEXTA circumstantia est mandatum: mandat enim ut Ecclesia perpetuo hunc ritum celebranda Coenae retineat: Hoc facite, inquit.

SEPTIMA circumstantia est foederis noui, Hic calix, inquit, nouum testamentum est in meo sanguine. Cur autem uocetur haec Coena nouum testamentum, postea dicitur.

OCTAUA circumstantia est finis institutae Coenae, quae his uerbis exprimitur: Hoc facite, inquit, in mei recordationem, hoc est, quotiescunque utimini hac Coena, memoriam beneficiorum, id est, Passionis & Resurrectionis meae recolite, & annunciate mortem meam donec ueniam.

NONA circumstantia ex octaua sequitur, nimirum quod celebratio huius Coenae pertineat ad adultos tantum, qui possunt doceri de morte Domini, & qui publice gratias agere possunt Domino pro beneficijs suis.

He

Hæ sunt circumstantiæ huius Cœnæ diligenter
perpendendæ: Nunc quæ sint huius Cœnæ signifi-
cationes ostendam: nam ut agnus Paschalis plures
habuit significationes, in ueteri testamento: ita &
hæc sacra Christi Cœna, quæ in locum Agni Pa-
schalis successit. Vt ergo Agnus Paschalis. 1. admo-
nebat populum de beneficio olim præstito, id est,
de liberatione à seruitute Ægyptiaca: 2. Confir-
mabat fidem utentium. 3. Adumbrabat futuram ui-
tam Christi. 4. Perpetui fœderis inter Deum
& homines typus erat: Ita Cœna hæc habet quoq;
uarias significationes: idq; partim respectu præte-
riti temporis, partim præsentis, partim futuri, par-
tim eternitatis: quas significationes nunc expo-
nam quam possum clarissime: Deus adsit & mihi
docenti & uobis audientibus, ut in Dei gloriam ce-
dat, & in nostri salutarem instructionem.

Quæ est significatio Cœnæ respectu præteriti
temporis? si tempus præteritum respicimus, est hæc
sacra Cœna commemoratio quadam historiæ de pas-
sione Domini, iuxta Christi mandatum: Hoc faci-
te in mei commemorationem: Quotiescunq;
ergo uel ipsi accedimus ad Cœnam, uel alioqui in-
tersumus Cœnæ celebrationi, debemus meminisse
mortis, sepulture & resurrectionis Domini.

Quæ est significatio Cœnæ respectu præsentis
temporis? Primum significat nos uniri & incor-
porari Christo, idq; spiritualiter. Ita enim Pau-
lus docet, cum ait; Calix benedictionis cui benedi-

R

✠

cimus

cimus, nonne communio sanguinis Christi est? panis quem frangimus, nonne communio corporis Christi est? hoc est, communicatio corporis et sanguinis Domini facit nos habere quandam communionem cum Christo. Deinde significat nos, quoque uniri inter nos spiritu Christi, qui una hanc Cœnam communicamus: Cuius communicationis symbolum unus panis existit, ut Paulus testatur, cum ait: Quoniam unus panis, unum corpus sumus multi. Quemadmodum enim panis, ex multis compactus est grans: ita qui una communicant, in unum corpus, cuius caput est Christus, spiritualiter coalescunt: atque ideo Paulus hanc Christi cœnam uocat communionem. Hinc quidam ex sanctis Patribus ait: Cœna dicitur Communio. 1. Quia communicamus per ipsam Christo. 2. Quia participamus eius carnem & diuinitatem. 3. Quia communicamus & unimur inuicem per ipsam.

Deinde significat hæc Cœna nos spiritualiter alii & sustentari corpore & sanguine Christi. Ut enim panis & uinum corpora humana nutriunt, augent, conseruant, exhilarant: ita corpus Christi & sanguis alit, auget, conseruat & exhilarat animas nostras ad uitam æternam, modo uera fides in nobis sentiatur.

Quæ est significatio huius Cœnæ respectu futuri temporis? Hæc sacra Cœna significat, quod uirtute corporis Christi resuscitati ex mortuis, nostra quoque corpora olim resurgant, ut fiant conformia glorioso

glorioso corpori Christi
resurrexit, & no
ua presentia Christi
Vnde quidam sancti
nuntium, quia adma
hanc Cœnam, quod C
cimus ad eternam

Quæ est signifi
catur? Est per
mones testimonium, u
mon, ac propterea
Cœnam nouam test
ti unquam obnoxia
tur clarius, dicam
mento concurrant
testamento concurr
quid sit nouam testa

In omni testame
fuit Testamentum. 2
scripsi heredes. 4. 2
seruande à scrip
mento testator est C
possessio: Heredes s
credunt in Christum
inrepsit. Nam mort
ni tertia die: Condi
rellous sunt, ut in C
mon, ac uita: inuoc
si lapsi fuerint

glorioso corpori Christi. Vnde Paulus: Si Christus
resurrexit, & nos surgemus, ut fruamur perpe-
tua præsentia Christi corporis in omni æternitate.
Vnde quidam sancti Patres hanc Cœnam uocarunt
uiaticum, quia admonerant ante mortem sumentes
hanc Cœnam, quod Christus esset in ipsis uia ex his
ærumnis ad æternam beatitudinem.

Quæ est significatio Cœnæ Domini respectu
æternitatis? Est perpetuum fauoris Dei erga ho-
mines testimonium, nullo tempore mutationi obno-
xium, ac propterea uocat ipse Dominus hanc suam
Cœnam nouum testamentum, ut quod nulli uetusta-
ti unquam obnoxium fiat. Verum ut hoc intelliga-
tur clarius, dicam breuissime, quæ in omni testa-
mento concurrant: & quomodo illa quæ in omni
testamento concurrunt, etiam hic adsint: adhuc
quid sit nouum testamentum.

In omni testamento sunt quinque. 1. Testator qui
facit Testamentum. 2. Bona quæ testator legat. 3.
Scripti hæredes. 4. Mors testatoris. 5. Conditiones
seruandæ à scriptis hæredibus. In hoc nouo testa-
mento testator est Christus: hæreditas uitæ æternæ
posseßio: Hæredes sunt Filij Dei, id est, omnes qui
credunt in Christum: Mors testatoris Christi in-
tercessit. Nam mortuus est & sepultus, & resurre-
xit tertia die: Conditiones seruandæ à scriptis hæ-
redibus sunt, ut in Christum credant, eiq; obtempe-
rent, ac uitæ innocentiam tucantur usq; ad finem,
& si lapsi fuerint in peccatum, seriam ante mor-

R s tem

tem agant poenitentiam. Hinc iam quid sit nouum Testamentum concludamus hoc modo : Nouum testamentum est fœdus æternum, sancitum morte testatoris Iesu Christi, de gratia Dei, remissione peccatorum & donatione uitæ æternæ, promissa omnibus gentibus & populis in Christum crucifixum credentibus.

DE SECUNDO.

Cum Paulus dicit : Probet seipsum homo, & sic de Pane illo edat, & de Calice bibat : nam qui ederit indigne, aut qui biberit indigne, iudicium sibi edit & bibit. Hæc uerba Pauli quatuor confirmant. 1. Quod usus Cœnæ in Ecclesia debet esse. 2. Quod sit necessaria ante usum huius Cœnæ probatio. 3. Quod indigne usurpans hanc Cœnam grauissime peccet. 4. Quod hæc Cœna tantum porrigenda sit ijs, qui se probare possunt. De secundo tantum dicam, uidelicet quomodo unusquisq; se probare debeat, qui hæc Cœna utiliter uti cupit.

Quomodo ergo odebet se probare, qui hæc Cœna uult uti? Hoc Paulus docet 2. Cor. 13. his uerbis: Vos ipsos probate, num sitis in fide: uos ipsos probate. An non cognoscitis uosmetipsos, quod Christus sit in uobis? Ex quibus uerbis intelligitur, quod ista probatio in hoc sita est, ut uera senitatur fides & Christi præsentia in nobis, hoc est, ut planioribus uerbis dicam: is probatus est, & digne accedit ad sacram Christi Cœnam, qui reuerenter in timore Dei

Dei, in uera poenitentia, in uera fiducia, & cum proposito ad hanc Coenam accedit: & contra, qui sine reuerentia, sine timore Dei, sine uera poenitentia, sine uera fiducia, & cum proposito peccandi accedit, is indigne accedit, non dijudicans corpus & sanguinem Domini, & sibi iudicium manducat: quare omnis qui accedit hanc Coenam, & habet animum manendi in suis peccatis, is blasphemus est, & cum Iuda Sacramentum sumit.

Vt autem rudes homines, non temere praesumant hanc Coenam adire, utilis est instituta disciplina confessionis, & absolutionis in Ecclesijs nostris: Nam haec disciplina multum iuuat ad hoc, ut quis se legitime probare possit.

Verum ut de confessione & absolutione recte iudicare possimus: Primum sciendum est, quod ut duplex est confessio: Ita & duplex absolutio. Una confessio est coram DEO tantum, cum uidelicet quis suum peccatum coram Deo confitetur, agnoscit se peccatorem, & petit ueniam propter Christum: sine tali confessione nullus adultus saluatur. Sic confessus est Dauid cum inquit: Miserere mei Deus, quia peccaui tibi: ne intres in iudicium cum seruo tuo, quia non iustificabitur in conspectu tuo omnis uiuens. Sic & Daniel confessus est, quando ait: Peccauiumus, & inique egimus cum patribus nostris. Sic Publicanus, quando non audebat eleuare faciem in coelum: sed percussit pectus suum dicens: Deus propicius esto mihi peccatori. Huic confessio

confessione respondet absolutio, quæ fit per solum Deum: & hæc fit quando homo credit promissioni gratuita. Quicumq; enim credit, est à peccato iustificatus, id est, absolutus à peccato: Nam cum peccatum sit defectus à lege & uoluntate Dei, cum obligatione ad æternam mortem et damnationem, erit profecto absolutio, liberatio hominis credentis, ab obligatione ad æternam mortem & damnationem, Sic absolutus est Manasse, Dauid, Latro in cruce, Magdalena. Ita nos quotidie absoluihur, quando dicimus ex uero corde: Credo remissionem peccatorum, & cum precamur ex fide, remitte nobis debita nostra. Hoc dictum sit de primo genere confessionis & eiusdem absolutione.

Alia confessio est disciplinæ, cum homo consilij, doctrinæ & confirmandæ fidei suæ causa accedit ministerium Ecclesiæ, agnoscit se peccatorem, petit consolationem, cupit erudiri uerbo Dei, quo ipsius conscientia tranquilla reddi possit. Hic minister uerbi debet eum, qui sic confitetur erudire: & si nouit ipsum, debet uicia, quæ in eo animaduertit, ipsi indicare: debet ostendere ei magnitudinem iræ Dei aduersus impœnitentes: & rursus si confitens dolet ob suum peccatum, & promittit emendationem, debet eum consolari promissionibus Euangelij: & si dicat se promissionibus credere, debet ei minister Christi nomine testari, quod habeat Deum propicium, & annunciare illi remissionem peccatorum in nomine Patris, & Filij, & Spiritus sancti,

Etiam scriba ad
uitando, ne poste
prioribus Atq; hæ
re publica, & abs
confessione publica
tempore dicendum
fuerit, quos offe

DE

Item restat, ut qu
in sacra Coenæ leg
ergo hæc sacra Chri
stra, per uictimam
dine sunt medita
sacra Coenæ perece

PRIMO in

debet causa mortu
ueris humani, Rom
cui nostræ. Esai. 53.
cui nostræ.

SECUNDO

Christi, qui est, ut no
mortis. 2. Cor. 5. Eu
cui peccatum, ut nos
Ioh. 1. Sanguis I
iniquitate. Ioh. 1. Ag

TERTIO, et

gandum est, qua
duerfus peccatum
nisi hostia filij D

Si, cum seria admonitione de peccato in posterum uitando, ne posteriora eius hominis fiant peiora prioribus. Atq; hæc sint dicta de secundo, confessione publica, & absolutione, quæ ei respondet. De confessione publica, & absolutione publica alio tempore dicendum est, Item de confessione quæ fit fratribus, quos offendimus.

DE TERTIO.

Iam restat, ut quis sit uerus usus, & quæ sit huius sacrae Coenæ legitima meditatio, dicamus. Cum ergo hæc sacra Christi Coena, sit Sacramentum nostræ, per uictimam Christi, redemptionis, hæc ordine sunt meditanda & serio aestimanda in huius sacrae Coenæ perceptione.

PRIMO in mentem comminationibus uenire debet causa mortis Christi, nempe peccatum generis humani, Rom. 4. Mortuus est propter peccata nostra. Esa. 53. Percussit eum propter iniquitates nostras.

SECUNDO cogitandus est finis uictimæ Christi, qui est, ut nos redimeret à iure peccati & mortis. 2. Cor. 5. Eum qui non nouit peccatum, fecit peccatum, ut nos fieremus iusticia Dei in ipso. 1. Iohan. 1. Sanguis Iesu Christi purgat nos ab omni iniquitate. Ioh. 1. Agnus Dei tollit peccata mundi.

TERTIO, ex præstantia huius uictimæ cogitandum est, quantam necesse est fuisse iram Dei aduersus peccatum: quæ non potuit hostijs expiari, nisi hostia filij Dei unigeniti.

Quarto

QUARTO cogitanda est maxima misericordia Dei, qui uoluit nos miseros peccatores in gratiam recipere propter Filij satisfactionem.

QUINTO cogitandus est ingens amor Filij Dei, qui natura humana assumpta uoluit fieri uictima pro nobis, & in se deriuare iram Dei, & iusticie Dei crucis supplicio satisfacere. Hec omnia uult nos cogitare Filius Dei, cum iubet ut hæc Cœna fiat in sui recordationem.

Cum hæc ita meditamur, ex contemplatione ire Dei nascitur contritio, ex cogitatione misericordie & piacularis uictimæ, fides: ex quibus gratiarum actio, confessio, patientia & aliæ uirtutes, de quibus hæc Cœna nos admonet.

Breuitè, ut ipse Filius Dei nobiscum fœdus facit, quod nos clementer recipiat: Ita nos uicissim cum ipso fœdus facimus, quod ei credamus, & beneficia eius grati accipiamus: quod ut uere faciamus, donet nobis huius Cœnæ institutor Iesus Christus, cui cum Patre & Spiritu sancto, honor & gloria in secula, Amen.

PASSIO DOMINI NOSTRI IESV CHRISTI, IUXTA ORDINEM historie concinnata, ex collatione quatuor Euangelistarum.

ET cum Hymnum cecinissent, egressus Iesus ibat, ut solitus erat, trans torrètem Cedron

Cedron, in montem Oliuarum. Secuti sunt
autem illum & Discipuli. Tunc dicit illis,
Omnes vos scandalum patiemini in me in
illa nocte. Scriptum est enim: Percutiam
pastorem, & dispergentur oues gregis. Post-
quam autem surrexero, præcedam vos in Ga-
lilæam. Respondens autem Petrus ait illi,
Et si omnes scandalum passi fuerint in te,
ego tamen nunquam scandalum patiar. Ait
illi Iesus, Amen dico tibi, quod hodie in no-
cte hac, priusquam gailus bis cecinerit, ter
abnegabis me. At ille vehementius dice-
bat, Imo si me oportuerit commori tibi, non
te abnegabo. Similiter autem & omnes di-
scipuli dicebant.

Tunc venit Iesus cum illis in villam, quæ
dicitur Gethsemani, ubi erat hortus in quẽ
introiuit ipse & discipuli eius. Nouerat autem
& Iudas proditor eius locum, quia frequen-
ter Iesus conuenerat illuc cum discipulis sur-
is. Tunc Iesus ait illis, Sedete hic donec va-
dam & orem illic. Et assumpto secum Petro
& Iacobo & Iohãne d uobus filiis Zebedæi,
cœpit expauescere, dolere, & grauiter angi.
Et dicit illis, Tristis est anima mea usque ad
mortem. Manete hic & vigilate mecum, o-
rantes ne intretis in tentationem. Et progres-
sus pusillum ab eis ferme ad iactum lapidis,
positisque gentibus, procidit in faciem suam
pro-

prostratus in terram, & orauit, vt si possibile est, transfiret à se hora, dicens: Abba, Pater mi, omnia possibilia sunt tibi, si possibile esset, transeat à me calix iste, veruntamen non sicut ego volo, sed sicut tu. Et venit ad discipulos, & reperit eos dormientes, et dicit Petro: Simon dormis? Adeo non potuistis vna hora vigilare mecum? Vigilate & orate, vt ne intretis in tentationem. Spiritus quidem promptus est, sed caro infirma. Rursus altera vice abiit & orauit, dicens: Pater mi, si non potest hic calix transire à me, nisi bibam illum, fiat voluntas tua. Et reuersus inuenit illos iterum dormientes. Erant enim oculi eorum grauati, neq; sciebant quid responderent. Et relictis illis, iterum abiit, & orauit tertio eundem sermonem, dicens, Pater, si vis, transfer Calicem hunc à me, veruntamen non mea voluntas, sed tua fiat.

Apparuit autem illi Angelus de cœlo confortans eum. Et correptus labore, prolixius orabat. Et erat sudor eius sicut guttæ sanguinis decurrentes in terram. Et cum surrexisset à deprecatione, venissetq; ad discipulos suos, reperit eos dormientes præ mœstitudine. Et ait illis: Dormite posthac, & requiescite, quid dormitis? Sufficit. Ecce appropinquauit hora, & Filius hominis traditur in manus peccatorum. Surgite, eamus, ecce

appro-

appropinquauit
ne intretis in tē
Et continuo
das vnus ē duod
nistris à Pontifici
bus & scribis, an
venit illuc cum la
dis & fustibus. I
commune signu
culatus fuero, p
& abducite caut
quæ vêtura erat
eis. Quem quæ
Nazarenum, I
bat autem & Iu
ipsis. Vt ergo d
nossum & cecide
interrogauit, eos
dixerunt. Iesum N
sus: Dixi vobis,
queritis. finite ho
mo quem dixerat
non perdidit quen
Iesu Iudas, vt ose
accidens dixit. Ra
tum. Dixitq; illi I
Iuda osculo filium
occellerunt, & ma
& cōprehenderu

appropinquauit qui me tradit, orate autem
ne intretis in tentationem.

Et continuo adhuc eo loquente, ecce Iudas vnus è duodecim, accepta cohorte & ministris à Pontificibus ac Phariseis & senioribus & scribis, antecedens turbam multam, venit illuc cum laternis ac facibus, cum gladijs & fustibus. Dederat autem hic proditor commune signum illis dicens: Quemcunque osculatus fuero, is est, comprehendite illum, & abducite caute. Iesus itaque sciens omnia, quæ uentura erant super se, processit ac dixit eis: Quem quæritis? Responderunt ei: Iesum Nazarenum. Dicit eis Iesus, Ego sum. Stabat autem & Iudas qui prodebat eum cum ipsis. Vt ergo dixit eis, ego sum, abierunt retrorsum & ceciderunt in terram. Iterum ergo interrogauit, eos: Quem quæritis? Illi autem dixerunt, Iesum Nazarenum. Respondit Iesus: Dixi vobis, quod ego sim. Si ergo me quæritis, sinite hos abire, ut impleretur sermo quem dixerat: Ex his quos dedisti mihi non perdidit quenquam. Et appropinquauit Iesu Iudas, ut oscularetur eum, confestimque accedens dixit: Rabbi aue, ac deoscularus est eum. Dixitque illi Iesus: Amice ad quid ades? Iuda osculo filium hominis prodis? Tunc accesserunt, & manus suas iniecerunt in Iesum, & comprehenderunt eum. Videntes autem hi, qui

S

circa

circa ipsum erant, quod futurum erat, dixerunt ei: Domine percutiemus ne gladio? Simon ergo Petrus, cum haberet gladium, eduxit eum, & percussit summi sacerdotis servum, & abscidit auriculam eius dextram. Erat autem nomen seruo Malchus. Respondens autem Iesus ait, Sinite huc usque. Et ait Petro: Immitte gladium tuum in vaginam. Omnes enim qui acceperint gladium, gladio peribunt. An putas, quod non possim nunc rogare Patrem meum, & exhibebit mihi plusquam duodecim legiones angelorum? an non bibam calicem, quem dedit mihi Pater? Quomodo ergo implebuntur scripturae? quia sic oportet fieri. Et cum tetigisset auriculam servi servauit eum. In illa autem hora dixit Iesus ad eos, qui venerant ad se principes sacerdotum & magistratus templi & seniores: Tanquam ad latronem existis cum gladiis & fustibus ad comprehendendum me, quotidie apud vos sedebam docens in templo, & non extendistis in me manus. Sed haec est hora illa vestra & potestas tenebrarum, ut impleantur scripturae. Hoc autem totum factum est, ut complerentur scripturae Prophetarum. Tunc discipuli omnes relicto eo fugerunt. Et unus quispiam adolescentulus sequebatur illum, amictus sindone super nudum, & comprehendunt illum adolescentuli. Ille vero relicta sindone, nudus effugit ab illis.

Cohors

Cohors igitur
eorum compr
& abduxerunt eum
nas erat sacer Ca
ri illius. Erat autem
deleat Iudaeis, q
miseri mori pro
ad Captham pon
sacerdotum, vbi
scriba & seniores
autem Iesu em
discipulus usque
pulus autem ille
troiuit cum Iesu
autem stabat ad
discipulus ille alie
Et dixit ostiaria,
bant autem serui
gesserant inferius
era, & calefacieba
Et Petrus stans &
ioem. Ancilla er
erat ostiaria, ad lue
um intuita, defixa
ru cum Iesu eras
hominis istius?
nibus dicens:
Ium, neque scio
Pontifex erg

Cohors igitur & tribunus ac ministri Iudeorum comprehensum Iesum ligauerunt, & abduxerunt eum ad Annam primum. Annas erat socer Caiphæ, qui erat Pontifex anni illius. Erat autem Caiphas is, qui consilium dederat Iudæis, quod expediret vnum hominem mori pro populo. Et duxerunt eum ad Caipham pontificem, id est, principem sacerdotum, ubi omnes summi sacerdotes, scribæ & seniores conuenerant. Sequebatur autem Iesum eminus Simon Petrus & alius discipulus usque ad atrium pontificis: Discipulus autem ille erat notus Pontifici, & introiit cum Iesu in atrium pontificis. Petrus autem stabat ad ostium foris. Exiit ergo discipulus ille alter, qui erat notus pontifici, & dixit ostiariæ, & introduxit Petrum. Stabant autem serui & ministri, qui prunas congefferant inferius in medio aulæ, quia frigus erat, & calefaciebant se. Erat autem cum eis & Petrus stans & calefaciens se, ut videret finem. Ancilla ergo summi sacerdotis, quæ erat ostiaria, ad lumen Petrum se calefacientem intuita, defixis in illum oculis dixit: Et tu cum Iesu eras. Nam & tu ex discipulis es hominis istius? At ille abnegauit coram omnibus dicens: Mulier, non sum, Non noui illum, neque scio quid dicas.

Pontifex ergo interrogauit Iesum de discipulis

S 2

scipulis

scipulis suis & de doctrina ipsius. Respondit ei Iesus: Ego palam locutus sum mundo. Ego semper docui in synagoga & in templo, quo omnes Iudæi conueniunt, & in occulto locutus sum nihil. Quid me interrogas? Interroga eos, qui audierunt, quid locutus sim ipsis. Ecce hi sciunt quæ dixerim ego. Hæc autem cum dixisset, vnus assistens ministrorum dedit alapam Iesu, dicens: Siccine respondes pontifici? Respondit ei Iesus: Si mala locutus sum, testare de malo, sin bene, cur me cædis? Miserat eum Annas vinctum ad Caiphā pontificem.

Stabat autem Simon Petrus in vestibulo, & calefaciebat se. Et pusillum post primam negationem, cum exiret ad vestibulum, galileus cecinit, & vidit eum altera ancilla, & rursum cœpit dicere ihs, qui astabant ibi: Et hic erat cum Iesu Nazareno. Dicunt ergo ei, Num & tu ex discipulis eius es? Et alius dixit: Et tu de illis es. Et iterum negauit cum iurando, dicens: Homo, non sum, sed neque noui hominem. Et post pusillum, interuallo interiecto fere vnus horæ, alius quidam affirmabat cum ihs qui astabant, dicens: Vere & tu ex illis es. Nam & Galilæus es, & loquela tua te manifestum fecit. Dicit ei vnus ex seruis Pontificis, cognatus eius cuius absceiderat Petrus auriculam: Nonne ego te vidi in

di in horto cum illo? Tunc cœpit execrari ac peierare, non noui hominem istum, de quo dicis. Et continuo adhuc illo loquente gallus iterum cecinit. Et conuersus Dominus intuitus est Petrum. Et recordatus est Petrus verbi Domini Iesus, qui dixerat ei, priusquam gallus cecinerit bis, ter me negabis. Et egressus foras fleuit amarè.

Principes autem sacerdotum & seniores & totum concilium quærebant falsum testimonium contra Iesum, vt morti eum traderent, & non inueniebant, etiam cum multi falsi testes accessissent, non enim erant satis idonea testimonia. Nouissime autem venerunt duo falsi testes, & testimonium falsum ferebant aduersus illum, dicentes: Nos audi uimus eum dicentem: Ego possum diruere & diruam templum hoc Dei, quod est manibus factum, & tribus diebus aliud sine manibus factum extruam. Et ne sic quidem satis idonea erant testimonia illorum. Et surgens summus sacerdos in medium, interrogabat Iesum dicens: Nihil respondes? Cur isti aduersum te dicunt, testimonia? Iesus autem tacebat, neque quicquam respondebat. Rursus princeps sacerdotum interrogauit & dicit illi: Tu es Christus filius benedicti? Adiuro te per Deum viuū, vt dicas nobis, an tu sis Christus filius Dei. Dicit illi Iesus:

S 3

Tu di-

Tu dixisti, ego sum. Veruntamen dico vobis: amodo videbitis filium hominis sedentem à dextris virtutis Dei, & venientem in nubibus cœli. Tunc princeps sacerdotum abscidit vestimenta sua dicens: Blasphemavit, quid insuper egemus testibus? Ecce nunc audistis blasphemiam eius, quid vobis videtur? Illi vero omnes condemnauerunt eum, dicentes: Reus est mortis, Tunc viri qui tenebant Iesum, illudentes ei, expuerunt in faciem eius, & colaphis eum cæciderunt. Alij vero cum obtexissent faciem illius, palmas in faciem eius dederunt, maxime serui, dicentes: Vaticinare nobis Christe, quis est ille qui te percussit? Et alia multa conuiciantes dicebant in eum.

Mane aut facta conuenerunt oēs principes sacerdotum & scribæ, senioresq; populi ac totum concilium, & inierunt consilium aduersus Iesum, vt eum morti traderent. Et duxerunt eum in concilium suum, dicentes: Num tu es ille Christus? Dic nobis. Et ait illis: Si vobis dixerò non creditis: quod si etiam interrogauerò, non respondebitis mihi, neque dimittetis. Ex hoc tempore erit filius hominis sedens à dextris virtutis Dei Dixerunt autem omnes: Tu ergo es filius Dei? Qui ait: Vos dicitis me esse. At illi dixerunt: Quid adhuc desideramus testimonium? Ipsi enim audi-

audiuimus ex ore eius. Et surgens vniuersa multitudo eorum, vinctum abduxit Iesum à Caipha, in prætorium, tradiditq; Pontio Pilato præfidi. Erat autem adhuc mane.

Tunc videns Iudas, qui eum tradiderat, quod damnatus esset, pœnitētia ductus, retulit triginta argenteos principibus sacerdotū et senioribus, dicens: Peccaui tradens sanguinem innoxium. At illi dixerunt: Quid ad nos? Tu videbis. Et proiectis argenteis in templo recessit, & abiens laqueo se suspendit: Suspensus autem crepuit medius, et effusa sunt omnia viscera eius. Principes autem sacerdotū acceptis argenteis, dixerunt: Non licet eos mittere in carbonem, quia precium sanguinis est. Consilio autem inito, emerunt ex illis argenteis mercede iniquitatis agrum figuli, in sepulturam peregrinorum. Et innotuit omnibus habitantibus Hierosolymæ, ita vt appellaretur ager ille, lingua illis vernacula Akeldama, hoc est, ager sanguinis, vsq; in hodiernum diem. Tunc impletū est, quod dictū est per Ieremiam Prophetam dicentē: Et acceperūt triginta argenteos precium æstimati? quem æstimatum emerunt à filiis Israel, & dederunt æs in agrum figuli, sicut constituit mihi Dominus. Iudæi autē non introiuerunt in prætorium, ne contaminarentur, sed vt ederent pascha. Exiuit ergo Pi

S 4 latus

latus ad eos foras, & dixit: Quam accusationem affertis aduersus hominem hunc? Responderunt & dixerunt ei, Si non esset hic nocens, haudquaquam tibi tradidissemus eum. Dicit ergo eis Pilatus, accipite eum vos, & secundum legem vestram iudicate eum. Dixerunt ergo ei Iudæi: Nobis non licet interficere quenquam. Vt sermo Iesu impleretur quem dixit, significans qua morte esset moriturus.

Cœperunt autem illum grauer accuſare ſummi ſacerdotes & ſeniores de multis, dicentes: Hunc deprehendimus euerſentem gentem, ac vetantem tributa dare Cæſari, & dicentem ſe Chriſtum regem eſſe. Introiuit ergo iterum in prætorium Pilatus, & vocans Ieſum interrogauit eum, dicens: Tu es ille rex Iudæorum? Reſpondit Ieſus ſtans ante eum: A temetipſo hoc tu dicis, an alij dixerunt tibi de me? Reſpōdit Pilatus: Num ego Iudæus ſum? Gens tua & pontifices tradiderunt te mihi, quid feciſti? Reſpondit Ieſus: Regnum meum non eſt ex hoc mundo. Si ex hoc mundo eſſet regnum meum, miniſtri mei vtiq; decertarēt, ne traderer Iudæis. Nūc autem regnum meum non eſt hinc. Dixit itaque ei Pilatus. Ergo rex es tu? Reſpondet Ieſus. Tu dicis, Ego ſum rex. Ego in hoc natus ſum, & ad hoc veni in mundum, vt testi-

nium

Quam accipiemus hunc
ei, Si non est
ibi tradidisset
accipite eum
ram iudicate
Nobis non
sermo Iesu
cans qua mori
um grauer
seniores de mul
hendimus eger
tributa dare Ca
n regem esse, l
num Pilatus, & v
m, dicens: Tu
ndit Iesus frans
tu dicis, an ali
odit Pilatus: Nam
& pontifices
istis: Respondit
est ex hoc munda
ignum meum, m
e traderet Iudae
non est hinc. D
es tu? Responde
ex. Ego in hoc
undum, vt test

num feram veritati. Omnis qui ex veritate
est, audit vocem meam. Dicit ei Pilatus:
Quid est veritas? Et cum hoc dixisset, iterum
prodiit ad Iudaeos, & dicit eis: Ego nihil in-
uenio noxae in hoc homine. Et cum accusa-
retur à principibus sacerdotum & seniori-
bus, nihil respondit. Pilatus autem rursus in-
terrogauit illum dicens: Non respondes
quicquam? Ecce quam multa dicunt aduer-
sum te testimonia, nō audis? Et non respon-
dit ei ad vllum verbum, ita vt miraretur prae-
ses vehementer. At illi inualescebant, Com-
mouit populum docens per vniuersam Iu-
dæam, exorsus à Galilæa vsq; ad hunc locum.
Pilatus autem audita mentione Gali-
lææ, interrogauit, num homo Galilæus esset.
Et vt cognouit, quod ad Herodis ditionem
pertineret, remisit eum ad Herodem, qui &
ipse Hierosolymis erat per id tempus.

Herodes autem viso Iesu, gauisus est val-
de. Tenebatur enim multo iam tempore cu-
piditate videndi illum, eo quod audiret mul-
ta de eo, & sperabat se signum aliquod vi-
surum ab eo. Interrogabat autem eum mul-
tis sermonibus. At ipse nihil ei respondebat.
Stabant autem principes sacerdotum et scri-
bæ acriter accusantes eum. Spreuit autem il-
lum Herodes cum exercitibus suis. Cumq;
illulisset, indutum veste alba remisit ad Pila-
tum,

S 5 tum,

tum. Et facti sunt amici inter se Pilatus et Herodes in eodem die, nam antea similitates inter eos intercesserant.

Pilatus autem conuocatis principibus sacerdotum, ac Magistratibus & plebe dixit ad illos, obtulistis mihi hunc hominem quasi auertentem populum, & ecce ego coram vobis interrogans nullum crimen inuenio in homine isto, ex his de quibus accusatis eum, sed ne Herodes quidem: Nā remisi vos ad illum, & ecce nihil dignum morte actum est ei. Emendatum ergo illum dimittam.

In festo autem necesse habebat & consueuerat præses turbæ dimittere vnum vinctum quemcunque postulassent. Habebat autem tunc vinctum insignem, videlicet latronem, qui dicebatur Barrabas, qui cum seditionis autoribus coniectus fuerat in carcerem, qui per seditionem quandam in ciuitate factam homicidium patrauerant. Et cum acclamasset turba, cœpit flagitare, vt faceret quemadmodum semper fecerat ipsis. Itaque congregatis illis respondit Pilatus, consuetudo est vobis, vt vnum dimittam vobis in Pascha. Vtrum ergo vultis dimittam vobis, Barrabam, an Iesum regem illum Iudæorum, qui dicitur CHRISTVS? Sciebat enim quod propter inuidiam tradidissent illum summi sacerdotes. Sedente autem illo pro tribunali, misit

misit ad eum vxor eius dicens: Nihil tibi cum iusto illo. Multa enim passa sum hodie in somnis propter eum. Principes autem sacerdotum & seniores concitauerunt turbas, persuadentes vt sibi potius dimitti peterent Barrabam, Iesum vero perderent. Respondens autem præsides ait illis: Vtrum vultis vobis è duobus dimittam? Et exclamauit simul vniuersa turba dicens: Tolle hunc, & dimitte nobis Barrabam. Iterum autem Pilatus locutus est ad eos, volens dimittere Iesum, & ait: Quid igitur vultis faciam Iesu, quem dicitis regem Iudæorum? At illi rursus clamauerunt omnes: Crucifige, crucifige eum. Ille autem tertio dixit ad illos: Quid enim mali fecit? Nullum crimen capitale comperio in eo. Castigatum ergo dimittam illum. At illi magis clamabant, dicentes: Crucifigatur. Et instabant, vocibus magis postulantes vt crucifigeretur. Et inualescebant voces eorum, & summorum sacerdotum.

Tunc ergo apprehendit Pilatus IESUM & flagellauit. Milites autem præsidis abduxerunt eum intro in atrium, quod est prætorium, & conuocant ad eum totam cohortem, exutumque induunt purpura siue chlamyde coccinea, & plectentes coronam de spinis imponunt capiti eius, dantque arundinem

nem in dexteram eius, & genu flexo ante eum, illudentes ei coeperunt salutare, dicentes: Ave rex Iudæorum: Et dabant ei alapas. Et cum expuissent in eum, acceperunt arundinem & percutiebant caput eius, & positis genibus adorabant illum.

Exiuit iterum Pilatus foras, & dicit eis: Ecce adduco eum vobis foras, vt cognoscatis, quod nullam causam in eo inuenio. Exiuit ergo Iesus foras, gestans spineam coronam & purpureum pallium. Et dicit eis: Ecce homo. Cum ergo vidissent eum pontifices & ministri, clamabant dicentes: Crucifige, crucifige. Dicit eis Pilatus, accipite eum vos & crucifigite. Ego enim non inuenio in eo causam. Responderunt ei Iudæi, Nos legem habemus, & secundum legem nostram debet mori, quia Filium Dei se fecit. Cum ergo audisset Pilatus hunc sermonem, magis timuit. Et ingressus est iterum in prætorium & dicit ad Iesum, vnde es tu? Iesus autem responsum nõ dedit ei. Dicit ergo ei Pilatus, Mihi non loqueris? Nescis quod potestatem habeam crucifigendi te, et potestatem habeam absoluendi te. Respondit Iesus, Nõ haberes potestatem aduersus me vllam, nisi tibi datum esset è supernis, propterea qui me tradidit tibi maius peccatum habet. Ex eo quærebat Pilatus absolvere eum. Iudæi autem clamabant,

bant dicentes : Si hunc absolueris, non es amicus Cæsaris. Quisquis se regem facit, contradicit Cæsari.

Pilatus autem cum audiisset hunc sermonem, produxit foras Iesum, seditque pro tribunali loco, qui dicitur lithostrotos. Hebraice autem Gabbata. Erat autem parasceue paschæ hora ferme sexta. Et dicit Iudæis, Ecce rex vester. Illi autem clamabant, Tolle, Tolle, crucifige eum. Dicit ergo Pilatus, Regem vestrum crucifigam? Responderunt Pontifices, Non habemus regem nisi Cæsarem. Tunc ergo Pilatus videns, quod nihil proficeret, sed magis tumultus fieret, volens turbæ facere satis, adiudicauit ut fieret quod illi postulabant. Et accepta aqua abluît manus coram populo : Innocens ego sum à sanguine huius iusti, vos videbitis. Et respondens vniuersus populus dixit : Sanguis eius super nos & super filios nostros.

Dimisit autem illis Barrabam, qui propter seditionem & homicidium coniectus fuerat in carcerem, quem poposcerant. Iesum autem flagellatum & illusum tradidit arbitrio illorum, ut crucifigeretur.

Accipientes autem Iesum milites, exue-
runt eum purpura, et induerunt eum vesti-
bus proprijs, & abduxerunt eum baiulantem
suam crucem, ut crucifigeretur. Exeuntes au-
tem

tem inuenerunt quendam prætereuntem, hominem Cyreneum, nomine Simonem, venientem ex agro, patrem Alexandri & Rufi. Hunc apprehēdentes coegerunt, vt tolleretur crucem eius. Et imposuerunt illi crucem, vt portaret post Iesum. Sequebatur autē illum multa turba populi ac mulierum, quæ plangebant & lamentabantur eum. Conuersus autem ad illas Iesus dixit: Filiae Hierusalem nolite flere super me, sed super vobis ipsis flete & super filiis vestris. Quoniam ecce venient dies in quibus dicent: Beati steriles & ventres qui non genuerunt, & vbera quæ non lactauerunt. Tunc incipient dicere montibus, cadite super nos, & collibus, operite nos, quia si in humido ligno hæc faciunt, in arido quid fiet? Ducebantur autem & alij duo cum eo facinorosi, vt interficerentur.

Et ducunt eum in locum, qui dicitur hebraicè Golgata, quod est, si interpreteris, caluarie locus. Et ibi dederunt ei acetum siue myrrhatum vinum cum felle mixtum bibere. Et cum gustasset, noluit bibere.

Et crucifixerunt eum in Golgata, & cum eo duos latrones, vnum à dextris & alterum à sinistris eius, medium autem Iesum, Et impleta est scriptura, quæ dicit: Et cum iniquis deputatus est. Erat autem hora tertia dum crucifixerunt eum.

Iesus

Iesus autem dicebat: Pater, remitte illis,
nesciunt enim quid faciant.

Scriptit autem & titulum Pilatus, id est,
inscriptionem causæ illius, & posuerunt su-
per crucem ad caput Iesu. Erat aut scriptum
IESVS NAZARENVS REX IUDÆORVM. Hunc ergo titulum multi Iu-
dæorum legerunt, quia prope ciuitatem erat
locus, ubi crucifixus est Iesus: Et erat scriptum
literis Hebraicis, Græcis & latinis. Dicebant
ergo Pilato pontifices Iudæorum, Noli scri-
bere, Rex Iudæorum, sed quod ille dixerit:
Rex sum Iudæorum. Respondit Pilatus,
Quod scripsi, scripsi.

Milites ergo cum crucifixissent Iesum, ac-
ceperunt vestimenta eius, & fecerunt qua-
tuor partes, unicuique militi partem, & tuni-
cam. Erat autem hæc tunica inconsutilis, à
summo contexta per totum. Dixerunt ergo
inter se, ne scindamus eam, sed fortiamur de
illa cuius sit, ut scriptura impleretur, quæ
scripta est per Prophetam, dicens: Partiti
sunt sibi vestimenta, & super vestem meam
miserunt sortem. Sedentes autem seruabant
eum ibi. Et milites quidem hæc fecerunt. Es
populus stabat spectans.

Stabant autem iuxta crucem Iesu mater
eius, & soror matris eius Maria vxor Cleo-
phæ & Maria Magdalena. Cum vidisset ergo
Iesus

Iesus matrem ac Discipulum astantem, quē diligebat, dicit matri suæ: Mulier ecce filius tuus. Deinde dicit Discipulo: Ecce mater tua. Et ex illa hora accepit eam discipulus in sua. Qui autem præteribant, conuicia iaciebant in eum, mouentes capita sua, & dicentes: Væ qui demoliris templum & in tribus diebus extruis. Serua te ipsum, Si Filius Dei es, descende de cruce. Similiter & summi sacerdotes illudentes inter sese cum scribis & senioribus & populo dicebant, alios seruauit, semetipsum seruare non potest. Si hic est ille Christus, rex Israel, ille Dei electus, seruet seipsum, descendatque nunc de cruce, ut videamus & credamus ei. Cōfidit in Deo, liberet eum nunc, si vult eum. Dixit enim. Filius Dei sum. Idipsum autem & latrones qui crucifixi erant cū eo exprobrabant conuiciantes ei. Illudebant autem ei & milites accedentes, & acetum offerentes ei, atque dicentes, Si tu es rex ille Iudæorum, saluum te fac. Vnus autem de his qui pendebant facinorosorum, conuicia dicebat in eum dicens: Si tu es Christus, te ipsum serua & nos. Respondens autem alter increpabat eū, dicens: Ne tu quidē times Deū, quod in eadem dānatione es? Et nos quidē iuste, nam digna factis recipimus, Hic vero nihil mali gessit. Et dicebat ad Iesum: Domine, memēto mei, cum

cum veneris in regnum tuum. Et dixit illi Iesus: Amen dico tibi, hodie mecum eris in Paradiso.

Ab hora vero sexta tenebrae factae sunt super vniuersam terram, usque ad horam nonam, et obscuratus est Sol. Et circa horam nonam clamauit Iesus voce magna, dicens: Eli, eli, lamma azabthani? quod est, si quis interpreteretur, Deus meus, Deus meus, cur dereliquisti me? Quidam autem illic stantiū, cum audissent, dicebant: Ecce Heliā vocat iste. Sciens autē Iesus, quod omnia iam consummata essent, ut consummaretur scriptura, dicit, Sirtio. Vas igitur erat positum aceto plenum, & continuo accurrens vnus ex eis, cum acceptam spongiam impleisset aceto & hyssopo, imposuit harundini, obtulitque ori eius, ut biberet, & tū ceteri dicebant, Sinite, videamus, an veniat Helias ad deponendum eum. Cum ergo accepisset Iesus aceto, dixit, Consummatum est. Et iterum clamauit voce magna, dicens: Pater in manus tuas commendo Spiritum meum. Et cum hæc dixisset, inclinato capite tradidit Spiritum.

Et ecce velum templi scissum est medium in duas partes, à summo usque ad imum, et terra mota est, & petrae scissae sunt, et monumenta aperta, & multa corpora sanctorum, qui dormierant surrexerunt, & egressi è monu-

T

mentis

mentis post resurrectionem eius venerunt in sanctam ciuitatem, & apparuerunt multis.

Centurio autem qui astabat ex aduerso illi, & qui cum eo erant custodientes Iesum, videntes quod sic emissio clamore expirasset, visoque terræ motu, & his quæ facta fuerant, timuerunt valde, & glorificauerunt Deum, dicentes, Vere hic homo iustus erat & Filius Dei. Et omnes turbæ eorum, qui simul accesserant ad spectaculum istud, & viderant quæ contingebant, percutientes pectora sua reuertebantur.

Stabant ibi omnes noti eius procul, & multæ mulieres, quæ secutæ erant eum à Galilæa, hæc videntes. Inter quas erat Maria Magdalene, & Maria Iacobi parui & Ioseph mater, & Salome mater filiorum Zebedæi, quæ etiam, cum esset in Galilæa, secutæ fuerant illum, & ministrauerant ei, aliæque complures, quæ simul à Galilæa ascenderant cum eo Ierosolymam.

Iudæi ergo, quoniam Parasceue erat, vt non remaneret in cruce corpora Sabbato (erat magnus dies ille Sabbati) rogauerunt Pilatum, vt frangerentur eorum crura & tollerentur. Venerunt ergo milites, & primi quidem fregerunt crura, & alterius, qui crucifixus est cum eo. Ad Iesum autem cum venissent, vt viderunt eum iam mortuum, non

frege-

fregerunt eius crura, sed vnus militum lancea latus eius fodit, & continuo exiuit sanguis & aqua. Et qui vidit, testimonium perhibuit, & verum est testimonium eius. Et ille scit quod vera dicit, vt & vos credatis. Facta sunt enim hæc, vt scriptura impleretur, Os non comminuetis ex eo. Et rursus alia scriptura dicit, Videbunt in quem pupugerunt.

Post hæc autem cum vespera facta esset, quoniam erat parasceue, quæ præcedit Sabbatum, venit Ioseph Aramathiensis, oriundus ab Arimathæa ciuitate Iudeorum, vir diues, Senator, bonus & iustus, qui non consenserat consilio & facto eorum. Erat enim & ipse expectans regnum Dei. Nam & discipulus erat Iesu, sed occultus propter metum Iudæorum. Hic summa audacia ingressus est ad Pilatū, & petijt ab eo, vt tolleretur corpus IESV. Pilatus autem admiratus est, si iam mortuus esset. Et accersito ad se Centurione interrogauit illum, an iam dudum mortuus fuisset. Et cognita re ex Centurione, donauit corpus IESV ipsi Ioseph, iubens reddi illi. Et Ioseph mercatus est sindonem. Venit autem & Nicodemus, qui venerat prius ad IESVM nocte, ferens mixturam myrrhæ & aloes, ad libras ferme centum. Acceperunt ergo corpus Iesu depositū, & in-

T 2 uolue.

uoluerunt illud in sindone munda, obuinxeruntque linteis cum aromatibus, sicut mos est Iudæis sepelire: Erat autem in eo loco, ubi crucifixus est, hortus, et in horto monumentum Ioseph nouū, quod is exciderat in Petra, in quo nondum quispiam positus erat, Ibi ergo quia parasceue erat Iudæorum, & sabbatum illucescebat, quod in propinquo esset monumentum, posuerunt Iesum, Et ad uoluto saxo ingenti ad ostium monumenti, abierunt. Erat autem ibi Maria Magdalene & Maria Iose, sedentes contra sepulcrum, et aliæ mulieres, quæ & ipsæ venerat cum Iesu de Galilæa, spectantes ubi & quemadmodum positum erat corpus eius.

Reuersæ vero parauerunt aromata et vnguenta, ac sabbato quidem quieuerunt secundum præceptum.

Postremo autē die, quæ sequitur post parasceuen, cōuenerunt principes sacerdotum & Pharisei ad Pilatum, dicentes: Domine recordati sumus, quod impostor ille dixit adhuc viuens. Post tres dies resurgam. Iube ergo muniri sepulcrum usque in diem tertium, ne quando veniant discipuli eius & furentur eum, dicantque plebi, surrexit à mortuis: Et erit nouissimus error peior illo priore. Ait illis Pilatus, Habetis custodiam. Ite, munite sicut scitis. Illi autem abeuntes munie-

munierunt sepulcrum obsignato lapide, adhibitis custodibus.

ENARRATIO TEXTVS.

CVM nullum opus sit magis admirandum, quam opus redemptionis, quæ est Passio & mors Domini nostri Iesu Christi, iuxta dictum Petri in prioris primo: Non redempti estis caducis rebus auro & argento: sed precioso sanguine agni immaculati & incontaminati, nempe Iesu Christi, decet nos, carissimi fratres & sorores, summo studio incumbere, ut huius mirandi operis historiam cognoscamus, præsertim cum nobis commendetur in articulis fidei nostræ, ubi profiteamur nos credere in Filium Dei Dominum nostrum Iesum Christum, qui est passus sub Pontio Pilato, crucifixus & mortuus &c. Idque in eum finem, ut ex noticia historię, in nobis fides per spiritum Sanctum excitetur, unde fiat, ut huius mirandi operis fructus ad nos pertingat.

Ceterum quo distinctius & clarius de hoc admirando opere dicere possimus, diuidam totam doctrinam de passione Domini in tres locos seu articulos, qui sunt:

- I. Quotupliciter Dominus est passus.
- II. Passionis Domini æstimatio & fructus.
- III. Pia et salutaris meditatio Passionis Domini.

DE PRIMO.

Quia nos peccauimus anima & corpore, & debuit fieri satisfactio pro utroque, Dominus noster

T 3 Iesus

Iesus Christus passus est & anima & corpore: Idcirco dicam de utriusq; passione, animæ uidelicet & corporis Domini.

Quod sit in anima passus, testatur ipse & uoce & signo. Voce, cum dicit: Tristis est anima mea usq; ad mortem: & in cruce: Deus meus, Deus meus cur deseruisti me? Huc pertinet & Prophetia Dauid de Christo: Dolores inferni circumdederunt me, id est, maximis doloribus afficiebar. Signo testatur dolorem apud sepulcrum Lazari, Iohan. 11. & in horto. Apud sepulcrum, cum cogitat tyrannidem Diaboli in genus humanum, & generis humani miseriam: Nam omnes dolores animi, quos perpassus est Christus 33. annis usq; ad mortem eius, sunt pars passionum, quibus afficiebatur Filius Dei.

In horto testatur maximam fuisse animæ suæ tristitiam, dum præ doloris acerbitate sudauerit sanguineas guttas. Naturale quidem est, quod homo lacrimet & sudet interdum in ingenti dolore, audito subitaneo malo: sed nullus unquam inuentus fuit, qui sudorem sanguineum præ dolore sudauerit: nemo enim tantum dolorem sustinere posset.

Si queritis causas huius ingentis doloris, scitote non unam esse, sed multas: quarum hæ sunt præcipuæ:

PRIMA: cogitatio tyrannidis in humanum genus, & maximæ miseriæ, qua omnes homines propter defectionem à Deo premebantur.

SECUNDA: cogitatio iræ Dei, quam ipse sustinere

sustinere debuit, propter peccata nostra, quæ in se recepit. Tamen enim ipse fuit immunis ab omni peccato, tamen in se recipit reatum peccatorum totius mundi. Vnde Iohannes: Agnus Dei tollit, id est, in suo corpore gestat, peccata mundi, sensit igitur vere filius Dei iram Patris: qui sensus tantum dolorem in sanctissima anima excitauit, quod sanguinem sudauerit.

TERTIA: cogitatio supplicij, quod in sanctissimo suo corpore mox sequenti die se perpassurum præuidit, & contumeliæ qua afficeretur.

QUARTA: cogitatio ingratitudinis maximæ partis orbis terrarum. Præuidit enim fore, quod multi sapientes, multi potentes, & alij omnino essent hoc suum supplicium pro illis redimendis susceptum aspernaturi, imo se & suos persecuturi: præuidit etiam quod maxima pars eorum, qui Christianum nomen portant, suis sceleribus effecturi essent, ut hoc suo beneficio se ipsi ingrati priuarent. Hæ quatuor causæ acerbissimum dolorem in corde Christi excitarunt.

Hunc dolorem Domini & nos cogitare debemus, quo ad fidem & pietatem excitemur, ne cum ingrato mundo pereamus.

Hæc sint breuiter dicta de animæ Christi cruciatu: nunc de corporis supplicio dicam. Etsi enim corporis ipsius cruciatus incepit in præsepi, quando matri DOMINI nullus erat locus in diuersorio, & postea cum octaua à natiuitate sua die,

T 4

sanguis

sanguinem in circumcisione effudit: & deinde usque ad tempus, quo uictima est factus in ara crucis pro nobis: Hoc tamen tempore dicam de eo supplicio quod sustinuit primum. Etsi autem iam ex Historia, quam recitavi, facile à quouis intelligi potest, quam uarijs modis sit afflictus in sanctissimo suo corpore Dominus: tamen quod late in Historia sparsum est, in breuem summam contraham & distribuam pro ratione locorum, in quibus est affectus supplicio. Sunt autem hæc loca: hortus, domus Caiphæ, sacerdotum conciliabulum, domus Herodis, prætorium, golgata, hoc est, locus extra urbem, ubi sumebatur supplicium de latronibus.

Quid passus est in horto? Osculo traditus est, manus militum in eum iniectæ sunt: comprehensus est & uinctus tanquam fur & latro abductus est, ubi & illum omnes ipsius discipuli deseruerunt.

Quid passus est in domo Caiphæ? Illuditur falsis testimonijs & conuicijs obruitur, & à ministro sacerdotis alapa ceditur.

Quid patitur in concilio sacerdotum? falsis testimonijs grauatur, illuditur, expuitur in faciem eius, colaphis ceditur, obiecta facie percutitur, & iubetur uaticinari, quis illum percusserit.

Quid patitur in domo Herodis? Contemptum tyranni & totius aulæ ipsius, & in extremi contemptus testimonium, indutum Iesum ueste splendida misit Herodes ad Pilatum.

Quid patitur in prætorio? Illic accusatur: pro-

ducitur=

ducuntur aduersus eum falsi testes : petitur ut crucifigatur : à militibus Pilati induitur purpura in maiorem contemtum : corona spinea imponitur capiti ipsius : datur arundo in dextram eius, & genuflexione illuditur hoc scommate: Ave Rex Iudeorum : expuebatur in faciem eius, dabantur illi lapæ, percutiebatur sanctissimum caput eius fustibus, & tandem ad petitionem sacerdotum & totius populi adiudicatur cruci, mortis generi contemtissimo.

Quid patitur iam condemnatus? Imponitur humeris ipsius lignum crucis, in quod erat affigendus : crucifigitur inter duos latrones, ut ipse inter eos maxime facinorosus iudicetur : crucifixo datur vinum myrrhatum, cum felle mixtum : & tandem in his grauissimis cruciatibus moritur. Hinc apparet quam acerbum supplicium sustinuerit Filius Dei Dominus noster Iesus Christus.

Sed quarum rerum nos admonet supplicij grauitas? Sane multarum, & præcipue quatuor.

PRIMUM enim magnitudo iræ Dei aduersus peccatum conspicitur : peccatum enim nostrum ita prouocauerat iram Dei, ut non potuerit placari nisi per filium Dei, qui humana natura assumpta nostram uicem sustinet, & satisfacit iusticiæ Dei.

SECUNDO hic conspicitur foeditas peccati : Nam pro delicti qualitate supplicia quoque variant. Latro rota punitur, fur patibulo, homicida gladio, puer delinquens uirga, uerum Filius Dei

T S turpiss-

turpissimam mortem & execrabilem in lege Dei perpeffus est, quare significatur, quam abominabile sit peccatum in conspectu Dei.

TERTIO conspicitur hic humiliatio Filij Dei, qui infra omnes creaturas deiectus fuit: qua humiliatione testatur amorem suum erga genus humanum, cuius redimendi causa tanta sustinuit.

QUARTO, conspicitur horrendum & implacabile odium Iudeorum aduersus sibi missum saluatorem. Tametsi autem nil est hic factum praeter consilium Dei: Nam longe antea passio Christi est praefigurata & praedicta à sanctis Dei Prophetis, ut Petrus dicit in prioris primo: tamen Iudei hoc non fecerunt, ut Dei consilio obtemperarent: sed ut suo odio satisfacerent. Ea enim est mundi natura, quod eos qui scelera acerbius reprehendunt, è medio sublato cupiat, quo licentius peccare liceat. Hac sint breuiter dicta de primo loco.

DE SECVNDO.

Vidimus qualis fuit Christi passio, nunc quod secundo loco promisi, ostendam quæ sit passionis Christi aestimatio coram Deo, & quis fructus inde proueniat.

Quæ est ergo eius aestimatio coram Deo? Passio Domini nostri Iesu Christi est sacrificium propitiatorium, in quo æternus Filius Dei homo factus & Sacerdos perpetuus à Deo constitutus, obtulit se per Spiritum æternum æterno Patri, ut ista sua oblatione placaret iram Dei, & satisfaceret pro culpa

culpa & poena humani generis, ut omnes, qui in illum credunt & credituri sunt, per eundem sanctificentur ad uitam eternam, iuxta illud Iohan. 17. pro illis sanctifico meipsum. Hinc patet quæ sit æstimatio passionis Domini, & quis fructus inde ad nos homines proueniat, modo in Christum uina fiducia recumbamus, Christus Mediator inter nos & Deum constitutus, sacrificio suo, id est, morte & passione placat iram Dei, ipse Sacerdos seipsum offert Deo, idq; ut nos à reatu damnationis liberet. Videmus proinde quinque esse in hoc sacrificio. 1. Sacerdos est ipse Christus. 2. Victima seu res quæ offertur est ipse Sacerdos. 3. Deus est cui hoc sacrificium offertur. 4. Mundus est, pro quo fit hæc oblatio. 5. Pactum & fœdus est, quod hæc oblatio fidelibus tantum cedat in salutem.

Sed qui fieri potest, ut unius Christi mors sit satisfactoria pro totius mundi peccati? Ecce agnus Dei, inquit Iohannes, qui tollit peccata mundi: nam ex indiuidua & ineffabili unione diuinæ & humane nature in una persona est dignitas, æstimatio & meritum infinitum omnium operum & passionum Christi. Cum ergo dicitur, Filius hominis redemit nos per meritum passionis suæ, opus infiniti precij & ualoris nominatur, quia is Filius hominis, qui est passus, etiam est Deus. Item mors hominis est satisfactio, quia est mors hominis qui est Deus. Obedientia filij hominis est nostra iusticia, quia est obedientia hominis, qui est Deus.

Ita

Ita Filius hominis remittit peccata, quia est Deus, Caro Christi est cibus uitæ, quia est caro hominis, qui est Deus. Tametsi autem diuina natura in Christo non est passa, sed humana tantum, ut Petrus ait: Christus est passus carne, tamen passio est persone: adeo ut quicquid contumeliæ factum est humanitati Christi, id totum in contumeliam personæ cessarit, iuxta illud: Dominum gloriæ crucifixerunt: unde Ecclesia confitetur Filium Dei passum esse, quid in humana natura assumpta est passus.

Quæ sit æstimatio passionis Domini coram Deo dictum est, & quis sit eius fructus in genere, nunc autem quo fructus passionis Domini conspiciatur melius, cum in partes distribuam, sunt igitur hi fructus:

PRIMVS, Deo præstita est obedientia. Philip. 2. Humiliauit seipsum, factus obediens usque ad mortem crucis.

SECUNDVS, Diabolus est uictus, In hoc (inquit Iohannes) apparuit Christus, ut destruat opera Diaboli, iuxta primam promissionem: semen mulieris conteret caput serpentis.

TERTIVS, homo à peccatis saluatus est & iustificatus. Ecce, inquit peccatis saluatus est & tollit peccata mundi. Item Rom. 4. Mortuus est propter peccata nostra. 2. Cor. 5. Eum qui non nouit peccatum, fecit peccatum, ut nos fieremus iusticia Dei in ipso, hoc est, Christum fecit pro peccato hostiam, ut ipsius iusticia nos iustificemur coram Deo.

Quarta

QUARTVS, æquatio Iudæorum & gentium, iuxta illud Ephes. 2. Ipse enim est pax nostra, qui fecit utraq; unum, & interstitium maceræ soluens, inimicitias per carnem suam, legem mandatorum in decretis abolens, ut duos conderet in semetipsum in unum nouum hominem, faciens pacem, ut reconciliaret ambos in uno corpore Deo per crucem.

QVINTVS, Mors abolita est, Hoseæ 13. Ero mors tua ô mors. Breuiter Christi uictima est nostra redemptio. Nam est precium persolutum pro nobis, quo Deus placatus est, homo redemptus, Diabolus uictus, atq; adeo omnia in cælo et in terra uni capiti Christo subiecta sunt, Ephes. 1.

DE TERTIO.

Pia & salutaris meditatio Passionis Dominicæ ad sex partes reuocari potest, quas Christiani non tantum hoc tempore: ueram toto suæ uitæ tempore meditari debent. Harum enim partium pia meditatio non solum confutat eos, qui in Papatu putant se satisfacisse officio, si toties dominicam orationem et salutationem Angelicam recitauerint, procumbentes coram idolis erectis in superstitiosum cultum: uerumetiam mirum in modum pios confirmat & consolatur, proponam igitur ordine sex partes huius meditationis.

PRIMA: ueniet nobis in mentem, quantam necesse sit iram Dei fuisse ob peccatum hominum, quæ non potuit placari ullius creaturæ opere: sed necesse

necesse fuerit unigenitum Filium Dei mori, quo iram Dei hac iusta pro peccato satisfactione soluta placaret.

SECUNDA: ueniet uobis in mentem, quam immensa & imperuestigabilis fuerit misericordia Dei patris, qui potius uoluerit Filium unigenitum sustinere acerbissimam mortem, quam genus humanum à se conditum perdere. Forte cogites Deum potuisse alia ratione genus humanum liberasse. Tu qui es, qui Deum uis docere qui potuerit? cogita de iusticia Dei & misericordia simul: ut enim misericordia mouit illum ad saluandum: ita iusticia eum mouit, ut fieret iusta iniuriæ compensatio. Homo peccauit, debuit ergo aut perire, aut satisfacere: non autem potuit purus homo satisfacere iusticiæ Dei, neq; debuit alius quam homo: Sapientia ergo Dei hic inuenit ex misericordia remedium, ut Filius Dei æternus fieret homo, quo & posset, quia Deus, & deberet, quia humanam naturam in se recepisset, satisfacere iusticiæ Dei. Ita in Christi passionem apparet mixta cum misericordia iusticia, & utramq; temperauit sapientia.

TERTIA: ueniet in mentem summus & inenarrabilis amor Filij Dei erga genus humanum, qui uoluit in se deriuare iram Patris, ac sustinere tam ignominiosam mortem, idq; pro inimicis suis, ut Paulus testatur Rom. 5.

QUARTA: ueniet tibi in mentem uera ratio, qua tibi possit applicari fructus passionis Domini,

10
 Filium Dei
 cato satisfactio
 et nobis in me-
 bilis fuerit
 luerit Filium
 ortem, quam
 ere. Forte cu-
 us humanum
 nocere qui po-
 tericordia sunt
 ad saluandum
 ista iniuria com-
 ergo aut perire
 purus homo
 alius quam ho-
 ex misericordia
 ret homo, qui
 ia humanam na-
 iusticie Dei
 cum misericordi-
 sapientia.
 miet in mentem
 filij Dei erga
 uare iram Patri-
 mortem, idq; pro-
 m. s.
 miet tibi in men-
 dicari fructus

minica, ut tibi sit salutaris. Fit autem hec appli-
 catio uerbo, fide, & Sacramento. Verbo offertur
 quasi manu Dei beneficium passionis Domini, ubi
 & quoties predicatur Euangelium Iesu Christi, &
 ministri uerbi uice Dei omnibus, qui audiunt Euan-
 gelium, fructum passionis Domini ostendunt. Deinde,
 cum ita offertur quasi manu DEI beneficium
 passionis Domini, debet fide recipi quasi manu qui-
 dem hominis, quam fidem Spiritus sanctus efficit in
 hominibus audientibus & obtemperantibus Euan-
 gelio: preterea Sacramento utroq; Baptismo &
 Coena Domini obsignatur, ac eius uis & usus tan-
 quam in tabellis pingitur, quemadmodum heri au-
 diuimus. Cum igitur recitas articulum fidei de
 passione Domini, firmiter statue, & certissime cre-
 de, quod pro te mortem Filius Dei subierit, quod
 cum feceris, mortis Domini es particeps, adeo tota
 Christi obedientia, tua fit absolutio a peccato &
 tua iusticia. Est autem duplex obedientia in Chri-
 sto considerata: Obedientia crucis, & obedi-
 entia legis, quæ eius erat perfecta impletio. Ut obe-
 dientia crucis est expiatio peccati: ita obedientia
 legis nobis imputatur in iusticiam, Rom. 5.


QUINTA: cum ita participes sumus effecti
 passionis Domini per fidem, in mentem nobis ueni-
 et, qualis nam sit sors piorum in hac uita. Quem-
 admodum enim Christus est passus: Ita uult & rea-
 liquos pios pati, ut sint conformes imaginis Filij
 Dei:

Dei: Vnde Paulus Rom. 6. Ideo enim compatimur, ut una cum illo glorificemur.

SEXTA: ueniet nobis in mentem, quid Christus à nobis, quos suo sanguine redemit, requirat: nam cum iam ab ipso redempti sumus, debemus ei obedire. Quid uult ipse? 1. ut renunciemus hosti ipsius Diabolo. 2. ut fugiamus peccatum, ne rursum scientes & uolentes Deum nostris peccatis offendamus. 3. Ut sanctitati & pietati studeamus, & seruiamus illi in uero timore omnibus diebus uite nostræ: quod si fecerimus, finem fidei reportabimus salutem animarum æternam, quam donet nobis Deus Pater per Iesum Christum Dominum nostrum, Amen.

HISTORIA RESURRECTIONIS DOMINI NOSTRI IESU CHRISTI

ex collatione quatuor Euangelistarum concinnata.



CUM præterisset Sabbatum, Maria Magdalena, & altera Maria quæ Iacobi dicitur, & Salome, & Ioanna, & cæteræ quæ cum eis erant, quæ venerant cum Iesu de Galilæa, emerunt & parauerant aromata, ut uenirent, & ungerent Iesum. Nam Sabbato quieuerant secundum præceptum,

Vespera



Vespera
in vnam sab
do crepuscul
primo die Sa
ad monum
uerant aroma

Ecce te
Angelus enim
& accedens d
super ei
algor, & vest
Præ tim
custodes, &
Mulieres



Vespera autem sabbatorum, quæ luceſcit
in vnam sabbatorum, id eſt, mane profun-
do crepusculo, cum adhuc eſſent tenebræ
primo die Sabbatorum, veniunt exorto ſo-
le ad monumentum, portantes quæ para-
uerant aromata.

Erecc terræmotus factus eſt magnus,
Angelus enim Domini deſcendit de cœlo,
& accedens deuoluit lapidem ab oſtio, ſede-
batq; ſuper eum. Erat autem aſpectus eius
fulgur, & veſtimentum eius candidum ſicut
nix. Præ timore autem eius concuſſi ſunt
cuſtodes, & facti ſunt veluti mortui.

Mulieres autem dicebant ad inuicem,

V

Quis

Quis reuoluet nobis lapidem ab ostio monumenti? Nam erat magnus valde. Et cum respexissent, vident lapidem esse reuolutum à monumento. Et ingressæ in monumētum, non inuenerunt corpus Domini Iesu. Currit ergo Maria Magdalena, vt hæc nunciet. Et factum est, dum mulieres mente cōsternatæ essent de hoc, quod non inuenissent corpus Iesu, ecce duo viri steterunt iuxta illas in vestibus fulgurantibus. Cum expauissent autem & declinarent vultum in terram; dixerunt ad illas: Quid quæritis viuentem cum mortuis? Non est hic, sed resurrexit. Recordamini vt dixerit vobis, cum adhuc in Galilæa esset, dicens quod oportuerit filium hominis tradi in manus hominū peccatorū, & crucifigi & die tertio resurgere, Et recordatæ sunt verborum eius, & egressæ à monumento, nunciauerunt postea hæc omnia illis vndecim & cæteris omnibus. Et dicebant ad Apostolos hæc, & visa sunt apud illos ceu deliramentum verba illarum, neq; crediderunt illis. Cum vero currit Maria Magdalena (vt dictum est) venit ad Simonem Petrum, & ad alterum discipulum, quem amabat Iesus, & dicit illis, Sustulerunt Dominum ex monumento, & nescimus vbi posuerunt eū.

Surgens ergo Petrus exiit & ille alius discipulus, & venerunt ad monumentū. Cū
rebant

rebant aut
pulus præ
ad monume
dit posita
Venit ergo
inroiu in
mina sola p
super caput
positum, sed
locum. Tum
cipulus, qu
tum, vidit
uerant scri
mortuis r
rursus ad
quod acci
Maria a
loris plorās
monumentu
ctos albis se
rum ad ped
su. Dicunt
eis, Sustuler
vbi posuer
ueria est re
nec sciebat
quid plora
quod hor
si tu aspo

rebat autem duo simul, & ille alius discipulus præcurrit citius Petro, venitq; prior ad monumentum, & cum se inclinasset, vidit posita lintheamina, non tamen introiuit. Venit ergo Simon Petrus sequens eum, & introiuit in monumentum, Et vidit lintheamina sola posita, & sudarium quod fuerat super caput eius, non cum lintheaminibus positum, sed separatim inuolutum in vnum locum. Tunc ergo introiuit & ille alius discipulus, qui prior venerat ad monumentum, viditq; & credidit. Nondum enim noverant scripturam, quod oportuisset eum à mortuis resurgere. Discipuli ergo abierunt rursus ad semetipsos. Et Petrus mirabatur quod acciderat.

Maria autem stabat ad monumentum foris plorās. Dum ergo fleret inclinavit se in monumentum, & vidit duos Angelos amictos albis sedentes, vnum ad caput, & alterum ad pedes, illic ubi posuerant corpus Iesu. Dicunt ei illi, Mulier quid ploras? Dicit eis, Sustulerunt Dominum meum, nec scio ubi posuerunt eum. Hæc cum dixisset, conuersa est retrorsum, & vidit Iesum stantem, nec sciebat, q; Iesus esset, dicit ei Iesus: Mulier quid ploras? quem quæris? illa existimans quod hortulanus esset, dicit ei: Domine si tu asportasti eum, dicito mihi: ubi posueris.

fueris eum, & ego eum tollam. Dicit ei Iesus: Maria: Conuersa illa dixit ei: Rabboni, quod dicitur Magister. Dicit ei Iesus: Noli me tangere. Nondum enim ascendi ad Patrem meum, Sed vade ad fratres meos & dic eis, ascendo ad patrem meum & patrem vestrum, & Deum meum & Deum vestrum. Hæc est illa Maria Magdalena, de qua Iesus eiecerat septem Dæmonia, cui cum surrexisset apparuit primum, mane primo die Sabbati. Illa autem profecta renunciavit discipulis, qui cum illo fuerant, lugentibus ac flentibus, quod vidisset Dominum, & ea dixisset sibi. Et illi cum audissent, quod viueret ac visus esset ab illa, non crediderunt.

Ingressæ autem mulieres in monumentum, viderunt adolescentem à dextris, amictum stola candida, & expauerunt. Erat autem Angelus Domini. At ille dicit eis: Nolite timere vos, scio enim quod Iesum Nazarenum, qui crucifixus fuit, quæritis. Non est hic: surrexit enim, sicut dixit. Venite & videte locum, vbi posuerunt Dominum. Et abeūtes cito, dicite Discipulis eius & Petro, quod surrexit à mortuis, & ecce præcedit vos in Galileam, illic eum videbitis, sicut dixit vobis. Ecce dixi vobis. Et abeuntes celeriter fugerunt à monumento cum timore & gaudio magno, & currebant, vt renunciarent

rent discipulis eius. Habebat autem illas tremor & stupor, neque cuiquam quicquam dicebant, timebant enim. Cum autem issent ad renunciandum discipulis eius, ecce Iesus occurrit illis dicens: Auete. Illæ autem accesserunt & tenuerunt pedes eius, & adorauerunt eum. Tunc ait illis Iesus: Nolite timere, Ite renunciate fratribus meis, ut eant in Galilæam, & ibi me videbunt.

Quæ cum abissent, ecce quidam e custodibus venerunt in ciuitatem, ac renunciauerunt principibus sacerdotum omnia quæ acciderant, Et congregati cum senioribus, consilio habito, pecuniam copiosam dederunt militibus, dicentes: Dicite, Discipuli eius non esse venerunt, & furati sunt eum nobis dormientibus. Et si hoc auditum fuerit a præside, nos persuadebimus ei, & securos vos faciemus. At illi accepta pecunia, fecerunt sicut erant docti, & diuulgatus est hic sermo apud Iudæos usque in hodiernum diem.

ENARRATIO TEXTVS.

Hoc festum summum omnium festorum est, in quo proponitur nobis Articulus de resurrectione Domini ex mortuis, idque tertio die, iuxta scripturas, qui per suam gloriosam resurrectionem, ut victor mortis, peccati, Diaboli: Ita redemptor omnium, qui in se credere non recusauerint, factus est. Solet autem in hoc festo dici ex Historia resur-

rectionis, de beneficio seu fructu eiusdem & de usu: quæ omnia hoc præsens Euangelium continet. Narratur ab Angelo, quod Christus resurrexerit. Hæc est historię summa: iubentur mulieres non timere. Et est fructus huius beneficij: ac mulieres Christum excitatum quærunt, quarum exemplo nobis salutaris resurrectionis Domini usus commendatur, quare non frustra Paulus Timotheo scribens, ait: Memento quod Iesus Christus resurrexerit à mortuis. Nam, ut dicit idem Apostolus Rom. 10. si in corde tuo credideris, quod Deus eum suscitavit ex mortuis, saluus eris. Cæterum quo nobis hic articulus fidei nostræ reddatur confirmator, tres locos tractabo in hac concione, qui sunt:

- I. Quotuplex sit probatio resurrectionis Domini.
- II. Cur tertia die resurrexerit. (mini.)
- III. Quæ sit resurrectionis Christi fructus.

DE PRIMO.

Triplici testimoniorum genere confirmatur resurrectio Domini: nam sunt testimonia antecedentia, coniuncta & consequentia, de quibus ordine dicam.

Vt antecedentia testimonia resurrectionis Domini diligenter expendamus, admonet Christus Lucæ 24. ubi ita ait: Sic scriptum est, & sic oportuit Christum pati & resurgere tertia die, & prædicari in ipsius Nomine pœnitentiam & remissionem peccatorum omnibus gentibus. Sed ubi hoc scriptum est? Ipse respondit & ait: In Mose, Prophetis

phetis & Psalmis de me scriptum est. Proinde in Mose, Prophetis & Psalmis debemus quærere testimonia antecedentia resurrectionis Domini.

In Mose est duplex genus testimoniorum de resurrectione Domini: Nam & clavis dictis prænunciatur, & figuris multis adumbratur. Clara sunt hæc dicta: Semen mulieris conteret caput serpentis, id est, Christus Diabolum superabit, quod non fieri potuit, nisi per resurrectionem Christi ex mortuis: nam si Christus mansisset in sepulcro, Diabolus uictor fuisset Christi. Donec etenim iacuit in sepulcro Christus, nulla Christi uictoria, id est, nullus triumphus erat: Verum dum aperto sepulcro prodijt de sepulcro uiuus Dominus, se uictorem Satanae & triumphatorem declarauit. Huc & illud dictum pertinet: In semine tuo benedicentur omnes gentes terræ. Vt ergo in morte maledictio: ita in uita Christi benedictio conspicitur. Adumbratur etiam figuris in Mose. Adam dormiens & postea excitatus, figura fuit morientis & resurgentis Christi. Sic enim ait Augustinus: præfigurata est in protoplasta Adam Christi resurrectio, quia sicut ille post soporem surgens Euam de latere suo fabricatam agnouit: ita Christus è morte resurgens, ex uulnere lateris sui edificauit Ecclesiam. Isaac quoque impositus rogo ut cremaretur, liberatus tamen per Angelum, typus fuit Christi oblatus in cruce, & postea è morte exempti uirtute diuina. Ioseph coniectus in carcerem, & postea

stea eductus ad summos honores figurabat mortem
& resurrectionem Domini.

In Prophetis quoq; sunt & dicta & figure de
hac resurrectione, de qua loquitur Isaias cap. 53. Si
posuerit pro peccato animam suam, uidebit semen
longeuum, & uoluntas Domini in manu eius diri-
getur. Daniel aperte dicit Christum occidendum,
& tamen perpetuo regnaturum. Hoseas quoq; di-
cit, tertia die uiuificabit nos. Figure inter multas
sunt hæ: Samson obseratis portis clauditur in ciui-
tate: Dominus obsignato clauditur monumento.
Samson fractis seris, subtractisq; portis securus e-
uadit: Christus ruptis inferni potestatibus liber e-
greditur. Sicut perit nauis, nisi Ionas perditum de-
tur: ita perit mundus, nisi Christus patiat. Et si-
cut Ionas fuit in uentre piscis tribus diebus, & po-
stea in terram eiectus est: ita Christus triduum in
terra erat, & postea uiuus de sepulcro prodijt.

In Psalmis quoq; sunt testimonia & figure re-
surrectionis Christi. Psalmus 2. totus agit de regno
& sacerdotio Christi. Psalm. 15. Non dabis sancto
tuo uidere corruptionem. Psalm. 22. concionatur de
passione Domini & resurrectione. Psalm. 110. De
torrente in uia bibit, propterea exaltabit caput.
Idem Dauid adumbrat mortem & resurrectionem
Domini. Dauid toties fugiens, & tandem ad re-
gnum exectus, typus fuit humiliationis Christi &
glorificationis per resurrectionem. Huiusmodi
probationes mortis & resurrectionis Domini,
multe

multæ sunt in Mose, Prophetis & Psalmis, sed pauca recitavi ob temporis angustiam. Huc accedit quod Christus sæpißime præmonuit suos de sua morte & resurrectione.

Coniuncta testimonia sunt etiam duplicia, nempe clara dicta & signa. In hoc Euangelio Angelus dicit: Surrexit & non est hic. Signum conspicitur, uacuum sepulcrum: terræ motus: ostendit se Dominus primum Magdalene: Deinde pluribus Apostolis: tum 500. fratribus, & 40. diebus cum suis uersatur discipulis, & tandem multis conspicientibus uisibilis ascendit in cælum.

Consequentia testimonia sunt etiam duplicia, uox Apostolorum, ac totius Ecclesiæ uox confitentis Christum suum Dominum & Mediatorem. Deinde sunt signa quoque. Internum est spiritus Christi in corde credentium, qui illis testimonium reddit, quod Christus uiuat. Externa signa sunt baptismus & Cæna: nam Baptismo figuratur mors, sepultura, resurrectio Christi, ut Paulus docet Rom. 7. Cæna Domini quoque resurrectionem Christi nobis commendat. His testimonijs antecedentibus, coniunctis & consequentibus, qui non credit, olim uidebit iudicem in nubibus uenturum, quem hic in terra non agnouit saluatorem.

DE SECVNDO.

Cur tertia die surrexit? Cur non distulit ad extremum diem, ut nos una cum illo surgeremus? Tertia die resurrexit primum propter Prophetias, fuit

V s enim

enim prædictum ab Hosea Propheta & præfigura-
tum in Iona, ut tertia die resurgeret. Deinde ut sa-
tisfaceret suis promissionibus: promisit enim disci-
pulis, quod postquam esset traditus gentibus, &
illus ab illis occideretur, & tertia die resurge-
ret. Non autem antevertit tertium diem, ut omni-
bus constaret, eum uere mortuum fuisse. Ostendit
ergo se iacens in sepulcro 40. horis uere mortuum.
Cur autem non distulerit resurrectionem in extre-
mum diem, in promptu sunt grauissimæ causæ.

PRIMA, quia scriptum erat: Non dabis sancto
tuo uidere corruptionem. Non enim debuit corpus
Christi in sepulcro putrescere. 1. quia erat ex ca-
stissimæ uirginis sanguine factum, operante Spiritu
sancto. 2. quia dum uersaretur in mundo illud pu-
rum & incontaminatum seruauit: indignum pro-
inde fuisset tale corpus fieri uermium escam.

SECUNDA causa, cur non distulit resurre-
ctionem, est spes nostra: Ita enim Petrus ait: Bene-
dictus Deus & Pater Domini nostri Iesu Christi,
qui regenuit nos in spem uiuam per resurrectionem
Christi ex mortuis.

TERTIA causa, ut esset primus resurgentia-
um: ut. n. Adam erat primus, qui apparuit in mor-
tali corpore, propter peccatum: ita Christus primus
debuit apparere immortalis corpore iustificante &
sanante nostra corpora ab æterna morte.

Tametsi autem omnes resurgemus, & alij qui-
dam præter Christum resurrexerunt: tamen ma-
ximum

propheta & maximum discrimen est inter Christi resurrectionem
 & aliorum. Primum enim Christus resurrexit
 propria uirtute: id nemo præter illum solum po-
 tuit unquam facere. Deinde alij qui excitati sunt,
 ut filius uiduæ, filia Archisynagogi & Lazarus, ac
 alij surrexerunt iterum morituri: at Christus re-
 surrexit ad immortalitatem. Præterea differt Chri-
 sti resurrectio ab aliorum resurrectione fructu &
 efficacia. Christus enim uirtute sua excitat alios,
 id quod erat significatum in horto, ubi erat sepul-
 crus, & resurrexit iam oriente sole. Postremo &
 tempore differt Christi resurrectio à nostra: Chri-
 stus enim, ut iam ostensum est, & symbolum profi-
 tetur, surrexit tertia die, nostra uero resurrectio
 differetur ad extremum diem: Tum enim appare-
 bit æterna uita & sempiterna iusticia, quam datu-
 rus est omnibus suis, id est, in se credentibus. Hæc
 sint dicta de secundo loco, cur Christus resurrexe-
 rit tertia die, quomodo illius resurrectio à nostra
 differat, ut per resurrectionem Christi uiuam spem
 concipiamus æternæ & incorruptibilis hereditatis
 in cælo.

DE TERTIO.

Iam tertius locus de fructu resurrectionis Chri-
 sti restat, qui est copiosior & abundantior, quam
 ut humana lingua explicari possit. Paulus dicit
 omnia per Christum esse instaurata in cælo & in
 terra. Primum enim Christus prodiens de sepul-
 cro, apparet uictor, triumphator mortis, inferni
 & sæ-

et satanae, atq; ita satisfacit promissioni olim de illo editae: Semen mulieris conteret caput serpentis: quod explicans Iohannes ait: Christus apparuit ut destruat opera Diaboli. Verum quantum ad nos homines, propter quorum salutem de caelo descendit, factus homo, mortuus est et resurrexit, quadruplex fructus resurrectionis Christi spectandus est. Nam resurrectio Christi. 1. est nostra iustificatio. 2. est uirtus, qua in nobis donatur peccatum. 3. Exemplum nouitatis uitae et causa. 4. est causa nostrae resurrectionis, eiusq; pignus certissimum: de hoc quadruplici fructu ordine dicam.

PRIMVS itaq; fructus resurrectionis Domini est iustificatio nostri, de quo fructu Paulus Rom. 4. Mortuus est propter peccata nostra, et resurrexit propter iustificationem nostri. Et Daniel cap. 9. Auferetur iniquitas et adducetur sempiterna iusticia. Quanti autem precij sit hic fructus perpendendum est, quo nobis magis dulcescat. Nos nascimur in peccato et rei irae Dei. Ephes. 2. Nos omnes natura filij irae sumus: peccati stipendium est mors, Rom. 6. ab hac morte per resurrectionem Christi liberamur: nam per Christum absoluiamur à reatu peccati, atq; adeo à morte aeterna. Hinc illud in Apocalypsi: Beatus et sanctus qui habet partem in resurrectione prima, in his secunda mors non habet potestatem: sed erunt sacerdotes Dei et Christi, et regnabunt cum illo: Vt enim prima mors per Adam est: ita resurrectio prima est per Christum.

Christum. Huc & illud: Beati qui lauant stolas suas
in sanguine agni, ut sit potestas eorum in ligno ui-
ue, & per portas intrent ciuitatem.

SECUNDVS fructus resurrectionis Do-
mini est, quod ea sit uirtus, quæ in credentes trans-
unditur, qua fit, ut possint à uicijs ad uirtutem per-
tere. Hæc uirtus nobis in Baptismo confertur &
confirmatur Cœna Domini, modo nos ipsi nobis
non defuerimus. Porro hæc uirtus sentitur in ijs
tantum, qui ex immortali semine sunt regeniti,
Pet. i.

TERTIVS fructus est exemplū: nam, ut Pau-
lus inquit, Christus resurrexit, ut nos in nouitate
te ambulemus: qui ergo uicijs suis indulgent, qui
uunt scelerate & impure, testatur suo facto, quod
Christum contemnant: Cuius resurrectio nobis, ut
te degendæ speculū proposita est. Nam illi existi-
ant Christum flagellatū, spinis coronatum, fudisse
anguinem in ara crucis, ut liceat ipsis indulgere
in nobis furoribus, tyrannidi, superbiæ, libidinibus,
hoc pacto, quantum in se est, de nouo crucifigūt
lium Dei. Nos igitur qui non solum dici: uerum-
tam esse cupimus qui dicimur, hoc est. Christiani,
quod res est cogitemus, uidelicet quod Christus
ortuus sit pro peccato expiando eorum, qui illum
le recipiunt & in uera pœnitentia uiuunt, per
ortificationem ueteris hominis, & uiuificationem
ui hominis. Quatuor sunt mala, quibus grauā-
r homines, ignorantia, reatus peccati, uicia &
concu-

concupiscentiæ ingeniæ, & metus damnationis eternæ. Contra ignorantiam Christus est nobis sapientia, dum nos per Euangelium docet de sua erga nos uoluntate: nisi. n. uerbo Dei de uoluntate instruueremur, perpetuis tenebris nostra mens inuolueretur, quæ tenebræ luce Euangelij depelluntur.

Contra reatum peccati est Christus nobis iusticia: nam ipsius obedientia nobis imputatur credentibus, ut iam non peccatores: sed ut iusti in Dei conspectu appareamus.

Contra uitia & concupiscentias carni ingenas Christus est nobis sanctificatio, dum uirtute suæ resurrectionis per S. sanctum nos iustificat.

Contra metum damnationis eternæ, est Christus nobis redemptio. Hæc quatuor Christi beneficia Paulus coniungit 1. Cor. 1. his uerbis: Christus sanctus est nobis à Deo sapientia, iusticia, sanctificatio & redemptio: qui ergo extremum & ultimum beneficium expetit, debet per priores, tanquam per gradus ad illud properare, ubi enim Christum didicit, debet in eum credere: ubi credit, debet eius Spiritu sanctificari, id est, exemplo resurgentis Christi, nouam uitam uiuere. Hanc nouam uitam tandem sequetur plena liberatio in extremo iudicio, quando reddet unicuique iuxta facta sua: Sit ergo hic tertius fructus resurrectionis Domini, de quo modo dixi, uidelicet, ut in noua uita iuxta ipsius exemplum uiuamus. Hinc illud Pauli, Si surrexistis cum Christo, quæ sursum sunt sapite, &c.

Quartus

QUARTVS fructus resurrectionis Domini est, quod sit & causa & pignus nostræ resurrectionis, qua anime mortuorum coniungentur rursum corporibus, in secundo Christi Aduentu, cum veniet iudicaturus uiuos & mortuos. Hinc Paulus Cor. 15. prolixè disputat, & in hoc argumentum actat: Christus resurrexit à mortuis, ergo & nos surgemus. 1. Theß. 4. Nam si credimus, quod Iesus mortuus est & resurrexit, sic & Deus eos, qui dormierunt, per eum abducat cum illo. Et Ioh. 5. veniet hora, in qua omnes, qui in sepulcris sunt, auent uocem eius & prodibunt, qui bona egerunt, resurrectionem uitæ, qui uero mala fecerunt, ad resurrectionem iudicij: Hic fit mentio duplicis resurrectionis, scilicet uitæ & iudicij. Resurrectio uitæ est, quæ promittitur ijs, qui bene fecerunt. Resurrectio iudicij est, quam comminatur ijs, qui male fecerunt. Huc & illud Pauli Rom. 10. Hoc est uerbum fidei quod prædicamus: si confessus fueris ore tuo Dominum Iesum, & credideris in corde tuo, quod Deus eum suscitauerit ex mortuis, salua eris: ubi enim credideris, id est, resurges ad resurrectionem uitæ & salua eris, exemplo resurgentis eternæ.

Atq; hæc sint breuiter dicta de resurrectione homini: unde primum confirmanda est fides nostra de resurrectionis articulo. Deinde confutandus est error Iudeorum, qui negant Christi resurrectionem. Tum admonebimur de fructu resurrectionis, ut per eam & nos à peccato in hac uita liberemur.

resurgamus, & tandem in extremo die resurgamus
ad resurrectionem uitæ per Christum Dominum
nostrum, cui cum Patre & S. Sancto sit honor, laus
& gloria in secula seculorum, Amen.

FERIA SECUNDA

PASCHATOS, Luca 24.



E Tecce duo ex illis ibant eodem die in ca-
stellam, quod aberat spacio stadiorum
sexaginta ab Hierusalem, nomine Emaus, &
ipsi confabulabatur inter se de his omnibus
quæ acciderant. Et factum est dum confabu-
larentur ac disputarent, & ipse IESVS ap-
propin-

propinquans ibat vna cum illis. Cæterum oculi eorum tenebantur, ne eum agnoscerent, in alia enim forma apparuit eis. Et ait ad illos: Qui sunt hi sermones, quos conferatis inter vos ambulantes, & estis tristes? At respondens vnus, cui nomen Cleophas, dixit ei, Tu solus peregrinus es Hierosolymis, qui ignores, quæ facta sunt illic his diebus? Quibus ille dixit: Quæ? & dixerunt ei, de Iesu Nazareno, qui fuit vir Propheta, potens opere & sermone coram Deo & toto populo, & quomodo eum tradiderunt summi Sacerdotes & Principes nostri in condemnationem mortis, & crucifixerunt eum. Nos autem sperabamus eum esse illum, qui redempturus esset Israel. Atqui super hæc omnia tertius dies est hodie, quo hæc facta sunt. Sed et mulieres quædam ex nobis attonitos reddidere nos, quæ diluculo venerunt ad monumentum, & non inuento corpore eius, venerunt dicentes, se etiam visionem Angelorum vidisse, qui dicerent eum viuere. Et abierunt quidam eorum, qui erant nobiscum ad monumentum, & ita reppererunt, sicuti mulieres dixerant, ipsum vero non viderunt. Et ipse dixit ad eos: O stulti & tardi corde ad credendum in omnibus, quæ locuti sunt Prophetæ. Nonne hæc oportuit pati Christum & intrare in gloriam suam? Et exorsus à Mo-

X

se, &



ex illis ibant eodem
et aberat spacio
rusalem, nomine
ur inter se de
factum est d
arent, & ipse

se, & omnibus Prophetis, interpretabatur illis in omnibus scripturis quæ de ipso erant. Et appropinquauerunt castello quo ibant. Et ipse præ se ferebat se longius ire. Et coegerunt illum dicentes, Mane nobiscum, quoniam vergit ad vesperam, & inclinatus est dies. Et intrauit ut maneret cum illis. Et factum est dum accumberet cum eis, accepit panem, & benedixit ac fregit, & porrigebat illis. Et aperti sunt oculi eorum, & agnouerunt eum, & ipse euauit à conspectu eorum. Et dixerunt inter se, Nonne cor nostrum ardebat in nobis, dum loqueretur nobis in via, & aperiret nobis scripturas.

Et surgentes eadem hora regressi sunt Hierosolymam, & inuenerunt congregatos undecim, & eos, qui cum illis erant, dicentes: Surrexit Dominus vere, & apparuit Simoni, Et ipsi narrabant quæ gesta erant in via, & quomodo fuisset agnitus ipsis ex fractione panis, nec his illi crediderunt. Erat autem vespera die illo, qui erat vnus sabbatorum, & fores erant clausæ, ubi erant discipuli congregati propter metum Iudeorum.

ENARRATIO TEXTVS.

Summa huius Historiæ est, quod Christus eo die, quo resurrexerat, apparuerit duobus discipulis proficiscentibus Emaus (fuit autem Emaus vicus duo fere miliaribus distans à Hierusalem) Et cum

cum illis differuerit de Messia, quos cum instruxisset, atq; illis fractione panis se notum reddidisset, euauit ab illorum oculis. Verum illi iam certi facti de resurrectione ipsius, mox redeunt Hierosolymas, atq; omnia quæ acciderant, narrauerunt discipulis undecim. Vt autem nos hanc Historiam intelligamus facilius, eam distribuam in quatuor partes, quæ sunt:

I. *Quid egerint hi duo Discipuli, antequam Christus ad eos ueniret in itinere.*

II. *Colloquium Christi & discipulorum in uia.*

III. *Quid acciderit in domo.*

IIII. *Quid fecerint illi discipuli instructi à Domino.*

Hæ partes singulæ habent suas doctrinas & admonitiones, quas in singularum explicatione ostendemus.

DE PRIMA PARTE.

Duo ex illis ipso die, quo resurrexerat Dominus, ibant in castellum, quod erat in spacio stadiorum 60. quæ faciunt septem millia passuum, & passus quadringentos, hoc est plus minus duo millia. Hæc occasio fuit colloquij: & cum ita irent colloquebantur de Christo. Hinc duo nos discamus. Primum occasionem non negligendam esse exercendæ pietatis. Deinde ubi hanc nacti fuerimus, non esse alienis negocijs & friuolis interrumpendam: in his discipulis uidemus tria, 1. Signum pietatis.

tatis. 2. Fidei infirmitatem. 3. Admirationem eorum
quæ acciderant.

Quod de Christo & eius gestibus sint locuti
pie, ex eo cōuincitur, quod isto suo colloquio Chri-
stum ad se allieiant. Infirmitas fidei fuit, quod tam-
etsi antea Prophetias de Christo audierant: tamen
tardiores fuerant ad perfecte credendum: Ita fides
Christiana habet suam conceptionem & suam te-
neritudinem, quæ fouenda est donec adolescat co-
loquijs de Christo. Admirati sunt quoq; de ijs quæ
acciderant: nihil enim maiori admiratione dignum
est, quam mortuum de sepulcro uiuum prodire.
Hæc admiratio erat mixta spe & metu, seu assensu
& dubitatione: quemadmodum enim carnis sensus
& rationis iudicium ad dubitandum sollicitauit eos,
ita igniculus fidei, qui in ipsis erat, restitit dubita-
tioni, etsi admodum languide. Ita fit sæpe in Chri-
stianis, Caro una ex parte adoritur, & hominem in
diffidentiam pertrahere conatur: Spiritus ex alte-
ra parte se carni opponit, nunc languidius, nunc
fortius. Verum ne succumbat spiritus, colloquijs de
Christo, id est, meditatione & auditione Euangelij,
alijsq; pijs exercitijs est excitandus. Hoc ergo ex-
emplo confirmatur dictum Prophetæ Isaie 42. qui
ait de Christo: Arundinem quassatam non perfrin-
get, nec linum fumigans extinguet, in ueritate pro-
feret iudicium. Hæ duæ similitudines docent, quo-
modo Christus agat cum suis, in quibus aliquam
pietatis scintillulam repererit.

Arund-

Arundinis quassatæ similitudine significat se nolle eos, qui semifracti sunt, frangere omnino & conterere, sed leuare potius & sustinere, ut quid boni in ipsis erit, conseruet atq; adaugeat. Hi duo discipuli semifracti fuerunt & non procul à casu, adeo uento carnis agitabantur: sed Christus ne cadant sua subleuat gratia. Deinde Metaphorali-
ni fumigantis sumpta est à lychnis, qui propter fumum quem edunt, non extinguuntur, modo adsit qui manum admouet, ita ubicunque emicat aliqua pietatis scintilla, ubi Christus adest & eam fouet atq; excitat, ut clarius ardeat, sicuti in his duobus discipulis uidemus. Hinc maxima nobis haurienda est consolatio. Etsi nos infirmi homines uacillamus ac claudicamus, tametsi iam quassati aut laxati sumus, tamen nos non statim abijcit quasi prorsus inutiles, sed diu perfert, quoad firmiores & constantiores reddiderit modo horum discipulorum exemplum imitemur.

DE SECVNDA PARTE.

Et factum est cum fabularentur & inter se quærerent, ipse Iesus appropinquans ibat cum illis. Hoc Christi factum, Primum confirmat promissionem Christi, quæ est: ubicunq; fuerint duo uel tres congregati in nomine meo, in medio eorum sum, quod tametsi non sit corporaliter semper, tamen uere spiritualiter, id quod hac sua corporali presentia. uult significare. Hinc ergo discamus, de quo in priori historie huius parte admonui, quod

X 3 qui=

quicumq; pie de Christo inquirunt, aperiunt Christo ianuam ad se iuuandos, ac ipsum doctorem suis pijs exercitijs accersunt: sicuti contra prophani homines impuris suis sermonibus, ei ianuam, quo minus ad se ueniat, occludunt. Hoc confirmatur, non solum hoc exemplo: uerum etiam dicto Propheta Isaia 66. Ad quem respiciam? nisi ad pauperculum & contritum spiritu, et tementem sermones meos.

Sed quid est quod dicit Euangelista: Oculi eorum tenebantur, ne eum agnoscerent? Hinc monemur de nostra imbecillitate: neq; enim oculi nostri neq; aures suo funguntur officio, nisi eam facultatem eis diuina concesserit clementia, si ita se habet res cum oculis corporeis, multo magis de oculis mentis uerum est. Hinc tria discamus: Vnum, quod nullae sint sensuum aut mentis nostrae uires, nisi facultas illis diuinitus detur. Alterum, ne nostra mente & nostris sensibus abutamur in contumeliam creatoris: quod si fecerimus, metuenda est poena, ne omnem mentem & sensum nobis adimat. Tertium, ut ab eo petamus & illuminationem & conseruationem sensuum, in ipsius gloriam.

Et ait illis: qui sunt hi sermones, quos confertis ad inuicem ambulantes, & estis tristes? Hae satis ostendunt, quod antea dixi, eos uersatos fuisse inter metum & spem, sed tantum metum non superasse. Verum Dominus hic uacillantes confirmat, quod Paulus dicit: Dominus non finit nos tentari supra id quod potestis: sed faciet cum
tentat

tentatione etiam euasione, ut possitis sustinere. Hic duo illi discipuli succubissent, & illorum fides fuisset extincta tentatione, id quod illorum tristitia testatur, nisi Christus mox aduenisset & illorum ruinam erexisset: horum exemplo & Christi facto, & nos consolemur & erigamus.

Et respondens unus, cui nomen Cleophas, dixit, Tu solus peregrinus es in Hierusalem, & nō cognouisti quæ facta sunt in hisce diebus? Miratur Cleophas, quod solum ignoret, quod toti ciuitati notum erat, & omnibus, qui illuc ad festum Paschæ confluerant peregrinis.

Quibus ille. Quæ? De Iesu Nazareno &c. Responsio Cleopha quatuor habet. 1. Confessio est de Christo, & testimonium, qualis nimirum fuit: qui (inquit) fuit Propheta, potens in opere & sermone coram Deo & omni populo.

Hæc descriptio tria de Christo habet. Primo loco, quod Christus sit Propheta, id est, doctor uoluntatis Dei à Deo missus. Deinde quod non fuerit uulgaris Propheta: sed potens in opere & sermone, id est, excellens uita & sanctitate et docendi facultate. Tertio additur, coram Deo & hominibus, quo significatur Christum uia Propheticum munus obijisse, quod se sancte in omnibus gesserit tanquam sub Dei oculis. Hæc Christi confessio magna fuit, etsi non plena. Pharisei, sacerdotes summi, Pilatus, Herodes, Christum tanquam blasphemum occiderunt: Hi discipuli cum à Deo missum

X 4 testan-

testantur, unde nos hanc hauriamus doctrinā, quod in religione non sit sequendum potentum iudicium: sed uerbi Dei regula. Illi offensi erant externa specie Christi: hi ueritatem Dei secuti, se quantum potuerunt blasphemis istis opposuerunt.

SECUNDVM, quod est in Cleophae responsione, est narratio Domini: in qua, & à quibus sit damnatus, & quo mortis genere sit affectus testatur. Summi, inquit, sacerdotes & principes nostri in damnationem mortis eum tradiderunt, Hostes Christi aperte pronunciat summos sacerdotes & principes: unde & nos monemur, palam accusare eos, qui Euangelium persequuntur, ut Papa facit & multi tyranni in orbe terrarum. Deinde quo mortis genere sit affligtus indicat, cum inquit, & crucifixerunt eum, Quo mortis genere nullum fuit ignominiosius in mundo: quo tamen non est absteritus Cleophas, quo minus illum pro uiro sancto habuerit.

TERTIVM, quod est in Cleophae responsione, est confessio fidei in Christum. Nos, inquit, sperabamus quod ipse esset redempturus Israel, fatetur aperte Cleophas se in Christum credere, quem summi Sacerdotes occiderunt: atq; hæc est indoles ueræ fidei: qui enim fide credit ad iusticiam, ore confitetur ad salutem.

QUARTVM, quod est in responsione Cleophae, est fidei imbecillis confirmatio ex promissione Christi, & testimonio mulierum, uisione Angelorum.

gelorum & discipulorum quorundam testificati-
one. Nam cum tertium diem nominat Cleophas, id
facit ideo, quia Dominus promiserat se tertio die
resurrecturum. Hanc promissionem completam
credit, etsi inter spem & metum iactatur: sed con-
tra metum adhibet fidei fomenta, ne prorsus extin-
guatur. Quod autem corpus à mulieribus non fuis-
se repertum narrat, & oblatam illis angelorum
uisionem indicat, & quod de sepulcro uacuo dixe-
rant mulieres, uiuorumq; testimonio idem fuisse
probatum, eo pertinet, ut sibi certo persuadeat
Christum resurrexisse. Ita pius homo inter fidem
& metum dubius, fidei adhibet fulcimenta, & con-
tra metum pro sua uirili luctatur.

Sed quid ad hæc Dominus? O stulti, inquit, &
tardi corde ad credendum omnibus, quæ locuti sunt
Propheta: Hic primum fides nostra habet quod à
Christo discat. Christus reprehendit quidem in il-
lis discipulis cum discendi, tum credendi tardita-
tem, sed non abiicit imbecilles: sed suo more eos
potius paterne castigat, & imbecilles iuuat, ne me-
u fracti, fidei igniculum extinguant. Venit enim
ut medicus esset infirmorum, non ut infirmos ter-
rore occideret. Hinc nos discamus, quod Christus
non uelit quenquam abiicere, qui exiguum & im-
becillum fidem habet, modo eam confirmari & au-
geri per uerbum Dei permittat. Sed quid repre-
hendit in his duobus discipulis? Duo. Ignorantiam
seu discendi ignauiam, & tarditatem ad creden-
dum

dum Prophetis. Ignauia impediuit intellectum: tarditas remorata est fidem. Etsi enim habuerunt perexiguam fidem: tamen oportuit eos maiores progressus fecisse, qui non solum ab incunte etate Prophetarum uaticinia de Christo audiuerant, sed & ipsum Christum prædicentem, quo mortis genere erat afficiendus, & quod tertia die iterum uiuus de sepulcro erat egressurus. Hic & nostra taxatur ignauia, quia per tot annos audimus Euangelium, inter quos tamen multos inuenire est, qui nondum didicerunt symbolum Apostolicum, quibus admodum metuo, nisi mature resipiscant.

Postquam Christus reprehendit, incipit docere, quod est boni magistri, ait igitur: Nonne hæc oportuit pati Christum, & ita intrare in gloriam suam? Hæc Domini docentis propositio est, cuius hic sensus est: Christus debuit iuxta Prophetarum uaticinia pati mortem crucis, & postea excitatus à mortuis in suam gloriam intrare. Pati quidem debuit propter peccata nostra: resurgere uero propter iustificationem nostri, Rom. 4. Cum ergo fatemini me Christum esse, debetis etiam ex Prophetis scire, quod me oportuerit mori & resurgere à mortuis. Hæc enim ex Mose & Prophetis ostendit: sed Euangelista quibus scripturæ locis hoc fecit, non explicat. Non est tamen dubium, quin promissionem de Christo primum Adæ propositam exposuerit, quæ est: Semen mulieris conteret caput Serpentis, & huiusmodi alias multas, quales heri

audi-

audiuistis. Moses mandato Dei erexit aeneum serpentem in deserto, in quem qui aspexerunt, a suis sanabantur plagis: quem typum Christus explicans Iohan. 3. ait: Sicut Moses exaltauit serpentem in deserto: ita oportet filium hominis exaltari, ut omnis qui credit in eum, non pereat, sed habeat uitam eternam. Verum cum hæc ex Mose & Prophetis recitat, appropinquant pagum, quo iter inuenirent, & ille finxit se longius ire, at illi coartunt eum & rogant, ut apud se maneat. Hinc nos resipiscamus, quo in loco habere debeamus eos, qui nos errantes obiurgant, & in uiam sanæ doctrine reuocant. Non hic rursus obiurgant Christum & stultum uocant: sed agnoscunt suam stulticiam & præbent se dociles ei, quod de errore suo & stulticia liberentur. Hæc omnes faciunt pii: contra, impij fremunt & aduersus eos insaniunt, qui se in uiam reuocare conantur monstrato eorum errore, sicut nuper audiuius Iudæos fecisse.

DE TERTIA PARTE.

Iam quid in domo gestum sit, sequitur: Et factum est (inquit Euangelista) dum discumbat cum eis, accepit panem & benedixit ac egit, & porrigebat eis. Et aperti sunt oculi eorum, & cognouerunt eum. Hic exponit Euangelista, quod discipuli agnouerunt Dominum in fractione panis: nam quoties Dominus sumebat cibum, habuit & peculiarem modum precandi, & singularem gestum porrigendi panem: quæ eum sepe

sepe in Christo animaduertissent, agnouerunt ipsum, qui iam excitatus à mortuis, eundem morem seruauit, quem antea. Quemadmodum itaq; discipuli hoc gestu agnouerunt Christum: ita nos eius exemplo discamus, quoties pane uestimur, ipsi uite auctori gratiarum actionem offerre, quæ nota nos à prophanis hominibus discerneret.

Porro agnitus Christus euauit ab oculis eorum: ipsi uero suauius de eo iam colloquuntur q̃ antea. Nonne (inquiunt) cor nostrum ardebat in nobis in via, dum loqueretur nobis & aperiret nobis scripturas. Hic obseruemus fructum uerbi Dei in hominibus. Etsi autem Christus iam non apparet corporaliter & nobis loquitur: tamen loquitur nobis per ministros uerbi, sicut ait: Qui uos audit, me audit. Quis est ille fructus? Qui autem uerbum Dei auribus & corde audit, in eo ignis quidam incenditur, & incipit ardere cor eius: ut ergo qui hunc ardorem in corde suo non sentit, quando uerbū Dei audit, habet aures, sed non ad audiendum, & cor, sed non ad intelligendum: idq; suo proprio uicio, quia Spiritui sancto resistit: ita qui hunc ardorem sentit in suo corde, habet testimonium loquentis spiritus Christi in se, & quod ueram uiuamq; fidem habeat: Quare monemur, ut in timore Dei summa cum reuerentia & desiderio uerbum Dei audiamus.

DE QUARTA PARTE.

Et surgentes eadem hora regressi sunt in Hieru

Hierusalem, & inuenerunt congregatos vn-
decim & c. Hæc docent, quod ardor ille, qui in no-
bis ad prædicationem uerbi accenditur, non sit o-
ciosus: sed se mox etiam foris ostendat: nam qui
Christum uere nouit, is etiam cupit, ut alij etiam
ipsam agnoscant, ut multi simul eum prædicare pos-
sint. Vt talis ardor in nobis accendatur, faxit Sal-
uator noster Iesus Christus, cui cum Patre & Spi-
ritu sancto sit honor in secula, Amen.

FERIA TERTIA

PASCHATOS, Lucæ 24.



DVm autem hæc loquuntur, venit Iesus
ipse, discumbentibus illis, & stetit in
medio

medio eorum & dicit eis, Pax vobis. Et exprobrauit illis incredulitatē suam & cordis duriciē, quod ihs qui se vidissent surrexisse non credidissent. Expauēfacti vero & contrīti existimabant se spiritum videre. Et dixit eis, Quid turbati estis, & cogitationes ascendunt in cordib. vestris? Videte manus meas & pedes meos, quia ego ipse sum. Contrectate me & videte, quia spiritus carnē & ossa non habet, sicut me videtis habere. Et cum hæc dixisset, ostendit eis manus & pedes, & latus suum. Gauisi sunt ergo discipuli viso Domino. Adhuc autē illis non credentibus, & præ gaudio mirantibus, dixit eis: Habetis hic aliquid edulē? At illi obtulerūt ei partem piscis assī, & aliquid de fauo apīario. Et accepit, & in conspectu illorum comedit, & dixit ad eos: Hæc sunt verba, quæ locutus sum ad vos, cum adhuc vobiscum essem, quod necesse foret implere omnia quæ scripta sunt in lege Moī, & Prophetis, & Psalmis de me. Tunc aperuit illorū mentem, vt intelligerent scripturas, Et dixit eis, Sic scriptum est, & sic oportebat Christum pati & resurgere à mortuis tertia die, & prædicari in nomine eius poenitentiam ac remissionem peccatorum in omnes gentes, initio facto ab Hierosolymis. Vos autem estis testes horum. Et dixit eis iterum, Pax vobis,
Sicut

Sicut misit me Pater, ita & ego mitto vos.

Hæc cum dixisset, flauit in eos, & dicit eis:

Accipite Spiritum sanctum, Quorumcunq;

emiseritis peccata, remittuntur eis, quo-

rumcunq; retinueritis, retenta sunt.

ENARRATIO TEXTVS.

Hæc est quinta apparitio Domini ipso die

Paschatos, qua apparuit discipulis confabu-

lantibus de ipso. Primum enim apparuit Mariæ

Magdalene, è qua septem eiecit demonia. 2. Ap-

paruit mulieribus redeuntibus à sepulcro. 3. Ap-

paruit Petro. 4. Cleophae & socio eius. 5. Ut hic

textus habet, undecim discipulis de illo confabulan-

tibus. Loci duo.

Salutatio Christi & testimonia, quibus pro-

batur eius resurrectio.

Necessitas mortis & resurrectionis Christi,

& eiusdem usus, uidelicet quod oporteat

in eius nomine prædicari pœnitentiam et

remissionem peccatorum omnibus gentibus.

DE PRIMO.

Iesus stetit in medio eorum & dixit eis:

Pax vobis. Discipuli mœsti loquuntur de Chri-

sto, qui illis adest iuxta promissionem: ubicunq; fue-

rit duo uel tres congregati in nomine meo, ego

sum in medio illorum. Etsi enim id non semper fit

corporaliter: tamen uere fit. Non enim unquam

desertit contra suam promissionem. Quid autem as-

seruit eis iterum, ostendit eius salutatio, quia hic

suos

suos mœstos consolatur discipulos. Nam cum datus est Christus mœstis in consolationem, hic pacem offert dicens: PAX VOBIS. Hæc pax, quam suis optat, non est vulgaris, sed diuina: non mundi, sed regni coelorum, inter Deum & hominem. Verum ut nos intelligere possimus, quantum sit bonum hæc pax, quam Christus suis offert, copiosius exponam, quæ in huius pacis consideratione concurrunt: unde huius pacis plenam descriptionem colligemus.

Quia pax sancitur inter partes disidentes, Primum spectandum est, quænam sint partes disidentes. Sunt autem duæ: Deus & homo. Deus felix & beatus est sine homine, homo miser & damnatus est sine Deo: ergo Deus non opus habuit, ut pacem cum homine quæreret, sed homo sine pace cum Deo extreme miser est, atq; ideo nulla re magis opus habet, quam pace cum Deo.

Deinde cum partes disidentes necesse est aliquam offensam præcessisse. Hæc offensa non à Deo, sed ab homine initium sumit. Quænam est illa offensa? Peccatum. Hoc peccatum fuit quædam à Deo proditoria defectio ad Diabolum, cui se homo subiecit. Quanta autem sit hæc offensa, facile æstimare est ex eius magnitudine, multitudine, turpitudine & pœna. Magnitudo est, quod creatura creatorem offendit & contempsit, qui hominis summum bonum fuit. Multitudo ex eius fructibus spectatur. Turpitudine ex horrenda contaminatione humani generis, quæ secuta est hanc offensam. Pœna, maledictio

et damnatio, ut taceam innumeras calamitates et
erumnas, quibus humanum genus in hac uita tan-
tum non oppressum est.

Cognita offensa, quæ fecit nos Dei hostes, tertio
loco mediator considerandus est, qui certe debuit
esse talis, qui et Deum offensum placare posset, et
qui illatam iniuriam iuste compensaret. Deum of-
fensum creatura non potuit placare, iniuriam com-
pensare Deus non debuit: Querendus igitur fuit
talis mediator, qui et potuit per potentiam, et de-
buit per naturam. Cum talis non potuit haberi, æ-
ternus Dei Filius altera persona in trinitate uenit
in mundum, et assumpsit humanam naturam, et fa-
ctus est homo, Iesus Christus. Hic Iesus Christus
coniunctus est Deo patri diuinitate, et homini per
humanitatem: Quare potuit ut Deus, debuit ut ho-
mo, qui nostram causam in se recipit.

Hic mediator compensauit iniuriam: nam no-
strum reatum in se recepit, pro quo poenas luit in
ara crucis, ac ita satisfecit iusticiæ Dei. Verum quia
nos adhuc manemus peccato coinquinati, Christus
Diabolum, cui se tota sua uita in hoc mundo legi Dei obediuit perpe-
tuo, plene et perfecte, quam iusticiam credentibus
imputat, ut sint iusti in Dei conspectu: atq; ita ui-
tima sua iram Dei placat, et obedientia sua nos
uestit, ut iusti apparemus in conspectu Dei.

Facta compensatione reconciliatio inter Deum
et hominem inita est: Nam pater placatus est per
obedientiam Filij.

Y

Verum

Verum quia in omni reconciliatione necesse est inter eos, qui reconciliantur, aliquod pactum intercedere, hoc quoque in hac cum Deo pace constituta conspicitur: Nam ut ex parte Dei est liberalis & paterna misericordiae promissio, iuxta illud: Ero Deus tuus, & seminis tui post te. Item: Hic est filius meus dilectus, in quo mihi complacui. Vivo ego, nolo mortem peccatoris, sed ut conuertatur & uiuat: ita ex parte hominis est fides, qua paterna promissio accipitur, qua; adoptamur in filios Dei per unigenitum filium Iesum Christum.

Cæterum quia in pactis adhiberi solent obsignationes, neq; hæ in hoc summo pacto amissæ sunt. Sunt autem triplices obsignationes. Prima est iuramentum Christi: Amen amen dico uobis, qui credit in me habet uitam æternam. Secunda est obsignatio per Sacramenta, Baptismum & Coenam Domini, quæ sunt firmissima pacti inter Deum & hominem sigilla, quæ nunquam uiolabuntur, nisi homo sua culpa abiecerit fidem. Tertia obsignatio est Arrabonem spiritus, qui testimonium dat spiritui nostro, quod simus filij Dei. Huc etiam illud pertinet 2. Corinth. 1. Obsegnauit nos, & dedit Arrabonem spiritus in cordibus nostris. Hæ sunt obsignationes & sigilla, quibus pax inita inter Deum & hominem obsignatur & confirmatur, ut rata sit.

Præterea, ne quis existimet hanc pacem ad paucos quosdam pertinere, obseruanda est eius promulgatio, quæ est uniuersalis: Christus enim ascen-

surus

surus in cœlum, mandatum dedit discipulis, ut hanc pacem proclamarent per uniuersum orbem: ita enim ait: Ite in mundum uniuersum, & predicate Euangelium omni creaturæ. Pertinet igitur hæc pax ad omnes, qui uocem Euangelij recipiunt & in Christum credunt, perseverantes usq; in finem. Nam ita ait Dominus: Beatus qui perseverauerit usq; ad finem: non est enim satis, bene incepisse, nisi quis quotidianos faciat progressus.

Si quæris huius grauissimæ pacis fructus, inuenies plurimos in hac uitâ, & post resurrectionem: In hac uitâ habes huius pacis beneficio, accessum ad Deum tanquam ad Patrem clementissimum per Iesum Christum. Ita enim inquit Paulus: Fide iustificati pacem habemus cum Deo per Iesum Christum, per quem & accessum habemus ad gratiam hanc, in qua stamus. Secundus huius pacis fructus, est bona conscientia: antea enim peccati conscientia nos uexat: uerum postquam hanc pacem sentimus, conscientia bona & læta redditur, sicuti lætationis in cruce, quando audiuit, Hodie eris mecum in Paradiso. Ad eundem modum cum audimus in Euangelio annunciari remissionem peccatorum cipientibus, conscientia credentium redditur tranquilla. Cum hac bona conscientia coniunctum est gaudium spiritus, quo efficitur, ut in medijs afflictionibus gloriemur, ut inquit Paulus, Verum hæc gloriatio, & hoc gaudium spiritus augetur meditatione uerbi, oratione, usu Sacramentorum, & alijs

is pijs exercitijs. Hunc fructum et quartus sequitur, nimirum fraterna dilectio. Cum enim intelligimus, et fide sentimus nobis Deum communem Patrem, per communem Mediatorem nobis reconciliatum, incipimus nos inuicem diligere, tanquam huius thesauri communas hæredes. Hunc quartum fructum sequitur quintus, qui est lætus decessus ex uita, quemadmodum Simeon conspecto autore huius pacis Christo ait: Nunc dimitte seruum tuum in pace, quia uiderunt oculi mei salutare tuum.

Post resurrectionem, huius pacis fructus erit perpetua iucunditas, perpetua leticia & fruitio conspectus Dei, & sanctorum omnium, qui uixerunt inde usque ab initio mundi: hunc fructum nemo in hac uita satis cogitare potest.

Postquam iam dictum est fusius, quæ in hac pace concurrunt: nunc contraham in breuem summam seu descriptionem, quæ sit hæc pax. Pax igitur inter Deum & hominem est mutuus consensus Dei & hominis, Dei quidem hominem propter Christum in gratiam recipientis: hominis uero oblatam gratiam fide recipientis: ac obedientiam erga Deum serio promittentis. Hæc sint dicta de pace, quam Christus hic offert, non solum discipulis undecim qui tum aderant: uerumetiam nobis & omnibus, qui hanc pacem uolunt recipere, cum illis per Euangelij prædicationem offertur. Post hanc pacificam salutationem sequitur in textu, quomodo se Christus probauerit uere à mortuis resurrexisse,

xisse, & id ita prænunciatū in Mose, Prophetis, & in Psalmis ostendit. Verum quia de his die Paschatos & heri audiistis: nunc tantum de necessitate & usu mortis & resurrectionis Christi dicam.

DE SECVNDO.

Sic scriptum est, & sic oportebat Christum pati & resurgere à mortuis tertio die, ac prædicari in nomine eius poenitentiam & remissionem peccatorum omnibus gentibus, initio factō ab Hierosolymis.

Primum ergo cum dicit: sic scriptum est, uult ut non ratio, sed scriptura apud nos ualeat, quoties de regno Dei fit quæstio. Vbi autem hoc scriptū sit, addit inquit: Neceffe est impleri omnia in lege Mosis, & in Prophetis & in Psalmis. Cum igitur quæritur de salute, consulendus est Moses, legendi sunt Prophetæ, & cognoscendi sunt Psalmi, deinde scripta Euangelistarum & Apostolorum. Quicquid cum istis scriptis pugnat, repudiandum est, tanquam à Satana profectum.

Quid scriptum est? quod oportuerit sic pati Christum & resurgere ex mortuis tertio die. Cum dicit: SIC OPORTEBAT, necessitatem mortis & resurrectionis Christi indicat.

Quare ergo oportebat? 1. Ut impleretur scriptura, quæ mentiri nequit. Ut enim Deus manet, in æternum: ita eius uerbum in æternum manet, & Christus dicit: Cælum & terra transibunt, uerba autem mea non transibunt. 2. Oportebat hoc fieri,

X 3 quia

quia ita Deus decreuit. Nullo. n. pacto fieri potest, ut quod Deus certo constituit, non procedat. 3. Oportebat Christum pati propter hominum redemptionem à poenis æternis, quas suis peccatis meruerant, nisi enim Christus fuisset passus, nos in peccatis sub ira Dei mansissemus. 4. Oportebat Christum pati propter gloriam, qua postea coronandus erat. 5. Oportebat Christum pati in nostri instructionem & consolationem: is cum caput sit, debuit præcedere, cum in cruce, tum in gloria. 6. Oportebat Christum pati, ut figuris responderet ueritas: multa. n. figuræ ueteris testamenti, mortem & resurrectionem Christi repræsentabant, de quibus dictum est die Paschatos. Breuiter, ut uno uerbo omnia complectar, Christus passus, mortuus & excitatus est, ut placaretur Deus offensus, saluaretur genus humanum, & destrueretur regnum Diaboli.

Habemus quanta fuerit necessitas mortis & resurrectionis Christi, iam audiamus, quis sit fructus & usus huius admirandi operis. Id quod Dominus hisce uerbis exponit: Et prædicari in nomine eius poenitentiam & remissionem peccatorum omnibus gentibus. Ex his primum colligitur, quid sit Euangelium, & quæ eius summa. Euangelium est prædicatio poenitentiae & remissionis peccatorum propter Christum. Summa Euangelij est, quod liberatio à peccatis & salus contingat per solum Iesum Christum. Verum ut planius nobis euadat, quanta beneficia nobis offerantur

tur

tur per Euangelium, quæ omnia sub his Christi uerbis latent, paulo copiosiore descriptionem ex scripturis afferam.

Euangelium est uniuersalis prædicatio, in qua annunciantur liberatio à maledictione legis & ira Dei, & proclamatur remissio peccatorum, salus ac uita æterna credentibus in Filium Dei, propter eiusdem uictimam, secundum promissiones olim patribus factas, ut perpetuo gloria bonitatis Dei prædicetur, utq; porro dignos Euangelio fructus edant homines per Christum liberati, tandemq; uita fruantur æterna.

In hac descriptione primum significatur, à quibus malis per Euangelium liberamur, nempe à maledictione legis, iuxta illud Galat. 3. Christus factus est pro nobis execratio, hoc est, execrationem, quam nos meruimus nostris peccatis, is in se recepit, ut nos fieremus hæredes iusticiæ & benedictionis. Hoc etiam testatur Paulus 2. Corint. 5. ubi ita ait: Eum, qui non nouit peccatum, fecit peccatum, ut nos fieremus iusticia Dei in ipso. Hoc est, Christus qui immunis erat ab omni peccato, factus est reus pro nobis: ergo recte dictum est nobis per Euangelium annunciari liberationem à maledictione legis. Deinde, quia cum maledictione legis etiam ira Dei erat coniuncta, liberamur etiam ab ira Dei, cum credimus Euangelio. Qui non credit (inquit ueritas) ira Dei manet super eum: proinde qui credit, non amplius est sub ira: sed sub gratia. Iam ubi

X 4 gratia

gratia regnat, nulla uis est tyrannidis Diaboli, nullus stimulus mortis eterne, nullus motus inferni: ab istis ergo malis liberationem prædicat Euangelium.

Sed quæ bona sunt quæ annunciat? Annunciat remissionem peccatorum, salutem & uitam eternam. Nos rei peccati sumus natura, maledicti & damnati ad mortem eternam: sed iam Christus in suo Euangelio annunciat nobis remissionem peccatorum, salutem, & uitam eternam, quæ bona nobis meruit sua morte & gloriosa resurrectione.

Habemus à quibus malis liberamur per Euangelium, & quæ bona nobis offeruntur per idem: nunc sequitur, quibusnam contingant ista bona, nimirum credentibus in filium. Hoc multis probatur scripturæ testimonijs: Qui credit, inquit Christus, habet uitam eternam. Ut hanc præcedit remissio peccatorum: ita cum ea coniuncta est salus. Et Petrus dicit fidei nostræ finem esse salutem animarum. Hoc ipsum hic significatur cum dicitur: oportet prædicari poenitentiam, qua scilicet ob peccatum perpetratum dolemus & confugimus ad Christum qui ait: non ueni uocatum iustos, sed peccatores ad poenitentiam. Post hæc sequitur, cuius beneficio tanta bona consequimur, propter uictimam Christi, id est, propter mortem & resurrectionem Christi. Vnde Paulus Rom. 4. Mortuus est propter peccata nostra, & excitatus propter iustificationem nostri.

Et

Et ne quis nouam doctrinam existimet Euangelium esse, adieci in definitione, secundum promissionem olim patribus factam. Nam & Adamo post lapsum facta promissio, Gen. 3. & sepe postea repetita est, & inculcata patribus spacio 4000. annorum, donec Christus in carnem uenit.

In fine adduntur fines 1. liberatio à legis sententia per Christum. 2. ut liberati fructos dignos Euangelio edant. 3. ut prædicent hoc tantum beneficium. 4. ut tandem plenam redemptionem consequantur in uita æterna per Dominum nostrum Iesum Christum, cui cum Patre & Spiritu sancto sit aus, honor, & gloria in secula seculorum, Amen.

DOMINICA PRIMA

POST PASCHA, Iohan. 20.

CVm vespera esset die illo, qui erat vnus Sabbatorum, & fores essent clausæ, ubi discipuli erant congregati propter metum Iudæorum, venit Iesus, stetitq; in medio & licit eis, Pax vobis. Et cum hæc dixisset, ostendit eis, manus ac latus suū. Gauisi sunt ergo discipuli viso Domino. Dixit ergo eis iterum, Pax vobis, Sicut misit me Pater, ita & ego mitto vos. Hæc cum dixisset, flauit in os, & dicit eis: Accipite Spiritum sanctum, Quorumcunq; remiseritis peccata, remittuntur eis, quorumcunq; retinueritis, retenta sunt. Thomas autem vnus ex duodecim, qui

Y 5 dicitur



dicitur Didymus, non erat cum eis quando
 venit Iesus, Dixerunt ergo alij discipuli: Vi-
 dimus Dominum. Ille autem dixit eis: Nisi
 videro in manibus eius vestigium clauo-
 rum, & mittam digitum meum in vestigi-
 um clavorum, & mittam manum meam in
 latus eius, non credam. Et post dies octo ite-
 rum erant discipuli eius intus, & Thomas
 cum eis. Venit Iesus ianuis clausis & stetit in
 medio, & dixit: Pax vobis. Deinde dicit
 Thomæ: Infer digitum tuum huc, & vide
 manus meas, & admoue manum tuam, &
 immitte in latus meum, & noli esse incredu-
 lus, sed credens. Respondit Thomas, & dicit
 ei,

ei: Dominus meus, & Deus meus. Dicit ei
Iesus: Quia vidisti me Thoma credidisti,
beati qui non viderunt & crediderunt. Multa
quidem & alia signa fecit Iesus in conspe-
ctu discipulorum suorum, quæ non sunt
scripta in libro hoc, hæc autem scripta sunt,
ut credatis quod IESVS CHRISTVS
Filius Dei, & ut credentes vitam habeatis
per Nomen eius.

ENARRATIO TEXTVS.

Hoc Euangelium continet partem Historiæ,
quam scripsit Iohannes Euangelista de resur-
rectione Domini, in qua parte, uisibili & carnali
presentia, uoce, facto, & signis testatur Dominus
non erat cum mortuis resurrexisse: Et commendans discipu-
los, ergo alios ministerium uerbi, prædicat, beatos fore qui in se-
culum crediderint. In fine textus additur causa finalis to-
tus eius vestigijs sacre scripturæ: ita enim inquit: Hæc scripta
sunt ut credatis, & ut credentes uitam habeatis in
Nomen eius. Cæterum quia satis dictum est supe-
riori septimana de resurrectione Domini, nolo plu-
rus de ea hac uice agere: sed dicam de tribus alijs
locis, qui in hoc continentur Euangelio.

L O C I.

De ministerio uerbi, & potestate Ecclesiæ.

De Thomæ confessione.

De fine sacre scripturæ.

DE PRIMO.

Verba

Verba textus de uerbi ministerio & potestate Ecclesiæ sunt hæc: Pax vobis: sicut misit me Pater, & ego mitto vos. Hæc cum dixisset, inflauit, & dixit eis: Accipite Spiritum sanctum, Quorumcunq; remiseritis peccata, remittuntur eis; & quorum retinueritis retenta sunt. Hic habemus pauca uerba, sed efficacia, quæ continent copiosam doctrinam, quam omnes Christiani scire debent. Quare uos hortor, ut sitis attenti, quo hanc doctrinam percipere possitis, quo autem id fiat commodius, distinguam hæc uerba, quibus ministerium instituitur, in quatuor partes. **PRIMA** pars: Pax vobis. **SECUNDA** pars: Sicut misit me Pater, ita ego vos mitto. **TERCIA** pars: Inflauit & dixit: Accipite Spiritum sanctum. **QUARTA** pars: Quorumcunq; remiseritis peccata, remittuntur eis, & quorumcunq; retinueritis, retenta sunt de his quatuor partibus ordine dicam.

PRIMA pars, nempe salutatio, **PAX VOBIS**, consolatur non solum discipulos, qui tum aderant, uerumetiam animum addit omnibus, qui sunt & qui futuri sunt ministri uerbi in Ecclesia. Qui ministerium uerbi in se recepit, statim habet hostem Diabolum, qui perpetuo ipsius doctrinae & uitæ insidiatur. Si doctrinam corrumpere non potest, uitam contaminare studet, ut quod uerbis docet, quis factis neget. Si uitam non potest diabolus polluere, doctrinae insidiatur, ut homines decepti

erronea

erronea doctrina, damnentur. In multis & doctrina
nam & uitam contaminat. Deinde habet minister
uerbi etiam mundum aduersus se, qui nunc tyrannide,
nunc hypocrisi, nunc sophistica se adoritur,
ut officio suo non recte fungatur.

Quid faciet minister uerbi in tantis periculis?
Consolabitur se hac Christi uoce: PAX VOBIS,
& simul orabit Deum, ut se in hac pace contineat,
ne uel doctrina, uel moribus cursum Euangelij im-
pediat, pluris faciet pacem Christi, quam omnes
mundi delicias & amicitias. Hæc sit ergo conso-
ratio ministrorum Euangelij, qui pugnare debent
Pax vobis, aduersus Diaboli insidias, mundi tyrannidem, hy-
pocrisim & Sophisticen.

SECUNDA pars est: Sicut misit me Pa-
ter, ita ego mitto vos. Quomodo Pater misit fi-
lium? Pater misit filium, ut regnum diaboli abole-
ret, iuxta illud: Semen mulieris conteret caput ser-
pentis. Item Christus apparuit ut destruat opera
Diaboli. Quid? An non solius Christi est conterere
caput serpentis? An non solius Christi est destruere
opera Diaboli? Vere solius Christi est: sed in hoc
tanto opere opus est duabus machinis: uictima &
doctrina. Christus est missus, ut solus sua uictima
ratum Patrem placet, & diabolum superet. Deinde
quia hoc beneficium hominibus per doctrinam
offertur, destruxit etiam opus diaboli per doctri-
nam. Proinde Christus missus erat ad duo, ad pla-
candum Deum uictima, & ad docendum. Ad prius
illud,

illud, solus Christus mitti idoneus fuit: ad posterius, hoc est, ad docendum missi fuerunt olim omnes Prophetæ, & postea Apostoli, & homines omnes, qui legitimi sunt uocati ad prædicandi munus. Quantum ergo ad docendum attinet, Christus mittit discipulos, quemadmodum ipse erat à patre missus. Hinc duo colligamus. Primum discrimen inter regna mundi & Ecclesiæ administrationem, seu inter gubernatores mundi & gubernatores Ecclesiarum. Ministri enim uerbi non mittuntur, ut dominantur in terra: Christus enim nullum dominium sibi uendicauit, nec mittuntur ad pompas huius mundi, quas Christus contempsit, sed ad docendum Euangelium, ad erigendum regnum Dei, ad salutem annunciandam hominibus. Deinde hinc colligendum est, quæ sit uerbi, quod prædicant uocati ad ministerium, autoritas: Sicut Pater (inquit) me misit, ita ego uos, ut non uestro, sed meo nomine loquamini. Huc illud dictum Domini ad discipulos, Matthæi decimo, Qui uos audit, me audit, qui uos spernit, me spernit. Hinc habent, qui docent uerbum, consolationem: & qui audiunt, grauem admonitionem. Nam cum docentes uerbum pie in legitima uocatione, patiuntur aliquid ab ingrato mundo, habent ex eo consolationem, quod uice Christi fungantur, & Christus cum illis iniuriam patitur, qui se suo tempore ulciscetur: Qui uero audiunt uerbum, admonentur primum de autoritate uerbi: non enim secus audire uerbum debent, quam si Chri-

CA. I. PON
 idoneus sunt. **Christum ipsum loquentem audirent.** Deinde ad-
 monentur, ut pios uerbi ministros in precio habe-
 ant, tanquam Christi legatos. Præterea admonen-
 ti ad prædicatur pœne, in quam iusto iudicio Dei incurrant, qui
 eundem atmet, unq; uel uerbum prædicatum, uel ipsos ministros
 contemnent. Debent quoq; ministri uerbi cogitare,
 quem gradum dignitatis sint euecti, ne uel do-
 ctrinæ puritatem inficiant, uel moribus malis à se
 di & gubernatores alienent.

TER TIA pars: Et cum dixisset, insuffla-
 it & dixit eis: Accipite Spiritum sanctum.
 Ecce uerba singularem doctrinam continent. Nam
 Christus his uerbis ostendit, unde uerbum, quod
 prædicatur uoce ministrorum, habeat suam uim &
 efficaciam, quæ sane non inclusa est in uoce mini-
 stri, nec pendet ex sanctitate & dignitate hominis:
 sed omnis uerbi uis & efficacia ex uirtute spiri-
 tus Christi proficiscitur: Nam cum hic Christus
 fflat in discipulos, ac iubet eos accipere Spiri-
 tum sanctum, significat Spiritum sanctum perpe-
 tuo affuturum ministerio uerbi: Quasi dixisset:
 Ecce uos eritis ministri noui testamenti, qui Eccle-
 siam mihi in mundo edificabitis, per prædicatio-
 nem Euangelij, & scio quam sitis imbecilles ad
 tantum opus peragendum, præsertim cum Diabo-
 lus, mundus & ratio omnium hominum se uobis
 opponet. Quapropter huic uestro ministerio uolo
 esse Spiritum sanctum, per quem labor uester e-
 rit efficax: is enim uirtute sua faciet, ut uerbum
 meum

meum quod prædicabitis, non sit ad uos uacuum rediturum. Hic utilem doctrinam & admonitionem colligamus. Doctrinam quidem, quod Spiritus sanctus sit alligatus uerbo, & uelit per illud esse efficax. Consolationem uero, qua, & qui docent, & qui audiunt, se erigunt præsentia Spiritus sancti aduersus suæ salutis hostes.

QUARTA pars: Quorum remisistis peccata, remittuntur eis, & quorum retinueritis, retenta sunt. His uerbis instituit & sancit spirituales illam Ecclesiæ potestatem, quam uocamus potestatem clauium, & ostenditur clavis, qua aperitur & clauditur regnum cælorum.

Verum ut hæc utilissima doctrina clare ab omnibus intelligi possit, uolo eam in quædam puncta distinguere, quæ sunt: unde sit potestas Ecclesiastica, quid sit, penes quem sit, et in quo consistat. His punctis bene intellectis, nemo erit qui non dextrè intellecturus sit, quenam res & qualis sit potestas Ecclesiastica.

Vnde ergo est hæc potestas? A Deo per Iesum Christum. Si .n. hominem spectes, est ministerium purum: At si Christum, sublimis est potestas, qua nulla in terra maior, uel utilior, uel dignior existit. Nam Christus sedens ad dexteram Patris in solio Maiestatis suæ, hanc potestatem administrat. Qui igitur hanc potestatem contemnit & eius fructu priuatur, & est in Filium Dei contumeliosus.

Quid est potestas Ecclesiæ? Est potestas remittendi

tendi & retinendi peccata, hoc est, prædicandi Euangelium, cui qui credit aperitur regnum cælorum, qui uero non credit, ei ostenditur esse clausum.

Penes quem est hæc potestas? Penes Ecclesiam: quando Petro & alijs Apostolis Dominus dedit clauces, apud ipsam Ecclesiam clauces has deposuit, à qua ministri habent clauces, tanquam ancilla clauces sue heræ habet.

In qua re consistit potestas clauium? In efficacia Spiritus sancti, qui in uerbo & per uerbum est efficax, & fidem in auditoribus uerbi operatur: ita uerbum est ueluti una clauis, quam adhibet minister uerbi, & fides est altera clauis, quam adhibet Spiritus sanctus, quæ clauces cum adhibentur, aperitur regnum cælorum.

His ita explicatis, uerba huius textus altius perpendamus. Primum igitur cum dicit: Quorumcunq; siste gradum & de hac uoce, Quorumcunq; cogita, i. quod promissio gratiæ sit uniuersalis, hanc uniuersalem promissionem opponito tentationi de particularitate, & te in uniuersalem promissionem includito. Deinde hanc uocem quorumcunq; multitudini peccatorum oppone. Cum igitur tentaris ad desperationem ob peccatorum uorum multitudinem, ueniet in mentem hæc Domini promissio: Quorumcunq; &c. Non dicit si pauca peccata quis perpetrauerit, aut si multa: neque dicit, si Iudæus est, si Græcus, nobilis, ignobilis,

Z

lis,

lis, diues aut pauper, sed dicit, Quorumcunq;. Præterea hic locus monet, quod & publice & priuatim possit fieri absolutio. Sic Deus tria millia hominum publice absoluit. Item priuatim Cornelium, sicut & Nathan Propheta Dauidem. Generali illa absolutione utuntur ministri uerbi, quoties Euangelium prædicant. Speciali, quando ratio hæc postulat, hoc est, quando aliquis priuatim colloquium cum ministro uerbi expetit, confirmandæ suæ fidei causa.

2. Ponitur in textu PECCATA sine addito, quare omnia peccatorum genera hic intelligi debent, quæ sunt quatuor. 1. uiciositas naturæ. 2. pululantes rami ex mala radice. 3. peccata errore commissa. 4. peccata uoluntaria. Nullum peccatum est, quod non ignoscitur, si uenia propter Christum petatur.

3. Verbum REMITTERE obseruandum est, pro quo Matthæus habet soluere. Iubet Dominus ut discipuli peccata remittant & soluant. Remittant quidem ut debitum: soluant uero ut onus prægrauans. Peccata siquidem sunt debita, quia ut debita obligant ad solutionem: ita peccata ad satisfactionem pœnæ, nisi fiat remissio. Sunt & onera peccata, quia ut onus graue portantem deprimit, ut tandem sub eo cadat: ita peccata maledictionis onere & legis sententia opprimunt, donec Christus uenerit, & onus in se leuauerit. Sed quid? potest ne homo peccata soluere & remittere? Deus dicit

Isaia

Isaie 43. Ego sum, ego sum ipse, qui deleo iniquitates tuas, & peccatorum tuorum non recordabor.

Hoc testimonium conuincit, quod solus Deus remittat peccatum. Rursus cum hic dicit Dominus,

Quorumcunque peccata remiseritis, erunt remissa in cœlo. Respondeo, Christi dictum manifeste indicat duplicem esse remissionem, unam in terris à ministris uerbi: alteram in cœlo, quæ à solo Deo fit. De hac posteriori loquitur Isaïas. Breuiter, Deus ut Dominus: ministri uerbi, ut serui & nuncij remittunt, qui Domini sui uoluntatem annunciant, quæ remissio fit uoluntatis Dei annunciatione. Hoc probatur Num. 6. ubi ita ait Dominus: Sacerdotes ponent nomen Domini super filios Israël, sed ipse benedicam: soluere ergo sacerdotis est imputare culpam à Deo remissam.

Sed quomodo retinent peccata? uerbo & iuxta uerbum, hoc est, quæcunque peccata indicauerint uerbo Dei esse retenta, erunt etiam in cœlo. Plura de hac re dixi in festo Cænæ Dominicæ. Quare nunc ad secundum locum pergo, de quo breuissime dicam.

DE SECUNDO LOCO.

De Thoma habemus duo in hac historia, nempe incredulitatem & confessionem: incredulitatem indicat his uerbis: Nisi uidero in manibus fissuram manuum &c. non credam. Audiuit alios discipulos narrantes se uidisse Dominum: is autem immemor omnium prædictionum Prophetarum & Christi non

Z 2 sti non

sti non credit. Adeo ratio hominis in rebus salutis se Deo & eius uerbo opponit. Hactenus de eius incredulitate: sequitur de eius fide & confessione: Post dies octo iterum erant discipuli & Thomas cum eis in vna domo, & venit Iesus clausis ianuis, & stetit in medio eorum, & dixit, Pax vobis, & dixit Thomæ, Infer digitum tuum huc, & vide manus meas, &c. & noli esse incredulus, sed fidelis. Audita uoce Domini, & conuictus manifesto signo, concipit fidem, ex qua hanc promittit confessionem, Dominus meus, & Deus meus. A Thoma igitur duo discamus, unde fides sit, & qualis uera fidei confessio. Fides ex uerbo & signo, sicuti nos habemus Euangelium uerissimum Christi uerbum, & signa duo augustissima, Baptismum & Coenam Domini. Hæc fides concepta uerbo & confirmata signo, ueram edet confessionem, qualis hæc Thomæ est, qui hic clamat, Dominus meus, & Deus meus. Hæc Thomæ confessio, si recte perpenditur, quatuor continet. Primum enim agnoscit Christum eundem hominem esse, qui ante triduum fuit occisus à Iudeis. Deinde cum Deum appellat, eius diuinitatem fatetur. Tum cum non duos Dominos aut duos Deos dicat, agnoscit unitatem personæ. Postremo cum meus Dominus & meus Deus dicit, officium redemptionis profitetur, in quem & ipse unus recumbit fide.

DE TERTIO.

Beati

Beati qui non viderunt & crediderunt.
 Hæc uniuersalis doctrina de credentibus est obser-
 uanda: nam hic Christus diserte pronunciat beatos
 qui credunt, etiamsi oculis corporeis non uiderint
 Christum. Huc pertinet tota scriptura, ut inquit,
 Hæc autem scripta sunt, ut credatis, quod Iesus est
 filius Dei, & ut credentes uitam habeatis in nomine
 eius. Finis ergo scripturæ est, ut credamus: finis fi-
 dei, ut credentes habeamus uitam æternam, quam
 donet nobis autor uitæ Iesus Christus, cui cum Pa-
 tre & Spiritu sancto sit honor in secula, Amen.

DOMINICA SECVN-
 DA POST PASCHA, Iohan. 10.



Z 3

Ego

Ego sum pastor ille bonus. Bonus Pastor animam suam dat pro ouibus. Mercenarius autem, & qui non est Pastor, cuius non sunt oues propriæ, vidit lupum venientem, ac deserit oues, fugitq̃, & lupus rapit ac dispergit oues. Mercenarius autem fugit, quia mercenarius est, & oues non sunt illi curæ. Ego sum Pastor ille bonus, & cognosco oues meas, & cognoscor à meis. Sicut nouit me Pater, ita ego noui Patrem, & animam meam pono pro ouibus. Et alias oues habeo, quæ non sunt ex hoc ouili, illas quoque oportet me adducere, & vocem meam audient, & fiet vnum ouile, & vnus Pastor.

ENARRATIO TEXTVS.

Occasio, cur hoc Euangelium proponitur in Ecclesia hoc tempore hæc est: Audiuius in proximo Paschatis festo, in quem finem oportuerit Christum pati & resurgere ex mortuis, nimirum ut in nomine eius prædicaretur pœnitentia & remissio peccatorum omnibus gentibus: per quam prædicationem, destrueretur regnum Sathæ, & erigeretur regnum Christi. Hoc autem cum aliter fieri non potest, quam per fideles uerbi ministros, quos scriptura pastores uocat, placuit Ecclesie, hoc die proponere Euangelium de summo pastore Iesu Christo, de eius cura erga oues: idq̃ ideo, ut fideles uerbi ministri huius pastoris exemplum, in doctrina, uita, & cura pro ouibus imitentur.

tur. Hactenus de occasione cur hodie præsens Euangelium proponitur. Summa autem Euangelij est, quod ut Christus se uerum pastorem esse, & curam habere suarum ouium profitetur: Ita ex aduerso lupos esse testatur, qui ouili suo insidiantur, quos uidentes mercenarij fugiunt, ac oues lupis lacerandas relinquunt: contra quorum perfidiam Dominus promittit se suas oues curaturum, & significat se adhuc alias habere oues quas adducet, ut fiat unum ouile & unus pastor.

Loci tres.

- I. De pastore Christo alijsque ueris pastoribus.
- II. De lupo, Mercenario, & fuga Mercenarij.
- III. De ouibus Christi, earum nota & unitate ouilis.

DE PRIMO.

In primo loco de pastore Christo habemus duo. Vnum, quæ sit eius indoles: Alterum quæ sint eius beneficia erga Ecclesiam. Quantum autem ad Christum pastorem attinet, semper meminisse debemus confessionis Thomæ, quam ab hinc die octauo audiuiamus. Is enim cum dicit, Dominus meus & Deus meus, Primum confitetur eum, quem alloquitur, eundem hominem esse, qui erat crucifixus & mortuus, quem nunc uere à mortuis resurrexisse agnoscit. 2. Confitetur eundem hominem esse quoque uerum Deum: Dicit enim, ET DEVS MEVS.

3. Confitetur hunc hominem & Deum unam per-

Z 4 sonant

sonam: non. n. dicit Domini mei, sed Dominus meus.
 4. Confitetur hunc θεῶν ὁμοῦ (personam unicam
 que est Deus & homo) esse suum saluatorem: Nam
 Dominus meus, qui mei curam habet, & Deus me-
 us est, qui me in suam fidem & gratiam recipit.
 Confitetur ergo Christum uerum Mesiam & sal-
 uatorem mundi esse, adeoq; uerum illum pastorem
 olim promissum, de quo Zach. 10. Suscitabo pasto-
 rem in terra. Hunc Petrus uocat Pastorem & Epi-
 scopum animarum. Hæc dixi breuiter ex confesio-
 ne Thomæ de Christo pastore: ut quæ sit huius no-
 stri pastoris indoles intelligamus: iam uerba Do-
 mini audiamus Ego (inquit) sum pastor bonus.
 Sed quid pastor bonus? Pastor bonus ponit ani-
 mam suam pro ouibus suis, hoc est, Pastor ille
 bonus est, qui adeo suas oues diligit, quod potius
 uelit mortem oppetere, quam oues suas laceratio-
 ni & prædæ furum luporum relinquere. Hoc
 promissum etiam facto declarauit, qui pro ouibus
 suis turpissimam mortem est perpeffus.

Habemus quantus sit amor Christi erga suas
 oues: iam ut conspiciamus beneficia, quæ ex mera
 bonitate præstat, similitudinem pastoris ouium
 Christo pastori accommodabimus. Quid ergo facit
 bonus ouium pastor? 1. colligit oues 2. præcedit 3.
 educit eas in pascua 4. pascit eas. 5. excubias super
 eas agit. 6. regit. 7. defendit. 8. læsis medetur. 9. er-
 rantes castigat uirga pastorea. 10. in sua reducit pa-
 stor. Hæc omnia beneficia Christus spiritualiter Ec-
 clesie præstat.

Pri:

PRIMUM ergo Christus pastor colligit oves. Sed quando? per prædicationem Euangelij. Hoc cœpit facere mox post lapsum primorum parentum: Nam in spiritu adfuit Prophetis, & multas oves sibi collegit. Deinde ipse uenit, ut ouem perditam quæreretur: & hodie dat prædicatores, qui suo nomine colligunt oves.

DEINDE præcedit oves. Quomodo? In cruce et in gloria: in cruce quidem, dum uarias in hac uita ærumnas perpeffus est, quas etiam sanctos experiri necesse est: in gloria, dum per resurrectionem à mortuis in gloriam cœlestem intrauit, quem (inquat) sum pascuo tempore sequentur, quotquot eius ueræ oves sunt Pastor bonus perunt.

TERTIO educit eas in pascua, in amœnissimâ prata, ut Dauid Psalmo 23. loquitur: in pascuis herbosiss accubare me facit, ad aquas refectorias deducit me.

QUARTO, eductas in prata pascit spiritu & uerbo: Spiritu quidem, dum intus animum confortat: uerbo uero, dum prædicatur Euangelium, inde concipitur fides in hunc pastorem.

QVINTO, excubias super eas agit, & tanquam in specula sedet, ut obseruet, ne quis ex insidijs oves adoriatur. Hoc autem agit per suos Angelos, per fideles uerbi ministros, per pium Magistratum, Breuiter, per bonos rectores in familijs, uolitijs, œconomis.

SEXTO, regit, scilicet Spiritu, uerbo, & disciplina

Z 5

sciplina, unde David Dominus regit me, & nihil mihi deerit, in loco pascuæ me ibi collocavit.

SEPTIMO, defendit, unde Paulus: Si Deus pro nobis, quis contra nos? Et David: Etiam si ambulacro in ualle umbræ mortis, non timebo malum, quia tu mecum es: Virga tua & baculus tuus ipsa me consolata sunt.

OCTAVO, læsis medetur, ut enim oves sæpe spinis & uenenis inficiuntur, quæ à perito pastore sonantur: ita Christus pastor suas oves spinis maiorum morum et ueneno pestiferæ doctrinæ læsas curat & sanat, unde Psalmus 146. Qui sanat contritos corde, & alligat contritiones eorum. Ezech. 34. Ego pascam oves meas, & ego eas accubare faciam, quod perierat requiram, & quod abiectum erat reducam, & quod confRACTUM fuerat alligabo, & quod infirmum fuerat consolidabo.

NONO, errantes castigat uirga, dum cruce premit, ac ueluti capistrum iniicit. Hoc si non faceret bonus ille pastor, multæ huius mundi delicijs, felici rerum successu abducerentur à grege, & se ipsas in ora luporum conijcerent: unde David de se inquit, Bonum est mihi Domine, quod humiliasti me, ut discerem iustificationes tuas.

VLTIMO, in sua reducit pastas. In hoc mundo Christus suas oves colligit, pascit, defendit, curat tanquam in deserto in peregrino regno: uerum in extremo die suas oves in sua reducet, hoc est, in Patriam, ubi pii cum Christo perpetua pace et securitate fruuntur.

Dixi

Dixi de Christo pastore, eius indole, cura & beneficijs erga oues, id est, omnes qui in se credunt: nunc aliquid adijciam de pastoribus, qui sub illo sunt constituti, ut curam dominici gregis habeant. Et optandum esset, ut omnes doctrinam, uitam & curam erga oues haberent, qualem summus ille pastor: uerum quia id non fit, obseruanda sunt quatuor pastorum crimina & genera.

V N V M genus est eorum, qui bene docent & bene uiuunt, exemplum summi pastoris imitantes. Talis fuit Isaias, Hieremias, Ezechiel & alij Propheta: talis fuit Paulus, Petrus, tales sunt hodie omnes pij Parochi & Episcopi, qui doctrina, uita, confessione alijs praelucent: Hi à Davide & Daniele comparantur stellis lucentibus in caelo, ubi Christi Solis aeterno lumine illustrantur: Hi, ut Paulus ait, digni sunt duplici honore, hi aedificant ciuitatem Dei utraq; manu.

SEC V N D V M genus eorum est, qui male docent & male uiuunt. Hi pessimi sunt, qui utraq; manu templum Dei destruunt, quales multos fore in postremis temporibus praedixerunt Petrus & Iudas Apostoli.

T E R T I V M genus eorum est, qui bene quidem docent, se male uiuunt. Hi quod dextra manu Ecclesia aedificant, sinistra rursus destruunt, & in peregrino regunt omnino similes fabris lignarijs, qui arcam Noe extruxerunt. Hi enim alijs parantes Arcam, per quam à Diluuiio sunt liberati, ipsi in medijs periculis

perierunt fluctibus. Talis olim fuit Iudas, & hodie multi inueniuntur. Dicunt quidem facite sicut docemus, nolite opera nostra imitari. De his locutus est Christus: cum Scribæ & Pharisei sedent in Cathedra Moſis, qui dicunt, facite, nolite facere opera illorum. Horum damnatio iuſta eſt: ſciunt enim & docent facienda, ipſi tamen non faciunt, cum Turpe eſt doctori, cum culpa redarguit ipſum. Bernhardus igitur bene ait: Paſtores debent impinguare pecus ſuis potius quam alienis exemplis.

QVARTVM genus eſt eorum, qui male docent, ſed bene uiuunt, ita ut publicis criminationibus non ſint obnoxij. Hi hypocritæ ſunt, & maximum damnum faciunt. Nam cum homines admirantur externam morum ſpeciem, facile etiam pertrahuntur, ut doctrinam amplectantur: ut multi ex uobis in Papatu uidiftis Monachos, qui non ſolum ſibi ſancti uifi ſunt: uerumetiam alijs ſua bona opera uendiderunt: ita & animabus hominum & facultibus eorum inſidiati ſunt. Dixi de quatuor generibus paſtorum ſeu doctorum in Eccleſia, quorum primum tantum laudabile eſt, & Chriſti regnum in multorum ſalutem ædificat, idq; iuxta doctrinam & mandatum ſummi paſtoris Ieſu Chriſti.

DE SECVNDO LOCO.

Iam ſequitur ſecundus locus de lupo & mercenario, quorum ille oues Chriſti lacerat & perdit: hic oues periclitantes, in luporum faucibus relinquit. Ita enim ait textus: Mercenarius autem &

qui

qui non est pastor, cuius non sunt oves propriæ, vidit lupum venientem, dimittit eas & fugit, & lupus rapit ac dispergit oves. Hic nos scire oportet, quis nam sit ille lupus, de quo Dominus loquitur, & quæ sit eius in oves inuadendi ratio, & quando mercenarius fugere putandus sit.

Quis est igitur lupus, de quo Dominus hic loquitur? Est Diabolus: Is enim cum primum homo conditus erat, eum adoritur, inuadit & in terram prosternit? Ideo hodie circumit famelicus, querens quem deuoret, neq; cessabit, donec hic mundus steterit.

Quomodo quæso inuadit oves Christi? Non una via eas adoritur, sed ei est quadruplex inuadendi ratio: uel enim Sophistica, uel tyrannide, uel flagitijs, uel hypocrisi in oves Christi impetum facere consuevit.

Sophistica inuadit, quando uel uicia uirtutum titulis ornat, uel pro ueritate Dei errores ingerit, quo miseras oves Christi perdat. Inuocare sanctos, mereri uitam æternam operibus sunt grauissima uicia: sed ea tanquam bona opera defendit, & sic de multis alijs.

Tyrannide inuadit Christi oves, quando facit ut uel uictu uel præsijs præsentis uitæ destituantur, uel aperto bello eos adoritur, ut Euangelij puritatem uel turbet, uel prorsus aboleat.

Flagitijs & scandalis oves Christi inuadit, quando mul-

do multos pertrahit in crimina, per quæ excutitur Spiritus sanctus, & homines rursus fiunt Satanae obnoxij. Quam multi hodie de machina prosternuntur, nemo est qui non uidet, quo pacto regnant inuidia, obreftationes, potationes, scortationes & alia horrenda scelera. Hæc cum uidemus, certum testimonium habemus Satanae inuadentis in ouile Christi.

Hypocristi etiam inuadit in ouile Christi, quoties sua externa specie sanctitatis grauiſſima scelera tegit, quemadmodum in Monachis olim factum est, & hodie in ijs fit, qui Pharisaismum nondum deposuerunt.

Hebemus iam quibus uijs lupo, qui est Diabolus, inuadit in ouile Christi: iam de mercenarij saga dicemus: Est enim mercenarius, cuius non sunt propriæ oues, atq; ideo fugit, uidens accelerantem lupo.

An non Christus interdum fugit? An non mandauit discipulis suis? Cum persecuti uos fuerint in una ciuitate, fugite in aliam? An non Paulus ipse fugit, cum demissus est in orbe per murum? Iam cum certum sit, nec Christum lupo fuisse, nec Apostolos reliquos, necesse est, ut non de quauis fuga intelligendum sit, quod Dominus hic de fuga dicit. Verum sciendum est, quod sit fuga corporis & fuga animi: illa interdum licita est, hæc non. Sed quænam est animis cum aliquis ab officio præstando fugit, & hæc fuga quadruplex est, iuxta quadrupli-

cem lupi inuasionem in ouile Christi: Nam quicumque uerbi minister ulla de caussa se non opponit sophisticæ tyrannidi, flagitijs, hypocrisi, is mercenarius est, & non uerus Pastor. Pastor enim bonus non opponet se Sophisticæ defendendo ueram doctrinam, & reprehendendo, confutandoq; falsam, sed mercenarius ad hanc lupi inuasionem timet, non aulet defendere ueram doctrinam, ne aliquid de terrenis commodis amittat. Quare uel conuiuet ad falsam doctrinam, uel saltem non ut deberet reprehendit, quod cum facit, fugere dicitur, non quidem corpore, sed animo, quia officium deserit. Secundo, bonus pastor opponet se tyrannidi: uerum quia sunt duo pastorum genera, unum ciuile, alterum ecclesiasticum, ut ciuilis pastor armis, ita Ecclesiasticus precibus opponet se lutorum tyrannidi. Qui hoc non facit, mercenarius est, non Pastor. Tertio, bonus pastor opponet se flagitijs reprehendendo & excommunicando eos, qui suis moribus ecclesiam offendunt, quemadmodum Iohannes reprehendit Herodem, Christus Phariseos, & Prophetæ omnes sui seculi uicijs se opposuerunt. Diabolus fideli adulterium persuasit, persuasit incontinentiam, auariciam, libidines, potationes. Hic pastor bonus non timet homines, sed Deum, & hominum gloria ex officio carpit. Contra mercenarius, de quiete sollicitus, non audet aperire os. Si reprehendit, in genere id facit, non audet reos in ciem obiurgare cum Prophetis alijsq; ueris pastoribus.

pastoribus. Sed possit aliquis talis mercenarius obijcere. Ecce hic sum, non fugi. Respondet Augustinus: Quia tacuisti, fugisti: tacuisti, quia timuisti. Quarto, bonus pastor epponet se hypocrisi, quando detrahit larvam externorum hypocritarum, & ostendit quam turpis sit facies peccati: sed mercenarius lupum hunc fugit, non audet offendere quenquam, ne in hominum odium incurrat.

Iam questio excutienda restat, num fuga corporalis semper sit licita. Ad quam respondeo: Pastor aliquis, qui de loco in locum fugit, uel rei augende gratia, uel tædij causa, uel ob ingratitudinem hominum, certè mercenarius est & non Pastor. Verum si Tyranni persequuntur & insidiantur uite alicuius, licet pio pastori fugere manus tyranni, ut postea, si id fieri potest, rursus magis profit uiuus, quam mortuus prodesse potuit: uerum hic pietas regula esse debet.

DE TERTIO LOCO.

Tertius locus est de ouibus Christi, earum nota, & quod sit unum ouile & unus pastor. Oues Christi sunt omnes, qui Christum audiunt, & eum ueluti oues sequuntur, in uera simplicitate, innocentia, mansuetudine & obedientia. Neq; aliæ notæ sunt ouium Christi, quam pietas erga Deum, caritas erga proximum, in uita puritas, & in uocatione sancta quædam cura & industria. Quod autem dicit, se alias oues habere, quæ adducendæ sunt in idem ouile, significat ex gentibus & Iudeis unam esse

esse sanctam Ecclesiam catholicam. Et simul mo-
 dum, quo adducantur oves, exprimit, cum ait: Et
 audient vocem meam. Prædicatio ergo Euan-
 gelij, & prædicati Euangelij fides facit, ut ouili
 Christi aggregemur. Qui ex hoc loco statuunt fo-
 re, quod ante iudicium tantus sit futurus consen-
 sus in uera religione, ut nullæ sint futurae hæreses,
 nulla schismata, toto cælo errant: nam omnia uati-
 cinia Prophetarum contrarium docent. Et Chri-
 stus cum dicit. Putatis ne, cum uenerit filius homi-
 nis, quod sit inuenturus fidem super terram, signi-
 ficat ob persecutiones fore, ut plurimi à fide defi-
 ciant, & quo propior est dies Domini, eo magis
 sequantur & insit Diabolus, ut Sophistica, tyrannide, flagitijs
 & hypocrisi pusillum Christi gregem turbet. Qua-
 re nos oremus Christum Pastorem animarum no-
 strarum, ut ipse uelit nos in tantis periculis defen-
 dere in sui nominis gloriam. Cui cum Patre &
 Spiritu sancto sit honor, laus & gloria in secula,
 Amen.

DOMINICA TERTIA

POST PASCHA, Iohan. 16.

Pusillum, & non videbitis me, & iterum
 pusillum, & videbitis me, quia ego va-
 do ad Patrem. Dixerunt ergo quidam ex di-
 scipulis eius inter se: Quid est hoc quod di-
 cit nobis, Pusillum & non videbitis me, &
 rursus pusillum, & videbitis me, & quia ego
 vado



vado ad Patrem? Dicebant ergo: quid est
 hoc, quod dicit, pusillum? Nescimus quid
 loquatur. Cognouit autem Iesus quod vel-
 lent ipsum interrogare & dicit ei: De hoc
 queritis inter vos, quod dixi: Pusillum & nō
 videbitis me, & iterum pusillum & videbi-
 tis me. Amen amen dico vobis, plorabitis &
 lamentabimini vos, mundus contra gaude-
 bit. Vos autem mœrore afficiemini, sed mœ-
 ror vester vertetur in gaudium. Mulier cum
 parit, dolorem habet, quia venit hora eius:
 cum autem peperit puerum, iam non me-
 minit anxietatis, propterea quod gaudeat
 hominem esse natum in mundo. Et vos igitur

cur

tur nunc quidem moerorem habetis, sed iterum videbo vos, & gaudebit cor vestrum, & gaudium vestrum nemo tollet à vobis, & in illo die me non interrogabitis quicquam.

ENARRATIO TEXTVS.

Hoc Euangelium pars est concionis Christi, quam habuit pridie antequam pateretur, in Cæna coram discipulis suis, in qua concione multa docuit. Nam de officio suo, morte, cruce, resurrectione, & glorificatione uerba fecit. Deinde de Ecclesia disseruit, quæ sit, & quæ sit eius in hoc mundo fortuna futura: quod sit habitura aduersarios, qui eam impugnent: quod fide tandem sit superatura omnes suas ærumnas, ad quam pertinet etiam præsens Euangelium pertinet. Consolatur enim discipulos suos, quos mæstos animaduertit ex prædicatione suæ crucis: prænunciat fore, ut excitatus à mortuis, rursus sit eos uisurus, & addit pulcherrimam de muliere parturiente similitudinem, cum qua similem fortunam experietur Ecclesia. Quemadmodum enim tristis puerpera consolatio nem maximam capit, ex prole nata: ita Ecclesia eluctata è præsentis uitæ ærumnis, plena tandem gloriæ cum Christo fruetur, modo in eius fide usq; ad finem constans perstiterit. Loci tres.

I. Præmonitio Christi de sua morte & resurrectione.

II. Infirmitas Apostolorum adeoque omnium mortalium.

4

2

3. CRUC

III. Crux Ecclesie in hoc mundo & eiusdem
gloriosa ac leta liberatio.

DE PRIMO.

De morte & resurrectione Christi breuius dicam, quia nuper omnia copiosius audiui. Modicum, inquit, & non videbitis me, & iterum modicum & videbitis me, quia vado ad Patrem. Hic Christus paulo obscurius prædicit suam mortem & resurrectionem. Sensus autem est: Modicum & non videbitis me, hoc est, mortuus ad triduum in sepulcro iacebo, ut me non uideatis: & rursus modicum & videbitis me, hoc est, excitatus à mortuis conspiciar à uobis quadraginta diebus, antequam uisibiliter ascendam in cœlum, sublatus nube è conspectu uestro. Et hoc est quod dicit: quia vado ad Patrem, id est, per mortem transitum faciam à cruce ad gloriam cœlestem. Quid, an non post ascensionem adest suæ Ecclesiæ? imo adest iuxta suam promissionem usq; ad consummationem seculi, non quidem corporali modo, sed spiritali. Nam uerbum Dei & gratia Spiritus sancti sunt speculum, in quo Christus uult aspici: & hic aspectus satis est, quo contenti esse debemus, donec ipse ad iudicium uenerit: nam postea perpetuo fruemur eius conspectu.

Sed cur discipulos suæ mortis & resurrectionis admonuit? Multæ sane sunt causæ, quarum præcipua est, quam ipse assignat his uerbis: Hæc prædixi uobis ut cum facta fuerint credatis: mul-

tum

tum enim confirmantur animi hominum, cum uident euentum prædictionibus respondere. Neque quicquam magis erexit Apostolos, quam quod uiderunt omnia respondere prædictionibus Christi: unde & eius diuinitatem intelligere, & eius officium perspicere potuerunt. Deinde uoluit Dominus his crebris præmonitionibus discipulorum suorum infirmitati consulere, idq; est fidelis magistri, ut habita ratione captus eorum, quos docendos suscepit, illorum ruditati crebris inculcationibus eandem rerum medeatur. Præterea quoq; ideo prædixit suam mortem & resurrectionem, quo discipuli sciarent, cum suam præsciuisse mortem & resurrectionem, & libenter usq; ad mortem Patri obtemperasse, ut nos à morte liberaret. Hæc Christi concio nobis quoq; accommodanda est: nam non dissimile nobis accidit. Modicum abesse à nobis uidetur, dum nos sine consolatione relinquit luctantes sub cruce. Deinde rursus uidetur, quando per Euangelium nos consolatur, et sui Spiritus præsentiam in nostris precibus testatur.

DE SECVNDO.

Ruditas discipulorum Christi in rebus salutis his uerbis describitur: Quid est (inquiunt) quod dicit nobis, modicum & non uidebitis me, & iterum modicum & uidebitis me, & quia vado ad Patrem, nescimus quid loquitur: Valde mirum est, quod toties admoniti, non solum typis, figuris & enigmatibus: uerumetiam clavis

4 3 uerbis

uerbis de morte & resurrectione Domini, non tam
 men intelligere potuerint. Quæ huius rei causa
 est? Duplex sane causa est. Vna quod opinio semel
 mente concepta, non facile euellatur, præsertim si
 altas radices egit. Iudei atq; adeo ipsi discipuli Do-
 mini somniarunt Christi imperium ciuile fore, ut
 ipse Christus summus imperator, subiecto toto ter-
 rarum orbe dominaretur, atq; ipsi discipuli proxi-
 mi ab eo essent futuri, id quod satis filiorum Zebe-
 dei mater declarauit, quando petijt, ut alter filio-
 rum sederet Christo à dextris, alter à sinistris. Al-
 tera causa, est caligo in toto humano genere, qua
 fit, ut nemo possit quæ Dei sunt percipere, nisi do-
 ctorem habeat Spiritum sanctum. Hinc nos disca-
 mus. 1. deplorare hanc nostram cæcitatē. 2. audire
 frequentius uerbum, quo ab ista caligine ignoran-
 tiæ liberemur. 3. rogare ipsum Deum, ut ipse nos
 doceat, iuxta illud Psal. 25. Deduc me in ueritate
 tua, & doce me, quia tu es Deus salutis meæ: bonus
 & rectus est Dominus, propterea docebit pecca-
 tores in uia. Sed nobis cauendum est, ne cum Domi-
 nus doceat, aures cordis ad eius uocem occludamus,
 quemadmodum omnes illi faciunt, qui uerbum Dei
 sine fructu audiunt. Qui autem ita aures ad uocem
 Dei occludunt, tandem commerentur, ut perpetuo
 relinquantur in sua cæcitate & ignorantia. Deus
 nos conseruet, ne in hanc ingratitude poenam
 incurramus, qua uidemus multos esse horribiliter
 punitos. Multos enim inuenias, quos si inter-
 roges

reges post auditam concionem, quid perceperint, non habent uerbum quod respondeant: interrogati de sermonibus habitis in conuiuium aut in placito, possunt singula referre, ita ut ne unum quidem uerbum eos fugiat. Quæ est ratio? In quibusdam hoc facit naturalis ruditas de rebus salutis: in quibusdam autem & pœna, ut audientes non audiant, & intelligentes non intelligant. Quapropter, carissimi, mature resipiscamus, imploremus opem diuinam, & quando sentimus tedium audiendi & discendi uerbum Dei in nobis, mox cogitemus, quod Diabolus struat nobis insidias, mox confugiamus ad orationem, qua petamus à Deo, ut & doceat nos, & suo Spiritu faciat suo uerbo locum in nobis.

DE TERTIO.

Amen dico vobis, quod plorabitis & flebitis vos, mundus autem gaudebit. Vos autem contristabimini, sed tristitia uestra uertetur in gaudium. Idem repetit, quod paulo ante dixit de sua morte & resurrectione: nam signo proposito triplici, quid eueniet, indicat, sed obscurius. Ploratu discipulorum significatur mors Christi & sepultura. Gaudio mundi significatur triumphus Iudeorum occidentium Christum: nam illo mortuo, putabant se suamq; rempublicam securam fore. At cum subiungit, tristitia uestra uertetur in gaudium, significat se ex mortuis resurrecturum, unde rursus gaudium concipient discipuli. Hoc ipsum declarat proposita similitudo

ne mulieris parturientis, quæ quidem dum parturit graues dolores sentit: uerum postquam puerum natum uidet, tantum percipit gaudium, quod doloris, quem paulo antea sensit, prorsus immemor reddatur. Ad eundem modum discipuli Domini, mortuo & sepulto Domino, graues dolores animi sentiunt: sed mox excitato ex mortuis Domino, præ gaudio præteriti doloris obliuiscuntur. Atq; hoc est, quod dicit: iterum autem videbo vos, & gaudebit cor vestrum, q̄ me à mortuis excitatum uidebitis: & gaudium vestrum nemo tollet à uobis: id est, postea non sum moriturus, ut ex mea morte concipiatis dolorem: sed perpetuo uiuam, & ita uos Spiritu meo de noticia Dei instruam, ut non amplius sit uobis opus me quicquam interrogare. Ita simpliciter uidimus sensum textus: Nunc autem hæc omnia ad Ecclesiam omnium temporum transferenda sunt, quæ in hoc mundo erit sub cruce, dum impij lætantur: uerum tandem apparente Christo plenum & perfectum gaudium in omni æternitate consequetur. Nam istud triduum, quo Dominus passus est & excitatus, imago est crucis Ecclesiæ, gaudij mundi, id est, impiorum persequentium Christum, & ipsum in suis membris occidentium, & gloriose liberationis Ecclesiæ, quæ futura est plena, quando Dominus ueniet in nubibus, cum gloria & potestate magna, & assumet suos ad æterna gaudia, & impios tradet Diabolo æternis pœnis cruciandos.

Cum

Cum igitur hic locus admoneat nos de cruce Ecclesie, & eius gloriosa liberatione: Dicam I. Quid sit crux & quam uaria. Deinde quæ causa crucis. Tum, discrimen inter crucem piorum & supplicia impiorum. Ad hæc, quo animo pio sit crux ferenda. Postremo, unde consolatio sub cruce petenda sit.

Quid est crux? Est quæuis afflictio, cui membra Ecclesie Christi in hoc mundo obnoxia sunt. Cuius differentie quadruplices esse uidentur.

I. Nam crux pij hominis uel est animi dolor afflictioq; corporis, idq; uarijs de causis: ut ex accepto damno, tristi amicorum casu, siti, nuditate, carcere, tortura, ut sanctus Iacob summum dolorem animi habuit propter amissum filium Ioseph. Ioseph corporis afflictionem in carcere expertus est: Lazarus extra portam diuitis famem & corporis ulcera sensit, & multi pij hodie uarijs animi & corporis exercentur ærumnis.

II. Vel est pugna acerrima carnis & spiritus in pijs. Nam caro semper concupiscit aduersus spiritum, interdum uincit & prorsus uidetur spiritum prosternere, ut in Dauide uidemus, qui uinctus carnis concupiscentijs in pessima scelera homicidij & adulterij lapsus est, & nisi reuocatus fuisset ad pœnitentiam, & rursus imperio spiritus fuisset subiecta caro, æternum periisset. Hinc Paulus clamat: Quis me liberabit de corpore mortis huius? gratia Dei per Iesum Christum.

III. Vel est difficultas uocationis in Oeconomia,

4 5 poli-

politia & Ecclesia. Quantam crucem pij etiam mariti & matrone experiuntur in educandis liberis, in querendis necessarijs uitæ, norunt illi, qui hoc experti sunt. Qui gerunt magistratum: ut reges, nobiles, consules, præfecti, non sunt immunes à cruce, modo alioqui pij sunt: Ita quoq; pij Episcopi, parochi & alij Ecclesiarum ministri, sæpe ex difficultate officij grauem experiuntur crucem.

IIII. Vel crux est certi delicti pœna, sicuti sunt multe causæ calamitatum Ecclesiæ, de quibus causis iam dicam.

Quæ sunt itaq; crucis Ecclesiæ causæ? Quædam causæ crucis in nobis sunt: quædam extra nos. In nobis sunt tres causæ crucis, quarum prima est peccatum inhabitans, hoc est, originale: hoc peccatum, nisi coerceretur, produceret fructus exitiales. Secunda est concupiscentia inde pullulans, tanquam flamma ex igni, quæ flamma, nisi aqua crucis extingueretur, incendium inferni exciteret. Tertia causa in nobis, sunt quotidiani lapsus, quos peccatum originis per suas concupiscentias gignit. Septies, inquit Salomon, in die cadit iustus & resurgit. Hos quotidianos lapsus reprimit crux nobis diuinitus imposita, ne cum hoc mundo damnemur in peccatis nostris.

Deinde sunt & extra nos causæ crucis, sed diuersæ. Nam Deus ex paterna bonitate, nos sua uirga uisitat. Quemcunq; enim recipit, castigat, non alio affectu quam bonus pater. Deinde Diabolus insidias

insidiatur Ecclesiæ, ut in Iob uideamus: Sed Deus ei limites præscribit, ultra quos progredi non ualet. Præterea membra Diaboli, hoc est, tyranni & mali homines in mundo, qui Ecclesiæ molestias faciunt in hac uita. Sunt & aliæ causæ crucis, quas omni- tam, & dicam de discrimine crucis piorum & supplicij impiorum.

Quod est igitur discrimen inter crucem pio- rum & supplicia impiorum, postquam sepe in hoc mundo uideamus pios & impios grauibz ærumnis affici? Sunt sane multa discrimina.

PRIMUM discrimen sumitur à causis effici- entibus. Nam ut afflictio piorum proficiscitur ex paterno amore Patris cœlestis erga filios suos: ita supplicia impiorum ex ira & furore iusti iudicis Dei proueniunt, qui sceleratos punit, ut hostes & aduersarios.

SECUNDUM discrimen sumitur à causis finalibus, pij enim cruce exercentur in illorum be- num: impij uero supplicijs afficiuntur in ipsorum malum, nisi resipiscant.

TERTIUM discrimen sumitur ab effecti- bus: pij enim, ut Iob, Dominum benedicunt & in- uocant sub cruce: impij autem fremunt aduersus Deum & indignantur: pij erudiuntur, impij con- funduntur: pij probantur, impij perturbantur: pij sub cruce sperant, impij uero desperant.

QUARTUM discrimen a tempore petitur, pij ad breue tempus, ut postea cum capite Christo glorifi-

glorificentur : impij uero perpetuo malo inuoluantur, quorum praesens afflictio praeludium est aeternarum poenarum in inferno.

QVINTVM discrimin à loco sumitur, Pij in hoc mundo tantum erudiuntur : impiorum ignis nunquam extinguetur : hic enim mala cruciantur conscientia, illic aeterna ira Dei obruti, nunquam finienda luent supplicia. Ita habemus discrimina crucis piorum & afflictionis impiorum: nunc pauca adijciam de consolatione, qua pij se sub cruce erigere debent.

Vnde ergo petenda est consolatio? Pius qui sub cruce premitur duo considerabit in sua afflictione, nempe iudicium & misericordiam. Iudicium quidem, quod propter sua peccata puniatur. Ideo Christus dicit : Noli peccare, ne quid deterius tibi accedat. Misericordiam uero, quod ideo puniatur, ut conuertatur & agat poenitentiam, iuxta illud 1. Corinth. 11. Cum iudicamur, à Domino corripimur, ne cum hoc mundo damnemur. Fidelis ergo cum exercetur cruce, ex paterna misericordia consolationem petat.

SECVNDO, pius in cruce petet consolationem ab exemplis, cuiusmodi multa ad Heb. 11. recitantur, & Paulus saepe nobis proponit exemplum Christi, cui nos conformes fieri oportet in cruce, ut olim cum illo glorificemur. Patitur enim pius cum Christo, tanquam eius membrum. Nam ut Christus passus est, primum ut obediret Patri : de
inde

inde, ut uinceret & damnaret peccatum nostrum :
ita & nos Deo obedire debemus sub cruce, & uin-
cere & damnare peccatum nostrum : non quidem
illud expiando, ut ipse fecit, sed mortificando.

TERTIO, pius consolationem petit à sinibus
crucis, non enim castigatur pius cruce ut pereat,
sed ut coerceatur, & ueluti freno quodam retinea-
tur, ne à Deo deficiat.

QUARTO pius consolabitur se ex præsena-
tia Dei : ita enim Deus inquit, Ego tecum sum in
tribulatione. Nisi enim Deus nos sua præsencia in
cruce tueretur, omnino desponderemus animum, &
abijceremus confessionem.

QUINTO petet pius consolationem ex pro-
missione liberationis, mitigationis poenarum, &
auxilij diuini. Clamauerunt, inquit Psalmus, Patres
nostri, & exaudisti eos.

SEXTO petet pius consolationem ex colla-
tione præsantis afflictionis & futuræ gloriæ : illa
momentanea est, hæc aeterna. Hæc sint dicta de
cruce piorum. Deus det nobis gratiam, ut sub cru-
ce Deum uera patientia glorificemus, per Iesum
Christum Dominum nostrum. Cui honor & gloria
in secula seculorum, Amen.

DOMINICA QVAR

TA POST PASCHA,

Iohan. 10.

Vado



Vado ad eum qui misit me, & nemo ex vobis interrogat me, quo vadam. Sed quia hæc locutus sum vobis, mœstitudo impleuit cor vestrum. Sed ego veritatem dico vobis, expedit vobis, vt ego vadam. Si enim non abiero, consolator ille nō venit ad vos. Sin autem abiero mittam eum ad vos. Et eum venerit ille, arguet mundum de peccato, & de iusticia, & de iudicio. De peccato quidem, quia non credunt in me. De iusticia vero, quia ad Patrem vado & posthac non videbitis me. De iudicio autem, quia Princeps huius mundi iam iudicatus est. Adhuc multa habeo, quæ vobis dicam, sed non potestis

testis ponere
quod Spiritus
non veritate
mentis, sed q
que futura su
glorificabit, q
vobis vobis. C
na sunt, Pre
cipit, & annu
ENAR

Hoc Euang
Hanc hab
retur, in qu
premonuit ei
re resurrectione
latione & sta
et consummati
tatis, ut discip
dicerent conse
illa inde orta in
concionis
quod Christus
autorem & g
inde indicatur
regni politici &
qui habet veri
tatem, publicis
disciplina pater
tatis tres,

testis portare nunc. Cum autem venerit ille, qui est Spiritus veritatis, ducet vos in omnem veritatem. Non enim loquetur à semetipso, sed quęcumq; audierit, loquetur, & quę futura sunt, annuntiabit vobis. Ille me glorificabit, quia de meo accipiet & annuntiabit vobis. Omnia quęcumq; habet Pater, mea sunt, Propterea dixi, quod de meo accipiet, & annuntiabit vobis.

ENARRATIO TEXTVS.

Hoc Euangelium est pars concionis Christi quam habuit post Coenam, pridie quam pateretur, in qua, ut die ab hinc octauo admonui, pręmonuit discipulos suos de sua passione, morte, resurrectione, & de Ecclesię persecutione, consolatione & statu regni sui, qualis futura esset usque ad consummationem seculi, differuit: idq; in euangelium, ut discipuli confirmarentur in fide, & ne abijcerent confessionem, propter crucem & scandalum inde orta inter multos. Ista causa fuit etiam cuius concionis, quam recitavi: cuius summa est, quod Christus polliceatur Ecclesię advocatum, doctorem & gubernatorem Spiritum sanctum: unde indicatur discrimen inter administrationem regni politici & regni Christi. Illud enim externis opus habet nervis, ut legibus, magistratuum ordinibus, publicis pęnis &c. Hoc, uerbo, spiritu, disciplina paterna & Sacramentis administratur.

Loci tres.

I. Vtilis

- I. Utilitas & necessitas abitus Christi ad Patrem, in quo regnum Christi describitur.
- II. Quid efficiat Spiritus sanctus in mundo.
- III. De dicto: multa habeo vobis dicere, sed non potestis portare modo.

DE PRIMO.

Vado ad eum qui misit me, & nemo vestrum interrogat me, quo vadis; hoc est: Nunc mea mors imminet & victoria super morte, quam nactus ad Patrem ascendam. Quod ita obscure loquatur Dominus, ideo facit, ut discipulos excitet ad inquirendum de sua morte & resurrectione diligentius. Verum illi nihil minus cogitarunt, quam ut traderetur tam turpi morti, quem illi Messiam agnouerant: adeo cœcutit ratio in diuinis, repit hic in terra, non potest recte de rebus cœlestibus & de regno Christi cogitare.

Quia, inquit, hæc dixi vobis, tristitia impleuit cor vestrum, hoc est, quia auditis me mentionem facere mortis & crucifixionis, tristitia afficimini: nec enim intelligitis, quid boni mea mors & resurrectio sit vobis apportatura. Sed veritatem dico vobis: expedit vobis, vt ego vadam, quasi dicat: Non cogitabitis de mea morte, quasi de morte alterius hominis: sed hoc scitote, quod mea mors, mea resurrectio, & abitus ad Patrem singularem utilitatem vobis adferet. Utilitas autem hæc in summa est. Vt Christus natus, circumcissus, oblatus, Doctor factus est: ita etiam passus est

& excis

Et excitatus ex mortuis in nostram salutem, modo firma fiducia in illum recumbamus: unde illud, Roman. 10. Si in corde tuo credideris, quod Deus excitavit Iesum ex mortuis, saluus eris. Hanc utilitatem abitus Christi non intellexerunt discipuli: sed tantum somniarunt de regno mundano, in quo Christus ut summus Monarcha presideret.

Si enim non abiero, Paracletus non uenit ad uos, quasi diceret, uestra causa patiar, uestra causa resurgam, uestra causa uadam ad Patrem, ut inde uobis Paracletum, consolatorem et aduocatum mittam. His uerbis duo innuit. Vnum, quod Ecclesia sit habitura hostes in hoc mundo, et quod sit exercenda cruce. Alterum, quod in cruce et persecutione sit habitura consolatorem et aduocatum Spiritum sanctum, quem ipse donabit ei. Ita enim ait:

Cum autem abiero, mittam eum ad uos. Hec omnia eo pertinet: ut cum discipuli uideant Christum tradi a Iuda, rapi ad supplicia, condemnari ad mortem turpissimam, animum aliquo modo erigant, freti his Christi promissionibus. Hinc et nos petamus consolationem, quoties in regnis mundi affligimur, et cogitemus discrimen inter regnum Christi et regnum mundi. In illo est Spiritus sanctus aduocatus et consolator, quem Pater labit petentibus, iuxta promissionem Christi: Et labit Spiritum sanctum petentibus: in hoc afflictio et miseria.

DE TERTIO.

b

In

In secunda parte textus dicit, quid Spiritus sanctus facit in mundo. Cum uenerit (inquit) ille, arguet mundum de peccato, & de iusticia, & de iudicio. De peccato quidem, quia non crediderunt in me: De iusticia uero, quia ad Patrem uado, & iam non uidebitis me: de iudicio autem, quod princeps huius mundi iam iudicatus est. Hæc Christi uerba ad duo tempora referenda sunt, nempe ad illud quod mox consecutum est ascensionem Domini, & quod reliquum totum tempus, usq; ad consummationem seculi. PRIMVM ergo dicam, quomodo intelligenda sint hæc uerba, respectu temporis, quod mox consecutum est ascensionem Domini, & ad Spiritus sanctus uisibiliter die Pentecostis datus est Apostolis. Primum dicit: Spiritus sanctus arguet mundum de peccato, hoc est, ita conuincet mundum reum peccati, ut nihil habeat, quod prætexat. Mundus, id est, hostes à quibus sum reiectus, spretus, & in crucem adactus, manifesto spiritus testimonio, ac propria conscientia conuictus, fatebitur se errasse, & uehementer peccasse, quod in me non crediderit. Hoc quam uerum fuerit, ostendunt illi, quos Petrus arguit homicidij Act. 2. Hi enim conuicti de suo peccato, dicunt: Quid faciemus uiri fratres? ita hi ad homicidij confessionem adacti sunt, & agnoscunt, se uehementer peccasse, quod illum occiderint, in quem credere potius debuissent.

Deinde arguet mundum de iusticia. De cuius iusticia?

Iusticia? Mundine? Non: Mundus enim nullam
ueram iusticiam habet. De cuius ergo iusticia? De
Christi iusticia. Conuincet enim Spiritus sanctus co-
ram mundo, quod Christus uere iustus fuerit. Hoc
ita esse, ex subiecta ratione patet. Quia, inquit, uado
ad Patrem, & amplius non uidebitis me. Hoc est,
cum mundus aperte in Ecclesia spectabit Spiritum
sanctum, per me in uos effusum, fateri cogetur me
uere iustum fuisse, & non blasphemum & impium,
propterea quod me dicerem Dei filium: Spiritus
sanctus enim testabitur de mea innocentia.

Præterea arguet Spiritus sanctus mundum de
iudicio, quia princeps huius mundi iudicatus est.
Quid hoc est? Mundus, qui me per ludibrium Chri-
stum dixit, & iussit ut de cruce descenderem, con-
uincetur per Spiritum sanctum, quem die Penteco-
stes in uos effundam, quod inique iudicauit. Nam
Spiritus sanctus faciet, ut re ipsa intelligant & co-
gnoscant, me Diabolo superato per resurrectionem,
imperium exercere in mundo, cum nemo uobis re-
sistere poterit. Hic est horum uerborum sensus, si
ea ad efficaciam Spiritus in die Pentecostes refera-
mus. Neq; tamen ad illud tempus pertinent ita, quin
etiam ad totum tempus usq; ad seculi huius consum-
mationem referri possint ac debeant, quemadmo-
dum nunc declarabo.

PRI-MVM ergo Spiritus sanctus arguet
mundum de peccato, hoc est, reum ostendet pecca-
ti. Cuiusnam peccati? quod, inquit, non credide-
runt

b 2 runt

runt in me : An ergo non sunt alia peccata, quæ arguet Spiritus sanctus, quam infidelitas seu non credere in Christum ? Sane sunt infinita & horrenda peccata contra primam & secundam Tabulam. Quare ergo hoc solum posuit ? Quia hoc manente, & cætera detinentur, & hoc discedente, & cætera remittuntur. Vt ergo cum infidelitate omnia reliqua peccata adsunt : ita ubi fides est in Christum, omnia peccata remissa sunt. Nam credenti promittitur uita æterna, quod non fieret, si peccata remissa essent. Hic ergo uidemus, quam sit necessarium in Christum credere. Sed quid est in Christum credere ? Est statuere illum esse Pontificem & regem, qui sua morte expiauit peccatum, & resurrectione gloriosa adduxit iusticiam, seu quod suo sanguine, qui Deus & Homo est, sibi Ecclesiam acquisiuerit, Act. 20. Hæc fides non est opus hominis, sed Dei : Non est nata ex ratione, sed ex uerbo Dei. Porro uerbum Dei est duplex : Lex & Euangelium. Lex tollit fiduciam nostri : Euangelium operatur fiduciam Christi. Lex enim proponit nobis iustam uoluntatem Dei, uidelicet ut custodiamus legem, alioqui uoluntate Dei damnandi. Euangelium proponit nobis gratiosam uoluntatem Dei, quæ est quod Deus uelit nos remissis peccatis, propter Christum in gratiam recipere. Vt ergo ex lege deuenimus in cognitionem nostræ imbecillitatis, & ex hac in cognitionem uoluntatis Dei iustæ, & iudicij, unde & in desperationem : Ita ex noticia Euangelij de-

lij de-

lij deuenimus in cognitionem misericordiae Dei, propter Christum datum ut fieret uictima, & tolleretur peccata omnium in se credentium. Ex hac cognitione, operante Spiritu Sancto, concipitur fides, qua abolentur omnia peccata, & offertur Christi iusticia, ut non amplius ut peccatores damnemur, sed iusti & filij Dei, in conspectu eius appareamus: Quibus & hereditas uitae aeternae est promissa, iuxta illud: Qui credit in Filium, habet uitam aeternam, qui uero incredulus est Filio, non uidebit uitam: sed ira Dei manet super eum. Cur ita? quia in peccato suo manet, propter quod ad poenas aeternas obligatus est, iuxta illud: Qui non credit in Filium, ira Dei manet super eum. Ira nomine maledictio & poena cum damnatione coniuncta, significatur. Hinc patet quam necessaria fides sit, & quid efficiat.

Deinde sequitur: Et arguet mundum de iusticia, quia vado ad Patrem, et amplius non videbitis me. Hoc est, S. Sanctus arguet mundum, quod non sectetur ueram iusticiam, qua coram Deo consistere possumus, illa autem iusticia est Christi, uidelicet quod ipse uadens ad Patrem, illic est Pons, iudex & interpellator pro credentibus: Nam Christum pati & interpellare apud Patrem, est credentium iusticia. Sed quia hoc non statuit infidelis mundus, arguitur à Spiritu Sancto: Is enim efficaciter conuincit, quod non aliunde possit hominibus iusticia contingere, quàm ex imputatione iusticiae Christi,

b 3

que

quæ illis contingit, qui in ipsum credunt: Hæc sunt noua & admiranda omnibus ijs, qui iusticiam fidei non intelligunt: sed somniant se iustos esse, uel externa obedientia legis, uel humanis traditionibus, ut olim Pharisei & hodie Papistæ faciant. Hi non intelligunt, quod omnia opera mundi sint longe imperfectiora, quam ut potentiam Diaboli & mortem superare possint. Sed quomodo probatur, quod Christi obedientia sit nostra iusticia? Id probatur firmissimis scripturæ testimonijs. Paulus Rom. 5. Quemadmodum per obedientiam unius, scilicet Adæ, peccatores constituti sunt multi: Ita per obedientiam unius Christi, iusti constituentur multi. Hanc Christi iusticiam nobis imputatam habemus, quando in eum credimus, iuxta illud Rom. Corde creditur ad iusticiam. Item: Credidit Abraham Deo, & imputatum est ei ad iusticiam. Paulus Roman. 3. Arbitramur hominem iustificari fide absque operibus legis. Hoc ipsum significat hic Christus, cum ait: Arguet Spiritus sanctus mundum de iusticia, quia uado ad Patrem. Hoc est, Spiritus sanctus non solum me iustum conuincet fuisse: uerum etiam iusticiam eorum esse, qui in me crediderint, manifestabit.

Præterea sequitur: Et arguet Spiritus sanctus mundum de iudicio, quia Princeps huius mundi iudicatus est. Hoc est, Spiritus sanctus conuincet inuito mundo, me Semen illud esse, quod promissum erat, ut contereret caput serpentis,

tis, id est, quod iudicaturum erat principem huius mundi: cum quo etiam iudicata & damnata sunt omnia eius membra: nam si caput damnatum est, quid poterunt membra? Quare sæuiat Diabolus contra pios quantum uelit: nihil tamen potest. Insi- diabitur quidem: sed non prosternet, donec fides seruauerimus firmam & constantem. Ita enim ait Iohannes: Hæc est uictoria, quæ uincit mundum, si- des uestra. Per mundum significatur ipse Satanas, cum uniuersa sua cohorte, tyrannis, Sophistis, Hy- pocritis & piaculis. Nam Christus per suum Spiri- tum confudit iudicium Satanae, qui per suos satel- lites condemnat Euangelium. Non enim cursum Euangelij impediet: etiamsi id sæpißime facere co- natur flumine sanguinis, inde usq; ab initio mundi, & maxime post resurrectionem Christi.

Habemus quomodo Spiritus sanctus arguat mundum: Nunc breuiter uideamus, quid in Eccle- sia faciat. Primum adest efficax in uerbo & Sa- cramentis. Vbiq; enim uerbum Dei pure præ- dicatur, & Sacramenta iuxta institutionem Chri- sti administrantur, illic adest, & uult esse efficax in auditoribus uerbi & participantibus Sacramen- ta. Qui autem uerbum uel ociose audiunt, uel Sa- cramentis utuntur sine reuerentia, hi se opponunt Spiritui sancto, & uerbi & Sacramenti ministeri- um contemnunt in suum proprium malum & dam- nationem.

Deinde, ut hic textus docet, adest Spiritus san-

b 4 Etus

Ætus Ecclesiæ, ut Consolator, Aduocatus, Doctor ueritatis. Nam nos in hoc mundo premimur uarijs malis, contra quæ opus est Consolatore, ne fracti aduersis confessionem abijciamus. Aduersarius noster Diabolus quotidie nos accusat: quemadmodum Iob accusauit. Hic non consisteremus sine aduocato, qui testatur nos Deum habere propiciū, qui non uelit nos abijcere propter nostra peccata, modo pœnitentiam egerimus. Deinde multa & profunda ignorantia laboramus, ut non possimus, quæ Dei sunt, intelligere. Quare opus habemus doctore s. sancto, qui nos in omnem ueritatem ducet, iuxta hanc Christi promissionem: Cum autem uenerit Spiritus ueritatis, docebit uos omnem ueritatem.

Venit autem Spiritus sanctus dupliciter, uisibiliter & inuisibiliter. Visibiliter uenit in Apostolos die pentecostes, quemadmodum suo tempore audiemus. Inuisibiliter uenit in corda hominum, quando prædicatur Euangelium, & obsignat ueritatem Euangelij in cordibus auditorum. De utroque Spiritus aduentu loquitur Christus. Nam quod in Apostolis præcessit uisibiliter, id sequitur inuisibiliter, ubicumque pure docetur Euangelium.

Sed quo spectat doctrina Spiritus sancti? Non loquetur à semetipso, sed quæcumque audiet loquetur, id est, Spiritus s. eandem doctrinam uos docebit, quam ego docui, & quæcumque uentura sunt annuntiabit uobis: Hoc est, quale sit meum regnum futurum in hac uita & post resurrectionem communem,

nem,

nem, reuelabit uobis: Et me glorificabit, quia de meo accipiet & annuntiabit uobis: Hoc est Spiritus S. suo testimonio & efficacia gloriam mihi à Patre datam stabiliet, ita ut portæ inferorum nihil præualere possint aduersus regnum meum, nunquam enim poterunt meam obscurare gloriam.

DE TERTIO.

Nunc restat ut dicamus de dicto: Adhuc habeo vobis multa dicere, sed nō potestis portare modo. Hoc loco abutuntur Papistæ ac si Apostoli non plenam doctrinam tradidissent Ecclesiæ: idq; in eum finem astruunt, ut suas Missas, inuocationem sanctorum, rosaria, indulgentias, aquam lustralem, & alias AntiChristi fraudes confirmet. Verum Christus loquitur ad Discipulorum captum, & de infirmitate, quam habuerunt ante suam mortem, & de dono, quod accepturi erant post resurrectionem in die Pentecostes. Quasi dicat: Multa dicere uobis de meo regno & mysterijs alijs: sed iam nondum plene edocti estis per Spiritum, quem suo tempore dabo uobis, qui ducet uos in omnem ueritatem, id est, in plenam de meo regno cognitionem. Hanc plenam ueritatem consecuti sunt Apostoli ipso die Pentecostes, quam postea scriptis tradiderunt. Nos eandem ueritatem petere debemus, & ea soli contenti erimus, si modo discipuli Spiritus sancti esse uelimus, cui cum Deo Patre & aeterno Filio sit honor, laus & gloria in secula seculorum, Amen.

b 5 DO=

DOMINICA QVINTA

POST PASCHA, Iohan. 16.



A Men amen dico vobis, quæcunq; petieritis Patrem in nomine meo, dabit vobis. Hactenus non petistis quicquam in nomine meo. Petite & accipietis, ut gaudium vestrum sit perfectum. Hæc per proueria locutus sum vobis. Veniet tempus, cum iam non per proueria loquar vobis, sed palam de Patre meo annuntiabo vobis. In illo die in nomine meo petetis. Et non dico vobis, quod ego rogaturus sim Patrem pro vobis, Ipse enim Pater amat vos, quia vos me am-

amastis, & credidistis, quod à DEO exiuerim. Exiui à Patre, & veni in mundum, iterum relinquo mundum & vado ad Patrem. Dicunt ei Discipuli eius: Ecce nunc aperte loqueris, nec prouerbiū vllum dicis. Nunc scimus, quod scis omnia, nec opus est tibi, vt quis te interroget. Per hoc credimus, quod à Deo existi.

ENARRATIO TEXTVS.

Sapienter hoc Euangelium hodie Ecclesie proponitur. Continet enim præcipuum Christianorum opus, quod & illorum proprium est: soli enim Christiani hunc cultum inuocationis præstare possunt. Nam postquam proximo die Dominico traditum sit, quæ sit vera fides, quæ iusticia, quod iudicium, Breuiter, quodnam sit regnum Christi, & in quibus situm sit: oportune hoc die, de præcipuo cultu, quem ciues Regni Christi præstare possunt, qui est vera Dei inuocatio, prædicatur. Et quia nullum exercitium piorum est magis necessarium, quam oratio, & nullum opus sit difficilius, quam recte orare, uolo hac concione tantum de oratione dicere: & quo facilius hanc doctrinam intelligamus, duo de oratione dicam, quæ sunt:

Quid sit Christiana oratio & quotuplex.

I. Quæ sint conditiones, quæ in omni oratione esse debent.

His enim duobus locis explicatis, spero quod ne sit futurus, modo se docilem præbuerit, qui non plane

plane & clare intelligat, quidnam sit Christiana oratio, & quam necessario orandi cultus à nobis requiratur.

DE PRIMO.

Quid est ergo Christiana oratio?

Est supplex eleuatio mentis ad Deum, aliquid à Deo petentis, aut pro acceptis beneficijs gratias agentis. Quod autem sit duplex eleuatio mentis ad Deum, primum confirmatur Davidis testimonio, qui precaturus ait Psalm. 23. Ad te Domine leuavi animam meam. Deinde ex forma precandi nobis à Domino præscripta: Pater noster qui es in cælis. Præterea ex gestu precantium, qui solent oculos in cælum leuare inter precandum. Hoc igitur scire oportet, quod non sit tantum uocis strepitus oratio: sed quod sit eleuatio supplex cordis ad Deum, cum qua supplici cordis eleuatione uerba quoque ex ore procedunt.

Sed quotuplex est Christiana oratio? Est quadruplex. Deprecatio (effbedelssse) Adoratio (tilbedelssse) postulatio (faarbedelssse) & gratiarum actio. Hæc quatuor orationis genera breuiter declarabo.

Deprecatio ergo est supplex eleuatio animæ hominis ad Deum, qua petitur liberatio ab ijs, quæ molestiam adferunt. Vt cum petimus nos liberare à tyrannide, uiclentia, morbo, fame & alijs, quæ nobis aspera uidentur.

Adoratio est supplex eleuatio animæ hominis ad Deum, qua beneficium aliquod petimus: ut cum
petimus

petimus incrementa fidei, dilectionis, patientiæ, castitatis, & cum petimus ea, quibus opus habemus ad huius uitæ sustentationem.

Postulatio est supplex eleuatio animæ hominis ad Deum, qua alius pro alio petit, uel omnes pro se inuicem intercedunt, ut cum oramus pro morbo laborantibus, alijsue, qui nostra prece indigent.

Gratiarum actio est supplex eleuatio animæ hominis ad Deum, qua Deo gratias agimus, uel pro beneficijs nobis ipsis, alijsue præstitis, uel pro malis nobis alijsue sublati. Iam tenemus quid sit Christiana oratio, & quot sint eius genera: nunc restat, ut de piæ orationis perpetuis circumstantijs dicamus.

DE SECVNDO.

In omni pia precatione, has quinque perpetuas proprietates & circumstantias adesse oportet: quæ sunt: 1. affectus cordis in eo, qui precaturus est. 2. cogitatio causarum, quibus ad orandum impellamur. 3. quisnam sit inuocandus. 4. per quem exauiamur. 5. quid petere ab optimo Deo oporteat. Iam hæ circumstantiæ facient nobis discrimen inter inanem Battologiam Ethnicorum, & efficacem precationem piorum. Quare rogo uos carissimi, ut diligenter has perpetuas orationis circumstantias, discatis, & perpendatis.

Prima circumstantia piæ orationis est affectus cordis, ut cor sit bene compositum inter preandum: Nam si honestas expostulat, ut corpus bene com-

ne componamus, quando cum honoratioribus hominibus nobis erit sermo: multo magis par est, ut cum coram Deo, in conspectu Angelorum, animus noster quam optime sit compositus. Qualis ergo debet esse eius affectus, qui cum fructu inuocare uelit? Primum omnium exuat omnem cogitationem propriæ gloriæ, dignitatis & meriti. Deinde uere inopiam suam sentiat, statuâtq; se prorsus omni ope destitutum, nisi Dominus ipse manus auxiliatrices porrexerit. Tum uera pœnitentia se coram Deo prosternat. Postremo fiducia promissionum diuinarum accendatur ad precandum. Qui enim uel tuam opinionem propriæ uirtutis, uel suam inopiam non sentiat, uel uera pœnitentia se coram Deo non prosternat, uel fide careat, cum Phariseo orat, & non cum Publicano, hoc est, non orat uere & efficaciter.

Secunda circumstantia est causarum, quibus ad orandum commoueri debemus. Sunt autem multe causæ, ex quibus quasdam recitabo, quo maius orandi desiderium in nobis excitetur.

PRIMA causa est mandatum Dei, cui obedire omnes creaturas decet. Inuoca me (inquit) in die tribulationis. Et Christi Apostoli sæpe ad orandum ex mandato Dei nos inuitant. Hanc causam diligenter cogitare debemus, quæ in nobis orandi affectum excitet.

SECUNDA causa est promissio: promittit enim Deus se exauditurum preces nostras, sicuti in
hoc

hoc Euangelio dicitur: Quicquid petieritis Patrem
in nomine meo, dabit uobis. Item in Psalmo, Inuoca
me in die tribulationis, & exaudiam te. Exaudire
nihil aliud est, quam largiri petita.

TERTIA causa est crux premens, id est, sen-
sus cum nostrae, tum aliorum inopia. Hic debemus
circumspicere, quid domi, quid foris nos premit:
debemus perpendere pericula publica & priuata:
debemus angustias Ecclesiae militantis in hoc mun-
do contra diabolum & eius membra cogitare, bre-
uiter, omnes necessitates urgentes in hac uita ani-
mo cogitanda sunt, quibus ad inuocandum excita-
mur.

QUARTA causa est uictoria in tentationi-
bus: unde Iacob, 1. iubemur orare, quoties tentatio-
nibus infestamur. Et Christus inquit: Orate, ne in-
tratis in tentationem. Non enim facile uel insidijs
diaboli, uel improbitate mundi, uel instigatione ui-
ose carnis superabitur, qui serio & assidue orat.
Inc Salomon: Turris fortissima nomen Domini,
hoc est, inuocatio Dei aduersus omnia mala tutissi-
mum est praesidium.

QUINTA causa, Satanae uariae technae, qui
bis in doctrina & in moribus insidiatur. Paulus
1. Thes. 6. iubet nos gladium Spiritus, qui est uer-
bum Dei, sumere contra Satanam per omnem de-
cepcionem & orationem.

SEXTA causa, fructus uberrimus orationis
est: nam consuetudo orandi nos in timore Dei

et pietate conseruat. Non enim facile lapsui est expositus, qui perpetuis precibus munitus, pietatem serio meditatur: contra, qui orandi studium negligunt, uarijs casibus sunt obnoxij. Pleriq; qui rapiuntur ad supplicia, ignorant formam precandi à Christo præsriptam: et si qui norunt, interroganti fatentur se rarius orasse.

SEPTIMA caussa, exempla sanctorum, quorum præcipua cura in uita fuit Deum serio inuocare. Iudaicus populus ter in die orauit, mane, meridie, uesperis. Sic et Daniel fecit, atq; adeo alij multi, quorum laudatur pietas. Sed inter nos multos inuenies, qui loco orationis, non solum mane, meridie et uesperis: uerum etiam integris noctibus et diebus scelera perpetrant, ut molle puluinar diabolo faciant, quo securius in illorum pectoribus quiescere possit. Has grauissimas causas serio nos cogitare oportet, quo ueternum nostrum pellamus, et ad serio inuocandum excitemur.

Sed quidnam his causis grauissimis præteritis, inquiunt, Deus scit quibus indigemus, et ipse nobis bene uult. Nam est noster Pater, ergo non opus est, ut nos fatigemus precibus. Respondeo: uerum quidem est, quod Deus sciat quibus indigeamus, et uere est, noster Pater, modo eius filij simus per fidem, neq; ideo petimus, ut Deum doceamus quid ignoret. Sed rursus sciendum est, quod non uult turbari ordinem à se institutum. Vt cum instituit, quod uelit nos alere cibo et potu, quod tamen posset facere sine

sine istis medijs: ita uult ut bona, quæ cum ad salutem nostram, tum ad huius uitæ sustentationem pertinent, impetremus precibus quæ ex fide manant. Non habetis, dicit Iacob 4. quia non petitis: petitis & non accipitis, quia male petitis. Et Christus dicit: Dominus dabit Spiritum sanctum petentibus, non dicit, oclantibus aut secure uiuentibus. Petendum est igitur, modo salutaria nobis cupiamus. Agnoscendum est utrumq; & Dei bonitas, quia paratus est ad dandum petentibus, & nostra inopia, quæ ne Spiritum trahere ualeamus, nisi nos sustentet.

Tertia circumstantia, quisnam sit inuocandus: de hac circumstantia non opus esset dicere, nisi inuenirentur adhuc, qui sanctos, nescio quos, inuocant. Quare dicam breuiter de hac summopere necessaria circumstantia. Et diserte dico quod solus Deus sit inuocandus. Hic solus Deus est pater, Filius, & Spiritu sanctus. Filius ut idem Deus cum patre & Spiritu sancto est inuocandus. Deinde est etiam inuocandus, ut Mediator inter nos & Deum. Quod solus Deus sit inuocandus, quatuor rationibus confirmatur, quarum Prima est mandatum: Nam de solo Deo inuocando mandatum habemus. Nunc autem cum nihil placet Deo sine fide, & fides non potest esse sine uerbo: sequitur neminem esse inuocandum, nisi de quo mandatum habemus. Secunda est promissio: nulla innocatio habet promissionem, nisi quæ fit ad Deum, igitur temere inuocamus id, quod non est Deus.

Tertia

Tertia est exemplum : nulla exempla sanctorum habemus, qui sanctos inuocauerunt : Quare nos insistamus illorum uestigijs , & nulli deferamus hunc diuinum cultum , nisi cui debetur, hoc est, soli DEO.

Quarta est manifesta prohibitio : Dominum Deum tuum adorabis, & illum solum coles. Quare certissimum tenendum est , quod Diabolus inuenerit inuocationem creaturarum, hoc est, sanctorum, propter tres fines. Primum, ut Christo suum honorem interciperet. Deinde, ut ignominia afficeret demortuos sanctos : Præterea ut perirent idolatra, qui sanctos inuocant. Moneo uos igitur, qui adhuc in errore estis, ut resipiscatis mature, ne præter expectationem incidatis in manus Dei uiuentis. Neque uiuat, quod quidam se hoc facere dicant bona intentione : nam omnis intentio hominis in rebus salutis est mala, nisi quæ regitur uerbo Dei & Spiritu sancto. Sic enim ipse Deus dicit : Præue sunt cogitationes hominis à principio. Et Paulus dicit : Animalis homo , (id est, qui non habet Spiritum Dei) non percipit ea quæ sunt Dei.

Quarta circumstantia per quem inuocandum. Scriptum est enim, quod Deus non exaudiat peccatores : Est nobis datus Mediator Iesus Christus , in cuius nomine inuocabimus, quemadmodum nos hodie Christus in Euangelio docet , inquiens : Quicquid petieritis Patrem in nomine meo , dabit uobis. Huius ergo fiducia, non nostra dignitate freti inuoc

ti inuocabimus, certi quod Deus per ipsum uelit nos exaudire. Verum quia hæc Christi sententia est insignis & plena consolatione, uolo eam distinctius explicare: nam multas admonitiones utiles continet hoc dictum, IN NOMINE MEO, id est, propter me & in agnitione & fiducia mei, & multa complectitur: Nam docet, monet & consolatur.

Quid quæso docet? 1. Excludendam esse dignitatem nostram. Non enim freti nostra dignitate: sed Christi patrocínio inuocabimus. 2. Separandam esse à pia oratione Hypocrisin, Phariseus in sua oratione multa gloriabatur de sua sanctitate: Non sum, inquit, ut cæteri homines: offero decimas de omnibus quæ possideo: ieiuno bis in Sabbato. Hic non in Christi nomine inuocauit: sed fretus sua sanctitate, uerba fudit inania potius quam orauit. 3. Gloriationem Ethnicam deponendam esse. Ethnici enim putarunt se exaudiri, cum ipsi prius id à Deo meruissent, ut Agamemnon putauit se exauditum iri propter suas Hecatombas. 4. Docet discrimen inter Christianam orationem, & aliorum omnium hominum. Sola enim fides in Christum facit discrimen inter orationem Christianorum & aliorum. Turcæ, Iudæi, Ethnici & similes putant se quidem inuocare, sed reuera non inuocant, quia fiducia Mediatoris sunt uacui, nec agnoscunt illum Deum esse, qui est Pater, Filius, & Spiritus sanctus.

Cuius rei monet hoc dictum, IN NOMINE

6 2 MEO

*carri fine
q3 p. 403
b. h. p.*



ME O? Monet nos nostræ cœcitat̃is. Nam cum Christus iubet nos petere in nomine suo, non est dubium, quin magna sint illa, quæ sunt nobis petenda. Hoc ergo dicto admoniti, aperiāmus oculos & circumspiciamus, quæ publica, quæ priuata: quæ interna, quæ externa: quæ spiritualia, & quæ corporalia bona sunt petenda nobis: & contra, quæ mala sunt deprecanda.

Quomodo consolatur nos hoc dictum, **IN NOMINE ME O?** Consolatur nos contra duo orationis impedimenta maxima, quæ sunt indignitas & diffidentia. Contra indignitatem enim nostram, uult nos opponere suam dignitatem, cum ait: Petite in nomine meo. Contra diffidentiam uult nos suam promissionem opponere. Verum multi non accipiunt quod petunt, quia male petunt, fidem Christi negligunt, ærē potius uerberant Battologia inani, quam cœlum ardenti fidei affectu penetrant. Hi non possunt iuste conqueri, quod sæpe orent, & nihil impetrent. Quare ne in illorum inueniamur numero, ex fide oremus.

Quinta circumstantia est de rebus, quas petere & quas deprecari oportet. Res petendæ sunt in discrimine triplici. Vel enim agitur gloria Dei, uel agitur salus nostra, uel bona ad huius uitæ commoditatem spectantia aguntur.

Gloriam Dei ante omnia propagari petimus, iuxta illam precationem: Sanctificetur nomen tuum. Verum hic non debemus Deo modum præscribere:

berere: ipse enim scit optime, quo modo sua gloria illustrari possit: sed uera fiducia petere, & persuadere nobis, quod nos exaudire uelit.

Salutem nostram etiam petimus, sed absq; omni conditione, quia habemus uniuersalem promissionem salutis. Omnis enim qui inuocauerit nomen Domini, hic saluus erit.

Verum bona, quæ ad hanc uitam faciunt, petamus cum duplici conditione, uidelicet si uel gloriam Dei impetratio eius, quod petitur, non impedit, uel nostram salutem remoratur.

Ad eundem modum mala, quæ cum his generib. bonorum pugnant, deprecanda sunt. Primi & secundi generis mala sunt deprecanda sine conditione: at ea mala, quæ nobis in hac uita molesta sunt, deprecanda sunt cum conditione non impeditæ gloriæ Dei & nostræ salutis: omnia enim gloriæ postponenda sunt. Hæc sunt dicta de oratione. Deus det gratiam, ut radicem agant in cordibus nostris per Iesum Christum, cui honor & gloria in secula seculorum, Amen.

IN DIE ASCENSIONIS DOMINI, Marc. 16.

Discumbentibus undecim, apparuit Iesus, & exprobrauit illis incredulitatem suam, & cordis duriciem, quod his, qui ipsum uidissent resuscitatum, non credidissent.

c 3

Et di-



Et dicebat eis: Ite in mundum vniuersum, & prædicate Euangelium omni creaturæ. Qui crediderit & baptizatus fuerit, saluus erit. Qui vero non crediderit, condemnabitur. Porro signa eos, qui crediderunt, hæc subsequenter: Per nomen meum Dæmonia eiicient, linguis loquentur nouis, serpentes tolerant, & si quid lethale biberint, non nocebit eis. Super ægros manus imponent, & bene habebunt. Itaque Dominus quidem, postquam locutus fuisset eis, receptus est in cælum, & cōsedit à dextris Dei. Illi vero egressi prædicauerunt ubique, Domino cooperante, &

te, & sermonem confirmante per signa subsequencia.

ENARRATIO TEXTVS.

Hoc festum in Ecclesia institutum est propter Articulum fidei nostræ, in quo profiteamur, nos credere in Iesum Christum ascendentem in cælum, postquam à sua gloriosa resurrectione 40. diebus cum suis discipulis fuisse conuersatus. In hoc festo, ut in alijs, tria sunt perpendenda. Primum historia cum suis circumstantijs. Deinde beneficium, quod nobis collatum est. Postremo, uerus usus & meditatio historie. Hæc tria se offerent in enarratione huius Euangelij: cuius summa est, quod Dominus 40. die à sua resurrectione apparuerit discipulis suis, quibus, exprobrata illis prius incredulitate & cordis duritie, dat mandatum prædicandi Euangelium per orbem terrarum, & quis fructus ex prædicatione ea perueniet ad auditores, modo Euangelium fide receperint, ostendit. Præterea ut fides prædicationi illorum habeatur, promittit se miraculis doctrinam confirmaturum. Hoc dato mandato uisibiliter in cælum ascendit, & sedet ad dexteram Patris. Verum discipuli, mandato eius obtemperantes, profecti sunt prædicatum Euangelium, quod Dominus sequentibus signis confirmauit. Hæc Euangelij summa est. Loci tres:

- I. Reprehensio Apostolorum.
- II. Institutio ministerij uerbi.
- III. Ascensio Christi in cælum.

6 4 DE

Quadragesimo die à resurrectione apparuit Discipulis, exprobrauitq; eis incredulitatem illorum & duritiem cordis, quod his qui viderant eum surrexisse, non crediderunt. Duo reprehendit in Discipulis: Duritiem cordis & incredulitatem, hoc est, radicem & eius fructum. Radix est duritia cordis, quæ cum ab origine sua, tum à propria uiciositate sumit incrementa & uires: non enim potest homo, non afflatus Spiritu sancto, quicquam eorum intelligere, quæ sunt Spiritus Dei. Huius pessimi radices fructus sunt plurimi & mali. Primus est, qui hic præcipue taxatur, incredulitas. Ex hac postea pessimi pullulant rami, ut inobedientia erga Deum, & quicquid est hac in uita scelerum & flagitiorum. Ex quibus & radices uirtus non suppressa intelligitur, & quanta incrementa incredulitas sumserit, animaduertitur. Nam hoc est firmissimum indicium, ubi peccatum regnat, illic incredulitas, ueluti imperatrix, cor hominis occupat.

Præter ea nos hinc discamus primum, ut nos imbecilles, exemplo Apostolorum imbecillium, non desperemus, etiamsi statim non possimus cœlestia mysteria percipere. Semper enim Ecclesia habet sua quedam uulnera, in quæ Dominus noster suum uinum & oleum infundit. Nec est quod quisquam speret, se omnem imbecillitatem posse exuere, donec hoc mortale corpus gestauerit. Verum quemadmodum

PRIMO. *um olim populus Dei, introductus in terram promissam, habuit uicinos hostes Philistæos, contra quos perpetuum bellum gessit: ita nos in Ecclesiam Christi introducti, & internos & externos hostes habemus, contra quos bellum gerendum est nobis, ne ignauia torpeamus. Alterum, quod hic discamus, est, ut ex Christi facto non abijcientis rudes discipulos & imbecilles, cogitemus, quam habeamus clementem Pontificem, qui non abijcit nos propter imbecillitatem, modo aliqua fidei scintilla in nobis fuerit. Deinde & huius exemplo & nos discamus clementer & leniter cum imbecillioribus agere.*

DE SECVNDO.

Cum Christus ascensurus in cœlum, mandatum dat discipulis, dicens: Euntes in mundum vniuersum, prædicate Euangelium omni creaturæ: Qui crediderit & baptizatus fuerit saluus erit, Qui vero non crediderit, condemnabitur: Instituit modum erigendi sui regni, & eius regni fructum indicat.

Duobus modis erigitur regnum Christi: Verbo & Sacramento. Eius fructus est salus ciuium: Contra, omnes qui non fuerint in hoc regno ciues, damnationis sententiæ subiacent. Hic uidemus magnum esse discrimen inter regni mundi & regni Christi administrationem: neq; id mirum est. Mundi enim regnum carnale est: Christi uero spirituale. Illud legibus hominum: Hoc uerbo Dei erigitur & conseruatur.

Ceterum quia uerba Domini singulares doctrinas continent, uolo ea paulo fusius & distinctius explicare, quo magis animum Christi erga nos, & beneficia Euangelij intelligamus.

Primum dicit: Euntes in mundum uniuersum: Vides mandatum: mittit enim discipulos suos, non ad unam aliquam nationem: sed ad omnes homines late per orbem habitantes. Hinc diuitias misericordiae Dei & precium uictimae Christi asstimemus. Misericordia Dei est, ut omnes, qui per peccatum damnati erant, audiant uocem Filij Dei de salute per Christum consequenda. Neque enim hoc putandum est, quod Deus uoluerit uocem Filij hominis in uniuerso mundo sonare, ut fructu eius maxima pars destitueretur: sed potius, ut audientes uiuerent, & saluarentur per Christum, modo praedicationem Apostolicam fide reciperent.

Hoc clarius explicatur uoce: Praedicate seu proclamare. Quibus? Omni creatura, hoc est, omnibus hominibus, absque omni conditione personarum, nationum, sexuum. Est enim Deus amans hominum, & uult omnium salutem iuxta illud: Vult omnes homines saluos fieri, & ad agnitionem ueritatis uenire. Sed quid debent Apostoli proclamare? Euangelium, hoc est, laetum nuncium de uictis hostibus generis humani, qui sunt peccatum, mors, diabolus & infernus: de pace facta inter Deum & homines, de salute aeterna, quam credentes in Christum hereditate consequuntur. Haec summa est Euangelij:

angelij : uerum ut hæc summa intelligatur melius, definitionem uberiolem dabo, quam etiam breuiter scripturæ testimonijs declarabo.

Euangelium est doctrina diuinitus reuelata, in qua annuntiatur liberatio à peccato, maledictione & ira Dei, & proclamatur remissio peccatorum, salus & uita æterna, credentibus in Filium Dei, propter eiusdem Filij Dei uictimam, ut bonitas & misericordia Dei prædicetur, utq; liberati per Filium fructus Euangelio dignos ex fiducia Filij proferant.

Hæc definitio multa continet, quæ ordine recensere & confirmabimus.

PRIMUM dixi, quod Euangelium sit doctrina diuinitus reuelata, id quod ex eo confirmatur, quod est Rom. 6. ubi Paulus Euangelium mysterium absconditum à seculis pronunciat, quibus uerbis apertissime significat, ex humana ratione non pendere Euangelium. Nunc si ratio ulla pacto potuisset suo acumine hanc doctrinam perspicere, nequaquam mysterium absconditum à seculis dicendum fuisset.

DEINDE dictum est in definitione, quod in Euangelio annuncietur liberatio à peccato, maledictione legis, & ira Dei. Dicit enim Daniel Propheta, Christum ablaturum esse peccatum : & Paulus maledictionem Legis, per Christi aduentum, abolitam esse docet : Pater cœlestis de cœlo dicit se placatum propter Filium. Hoc uerissimum esse experimur.

periuntur etiam omnes pii testimonium habentes, Spiritus sancti, per quem clamant: Abba Pater. Quod profecto non facerent, nisi certo statuerent, ablatum peccatum, maledictionem legis abolitam, et iram Dei placatam.

TERTIO loco additur, quod in Euangelio proclametur remissio peccatorum, salus & uita eterna: ita enim ipse Dominus ait Luc. 24. Sic scriptum est, & ita oportebat Christum pati, & predicari in nomine eius poenitentiam, & remissionem peccatorum omnibus gentibus. Et in hodierno Euangelio dicit: Qui crediderit, saluus erit. Et ipse Dominus dicit: Qui credit in Filium, habebit uitam eternam. Quid multis? uniuersa scriptura remissionem peccatorum, salutem & uitam eternam pollicetur omnibus amplectentibus Euangelium.

Verum quia hæc beneficia non contingunt omnibus: Cain enim, Iudas, Saul et multi alij perierunt, & hodie, prohi dolor, magna pars mundi ruit in eternum exitium, additur in definitione QVARTO loco, quod hæc beneficia contingant credentibus. Clare .n. dicit Dominus: Qui credit in me non peribit: sed habebit uitam eternam: Ne quis aut hoc ex operum conditione pendere existimet, Paulus iustificari hominem sine operibus scribit, & idem pronunciat uitam eternam donum Dei esse per Iesum Christum, id est, contingere credentibus in Christum, non suo merito: sed Christi beneficio.

QVINTO additur: propter Filij Dei uictoriam.

ASCEN
pij testimonium
en clamant: et
cerent, nisi certu
ledictionem lega
additur, quod in
peccatorum, fide
Dominus ait Luc.
tebat Christum
poenitentiam, &
gentibus. Et in
crediderit, salu
credit in Filium
hiscum iuxta scrip
lucem & vitam ei
effertibus Euangeli
beneficia non con
las, Saul et multi
r, magna pars mun
ditur in definitione
e beneficia continge
Dominus: Qui crea
uitam eternam: No
ne pendere existim
sine operibus scri
ternam donum De
r, contingere etia
rito: sed Christi
itur: propter fili

mam. Sic .n. ait Paulus: Per redemptionem quæ est in Christo Iesu. Vox enim ἀπαλῦσις, qua Paulus utitur, significat redemptionem, quæ fit soluto precio pro capitis pœna. Tale precium pro nobis soluit Christus, quando pro nobis factus est peccatum, ut nos fieremus iusticia Dei in ipso, 2. Cor. 5.

SEXTO additur: ut bonitas & misericordia Dei prædicentur. Quod confirmatur exemplo cohortis Angelorum canentis nato Domino hunc hymnum: Gloria in excelsis Deo, & in terra pax, & hominibus bona voluntas. Hoc ideo esse factum existimemus, ut omnes, qui hunc Christum agnoscunt, discant castissimorum Angelorum exemplo bonitatem & misericordiam Dei prædicare, præsertim cum natura clamitet reddendam esse gratiam bene meritis.

POSTREMO in definitione Euangelij additur, ut fructus Euangelio dignos edant liberati per Euangelium. Dicit enim Paulus Ephes. 2. nos in Christo Iesu creatos ad bona opera, in quibus ambulandum est. Et idem Paulus dicit, nos in luce debere ambulare, cum simus lucis filij. Quomodo enim quæso, conuenit, nos ex seruitute peccati exemptos esse, & tamen peccati seruitute & eius iugo premi? Apparuit, inquit Paulus, gratia Dei salutaris omnibus hominibus, ut abnegatis omni impietate & humanis desiderijs, sobrie, pie & iuste uiuamus in præsentī seculo.

Cum igitur firmis rationibus ostendimus per
Euan

Euangelium tolli peccatum, maledictionem & iram Dei, & succedere in horum locum iusticiam, salutem & uitam eternam propter Christum, dum in ipsam credimus, & quod uelit nos Deus, propter hoc beneficium suam bonitatem prædicare ac in tota uita gratitudinem ostendere, sequitur Euangelium esse, sicut dixi, doctrinam diuinitus reuelatam, in qua annuntiatur liberatio à peccato, maledictione legis & ira Dei, & proclamatur iusticia, salus & uita æterna, omnibus credentibus in Christum, propter eiusdem uictimam, ut bonitas & misericordia Dei prædicetur, & ut liberati per Euangelium dignos Euangelio fructus edant.

Hæc de Euangelio sint dicta. Quod autem additur de Baptismo, quo beneficium Euangelij applicatur & obsignatur, dicam alio tempore, quod & audiuius Dominica prima quadragesimæ.

DE TERTIO LOCO.

Iam sequitur locus, qui est proprius huius Festi: nam quod Dominus in cælum ascenderit, narrat Euangelista. Quare de ascensione Christi in cælum, quæ est Articulus fidei nostræ, pauca dicam, idq; clarissime.

In hoc ergo Articulo de ascensione Domini sunt tria nobis in primis spectanda. 1. Descensus: nam prius quam ascenderit, descendit. 2. Ascensio. 3. Fructus ascendentis Christi.

In descensu Christi de cælo in terram duo spectanda sunt: Donum & exemplum. Donum quidem,

tem, quod Christus de cœlo descenderit, & huma-
nam naturam assumeret, ut per suam uictimam pec-
cata nostra expiaret. Per Christi enim uictimam
oblatus est Pater, & propter Mediatorem Chri-
stum ita humiliatum, omnes credentes recipiuntur,
& sunt filij & heredes Dei. Ideo enim Dominus
descendit de cœlo, ideo se humiliavit & deiecit, ut
nos ascenderemus ex terris ad cœlos, & ut exalta-
remur ad æternam uitam & gloriam. Exemplum
vero, ut & nos descendamus & humiliemur. 1. Pe-
ccatam, ut bonam
exemplum, ut sequamur uestigia eius.

Ascensus Christi in cœlum qualis fuerit, osten-
dit scriptura. Ascendit uisibiliter, corporali & Phy-
sico motu, & nubes suscepit eum in cœlum. Vnde
illud: Ascendit supra omnes cœlos: Ephes. 4. Neq;
nim ascendendo humanam naturam in diuinam mu-
auit, aut ita diffudit, ut sit ubiq; cum diuinitate.

Fructus ascendentis Christi est multiplex, sicuti
exuarijs scripturæ locis colligere est facile.

PRIMVS ergo fructus est, quod Christus sit
triumphator suorum hostium, qui sunt peccatum,
mors, diabolus, infernus. Hos enim hostes deuicit,
& super eis triumphum egit, per suam gloriosam
ascensionem. Deleuit peccatum, quando est factus
uictima pro peccato. Deleto peccato exarmata
est mors, nam peccatum est aculeus mortis. De-
structa morte: Diabolus suas uires & arma ami-
sit. Postremo quia infernus tantum eos deuorat,
qui

IN DIE ASCENS.

qui sub peccato, morte & Diabolo sunt, sequitur Christum peccati, mortis Diaboli uictorem, infernum quoque deuicisse.

SECUNDO ascendit, ut sit nobis caput, quod in coelum prius ascendit, quod nobis uiam monstret: unde Iohan. 14. Ego abeo, paratum uobis locum, & assumam uos ad me.

TERTIO ascendit, ut de coelo spargat radios suae uirtutis in uniuersum mundum. Ephes. 4. Ascendit supra omnes coelos, ut omnia impleat. Non ergo ascendit, ut abesset: sed ut praesenti uirtute regat coelum & terram, & adsit suae Ecclesiae usque ad consummationem seculi.

QUARTO ascendit, ut det dona hominibus, Ephes. 4. Ipse autem dedit, alios quidem Apostolos, alios Prophetas, alios Euangelistas, alios Doctores. Hoc est, ascendit ut sit efficax in ministerio, illud uirtutibus admirandis confirmans & obfirmans in cordibus hominum.

QUINTO ascendit, ut habeamus in coelo aduocatum. 1. Iohan. 1. Si quis peccauerit, habemus aduocatum apud Patrem, Iesum Christum iustum, & ipse est propiciatio pro peccatis nostris.

SEXTO ascendit, ut ad se corda nostra trahat, Matth. 6. Vbi est thesaurus tuus, illic & cor tuum: Coloss. 3. Si surrexistis cum Christo, quae sursum sunt querite, ubi Christus sedet ad dexteram Patris: debet ergo nostra conuersatio esse in coelo, ubi noster saluator in gloria sedet, cui cum Patre

Et Spiritu sancto sit honor, laus & gloria in secula
seculorum, Amen.

DOMINICA SEXTA

POST PASCHA, Iohan. 16.



Cum venerit Paracletus, quem ego mit-
tam vobis à Patre, spiritus veritatis, qui
Patre procedit, ille testimonium perhibe-
bit de me. Quin & vos testes estis, quia ab
initio mecum estis. Hæc loquutus sum vo-
bis, ne quid offendamini. Alienos à Synago-
ga facient vos. Sed veniet tempus, ut quis-
uis interficiet vos, videatur cultum præsta-
re Deo. Et hæc facient vobis, quia non no-
uerunt

uerunt Patrem neque me. Sed hæc locutus sum vobis, ut cum venerit tempus illud, reminiscamini eorum, quod ego dixerim vobis. Hæc autem vobis ab initio non dixi, quia vobiscum eram.

ENARRATIO TEXTVS.

EST & hoc Euangelium pars concionis Christi, quam habuit ad discipulos pridie quam pateretur: cuius summam nuper audiuius. Hic autem textus continet promissionem aduocati Spiritus sancti, qui aderit Ecclesie, quando ipsa ab impio mundo persecutionem patietur. Nam Christus futurum esse pronunciat, ut tanta rabie ferantur aduersus Ecclesiam impij homines, & præsertim Iudæi, ut religionis Zelo ruant toto impetu contra pios: adeoque persuaideant mundo cultum quendam Dei esse pios trucidare, eosque extra suos cœtus eiecere. Huius autem furoris causam esse ait ignorantiam & cœcitatem, nimirum quod nec Dei iram aduersus peccatum agnoscant, nec beneficia Christi intelligant. Loci tres.

- I. Officia Spiritus sancti & ministrorum uerbi in Ecclesia.
- II. Admonitio, ne pij scandalo offensi abijciant confessionem & fidem. (tione)
- III. De cruce piorum & eorum gloriosa libera-

DE PRIMO.

Cum autem venerit Paracletus, quem ego mittam vobis à Patre, testabitur de

me;

me: sed & vos testabimini. Hæc uerba primam
doctrinam huius Euangelij continent, nimirum
quod Spiritus sanctus & Apostoli, adeoq; eorum
successores debeant testari de Christo.

De Spiritu sancto hæc sunt colligenda ex tex-
tu. 1. quod sit unus Deus cum Patre & Filio. 2. quod
sit distincta persona à Patre & Filio. 3. quod pro-
cedat à Patre & Filio. 4. quod detur Ecclesiæ à
Christo. Cur autem detur Ecclesiæ exponitur, ni-
mirum ut sit Paracletus, ut sit doctor ueritatis, ut
testetur de Christo, de quibus officijs, breuius ideo
dicam, quia hæc sunt repetenda die Pentecostes.

Cur uocatur Paracletus seu aduocatus? ut hæc
appellatione innuitur Ecclesiæ persecutio & ac-
cusatio siue condemnatio à prophano mundo: Ita
expresse significatur, quod non sit deferenda à Chri-
sto tempore persecutionis: sed Christus mittat ei
aduocatum, nempe Spiritum sanctum.

Conditiones autem aduocati sunt quatuor. Pri-
ma, ut adsit reo, id est, ei qui uim aut iniuriam pa-
titur, seu accusatur ab impio mundo. Secunda, ut
causam hominis adeoq; totius Ecclesiæ in se reci-
piat tanquam suam. Tertia, ut doceat & admoneat
errantem, & instruat, ne causa cadat. Quarta, ut
consolatur afflictum: proinde cum Spiritus sanctus
aduocatus dicitur, significatur, quod sit Ecclesiæ
patronus, causam eius in se recipiat, doceat ac con-
solatur Ecclesiam.

Deinde dicit textus, quod Spiritus sanctus sit
d 2 futurus

futurus Doctor ueritatis : quo nomine primum indicatur, quod homines suopte ingenio ueritatem salutarem assequi non possint. Deinde quod ueritatis doctrina non sit legis sed Euangelij : legis enim doctrinam ratio aliquo modo suopte ingenio intelligit. Tum quod Spiritus sanctus in docentibus & discipulis sit efficax. Facit enim, ut docentes intelligant ueritatem, & discipuli recipiant. Præterea admonemur, ut hunc doctorem ueritatis imploremus, ut nobis clauem scientiæ donet, caueamusq; ne nostra impuritate ipsum castum Spiritum à nobis pellamus. Nam cum sit sanctus, id est, mundus, castus, & sanctos efficiens, non habitat in corde impuro, id est, in eo quod in suis sordibus se inuoluit, & ut sus in uolutabro se coinquinat.

Ad hæc dicit hic Spiritus sanctus testabitur de me : cuius officij participes etiam erunt ministri uerbi.

Sed quid testatur Spiritus sanctus de Christo ? & quid de eodem testabuntur ministri uerbi ? Primum testatur Spiritus S. & ministri uerbi de Christo, quod sit uerus Deus secundum scripturam, unus in diuinitate cum Patre & Spiritu sancto, sicuti nos in symbolo profiteamur. Secundo testatur Spiritus sanctus, quod Christus sit uerus Homo, iuxta symbolum : Qui conceptus est de Spiritu sancto, natus ex Maria uirgine. Tertio testatur Spiritus sanctus, quod Christus, etsi Deus & homo : tamen unus sit Dominus, unus Christus, una persona, quemadmodum

modum symbolum testatur, & Christus ipse de se, cum ait: Nemo ascendit in cœlum, nisi qui descendit de cœlo filius hominis, qui est in cœlo. Quarto testatur Spiritus sanctus de Christi officio, quod sit Pontifex & Rex. Pontifex quidem, quia uictima Patrem placauit, qui sua intercessione nos Deo adducit. Rex uero, quod hostes nostros deuicerit, peccatum, mortem, Diabolum, infernum, & ad iudicium sit uenturus iudicatum uiuos & mortuos. Hæc quatuor spiritus testatur de Christo: hæc quatuor nobis in symbolo de Christo commendantur: Hæc quatuor omnes sinceri ministri Dei testabuntur de Christo, donec uenerit ad iudicium.

DE SECVNDO.

Hæc locutus sum vobis, vt non scandalizemini. Significat Christus, in quem finem ita multum de Ecclesia, de Spiritu sancto, de sua morte & resurrectione dixerit: nimirum ut his confirmati, ne cum reliquo mundo scandalizentur. Hæc admonitio admodum necessaria est omnibus temporibus: nam mundus est plenus scandalis: Væ, inquit Christus, mundo à scandalis: significans grauias supplicia manere eos, qui ob scandalum ab Euangelio deficiunt. Vt autem unusquisq; nostrum recte iudicare possit de scandalo, plenam doctrinam de scandalo proponam.

Scandalum in genere est, quicquid impedit hominem à recto Euangelij cursu: hoc est, dictum, uel factum, uel apparentia, ut ita dicam, externa, quod

d 3 cuidam

cuidam, uel caussa, uel occasio offensionis est, ut à recto salutis cursu, uel impediatur, uel deflectat.

Huius scandali plura sunt genera. Est enim unum scandalum, quod datum uocant. Alterum quod acceptum nominatur, quæ qualia sint, definitionibus & exemplis declarabo.

Datum igitur scandalum, est quod oritur aut ex facto dictione in se malo, aut ex facto dictione in se indifferenti, id est, nec bono nec malo, sed intempestiue commissio. Vtrumque grauitè prohibitum est uoce Dei: & Christus pronunciat melius esse hominem demergi in medium maris, quam ulli esse scandalo. Exempla sunt hæc: Arius negauit diuinam naturam in Christo, qua re plurimos offendit, & fuit & sibi & alijs multis caussa æternæ damnationis. Dauid suo adulterio scandalo fuit omnibus sui regni incolis, qui nisi resipuisset, æternum periisset. Contra hoc scandalum orat Salomon, cum inquit: Custodi me à laqueo quam posuerunt mihi, & à scandalo operantium iniquitatem. Hoc scandali genere maxima pars mundi offensa hæret in damnatione, & quotidie multi præcipientes dantur in ruinam hoc scandalo offensi, cum priuatim, tum publice. Priuatim offenduntur pueri, serui, coniuges. Pueri uident parentes à cultu Dei abstinere, abstinent & ipsi: audiunt ipsos parentes iurare, iurant & ipsi eorum exemplo: audiunt eos impudice loqui, illi mox exemplum imitantur: iniqua .n. tenacius hærent: uident potantes, fallentes, inique cum proximis

mis

mis agentes, illi quoque, ut discipuli, easdem artes discunt: sed uel illis per quos hæc scandala fiunt. Illi enim seminarium Ecclesie Christi turbine & tempestate scandalorum deiciunt & calcant.

Hoc domesticum scandalum, est semen omnium malorum in mundo. Ea enim quæ pueri à parentibus discunt, retinent senes, & eadem quoque suos pueros docent. Quare parentes qui Deum timent, summa cura cauere debent, ne suis pueris sint scandalum: pie igitur loquantur, recte omnia agant, Deum colant, & suos pueros ad simile studium inuident, ac eos in correptione & admonitione Domini erudiant, quemadmodum Paulus monet, & perpetuo meminerint huius dicti Christi, quod est Marci 9. Quisquis offenderit unum ex paruis istis, qui credunt in me, bonum esset ei potius, si circumponeretur saxum molare circa collum eius, & projiceretur in mare.

Præterea hoc scandalum etiam committitur, cum à magistratu, tum à subditis. Vt cum Hieroboam uitulum adorandum prostituit in Samaria: cum idem tyrannide sanctos Dei Prophetas persecutus est. Est autem hoc scandalum grauissimum in ministris Ecclesiarum, cum illi uel praua doctrina, uel impura uita multis præbent occasionem male loquendi de Euangelio, & pluribus infirmis efficacem occasionem lapsus præbent: ut sunt auari, scortatores, potatores, homicide & alij, qui suis moribus offendunt Ecclesiam, qui sane cordatis

d ✠ Episcopi

Episcopis deponi deberent, ne sua ruina plures secum in lapsum traherent. Neq; subditi hic excusari debent: uidemus enim qualis sit mundus: omnes corrupti sunt. Quis non ebrietate offendit? Quis non temeraria iurandi consuetudine scandalizat? quotus quisq; non aliquem laqueum struit ad offendiculum?

Verum quia scandalum datum non est simplex. Aliud enim ex malo datur dicto aut facto. Aliud datur ex facto non in se malo, sed intempestiue facto: sciendum est quod primum genus absq; omni conditione fugiendum sit omnibus, quibus salus aeterna curae est. Verum quantum ad illud scandalum attinet, quod datur ex indifferenti re, non semper fugiendum est, sed hoc iuxta hominum discrimen est agendum. Quidam homines sunt firmi, ut qui iam norunt Christianam libertatem: Quidam sunt infirmi, qui habent initia religionis: sed non sunt satis edocti de Christiana libertate: Quidam sunt obstinati et indociles & contumaces. Primum genus non offenditur usu rerum indifferentium, imo potius gaudet de Christiana libertate. Tertium genus offenditur quidam, sed eos non curabis: sunt enim hostes Christi. Neq; ab usu rerum indifferentium abstinebis propter ipsos, multo minus abstinendum est à ueris uirtutibus: ut sunt uerus cultus Dei, uera inuocatio, uera fidei confessio: Neq; à uera doctrina, sed Christi exemplo, inuitis etiam portis inferorum, uerum Euangelium doce

et

¶ *profiteri.* Sic enim Christus fecit: sic Prophetæ: sic Apostoli, adeoq; omnes pij omnibus temporibus. Solet communiter dici, quod qui recte iudicat, recte docet, & recte facit, non debeat propter scandalum abstinere ab eo, quod rectum est. Hoc sane uerissimum est, & confirmatur etiam Apostolorum exemplis: Verum de medio genere hominum, hoc est, de infirmis notanda est regula Pauli: Priusquam offendam infirmum meum fratrem, non uescar carnibus in æternum. Ad eundem modum, de alijs rebus Adiaphoris iudicandum est: Nam in omnibus nostris factis, ratio mutue caritatis & edificationis habenda est.

Verum hoc datum scandalum, de quo iam dictum est, habet & aliam differentiam à discrimine personarum sumtam. Aliæ enim personæ in aliqua dignitate constitutæ sunt: aliæ obscuræ priuatam uitam degentes. Scandalum quod datur à persona, in aliqua dignitate constituta, multo est eo grauius, quam quod datur à priuata persona, quæ non in dignitate aliqua est, atq; ideo meretur grauiora supplicia, cum propter personam ipsam, quæ suum locum, in quem à Deo euecta est, commaculat, tum propter homines alios, quibus lapsus causam præbuit efficaciorē, suo exemplo malo. Vt enim quo ingentius fuerit saxum cadens ab alta rupe, eo plura fragmenta facit: ita quo dignior fuerit persona, & in sublimiori dignitatis culmine constituta, eo plures in lapsum secum trahit cum cadit. Vt mini-

d 5 ster

ster uerbi peccans ebrietate, scortatione, homicidio, aut alio flagicio, maiori offendiculo est, quam miles, aulicus, aut nauta siue rusticus, atq; adeo maiori poena coercendus & puniendus est: nam plures secum in ruinam trahit. Ad eundem modum de alijs iudicandum est. David in regno Iudaico, non solus adulter & homicida erat: attamen eius peccatum ob maius scandalum inde ortum, in conspectu Dei aliorum delictis multo fuit atrocius: Quare & grauioribus poenis, praesertim corporalibus est punitus. Multo grauius peccat ebriosus paterfamilias, quam seruus: Nam ille exemplum domesticum est: hic ut contemptus, non nisi ab improbis in exemplum trahitur. Atq; hactenus de dato scandalo.

Acceptum scandalum est, quod aliquis sibi sumit à rectis factis aliorum, aut alijs rebus: et est duplex: Humanum & Diabolicum. Humanum partim impiorum, partim piorum est. Impiorum quidem, quando impij offenduntur aut recte factis piorum, aut libero Adiaphororum usu, aut etiam externa Ecclesiae forma. Nam cum impij uident cruce premi pios, & esse ueluti reiectamenta in mundo, occasionem inde maioris ruinae accipiunt impij: ut Iudaei, qui offendebantur humilitate Christi & calamitate Ecclesiae, quemadmodum hodie offunduntur multi uulneribus Ecclesiae. Contra pij accipiunt scandalum, quando uident impios florere: quando Ecclesia à Tyrannis opprimitur: cum multi in

nocena

nocentes trahuntur ad supplicia: cum hæresibus turbati Ecclesiam animaduertunt. Verum hoc scandalum rursus superant, partim confirmante eos Spiritu sancto: partim exemplis Ecclesie Christi: partim ardentibus precibus. Nec ullum præstantius est aduersus huius generis scandala remedium, quam opponere perpetuam consuetudinem Dei, qui in hoc mundo ideo finit Ecclesiam suam obrui varijs calamitatibus, ut olim glorificetur cum filio suo dilecto Domino nostro Iesu Christo.

Diabolicum scandalum est, cum homines præpostere captant, quæ ad peccandi licentiam obtinendunt, ut Cham, qui absq; dubio ita proterue insultauit Patri, ut sibi impune peccandi licentiam acquireret. Tales hodie uidemus permultos, qui uicia sanctorum Patrum plusquam studiose conquirunt, ut incestum Loth, ebrietatem Nohe, concubinatum Abrahæ, adulterium & homicidium Dauid, periurium Petri, durius iugum quod imposuit Ægyptijs Ioseph, rapinam Zachæi, ut sine pudore ad omnem nequitiam se prostituunt: imo ex hominum uicijs quærent, quomodo se obdurent ad Dei contemptum. Quare non immerito hoc genus scandali Diabolicum uocatum est, ut quod calumnijs fulcitur in contumeliam Dei.

DE TERTIO.

Tertius locus est de persecutione seu cruce Ecclesie. De quo loco uide supra Dominica tertia à Paschate.

D O



SI quis diligit me, sermonem meum serua-
bit, & Pater meus diliget eum, & ad eum
veniemus, & mansionem apud eum facie-
mus. Qui non diligit me, sermones meos nō
seruat: & sermo quem auditis non est meus,
sed eius qui misit me Patris. Hæc locutus
sum vobis, apud vos manens. Paracletus
autē ille, qui est Spiritus sanctus, quem Spiri-
tum mittet Pater in nomine meo, ille vos do-
cebit omnia, & suggeret vobis omnia, quæ-
cunque dixi vobis. Pacem relinquo vobis,
pacem

pacem meam do vobis, nō quomodo mundus dat, ego do vobis. Ne turbetur cor vestrum, neq; formidet. Audistis quod ego dixi vobis, Vado, & venio ad vos. Si diligere-
tis me, gauderetis vtriq; quod dixerim: Vado ad Patrem, quia Pater maior me est. Et nunc dixi vobis, priusquam fiat, vt cum factum fuerit credatis. Posthac non multa loquar vobiscum. Venit enim princeps mundi huius, & in me non habet quicquam. Sed vt cognoscat mundus, quod diligo Patrem: Et sicut mandatum dedit mihi Pater, sic facio: Surgite, eamus hinc.

ENARRATIO TEXTVS.

Hoc festum, quod Pentecosten, id est, quinquagesimam vocamus, est institutum in memoriam confirmati Euangelij die quinquagesimo à resurrectione Christi. Nam eo die Dominus noster mittit de cœlo Spiritum sanctum, qui sedet super Apostolos uisibiliter instar flammæ ignis, qui non solum Apostolos in omnem ueritatem, iuxta promissionem Christi deducit: uerum etiam toti mundo confirmat Iesum in cœlo esse, & inde hoc stupendo facto suam confirmat doctrinam. Sicut enim quinquagesimo die post Pascha Iudaicum, quod primum comederunt in Ægypto, lata est Lex: & eius doctrina magnis miraculis confirmata est, quem admodum scribitur Exod. 19. Ita post uerum Pascha, id est, post occisum agnum Dei, qui est Iesus Christus,

INICA
A PEN
Euangelium Iohannis



me, sermonem meum
meus diligit eum, &
mansionem apud eu
diligit me, sermonem
quem auditis non
me Patris. Hæc
vos manens. Pa
ritus sanctus, qui
in nomine meo, &
ggeret vobis omni
s. Pacem relinquo



Christus, uoluit Deus Euangelium filij sui confirmare hoc mirando facto, id est, uisibili donatione Spiritus sancti, quemadmodum in uespertina concione fusius audiemus.

Iam Euangelium dulcissimum accedamus, quod est etiam pars illius longæ concionis, quam habuit Dominus ad discipulos pridie quam pateretur. Summa autem textus, quem audiuitis, est, quod Christus tradat ueram notam fidei & dilectionis Dei, & eiusdem fidei & dilectionis fructus, nimirum ut discipuli sint pacatis conscientijs per Spiritum sanctum, quem promittit Patrem missurum in suo nomine. Monet etiam Christus de sua contra Satanam uictoria, ut uel ex hac uictoria cognoscat Mundus, quam carus sit Patri. Pertinent autem hæc omnia ad confirmandos discipulos, ne scandalo Crucis à confessione deficiant. Loci quatuor.

- I. Vera nota fidei & dilectionis Dei.
- II. Fructus & usus seruati uerbi Dei.
- III. Promissio Christi de Spiritu sancto Paracleto.
- IIII. De pace quam suis promittit Christus.

DE PRIMO.

Si quis diligit me, sermonem meum seruabit. Hæc uerba diligenter obseruemus. Veram enim notam fidei & dilectionis Dei ostendunt. Qui diligit Christum, libenter Ipsum audit: libenter seruat, quod audit: libenter facit quod seruat.

Hæc

Hec enim natura coniuncta sunt. Videmus inter homines hunc morem esse, quod non sine tœdio eos audiant, erga quos non optime sunt affecti: Contra nihil magis expeti, quam ut magis audiant cum summa animi obseruantia eos, quos intime amant, præsertim cum sciant sapienter & prudenter, multa salutaria & utilia ab illis dici.

Sed quis est sermo Christi? Primum agere pœnitentiam. Ita. n. & eius præco Iohannes Baptista, & ipse suam concionem est orsus. Hic eius affectus erga nos indicatur: Nam sine pœnitentia impossibile est saluari. Vnde dicit: Nisi pœnitentiam egeritis, omnes peribitis. Secundo, credere Euangelio, hoc est, statuere Christum sibi talem esse, qualis nobis per Euangelium annuntiatur, id est, saluator, iustificator & redemptor. Huius fidei finis est salus animarum, 1. Pet. 1. & apud Iohannem: Qui credit in Filium, habet uitam æternam. Tertio, ex hac fide fructum producere. PRIMVM, pietatem erga Deum seu cultum Dei, SECVNDVM, innocentiam uitæ, & sanctificationem animi & corporis. TERTIVM, dilectionem proximi manantem ex uera fide & sincero corde, & bona conscientia. QVARTVM, opus uocationis facere in timore, in gloriam Dei & utilitatem proximi. Has omnes uirtutes patientia uera ornat, quæ est quedam erga Deum sub cruce obedientia. Qui meus uult esse discipulus, inquit Dominus, tollat crucem suam & sequatur me.

Quid ?

Quid? Cum tam multa requiris, An non sola fide iustificamur & saluamur? Verum quidem est: Sed discernendum est inter salutis causas, & obedientiam quam requirit à suis Deus. Sola fide iustificamur: sed iustificati noui facti sumus homines, nempe filij Dei, qui iam exemplo Patris nouam & beatam uitam degere debemus.

Verum hic quoque tenendum est, quod ut duplex nota est filiorum Dei: ita etiam duplex est nota filiorum Satanae. Nota enim filiorum Dei, alia est interna, alia externa. Interna est poenitentia, fides, pietas, bona conscientia. Externa est auditus uerbi, & honesta conuersatio inter homines. Nam ut Christus hic indicat amorem sui uerbi & auditum, notam esse suorum discipulorum: Ita Petrus honestam conuersationem requirit inter homines, unde Deus glorificari, & Ecclesia edificari possit: At nota filiorum Satanae interna est, esse sine poenitentia, sine fide, sine pietate, mala conscientia, imperium malorum affectuum, externus contemptus uerbi & improba uita. Has notas obseruate, et unusquisque seipsum examinet, utrum sit inter filios Dei censendus, an inter filios Satanae. Si inter filios Satanae se senserit esse, reuocet quam primum gradum, ne citius opinione praecipitetur in iudicium. Si inter filios Dei se intellexerit esse, agat gratias Deo, petat incrementa fidei, dilectionis & aliarum uirtutum, petat se confirmari spiritu sancto, ne Satanae technis à pio sanctoque cursu abducatur.

DE

Et Pater meus diligit eum & ad eum veniemus, & apud eum mansionem faciemus. Hic recitantur dulcissimi fructus seruati uerbi Christi.

PRIMVS est, quod Pater diligit seruantes uerbum Christi. Habet enim eos caros in dilecto, Eph. 1. Hoc quantum sit bonum ex eo intelligi potest, quod qui in Christum non credunt, manent sub ira Dei iuxta illud: Qui non credit in Filium, manet ira Dei super eum. Vbi ira Dei est, ibi peccatum, mors, damnatio, infernus, diaboli Tyrannis, breuiter, omne malum. Contra, ubi amor Dei, ibi uicti hostes sunt, ibi salus, ibi gaudium, ibi uita eterna. Cogitemus ergo de hoc primo fructu seruati uerbi Christi, ut eius cogitatione magis accendamus ad amorem uerbi.

SECVNDVS fructus est: & ad eum, inquit, veniemus. Quo aduentu nullus honor maior esse poterit. Si Deus Pater, Filius & S. sanctus ueniunt ad eum, qui seruat sermonem Christi, profecto sequitur, quod antea non uenerint ad ipsum: sed fuerit sub Diaboli potestate, & in regno tenebrarum, ubi mors & damnatio regnant. Magna amicitia est, si Rex uenit ad subditum, magnus honor est a maiori uisitari: sed huic honori nullus alius conferri potest, quod Deus Pater, Deus Filius, & Deus Spiritus sanctus ueniunt ad hominem diligentem Christum, & seruantem sermonem eius.

TERTIVS fructus est, quod non solum Trinitas

nitas ueniat ad hominem seruantem sermonem Christi: uerum etiam faciat mansionem apud eum, & in eo maneat. Significat Christus hac dulcissima promissione, audientes uerbum Christi & illud seruantes esse templa Trinitatis, in quibus habitat Pater, Filius & Spiritus sanctus. Tametsi autem tota Ecclesia, unum Dei templum dicitur: tamen singuli Christiani, singula Spiritus sancti Tempa sunt. Ecce quam magnifica est hæc promissio. Si quis promitteret misero homini magnum auri thesaurum, merito sane gauderet & exultaret, quod è paupere & misero, diues & felix esset factus. Verum hic longe maximus thesaurus promittitur, nempe inhabitatio Trinitatis in nobis, quæ omnibus thesauris in infinitum præstantior est.

Sed quid facit Pater inhabitans in homine? quid Filius? quid S. sanctus? Pater homines in quibus habitat sua politia, protegit & tuetur aduersus furores Satanae, cum in omnes incredulos plenum imperium exerceat Satan. Filius eosdem sua sapientia & luce docet & illuminat, contra omnes nebulas omnium tenebrarum. Spiritus sanctus eosdem sua sanctitate sanctificat, consecrat & ungit in Prophetas, reges, sacerdotes & sanctos Domini. In Prophetas quidem, quia ea uidemus oculis fidei nostræ, quæ nullus corporalis oculus intueri potest: ea audimus auribus fidei, quæ nulla auris corporalis percipere potest. De hoc Prophetico munere concionatur Iohel, quemadmodum Lucas etiam meminit

Act. 2.

Act. 2. In reges, cum quia Dei filij effecti sumus per
 uictoriam Christi, tum quia uirtute Christi domi-
 namur morti & inferno, Luc. 22. dispono uobis re-
 gnum, quemadmodum pater disposuit mihi. In Sa-
 cerdotes, quia cum credimus in Christum, habemus
 ius offerendi Deo sacrificium laudis: habemus li-
 bertatem inuocandi Deum, per Christum unicum
 Mediatorem, & summum sacerdotem, habemus au-
 thoritatem docendi uerbum Dei, sed quilibet pro sue
 uocationis ratione. In sanctos uero, quia per fidem
 in Christum non aliter reputamur puri, quam si
 legem perfecte impleuissimus. Vide quam multipli-
 ces fructus adfert secum observatio & amor uerbi
 Christi: nulla maior dignitas, nulla gloria, nullum
 decus magis eximium esse potest. Sed quid hinc
 discemus? ut digne uiuamus tanto honore, ne nostra
 impuritate Deum expellamus e cordibus: sed po-
 tius ipsum perpetuis laudibus celebremus in uera
 pietate & sanctificatione. Quod huius nos mone-
 re tanta dignitas debeat, docet Petrus 1. Petri. 2.
 ubi ita ait: Vos estis genus electum, regale sacer-
 dotium, gens sancta, populus quem sibi DEVS ut
 proprium uendicat, ut predicetis uirtutes illius,
 qui e tenebris uos uocauit in admirabilem suam
 lucem. Qui quondam eratis non populus, nunc
 estis populus Dei: qui quondam non consecuti mi-
 sericordiam, nunc estis misericordiam consecuti.
 Hinc infert Apostolus: Abstinete ergo a carnis
 cupiditatibus, quae militant aduersus animam, &

conuersionem uestram habete honestam intergentes. Quot igitur beneficia Dei erga nos audimus, tot erunt nobis stimuli ad pie sancteq; uiuendum. Quare cum Christus hic tanta promittat, & cum diuina Trinitas in credentibus habitat, demus operam, ut simus mundi & puri, quemadmodum decet templa Dei esse: simus spirituales reges, ut dominemur peccato, & non amplius seruiamus ei in concupiscentijs nostris: simus sacerdotes, qui Deo uiuas hostias offeramus, eumq; ex fide Christi inuocemus: simus sancti & segregati à prophanis mundi turbis, ne in pristinas sordes rursus incidamus.

DE TERTIO LOCO.

Paracletus autem Spiritus sanctus, quem mittet pater in nomine meo, ille docebit uos omnia &c. Hec est Christi promissio, qua pollicetur suis Spiritum sanctum. Antea audiuius, quæ sit Christianorum dignitas: nunc quid cum hac dignitate coniunctum sit audiamus. Et quia hæc pro illorum dignitate explicare non possumus, uolumus infantum more de singulis, quæ hic dicuntur in hac magnifica promissione, balbutire. Continent igitur hæc pauca uerba septem de Spiritu sancto puncta, quæ breuiter recitabo, & ad nostrum usum accommodabo. Hæc enim puncta causas missi & dati Spiritus sancti continent.

PRIMUM dicitur Paracletus: hac de appellatione, etsi non nihil dixi die abhinc octauo, tamen

tamen ea hodie repetere forte non erit inutile.

Dicitur itaq; Paracletus, hoc est, aduocatus, ut adsit afflictis, illos doceat, illos consoletur, illorum causam tanquam suam in se recipiat, ac tandem nos impellat, ut clamemus & ex corde dicamus: Abba Pater, Miserere nostri propter Filium tuum, quem nobis saluatorem dedisti. Atq; hæc est prima causa dati Spiritus sancti.

SECUNDA est, ut nos uiuificet, atq; adeo dicitur Spiritus. Est autem duplex uita: una naturalis, qua omnia animantia uiuunt: Hæc durat ad breue tempus, nam morte tandem absorbetur. Alia uita Dei est, à qua dicit Paulus alienatos esse eos, qui non cognouerunt Christum. Huius uitæ autor est Spiritus ille Christi, quem suis promisit discipulis. Hæc non est momentanea: sed perpetua, ut quæ Dei æterni propria est. Hanc uiuunt omnes qui in filium Dei credunt, Gal. 2.

TERTIA causa missi & dati Spiritus sancti est, ut sanctificet, à quo effectu sanctus dicitur: sanctificat autem, dum in nobis fidem operatur, dum nos regenerat, dum nostram mentem, affectus & uoluntatem reformat: breuiter, dum efficit, ut simus nouæ creaturæ, iuxta Dei uoluntatem uiuentes.

QUARTA causa missi & donati nobis Spiritus sancti, est, ut inter nos quandam confirmet caritatem: ideo à Patre ad filios mitti dicitur. Vt enim Pater intima storga & caritate complecti-

tur suos filios: ita nihil magis expetit, quam ut filij, Patris ingenium imitantes, fraternam inter se coalant caritatem. Hoc facere decet eos, qui Deum communem Patrem agnoscunt: Qui uero id facere recusant, illi uel filij nunquam fuerunt, uel turpiter à Patris ingenio degenerauerunt.

QVINTA causa missi Spiritus sancti est, ut ab illo discamus, qualiter Pater noster coelestis erga nos affectus sit. Ideo dicit Dominus: Et docebit vos omnia. Quid? an aliud docebit, quam quod Prophetæ & Moses docuerunt? An aliud, quam quod in scriptura nobis commendatur? Nullo pacto. Eadem enim docebit. An non sufficit scriptura? Sufficit quidem, quantum ad doctrinam attinet, non quantum ad nostrum captum. Nam etiamsi milies audiamus uerbum: tamen inefficax est, nisi ille intus doceat. Vnctio enim, ut inquit Apostolus, docet omnia.

SEXTA causa missi & donati Spiritus sancti indicatur hoc dicto, In nomine meo, quo dicto significatur ultimus finis donati Spiritus sancti, qui est, ut in Christum credentes saluentur. Nam cum Christus salus nostra sit, & Spiritus sanctus eius nomine mittatur, non est dubium, quin nostræ salutis causa mittatur.

SEPTIMA causa est, ut Christi sermonem in nobis confirmet. Ille vos, inquit, docebit omnia: ille suggeret vobis quæcunq; dixi. Hec de Spiritu sancto in Euangelio nostro, quod hodie
in

in Ecclesia legitur, breuiter significantur, plura in symbolo adhuc breuius notantur, quæ sunt, quod sit uerus Deus, & quod tertia persona in diuinitate, quod uiuificet & sanctificet, & quod in illum uiua fiducia, ut in Patrem & Filium, recumbere debeamus. Verum de his plura alias & quædam nuper audiuius.

DE QVARTO.

Pacem meam relinquo uobis, pacem meam do uobis, non quomodo mundus dat, ego do uobis. Hæc promissio Christi etiam est magnifica, & maior sane quam mundus intelligit. An non dicit Christus, sicuti nuper audiuius, in mundo pressuram habebitis, & uos eijcient de synagogis suis? Sic est. Ideo Christus distinguit inter duplicem pacem: pacem mundi, & pacem suam. Pax mundi, qualis sit, nemo non intelligit: At pax Christi qualis sit, filij DEI intelligunt. Nam ea est de qua Euangelium sonat, de qua prima Dominica à Paschate copiose dixi. Verum ut breuiter ea repetam: Pax CHRISTI est reconciliatio nostri cum Deo, remissio peccatorum, donatio Spiritus sancti, ac uita æterna, iuxta orationem Ecclesiæ: Deus, qui corda fidelium Sancti Spiritus illustratione docuisti, da nobis, quam mundus dare non potest, pacem, & ut corda nostra sint tranquilla. Hanc pacem donet nobis Filius Dei, cui cum Patre & Spiritu sancto sit honor & gloria in secula, Amen.

c 4

FERIA

FERIA SECUNDA

PENTECOSTES, Iohan. 3.



Sic Deus dilexit mundum, vt filium suum
 vnigenitum daret, vt omnis qui credit in
 eum, non pereat, sed habeat vitam eternam.
 Non enim misit Deus filium suum in mun-
 dum, vt condemnet mundum, sed vt serue-
 tur mundus per eum. Qui credit in eum non
 condemnatur: Qui vero non credit, iam con-
 demnatus est, quia non credit in nomen vni-
 geniti filij Dei. Hæc est autem condemnatio,
 quod lux venit in mundum, & dilexerunt
 homines magis tenebras quam lucem. Erant
 enim

enim opera eorum mala. Omnis enim, qui mala agit, odit lucem, nec venit ad lucem, ne arguantur opera ipsius. Qui autem operatur veritatem, venit ad lucem, ut conspicua fiant facta ipsius, quod per Deum sint facta.

ENARRATIO TEXTVS.

Heri audiuius, confirmatum esse Euangelium Iesu Christi per stupendum miraculum, videlicet, quod miserit Christus de cœlo Spiritum sanctum uisibili forma, quem non solum senserunt Apostoli, uerumetiam uiderunt omnes, qui eo die adfuerunt Hierosolymis: quemadmodum narrat Lucas Acto. 2. Hodie Ecclesia proponit Euangelium, in quo Christus proponit summam eius doctrine, ad quam confirmandam, datus erat Spiritus sanctus in die Pentecostes. Colloquitur autem Christus cum Nicodemo, qui fuit ex Phariseis & princeps Iudeorum, quemadmodum audiemus latius Dominica Trinitatis. Huic proponit Christus in textu, quem legi, salutis & damnationis causas, monstratq; unde sit & salutis origo, & unde damnatio ueniat. Dicit Christum ideo datum esse, ut credentes per ipsum saluentur: reliquos testatur herere in sua damnatione: quemadmodum clare uidebimus in textus enarratione. Loci:

- I. Commendatio dilectionis Dei & miserationis erga homines.
- II. Instrumentum, quo hominibus applicantur beneficia Christi, signatur.

e s

3. Con-

III. Consolatio piorum contra tentationem peccati & iudicii.

IIII. Discrimen inter credentes & non credentes.

DE PRIMO.

Sic Deus dilexit mundum, ut filium suum, unigenitum daret. His paucis uerbis commendatur nobis Dei dilectio & misericordia: idq; non nudis uerbis: sed facto omnium maximo. Non est enim uera dilectio, quæ uel in corde tantum latet, uel in lingua sedet: sed quæ ex intimo cordis affectu proficiens, uoce & facto se declarat. Quomodo ergo hic diligit Deus? Diligit adeo, ut etiam Filium suum pro mundo redimendo dederit precium redemptionis, ut sua morte, morti & damnationi addictos redimeret. De hac Dei dilectione loquitur Paulus Rom. 5. Commendat nobis suam caritatem Deus, quod, cum adhuc essemus peccatores, Christus pro nobis mortuus sit. Et Rom. 8. Si Deus pro nobis, quis contra nos? qui etiam proprio Filio non pepercit: sed pro nobis omnibus tradidit eum. Quotidie maxima argumenta caritatis Dei erga homines contemplamur in tota uita & rerum gubernatione. Verum illa caritas, quæ ita in rebus huius uitæ relucet, uix est tenuis umbra illius summæ dilectionis, qua nos in filio (quem dedit in amarissimam mortem pro nobis) complectitur. Hæc Dei dilectio habet summam misericordiam coniunctam, de qua in multis locis Moses, Prophetæ, & Psalmi concionantur, unde pauca testimonia de su-

desumam, ad nos confirmandos de uoluntate Dei
 erga nos. Moses Exod. 34. ita ait: Dominator Do-
 mine Deus misericors & clemens, & multæ mise-
 rationis, & uerax, qui custodis misericordiam in
 millia, qui aufers iniquitatem & scelera atq; pec-
 cata. Deut. 5. Ego sum Dominus Deus tuus, & fa-
 ciens misericordiam in multa millia diligentib. me,
 & custodientibus præcepta mea. Esa. 16. Et præpa-
 rabitur in misericordia solium, Ionæ 4. Scio enim,
 quia tu Deus clemens & misericors, patiens &
 multæ miserationis, & ignoscens super maliciam.
 David Psal. 32. Misericordia Domini plena est te-
 ra. Et Psal. 102. Secundum altitudinem cœli à ter-
 ra, corroborauit misericordiam suam super timen-
 tes se. Item Psal. 103. Misericordia Domini à secu-
 lo usq; ad seculum super timentes eum, & iusticia
 eius super filios filiorum. Item in eodem Psalmo:
 Pius & clemens Dominus, lentus ira, & magnus
 misericordia, non secundum iniquitates nostras agit
 nobiscum, neque secundum iniquitates nostras re-
 tribuit nobis: sed secundum altitudinem cœli à ter-
 ra præualuit misericordia eius super timentes
 eum. Sicut miseretur pater filiorum: ita miseretur
 DOMINVS timentibus eum. Huiusmodi sunt
 multa scripturæ testimonia, quæ nobis dilectionem
 & misericordiam DEI inenarrabilem commen-
 dant, & eius dilectionis & misericordiæ ampli-
 tudinem, effectum & applicationem monstrant.
 Amplitudo enim misericordiæ Dei in his cerni-
 tur.

tur, quod se in millia extendat, quod impleat terrā,
 quod excedat cœlum & terram, quod sit ueluti Pa-
 ter misertus filiorum. Effectus enim seu fructus cer-
 nitur in eo, quod tollat peccatum, quod iustificet
 peccatores, quod à pœna debita absoluat. Hæc mi-
 sericordia in filio fundata est, quia sua uictima iu-
 sticie Dei satisfecit, & sua obedientia erga legem
 Dei iusticiam nobis comparauit. Applicatio huius
 misericordiæ fit diligentib. Deum, timentibus ipsum,
 & custodientib. præcepta eius, hoc est, credentibus
 in Christum, qui ex fide nouam obedientiam præ-
 stant. Sed de hac re plura in secundo loco dicenda
 sunt: Nos hic uerba textus altius perpendamus. Ita,
 inquit, Deus dilexit mundum. Quis diligit? Deus,
 Quem diligit? Mundum. Hic siste gradum, & de
 hac uoce cogita. Diligit mundum: ergo salutaris
 ipsius dilectio non ad solos Iudæos pertinet: sunt. n.
 pars mundi. Diligit mundum: ergo nō paucos quos-
 dam de mundo, ut sanctos & probos, qui in mundo
 sunt: imò Christus ideo uenit in mundum, ut pecca-
 tores saluos faceret. Quid ergo per mundum si-
 gnificat? Omnes homines qui sunt in mundo. Ecce,
 inquit Iohannes: agnus Dei qui tollit peccata mun-
 di. Item, Deus uult omnes homines saluos fieri. Quo-
 tiescunq; ergo audimus Deum mundum diligere,
 cogitemus nos partem mundi eius esse, quem dili-
 git. Qui fit quod diligit, cum simus peccatores?
 Deus duo in nobis inuenit. Vnum quod ipse fecit:
 Alterum quod à nobis profectum est. Quod simus
 homines

homines constantes animo & corpore ab ipso est: hanc suam creaturam diligit Deus. Quod autem simus peccatores, non ab ipso habemus: sed à nobis ipsis profectum est: hoc odit Deus, & pro hoc expiando dedit Filium, & uult ut illi, qui uolunt misericordiæ ipsius esse participes, hoc in se mortificent perpetua poenitentia. Sed quomodo Deus mundum diligit? ut dederit filium pro eo, nempe ut ipse mundi peccatum in se reciperet, & pro eo moreretur in cruce. Magna sane dilectio, qua nulla maior esse potest. Verum hic ratio offenditur, quæ Dei consilium non intelligit, ac ita obijcit: An non Deus est omnipotens? Est sane. Nonne omnia quæ uult potest? potest profecto. An non ergo fuisset melius, si alio modo suam erga homines dilectionem ostendisset? Respondet Augustinus: Si fecisset aliter neq; hoc placuisset. Placuit inquit Paulus per stultam prædicationem saluos facere credentes. Quare nos seposito rationis iudicio, dicamus cum Dauid: Lucerna pedibus meis uerbum tuum. Deinde hoc sciendum est, quod Deus non solum sit omnipotens: uerumetiam iustissimus, maxime misericors & sapientissimus. Lapsus erat genus humanum in peccatum. Quid hic requirebat iusticia? Certe ut secundum peccati magnitudinem puniretur genus humanum. Ut peccatum fuit infinitum (nam eo infinitum bonum offensum erat) ita requirit Dei iusticia, ut uel infinitas poenas lueret genus humanum, uel fieret iusta pro poena compensatio. Hanc

Compen-

compensationem nemo potuit præstare, nisi Deus. Verum quia Deus non debuit poenam, assumpsit humanam naturam filius Dei, & in ea satisfecit pro peccatis mundi. Atque ita Deus se non solum omnipotentem, uerumetiam iustissimum, maxime misericordem & sapientissimum declarauit. Solus enim ille inuenit uiam, quam ratio inuenire non potuit. Dedit filium, qui diuina potentia superauit peccatum, mortem, Diabolum & infernum, qui sua misericordia nos recepit, qui sua iusticia Dei iusticia satisfecit, qui sua sapientia uiam salutis inuenit.

DE SECUNDO.

Vt omnis qui credit in eum non pereat, sed habeat vitam æternam. Hic instrumentum proponitur, quo nobis beneficia Mediatoris Christi applicantur. Verum quia hæc uerba sunt filij Dei, & præcipuus flos seu clenodium totius sacræ scripturæ, uolo ea singulatim perpendere, & quid doctrinæ ex singulis uocibus sit hauriendum ostendam.

PRIMUM inquit: Omnis. Hæc uox, omnis medetur duabus grauissimis tentationibus, quarum una est de particularitate: altera de indignitate propter multitudinem peccatorum. Multi sunt, qui fatentur quidem Deum propicium esse multis propter Christum: sed dubitant, an ad se quoque pertineat tantum bonum. Hæc grauis est tentatio, cui medetur filius Dei hac una uoce omnis. Nam si ad omnes se non extenderet beneficium Christi, nequa

nequaquam dixisset, omnis: sed multi, aut quidam. Demus ergo Christo laudem ueritatis, & firmiter unusquisq; statuatur, Christi beneficia ad se quoque pertinere. Deinde alia tentatio oritur ex cogitatione magnitudinis peccatorum, quam augent ætatis presentis uitæ. Huic quoq; medetur Christus hac uoce, omnis. Non enim dicit omnis iustus, uel minora peccata committens, sed omnis, scilicet qui in hoc uasto mundo inuenitur. Hoc confirmat etiam precium redemptionis. Sanguis Christi, inquit Iohannes, emundat nos ab omni iniquitate, id est, ab omni eo, quod à nobis inique perpetratum est contra legem Dei. Nemo ergo desperet propter magnitudinem morbi: Medicus Christus sapiens est, & efficax remedium contra omnes morbos habet, suam mortem & obedientiam.

DEINDE sequitur secunda uox, Qui credit: qua uoce distinguitur genus humanum in duo genera hominum, quorum alij credunt, alij non credunt. Credunt, qui statuunt Christum sibi propitium esse iuxta promissionem: Non credunt, qui condemnant Euangelium, qui nolunt Christo fidem adhibere, hi sua culpa non credunt. Beneficium quidem se ad omnes extendit, & omnibus offertur iuxta mandatum Christi: sed tantum à credentibus accipitur, iuxta mandatum & promissionem Christi: Euntes in mundum uniuersum, prædicate Euangelium omni creaturæ, qui crediderit saluus erit. Ecce omnibus offertur beneficium,

clum: sed soli credentes illud apprehendunt: reliqui uero sua culpa pereunt. Tametsi enim Deus sua misericordia uult omnes saluos fieri: tamen uult iusto suo iudicio perire incredulos, quos saluari uoluisset, si salutem fide amplecti non recusassent.

TERTIA uox est, in eum. Is enim saluatur, qui in eum, id est, in Dei filium, uerum hominem et saluatorem mundi Iesum Christum credit. Quid est in eum credere? est desperare de te ipso, & omnia bona sperare ab ipso.

QUARTA uox sequitur, non pereat. Hac uoce duo indicantur. Primum quod omnes non credentes in Christum damnationis sententiæ subiaceant. Alterum, quod solius Christi merito homines sola fide ab hac damnationis sententia absoluantur. Est ergo hoc maximum beneficium Euangelij, liberari à commerito exitio & aeterna damnatione.

QUINTA uox, sed habeat uitam æternam. Hoc est summum Euangelij beneficium. Mors aeterna debetur nobis ex nostro merito: uita aeterna debetur nobis ex Christi merito: modo in eum firma fiducia usq; ad finem recumbamus. Ex his iam firmum discrimen colligendum inter Legem & Euangelium: inter opera & fidem. Lex promittit uitam æternam: sed facientibus legem. Verum quia nemo legi satisfacere potest, sequitur neminem per legem uitam æternam consequi. Euangelium promittit uitam æternam gratis omnibus, qui in Christum credunt, quia Christus pro omni-

bui

bus ijs legis iusticiæ satisfecit. Fides igitur accipit gratuitum beneficium, quod lex adfert cum conditione impletæ legis: Verum nacti hoc beneficium fide, debemus opera facere, non ut illis mereamur cælum & uitam æternam: sed ut filij Dei, ipsi ueram obedientiam, & nostram fidem ex suis operibus declaremus in omni pietate & honestate.

DE TERTIO.

Non enim misit Filium suum Deus in mundum, ut condemnet mundum: sed ut saluetur mundus per ipsum. Qui credit in eum, non condemnabitur: Qui autem non credit, iam iudicatus est, quia non credit in nomen vnigeniti filij Dei. Hæc uerba tertium locum continent, nempe consolationem & terrorem. Illa consolatur credentes, agnoscetes sua peccata: hoc terret contumaces, qui in Christum nolunt credere. Cum autem dominus facile uideret, quæ esset hominum infirmitas, & maxime eorum, qui uere sententiam legis cogitant. Illi. n. dum audiunt mortis sententiæ subiaceret omnes, qui legi plenam obedientiam non præstant, non possunt non pauescere ad legis minas: hos igitur consolatur Christus & ait: Non misit Deus Filium suum, ut cõdemnet mundum, sed ut saluetur mundus per ipsum. Loquitur de primo suo in mundum Auentu, qui fuit ad saluandum peccatores agentes penitentiam. Hac enim dulci inuitatione usus est: Venite ad me omnes qui laboratis & onerati estis, &

f

ego

ego reficiam uos. Item, Non ueni uocare iustos: sed peccatores ad poenitentiam. Quotquot ergo uoci Christi obtemperant & poenitentiam agunt, liberi sunt à iudicio condemnationis. Ita enim ait ueritas: Qui credit in eum, non iudicatur, scilicet iudicio condemnationis. Hæc promissio consolabitur nos aduersus legis & conscientie sententiam. Is enim, qui uenturus est Iudex uiuorum & mortuorum, dicit clara uoce: Qui credit in eum non iudicatur. Huius promissionis fiducia aduersus minas legis, terrores mortis, flammam inferni, tyrannidem Diaboli, in hora mortis erit nobis necessaria: non enim fieri potest, ut ipsa æterna ueritas mentiat. Hactenus de consolatione credentium: De terrore eorum, qui nolunt Euangelio credere, sequitur: Qui autem non credit, iam iudicatus est, quia non credit in nomen unigeniti filij Dei. Quid? An non ergo aliud futurum est iudicium? Immo ad iudicandum ueniet filius hominis suo tempore, quemadmodum promisit. Quid ergo est quod dicit: Iam iudicatus, id est, condemnatus est? Hoc dicto ostendit, qualesnam sint omnes filij Adam sine fide, id est, sine Christo Mediatore, uidelicet quod sint iudicati, id est, condemnati, scilicet quantum ad causam attinet & materiam. Causa enim & materia damnationis in ipsis est, quæ est transgressio Legis diuinæ, & contumax rebellio aduersus Deum. Præterea legis sententia, olim à Deo creato primo homini proposita, & deinde repeti-

ta in monte Sina est, quod maledictus sit omnis, qui non obedierit Deo iuxta ipsius mandatum. Ad hanc maledictionem obligati sunt omnes, qui non credunt in filium Dei, qui solus eorum maledictionem in se recepit, qui in se crediderint. Hoc ita esse significant quae sequuntur: Hoc est autem iudicium, quod lux venit in mundum, & dilexerunt homines magis tenebras quam lucem. Hoc est, ideo homines condemnabuntur, quia lucem filij Dei fide non receperunt: sed potius in sua ignorantia permanere uoluerunt, idque ideo, quia eorum opera erant mala.

DE QVARTO.

Omnis enim qui male agit odit lucem, & non venit ad lucem, ut non arguantur opera eius. Fures cum furari uolunt tenebras amant: Ita homines qui nondum ad bene agendum sunt nati per fidem Christi, toto impetu ad male agendum feruntur, ideo lucem Euangelij oderunt: Cum contra, qui sincere agit, bene sibi conscius, uenit ad lucem, id est, sua opera manifeste facit, non ueretur hominum conspectum. Id est, qui uenit ad Christi lucem, & eius spiritu benefacere didicit, is non manet diutius in ignorantiae tenebris, sed ut lucis filius ambulare conatur. Hinc ergo discamus, primum differentiam inter credentes & non credentes. Discrimen enim ab operibus pendendum est, sicuti Dominus in alio loco ait: Bonae arbor, bonum fructum facit: Mala uero malum

f a pro

producit fructum. Deinde etiam discamus, quod lux Evangelij non ferat, ut ueteribus tenebris inuoluamur. Huc tot Christi adhortationes & Apostolorum. Apud Matthæum ait Dominus: Sic luceat lux uestra coram hominibus, ut glorificent Patrem cœlestem. Et Paulus ait: Lucis filij estis, tanquam in luce ambulate. Ad eundem modum & Petrus: Ad quem accedentes lapidem uiuum, ab hominibus uero reprobatum, à Deo quidem electum, & honorificatum, & ipsi tanquam lapides uiui super ædificamini, domus spiritualis, sacerdotium sanctum, offerentes spirituales hostias acceptas Deo per Iesum Christum: nemo igitur cogitet per Euangelium datam esse licentiam peccandi. Euangelium à peccato liberat, quare non uult ut liberati amplius peccati iugo se submittant. Si, inquit Saluator, filius uos liberauerit, uere liberi eritis: Qui facit peccatum, seruus est peccati. Cum igitur liberi simus per Iesum Christum, libertate nostra ita utamur, ut simus serui non peccati: sed Dei per Christum Iesum Dominum nostrum, cui honor in secula, Amen.

FERIA TERTIA PEN- TECOSTES, Iohan. 10.

A Men amen dico uobis, qui non intrat per ostium in stabulum ouium, sed ascendit aliunde, ille fur est & latro. Qui autē intrat per ostium, pastor est ouium. Huic ostia.





ostiarius aperit, & oues vocem eius audiunt. Et proprias oues vocat nominatim, & educit eas: Et cum proprias oues emisit, ante eas vadit, & oues illum sequuntur, quia nouerunt vocem eius. Alienum autem non sequuntur, sed effugient ab eo, quia non nouerunt vocem alienorum. Hoc prouerbum dixit eis Iesus: Illi autem non cognouerunt quæ essent, quæ loqueretur eis. Dixit ergo eis iterum Iesus: Amen amen dico vobis, ego sum ostium ouium. Omnes quotquot ante me venerunt, fures sunt & latrones, sed non audierunt oues eos. Ego sum ostium, per me

f 3 si quis

Si quis introierit, seruabitur, et ingredietur, et egredietur, & pascua inueniet. Fur nō venit, nili vt furetur, & mactet ac perdat. Ego vero vt vitam habeant, & abundantius habeant.

ENARRATIO TEXTVS.

Heri audiuius de uita æterna, quam consequimur fide Christi: hodie nobis monstratur uerum ostium & ostiarius, ne quis à uera uita æterna ianua aberret, & querat uiam aliam, aut ostium per quod ad uitam peruenire non potest. Vt autem hunc Euangelij Textum melius intelligamus, obseruanda est eius occasio & scopus, unde summa sententiæ colligetur. Occasio fuit: Christus sanauit hominem cæcum, qui cæcus à natiuitate fuerat: quo facto suam declarauit diuinitatem, & se Mesiam olim promissum ostendit. Verum Pharisæi & Scribæ, qui tum habebantur pastores populi Dei, offendeantur, ut qui Christo honorem Messie & pastoris ueri promissi inuidebant: contra quorum impietatem se tuetur, & uerum pastorem esse defendit. Scopus ergo est, ut monstret uerum ouile, id est, ueram Ecclesiam definiat, cuius ipse solus sit uerus pastor. Habemus occasionem & scopum huius concionis: Summa autem est, quod & confutat Scribas, qui se pro ueris pastoribus uenditarunt, & se asserit uerum pastorem esse, in cuius ouili sunt quotquot audiunt ipsius uocem, & se sequuntur, & ab alienis, id est, à falsis pastoribus discedunt.

Loci

Loci duo:

- I. De falsis pastoribus.
- II. De uero pastore & ouili uero.

DE PRIMO.

Amen amen dico vobis, qui non intrat per ostium in ouile ouium, sed ascendit aliunde, ille fur est & latro. Hæc descriptio est falsi Prophetæ, & unius proposito exemplo, omnes falsos Prophetas intelligit. Falsus Prophetæ est qui non intrat per ostium. Quid est non ingredi per ostium? est aliam salutis uiam proponere, quam solum Christum. Quicumq; igitur à Christo aberrat, ab ostio aberrat, & est falsus pastor. Arius negauit Christi diuinitatem, aberrauit ergo ab ostio: Est enim Christus uerus Deus, Fontinus Christi humanitatem negauit, aberrauit igitur ab ostio: est enim Christus homo uerus. Sabellius posuit in Christo duas personas, aberrauit igitur ab ostio: est enim Iesus Deus & homo unus Dominus & unus Christus. Papistæ dicunt, quod non solo Christi merito saluemur, errant igitur ab ostio: Christus enim solus mundi saluator est. Pharisei & Papistæ obtrudunt nobis humanas traditiones loco Euangelij, quare ab ostio aberrant, & intrant in ouile, id est, in Ecclesiam per aliam doctrinam, quam Moysis, Prophetarum, Psalmorum & Apostolorum: Hoc enim est ascendere aliunde. Obseruemus igitur hinc ueram notam falsorum Prophetarum, quæ est aliunde, quam per uerum Christi

f 4

Euang

Euangelium, & per Christum ipsum ascendere in
ouile, & sumere sibi docendi officium. Hi falsi do-
ctores sunt fures & latrones. Latrones dupliciter
sunt: Primum, quia sentiebant suam doctrinam sa-
tis esse ad salutem, & eam esse quæ sola pasceret,
cum tamen non sit intellectus uerbi nisi aperiente
Christo & ueluti recludente ostium. Secundo, quia
nouas etiam traditiones comminiscabantur, quas
putabant ad salutem conducere: Quemadmodum
etiam à Papistis factitatum esse manifestum est, qui
hoc opus, hanc missam, hoc rosarium, hanc inuoca-
tionem sanctorum, hunc ordinem docuerunt salu-
tem mereri. Fures præterea sunt: quia primum do-
lo ueram doctrinam auferunt. 2. Cor. 11. sicut Ser-
pens Euam seduxit astutia. Deinde, quia postquam
ueram doctrinam, suffurati sunt, obtrudunt impi-
am doctrinam, qua manus impiorum confortant, &
contristant cor iusti, Ezechielis 13.

Sed quid est quod postea in textu sequitur,
Quotquot ante me uenerunt fures sunt & la-
trones? Nonne Moses, Elias, Esaias, Heliseus, Hie-
remias, Daniel, & multi alij uenerunt ante Chri-
stum? si uenerunt ante ipsum, fuerunt fures & la-
trones: sicuti hic Dominus clare pronunciat. Illi
uenire dicuntur ante Christum, qui sine Christo
ueniunt, qui sine ipsius doctrina & spiritu ueni-
unt: uerum sancti Dei Prophete uenerunt cum
Christi spiritu & doctrina: ergo non ante Chri-
stum uenerunt, nec fuerunt fures, aut latrones: sed
ueri

ueri pastores ouilis Christi. Hinc recte Augustinus: cum illo ueniunt qui cum uerbo Dei ueniunt. Ego inquit, sum uia, ueritas & uita. Si ipse est ueritas, cum ipso ueniunt qui ueraces fuerunt. Quotquot ergo ueniunt sine illo, sunt fures & latrones, id est, ad furandum & occidendum ueniunt sponte. Fures quidem sunt, quia quod alienum est, suum esse dicunt. Latrones, quia & quod sunt furati occidunt. Videte ergo quantum periculum sit à falsis doctoribus: oues Christi sibi uendicant, ut fures: easdem occidunt, ut latrones. Merito ergo Christus in Euangelio hortatur omnes, ut caueant sibi à Prophetis falsis, id est, à falsis pastoribus, qui ueritatem Dei non adferunt.

DE SECVNDO.

Qui autem intrat per ostium, pastor est ouium. Hic de bono pastore agit, & definit bonum pastorem esse, qui per ostium intrat. Sunt autem quatuor genera bonorum pastorum. Primum enim Deus ipse pastor suarum ouium dicitur, iuxta illud Hier: 22. Ecce ego congregabo reliquias gregis mei de omnibus terris, ad quas eieceram eas, & conuertam eas ad rura sua, & crescent, & multiplicabuntur. Item Psal. 23. Dominus pastor meus, nihil mihi deerit, in hoc loco pascuæ me collocauit. Deinde Christus Deus & homo est etiam pastor uerus, sicuti in hoc Euangelio testatur & nuper audiuius. Ego sum pastor bonus quod inde probauit, quod suas oues uita redimeret. Tertium genus pastorum sunt

f s pñ

pijs doctores, de quibus loquitur Dominus apud Hieremiam: suscitabo inter eos pastores & pascunt. Et Christus Petrum pastorem facit cum ait: Pasce oves meas. Quartum genus pastorum est magistratus civilis. Vnde David rex pastor populi dicitur: & olim reges pastores populorum dicebantur. Verum de primo & ultimo genere pastorum non loquitur Dominus in hoc Evangelio: sed tantum de medijs generibus, hoc est, de seipso & alijs pijs doctoribus Ecclesie: De quibus nonnihil dicam: sed breuius, quia nuper de hac materia dictum est, Bonus igitur pastor in genere est: Primum, qui intrat per ostium, id est, qui cum Christo uenit & adfert uerum Euangelium, quemadmodum Propheta & Apostoli olim fecerunt, & hodie omnes quotquot sincere docent Euangelium. 2. pascit oves, non caduco, sed salutari pabulo, scilicet uiuifico uerbo Dei. 3. ostiarius hic aperit, id est, Christus facit, ut uerbum sit efficax & proficiat ouibus ad salutem. Nisi enim Christus aperit, frustra laboratur nec oves efficaciter pascuntur. 4. proprias oves uocat nominatim, hoc est, nouit suas oves, amat & cura singulari complectitur. 5. uadit ante eas. Quomodo? doctrina, uita & cruce. Debet enim bonus pastor esse forma gregis in doctrina, uita & cruce. 6. oves illum sequuntur, scilicet in doctrinae puritate, in uita sanctimonia, & patientia sub cruce. Sed quare oves sequuntur illum? 1. Quia uocem eius agnoscunt. 2. Quia ab alieno fugiunt: nam eius uocem non

non

non nouerunt. Habemus hic descriptionem non solum ueri pastoris, uerum etiam uerarum ouium, quæ in uno sunt ouili summi pastoris Dei. Quid est ouile? Est Ecclesia Catholica. Quæ sunt oues? omnes qui uocem pastoris audiunt, eum sequuntur, & fugiunt ab alienis pastoribus, qui reuera non sunt pastores: sed fures & latrones. Hic tenendæ sunt differentie ueræ Ecclesiæ, & falsæ Ecclesiæ. Veræ Ecclesiæ propriæ notæ sunt hæ, quas qui non habet, sciat se non esse de ouili Christi.

Quæ sunt istæ notæ ueræ Ecclesiæ seu ueri ouilis Christi? Prima est uox incorrupta doctrine cœlestis, iuxta illud: oues meæ uocem meam audiunt. 2. usus Baptismi integer. 3. usus Cœnæ Domini cæ iuxta Christi institutionem. 4. usus clauium iuxta mandatum Christi. 5. crux. 6. mutua ouium Christi caritas. 7. mutue pro se inuicem preces. 8. conseruatio ministerij uerbi. Hæc sunt ueræ notæ Ecclesiæ Christi, quas paucioribus uerbis comprehendere licet: ut discamus primam notam esse ouium Christi, incorruptam Euangelij uocem. Secundam, legitimum usum Sacramentorum. Tertiam, obedientiam erga ministerium uerbi. In his enim tribus continentur octo illæ quas posui.

Habemus in genere, quis sit bonus pastor, & quæ sint ueræ oues: nunc ea accommodemus ad exempla. Primum ad Christum summum pastorem & eius oues. Deinde ad alios uerbi ministros, qui sub Christo pastore, etiam dicuntur pastores.

Christus

Christus probat se bonum Pastorem esse ex eo, quod uitam suam ponat pro ouibus : is enim de cœlo descendit, ut quæreretur quod perierat, ut sanaret quod languidum erat, & consolidaret uulnera ouibus à lupis inflicta. Hic præcessit oues doctrinæ puritate, uitæ innocentia & cruce : hic pascit oues saluifico pabulo Dei, id est, uerbo Euangelij : Hic oues errantes colligit : hic lupos pedo suo arcet. Breuiter nihil carius habet salute suarum ouium. Huius oues sunt Abel, Abraham, Isaac, Iacob, Dauid, Ioseph, Anna, Maria, Simeon & multi alij, qui relicto errore, uoci Christi præbuerunt aures, eum sequentes in doctrina, uita & cruce, quem etiam suo tempore sequentur in gloria. Si enim cum illo patimur, cum illo glorificabimur. Huius oues sunt hodie quotquot Euangelio credunt, & Christum uera confessione & pietate colunt.

Quem autem fructum oues Christi à suo pastore, qui & ostium est & ostiarius, expectabunt, Christus ostendit, cum inquit: Per me si quis introierit, saluabitur et ingredietur et egredietur, & pascua inueniet. Hoc est, si quis relictis tenebris, me lucem secutus fuerit, ingredietur scilicet fide, & egredietur confessione, pietate & caritate, & pascua inueniet, scilicet per uerbum uitæ in hoc mundo, & æternam beatitudinem in futura uita.

Deinde sunt boni Pastores omnes pij ministri uerbi, qui exemplum Christi in pascendis ouibus sequuntur.

sequuntur. Talis fuit Helias, talis Hieremias, talis
 Esaias, tales Apostoli, tales hodie omnes, qui Chri-
 stum sincere prædicant, & oues præcedunt doctri-
 na, uita, & cruce, qui lupos non fugiunt: sed arcent
 ab ouili Christi gladio spiritus & ardentibus præ-
 cibus. Hi etiam habent proprias oues, eos qui eor-
 um uocem audiunt, ac ipsos sequuntur in doctri-
 na, pietate & patientia. Quid? an non oues ad so-
 lum Christum pertinent? Pertinent quidem. Quo-
 modo ergo dicit eas pastorum esse qui eas pascunt?
 Sunt pastorum si curam spectes: solius uero Chri-
 sti, si possessionem et uerum dominium. Is. n. suo præ-
 cioso sanguine sibi oues suas acquisiuit. Verum quia
 nuper etiam audiuiamus concionem de pastore & ouib-
 us, nolo hic plura dicere: sed commendo uos omnes
 summo pastori nostro Iesu Christo, cui cum Patre
 & S. sancto sit honor & gloria in secula, Amen.

DOMINICA TRINI-

TATIS, Euangelium, Ioh. 3.

ERat homo ex Pharisæis, Nicodemus no-
 mine, princeps Iudæorum. Hic venit ad
 IESVM nocte, & dicit ei: Rabbi, scimus
 quod à Deo veneris Magister. Nemo enim
 potest hæc signa facere, quæ tu facis, nisi fue-
 rit Deus cum eo. Respondit Iesus, et dixit ei:
 Amen amen dico tibi: nisi quis natus fuerit
 è supernis, non potest videre regnum DEI.
 Dicit ad eum Nicodemus: Quomodo po-
 test



test homo nasci cum sit senex? Num potest
 in ventrem matris suæ iterum introire ac
 nasci? Respondit Iesus: Amen amē dico tibi,
 Nisi quis natus fuerit ex aqua & spiritu, non
 potest introire in regnum Dei. Quod natum
 est ex carne, caro est, & quod natum est ex
 spiritu, spiritus est. Ne mireris, quod dixi ti-
 bi. Oportet vos nasci è supernis. Spiritus
 ubi vult spirat, & vocē eius audis, sed nescis
 unde veniat & quo vadat: sic est omnis qui
 natus est è spiritu. Respondit Nicodemus
 & dixit ei: Quomodo possunt hæc fieri? Re-
 spondit Iesus & dixit ei: Tu es ille Magister
 Israelis, & hæc ignoras? Amen amen dico
 tibi,

tibi, quod scimus loquimur, & quod vidi-
mus, testamur, & testimonium nostrum non
accipitis. Si terrena dixi vobis, & non credi-
tis, quomodo si dixerō vobis cœlestia credi-
turi sitis? Et nemo ascendit in cœlum, nisi
qui descendit è cœlo, filius hominis, qui est
in cœlo. Et sicut Moses exaltauit serpentem
in deserto, ita exaltari oportet filium homi-
nis, vt omnis, qui credit in eum, non pereat,
sed habeat vitam æternam.

ENARRATIO TEXTVS.

HOc festum merito nostri symboli seu fidei Fe-
stum dici poterit. Est enim institutum, ut do-
ceatur in Ecclesia de Deo, qui est unus & uerus
in essentia, trinus in personis, & de eius erga Ec-
clesiam beneficijs. Nam postquam superioribus do-
minicis de Christo, eiusq; beneficijs, de dilectione
Patris mittentis Filium in mundum, de missione
Spiritus sancti ad confirmandum Christi Euange-
lium dictum est: commodum iudicauit Ecclesia hæc
omnia simul coniungere, & de ijs hoc die docere:
quo breuiter in memoriam, quæ fusius declarata
sunt, reuocentur. Proponit autē Ecclesia hunc tex-
tum Euangelicum, quem audiistis, sapienti consi-
lio: Nam in eo beneficia Dei erga Ecclesiam pro-
ponuntur. Vt enim Pater Filium mittit, ut fiat ui-
ctima pro peccato, ita Spiritus sanctus datur, qui
credentes ad uitam æternam regenerat. Est ergo
summa

summa presentis Euangelij, quod regenerati fide Christi sint heredes uitæ æternæ, beneficio & merito Christi, quem Pater misit. Vt autem certum teneamus ordinem, in hac concione dicam

I. De noticia Dei.

II. De spiritali regeneratione.

III. De consolatissimo Christi dicto: Sicut Moses exaltauit serpentem in deserto: ita oportet exaltari Filium hominis &c.

DE PRIMO.

Cum noscere Deum sit uita æterna, operæ precium est, ut homines ad ueram noticiam Dei aspiciant. Est autem noticia Dei duplex. Vna est gentilis, naturalis, & Philosophica, & hæc est imperfecta. Nam mundi sapientes, qui uerbo Dei non erant instituti, in quatuor errarunt. 1. in substantia. 2. in personis. 3. in prouidentia. 4. in uoluntate. Epicuri rei ab omnibus exploduntur, qui negarunt ullum Deum esse. Sapientes, qui unum Deum sunt confessi, errarunt in substantia: nam non putarunt hunc esse Deum, qui est Pater, Filius, & S. sanctus. Nec recte iudicarunt de personis. Prouidentiam Dei quidam sustulerunt, quidam uniuersalem negarunt: putarunt enim Deum maxima curare, non autem hæc terrena. Voluntatem Dei de gratuita misericordia ignorarunt prorsus: at quod punire uelit aliquando contumaces, propriæ conscientie testimonio admonebantur. Sed unde gentes hanc qualemque noticiam Dei habuerunt: David & Paulus

lus ex creatura eas hanc de Deo noticiam habuisse
 testantur. Paulus enim Rom. i. ait: Id quod de Deo
 cognoscitur, manifestum erat ipsis: Deus enim eis
 manifestavit. Nam quæ eius sunt inuisibilia, dum
 per res creatas intelliguntur, ex creatione mundi
 pervidentur, æterna scilicet eius tum potentia, tum
 diuinitas, ad hoc, ut sint ipsi inexcusabiles. David
 dicit: Cæli enarrant gloriam Dei, & opera manu-
 um eius annunciat firmamentum. Hoc est, Cælum
 quod uidemus ostendit Deum opificem. Summa au-
 tem cognitionis Philosophicæ de Deo huc redit.
 Primum homo res conditas contemplans huc per-
 ducitur, ut aliquem esse fateatur, à quo hæc omnia
 sint condita, & cuius uirtute administrantur cun-
 cta: inde uero ad æternam eius potentiam ac diui-
 nitatem peruehatur necesse est. Siquidem eum, qui
 omnia condiderit, rebus omnibus conditis antiquio-
 rem, ac proinde æternum esse oportet: & incredi-
 bilis ista uis, quæ tantæ moli regendæ sufficiat, ex-
 cellentior sit necesse est quauis alia etiam præstan-
 tissima uirtute. Idipsum autem est, quod Deum uo-
 camus, qui rursus nisi unus sit, certe neq; is sit, qui
 omnia condiderit, neq; qui omnia administret, ac
 proinde nec æternus neque omnipotens, deniq; nec
 Deus fuerit. Hæc summa noticiæ Dei est, apud mun-
 di sapientes: Cuius noticiæ usus est triplex. Primus,
 ut homines Deum ex creaturis agnoscant. 2. ut a-
 gnitum uenerentur. 3. ut non colentes Deum agni-
 tum sint inexcusabiles. Primus & secundus propri-
 us est

us est finis noticiæ Dei. Tertius est accessorius hominum culpa. Altera noticia Dei est ex scriptura seu ex uerbo Dei, quæ noticia summam in symbolo continetur Apostolico, quæ est, ut credamus esse unum Deum: ut credamus esse tres personas in una diuinitate: ut cognoscatur uoluntas Dei, & eius erga Ecclesiam beneficia: ut modus à nobis intelligatur, per quem beneficiorum sanctæ Trinitatis participes fieri possimus.

Verum ut hæc Dei noticia plenior à nobis haberi possit, quatuor membra de hac salutari Dei noticia proponam & explicabo: quorum primum erit confirmatio, quod tantum sit unus Deus. Secundum, ostensio quod sint tres personæ in una diuinitate. Tertium quid in singulis personis sit spectandum. Quartum, quinam sit salutaris usus noticiæ Dei.

PRIMUM, confirmatio petenda est ex testimonijs. Testimonia autem confirmantia unitatem Dei sumam ex Mose, Prophetis, Psalmis & Apostolicis scriptis. Moses Exod. 20. Deut. 5. ait: Ego Dominus Deus tuus, qui eduxi te de terra Ægypti, non habebis alios Deos coram me. Deut. 6. Audi Israël: Dominus Deus noster Deus unus est. Esaie 43. Ante me non est formatus Deus & post me non erit: Ego sum, ego sum Deus, & non est absq; me Salutare. 44. Ego primus & nouissimus, & absq; me non est Deus. Psalm. 18. Quis Deus præter Iehouah, & quis fortis præter Deum nostrum. Paulus 1. Cor. 8. scimus quod non sit alius Deus quàm unus, 1. Tim. 2. unus

est

est Deus. Hæc testimonia & multa alia, unū esse Deum euidenter conuincunt, id quod etiam Catholica confitetur Ecclesia, dum ait: Credo in Deum unum.

SECUNDVM de personis: esse autem tres personas in una diuina natura, non multiplicata: sed una numero manente, ratio non capit: Quare potius hoc mysterium est uenerandum, quàm scrutandum. Hinc Bernardus: Scrutari hoc temeritas est, nosse uero uita est æterna. Et Salomon: scrutator maiestatis opprimitur à gloria. Quare hic rationem nostram sub uerbo Dei captiuam teneamus, & scripturæ testimonijs de tanto mysterio credamus. Cur autem Ecclesia credat tres esse personas in una diuina natura, hæc est ratio: Vnus tantum est Deus, quod iam multis testimonijs probatum est: Pater est Deus, Filius est Deus, Spiritus sanctus est Deus: ergo Pater, Filius et Spiritus sanctus unus est Deus. Quod autem Pater sit Deus, similiter filius & Spiritus sanctus, probatur quadrupliciter. 1. ex clavis scripturæ uerbis. 2. ex operibus. 3. ex cultu qui debetur Patri, Filio & Spiritui sancto. 4. ex Ecclesiæ perpetuo consensu.

Clara scripturæ uerba sunt Matth. 3. Pater sonat de Cælo: Filius stat in fluuiio: Spiritus sanctus descendit, ut columba super Christum. 1. Iohan. 5. Tres sunt qui testimonium perhibent in cælo, Pater, Verbum & Spiritus sanctus, & hi tres unum sunt.

Deinde idem opera ostendunt. Pater creat, Filius creat, & Spiritus sanctus creat: Pater iusti-

g 2

ficat,

ficat, filius iustificat, & Spiritus sanctus iustificat: Pater omnia gubernat, filius omnia gubernat, & Spiritus sanctus omnia gubernat. Hæc opera creationis, iustificationis, & gubernationis Dei sunt propria. Quare cum hæc Patri, Filio & Spiritui sancto communiter tribuantur, diuinam eorum naturam fateri necesse est.

Idem confirmat & cultus. Pater inuocatur, filius inuocatur, Spiritus sanctus inuocatur: nunc autem solus Deus inuocandus est, & in solum Deum credere licet: Quare Pater, & Filius, & Spiritus sanctus Deus unus est.

Huc & testimonium Ecclesiæ pertinet: Hæc est autem fides Catholica, ut unum Deum in Trinitate, & Trinitatem in unitate ueneremur, non confundentes personas, nec substantiam diuidentes. Nam alia est Persona Patris, alia filij, alia Spiritus S.

TERTIVM de ijs quæ spectanda sunt in personis. In personis spectanda sunt quinque. 1. essentia. 2. persona. 3. personalis distinctio. 4. opus. 5. uoluntas.

Essentia seu natura eadem est Patris, Filij & Spiritus sancti. Non est enim aliud Pater, aliud filius, aliud Spiritus sanctus: Nam una est diuina essentia & natura simplex, atque ideo dicitur Pater esse in Filio & Spiritu sancto, Filius in Patre & Spiritu sancto, Spiritus sanctus in Patre & Filio.

ALTERVM, quod spectandum est in Trinitate, est persona, uidelicet quod alia sit persona Patris, alia Filij, alia Spiritus sancti. In hac persona

rum

rum Trinitate, nihil est prius, nihil posterius, nihil maius, nihil minus: idq; nec tempore: quia omnes personæ sunt coeternæ: nec natura, quia omnes sunt unius & eiusdem essentiae: nec dignitate, quia sunt coequales: nec intellectu, quia simul intelliguntur.

TERTIVM, quod est spectandum in personarum Trinitate, est personalis distinctio. Hic primum obseruandum est, quomodo Deus à creaturis discernatur: Deinde quomodo personæ diuinæ à se inuicem distinguantur. Distinctiones, quibus Deus à creaturis distinguitur, sunt hæc. 1. in una & indiuidua natura non multiplicata, sunt tres personæ. 2. Deus est mens æterna. 3. Deus est creator. 4. Deus est in mundo & supra mundum. 5. Deus est in omni loco & in nullo loco. Hæ quinque proprietates soli Deo competunt, & nulli creaturæ.

Personæ à se inuicem distinguuntur duplicibus proprietatibus, interioribus & exterioribus. Interioriores sunt gignere, nasci, procedere. Solus Pater gignit filium: solus filius nascitur à Patre: Solus Spiritus sanctus procedit ab utroq;. Exteriores proprietates sunt mittere & mitti. Solus Pater mittit: Filius & Spiritus sanctus mittuntur, sed diuersimode. Filius missus assumpsit humanam naturam, in qua uictima factus est: Mittitur Spiritus sanctus in corda, ut nouam lucem in cordibus incendat.

QVARTVM, quod in personis considerandum dixi, est opus Trinitatis. Hic obseruanda est regula Augustini: Opera diuinitatis ad extra sunt

8 3 indi-

indiuisa: sed seruata cuiusq; personæ proprietate. Pater creat, Filius creat, Spiritus sanctus creat. Pater regenerat, Filius regenerat, & Spiritus sanctus regenerat. Sed Pater creat per Filium, & res creatas Spiritus sanctus conseruat: Pater regenerat in Filio per Spiritum sanctum.

QVINTVM, quod considerandum in personis dixi, est uoluntas, quæ qualis sit docent. 1. facta præterita & præsentia. 2. præcepta. 3. comminationes & promissiones legales. 4. promissiones Euangelij. 5. exempla. 6. ἀποστολική, seu quod non sit acceptor personarum. Hæc omnia simul docent, quod Deus irascatur peccantibus, & uelit eos punire, & quod uelit peccatum remittere omnibus ad mediatorem confugientibus, & dare eis uitam æternam, nulla nationum aut populorum habita ratione.

Iam usus restat qui est multiplex. Primum igitur hæc recte formabunt iudicium nostrum de Deo. Talem enim Deum agnoscere debemus, qualem se patefecit uerbo & testimonio, iuxta uersiculum: Ecce Deum credas quod de se prædicat ipse. Secundo hæc docent nos recte sentire de creatione, quæ est opus totius Trinitatis. 3. Recte sentire de reparatione generis humani, quæ est etiam opus totius Trinitatis, ut supra dictum est. 4. Hæc confirmant Articulos fidei nostræ de Deo & Trinitate. 5. Hæc nos ad recte inuocandum instruunt. Inuocatio enim in hunc solum Deum est dirigenda, qui est Pater, Filius

Filius & Spiritus sanctus. 6. Nos hæc monent, ut solite & sancte uiuamus, tanquam in Dei conspectu. Hæc sint de Deo & Trinitate dicta, quæ omnia in symbolo nostro breuiter indicantur.

DE TERTIO.

Nisi quis renatus fuerit ex aqua & spiritu, non potest intrare in regnum Dei. Hæc est secunda doctrina quam proposui, quæ ut melius intelligatur, duo sunt obseruanda. Primum cum quo loquatur Christus. Alterum quæ fuerit huius dicti occasio. Qualis autem fuerit cum quo locutus est Christus, exponit textus. Fuit uir honestus & nobilis: fuit princeps Iudeorum: fuit Phariseus, qui uixit inculpate secundum legem. Occasio autem fuit hæc. Nicodemus uenit ad Christum nocte, qui ut Phariseus iudicauit se iustum ex legis operibus, sacrificijs & sabbatims: quare mirabatur Iohannem nouam doctrinam proponere de iusticia & Baptismo, quam ipse legis doctor ignorabat. Huius igitur iudicium præuenit Christus hoc dicto: Nisi quis natus fuerit denuo, non potest intrare in regnum Dei. Ad hæc uerba stupefcit Nicodemus & ait: Quomodo potest homo cum sit senex iterum nasci? cui Christus: Amen dico tibi, nisi quis renatus fuerit ex aqua, & spiritu, non potest intrare in regnum DEI. Hic Christus dicit se non de carnali natiuitate, quemadmodum eam intellexit Nicodemus, loqui: sed de spiritali, quam necessari-

am esse eo probat, quod prior nostra natiuitas est immunda. Quod natum (inquit) est ex carne, caro est. Id est, quicquid nascitur in hac uiciositate naturæ, immundum & reum est, atq; ideo regni Dei non est capax. Huc addit modum regenerationis: Spiritus ubi vult spirat, & vocem eius audis, sed nescis vnde veniat, aut quo vadat: sic est omnis qui natus est ex spiritu. Hoc est, quemadmodum uentus tum primum sentitur, quando spirat, tametsi nemo nouit unde ueniat, aut quo uadat: ita spiritalis hæc regeneratio fit occulto quodam modo uirtute Spiritus sancti, quæ cum facta est, sentitur per noui hominis novos motus

Verum ut hæc intelligamus, obseruanda sunt organa & instrumenta huius spiritalis natiuitatis. 1. Semen huius natiuitatis est uerbum Euangelij, quod annuntiatur uoce ministrorum. 2. Spiritus sanctus, qui in prædicatione Euangelij est efficax, operatur fidem, qua & assentimur uerbo Dei, & statuimus, nobis Deum esse propitium propter filium, & simul innouit naturam ad nouam obedientiam. 3. Cum hæc beneficia accipiuntur fide, tanquam in agrum cordis, homo reginitus mox sentit in se motus Spiritus sancti: aqua foris adhibetur, tanquam sigillum internæ regenerationis, & testimonium collatæ gratiæ Christi. Huius regenerationis effectus conspiciuntur in mente, in affectibus, in uoluntate, in externis operibus. Nam mens luce Dei illustratur, affectus purgantur, uoluntas fit prompta, & obedi-

obedientia noua omnium uirium incoatur: breuiter,
qui credit regenitus est.

DE TERTIO.

Sicut Moses exaltauit serpentem in deserto, ita oportet exaltari filium Dei, ut omnis qui credit in eum non pereat: sed habeat uitam æternam. Historia exaltati serpentis in deserto est in quarto libro Moſis cap. 12. quam figuram hic Chriſtus ad ſuam perſonam applicat, dicens: Sicut Moſes exaltauit serpentem. Hoc Chriſti dictum multa continet. PRIMVM enim aperte teſtatur, quod lex non tollat peccatum: Nam ſi lex tolleretur peccatum, non opus eſſet expiatione per uictimam Chriſti. Deinde cur ſit datus Meſſias, & cur filius Dei aſſuſerit humanam naturam indicat: datus eſt enim ut exaltaretur in cruce, & ita per eum ſalus mundo contingeret. Præterea oſtendit hoc dictum, Chriſti regnum ſpirituale eſſe & æternum. Tum docet qualis ſit iuſticia, qua conſtitimur coram Deo, ſeu quomodo participes reddimur beneficiorum Chriſti, uidelicet cum credimus in Chriſtum exaltatum, id eſt, mortuum in ara crucis. Poſtremo dulciſſima eſt conſolatio hic propoſita, quod gratia hæc, quæ eſt in cælum aditus offertur omnibus: Id quod indicat uniuerſalis particula OMNIS qui credit. Nos igitur bonam ſpem concipiamus de ſalute, quæ omnibus offertur per leſum Chriſtum, cui cum Patre & Spiritu ſancto ſit honor in ſecula ſeculorum, Amen.

g s

DO=

DOMINICA PRIMA

POST TRINITATIS, EVANGELIUM Lucae 16.

Homo quidam erat diues, qui induebatur purpura et bysso, et epulabatur quotidie splendide. Erat autem quidam mendicus, nomine Lazarus, qui iacebat ad ianuam eius hulcerosus, cupiens saturari de micis, quæ cadebant de mensa diuitis. Sed & canes veniebant, ac lingeabant hulcera eius. Accidit autem ut moreretur mendicus, & deponeretur ab Angelis in sinum Abraham. Mortuus est autem & diues, ac sepultus est, atque in tartaro sublati oculis suis, cum esset in tormentis, vidit Abraham eminus, & Lazarum in sinu eius. Et ipse clamans dixit: Pater Abraham, miserere mei, & mitte Lazarum, ut intingat extremum digiti sui in aquam, ac refrigeret linguam meam, quia crucior in flamma hac. Dixit autem Abraham: Fili recorderis, quod receperis bona tua in vita tua, & Lazarus similiter mala. Nunc autem hic solatio fruitur, tu vero cruciaris. Et super hæc omnia inter nos & vos hiatus ingens firmatus est, ut illi, qui volunt hinc transire ad vos, non possunt, neque istinc huc transcendere. Ait autem: Rogo ergo te Pater, ut mittas eum in domum patris mei, habeo enim quinque fratres,

tres, vt testificetur illis, ne & ipsi veniant in hunc locum cruciatus. Ait illi Abraham: Habent Mosen ac Prophetas, audiant illos. At ille dixit, Non Pater Abraham, sed si quis ex mortuis ierit ad eos, resipiscunt. Ait autem illi: Si Mosen & Prophetas non audiunt, neque si quis ex mortuis resurrexerit, credent.

ENARRATIO TEXTVS.

A Dominica Aduentus huc usque, proposita est doctrina de singulis articulis fidei nostrae: nunc in sequentibus dominicis, usque ad Dominicam Aduentus, proponitur de miraculis Christi, & fidei natura uerisque fructibus: idque ideo, ut miraculorum doctrina confirmetur Euangelij ueritas, & doctrina de fide, & fructibus eius nos ad bona opera excitemur. Docet autem Christus de bonis operibus quinq; modis. 1. Interdum enim simplici doctrina est contentus, ut cum dicit: Estote misericordes: agite poenitentiam: facite fructus poenitentiae dignos. 2. Interdum suum exemplum proponit, quod suos uult imitari, ut cum dicit: Discite a me quia mitis sum & humilis corde. 3. Interdum proponit parabolas, ut de bono uillico, de uirginibus decem, de semine in terram iacto, quales multae sunt passim in Euangelicis historijs. 4. Interdum minis utitur, ut cum dicit: Nisi abundauerit iusticia uestra, plus quam scribarum & Phariseorum, non intrabitis in regnum caelorum. Item, uobis Scribae, Pharisei, hypocritae

critæ &c. 5. Interdum proponit præmia & pœnas in illustribus Exemplis, quemadmodum hoc Euangelio facit: Breuiter, nihil non agit Dominus, ut suos honestæ uitæ studiosos faciat.

Iam accedamus ad hodiernum Euangelium: Cuius summa est, quod Christus Dominus propositis duobus exemplis, dehortetur ab impietate & crudelitate aduersus pauperes, & exhortetur ad pietatem & constantiam in ferendis ærumnis huius uitæ. Nam ut diuitis Epulonis exemplo docet, quæ pœna maneat impiis: ita pauperis Lazari exemplo hortatur ad pietatem & honestam uitam in timore DEI. Vfus ergo erit, ut diuites & crudeles erga suos proximos, uideant, tanquam in tabula, quas pœnas olim luent, si non resipiscant mature. Deinde, ut pauperes pij & afflictii in hac uita huius pauperis Lazari exemplo se erigant, & patienter expectent liberationem & beatam requiem, si in fide ad mortem perseuerauerint.

Loci tres:

- I. Descriptio huius Epulonis, cum suis doctrinis.
- II. Descriptio Lazari, cum suis consolationibus.
- III. Dictum Domini: Habent Moysen & Prophetas.

DE PRIMO.

Homo quidam erat diues, qui induebatur purpura & bysso. In hoc primo loco quatuor sunt

sunt obseruanda: quæ sunt, 1. generalis reprehensio
corum, qui sunt crudeles in pauperes. 2. caussa da-
mnationis huius diuitis. 3. uerus usus diuitiarum. 4.
status animarum impiorum post hanc uitam.

PRIMUM ergo cum hic Epulo damnatur, in
genere reprehenduntur omnes, qui sunt duri in
pauperes, & qui, cum ipsi affluunt diuitijs, nulla
cura pauperum tanguntur, quales multi sunt in
mundo. Hæc reprehensio etiam ad eos pertinet, qui
neq; consilio, neq; re ministerium uerbi, aut egentia
Ecclesiæ membra iuuant, quare unusquisque apud
se cogitet, & huius Epulonis damnatione admoni-
tus sapere discat.

Causse damnationis huius Epulonis non sunt di-
uitiæ & splendor uestium & delicia in cibis, modo
temperatæ fuissent, quod ex ipso Euangelio patet:
nam pauper Lazarus in diuitis Abrahami sinum
receptus est. Si enim diuitiæ fuissent efficaces caus-
se damnationis, damnatus fuisset & Abraham: da-
mnatus fuisset Dauid, & multi reges, & alij qui di-
uites fuerunt. Verum diuitiæ, splendor & huius-
modi alia, occasio possunt esse damnationis, quando
uidelicet, homines istis abutuntur in contumeliam
Dei & contemptum proximi, in superbiam & lu-
xum. Sed quæ fuerunt causse damnati huius Epu-
lonis? tria horrenda mala, quæ in textu diserte no-
tantur: quorum primum fuit securitas carnalis,
quæ habuit secum hæc mala, quod non egerit po-
nitentiam, quod nullum sensum iudicij & iræ Dei
habuerit,

habuerit, quod nulla cura officij tangeretur. Nam hæc perpetuo secum habet carnalis securitas. Alterum malum, propter quod damnatus fuit hic Epulo, erat, *luxus & crapula*, quibus & corpora & animæ grauantur, ne quid possint homines de rebus suæ salutis cogitare. Tertium malum, quod causa fuit damnati Epulonis, erat neglectus Lazari, quæ res satis indicat, quod nullam fidem habuerit: ubi enim fides uera est, non potest in miseros & egenos esse crudelitas. Propter has tres causas damnatus est Epulo, cuius Exemplo multi quotidie ad damnationem certam properant, qui suis diuitijs securitatem, crapulam & neglectum membrorum Christi fouent. Quare si nobis salus cordi est, mature respiciamus, caueamusq; ne donis Dei in nostram perniciem abutamur.

TERTIO loco ex hoc exemplo colligendum est per contrarium, quis sit uerus usus diuitiarum, qui uerus usus in his quatuor est positus.

PRIMVS est, ut conferamus partem nostrarum facultatum ad conseruationem ministerij, quem usum confirmat primum finis hominis: est enim homo conditus, ut Deum agnoscat et celebret. Quare & bona quæ habet, ad istum finem referenda sunt. Deinde hunc usum confirmant sæpius repetita mandata Dei. Deus enim mandat, ut Ecclesiam nostris facultatibus iuuemus. Præterea hunc usum stabiliunt piorum regum & sanctorum exempla, qui nihil in uotis magis habuerunt, quam suis diuitijs

diuitijs ministerium uerbi ornare, & conseruare.
 Contra hunc primum & pium diuitiarum usum
 peccant multi: inter quos sunt primum, qui suas
 diuitias conuertunt ad ruinam ministerij, quemada-
 modum multi tyranni olim & hodie faciunt. Deinde,
 qui auferunt bona Ecclesiastica & sibi occupa-
 pant. Tum etiam, qui ex suis facultatibus nihil con-
 ferunt ad conseruandum ministerium uerbi. Præ-
 terea & illi, qui uel precibus, uel artibus alijs bo-
 na Ecclesiastica ad se honesto titulo transferunt,
 quasi essent Ecclesiæ ministri, cum sint prorsus ca-
 nēs muti, qui nec unquam seruiuerunt Ecclesiæ, aut
 Reipub. nec possunt unquam seruire, uentres pigri,
 & bestię inertes, qui tamen Prælati, Canonici &
 Vicarij & Abbates saluari uolunt.

SECUNDVS uerus & legitimus diuitiarum
 usus est, ut earum partem conuertamus ad conser-
 uandam & ornandam Rempubicam, in qua uiui-
 mus. Sunt enim Respublicæ Ecclesiæ hospitia: qui-
 bus etiam gratitudinem debemus, etiamsi alia com-
 moda ad nos non peruenirent. Contra hunc usum
 multi peccant, ut sunt: qui iusta tributa non soluunt:
 qui iniusta exigunt: qui tributa non conuertunt ad
 rerum publicarum conseruationem, sed ad luxum
 & crapulam.

TERTIVS usus rectus & legitimus diuitia-
 rum est, ut unusquisq; suum statum honeste tuea-
 tur sine sordibus. Contra quem peccant primum,
 qui potationibus, comessationibus, uestibus suis
 statui

statui non conuenientibus suas res abliguriunt, quemadmodum multi faciunt. Deinde etiam auari, qui sordibus suis oblectantur, & suum statum honeste, ut decet, non tuentur, qui & male uestiuntur, & male edunt, cum interim eorum pecunia erugine corrumpatur in arca.

QUARTVS diuitiarum uerus usus & legitimus est, ut partem aliquam in pauperes erogemus, & maxime, in eos, qui cum paupertate pietatem coniunxerunt. Est enim hæc potissima causa, cur Deus sinit esse pauperes inter nos, ut faciat periculum, an ipsius misericordiam imitari uelimus, iuxta mandatum Christi: Estote misericordes, sicut Pater uester cœlestis misericors est. Cōtra hūc usum etiam multi peccant cum hoc diuite Epulone, cuius olim in supplicijs erunt socij, qui ipsum magistrum crudelitatis erga egenos in hoc mundo sint secuti.

QUARTVM sequitur, quod in Epulonis exemplo considerandum dixi, uidelicet, qualisnam sit status animarum eorum, qui ex hac uita sine fide discedunt. Nam cum Christus dicit, diuitem Epulonem apud inferos sublati oculis uidisse Abrahamum eminus, & petiuisse intingi extremum digiti Lazari in aquam, ad refrigerandam linguam suam, depingit tabulam, quæ statum animarum impiorum post mortem representant: in qua hæc notantur. 1. summus cruciatus & conscientie perpetuus uermis. 2. memoria crudelitatis, quam exercuerant in miseros. 3. uotum recreationis per eorum officia
in

in quos in hac uita crudeles erant. 4. quod non sit
futurus finis tormentorum, & quod frustra expe-
tatur ulla in tormentis refectio. Quod enim hic
Dominus per colloquium Epulonis & Lazari de-
pigit propter nostrum captum, id ipse Epulo in
sua conscientia sensit, quam Dominus, qui omnia
nouit, ignorare non potuit. Hæc igitur impietatis
pœna ad seriam pœnitentiam inuitet, ne inuiti ad
pœnam pertrahamur.

DE SECUNDO.

Et erat quidem mendicus nomine Lazae-
rus, qui iacebat ad ianuam eius, vlcibus
plenus, cupiens saturari de micis, quæ cade-
bant de mensa diuitis, & nemo dabat. In hoc
Lazari exemplo multa sunt obseruanda, unde nos
& doctrinam & consolationem capere poterimus.

PRIMUM hic confirmatur concio Petri, qui
dicit iudicium à domo Dei incipere: punit enim
suos in hac uita Deus, ut tanquam freno quodam
retineantur in officio. Si enim omnia succederent
illis ex uoto, ebrij facti felici rerum successu, à pie-
tate deflecterent ad impietatem. Vnde Moses de
populo iudaico dixit: Sedit populus manducare &
bibere, & surrexit ad ludendum, hoc est, in idola-
triam & alia scelera lapsus est. Quare memores si-
mus dicti Pauli 1. Cor. 11. Cum iudicamur, id est, af-
fligimur, à Domino corripimur, ne cum hoc mun-
do damnemur. Ad paternum igitur Dei animum
respiciamus, quoties duris afficimur in hac uita, &

h

CRUC E

cruce admoniti timeamus Deum pie & innocenter uiuendo.

DEINDE hoc exemplo Lazari docemur, non omnes coram Deo miseros esse, qui in hac uita sint calamitosi: nec econtra omnes placere Deo, qui in hac uita uidentur felices & beati. Lazarus in hac uita miser fuit: sed Deo erat carus. Epulo in hoc mundo felix: sed Deo displicebat. Quæ causa? Lazarus timuit Deum ex uiua fide: Epulo autem Deum non timuit, fide enim uacuus erat.

TERTIO, in Lazaro uidemus exemplum prouidentie Dei. Iacet contemptus & spretus: uerum cum nunc absq; omni consolatione iaceret, uenerunt canes & linxerunt ulcera eius: quo significatur, quod Deus non sinat pios ita calamitatibus obrui, quin consolationes ærumnis admisceat. Neq; enim dubium est, quin prouidentia Dei factum sit, ut canes uenirent & lingerent ulcerosum, in maiorem damnationem diuitis Epulonis & familie eius. Nam familia Domini sui impietatem est imitata: textus enim dicit, & nemo dabat ei.

QUARTO obseruamus hic communem sortem piorum & impiorum. Moritur Epulo, moritur & Lazarus. Mors quidem utriq; est communis: sed non mortis euentus. Epulo enim per mortem ad miseriam transijt: Lazarus uero ad felicitatem peruenit.

QUINTO hic obseruetur in Lazaro Angelorum ministerium. Epulo uiuum Lazarum contempsit:

transiit: sed mortui animam Angeli deportant: qui in
uita contemptus erat, in morte curatur & honora-
tur ab Angelis Dei. Neq; hoc in solo Lazaro acci-
dit: sed quod de illo legimus, commune est omnibus.
Nam ut piorum animæ Deo curæ sunt: ita à sanctis
Angelis in portum salutis & felicitatis deportan-
tur.

SEXTO in Lazari exemplo uidemus, qualis
status sit animarum piorum post hanc uitam. De-
portatur Lazarus in sinum Abrahæ. Quid est si-
nus Abrahæ? Sicuti Abraham idco pater fidelium
dictus est, quia penes ipsum depositum fuit æternæ
uitæ fœdus, quod fidei custodia seruatum filiis suis
primum, deinde cunctis gentibus quasi per manus
tradidit: Filij eius uocantur, quicumq; eiusdem pro-
missionis sunt hæredes: Ita post mortem dicuntur
in eius sinum colligi, qui eiusdem cum eo fidei fru-
ctum percipiunt. Nam quemadmodum filij, dum
uespere ab operibus diurnis domi congregantur, &
ueluti in sinu paterno fouentur, ita pij post labores
exhaustos in hac uita, post mortem colliguntur in
beata requie, ubi bene & beate habent usq; ad re-
surrectionem mortuorum. Hic Abrahæ sinus uoca-
tur etiam Paradisus, ut in illo Christi dicto ad la-
tronem, Hodie eris mecum in Paradiso: ubi est iuxta
Psalmum, Abundantia leticiarum ex uultu Dei, &
perpetuæ iucunditates in dextera eius. Breuiter,
Beati qui in Domino moriuntur, quia perpetuo
cum Domino erunt, & perpetuo gaudio fruuntur.

b 2

Porro

Porro quantum ad colloquium Abrahæ & Epulonis attinet, sciendum est, quod ista acciderunt spiritualiter. Ita enim apud se cogitavit Epulo in tormentis, & tale responsum accepit iste in propria conscientia.

SEPTIMO observa in Lazaro imaginem Ecclesie in hac uita. Est enim afflicta, & contemnitur à potentibus & diuitibus huius mundi.

DE TERTIO.

Habent Mosen & Prophetas, audiant illos. Hec grauissima est admonitio imprimis utilis. Hoc enim dicto multi damnantur.

PRIMUM damnatur omnis, qui Mosen & Prophetas non recipit. Nam hi dati sunt diuinitus, ut ad Deum nos ducant, et saluatis uitam monstrent. Qui ergo hos non recipit, manet in sua damnatione.

SECUNDO damnantur recipientes, sed tamen pluri facientes humanas traditiones, & potius uitam instituunt iuxta præcepta hominum, quam iuxta præcepta Dei, contra apertum Dei interdictum. Ita enim ait apud Hieremiam cap. 22. In præceptis meis ambulate, & non in præceptis patrum uestrorum.

TERTIO damnatur hic Gregorius Papa, Anabaptiste & alij Enthusiaste, qui nouas de cælo reuelationes quærunt, ac magis fumis uiciosi & melancholici cerebri, quam uoci cœlesti credunt: imo relinquunt uerbum, & prorsus abiiciunt.

QUARTO, discamus hinc magnifacere doctrinam

Arinam Mosi, Prophetarum & Apostolorum, quæ lucerna nobis erat ad æternam salutem, modo eius ductum sequamur: nullum enim habet mundus præstantius climodium, quam uerbum Dei. Hoc Dauid pluris fecit, quam aurum præstantissimum: hoc Lazarus in mundo pauper, diues erat coram Deo: hoc Iob in medijs ærumnis se erexit. Quare & nos, charissimi, amemus uerbum Dei, sciamus esse instrumentum, quo nobis offertur thesaurus omnium præciosissimus Christus Iesus, & per illum uita æterna, quam donet nobis Pater cœlestis per eundem Iesum Christum, cui honor & gloria in secula seculorum, Amen.

DOMINICA SECVNDA TRINITATIS, Luc. 14.

Homo quidam apparauerat cœnam magnam, & vocauit multos, misitq; seruum suum hora cœnæ, ut diceret inuitatis: Venite, quia iam parata sunt omnia. Et cœperunt simul omnes excusare. Primus dixit ei: Villam emi, & necesse mihi est exire & videre illam, rogo te, habe me excusatum. Et alter, dixit, iuga bouum emi quinque, & eo ad probandum illa, rogo te, habe me excusatum. Et alius dixit, Vxorem duxi, & ideo non possum venire. Ac reuersus seruus, renunciauit hæc Domino suo. Tunc iratus pater familias, dixit seruo suo: Exi cito in plateas

h 3 reas

teas & vicos ciuitatis, ac pauperes ac debiles, claudosq; & cœcos introduc huc. Et ait ser- uus: Domine, factum est, vt imperasti, & ad- huc locus est. Et ait Dominus seruo: Exi in- vias & sepes, & compelle intrare, vt implea- tur domus mea. Dico enim vobis, quod ne- mo virorum illorum, qui vocati sunt, gu- stabit cœnam meam.

ENARRATIO TEXTVS.

Sicuti proximo Die Dominico impedimentum salutis esse contentum proximi in Epulone o- stensum est: ita in hoc Euangelio, aliud impedi- mentum cauendum docemur, ne uidelicet nostras posses- siones & negocia, curasq; rerum mundanarum plu- ris faciamus, quam Euangelium Christi, neue sina- mus nos commodis & uoluptatibus huius mundi impediri & occupari, quo minus ueniamus ad cœ- nam, ad quam per Euangelij prædicationem uoca- mur.

Porro occasio huius parabole, fuit uox cuius- dam Pharisei in conuiuio, ad quod Christus erat inuitatus. Nam cum Christus pronunciaffet, retri- butum iri in resurrectione iustorum ijs, qui sunt liberales erga pauperes, Phariseus Christi sermo- nem approbaturus ait: Beatus qui comedit panem in regno Dei. Verum quia Christus huius Phari- sei, & maxime partis gentis Iudaicæ mores per- uersos & præposterum studium uidit: proponit hanc parabolum, in qua & Iudeorum iustam rea- iectio

iectionem, & gentium gratuitam receptionem pingit. Cuius parabole scopus & finis est, ne sinamus huius uitæ res caducas nobis impedimento esse, quo minus in cœnam cœlestem inuitati per Euangelium ueniamus.

Loci quatuor.

- I. Magnitudo misericordiæ Dei pingitur in hac cœna.
- II. Ingratitudo mundi notatur in ijs, qui uocati recusant uenire.
- III. De coactione, quomodo cogat & per quos.
- IIII. Comminatio poenæ eorum, qui Euangelium non recipiunt.

DE PRIMO.

Quanta sit misericordia Dei erga genus humanum, multis indicijs ostenditur. Nam non solum uox Dei, uerumetiam ingentia Dei beneficia erga totum mundum, & præcipue erga Christi Ecclesiam ineffabilem misericordiam Dei testantur. Misericordia (inquit Dauid) Domini plena est terra. Argumentum maximum huius misericordiæ est datus filius, ut mundum in extremam miseriam demersum redimeret, idq; per suam mortem & passionem, quo homines ab hac miseria liberati, donarentur æterna uita, quæ hic cœna magna dicitur. Et in Matthæo nuptiæ regis: ad quam cœnam magnam homines uocantur ex mera Dei misericordia, quo in ea saturentur delicijs spiritualibus in omni eternitate.

Matth. 22.

b 4

Verum

Verum ut nobis magis dulcescant lauitia huius cœnæ, circumstantias quæ in textu notantur proponam seorsum, & quid doctrinæ & admonitionis ex singulis petendum sit, dicam.

PRIMA itaq; circumstantia in hac cœna spectanda, est de eo, qui ad hanc cœnam inuitat: nam inde eius æstimatio dependet. Quis ergo instruit hanc cœnam? Num Rex aliquis mundanus? Non: Imo magnificienda esset eius regis liberalitas, & laude extollenda misericordia, qui miseris & pauperibus regale conuiuium & magnifice instructum pararet. Sed quis est? Deus pater cœlestis Dominus dominantium, & Rex regum, solus diues & lauitijs abundans. Hæc circumstantia bonitatis & misericordie Dei clarissimum testimonium est.

SECUNDA circumstantia est, quod hic Paterfamilias Deus ad cœnam inuitet. Sed quid cœnæ nomine significatur? Ipsum Euangelium, eaq; omnia, quæ cum Euangelio coniuncta sunt: ut est salus & uita æterna. Vide quanta misericordia hic relucet. Sed quæ ratio est appellationis? Cur hæc tanta bona cœna dicuntur? Id fit sane non sine magnis causis, quarum de numero sunt tres præcipue. **PRIMA**, quia Euangelium æternum gaudium, & nunquam finienda bona promittit. Vt enim cœna in extrema diei parte apponitur: Ita bona, quæ Euangelium offert, post multos exhaustos in ærumnis huius uitæ labores, credentibus ex mera Dei misericordia donabuntur. **SECUNDA** causa est

est, quia sicut uespera, quando cœna instrui solet, est finis dici: ita ætas, in qua per ministerium prædicationis omnes ad Epulas diuinæ cœnæ inuitantur, extrema est. TERTIA, quia Euangelium extrema uox Dei est in mundo, postquam nulla alia est expectanda: sicut cœna ultimum in die cibum proponit. Nunquam enim alia de cœlo sonabit uox Dei: sed hæc eadem Euangelij uox sonabit usq; ad iudicij extremi diem.

TERTIA circumstantia est in hac uoce MAGNA, qua commendantur nobis diuitiæ misericordie Dei: non enim Deus unum & alterum regem & sapientem inuitat ad suam cœnam: sed totum mundum. Non prætermittit pauperes, non diuites negligit, non nobiles excludit, non rusticos aut ciues a suo conuiuio arcet, non paruos contemnit, non magnos fastidit: sed omnes promiscue per orbem sparsos homines inuitat ad magnam illam cœnam: nam textus & magnam cœnam esse, & multos inuitatos testatur.

QUARTA circumstantia est de modo inuitationis. Modus exprimitur hisce uerbis: & misit seruum suum hora cœnæ, ut diceret inuitatis. Hic serui nomine intelliguntur Prophetae, Apostoli & omnes pij Doctores, quos inde ab initio mundi misit Deus inuitatum ad hanc cœnam. Ad hanc cœnam ipse Deus Patriarchum Nohe inuitauit. Hic inuitatus reliquum mundum uice Dei uocauit. Deinde cum ob suam ingratitudinem mundus

h s dilu-

diluvio periisset, inuitatur uoce Dei Abraham ad hanc coenam. Præterea cum mundi malicia creuisset super terram, unum populum peculiarem elegit Deus, in quo sæpe excitauit Prophetas, ut ad hanc coenam inuitarent: idq; continuauit paterfamilias, donec proprium filium misit, Dominum nostrum Iesum Christum, quem inuitati suspenderunt in crucem. Qui excitatus à mortuis, misit Apostolos in uniuersum mundum, ut ad hanc lautissimam coenam omnes gentes inuitarent.

QVINTA circumstantia est de hora coenæ. Quæ nam est ista hora? Tempus gratiæ & tempus gloriæ. Tempus gratiæ, est quo annuntiatur hominibus liberalitas & misericordia patrisfamilias, quod in tres partes distribuitur. In promissionem, exhibitionem, & tempus secutum exhibitionem. Promissionis tempus fuit inde ab Adam usq; ad Christum natum fere 4000. annorum. Deinde exhibitionis tempus erat, dum Christus ipse in carne hic in terris uersatus est, prædicauit, obtulit seipsum precium redemptionis pro inuitatis ad hanc coenam. Tempus secutum exhibitionem est inde à missione Apostolorum in mundum uniuersum usq; ad diem iudicij, in quo tempore & nos sumus, & inuitamur ad hanc coenam uoce ministrorum uerbi. Tempus gloriæ est æternitas, quando in cœlesti gloria habebimus non solum cum Abraham & Isaac: sed cum Deo Patre, Deo Filio, Deo S. sancto, & fruemur æterno gaudio & letitia in Christo Iesu Domino nostro.

Sexta

SEXTA circumstantia est inuitandi forma.

Venite (inquit) quia parata sunt omnia. Hoc est, ut in Baptistæ & Christi inuitatione videmus: Agite pœnitentiam & credite Euangelio: appropinquat. n. regnum cœlorum. Hec inuitatio requirit pœnitentiam, hoc est, prioris uitæ mutationem, ut discedamus à malo & faciamus bonum & requirit fidem, id est, ut credamus hanc cœnam nobis apponi, non nostrū ob meritum, sed ex mera misericordia propter Filium, qui nobis à Deo datus est sapientia, iusticia, sanctificatio, redemptio. His. n. donis & ueluti uestibus filij Dei in cœnam æternæ uitæ intrabimus. Nam sapientia sua Christus mentes nostras reformat: iusticia sua nos ornat, cum in eum credimus: sanctificatione sua nos purificat, ac tandem recipit in suum cœnaculum, ubi erit perpetua redemptio, gloria & felicitas. Atq; hæcenus de primo loco, in quo commendatur nobis misericordia Dei, quæ est à progenie in progeniem super omnes timentes eum, ut uirgo mater Domini canit.

DE SECVNDO.

Sed omnes cœperunt vno animo se excusare: Recusarunt enim uenire ad cœnam hanc cœlestem. Quemadmodum enim sus pluris facit cœnum, in quo se commaculat, quam aurum aut preciosas gemmas: ita homines sordibus suis inuoluti fugiunt splendorem tantæ cœnæ. Quæ in re tria deploranda sunt mala: Miseria generis humani, maxima ingratitude, & corruptum iudicium.

Miseria

Miseria est, quod peccatis & Maledictione oppressi homines, non solum non eluctari de suis malis conantur, uerumetiam ipsis sordibus delectantur: tantum abest, ut remedium quærant. Atq; hoc est, quod Christus dicit: Nemo uenit ad me, nisi quem Pater traxerit. Ingratitudo est, quod homines inuitati ad gratuitam cœnam, id est, gratuitam liberationem à peccato, ab ira Dei, à maledictione legis, ab inferno, à Diabolo, ad remissionem peccatorum, ad fauorem Dei, ad iusticiam, ad cœlum, ad Deum, ut cum illo beati uiuant in omni æternitate, recusant tamen uenire. Quis hanc ingratitude sibi deplorare potest. Corruptum iudicium est, quod homines pluris faciant finita bona, quam æterna: pauca, quam multa: caduca, quam firma: terrena, quam cœlestia: conseruantia hanc uitam ad modicum tempus, quam conseruantia animam & corpus in æterna uita. Stultusne iudicatur, qui præfert lutum auro? Sane stultissimus, ut qui nihil recte iudicare possit. Multo stultior est, imo in infinitum stultissimus, qui præfert mortem uitæ, peccatum iusticiæ, infernum cœlo, Diabolum Deo: Breuiter, infinita mala infinitis bonis. Hoc nostrum corruptissimum iudicium agnoscamus, & petamus nostras mentes noua luce reformati, ut recte intelligamus, quæ uera bona sunt: ordinate appetamus, quæ recte iudicamus, & usq; ad finem perseueremus in quærendis ijs, quæ ordinate appetimus.

Postquam aut hæc in genere dicta sunt, de miseria
ria

ria generis humani, de ingratitude summa & corruptissimo iudicio hominum: textum uideamus, quia uarios modos excusationis continet. Primum dicit: Et oēs cœperunt una sententia recusare. Hoc est, maxima pars mundi ingrata contempsit gratuito oblatum beneficium. Primus ergo dixit: Agrum emi, necesse habeo exire & videre eum, rogo te, habere me excusatum. Hic describitur primum genus hominum excusantium se, quo sub genere oēs cōtinentur, qui potentia sua freti recusant uenire ad hanc præclaram cœnam. Neq; tamen potentia est efficax causa huius excusationis: sed occasio tantum in ijs, qui suam potentiam à Deo esse non agnoscunt, qui sua potentia nituntur, hoc est, baculo arundinis. Nam cum peccatum, mors, infernus, Diabolus inuadit, hominum potentia non ualet: hic .n. sola potentia ualet, nempe Euangelium Christi, quod Paulus definit esse potentiam Dei ad salutem omni credenti. Quod autem hæc potentia, & agrorum possessio non sit efficax causa recusatæ huius opiparæ cœnæ ostendunt exempla: potens fuit Dauid, & habuit agros plurimos: potens fuit & Nero, & habuit agros. Quorum ille inuitatus ad nuptias uenit, hic recusauit. Quare? Quia ille usus est potentia in gloriam Dei: hic eadem est abusus in sui interitum. Nam ea deceptus recusauit uenire ad hanc cœnam. Hic ergo monemur recte uti agris nostris, ne sint nobis impedimento, quo minus ad hanc cœlestem cœnam ueniamus: exempla omitto.

Alter

Alter uero dixit: Iuba boum emi quinque, & proficiscor ad probandum ea; rogo te, habeme excusatum. Hic describitur alterum genus hominum excusantium se, quo minus ad cœnam uenire possint: sub hoc genere continentur diuites huius mundi. Quid? an diuitiæ sunt causæ efficaces huius recusationis? Nequaquam. Fuit Abraham diues, fuit & Epulo diues, de quo nuper audiuius: sed Abraham non impeditus est suis diuitijs. Nam plaris fecit hanc cœnam, quam terrenas diuitias. Contra, Epulo ebrius fuit suis diuitijs, atq; ideo uenire recusauit. Sunt enim diuitiæ, quando a malis possidentur, ueluti esca, qua illecti capiuntur & necantur: Ideo Christus dicit eas spinas esse: & difficile pronunciat diuitem posse intrare in regnum cœlorum. Plato Philosophus recte dixit, diuitias cœcas esse sine prudentia, & acutum cernere, quando sequuntur prudentiam. Ita & nos possumus dicere, diuitias spinas esse sine pietate, & rosas quando pietatem sequuntur. Nam pij diuites suis diuitijs ueluti rosas quibusdam ornant ministerium uerbi, ornant Respublicas & propriam domum. Quicunque ergo huius mundi diuitias habet, det operam, ut earum administratrix sit pietas & caritas, ut in sanctis Patriarchis & regibus, alijsq; multis pijs & sanctis hominibus uidemus.

Et alius dixit: duxi uxorem, propterea non possum uenire. Hic describitur tertium genus hominum recusantium uenire ad hanc cœnam, quo
sub

sub genere continentur omnes, qui huius mundi uoluptatibus dediti Euangelium Christi non curant. Ducere uxorem non est per se aut malum, aut causa recusationis: sed tantum occasio in quibusdam, qui non recte utuntur dono Dei. Abraham habuit uxorem & multi pii, qui tamen non propterea recusarunt obtemperare Euangelio: Quare coniuges dent operam, ut Christum secum habeant, caueant ne occasionem mali à bono sumant. Haftenus audiuius tria genera hominum excusantium se, quod non uenirent inuitati ad hanc cœlestem cœnam: sed ex his intelligemus omnia, quæ hominibus impedimento sunt, cur Euangelio non auscultent.

DE TERTIO.

Seruus reuersus domum, nunciat patrifamilias quæ responderunt, & rursus missus multis collectis pauperibus & claudis, iubetur cogere homines, ut intrent, quo impleatur domus conuiuij. In hac coactione nobis proponitur summa consolatio. Deus enim non solum mittit, non solum inuitat multos, non solum mandat: sed cogit & compellit intrare ad suam cœnam. Sed quomodo compellit? Multis sane modis. Parentes in familia cogent suos domesticos, & disciplina domestica assuefacient eos, ut Christum audiant, pie & sancte uiuant. Hinc illud Pauli: Educate pueros & disciplina & correptione Domini. Magistratus similiter coget edictis, bonis ordinationibus, exemplo, sublatione idololatriæ: quemadmodum Ezechias

chias & Theodosius fecerunt, qui instrumenta Idolatriæ sustulerunt. Omnium autem maxime ministrorum uerbi est cogere comminationibus & obuiurgationibus, quemadmodum Christum, Prophetas & Apostolos fecisse legimus.

DE QUARTO.

Nemo virorum illorum, qui vocati fuerunt & recusarunt venire, gustabunt coenam meam. Hoc est, omnes contemptores Euangelij excludentur de uita æterna. Nam ira Dei manet in omnes, qui non credunt in Filium. Hæc summa est quarti loci.

Ceterum usus totius hodierni Euangelij triplex est. Primus, ut considerata magnitudine misericordiæ Dei, gratias agamus per Iesum Christum. Secundus, ut caueamus, ne ullu prætextu nos subducamus ab obedientia erga Euangelium. Tertius, ne exemplo potentum, diuitum & uoluptariorum seducamur, & ruamus in proprium exitium: sed potius totis uiribus demus operam, ut in hanc cœlestem coenam includamur, per Dominum nostrum Iesum Christum, cui cum Patre & Spiritu sancto sit honor & gloria in secula seculorum, Amen.

DOMINICA TERTIA

POST TRINITATIS, Luc. 15.

Accedebant ad Iesum omnes Publicani & peccatores, ut audirent illum. Et murmurabant



murabant Pharisei ac Scribæ, dicentes: Hic peccatores recipit, ac cibum capit cum illis. Dicebat autem ad illos Parabolam hanc dicēs: Quis ex vobis est homo, qui habet centum oves, & si perdiderit vnā ex illis, nonne relinquit nonaginta nouem in deserto, & vadit ad illam quæ perierat, donec inueniat eam. Et cum inuenerit eam, imponit in humeros suos gaudens, veniensq; domum, conuocat amicos & vicinos, dicens illis: Gaudete mecum, quia inueni ouem meam, quæ perierat. Dico vobis, quod ita gaudium erit in cœlo super vno peccatore resipiscente, magis quā super nonaginta nouem iustis, qui non indi-

i gent

gent poenitentia. Aut quæ mulier habens drachmas decem, si perdiderit drachmam vnam, nonne accendit lucernam, & vertit domum, queritq; diligenter, donec inueniat? Et cum inuenerit, conuocat amicas & vicinas, dicens: Gaudete mecum, quia inueni drachmam quam perdideram. Ita dico vobis, gaudium erit coram Angelis Dei, super vno peccatore resipiscente.

ENARRATIO TEXTVS.

Occasio hodierni Euangelij hæc est. Cum tanta esset bonitate Dominus noster præditus, ut neminem quantumuis afflictum & magnum peccatorem fastidiret, imo potius omnes ad se inuiteret, iuxta illud Matth. 11. Venite ad me omnes, qui laboratis & onerati estis, & ego reficiam vos: factum est, quod ipsi publicani, cognita hac misericordia & bonitate, ad eum uenirent, quo gratiæ omnib. liberalissime oblate participes fierent. Atq; ideo Christus non uoluit eos tantū uoce consolari, sed factō & conuersatione. Inuitatus proinde ab ijs uenit & comedebat cum illis: idq; ea de caussa, ut eos Deo Patri lucrificeret, hoc est, cōuerteret eos à uijs suis pessimis ad ueram & salutarem poenitentiam, quo à maledictionis reatu absoluti hæredes fierent uitæ æternæ per Iesum Christum. Hoc Christi factum obseruantes Pharisei, ut erant superbi, tumentes sua Pharisaica, id est, falsa iusticia, murmurant, ac tacite Christum uiolatæ legis diuinæ accusant. Sed quid

quid ad hæc Christus? utrosq; docet. Publicanos quidem, q; uenerit saluatum peccatores. Phariseos uero, cur cum peccatoribus conuersetur: unde colligitur Christi regnum pugnare cum Phariseorū opinionione & Satanae regno. Nam ut Christi regnum est misericordia & remissio peccatorū, adeo ut Angeli in cælo gaudeant super singulis peccatoribus poenitentiam agentibus: ita Satanae regnum est crudelis immanitas & peccati inundatio quædam. Locī duo.

- I. Murmur Phariseorum, & cur Christus sit conuersatus cum peccatoribus.
- II. Docetur parabolis duabus, cur Christus in hunc mundum uenerit, & quid nos facere oporteat, modo sanari uelimus.

DE PRIMO.

Appropinquabant ei publicani & peccatores, ut audirent eum, & murmurabant scribæ & Pharisei, dicentes: hic peccatores recipit, & manducat cum illis. Hic proponuntur nobis duo hominum genera, & eorum diuersa studia. Vnum publicanorū & peccatorum, qui Christum accedunt, ut illum audiant, & ad ipsius ouile aggregentur & saluentur. Postquam. n. audiuerunt Christum nullos peccatores reijcere: sed omnibus gratiam, modo poenitentiam agere non recusarent, offerre, ipsum accedere non dubitarunt, spe magna salutis concepta. Alterum Phariseorum & Scribarum. Hi Christi factum & misericordiam erga peccatores improbarunt, atq; ideo murmurarunt,

dicentes, hic peccatores recipit & manducat cum illis.

Porro huius Pharisæici murmuris plures sunt causæ, quarum nonnullis recitabo, ut uideamus, quo spiritu sint locuti, nosq; caueamus, ne simili morbo laborantes, aliorum salutem impedire uideamur.

PRIMA ergo causa est Diaboli inuidia, quæ propria est Diaboli & membrorum eius. Hæc enim eorum cordibus infixæ efficit, ne uidere possint, Christum & Publicanos una conuersari. Tanta enim inuidia erga Publicanos laborarunt, quod noluerint eos bonorum conuersatione emendari. Huius generis Pharisei plures sunt hodie, quam qui Phariseorum titulum agnoscunt.

SECUNDA causa murmuris fuit intolerabilis superbia in Scribis & Phariseis, qua ut canes Publicanos spreuerunt, adeo ut cibum capere cum illis, aut domum eandem cum illis intrare recusarint.

TERTIA causa murmuris fuit opinio iustitiæ & sanctitatis. Nam ut se iustos: tantum ex paternis obseruationibus & sacrificijs, reliquosq; ut iniustos contemserunt (ut ille qui ait: Non sum sicut cæteri peccatores, nec ut ille Publicanus, ieiunabis in Sabbato &c.) ita eos, qui hanc sanctitatis laruam non habuerunt, strenue tanquam anathemata & res abominabiles aspernabantur.

QUARTA causa fuit studium Christo infamie notam inurere. Nam uulgo persuadere conabatur

nabantur Christum talem esse, quales essent illi, cum quibus uersaretur.

QVINTA caussa fuit zelus legis diuinæ, sed falsus. Mandatum. n. legis suo murmuri pretextuerunt: lex enim præcipit Exod. 23. ne conuersentur cum Insulis terræ. Item Exod. cap. 34. præcipitur, ne unquam cum habitatoribus terræ illius amicitiam iungerent, ne ipsis foret in ruinam, hoc est, ne illorum praua corrupti consuetudine idolatræ efficerentur, & prophani legis diuinæ contemptores. Nam, ut Paulus inquit, modicum fermentum corrumpit totam massam, & ut est in uersiculo quodā: Morbida facta pecus totum corrumpit ouile. Vt una à liuore alterius liuorem contrahit: sic & malo consortio homines facile deteriores fiunt. Sicuti & Medea quodam in loco dicit: Malarum fœminarum ingressus me malam reddidit. Huc & illud Salomonis: Qui tetigerit picem, coinquabitur ab ea. Item: Qui communicauerit superbo, induet superbiam. Et Syrac: Omnis homo sibi similem sociat. Huiusmodi scripturæ testimonia multa haud dubie congesserant Pharisei, ut Christum infamarent.

Sed quid dicemus ad istas scripturæ sententias? pleræq; ex illis habent adiunctas caussas prohibite cum peccatoribus conuersionis, & ut summam dicam, prohibent adiuncta scripturæ testimonia, ne infirmi, qui facile deteriores fieri possint, conuersentur cum ijs, qui conuerti nolunt, sed potius in hoc totis incumbant uiribus, ut alios sibi nequitie

sue socios adiungant. Primum non potuit Christo convenire: non enim erat infirmus, ut peccatorum consuetudine contaminari posset, quare interdictum legis non in illum quadrat. Dicit, n. diserte lex, unde reliqua dicta manant: ne forte peccare te faciant in me, si servieris dijs eorum, quod tibi certe erit in scandalum. Alterum non convenit in publicanos, quibus cum Dominus hic conuersatus legitur. Non enim Christum uoluerunt sibi sue nequicie socium adiungere: uerum accedebant, ut audirent illum, & ex auditu fidem consequuti saluarentur. Cum ergo & Christus motus misericordia conuerteretur cum illis, ut eos adducat in stabulum ouium, unde aberrarunt: & publicani sitientes salutem, cupiant subleuari ab onere peccatorum suorum, quod senserunt grauissimum esse, iniuste aduersus Christum murmurant: quos in uiam reuocare conatur propositis his parabolis: una de centum ouibus, altera de decem drachmis.

Iam ex ijs, quae dicta sunt ad criminationes Pharisaeorum, oritur quaestio. Nam postquam responsum est scripturas, quae malorum consuetudinem damnant, ad infirmos pertinere, quæri potest, cum nos infirmi simus, quid nos facere oporteat, an omnino & perpetuo fugere debeamus Phariseos. Ad hanc quaestionem respondeo. Sunt fugiendi, & non sunt fugiendi. Imbecilles qui conscijs sunt suae imbecillitatis, quod uidelicet sint faciles & prони ad lapsum, edocti propria experientia, ipsi fugient conuersa.

uersationem eorum, à quibus metuant, ne illo-
 rum pice inquinentur & scabie inficiantur. Nam,
 ut dicit Iustinus martyr, mens hominis ex malorum
 consuetudine scabiem quandam sibi acquirit, & mul-
 tis malis succis impletur. Hoc Patrum familiarum,
 magistratus, & ministrorum uerbi officium est, ut
 caueant, ne tales ferantur, quorum conuersatione
 simplices reddantur deteriores. Paterfamilias nul-
 lum seruum debet ferre in sua familia, qui pueris
 suis sit scandalo. Magistratus gladio coercebit bla-
 sphemos. Ministri uerbi obiurgationib. Primum ca-
 stigabunt impuros: quod si nihil ista uia proficiunt,
 debent eos eijcere de Ecclesia per excommunica-
 tionem, ut pii & simplices sciant, quod sibi cauere
 debeant ab istorum conuictu. Quod autem huius-
 modi fugiendi sint, docet & hoc pauli dictum, 1.
 Thessal. 2. Denunciamus autem uobis fratres per
 nomen Domini nostri Iesu Christi, ut subducatis
 uos ab omni fratre, qui inordinate se gerit, & non
 ex tradita doctrina quam accepit à nobis. Hoc er-
 go sit dictum infirmis, qui omnino sibi cauere
 debent ab improborum consortio. Verum quan-
 tum ad eos attinet, qui bene sunt instituti, & qui
 in officio sunt publico, quorum interest oues er-
 rantes ad Christum adducere, illi possunt, imo de-
 bent nonnunquam cum improbis conuersari: sicut
 Medicus conuersatur cum aegroto, non ut ipsius
 aegroti scabie inficiatur, sed ut sua arte & curan-
 di peritia eum sanitati restituat. Ad eundem mo-
 dum

dum non modo licet, uerumetiam necessitas officij
 & fides in ministris uerbi requirit, ut improbo-
 rum maliciam retegant, & sanent quantum qui-
 dem fieri potest: uerum si morbus fuerit incur-
 bilis, sequentur medicorum exemplum, & quod cu-
 rare non possint, amplius non curent: sed Deo to-
 tam rem cum dolore committant.

DE SECVNDO.

Quis ex vobis homo, qui habet centum
 oues &c. Hac parabola docet Christus duo. Vnum
 cur in mundum uenerit: Alterum quod ex priori
 pendet, cur conuersetur cum peccatoribus: unde se-
 quitur confutatio murmurantium Phariseorum.
 Cur in mundum uenerit, docet exemplo pastoris.
 Nam quemadmodum pastor in desertum uadit, ut
 querat ouem amissam: ita Christus in mundum ue-
 nit, ut homines per peccatum in desertum abductos
 querat. Deinde quia officium est Christi, querere
 peccatores, ut reuocentur ad salutem, quod sane fi-
 eri non potest, quin cum eis conuersetur: hinc se-
 quitur improbandum esse murmur Phariseorum
 aduersus Christum, qui cum à legatione sua abster-
 rere uoluerunt, ne sanarentur infirmi. Apte ergo
 alibi testatur: Non ueni uocare iustos, sed peccato-
 res ad poenitentiam. Hæc summa est parabole de
 ouibus: eandem rem proponit parabola de muliere
 querente pecuniam amissam. Iam parabolam de oui-
 bus particulatim uideamus, quo nobis fiat dulcior,
 perspecta Christi pastoris sollicitudine pro nobis.

H o. 10

Homo ille habens centum oves Christus Iesus est, uerus pastor, qui animam suam pro ouibus posuit, Iohan. 20.

Per ouem errantem intelliguntur omnes, qui se in deserto uagari intelligunt, id est, agnoscunt se peccatores, & cupiunt recipi, sicut hi Publicani fecerunt. Agnouerunt se peccatores, audiuerunt famam de uero pastore, atq; ideo ab illo recipi uoluerunt, dum audiunt: Venite ad me omnes, qui laboratis & onerati estis, ego reficiam uos. Atq; ita textus nobis paradigma ouis errantis proponit in Publicanis, qui uocem Christi audientes ad ipsum ueniunt, ac suum errorem agnoscunt.

Per nonaginta nouem oves intellige omnes homines in mundo, qui cum hæreant in suis peccatis & damnatione: tamen hoc non animaduertunt, imo se iustos & beatos putant, atq; ideo Christum audire recusant. Putant enim se iustiores esse, quam ut Christo iusto opus habeant: Putant se magis sanos, quam ut Christum medici opera indigeant. Quod hi per nonaginta nouem oves intelligantur, ipse textus aperte conuincit. Nam nonaginta nouem oves conferuntur Scribis & Phariseis, id est, hypocritis, qui se iustos gloriabantur. Habemus quis sit pastor, quæ sit ouis errans, & quæ nonaginta nouem non errantes: Iam uideamus. 1. Quando errare cæpit ouis. 2. Quando uenit pastor errantem quæsitum. 3. Quomodo inuentam reportet in stabulum, sanet & Pascet. 4. Quid acciderit inuenta oue.

i 5

Quando

Quando ergo errare cœpit ovis? Primum cum abducta est per lupum in desertum. Hoc est, cum Satan primos parentes à Deo abduxit. Deinde quoties reuocati homines à uijs suis pessimis sunt rursum insidijs Satanae abducti ab ouili. Ita & hodie, quoties à recta salutis uia, uel in doctrina, uel in moribus flectimus, erranti oui comparamur.

Quomodo uenit Christus pastor quæsitum ouem errantem? Venit primum in Spiritu, idq; in sanctis Prophetis & Patriarchis, quoties eos excitauit, ut hominibus uiam salutis monstrarent. Sic uenit misso Mose, misso Helia, Heliseo, Isaia & alijs multis. Deinde uenit in carne, quando assumpsit humanam naturam, & est pro nobis passus.

Quomodo querit, quæsitam reportat in stabulum? Querit errantem ouem prædicatione Euangelij, dum iubet prædicari Euangelium: & reportat in stabulum, quando credentes in Ecclesiam congregat. Subijt enim in desertum & inuentam ouem imposuit humeris, hoc est, credentes in se merito suæ crucis in Ecclesiam perduxit.

Quomodo reportatam ouem in stabulum sanat & pascit? Sanat omnes contritiones eius suo sanguine, dum credentes in se absoluit à reatu, et donat sua iusticia. Pascit, dum donat eos Euangelij pabulo, & eos fouet suo Spiritu. Hæc beneficia pastoris erga ouem errantem maxima sunt.

Sed quid accidit iuuenta oue? Conuocat amicos & vicinos, dicens, Congratulamini mihi, quia

quia inueni ouem meam quæ perierat. Quid autem hoc sit, exponit cum ait: Dico vobis, quod ita gaudium erit in cœlo super vno peccato re pœnitentiam agente, plus quam super no-
 naginta nouem iustis, qui non indigent pœ-
 nitentia. Ecce quid accidit quando peccator pœ-
 nitentiam agit. Ipsi Angeli Christo pastori congra-
 tulantur. Gratulantur aut Angeli in cœlo propter
 tria. Primum, quia homines cum illis conditi sunt
 ad celebrandum Deum, quod non potest fieri ab il-
 lis, qui non agunt pœnitentiam. Illi enim omnes lau-
 des Dei, quantum in se est, impediunt. Deinde, quia
 uident regnum augeri per acceſſionem nouorum ci-
 uium. Tertio, quia nihil magis illis gratum est, quan-
 si uideant regnum Satane aboleri, quod fit cum ho-
 mines pœnitentiam agunt. Sed quoniam sunt illi no-
 noginta nouem iusti, qui non indigent pœnitentia?
 an ullus igitur est absq; peccato? Certe nullus est
 sine peccato. Omnes enim aberrarunt & inutiles
 facti sunt. Sed peccatores sunt triplices. Sunt enim
 peccatores, qui se iustos esse putant, & propterea
 dicuntur non opus habere pœnitentia: quod sane
 de ipsorum de seipsis iudicio est intelligendum: nam
 reuera nullus est, qui non indiget pœnitentia. De-
 inde sunt peccatores, qui sciunt se habere pecca-
 ta, & nihilominus pergunt in peccatis, non mo-
 rantes accusantem legem Dei. Sunt quoq; peccato-
 res, qui agnoscunt peccatum, id est, oderunt pecca-
 tum, atq; ideo agunt pœnitentiam, & confugiunt
 ad

ad Christum. Primum & secundum genus intelliguntur per nonaginta nouem: per tertium intelligitur una errans ouis. Nonaginta nouem non agentium poenitentiam similitudinem referunt Scribae & Pharisei. Publicani referunt ouem illam unam errantem. Quid hic docemur? Maximam esse multitudinem eorum qui pereunt, & minimam esse quae recipitur, id est, uix unum ex centum singulis. Hinc illa Christi querela: Multi sunt uocati, sed pauci electi, id est, probi, qui uocanti Christo per suum Euangelium obtemperant. Hoc in exemplis uidemus. Ante diluuium maxima pars mundi secuta est Caini nequitiam, adeo quod tantum s. homines reperti sint iusti, qui per arcam saluati sunt. Deinde rursus per multos annos Melchizedech & Abraham soli fuerunt pii fere. Praeterea ex magnis illis ciuitatib. Sodoma & Gomorra & alijs, solus Loth cum suis filiabus euasit, reliquis propter sua peccata incendio interentis. Neq; aliter hodie fit: a plurimis contemnitur Euangelium, a paucissimis recipitur. Hoc ergo periculo admoniti agamus poenitentiam, ne cum maxima parte ingratisimi mundi percamus, Dominus clemens est ad nos recipiendos: Angeli expectant resipiscentiam: nostra propria salus agitur, quam Christus omnibus peccatoribus offert a gentibus poenitentiam, cui honor in secula, Amen.

DOMINICA QVARTA

POST TRINITATIS, Luc. 6.

Estote

Estote misericordes, sicut & Pater vester misericors est. Nolite iudicare, & non iudicabimini. Nolite condemnare, & non condemnabimini. Remittite, & remittetur vobis. Date & dabitur vobis. Mensuram bonam & conferram, & concussam atque exundantem dabunt in sinum vestrum. Eadem quippe mensura, qua metimini, metientur alij vobis. Dicebat autem illis similitudinem: Nunquid potest cæcus cæcū ducere? Nonne ambo in foueam cadunt? Non est discipulus supra magistrum suum, perfectus autem omnis erit, si sit sicut Magister ipsius. Quid autem vides festucam in oculo fratris tui, trabem autem, qui in oculo proprio est, non animaduertis? Aut quomodo potes dicere fratri tuo: Frater sine eijciam festucam, quæ in oculo tuo est, ipse in oculo tuo trabem non videns? Hypocrita, eijce primum trabem ex oculo tuo, & tunc perspicies, ut eijcias festucam, quæ est in oculo fratris tui.

ENARRATIO TEXTVS.

Hæc Christi concio pertinet ad tertiam poenitentiae partem. Scitis, n. quod sint tres partes: Contritio, Fides, & Noua obedientia. Contritio peccatum agnoscit, detestatur ac fugit: Fides ad Christum confugit, qui à peccato liberat, & credentes iustificat: Noua obedientia uersatur in quatuor, quæ sunt: pietas erga Deum, sanctimonia uitæ cuiusque

que apud sese, caritas proximi, & diligentia uocationis ad quam quisque uocatus est. Cum autem hæ sint partes nouæ uitæ, proponit Christus in hoc Euangelio exhortationem ad caritatem erga proximum, quam hic per suas partes designat, & quoniam uelut prima eius proles est misericordia erga proximum, hortatur ad misericordiam, per quam intelligit omnia officia, que nobis alij alijs in hac uita debemus. Quicquid enim alter alteri debet, cum soluerit, non amplius debet, excepta una caritate, quam non ita possumus reddere, quin semper simus debitores. Vnde Paulus Rom. 13. Nihil cuiquam debeatis, nisi mutuam dilectionem. Vt autem hoc Euangelium clarius intelligamus: Duo dicam.

- I. Quæ sint dilectionis seu misericordiæ opera, quæ nobis hic commendantur.
- II. Quæ sint rationes, quibus Christus nos hic hortatur ad præstandam misericordiam, id est, opera caritatis proximo.

DE PRIMO.

Estote misericordes &c. Cum filius Dei suos discipulos hortatur ad misericordiam, significat & quo affectu erga nos mutuo esse debeamus, & quod in hac uita ob multas infirmitates alij aliorum opera indigeant. Quod præceptum si hodie amplecterentur, quod Christiani dici uolunt, minus esset dissensionum & minus calamitatum. Volumus quidem omnes discipuli Christi dici: sed nemo uult facere quod præcipit. Famulus imperio sui heri obedit, ancilla

ancilla oculos suos habet intentos in matremfamilias : imo nemo est, qui non magis suis in mundo superiorib. auscultat, quam multi, qui Christiani dici uolunt, suo Christo Deo & saluatori obtemperant, qui pro illis pependit in cruce, & coelum meruit. Sed quæ est caussa ? quia uerbis tantum sunt Christiani, non corde. Qui enim uere Christianus est, nihil prius in uotis habet, quam ut Christo suo, à quo & nomen & salutem habet, obtemperet. Quare uos moneo, ut deposita illa carnali securitate Christo obtemperetis, & diligenter obseruetis ex hoc Euangelio, quæ officia à nobis erga proximos nostros requirat. In genere quidem requirit dilectionem, sicuti ait ad discipulos suos : Diligite uos inuicem, sicuti ego dilexi uos : in hoc cognoscent, quod discipuli mei sitis, si uos mutuo dilexeritis. Nihil aliud hic requirit, cum ait : Estote misericordes. Qui enim diligunt : misericordes sunt. Et qui sunt misericordes, diligunt : ita fons aquam, & aqua fontem ostendit. Verum ideo potius hoc loco Christus usus est misericordiae uocabulo, quia in dolem ueræ dilectionis monstrat.

Hæc misericordia, quæ ex dilectione proficiscitur, & à Christo suis discipulis in hoc Euangelio commendatur, quatuor partibus constat : quarum prima in ipso corde est, quæ est candor & Philanthropia quædam, qua & candide de proximo sentimus, & semper meliora de ipso speramus. Hunc candorem notat Christus per contrarij remotione

motionem, cum inquit: Nolite iudicare. Hinc Apostolus 1. Cor. 13. Caritas non cogitat malum. Atque hic sensus primæ partis misericordiæ est. Non est ergo quod quisquam hoc dicto, Nolite iudicare, existimet tolli uel iudicium de discrimine uirtutum & uiciorum in hominibus, uel officium Patrisfamilias, præceptoris, magistratus ciuilibus & ministris uerbi, uel debitam fraternam correptionem, qua alius alium errantem in uiam ex mandato Christi reuocare debet: sed tantum libidinem animi, qua sumimus nobis officium male de alijs sentiendi contra caritatis regulam. Quantum enim ad iudicium attinet discriminis honestorum & turpium, regula est nobis Lex Dei firma & immota: Quicquid enim lex Dei dicit turpe aut honestum, id nos quoque tale iudicare debemus. Qualis enim esset insensibilitas ista non discernere? Debemus ergo iudicare & discernere inter Neronis tyrannidem, & Fabricij clementiam: atque ita de cæteris. Patresfamilias habent mandatum instituendi proles suas in disciplina & corruptione Domini. Item, Salomon uult parentes castigare suos pueros: Et Heli Sacerdos punitus est propterea, quod, cum uideret filios suos Ophni & Phinees male se gerere, cum in cultu diuino, nam meliores partes sacrificiorum furati sunt: tum in uita, nam libidine se contaminarunt, non eos iudicio paterno castigauit. Hinc manifestum est, quod dictum Christi non tollat patrumfamilias officium, quod sane exercere non possunt

Heli punit

sunt sine iudicio, & discrimine recte & secus factorum. Præceptores præterea quid facerent sine iudicio? Alij enim discipuli sunt uerberibus cogendi, ut faciant officium: alijs sufficit admonitio: illorum quidem ignauia castiganda: horum uero industria est laudanda: Hic quæso non iudicio præditus esse debet Pædagogus pius? Neq; aliter de magistratus iudicandum est: Punire debet malos, & tueri bonos, quod sane fieri nequit sine iudicio: & Deus cum approbat magistratum, manifeste iudicium eius probat, cum sine iudicio magistratus tantum inanis sit titulus. Ministri uerbi alios recipient in Ecclesiam, alios excludent, an non illis conceditur iudicandi facultas? alios consolari debent, alios increpare: quod sane requirit magnum iudicium. Quantum ad fraternam castigationem attinet, manifesta est præceptio Christi Matth. 18. Si peccauerit frater tuus te conscio, uade & argue eum inter te & ipsum solum. An non hic cuilibet Christiano mandatur iudicandi officium? Ita sane est. Quare cum Christus dicit: Nolite iudicare, non tollit necessaria officia superiorum in hac uita, nec enervat disciplinam Ecclesiasticam: sed tantum cohibet petulantiam hominum, qui uel corrupto iudicio, male de proximis sentiunt, uel citra fidem & caritatem ius censorium sibi in alios uendicant, quod uicium pleriq; cum insectantur in alijs, sibi impune permittunt. Vix ullus se iuste excusare potest.

SECUNDA pars misericordiæ, quam Christus

k

stus

stus erga proximum requirit, notatur his uerbis: Nolite condemnare, quo dicto requirit, ut benigne & amanter de proximo loquamur, renunciantes turpissimo illi uicio, quo proni sumus de alijs male loqui, & eos innocenter condemnare: Breuiter uult Christus, ut uoce & lingua nostra queramus proximi honestum nomen & incolumitatem. Pertinet quoq; hoc dictum ad priuatam condemnationem, qua alius alium ex malicia condemnat, non ad officia magistratus & ministrorum uerbi, qui Dei sententiam ex officio illis demandatam pronunciant sepe in malos. Sic Petrus Ananiam & Saphiram, ut est in Actis Apostolorum, condemnauit: sic Paulus Alexandrum & Hymeneum: sic Christus pronunciauit sententiam damnationis in hypocritas, cum diceret: Vah uobis Scribae, Pharisei & Hypocritae: sic cum condemnamus Antichristum, pronunciamus iudicium Dei in ipsum. Sed hic caueat unusquisq; , ne sine uerbo Dei ex petulantia potius quam uero iudicio condemnet.

TERTIA pars misericordiae est, iniuriam ei qui nos offendit condonare. Hoc exigitur ex uerbo: Dimittite. Nam cum sint multae mutuae offensiones, quas si nobis inuicem non condonaremus, non posset ulla tranquillitas esse, Imo rumperetur uinculum humane societatis: Quia hoc officium sit necessarium omnibus pijs, ex precationis forma, quam Christus nobis praescipit, facile est iudicare, illic enim iubemur orare: *Dimitte nobis debita nostra,*

nostra, sicut & nos dimittimus debitoribus nostris. Hanc adiectionem, sicut & nos dimittimus debitoribus nostris, esse summe necessariam docet parabola de debitore decies mille talentorum Matth. 18. Simile est, inquit, regnum cœlorum homini regi, qui ponit rationes cum seruis suis. Quemadmodum enim hic rex supplici seruo condonauit totum debitum, gratis ex mera liberalitate: ita Deus pater, confugientibus in uera pœnitentia ad Christum, condonat gratis ex mera liberalitate omnia debita, id est, peccata. Verum sicut rex ille seruum ingratum & durum aduersus conseruos, reuocat ad pœnam, & quod antea supplicanti condonauit, iam a contumaci & duro in conseruos repetit: ita Deus Pater postquam recepit gementes in gratiam, uult nos imitari suum exemplum benignitate erga proximum, ut ipsi in nos peccanti condonemus, id est, exemplo Patris cœlestis.

Hic oritur obscura quæstio. Si condonandum est ijs, qui nos offenderunt, uidetur consequi, quod accusare quenquam ob factam nobis iniuriam non liceat: Ad hanc quæstionem sic respondeo. Distinguendum est inter ipsam accusationem, & id quod homines mali accusationi adiiciunt. Accusare quidem per se non est uiciosum: nam Paulus 1. Cor. 16. permittit Christianis arbitros & iudicia. Deinde Euangelium non abolet politicam ordinationem. Præterea Deus in suo populo constituit iudices, qui causam inter fratrem & fratrem iudicarent,

rent, quod sane fieri non fuisset necesse, nisi licuisset accusare. Certum est igitur, quod accusare per se, modo laesus quis sit, & iniuria affectus, non sit interdictionum Christianis. Verum quantum ad id, quod homines accusationi adiungunt, ut sunt multi uiciosi affectus, intemperantia, ulciscendi libido, inimicitia, pertinacia & similes, sciendum est, quod isti affectus sunt prorsus abijciendi, modo Christianus esse uelit. Deinde discernendum est inter eum, qui laesit, seu rem tuam retinet, & deprecatur culpam, & restituit quod iniuria tenebat, & inter eum, qui te laesit & rem tuam retinet, & pergit ledere & rem tuam occupare. Ut illi deprecanti condonares, Christi praeceptum & caritas suadet: & hunc accuses petendo non tam uindictam, quam magistratus defensionem, Christus permittit, & multi sancti suis exemplis confirmant. Est praeterea discernendum inter eum qui te solum offendit, & eum qui Deum offendit & Ecclesiam turbat. De illo intelligendum est Christi praeceptum, non de hoc. Nam Caritas Dei & proximi requirit, ut quantum potes, tollas quae cultum Dei impediunt, & scandalo sunt Ecclesiae. Breuiter, uera fides & caritas satis docebunt, quando accusare sit uicium, & quando recte factum.

QUARTA pars misericordiae signatur hisce uerbis: Date & dabitur vobis. Hoc praecepto exigitur, ut indigenti proximo consilio & opere adsimus. Consilio, quoties illum à recto aberrare uidemus:

demus: opere uero aliâs dando eleemosynam largius, aliâs mutuando hilariter, etiamsi simile officium ab eo non expectemus. Nam mutuare cum expectatione alicuius officij uicissim præstandi uulgare officium est, etiam inter Ethnicos & peccatores, qui nondum sunt in familiam Christi per Euangelium uocati. Haftenus de misericordia, quam ex dilectione & Christi mandato debemus proximo, & de partibus eius, quæ sunt quatuor, uidelicet: bene sentire de proximo: bene de eodem loqui: erranti noxam condonare: & indigenti, consilio & opere adesse: nunc breuiter de secundo loco dicemus.

D E S E C U N D O.

Quinq; argumentis utitur Christus in hac exhortatione, ad misericordiam, & ad ea officia, quæ sunt præstanda proximo, quæ nunc ordino recensebo.

PRIMUM uocatur his uerbis: Sicut Pater vester misericors est. Id est, exercendo misericordiam respicite ad Patrem uestrum cœlestem: debent enim parentum mores ac facta esse norma uiuendi filijs. Cum ergo uidemus Patrem nostrum cœlestem summe misericordem esse, decet ut eius imitemur exemplum. In hoc argumento plures circumstantiæ sunt perpendendæ. 1. quod Pater noster cœlestis sit omnipotens, nullius indigens, & tamen nobis miseris tantam præstiterit misericordiam. 2. quod nos simus miseri peccatores. 3. quod ille cœlestis Pater nos ex mera misericordia recipit in gratiam. 4. quod nos natura filij iræ eramus, Ephes. 2.

k 3

s. quod

5. quod hæc sit eius uoluntas, ut filij ipsius effecti, paternum imitemur exemplum. 6. ut quemadmodum ille nobis benefecit gratis : ita & nos alijs gratis præstemus, quod nisi fecerimus, horribiliter peccamus. 1. contemnimus eius mandatum. 2. degeneramus ab ipso. 3. polluimus nos sceleribus, quæ sunt opera filiorum Satanae. 4. abijcimus fidem. 5. proximus noster nostra culpa miser iacet, cuius miseria tangi deberemus. Hæc perpendant qui Christiani esse uolunt.

SECUNDVM argumentum sumitur ab utilitate, quæ ad nos ipsos uenit. Nolite, inquit, iudicare, & non iudicabimini : nolite condemnare, & non condemnabimini. Dimittite & dimittetur vobis : Date & dabitur vobis. Hic partes illas misericordiae, quas requirit, promissionibus suis confirmat. Propositio officij est : Nolite iudicare. Promissio mercedis : seu confirmatio propositionis est : & non iudicabimini, & sic de alijs. Sensus ergo est. Qui candide de alijs sentit, is quoque sentiet idem sibi ab alijs præstari : qui bene de alijs loquitur, idem expectabit ab alijs : qui condonat benigne, is inueniet facilitatem similem, si is aliquando offenderit : qui consilio & opere indigentibus adest, is uicissim indigens sentiet auxilium, idque me efficiente. Verum contra : qui male sentit de alijs, idem expectabit : qui male loquitur, male audiat : qui iniuriam uindictat, iniuriam patietur : qui negat consilium & opem

opem indigenti, is quoq; indigens frustra opem ab alijs expectabit.

TERTIVM argumentum his uerbis proponitur: Nunquid potest cæcus cæcum ducere? Nonne ambo in foueam cadunt? quasi diceret, Quemadmodum se habet dux cæcus ad cæcum ducendum; ita se habet homo male docens & uiuens ad eos, quos doctrina & uita ducere deberet. Sed quando cæcus ducit cæcum, uterq; in foueam cadit: proinde qui perperam docet & male uiuit, & alijs & sibi occasio est lapsus: Vt igitur hoc malum uitetur, recte agendum est cum in doctrina tum in moribus.

QUARTVM argumentum signatur his uerbis: Non est discipulus supra Magistrum: perfectus autem omnis erit, si sit sicut magister eius. Boni discipuli exemplum sui magistri imitari debent. Proinde cum Christiani sint discipuli Christi, decet ut uita & moribus, quantum quidem id fieri potest, eum exprimant.

QVINTVM argumentum petitur à consideratione priorum erratorum. Quid vides festucam in oculo fratris &c. Festuca in oculo fratris est erratum fratris leue: trabs in tuo est erratum magnum. Debet ergo unusquisq; sua potius uitia considerare, quam aliena, & prius ante suam ianuam, ut dici solet, purgare. Quod ut uere faciamus, donet nobis Christus, cui cum Patre & Spiritu sancto honor & gloria in secula, Amen.

k 4 DQ.

DOMINICA QVINTA

TRINITATIS, Luc. 5.



FActum est autem, cum turba immineret Iesu, ut audiret verbum Dei, & ipse stabat iuxta stagnum Genezareth, & vidit duas naues stantes ad stagnum, piscatores autem descenderant ex illis, & abluebant retia. Ingressus autem in vnam nauem, quæ erat Simonis, rogauit eum, ut à terra abduceret pusillum. Et sedens docebat de nauis turbas. Ut cessauit autem loqui, dixit ad Simonem: Duc in altum, & laxate retia vestra in capturam. Et respondens Simon dixit illi: Præceptor, per totam



TRINITATIS.

521

totam noctem laborantes, nihil cepimus, tamen tuo iussu laxabo rete. Et cum hoc fecissent, concluderunt piscium multitudinem copiosam. Rumpebatur autem rete eorum. Et annuerunt socijs, qui erant in altera nauis, ut venirent & adiuuarent ipsos. Et venerunt, atque impleuerunt ambas naues, ita ut mergerentur. Quod cum videret Simon Petrus, accedit ad genua Iesu, dicens: Discede à me Domine, quia homo peccator sum. Stupor enim circumdederat eum, & omnes qui cum illo fuerant, super captu piscium quem ceperant: similiter autem Iacobum & Iohannem filios Zebedæi, qui erant socij Simonis. Et ait ad Simonem Iesus: Ne metuas, posthac homines capies. Et subductis in terram nauibus, relictis omnibus, secuti sunt eum.

ENARRATIO TEXTVS.

Ocasio huius Euangelij hæc fuit: Turba quida uerbi Dei est secuta Christum quocumque perrexit, ut ipsum audiret: in quem cum turba ueluti incumberet præ uisendi & audiendi studio, cogitur nauem Petri ingredi, atque ex ea docere turbam. Verum ut suæ doctrinæ fidem faciat, iussit eis, ut retia dimitterent, qui antea conquesti erant, se tota illa nocte frustra laborasse: quod cum fecissent, magnam multitudinem piscium ceperunt, adeo ut ne duo quidem nauigia pisces caperent. Hoc miraculo confirmati spectatores, & doctrinam eius

k s recepe-

4
10

receperunt, & ipsius diuinam potentiam agnouerunt. Et cum Petrus miraculo edoctus metueret, erigitur à Domino, & accipit promissionem, quod postea esset futurus piscator hominum. Hæc est summa præsentis Euangelij, quæ eo pertinet, ut non solum exemplo huius turbæ doceamur, primum querendum esse regnum Dei: uerumetiam ut confirmemur de potentia Christi. Ostendit enim Christus, quod habeat curam suorum, declarat quod nemo quicquam in sua uocatione præstare possit, nisi ipse laboranti adsit, ac operi ueluti manum adhibeat, quemadmodum dicit: Sine me nihil potestis facere. Et Psalmus ait: Nisi Dominus edificauerit domum, frustra uigilat qui custodit eam.

Loci quatuor.

- I. Necessitas audiendi Verbum Dei commendatur in exemplo huius turbæ, quæ adeo auide Christum audiuit.
- II. Imago Ecclesiæ, Doctorum & auditorum uerbi.
- III. Miraculum præsens, & eius usus.
- IIII. Exemplum Petri cum in captura piscium, tum in agnitione Christi imitandum.

DE PRIMO.

Factum est autem, cum turba irrueret ad eum, ut ipsum audiret. Exemplum huius turbæ docet, Euangelium auide audiendum esse. Neque enim adeo auide secuta fuisset hæc turba Christum, nisi eius doctrinam summe necessariam esse intellexisset,

lexisset. Sequitur ergo Christum hæc turba, non ut
 obseruet ipsum: non ut in uerbis comprehendat:
 non ut irrideat, quemadmodum Scribæ, Pharisei
 & Hypocritæ fecerunt: sed ut audiat uerbum
 Domini, & salutis pane saturetur. Est enim uer-
 bum Dei panis cœlestis, cuius dulcedo est supra
 mel & fauim, ut in Psalmo dicitur. Concurrit igitur
 ad hæc uerba tanquam famelici ad eum, qui
 largim aliquam Eleemosynam distribuit: Idq; non
 immerito. Quemadmodum enim corpus saturatur
 pane corporeo, quia est corporeum & uisum:
 ita anima pane spiritali, qui est uerbum Dei, ali-
 tur: ipsa enim spiritalis est. Deinde ut appetitus
 cibi est signum sanitatis, & fastidium eiusdem,
 egrotantis & languentis corporis indicium est:
 ita appetitus uerbi Dei est animæ bene se habentis
 signum: & contra, uerbi Dei fastidium arguit
 animæ languentis ægritudinem. Imitari ergo
 nos debemus (si nos uerbi Dei fastidium capit) eos,
 qui corpore egro sunt. Ut enim illi Medicos con-
 sulunt, ut dato pharmaco conualescant, & cibum
 appetant: ita nos (si uerbum Dei fastidit & ad
 illud nauseat anima nostra) debemus Christum
 Medicum querere nostris precibus, ut ille animas
 nostras sui uerbi, hoc est, panis salutaris capaces
 reddat, ne fame uerbi DEI destituti pereamus.
 Verbum enim Dei est cibus cœlestis, hoc est, panis
 uitæ & potus, de quo qui bibet, non sitiet in eter-
 num. Iohan. 4.

Ceterum

*medicina**metaphorice**abhorre**contemere.*4
10

Cæterum ut cum hac turba possimus esurire panem uitæ, & sitire potum cœlestem, cogitanda est huius cibi necessitatis, qua perspecta, nemo non hunc cibum expetet, nisi qui suam salutem omnino non curat occæcatus & dementatus à Diabolo.

PRIMA necessitas hæc est, quod necesse sit mori omnem animam, quæ ad finem usq; destituitur hoc cibo cœlesti. Nam primum uitam consequimur, quando ex uerbo fidem concipimus. Deinde uerbum est cibus fidei, quo ipsa alitur & nutritur. Hæc necessitas confirmatur Domini dicto: Qui non crediderit, morietur. Fides enim aliunde non est, quam ex auditu uerbi, Rom. 10.

DEINDE sine hoc cibo manet homo sub ira Dei. Qui non credit (inquit Christus) ira Dei manet super eum.

PRÆTEREA hic cibus est, qui confortat ad uitam æternam. Hinc Paulus: Euangelium est potentia omni credenti ad salutem.

POSTREMO, ut uno uerbo dicam, uerbum Dei semen est incorruptibile, sicut Petrus Apostolus docet, quo regnimur & nascimur per gratiam filij Dei, qui antea propter primorum parentum peccatum & nostrum nati eramus filij iræ. Ut ergo natura nascimur filij iræ, id est, damnationis ad mortem æternam: Ita gratia per semen uerbi Dei nascimur filij gratiæ, id est, benedictionis ad uitam æternam. Qui enim credunt, sunt filij Abrahæ & hæredes promissionis. Proinde si salus ani-

ma no-

me nostræ: si euasio mortis, iræ Dei, & damnationis: si dignitas, qua adoptamur in filios Dei, nos moueat, simus auidi uerbi Dei, illud audiamus & conseruemus, idq; non solum exemplo huius turbæ, uerumetiam totius Ecclesiæ, quæ nihil magis expectit, quam satiari hoc uerbo Dei.

D E S E C U N D O.

Ascendens Iesus vnâ nauim, in qua sedens docuit turbam stantem in littore. His uerbis pulcerrime pingitur status Ecclesiæ militantis & fluctuantis in hoc mundo: In qua pictura obseruanda sunt tria. Nauis ipsa: Christus sedens in naui: & turba stans in littore. Nauis ipsa adumbrat Ecclesiam: Christus notat omnes sinceros Doctores: Turba stans in littore significat uerbi auditores. Iam quemadmodum nauis in mari orta tempestate horribiliter concutitur: ita nihil in mundo magis concutitur quam Ecclesia: id quod totius mundi historia docet. Quam tristis fuit concussio huius nauis, quando Cam suum fratrem occidit. Deinde in Sodoma sanctus Loth: & Abraham in peregrinationibus suis. Præterea Ecclesia Dei quantum est concussa primum in Ægypto, & deinde 40. annis, ut taceam de persecutionibus quas Ecclesia perpeffa est omnibus temporibus, sub iudicibus, sub regibus, in captiuitate Babilonica. Et ut omittam alia, de nostro tempore dicam, quantum concutitur Ecclesia ab ijs, qui uolunt ciues Ecclesiæ uideri: alij heresibus, tanquam horrendis tempe-

*Ecclesiæ
hostes*

tempestatibus ab ipso Diabolo emissis, in eam impe-
tum faciunt. Quid non Sacramentarij, quid non alij
sectarij Anabaptistæ, libertini faciunt, ut hanc na-
uiculam Petri evertant? Pontifices eam hærescos
condemnant: Iudæi derident: Turca aspernatur:
civilis magistratus apud multos seditiois eam insi-
mulat, quemadmodum in Historia impij Achab le-
gimus, qui Helie sanctissimo Prophetæ hæc uerba
obiecit: An non is es qui turbas Israël? Quid dicant
de noua inuadendi Ecclesiam ratione, quam ipsi in-
uenerunt qui Euangelici esse & dici uolunt? Impie
& sacrilege bona, quæ pertinent ad conseruandum
ministerium uerbi, conuertunt in prophanos usus.
Atq; adeo Satanas cum omnibus suis membris in hoc
incumbit, ut fluctuantem Christi Ecclesiam euer-
tat: sed fortior est Christus, quam ut portæ infe-
rorum aduersus eum preualeant.

Dixi de Ecclesiæ fluctuatione: unde & quanta
sint ministrorum uerbi pericula facile est intelligen-
re. Vt enim Christus in naui sedet: ita & illi maxi-
mam periculorum molem sustinent, & multi ad gra-
uissimam rapiuntur supplicia. At turba stat in littore,
hoc est, maxima pars auditorum sunt extra peri-
culum: nam cum oritur aliqua tempestas, uel se oc-
cultant, uel prorsus discedunt. Hæc sint breuiter de
concussione Ecclesiæ dicta.

DE TERTIO.

Et dixit Dominus ad Simeonem: Duc in
altum, & demitte retia ad capturam. Tunc
respon-

*Ciuius ma-
gistratus
Ecclesia est
etiam hostis*

*Euangelici
bona ecclesia
prophana*

respondens Simeon, ait illi: Magister, per totam noctem laborantes nihil cepimus, tuo tamen iussu laxabo rete. Et cum hoc fecissent, concluderunt multitudinem copiosam &c. Hæc descriptio miraculi est. Petrus desperans de piscibus, iussu Christi demittit rete, & cepit copiosam multitudinem, ita ut duo nauigia eos ferre non potuerint. Etsi autem hoc miraculum editum est, cum ad confirmandam doctrinam Christi, tum ad fidem spectatorum roborandam: tamen suo quodam modo ad nos quoque pertinet. Nam quicquid præscriptum est, in nostram doctrinam præscriptum est, ut per patientiam & consolationem scripturarum spem habeamus. Dicam itaq; quomodo nobis seruiat præsens miraculum.

PRIMUM certificabit nos hoc miraculum de ueritate Euangelij: est enim ueluti authenticum sigillum, quo Deus Pater Euangelium filij sui obsignat. Nam quidquid miraculorum Christus, Prophetæ, Apostoli unquam ediderunt, eo spectant, ut doctrinam confirment. Ita & in Marco & in Epistola ad Hebræos legimus. Marcus ait cap. 16. Dominus cooperatus est Apostolis, & confirmabat uerbum sequentibus signis. Ad Heb. 2. Doctrina salutis confirmata est Deo contestante signis & prodigijs, & uarijs efficacijs, & Spiritus sancti distributionibus.

SECUNDO hoc præsens miraculum conuincit, quod Christus non solum sit hominum ter-

raeq; Dominus: sed etiam maris: und e fides nostra hanc concipiet fiduciam, ut statuatur nihil uel in mari posse huic potenti Domino resistere, quin possit suos potenter ab omni periculo eripere: sicuti Ioannam Prophetam ex ore Cœti eripuit sua diuina uirtute. Non est igitur quod formidemus uel Diabolorum, uel hominum, uel mortis crudelitatem, modo uiua fide in Christum recumbamus. Vnde Iohannes: Hæc est uictoria, quæ uincit mundum, fides uestra.

Ad hæc docet præsens miraculum, unde laboris nostri benedictio & incrementum rerum proueniat. Petrus tota nocte laborauerat, sed frustra. Quare? quia benedictionem ex sua industria & non ex fonte benedictionis Christo quasiuit: Verum postquam iussu Christi soluit retia, cepit magnam piscium multitudinem: quo docemur, quod omnis benedictio ex uerbo Christi pendeat. Contra hoc peccant quatuor genera hominum.

PRIMUM increduli, qui existimant omnem benedictionem pendere ex proprio labore, aduersus quorum stulticiam Dauid cecinit Psalmum: Nisi Dominus ædificauerit domum, frustra uigilat qui custodit eam.

DEINDE impij, qui ex usuris & malis artibus, hoc est, ex benedictione Satanae putant rerum & substantiarum prouenire incrementa: & profecto multi uidentur inde ditescere. Sed contra Salomon dicit: benedictio Domini diuites facit. Neque enim

enim statim aliquis recte diues dicitur, cum multa possideat. Aliud est panis: aliud robur panis. Multi panem habent, & alia bona: quorum alij ijs uti non possunt, alij ijs ad luxum & superbiam abutuntur: alij inde se quotidie ingurgitant: alij sunt instrumenta libidinum, & tyrannidis exercendæ. Qualis, queso, hæc est benedictio? Contra pius qui mediocres habet facultates, suis rebus utitur in gloriam Dei, subsidium aliorum, & prædicat datorem bonæ conscientia.

TERTIVM genus hominum, qui hic peccant, eorum est, qui postquam audierunt ex benedictione Domini rerum incrementa esse, fiunt remissiores, & negligunt suæ uocationis laborem, cum David in Psalmo contra dicat: Beatus uir qui timet Dominum, & in mandatis eius uolet nimis, labores manuum tuarum manducabis: Beatus es & bene tibi erit. Hic David rerum ordinem præscribit agendi. Primo loco est timor Dei. 2. desiderium & summa uoluptas in Dei mandato. 3. labores uocationis commendantur. 4. additur promissio: & bene tibi erit. Hanc regulam si multi sequerentur hodie, sentirent Domini benedictionem.

QVARTVM genus hic peccantium, eorum est, qui nec Deum inuocant, quando eius benedictione utuntur: nec eius auxilium implorant: nec agunt ipsi gratias pro sua benedictione.

Discamus ergo hic ex præsentī miraculo & laborandum esse, & laboris successum & benedictionem

nem à solo Deo esse, in quocunq; statu aliquis fuerit. Si quis præsint alijs, ut magistratus, præfectus, pater familias, ita cogitet: laborem strenue in timore Dei: Deum colam, & inuocem, ut meis laboribus adsit. Colonus quando arat suum agrum, quando seminat, quando conuehit in horreum, Deum habeat præ oculis, sciat omnem benedictionem à Domino esse, illum inuocet, ut sibi laboranti adesse uelit, & benedictionem suam largiri. Ita etiam concionator faciat, doceat, admoneat, exhortetur: sed iussu Christi in timore Dei. Sed obijcies forte: ego officium facio, colo agros, prædico Euangelium, instituo familiam, sed frustra. Nullum habet successum mea industria. Disce hic à Petro quid tibi desit. Petrus laborauit frustra, donec assumpsit Christum in nauem secum. Proinde tu exemplo Petri credito Christo, noli remissus esse, sed in nomine Christi laborato, & uidebis benedictionem Domini.

Sed uideo (ais) pessimos quosq; fortunatissimos esse, & contra pios saepe uideo miserrimos? Respondeo. Respice finem. Quare hoc responsum Dauidis, quod est in Psalm. 36. obserua. Vidi (inquit) impium fortem & uirescentem, instar lauri uiridis, & transiui, & ecce non fuit, & quæsiui eum, & non est inuentus. Ita omnis gloria impiorum est ueluti fumus pertransiens. Contra qui timet Dominum non commouebitur in æternum: Exempla habemus. Vbi quæso nunc sunt Gigantes illi gloriosi? absorpti sunt diluuiio. Vbi diues epulo? in tormentis iacet.

Contra

Contra, ubi Abraham? ubi David? ubi pauper Lazarus. In cælo, ubi uera beatitudine fruuntur: horum beatitudine inuitemur.

DE QVARTO.

Quod cum videret Simon, procidit ad genua Iesu, dicens: Exi à me Domine, quia homo peccator sum. Hic uide quid Petro & socijs eius acciderit ex ista piscium captura. Petrus timet horribiliter, & iubet Christum à se exire. Quid? an non potius debuisset dicere: Mane apud me Domine, ut felix sit nobis piscatura? Petrus ut se peccatorem miserum: ita Christum ex miraculo iustum & diuina potentia prædium agnoscit. Quare & ipse ad genua procumbit. Cupiunt quidem homines Dei præsentiam, sed mox ubi adesse intelligitur, conscientia eos reos peccati peragentes, fugiunt & timent, donec diuina uoce eriguntur, & sentiunt contra peccati conscientiam consolationem: quemadmodum hic Dominus timentem erigit, dicens: Noli timere, ab hoc tempore homines capies. Hic non solum erigit Petrum, uerum etiam eum elegit in Apostolum, ut suo tempore uerbo prædicationis homines capiat. Nam ut pisces reticulo: ita homines uerbo prædicationis capiuntur, & de mari peccatorum in Ecclesiam Christi colliguntur, ut non moriantur: sed ut æternum beati uiuant, per Christum Iesum Dominum nostrum, cui honor, laus, & potentia in secula seculorum, Amen.

DOMINICA SEXTA

POST TRINITATIS, Matth. 5.



Dico vobis, Nisi abundauerit vestra iusticia plusquam scribarum & Phariseorum, non potestis ingredi in regnum cœlorum. Audistis quod dictum sit veteribus, Non occides: quisquis autem occiderit, obnoxius erit iudicio. At ego dico vobis, quod quisquis irascitur fratri suo temere, obnoxius erit iudicio. Quicunq; vero dixerit fratri suo, Racha, obnoxius erit concilio. Quisquis autem dixerit, fatue, obnoxius erit gehennæ incendio. Itaq; si obtuleris munus tuum ad

aram,

aram, & illic recordatus fueris, quod frater tuus habeat aliquid aduersum te, relinque illic munus tuum coram Altari, & abi, prius concilieris fratri tuo, & tum veniens offer munus tuum. Habeto beneuolentiam cum aduersario tuo cito, dum es in via cum illo, ne quando te tradat aduersarius iudici, & iudex te tradat ministro, & in carcerem conijciaris. Amen dico tibi, non exhibis illinc, donec persolueris extremum quadrantem.

ENARRATIO TEXTVS.

HIC textus est pars Concionis, quam habuit Christus in monte ad discipulos, quos recens elegerat, in qua, ut summatim dicam, eos docet, quod non soluendæ legis gratia uenerit: sed implendæ. Et quoniam Pharisei legis interpretes peruerse & male legem Dei interpretati sunt. Christus eorum errorem corrigit, ac legem interpretatur. Illi enim legis doctrinam ad externa facta pertinere putauerunt: contra, Christus ad intimos animorum recessus eam pertinere conuincit. Deinde præscribit Christus in eadem concione formam Eleemosynæ dandæ, ieiunij rationem, & precandi modum. Quæ omnia eo spectant, ut homines intelligant, quam procul absint à legis Dei perfectione, & quam necessarius fuerit Christi aduentus, in quem omnis qui credit, uindicatur à iure legis damnationis. Hæc sint dicta de summa concionis Christi, quam habuit in monte. Verum particula eius concionis,

l 3 quæ

quæ hoc die in Ecclesia proponitur, sicuti audiui-
stis, reprehendit Pharisaicam iusticiam, & propo-
sito legis Quinto præcepto, ostendit quantum ab-
errarunt in interpretando legem Pharisei. Nam
ut hi putarunt satis esse hominem manu non occi-
dere : ita Christus non solum reos huius legis pro-
nunciat, qui homicidium externum committunt :
uerum etiam omnes, qui cogitant aliquid aduersus
proximum, sicuti mox audiemus. Loci duo :

I. De triplici iusticia, Pharisaica, Legali, &
Christiana.

II. Explicatio Quinti præcepti.

DE PRIMO.

Nisi abundauerit iusticia vestra plusquã
Scribarum & Phariseorum, non intrabitis
in regnum cœlorum. Vt hæc rite intelligamus,
necesse est dicere de triplici iusticia : de Pharisaica,
quam Christus hic reprehendit : de Legali iusticia,
quam Deus sua uoce nobis commendat : & de Chri-
stiana iusticia, qua sola consistimus coram Deo.

Pharisaica iusticia describitur Matt. 15. cuius de-
scriptionis hæc sunt peculiaria capita. PRIMVM
accusant Christum : tantum abest, ut eum redempto-
rem agnoscant. DEINDE, omnia faciunt in hoc,
ut spectentur ab hominibus : sunt hypocritæ, appa-
rent foris religiosi & sancti : cum interim sint ho-
stes Dei & omnium piorum, quos ut rabiosi canes
insectantur. TVM, irrita faciunt præcepta Dei
propter traditiones hominum. Nam in locum præ-
cepto

ceptorum Dei substituunt mandata hominum, ut
Deus illis colatur, uelit nolit. Hæc maxima contu-
macia in Deum est. Nam hic non solum contemnitur
Deus, et plus tribuitur humane stulticiæ, quã sapien-
tiæ Dei: uerum etiam traditionibus humanis studium
pietatis erga Deum aboletur, & opera caritatis ex-
tirpantur. A D H Æ C, appropinquant Deo labijs,
& cor eorum longe est ab illo. P R Æ T E R E A,
dicuntur comedere domos uiduarum, dum eas sub
sanctimoniciæ specie auare ad se pertrahunt. H V C
A C C E D I T, amant primos accubitus, qua re no-
tatur eorum superbia. P O S T R E M O, claudunt
regnum cœlorum ante homines, dum falsa interpre-
tatione legis homines à fide Christi abstrahunt. Bre-
uiter, sunt similes sepulcris dealbatis, ut Christus
ait: foris enim apparent sancti, intus uero scatent im-
puris affectibus. Exemplum habemus in Phariseo,
qui ascendit in templum cum publicano, qui non so-
lum gloriatus est de suis bonis operibus, ieiunio &
decimis, uerum etiam proximo suo detraxit, ita aperi-
tè totam legem Dei primam & secundam tabulam
transgressus, & nihilominus putauit se iustum, &
suis operibus meruisse cœlum. Ex his quæ hætenus
dicta sunt, hanc iusticiæ Pharisaicæ descriptionem
possumus colligere. Iusticia Pharisaica consistit in
externis moribus, uacans timore Dei & fide in
Deum, quæ ut à Deo pro suis operibus cœlum ex-
pectat: ita ab hominibus larua fictæ sanctitatis lau-
dem uenatur. Non est igitur mirum, quod Christus

l & dicat:

4
10

dicat: Nisi abundauerit iusticia vestra plus quam scribarum & Phariseorum, non ingrediemini in regnum cœlorum. Hæc sint dicta de Pharisaica iusticia: iam de legali iusticia pauca dicamus.

De legali iusticia quatuor dicā. 1. Quid sit. 2. An quisquam iustificetur lege. 3. Quis sit usus legis. 4. Quomodo lex credentib. in Christum sit abrogata.

Iusticia legalis est obedientia perfecta, pura & perpetua erga legem Dei: seu est perpetua & perfecta dilectio Dei & proximi. Ita enim Lex dicit: Diliges Dominum Deum tuum ex toto corde, ex tota anima, ex omnibus uiribus, & proximum tuum sicut teipsum. Neq; enim lex Dei, quæ est regula iusticiæ legalis, requirit externam obedientiam tantum, sed ab omni homine requirit perfectam, puram & perpetuam obedientiam erga Deum, & simul promittit uitam & salutem obedientibus, & comminatur mortem æternam hanc obedientiam non præstantibus. Non est contenta externa larua, sed requirit cor purum, affectus congruentes cum lege Dei, uoluntatem promptissimam erga Deum. Deinde in omnibus uiribus, interioribus & exterioribus planam & perpetuam harmoniam congruentem ad uoluntatem Dei. Huiusmodi iusticiam à lege requiri patet ex interpretatione Christi & ex illo Pauli dicto: Lex est Spiritualis, ego autem carnalis: requirit ergo spirituales obedientiam.

Habemus qualis sit legis iusticia: iam secundo loco

loco queritur, an ullus in toto humano genere hac legali iusticia possit iustificari. Ad quam questionem simpliciter respondeo, quod nemo unquam post lapsum Adæ exiitit præter solum Christum, qui legis obedientia est iustus factus coram Deo, id quod quatuor rationibus confirmabo.

PRIMA: Natura humana est impura & peccati contagine fœdata, non ergo magis potest producere puram obedientiam erga Deum, quam turbulentus & fœdatus fons producat puram & limpida aquam: & quam arbor putrida bonos fructus producat. Vnde Iesa. 64. clamat, omnem iusticiam nostram esse similem impurissimo panno.

Isay. 64.6.

SECUNDA: Omnes homines experiuntur obedientiam, quam præstant erga legem Dei, habere quatuor conditiones cum lege Dei pugnantes. Primum enim hominum obedientia est temporanea, sed lex Dei requirit perpetuam. Deinde est contaminata. Impurum enim est cor hominis, unde proficiscitur. Tertio est imperfecta. Non enim præstatur iuxta exactam legis regulam. Quarto est fuscata malis opinionibus.

TERTIA: Scriptura diserte pronunciat nullum iustum esse lege, ne unum quidem. Et David inquit: si iniquitates obseruaueris Domine quis sustinebit? Item, Non iustificabitur in conspectu tuo (scilicet per opera legis) ullus homo.

QUARTA: Si iustificari possent homines ex operibus legis, non opus haberemus iusticia Christi.

1 5 Hinc

Hinc Paulus Gal: 2. Si ex operibus est iusticia, Christus frustra mortuus est. Est enim ille mortuus propter peccata nostra, & excitatus propter iustificationem nostri. Hinc iam patet, quod nullus habeat eam iusticiam, quam lex requirit.

Iam sequitur tertia quaestio de usu legis, quis sit. Vsus legis diuinae est triplex: scilicet externus, internum & spiritualis. Externus pertinet ad hunc extremum hominem, ut honeste in hac uita uiuamus, quem usum habet communem cum ciuilibus & humanibus legibus. Internus pertinet ad ueterem hominem: nam nobis lex reuelat iram Dei monstrato peccato. Spiritualis usus pertinet ad nouum hominem, ut fide incoemus obedientiam Deo prestare secundum suam legem, quantum quidem fieri potest in hac corruptione, quae obedientia Deo grata est propter fidem in Christum.

Sequitur quarta quaestio. Cum .n. pia mens audit legem pronunciare maledictos omnes, qui non praestant legi perfectam obedientiam, incipit legis sententiam metuere. Hic proinde sciendum est, quod Dei lex sit pijs abrogata & profus abolita, quantum quidem ad maledictionem attinet: Christus enim maledictionem legis in se pro nobis, modo in Christum credimus, recipit. Vnde Paulus: Christus factus est pro nobis maledictum. Et Ioh. 3. Omnis qui non credit in Filium, ira Dei manet super eum. Et in Epistola: Sanguis Iesu Christi semundat nos ab omni iniquitate, id est, à maledictione, quae nobis pro

pro iniquitate nostra deberetur. Atq; ita habemus breuiter dictum, quæ nam sit legalis iusticia: quod legis operibus nemo iustificetur: Quis sit legis usus: & quatenus lex Dei abrogata sit: Nunc de iusticia Christiana pauca dicenda sunt, ut intelligamus, quæ in re Pharisaicæ præferenda sit.

Iusticia Christiana est obedientia Christi, credenti imputata. Iustus enim Euangelice is dicitur, cui Deus peccata condonat, & imputat iusticiam Filij sui, & acceptat gratis ad uitam æternam. Quicunque enim credit in Christum, dum à reo sit non reus, & ab iniusto fit iustus ob Christi iusticiam sibi imputatam, dicitur iustificari. Quod autem iusticia Christi imputetur credenti, probatur multis scripturæ dictis. Qui credit in eum qui iustificat impium, imputatur fides eius ad iusticiam. Et Rom. cap. 5. Quemadmodum inobedientia unius hominis multi constituti sunt peccatores: Ita obedientia unius Iesu Christi multi constituentur iusti. 2. Cor. 5. Eum qui non nouit peccatum, fecit peccatum, ut nos fieremus iusticia Dei in ipso. Quod autem ad hanc Euangelicam iusticiam non requirantur opera legis probant multa testimonia. Rom. 3. Arbitramur hominem fide iustificari absq; operibus legis. Et Galat. 2. scimus quod non iustificetur homo ex operibus legis, sed ex fide Iesu Christi, & nos in Iesum Christum credimus, ut iustificaremur ex fide, & non ex operibus legis. Hinc iam concluditur, quod iustificatio Christiana sic credentis perso-

personæ in Christum, absolutio à peccato, imputatio iusticiæ Christi, & acceptatio ad uitam æternam gratis propter Christum.

Hæc breuiter sint dicta de triplici iusticia: nunc pauca addam de discrimine: & primum dicam quomodo Christiana iusticia differat à legali iusticia. Deinde quomodo à Pharisaica.

PRIMUM ergo discrimen inter legalem iusticiam & Christianam est, quod legalis ex operibus legis sit: Euangelica uero sine operibus legis. SECUNDUM, quod legalis sit operantis, & Euangelica sit credentis. TERTIUM, quod legalis non imputetur gratis, sed sit ex merito propriæ obedientiæ: Euangelica uero imputetur sine merito propriæ obedientiæ. QUARTUM, quod legalis sit formalis, ut quæ ex iustis actionibus hominis formetur: Euangelica uero imputatiua sit, cum iustæ Christi actiones credenti imputantur. Proinde iustificari dicitur legaliter, qui ab iniusto fit iustus ob suam iusticiam & legis impletionem, iuxta illud: Qui fecerit ea homo, uiuet in eis: Sed Euangelice iustificari dicitur, qui à reo fit non reus ob iusticiam Christi, quæ fide apprehenditur. Iusticia legalis est perfecta obedientia hominis erga legem Dei, sed Christiana seu Euangelica iusticia est obedientia Iesu Christi, imputata credenti. Iustus legaliter est, qui iuste agit iuxta legis sententiam: sed iustus Euangelice dicitur, cui Deus peccatum condonat, imputat iusticiam Christi, & acceptat
ad

ad uitam eternam gratis propter Christum. Iustificatio legalis est approbatio hominis coram Deo ob integritatem & perfectionem suæ obedientiæ erga legem Dei: sed iustificatio Christiana seu Evangelica, est approbatio hominis coram Deo ob integritatem & perfectionem obedientiæ Christi erga Deum patrem.

Habemus discrimen inter iusticiam Christianam & legalem: nunc uideamus, quomodo Christiana iusticia Pharisaicam iusticiam excedat. Excedit autem Christiana iusticia Pharisaicam his quatuor: Causa, qualitate, effectu, fine. Causa Christianæ iusticiæ est Deus, Christi meritum & fides apprehendens oblatum beneficiū: sed causa Pharisaicæ iusticiæ est Hypocrisis hominis, ignorantia iusticiæ Dei & externa traditionum humanarum observatio. Qualitas iusticiæ Christianæ est in Christo obedientia & impletio legis: sed iusticiæ Pharisaicæ qualitas externa tantum larua est fictæ & mentitæ sanctimonie. Effectus iusticiæ Christianæ est nouitas spiritus, timor Dei, uera pietas, inuocatio, uera humilitas, patientia & incoacta obedientia erga legem Dei, adeo quod fide iustificatus homo, nihil magis in uotis habeat, quam ut Deo obtemperet: Breuiter, summa eius uoluptas in lege Domini est, postquam scit damnationem sublatam esse Christi merito: sed iusticiæ Pharisaicæ effectus, est superbia, gloriatio coram Deo, superstitio, contemptus proximi. Breuiter, talis est fructus, qualis arbor.

Non

Non enim potest mala arbor bonum fructum facere. Finis iusticiæ Christianæ est habere pacem cum Deo, accessum ad Deum, gloriam Deo tribuere, & tandem uitam æternam consequi gratis propter Christum: sed finis Pharisaicæ iusticiæ est sibi ipsi laudem tribuere, Deo eripere, & apud homines gloriari, quam tandem sequetur horribilis pœna, nisi fiat ad Dominum conuersio. Hæc iam sint dicta de triplici iusticia & earum differentijs, quas tenere admodum utile est.

DE SECVNDO.

Quintum præceptum, non occides, interpretatur Dominus, ut Phariseorum falsam interpretationem confutet. Illi tantum putauerunt externum homicidium prohiberi: At Christus penitus legem introspicit, & tria alia addit præter externum homicidium. Audiuitis (inquit) quod dictum sit antiquis: non occides, quisquis autem occiderit tenebitur iudicio, id est, quicūq; hominem occiderit, reus erit coram iudicio: loquitur enim hic de externo homicidio & eius pœna, quæ est damnatio ciuilis per legem. Iudicium dicebatur, in quo Triumuiro sedebant, quando causarum dijudicatio erat facilis. Qui enim externum homicidium manu perpetravit, sententia legis reus erat mortis, quam sententiam pauci potuerunt pronunciare. Hic tantum loquitur de iudicio humano ex legis sententia. Iudicium enim spirituale satis notum fuit, quod erat maledictio. Sequitur interpretatio. At

At ego dico vobis. Qui irascitur fratri suo, reus est iudicio. Hic iram ponit inter genera homicidij. Hanc prohiberi quinto præcepto non animadvertunt Pharisei. Quare dicit: At ego dico vobis, quasi diceret, Pharisei uolunt, quod solus is uiolet quintum præceptum, qui manu sua occidit hominem: sed ego dico uobis, quod plus requirat ista lex. Nam prohibet etiam iram, quæ non profiscitur ex iusta causa, & tendit ad bonum finem.

Deinde addit & aliud peccatum quinti præcepti. Et quicumque dixerit fratri suo Racha, id est, qui ullo signo significat proximi contemptum, est reus coram concilio. Præterea qui dixerit fratri suo, fatue, reus est gehennæ, id est, qui conuicijs & contumelijs obruerit proximum, reus est legis diuinæ, atq; adeo obnoxius poenis inferni. Breuiter, quinto præcepto prohibentur. 1. omnia cogitata, quibus male de proximo cogitamus. 2. omnia signa contemptus proximi. 3. omnia dicta acerba in proximum, ut conuicia, ludibria. 4. externum homicidium: Et contra, omnia opera mandantur, quæ cum his pugnant, ut candide iudicare de proximo, signis ostendere candorem erga proximum, bene loqui de proximo, & eius personam defendere & tueri aduersus iniuriam.

Ceterum ut Christus ostendat, quam sit necessarius amor proximi, & quam sit perniciofa iniuria qua proximus afficitur, duo consilia, quæ argumenta continent, proponit.

Vnum

Vnum sumitur à damno, in quod incurrit homo iniurius proximo coram iudicio diuino. Alterum, à damno, in quod incidit cor in iudicio humano, qui proximum læsit.

Prius sic habet: Si obtuleris munus tuum ad altare &c. proponit exemplum, quod conueniebat isti tempori & isti populo, stante Republica Moysi. Est autem dicti huius hæc sententia. Deus non iudicat tuum munus sibi gratum & acceptum, si fratrem tuum odis: hoc est, nullus cultus Deo est acceptus, qui ab eo præstat, qui caritate erga proximum est uacuus. Sed quæ est huius Regule ratio? Deo nihil gratum est, quod ab eius hoste proficiscitur, ἅδωπα γὰρ ἦν ἐχθρῶν δῶπα. Iam autem Iohannes dicit: Si quis dixerit, diligo Deum, & odit fratrem, mendax est. Nam dilectionis Dei fructus perpetuus & naturalis est dilectio proximi. Qui (ait Dominus) diligit me, seruat mandata mea. Vbi ergo fructus hic non adest, arborem quoque abesse certum est. Quicumque ergo proximum non diligit, frustra sacrificium offert.

Oratio in scriptura sacrificium est: sed frustra oras, si odis proximum. Gratiarum actiones sunt uultu labiorum, quos si uis Deo placere, reconciliare prius cum proximo, & postea ex fide offerito. Crux est sacrificium modo fide temperata fuerit. Nam sine fide est iustum peccati supplicium. Sabbatismus est Deo gratus cultus: sed contaminatur proximi odio. Eleemosyna in scriptura dicitur sacrificium boni

boni odoris: sed Paulus dicit: Si insumsero totam substantiam in pauperes, & caritatem non habeam, nihil sum. Atq; ita de omni opere, quod Deus requirit, iudicandum est. Hic unusquisq; seipsum examinet, & non adhibeat dolosam stateram.

SECUNDVM sic habet: Habeto benevolentiam cum fratre tuo, cum adhuc in via es &c. Qui offendit & lædit proximum, incurrit in manus magistratus, & conijcietur in carcerem, unde non eximetur, donec pro damno satisfecerit. Quare ne hoc fiat, mature tibi reconciliandus est proximus. Cum itaq; sine caritate & frustra Deum colis, & in periculum coram Magistratu incidis consultum est, ut sis proximo carus. Huc accedit sententia Dei: Iudicium absq; misericordia sentiet, qui non fecerit misericordiam: Huc parabola pertinet de debitore, cui Dominus condonavit totum debitum, &c.

Caterum Papistæ ex hoc loco suum purgatorium extruunt, de quo hodie in suis templis concionantur. Quibus respondeo.

I. In his uerbis nulla fit mentio purgatorii: sed carceris, in quem conijcitur à Magistratu, qui proximum læsit.

II. Quia confugiunt ad allegoriam, sciant se infirmo niti fundamento. Primum enim nulla allegoria est recipienda, nisi quæ expresso uerbo confirmari potest. 2. nulla allegoria quæ pugnat cum Analogia fidei est probanda. 3. nulla allegoria, in qua

uel est aliquid absurdi, uel ex qua aliquid absurdi
sequitur, est admittenda. Huic proinde præcepto
cum nullus satis facere possit, agamus poenitentiam,
confugiamus ad Christum, & Deinde conemur
Deo iuxta hoc præceptum obedire, quantum fieri
potest per auxilium Christi, cui gloria in secula se-
culorum, Amen.

DOMINICA SEPTI- MA POST TRINITATIS, Mar. 8.



IN diebus illis, cum turba admodum multa
esset, nec haberent quod manducarent,
accerſitis ad se Iesus, discipulis suis, ait illis :
Mise.

Misericordia tangor erga turbam, quia iam triduo manent apud me, nec habent quod edant, & si dimisero eos ieiunos in domum suam, deficient in via. Quidam enim ex eis è longinquo venerant. Et responderunt ei discipuli sui: Vnde istos quis poterit hic satiare panibus in solitudine? Et interrogauit eos: Quot panes habetis? Illi vero dixerunt: Septem. Et præcepit turbæ discumbere super terram. Et acceptis septem panibus, cum gratias egisset, fregit, deditq; discipulis suis, ut apponerent. Et apposuerunt turbæ. Et habebant pisciculos paucos, & cum benedixisset, iussit apponi & hos. Comederunt autem & saturati sunt, ac sustulerunt quæ superfuerant fragmentorum septem sportas. Erant autem qui comederant ferme quatuor mille, & dimisit illos.

ENARRATIO TEXTVS.

Hoc anni tempore proponitur istud Euangelium, quia est messis: idq; ideo, ut admoneamur, quod fruges & fructus terræ generentur Dei benedictione: unde admonebimur gratitudinis erga Deum pro isto munere. Statuere igitur abq; omni dubitatione debemus, quod Deus terræ nascencia nobis largiatur, ad huius uitæ sustentationem, quibus reuerenter uti debemus tanquam donis, Dei manu nobis porrectis & datis, idq; in Dei gloriam, proximi utilitatem & status nostri sustentationem.

m 2

Porro

Porro summa Euangelij est, quod præterquam quod Christus hoc miraculo probet se uerum Messiam esse se præditum diuina potentia, etiam ostendat se habere curam eorum, qui se sequuntur, iuxta promissionem ipsius: Quærite primum regnum Dei & iusticiam eius, & reliqua adicientur uobis. Loci tres.

- I. Sors eorum qui Christum sequuntur in hac uita.
- II. Affectus Christi erga eos, qui se sequuntur.
- III. Recta utendi Dei donis ratio.

DE PRIMO.

Cum turba multa esset, nec haberet quod ederet &c. In hac turba tanquam in tabula ostenditur nobis, qualisnam sit sors eorum, qui Christum sequuntur in hoc mundo Per multas enim tribulationes ad regni cœlestis possessionem peruenire oportet. Hæc turba uenit in desertum, ubi non est panis: sed fames, periculum, mors. Eandem fortunam experientur omnes, qui Christum sequi uolunt: ideo non frustra Christus iubet, ut qui uelit suus discipulus esse, abneget semetipsum, tollat crucem suam & se sequatur. Et Paulus: Omnes qui uolunt pie in Christo uiuere, persecutionem patientur. Verum sit Deo gloria, sors tamen nostra melior est, quam eorum, qui in mundo beati uidentur. Nam finis & exitus erit lætus: ideo Christus ait: Beati qui lugent, quia consolationem accipient.

Sed quæ caussa est, quod discipuli Christi in hoc mundo affligantur: hoc mirum non est. Quod præcessit

cessit in capite, sequetur in membris, donec hic mundus steterit: idq; ideo, quia sunt in deserto, hoc est, in mundo inter membra Satanae: quae Christum & eius membra ferre non possunt. Id quod olim praedictum fuit: Semen serpentis mordebit calcaneum seminis mulieris, hoc est, Satan cum suo semine, persequetur Christum & eius membra. Nam ubi Satan uidet crescere Christi regnum, & suum destrui, fremit & irascitur, & tanquam saucius leo insurgit aduersus oues Christi, ut eas deuoret. Hoc est, quod Petrus dicit: Diabolus tanquam Leo rugiens circumit, querens quem deuoret. Leo. n. amissis catulis & praeterea famelicus, in quauis quae ei obuiam fiunt, insurgit, ut uastet, deuoret & perdat. Simile studium est Satanae, quando uidet se suos catulos amittere, id est, eos, qui prius fuerunt sub eius potestate, conuerti ad Christum, armat suos satellites aduersus Ecclesiam, ut alij eam oppugnent Hypocrisi, alij Sophystica, alij tyrannide, alij scandalis & schismatibus: quemadmodum omnibus temporibus fecerat, & hodie non cessat: & si aliud non potest, conatur eam fame necare in deserto. Verum Christus contra regnum, quod suo sibi acquisiuit sanguine, fortiter tuetur, dat Spiritum sanctum, dat panem, excitat pios doctores, qui pabulo caelesti eam pascant, & in medijs periculis adest opitulator: quemadmodum haec praesenti facto declarat: usque adeo furiosus Satan & rabiosi hostes Ecclesiae non praeualebunt aduersus eum. Nam ipse excubias agit

super Ecclesiæ, & eam strenue tuetur. Nec est quod quisquam aliter existimet Christum hodie affectum esse erga suam Ecclesiam, quam fuit erga hanc urbem. Tametsi enim non semper Ecclesiam suam uisibilem miraculis defendit: tamen spiritualiter inuisibiliterq; non minora miracula hodie edit in gubernanda Ecclesia. Non est enim personarum apud ipsum respectus, sed fidei & bonæ causæ. An non magnum miraculum est, quod illum unicum uirum beatum Lutherum, Satan & totus mundus aduersus ipsum armati, non potuerint pilum capitis eius mouere? An non magnum miraculum est hodie, quod Pontifex cum florentissima mundi parte non possit ECCLESIAM abolere? Conatur quidem Papa cursum Euangelij flumine sanguinis Martyrum impedire, sed quo plures occiderit, eo plures quasi ex eorum sanguine nascuntur, sicut in Hispania & Gallia hodie uidere est.

Muniamus ergo nos contra furores Satanae & potissimum contra scandalum deformitatis & paupertatis Ecclesiæ: nec deficiamus à Christo propter ulla terriculamenta Satanae: nec abijciamus confessionem, etiamsi famen nos in hoc deserto pati sit necesse, nec sinamus nos moueri eorum exemplo, qui propter persecutionem: & famem discedunt à Christo, quemadmodum populus Iudaicus fecit, dum fame & persecutionibus à uicinis hostib. premeretur. Ita enim Hieremiæ Prophetae contumeliose restiterunt, quemadmodum legitur Hier. 44. Sermonem, quem

quem locutus es ad nos in nomine Domini, non audimus ex te: sed faciendo faciemus omne uerbum, quod egreditur de ore nostro, ut sacrificemus reginæ cœli (id est,) Soli, & libemus ei libamina, sicuti fecimus nos & patres nostri in urbibus Iuda, & in plateis Ierusalem, & saturati sumus panibus, & bene erat nobis, malumq; non uidimus. Verum ex eo tempore, quo cessauimus sacrificare reginæ cœli, & ei libare libamina, indigni sumus omnibus, et gladio & fame consumti sumus. Sed quid respondet illis Hieremias sanctus ille Propheta? Non ita est, inquit, sed propter abominationes uestras & multa scelera uos punit Deus, & quod uolueritis ambulare in præceptis Domini. Ad eundem modum hodie multos inuenies, qui ob famem, caritatem ananæ & alia incommoda, uolunt deficere à Christo & eius Euangelio. Dicunt enim, quando habuimus Missas, quando Monachos aluimus, quando sanctos inuocauimus, abundauimus omnibus bonis: sed postquam hæc noua doctrina uenit, plurima cum illa mala uenerunt: non est tantus timor Dei (inquiunt) minor est inter homines caritas: maiora & frequentiora dissidia: maior tyrannis: omnia cariora sunt: Ita se homines excusant, ne sequantur Christum. Sed si uis scire causas horum malorum, ego dicam. Seruus sciens uoluntatem domini (inquit Christus) uapulabit plagis multis. Nos scimus quod rectum est, & non facimus. Ideo Deus nos punit pluribus plagis. Deinde & aliæ sunt causæ,

ut & nempe

Hierem:

44.

*hodierna
obiectio.*

nempe tyrannis Diaboli, qui magis scuit in Ecclesia Christi, quam in alios coetus mundi, idq; Deo permittente, ut probentur electi, id est, ut periculum faciat de ijs, qui uere Christo adherent, & eum corde colunt & non labijs. Vos igitur adhortor propter Christum & propriam uestram salutem, ut malorum hominum blasphemis uocibus non permittatis uos corrumpi, ut a Christo deficiatis, propterea quod oporteat illum in desertum sequi, ubi est crux, ubi est fames, ubi sunt lupi, ubi mille mortis pericula: Imo potius mentes nostras in coelum leuemus, ubi Christus sedet ad dexteram Patris in gloria coelesti. Neq; enim alia uia nos in coelum perueniemus quam ipse, qui est caput & nos membra. Is in hac uita famem & frigus & alia dura passus est: haec & nos patienter feramus: quod si fecerimus, olim cum illo glorificabimur.

DE SECVNDO.

Et ait Dominus ad discipulos: Misereor super turba, quia ecce iam triduo sustinent me, nec habent quod manducent. Et si dimiserero eos ieiunos in domum suam, deficient in via. His uerbis describitur affectus Christi erga turbam se sequentem. Dolet corporis famem: multo magis putandus est dolere animae famem: Nam ut anima corpore multo est nobilior: ita animae fames multo est perniciosior. Quid facit ergo misericors Dominus? Corpus alit corporali cibo, animam spiritali: corpus pane terreno, animam pane coelesti,
hoc

hoc est, uerbo Dei. Hic ratio nostra, quæ uult sapere in rebus diuinis, etsi stulta est, quærit: Quid? an non Christus est Deus? Cur igitur non statim edito miraculo illos pauit? aut sine pane illos sustentauit? Noluit ordinem naturæ sine magna causa mutare. Ordo autem diuinitus institutus est, ut quemadmodum corpus pane: ita anima alatur & sustentetur uerbo Dei. Et hoc est, quod dicitur in Mose: Non in solo pane uiuit homo, sed ex omni uerbo, quod procedit ex ore Dei. Non ergo uult, ut aliquid contra hunc diuinum ordinem expectemus: sed ut ipsius diuina misericordia nitamur, expectantes ab eo auxilium in tempore oportuno. Hunc diuinum ordinem fanatici inuertunt. Scribitur de duobus Eremitis, qui, cum incidissent in latrones, nec haberent quod ederent, grauem famem sunt perpeSSI: quorum tandem latrones miserti, panes eis præbuerunt comedendum. At illorum unus ait: non comedam, nisi panis mihi diuinitus detur. Alter accepit cum gratiarum actione & comedit: et paulo post, qui expectauit de cælo panem, mortuus est fame: & alter euasit incolumis, qui non miraculum expectauit, sed tanquam ex manu Dei sumsit panem sibi à latronibus oblatum. Anabaptistæ hodie etiam hunc ordinem inuertunt. Christus iussit prædicari Euangelium, ut illo alatur anima tanquam pane spiritali: sed Anabaptistæ, contempto uerbo, nouas reuelationes expectant sine uerbo. Vnde fit, ut in laqueos Diaboli incidant, qui se conuertit in Angelum lucis, ut eos

m s præci-

præcipiet in damnatione. Vt ergo ordinem diuinitus institutum non inuerteret Christus, differt miraculum: Sed tandem uincit affectus, quem erga suos habet plusquam paternum. Nam qualis sit Christi affectus erga suos, non solum Euangelista in hoc Euangelio ostendit, cum dicit: Misericordia commoueor erga turbam: uerumetiam Propheta Iesaias cap. 49. pulcherrima figura ostendit: Nunquid (inquit) obliuisci potest mater infantis sui, ut non misereatur filij uteri sui? Et si illa oblita fuerit, ego tamen non obliuiscar tui. Ecce in manibus meis descripsi te. Hunc affectum Christi erga suos etiam parabola de filio prodigo pingit. Quid dicam de similitudinibus & parabolis? Crux Christi ostendit, qualem Christus habuerit erga suos affectum. Adeo enim nos amauit adhuc hostes, quod ignominiosissimam mortem pro nobis redimendis subiret. Sed quo hæc spectant? Primum eo, ut induamus filialem affectum erga Deum Patrem & Dominum nostrum Iesum Christum. Deinde, ut agnito eius erga nos amore, nihil sit nobis in uita carius, nihil dulcius, nihil preciosius, quam eius uoluntati nos totos subijcere, ac ipsius uoci obtemperare: in qua re consistit perfectio Christiana in hac uita. Ita legimus patrem nostrum Abrahamum fecisse, qui postquam audisset à Domino: Ambula coram me, & esto perfectus, accipit mandatum, ut filium suum unigenitum Isaac, quem peperit ei Sara in senectute, mactaret. Sed quid ille? Mox uoluntati Domini

mini obediuit, & instructa lignorum strue filium
mactare uoluit: sed Angelus Domini eum retraxit.
Hoc facto Dominus ait ad Abraham: Iam scio quod
times me. Videmus hic in Patre nostro Abraham,
quo fuerit erga Deum obedientie studio, qui ne fi-
lio suo unigenito parcere uoluit: sed mactare ad
mandatum Domini. Sed pro dolor, multos inue-
nies, qui ne unum quidem affectum iussu Dei cle-
mentissimi Patris iugulare uolunt, tantum abest, ut
Patris Abraham exemplum imitari cupiant. Præ-
terea affectus Christi paternus erga nos, debet nos
admonere similis beneuolentie & amoris erga fra-
tres. Exemplum dedi uobis (inquit) diligite uos in-
uicem, sicuti ego uos dilexi.

DE TERTIO.

Miraculum hoc præsens, quod Deus septem pa-
nibus & paucis pisciculis alit quatuor millia homi-
num, eo spectat, ut confirmet ueritatem Euange-
lij Christi, & augeat fidem turbæ præsentis, de
quo plura iam non dicam: sed uolo nonnihil de mo-
do recte utendi donis Dei loqui, quo nos excitemur
ad gratitudinem erga Deum, & recte utamur be-
nedictione Domini.

PRIMUM ergo hoc obseruandum est, quod
in manibus Christi orantis & gratias agentis Pa-
tri cœlesti crescat panis: unde docemur omnem
benedictionem à Domino esse, quemadmodum Pau-
lus 1. Timoth. 4. docet, cum ait: Omnis creatura
Dei bona est. Hic paululum subsiste, & cogita res
quas

quas habes, cibum & potum esse Dei creaturam, non tuam creaturam. Quare furem agis, si ab inuito quicquid abstuleris: quod facis quoties uteris creaturis Dei sine gratiarum actione & inuocatione Dei. Quicquid. n. habes tanquam tuum, alienum est & illicitum, nisi illud ab eo petas. Hinc est quod Christus doceat suos orare: Panem nostrum quotidianum da nobis hodie. Vide hic: Idem panis dicitur noster & Dei. Noster est, quando labore partus est iusto: Dei est, quia ipsius est creatura, qua non licet tibi uti, nisi antea eam ab ipso petieris. Propterea Paulus etiam addit: sanctificatur. n. per uerbum Dei & precationem. Sanctificetur, id est, eius usus sit nobis purus & licitus, ut ipsa creatura uti possimus conscientia bona. Sed quomodo sanctificatur? per uerbum & precationem. Per uerbum quidem si dem intellige, quam uerbum requirit. Ex uerbo enim fide apprehensa duo profiteamur nos credere. VNVM creata esse omnia hominum causa à Domino pro immenso ac infinita sua sapientia. ALITERVM, nos ex eorum esse numero, qui ius illud iustæ in reliqua animantia dominationis in Adamo deperditum, per gratiam in Christo receperimus, ut hanc uitam tueamur, quam ipsius amplificanda gloriæ impendamus. Hanc fidei professionem sequitur oratio, ut nobis det Dominus, ut bona conscientia dapibus ab ipsius manu acceptis cum omni timore ac reuerentia frui possimus. Postremo gratiarum actione, repetitis etiam precibus, conuiuia

uiuia nostra claudemus: ita nobis sanctificantur cibi. Verum ij, quibus non hoc pacto sanctificantur cibi, duplicem iniuriā faciunt. PRIMVM enim Deum spoliāt suo honore, quē non inuocant & agnoscunt datorem omnium bonorum esse. DEINDE creatura Dei in uita abutuntur: unde Paulus dicit, creaturā uanitati subiectam esse. A qua uanitate Deus apud Oseam cap. 2. promittit se liberaturum creaturam. Et si autē hęc, quę iam dicta sunt, satis mouere nos possunt, ut recte utamur creaturis Dei exemplo Christi, tamen ut magis nostra socordia uincatur, rationes quasdam recitabo, quę nos commouebunt.

PRIMA: ipse Christus, qui omnia condidit, petijt & egit gratias, quoties donis Dei fuit illi utendum: multo magis id nos decet facere, qui prorsus mendici sumus in conspectu Domini.

SECUNDA: pulli coruorum suo more inuocant, & Dominus eos pascit. Vnde Dauid dicit, Dominum dare escam pullis coruorum inuocantibus eum. Coruus enim pullos suos implumes non agnoscit pro suis, quare eos deserit: sed Dominus, ne pereant, uermiculis illos alit, donec nigrescant: tum enim mater redit, & agnitos alit.

TERTIA: Turcæ bis in die conueniunt ante prandium & coenam, petituri benedictionem Domini, & nos Christiani negligimus.

QUARTA: Ethnici semper sua prandia in teperunt à sacrificijs & inuocatione, tametsi recte inuocare non potuerunt.

QUINTA

QVINTA: Ecclesia inde usq; ab initio mundi usura donis Dei, incepit à benedictione. Nihil enim inuocatione fuit illi frequentius. Nam precibus nostris Deum inuitamus ad nostra prandia, cui sit honor & gloria in secula seculorum, Amen.

DOMINICA OCTA- VA POST TRINITATIS,

Matth. 7.



CAUETE VOBIS A PSEUDOPROPHETIS, QUI VENIUNT AD VOS IN VESTITU OVIUM, SED INTRINSECUS SUNT LUPİ RAPACES. A FRUCTIBUS IPSORUM AGNOSCEtis EOS. Nunquid colligunt de spinis vuam, aut de tribulis ficus? Sic omnis arbor

arbor bona fructus bonos facit: putris autem arbor fructus malos facit. Non potest arbor bona fructus malos facere, neque arbor putris fructus bonos facere. Omnis arbor, quæ non facit fructum bonum, exciditur, & in ignem conijcitur, Igitur ex fructibus ipsorum agnoscetis eos. Non quisquis dicit mihi, Domine, Domine, introibit in regnum coelorum, sed qui fecerit voluntatem Patris mei, qui in coelis est.

ENARRATIO TEXTVS.

Occasio huius Euangelij duplex fuit. Vna erat doctrina Christi, quam in 5. 6. 7. capite proposuit Dominus. Altera, falsorum doctorum apud Iudeos uanitas: qui partim deprauabant doctrinam Moysis & Prophetarum, partim abolebant. Mandat ergo omnibus Dominus, ut & discant, quæ recta sunt, & caueant à corruptelis falsorum doctorum. Proinde hic Dominus Medicus animarum, imitatur fideles corporum Medicos. Nam ut illi, postquam ueram medicinam tradiderunt, quæ noxia sunt cauenda docent: ita filius Dei Saluator ac Medicus noster, primo quidem loco præscribit animæ salutarem medicinam: postea uero, quæ cauenda sunt, monet. Summa autem huius Euangelij hæc est, quod ut fugiendi sint falsi Prophetae, qui ex fructibus suis agnosci possunt: ita uera pietas non sit in uana religionis professione: sed in uera poenitentia & conuersione.

Loci

- I. Mandatum uitandi falsos Prophetas.
- II. Falsorum Prophetarum descriptio.
- III. Præmonitio Christi: Non omnis qui dicit mihi, Domine, Domine, intrabit in regnum cœlorum, sed qui facit voluntatem &c.

DE PRIMO.

Cauete à falsis Prophetis &c. Hoc mandatum Christi uniuersale est, quod ad omnes homines pertinet: quare diligenter perpendendum est & obseruandum. Verum in hoc mandato tria sunt spectanda: Neceſſitas: obligatio: & usus, de quibus ordine dicam.

Neceſſitas sane maior est, quàm uulgus intelligit. Nam Diabolus hostis Christi & humani generis inimicus, nihil non facit, ut uel regnum Christi prorsus aboleat, uel deformet scandalis. Ad quod utitur uarijs technis suo more. Aut. n. doctrinam sanam prorsus tollere conatur, quemadmodum in Turcia fecerat: aut eam corruptelis suis deprauare nititur, quemadmodum in Paradiso fecit, & postea omnibus temporibus: aut Sacramenta mutilat & peruertit, sicuti in Papatu & in multis locis fecerat: aut mores & uitam hominum, suo ueneno inficit. Scripturam igitur & sanam doctrinam inuadit, ut unum ad minimum ex his quatuor obtineat. 1. Vt persuadeat nobis, quod non simus curæ Deo. 2. Vt tentemus aliquid contra nostram uocationem

falsos Prophetas
arum descriptio
sti: Non omni
Domine, Domine
gnum celorum
voluntatem &c.

RIMO.

pheticis &c. Hoc

est, quod ad omni

nter perpendenda

in hoc mandato tri

ligatio: & ipsa, i

ior est, quam in

bis Christi & tunc

facit, ut vel regu

formet scandalu

no more. Attende

conatur, quemad

m corruptelis huius

um in Paradiso fecit

s: aut Sacramen

tapatu & in talib

m hominum, suo

& sanam doctrin

um ex his quatuor

is, quod non s

uid contra nost

tionem facere. 3. Vt instituamus cultum contra man-
datum Dei. 4. Vt omnia turpitudine & iniusticia
inuoluantur. Quoduis horum effecerit hostis iste,
homines captiuos tenet. Nam qui Dei prouidentiam
negat, Epicurus damnatus est: qui uocationem su-
am fraudulenter obit, infideli deterior est: qui cul-
tum instituit contra Dei interdictum, Deum con-
temnit, & est Diaboli potius, quam Dei seruus, qui
uitam turpem uiuit, seruus est peccati, & stipen-
diarius mortis & Satanae. Sed quid remedij est
contra haec mala? Doctrinae puritas, & abstinere à
falsis Prophetis. Doctrinae enim puritas nos Deo
esse curae docet, adeo quod Dominus in numero ha-
bet omnes pilos capitis nostri: eadem nos retinet
in inuocatione nostra: & formam ueram colendi
Deum tradit: Præterea uerae sanctimoniae ac uitae
inculpatæ transigendæ regulam continet.

SECUNDVM, quod spectandum admonuit
in hoc primo loco, est obligatio. Queri aut potest,
an hæc obligatio sit omnium, aut tantum guberna-
torum Ecclesiæ. Multi enim putant se excusari, si
eis obtemperent, qui habeant ordinariam uocatio-
nem: quibus Propheta Ezechiel cap. 3. imo spiritus
Christi, qui in Ieremia loquitur, respondet his uer-
bis: Speculatorem dedi te domui Israel, & audies ex
ore meo uerbum, & annuntiabis eis ex me. Si ergo
dixero ad impium, morte morieris, & non annun-
ciaueris ei, nec locutus fueris, ut auertatur à uia
sua impia & uiuat: ipse impius in iniquitate sua

n

morie-

4
10

moriatur: sanguinem autem eius de manu tua requiram. Si autem tu annunciaueris impio, & ille non fuerit conuersus ab iniquitate sua & uia sua impia: ipse quidem in iniquitate sua morietur: tu autem animam tuam liberaſti. Hoc Prophetæ dictum ſatis oſtendit errare eos, qui putant ſatis eſſe, ſi ſuis pa- rochis obtemperauerint, ſiue bene ſiue male doceant. Si ſic eſſet, Turcæ & ethnici eſſent ſaluandi, quorum multi ſuis obtemperarunt Doctõibus. Sciendum eſt igitur, obligari omnes, ut falſos Prophetas fugiant, tanquam ſuæ ſalutis peſtes. Nam mandatum Chriſti eſt manifeſtum, quod hic datur omnibus: loquitur enim turbis. Et Iohan. 1. Episto- læ 4. ait: Ne cuius ſpiritui credatis: ſed probate ſpiritus, an ex Deo ſint, quoniam multi Pſeudoprophetæ exierunt in mundum. Et Chriſtus dicit: Oues meæ uocem meam audiunt. Sed quid hic facit tyrannus Papa. Dicit ad ſe & ſuos rafos pertinere dijudicationem doctrinæ. Quid quæſo impudentius cogitari aut dici poteſt? an non hoc eſt ſponſæ Chriſti imperare, & dominium ſibi uſurpare in ſortem Domini, contra prohibitionem Petri Apoſtoli, cuius ſucceſſorem ſe eſſe gloriatur? Iohannes Baptiſta dicit ſe miniſtrum ſponſæ eſſe: ſed Papa uult ſponſæ dominari. Chriſtus cupit ſibi ſponſam ſeruari caſtam: ſed Papa eam nefando adulterio contaminat: proponit ei doctrinas demoniorum, quibus adulterari diſcit. Paulus dicit: Deſponſaui uos uni uiro, ut uos uirginem caſtam exhibeam Chriſto.

Christo. Hæc desponsatio fit per fidem purissimi
& castissimi uerbi: Sed Papa, qui se Petri suc-
cessorem gloriatur, hanc uirginem mille adulte-
rijs conspurcat: quando eam abducit ab amplexu
Christi sponsi ad idolatrias uarias & cultum san-
ctorum.

TERTIVM, quod spectandum proposui in
hoc primo loco, est usus huius prohibitionis: Ca-
uete à falsis Prophetis: qui usus sane est multi-
plex.

PRIMVM, enim hæc prohibitio monet fore
in Ecclesia falsos doctores: quod Dominus etiam
significauit parabola de homine mittente bonum se-
men in agrum, & inimico, qui uenit & in eundem
seminauit zizania. Tanta enim est rabies Diaboli,
ut nunquam quiescat, quin uerbum Dei corrumpere
conetur: quod facere cœpit statim conditis primis
parentibus in Paradiso: & hodie (proh dolor) in
toto terrarum orbe grassatur. Hoc cum scimus, dili-
gentiores nos esse & cautiore oportet.

SECUNDO, hæc prohibitio: Cauete à fal-
sis Prophetis: excitare nos debet ad acrius ueræ
doctrinæ studium: unde Paulus optat, ut Philippen-
ses crescant in omni cognitione. Et Christus dicit:
Scrutamini scripturas, & discite à me. Si uos man-
seritis in sermone meo, uerè discipuli mei estis, &
cognoscetis ueritatem, & ueritas liberabit uos.

TERTIO, hæc prohibitio conuincit, quod
Ecclesia & possit deponere falsos doctores, & in

n z eorum

eorum locum substituere ueros doctores. Frustra enim iuberemur à falsis Prophetis abstinere, nisi eos deponere liceret ab officio & docendi munere, & ueros ministros in eorum locum substituere. Laudandi igitur sunt pii Reges & Principes, qui de reformatione Ecclesiarum & conseruatione ministerij uerbi sunt solliciti.

QUARTO ostendit & hæc prohibitio, quomodo sint accipienda uerba eorum qui docent. Si uera docent, audiendi sunt, non secus atq; Deus ipse. Ita. n. ait Dominus: Qui uos audit me audit, qui uos spernit me spernit. Si falsa docent, sunt non secus atq; Satan ipse fugiendi. Nam ut Satan Euam seduxit mala doctrina: ita qui falsa docent, homines à gratia Dei, imo à regno cœlesti deturbant, quemadmodum in Papatu factum esse nemo non nouit.

DE SECUNDO.

Qui veniunt ad vos in vestitu ouium, sed intus sunt lupi rapaces. In huius loci declaratione quinque ordine uidebimus. 1. Unde ueniant falsi Prophetæ & quo. 2. Quæ sint illorum in scriptura appellationes: unde periculi magnitudo intelligi potest. 3. Quæ sit externa species falsorum doctorum. 4. Quodnam sit illorum studium, quæ intentio. 5. Quas habeant notas, unde à ueris Prophetis discerni queant.

Si quæris unde ueniunt & quo? breuiter respondeo: ueniunt à Satana excitati, idq; in uineam Domini, hoc est, in Ecclesiam. Exempla sunt multa. In paruanis

parvam illam Ecclesiam Adam, Eue, Abelis, uenit falsus doctor Cain, qui armatus à Satana, proprium fratrem tandem propter diuersam religionem occidit. Deinde multi sunt secuti falsi Prophetae usque ad diluuium, quo & ipsi falsi doctores, et ipsorum discipuli sunt puniti. Mox à diluuiò rursus Satan misit falsos Doctores in Ecclesiam, qui adeo uineam domini uastarunt, quod ueritas Dei solummodo manserit apud paucos quosdam de familia Sem. Sic & postea usque ad Christum semper in Ecclesiam falsi doctores subintrarunt, & sepius penes ipsos fuit summa rerum administratio, cum politica tum Ecclesiastica. Resuscitato Christo, multi uenerunt falsi Prophetae, & omnibus temporibus fuerunt plurimi. Papa tandem uerus Antichristus innumeros emisit hereticos. Monachos potissimum, qui miserrime Ecclesiam Christi falsa doctrina lacerarunt. Et hodie passim sunt falsi doctores. Breuiter, ubicunque Christus suum bonum semen iacit in agrum, ibi Satan mox addit suum semen Zizaniorum. Christus igitur non frustra hortatur, ut caueamus à falsis Prophetis.

Scimus unde ueniant falsi doctores & quo ueniant: iam ut periculi magnitudo perpendatur, quædam ex ipsorum nominibus recitabo. 1. uocantur generali nomine falsi Prophetae, id est, tales qui uidentur esse ueri doctores, habentes ordinariam successionem & potestatem, & sunt nihilominus mendaces, ut qui in locum ueræ doctrinæ, Satanica

n s

menda

mendacia & humana somnia substituunt, quales in Papatu fuerunt multi. 2. A Iohanne Apostolo uocantur spiritus mali, tum q̄ à Satana, qui malus est, sint missi, tum quòd sint alijs occasio mali & damnationis. 3. A Iuda Apostolo uocantur nubes sine aqua, similes Cain, Balaam & Chore. Vñ ipsis, inquit, nam uiam Cain ingressi sunt, & de deceptione mercedis, quā acceptus fuit Baalam, effusi sunt, & contradictione Chore perierunt. 4. Vocantur à Paulo canes, cum quia lacerant uerbum Dei, tum quia oues ab ipso ouili Christi arcent. 5. Vocantur mali operarij, quia male laborant, & finis laboris eorum est, cum ipsorum exitium, tum eorum damnatio, qui eis auscultant. 6. Vocantur ab Apostolo Iohanne Antichristi, non quod negant Christum, sed quia doctrinam Christi peruertunt, & uita sua Christo aduersantur. 7. A Paulo uocantur inimici crucis Christi, quia non tribuunt salutis principium, medium & finem unius Christi merito. In hoc Euangelio dicuntur lupi, sed habentes laruam ouium, hoc est, simulantes se homines mansuetos esse: sed fraudibus tamen occulte in ouile Christi instar lupi insilientes, lacerantes & occidentes oues Christi falsa doctrina, & simulata sanctimonia.

Sed quæ est externa species falsorum doctorum? Veniunt, inquit Christus, in vestitu ouium. Loquitur hic Dominus non in genere de omnibus malis doctoribus: sed tantum de uiuo genere. Nam quidam sunt, qui bene docent & male uiuunt: quidam
qui

qui male docent, & male uiuunt: quidam qui male docent, & bene uidentur uiuere. De hoc tertio Prophetarum genere hic Dominus loquitur. Nam ex his maximum est periculum.

Quodnam est eorum studium? Hoc docet Christus pulcra imagine, cum eos dicit lupos esse. Vt lupus hoc studet, ut oues ob ouili auertat. Deinde ut abigat in siluam. Tertio, ut deuoret & perdat: ita falsi Prophetæ oues, id est, pios & mansuetos homines, fraudibus conantur abducere à uera Ecclesia, & abigere in desertum, ubi non est pabulum uerbi Dei, ut eis dominantur, & ad postremum trucident non tam corpora, quam animas. Quam hoc uerum sit, docet Turcia à suo malo Propheta decepta: docet Papatus ab Antichristo Romano in errorem præcipitatus: docent multæ nationes, quæ à Libertinis et Anabaptistis in horribiles furores sunt abductæ.

Sed dicis: quomodo possum ego rudis & imperitis in hac opinionum uarietate iudicare, qui sint ueri & qui falsi doctores? Vt possimus iudicare & discernere inter pastorem & lupum, Christus nobis lupi notas monstrat, & suis proprijs notis falsos doctores delineat. Veniunt, inquit, ad vos in vestitu ouium. Videntur, si laruam externam respicis, sanctissimi, imo Angeli Dei: Verum si laruam detrahis, lupos agnosces, primum, quia non sono abducem Christi, imo alieno sono abducunt oues Christi à uero suo ouili in desertum, ut hominum con-

n 4

scientia

scientias occidant, & animas eorum perdant. Atq; hæc est una nota. Addit præterea & aliam, cum ait: à fructibus eorum cognoscetis eos. Hic diligenter cauendum est, ne folia pro fructu agnoscas. Mala interdum arbor habet speciosa folia & rursus bona nonnunquam fructum quidem copiosum habet, sed folia non ita speciosa. Sed quoniam sunt ueri Prophetarum fructus? Sunt triplices: Cultus, doctrina, mores conformes doctrinæ. Verus Propheta cultum, doctrinam, & mores habet iuxta præscriptum uerbi Dei. Falsus Propheta habet cultum ab hominibus excogitatum, doctrinam humanarum traditionum, & mores externe quidem honestos, sed meram hypocrisin redolentes,

DE TERTIO.

Non omnis qui dicit mihi, Domine Domine, intrabit in regnum cœlorum, sed qui facit uoluntatem Patris, mei qui in cœlis est, ipse intrabit in regnum cœlorum. Hoc Domini dictum duplicem doctrinam continet: unam de damnandis, alteram de saluandis. Loquitur autem de ijs, qui in externa Ecclesiæ societate sunt: nam de alijs non dubium est, quin damnentur. Sed quoniam damnantur? qui gloriantur de Christo, & non faciunt uoluntatem Patris cœlestis. Quoniam sunt illi? qui iactant fidem quam non habent, id est, profitentur fidem sine poenitentia & pia uita: hos damnari pronunciat Christus: neq; id mirum est. Nam huiusmodi horribiliter peccant. Primum peccant mendac-

mendacio, quia Deo mentiuntur. 2. Contumelia, quia abutuntur sanguine Christi effuso pro nobis, non ut indulgeamus omnibus furoribus libidinum & tyrannidis: sed ut deleatur peccatum, & Deo sanctificemur. 3. peccant furto, quia spoliunt Deum suo honore. 4. homicidio, quia primum seipsos falsa persuasionem, deinde & proximum occidunt malo exemplo. 5. Prophanant templum Spiritus sancti. Quinam saluantur? Qui faciunt uoluntatem Patris cœlestis. Verum hic multi impingunt. 1. Qui gentes saluari dicunt, qui honeste in mundo uiuunt: quos confutat hoc dictum: Qui non credit, ira Dei manet super eum. 2. Qui dicunt, suam regulam esse uoluntatem Dei, contra quos Christus dicit: Frustra me colunt docentes mandata hominum. 3. Qui dicunt, legem esse uoluntatem Dei: quod quidem uerum est: sed si, qui hanc uoluntatem facerent, saluarentur, tum nemo saluaretur. Quæ est ergo uoluntas, quam facientes saluantur? Christus respondet Iohan. 6. Hæc est uoluntas Patris, ut credant in eum quem misit ille. Sic enim dicit Dominus: Qui credit in Filium, habet uitam æternam. Hæc fides habet secum pietatem & caritatem germanos suos fructus, quos edunt pii per Iesum Christum, cui gloria in secula seculorum, Amen.

DOMINICA NONA

POST TRINITATIS, Luc. 16.

8 5 Iesus

Iesus dicebat ad discipulos suos: Homo quidam erat diues, qui habebat dispensatorem, & hic delatus est apud illum, vt qui dissiparet bona ipsius. Et vocauit illum, & ait illi: Quid hoc audio de te? Redde rationem dispensationis tuæ. Non enim poteris posthac dispensare. Ait autem dispensator intra se: Quid faciam, quia Dominus meus auferet à me dispensationem? Fodere non valeo, mendicare erubesco. Scio quid faciam, vt cum amotus fuero à dispensatione, recipiant me in domos suas. Conuocatis itaq; singulis debitoribus Domini sui, dicebat primo: Quantum debes Domino meo? At ille dixit: Centum batos olei. Dixitq; illi: Accipe cautionem tuam, & sede cito, & scribe quinquaginta. Deinde alteri dixit: Tu vero quantum debes? Qui ait: Centum coros tritici. Ait illi: Accipe cautionem tuam, & scribe octoginta. Et laudauit Dominus dispensatorem iniquum, quod prudenter fecisset. Quia filij huius seculi prudentiores sunt filijs lucis in natione sua. Et ego vobis dico, Facite vobis amicos ex mammona iniusto, vt cum defeceritis, recipiant vos in æterna tabernacula.

ENARRATIO TEXTVS.

Hortatur Christus in hoc Euangelio suos discipulos ad beneficentiam erga proximum, idq;

idq; parabolico exemplo, cuius summa hæc est: Oeconomus alicuius hominis prædiuitis est sollicitus, quid sibi amoto ab officio fiat: multo magis Christiani, qui sunt Oeconomi Dei in uarijs donis, debent esse solliciti, quid sibi eueniat, reddita ratione, id est, ubi ex hac uita excefferint. Verum ut Oeconomus querit amicos in mammona iniquitatis, qui se amotum ab officio recipiant: Ita Christiani suis bonis & donis obstringant sibi pauperes, qui suo testimonio in æterna tabernacula se recipiant. Hæc Euangelij præsentis est summa: uerum ut nobis in instructionem uberiores cedat, quatuor tractabo locos. Loci quatuor.

- I. Reprehensio abusus donorum Dei.
- II. Beneficentiæ erga pauperes causse.
- III. Querela, quod filij huius seculi sint prudentiores filijs lucis.
- IIII. Vsus diuitiarum, & merita bonorum operum.

DE PRIMO.

Cum textus hic proponit nobis dispensatorem, qui dissipauit bona Domini sui, in uniuersum reprehenditur abusus donorum Dei. Nam quis est, qui donis sibi à Deo collatis non magna ex parte, abutitur? Hoc quale sit, aliquot exemplis declarabimus. Sapientia data est alicui, ut alios imperitos & rudes iuuat ac regat consilijs: sed nunc dolo & imposturis seruit. Diuitiæ conferantur ad Ecclesiæ membra fouenda: at nunc inutilibus pompis & sumptibus

sumtibus impenduntur. Lingua concessa est homini, ut ea utatur ad docendum, quæ honesta & pia sunt, & ad ferendum ueritati testimonium: sed nunc quid fit? maledictis, conuicijs, periurijs, obtreptionibus & blasphemijs ancillatur. Vires colatæ sunt ad iusticiæ & rerum bonarum defensionem: at nunc tyrannorum præsidia sunt, quibus utuntur ad euertendam ueritatem, ad euertendas honestas respublicas. Ad eundem modum alia dona Dei sunt magno abusu, qui abusus sane non aliunde proficiscitur, quam ex his fontibus.

PRIMUM, peccatum quod in nobis habitat huiusmodi germina producit, & quo minus fuerit spiritus imperio subactum, eo plura mala progignit. Est enim omnium malorum camarina profundissima, quæ in totum in hac uita expurgari nequit.

DEINDE, ipse Diabolus aduersarius noster sitiens damnationem nostram, insidiatur hominibus, & quærit mille perdendi uias, ut regno Christi, in hoc mundo abolito, uel in angustissimum redacto, suum regnum stabiliat.

TVM, pessima mundi exempla, quibus incitamur ad imitationem. Mala enim consuetudo, ut quidam ait, pabulum est nequiciæ. Et Paulus ait: Exiguum fermentum corrumpit totam massam.

ADHÆC, hoc malum etiam auget gubernatorum negligentia, qui homines non cogunt disciplina seueriori ad recte faciendum officium. Verum nos, qui Christiani dici gloriamur, deberemus retine-

retineri in officio, harum rerum cogitatione.

PRIMUM mandatum Dei perpetuo nobis in animo fixum, commonefaceret nos de officio.

DEINDE, honestas ipsa & uirtutis decus nos extimularet, ne turpiter donis Dei abuteremur.

TERTIO loco rei dignitas stimulos adderet. Quid enim dignius filiis Dei est, quam ut se conforment ad exemplum clementissimi Patris.

QUARTO loco uocatio nostra. Sumus enim uocati ad sanctitatem, ut & nos sancti simus, & sanctus sit rerum, quas Dominus nobis concessit, usus: hæc cogitare serio debemus.

DE SECUNDO.

Cum totum hoc Euangelium proponatur, ut nos ad beneficentiam ergo proximos nostros excitemur: dicam de beneficentia hæc ordine. Primum causas recitabo, quibus ad beneficentiam nos excitari oporteat. Deinde de fructibus. Tum de beneficentia modo iuxta certas regulas.

Deus in lege magnam rationem uidetur proponere, cum dicit: Diligas proximum tuum ut teipsum. Quasi dicat: hæc una ratio est, cur nos multo diligamus, quod homo homini sit proximus. Cuius dilectionis pulcerrimum exemplum proponitur in Samaritano, qui hominem, qui inciderat in latrones, adeo solícite & diligenter curauit. Beneficentia igitur præstanda est homini ab homine, quia homo homini proximus est: idq; multis rationibus. 1. ratione creationis: idem enim Deus creauit nos homi-

*Cicoma
a fter
no f
gus d
hinc d*

homines. Nunc uidemus quanta sit in multis animantibus pietas, quæ se mutuis officijs iuuant & adiuuant, ut in ciconijs uidere est. 2. homo homini est proximus ratione similitudinis: nam omnes homines ad Dei similitudinem conditi sunt, & habent omnes eandem humanam naturam. 3. homo homini proximus est ratione communis uitæ & humane societatis. Atq; hæc triplex societatis ratio est nobis communis, non solum cum omnibus Christianis, uerumetiam cum omnibus in mundo hominibus, Ethnicis & Iudeis. Verum Christianus Christiano proximus est, primum ratione mystici corporis. Nam omnes qui in Christum credimus, Christum induimus, & eius membra sumus, & ipse caput nostrum, & uiuimus ex eodem spiritu Christi. Hæc sane societatis ratio merito nos ad mutua officia præstanda excitaret, si serio de hac societate & mystica coniunctione nostra in uno corpore cogitaremus, tum profecto, quemadmodum manus famulatur reliquis membris, & sibi & alijs: ita & nos propter hanc mysticam copulam, in uno corpore nos mutuis officijs prosequeremur. 2. Christianus Christiano est proximus ratione regenerationis, quia in filios Dei Patris renascimur. Cum igitur fratres uterini in hac uita sibi inuicem officia communicant, multo magis id nos decet, qui Deum communem Patrem interpellamus, & dicimus: Pater noster qui es in cælis. 3. Christianus Christiano est proximus ratione uocationis: Nam ad unitatem spiritus in uinculo

culo pacis uocati sumus, Ephes. 4. 4. Christianus est Christiano proximus ratione futurae gloriae: nam omnes ex fide eandem immortalitatis gloriam expectamus, ubi socij erimus in omni eternitate, Deum unanimiter celebrantes.

Hæc sint dicta de causis beneficentiae mutuae inter homines: sed fines qui sunt & quatuor sunt præcipui. 1. gloria Dei. Hic finis merito filios Dei moueret ad beneficentiam. 2. subleuatio indigentis proximi, qui est caro nostra. 3. Exemplum, quo alij edificentur & inuitentur ad similem beneficentiam. 4. præmium: nam Christus ait: qui dederit uni ex meis discipulis meo nomine haustum frigidae aquae, non perdet mercedem suam.

Verum quia de beneficentiae modo quæri potest, de eo etiam nonnihil adiiciam. Salomon Prouerb. 5 Bibe aquam de cisterna tua, & fluentia de medio putei tui, fontes tui deriuentur foras: sint tibi soli & non alienus tecum. Hic tria coniungit. Primum, ut ipse tuis bonis fruaris. Secundum, ut communices alijs. Tertium, ut sis ipse Dominus tuarum facultatum: non uno die omnia profundas. Breuiter, Verbum Dei, fides & caritas, ubi sunt, regulæ certissimæ esse possunt. Sed de hac re plura ubi de usu diuitiarum agetur.

DE TERTIO LOCO.

Filij huius seculi prudentiores sunt filij lucis in generatione sua. Hæc est querela grauißima, quod filij huius seculi sit prudentiores filij

lijs lucis in generatione sua. Hoc est, homines prophani magis sunt solliciti pro acquirendis temporalibus, quæ tantum spectant ad præsentem uitam, idq; ad breue admodum tempus, quam Christiani sunt solliciti pro bonis cœlestibus acquirendis æternum duraturis. Hæc deploranda sane cœcitas est.

Corpus curatur, anima negligitur. Quam uerum hoc Christi dictum sit quis non uidet? Da mihi rusticum, qui non magis est sollicitus pro acquirenda possessione & alenda familia, quam Christianus aliquis est pro acquirendis thesauris cœlestibus. Mercator nauigat mare, experitur multa pericula, sæpe damnum magnum facit, patitur frigus & æstus, idq; non una hora, non uno die, non uno anno, sed toto uitæ tempore, tantum ut terrenas corradat possessiones: at Christianus uix patitur unius horæ moram, ut uerbum Dei audiat, ut Sacramentorum distributioni intersit. Multas horas consumunt in nugamentis & fabulis: uix una hora, imo uix minima horæ particula uacat Deum inuocare, & cum Iesu Christo in orationibus nostris colloqui.

Sed quæ sunt huius cœcitatis causæ? duæ sunt præcipuæ. Vna quæ & aliorum malorum causa est, uidelicet corruptio humanæ naturæ, quæ facit ut homo sit pronior ad malum, quam ad bonum. Altera causa huius cœcitatis est, quia bona terrena sunt sensibilia, & ideo fortius mouent animum, quia bonum non mouet nisi cognitum: unde Augustinus: Inuisa, id est, non uisa diligere possumus, incognita nequa-

nequa-

Corpus curatur,
anima negligitur.

Rusticus.

Mercator.

hinc uisitat
causæ duæ.

2.

non uisa diligere
possumus.

incognita nequa-

Augustinus.

nequaquam. Sensibilia autem sunt magis cognita, quam spiritualia, quia sensibilia sunt cognita per experientiam, spiritualia tantum per fidem. Quid ergo faciendum est? conabimur abundare in cognitione rerum cœlestium, quo etiam abundemus in eorum sensu. Quare Paulus optat Philippensibus, ut abundent in cognitione & sensu, ad hoc, ut sint sinceri & absq; offendiculo ad diem usq; Christi. 3

DE QVARTO.

Facite vobis amicos de mammona iniquitatis, ut cum defeceritis, recipiant vos in æterna tabernacula. Mammona iniquitatis dicitur, uel quia diuitiæ sunt irritamenta malorum, uel quia sunt falsæ & mendaces opiniones. Nam dici possunt mammona iniquitatis, quia iniuste sunt par- *Eleemosyna ex iniuste partis* te: nam Eleemosyna ex iniuste partis Deo non placet. Porro duo sunt nobis hoc loco excutienda. Vnum, doctrina de diuitijs: Alterum, quid sit quod dicat: Cum defeceritis, recipient vos in æterna Tabernacula.

Tametsi autem ante octo septimanas, cum Euangelium de Epulone & Lazaro explicarem, dixi nonnihil de diuitijs: tamen nunc breuiter integram doctrinam de diuitijs repetam. Nihil enim prohibet bonam cantilenam canere sæpius. Dicam autem de diuitijs tria.

PRIMUM, quæ nam rationes acquirendarum diuitiarum licitæ sint.

SECUNDUM, qualiter nos Deus erga diuitias uelit esse affectos.

o Tera

TERTIVM, quis diuitiarum rectus & legitimus usus.

Quantum itaq; ad legitimas rationes acquirendi diuitias attinet, omnium primum incoandum est à regula Christi Matth. 7. Querite primum regnum Dei & iusticiam eius. Prima igitur & præcipua cura esse debet animæ, ut illa sit in Deo diues. Deinde, quia hæc uita opus habet adminiculis, iuxta Dei ordinationem quæri possunt facultates, licetq; ijs, quæ ad uitam cultumq; necessaria sunt, querendis operam dare, idq; non solum sanctorum exemplis: uerumetiam mandato Dei confirmatur. Deus enim benedictionem promittit pie laborantibus. Tertio, lucrum, quod nobis laborantibus accedit ex benedictione Dei, capiendum est, tanquam ex manu Dei: neq; malis artibus uti debemus, quibus facultates aliorum ad nos trahamus: fructum præterea laboris nostri tanquam iustam mercedem percipere licet. In contractibus absint fraudes & fallaciæ: aperte & simpliciter agamus omnia ea fidelitate, quam ipsi ab alijs uellemus requirere: sit labor legitimus in legitima uocatione, ut bona conscientia gloriari possimus, nos in ullius fraudem nihil egisse.

Hactenus de recta ratione acquirendi diuitias: nunc quomodo affectos nos esse decet erga partas diuitias breuiter exponam. Singularis enim ars adhibenda est, ne diuitiæ partæ nobis in spinas & laqueos conuertantur. Quod ne fiat, Davidis & Pau-

li seq

li sequamur consilia, quorum ille quidem Psalmo 6.
ait: Si affluent diuitiæ, noli cor opponere. Hic uero
1. Tim. 6. Diuitibus in seculo præcipito, ne effera-
tur, neue sperent in diuitiarum incertitudine: sed
in Deo uiuo. Estq; itaq; præcipuum, ne diuitiarum
huius seculi cupiditate ducamur: ne ijs animum aut
fiduciam adijciamus: eas à nobis abdicare simus pa-
rati, quoties & quando Deo libuerit: siue habeamus
eas, siue ijs careamus, tanquam res caducas & fra-
giles reputemus: & solam benedictionem Dei om-
nibus rebus mundi anteferamus, absit fallax spes in-
certas diuitias, absit superbia & contemtus pau-
perum, adsit spes in diuitiarum largitore, adsit pius
humilisq; animus.

Atque ita habemus quomodo erga diuitias nos
affectos esse oportet: Nunc pauca de uero diuitia-
rum usu adijciam. Dixi, cum Euangelium de Epu-
lone tractarem, quadruplicem esse legitimum di-
uitiarum usum: quorum primus est, ut seruiant
gloriæ Dei, promouendæ religioni & conseruan-
do ministerio uerbi. Si enim nati sumus, ut Deum
glorificemus, profecto huic rei, quicquid habemus,
seruire debet. Secundus usus est, ut eas, in qui-
bus uiuimus, respublicas iuueamus & ornemus no-
stris facultatibus. Qua de causa tributa hilarè
animo soluenda sunt. Tertius usus est, ut ipsi nos,
pro conditione nostri status, honeste alamus: no-
stram familiam foueamus: ut domus nostra pro fa-
cultatum ratione honeste conseruetur, sine fœda

Col. 1. 6.

1. Tim. 6.

quæ abesse
a Diuitiæ, &
quæ Diuiti
adesse debent.

auaricia & stulta profusione. Quartus & postre-
mus usus est, ut fontes nostri iuxta Salomonis con-
siliū, deriuentur foras : hoc est, ut liberales simus
erga pauperes : diuites in bonis operibus : quo multi
nostris bonis gaudere possint, nobiscum Deo Patri
Domini nostri Iesu Christi gratias agentes, qui ab-
unde suppeditat omnia. Contra hunc quadruplicem
usum diuitiarum multi peccant, quemadmodum au-
diuimus in Euangelio de Epulone diuite & paupere
Lazaro.

Dixi de diuitijs : Nunc restat explicare, quid si-
bi uelit dictum : Vt cum defeceritis, recipiant
vos in æterna Tabernacula. Nonne solus Chri-
stus recipit credentes in cœlestia Tabernacula? quo-
modo ergo hic dicitur, quod pauperes, quos feceri-
mus nobis amicos de mammona iniquitatis, sint nos
recepturi in æterna tabernacula? Primum, manife-
stum est, Christum hoc loco dirigere sermonem ad
credentes. Nam in principio textus scribitur : Et
dixit Iesus discipulis suis, id est, iustificatis &
habentibus uitam æternam in Christo. Deinde
manifestum est & hoc, quod uita æterna sit do-
num Dei per Christum Iesum : sequitur ergo ali-
um modum esse, quo pauperes eos, qui in se liberales
fuerunt, recipiant in uitam æternam, quam quo
Christus recipit. Quomodo ergo recipient in æ-
terna Tabernacula? testes & approbatores fidei
nostræ : nam ex fructibus de fide iudicant, qua sola
sciunt homines saluari. Eadem sententia alijs uer-
bis

*bis sæpe in scriptura proponitur. Deus reddet uni-
cuiq; iuxta opera sua, non quod opera mereantur
cælum: Sed quia sunt indicia fidei & timoris Dei:
sicut contra, mala opera ex incredulitate profici-
scuntur. Simus ergo memores huius dicti, & eo nos
excitemus ad beneficentiam erga proximum, imitan-
tes exemplum Christi saluatoris nostri: cui honor et
gloria in secula seculorum, Amen.*

DOMINICA DECIMA

POST TRINITATIS, Matth. 7.

ET vt appropinquasset Iesus ciuitati, vi-
dens eam, fleuit super illam, dicens: Si
cognouisses & tu, & quidem in illo die tuo,
quæ ad pacem tuam pertinet, curares. Nunc
autem abscondita sunt ab oculis tuis. Quia
venient dies in te, & circundabunt te inimici
tui vallo, & cingent te, & coangustabunt te
vndique, & solo æquabunt te, & filios tuos
qui in te sunt. Et non relinquent in te lapidē
super lapidem, eo quod nō cognoueris tem-
pus visitationis tuæ. Et ingressus in Tem-
plum, coepit eijcere vēdentes in illo, et emen-
tes, dicens illis: Scriptum est, Domus mea
domus precationis est, vos autem fecistis
illam speluncam latronum. Et docebat quo-
tidie in Templo. Principes autem Sacerdo-
tum & Scribæ quærebant illum perdere &

primores plebis, nec inueniebant quid facerent. Totus enim populus pendebat ab ore eius, cum audirent illum.

ENARRATIO TEXTVS.

Duae sunt partes huius Euangelij, quarum una docet, quid egerit Christus extra ciuitatem Hierusalem: Altera, quid postquam in ciuitatem est uentum, in Templo egerit. Extra ciuitatem ciuitatis futuram calamitatem deflet, & simul uaticinatur de totius urbis & populi interitu: qua re & suum affectum erga genus humanum ostendit, & quanta sit ira Dei in peccatores non agentes poenitentiam clare indicat. Deinde ingressus Templum, reprehendit abusum templi: eijcit ementes & uendentes in templo: testatur templum esse domum orationis, id est, domum dicatam Deo & eius cultui: nec decere hanc domum prophanis negocijs prophanare. Sunt autem (ut dixi) duae partes huius textus: Vna de fletu Christi, & uaticinio eiusdem, de uastatione urbis & interitu populi. Altera de facto Christi in templo. Sed haec duae partes plures in se locos & doctrinas continent, quare de ijs sigillatim dicam.

DE PRIMA PARTE.

Huius primae partis loci sunt duo,
qui sunt:

- I. Vaticinium Christi contra ciuitatem Hierusalem, cum suis circumstantijs.
- II. Huius partis usus in nostra Ecclesia.

DE

In hoc primo loco multæ concurrunt circumstantiæ, quæ sunt: 1. affectus Christi erga genus humanum. 2. uaticinium ipsum. 3. tempus uisitationis. 4. unde poterant agnoscere tempus uisitationis. 5. Quare non cognouerint tempus uisitationis suæ. 6. pœna neglectæ uisitationis. 7. mora uisitationis.

PRIMA: Videns Christus ciuitatem, fleuit super illam. Hic Christi fletus illustre testimonium est misericordiæ Dei erga humanum genus. Nam non secus Dominus noster, quam piissimus pater suorum liberorum, quos æque ac se diligit, perditionem deplorat. Quæ sane perditio habet nullam aliam causam, quam ingratitude erga Euangelium. Qui enim fieri potuit, ut filius Dei, qui uerus homo natus in hoc fuit, ut sua uictima ab æterna damnatione genus humanum liberaret, non de tanta hominum ingratitude doleret, quos ad salutem ab initio creauit, & postea missis Prophetis & Apostolis ad pœnitentiam reuocauit.

SECUNDA: Quia uenient dies super te, & circundabunt te inimici tui vallo, & prement te undique, & ad terram posternent te, & filios tuos qui in te sunt. Hic Christus uaticinatur de calamitate, quæ superuentura erat super Hierusalem: quæ quidem calamitas 40. anno postea ipsis contigit. Huius calamitatis historiam diuidam in tres partes, quarum prima erit assignatio eorum, quæ contigerunt ante deuastationem

o + urbis

uerbis. Secunda enumeratio malorum, quæ in obsidione experti sunt ciues. Tertia, notatio calamitatis, quæ secuta est urbis direptionem.

Quid contigit ante deuastationem urbis? Multa sane, quibus Deus istum populum ad poenitentiam reuocare uoluit, ut uaticinia, signa, prodigia, præfagia. Vaticinia, Vt hoc Christi uaticinium, de quo audiuius, cuius & Zacharias cap. 12. meminit his uerbis: Et erit in die illa, ponam Ierusalem lapidem oneris cunctis populis. Omnes qui eleuabunt eam lacerando lacerabuntur, & colligentur aduersus eam omnia regna terræ.

Prodigia quoque præcesserunt. Integro anno apparuit Cometa super ciuitatem Ierusalem, representans ignitum gladium: Currus bellici & equites in cælo uisi sunt concurrere.

Signa: Ianua templi noctu sponte aperta est: uox in templo audita est, migremus hinc, migremus hinc.

Præfagia: Homo plebeius, Iesus nomine, clamauit in plateis, uox ab occidente, uox ab oriente: qui quo magis castigabatur à Magistratu, eo magis clamauit. His uaticinijs, prodigijs, signis & præfagijs inuitauit Dominus populum Iudaicum ad poenitentiam, sed frustra: quare secuta est grauissima poena.

De poena ergo dicamus. Primo die Azymorum incepit obsidio, & perdurauit usque ad octauum diem septembris. Mox oritur in ciuitate intestina seditio

ditio: qua amici & consanguinei se mutuis uulne-
ribus trucidant: ex cadaueribus mortuorum ori-
tur grauiſſima peſtis, adeo ut ne mortui quidem ſe-
peliri potuerint. Accedit fames, quæ tanta fuit,
quod matres proprios liberos comederint: & ut de
alijs rebus turpiſſimis taceam, in ſeditione ciuili, in
qua conciderunt duo millia hominum, templum in-
cenditur & penitus incendio uaſtatur: poſtea ab ho-
ſtibus prima ciuitatis pars capitur: Deinde altera,
tandem tota ciuitas uenit in hoſtium poteſtatem.

Post obſidionem tantus contemtus ſuperati po-
puli fuit, quod ſeptem millia de nobilioribus &
præcipuis ſint deputata publicis & ſeruilibus ope-
ribus, & multi ſpectaculis publicis ſint reſeruati.
Multitudo interfectorum præter illos, qui peſte pe-
rierant in ciuitate, fuit nonaginta ſeptem millium:
qui erant infra annum 16. à militibus uenditi ſunt.
Honeſte matrone & uirgines ſtupratæ ſunt à mi-
litibus. Poſtea rursus ſub Domitiano noua eſt orta
perſecutio, nam Domitianus inquirebat omnes, qui
Dauidem uel Chriſtum ulla propinquitate attige-
runt. Hæc de pœna corporali ſecuta contemtum fi-
lij Dei ſint dicta: cum qua coniuncta erat pœna
ſpiritualis in conſcientia, & tandem cruciatus æ-
ternus in inferno ſecutus eſt.

TERTIA: Si cognouiſſes & tu, & qui-
dem in hac die. Tempus uiſitationis eſt quo De-
us uiſitat, aliàs ad puniendum peccatores, aliàs ad
benefaciendum pijs, idq; multis modis. Verum po-
tiſſi-

tiſſimum tempus uiſitationis miſericordiæ Dei, ſu-
it tempus prædicationis Chriſti, quando & illos &
totum mundum inuitauit ad pœnitentiam, offe-
rens gratiam & uitam æternam pœnitentibus. De
hoc tempore loquitur Dominus.

Q V A R T A: Vnde poterant Iudæi cognoſce-
re tempus uiſitationis ſuæ? Multa habuerunt præ-
clara argumenta. 1. Miracula potentiam Chriſti
manifeſtarunt. Si, inquit, mihi non creditis, credite
operibus meis: illa enim de me perhibent testi-
monium. 2. Dâniel hoc uiſitationis tempus apud Ba-
bylonios prædixit. 3. Iam translatus erat regnum
Iuda, iuxta uaticinium Iacob, Gen. 48. Non aufere-
tur ſceptrum de Iuda, donec ueniet Silo, id eſt, Se-
men mulieris, qui eſt Chriſtus Dominus. 4. Ne of-
fenderentur paupertate Chriſti admoniti erant à
Zacharia Propheta, qui cap. 9. ait: Ecce Rex tuus
ueniet pauper. 5. Testimonium Iohannis de Chriſto
& Vox Dei Patris ſuper Chriſtum in Baptiſmo &
in morte. Hæc & multa alia poterant Iudæos cer-
tificare de Chriſti præſentia & tempore uiſitatio-
nis eius.

Q V A R T A: Sed quare non cognouerunt tem-
pus uiſitationis ſuæ, qui adeo multis ſignis erant
admoniti? Duo fuerunt uelamina: unum carnale,
alterum ſpirituale. Carnale quidem, quia irretiti
mundi uoluptatibus, illecebris, & curis, non pote-
rant conſiderare ea, quæ ad animæ ſalutem ſpe-
ctant: ſed cogitauerunt, ſicuti ſcribitur Sap. 2. Exi-
guum

guum, & cum tædio est tempus uitæ nostræ, & non est refrigerium in fine hominis, & non est, qui agnitus sit reuersus ab inferis. Venite fruamur bonis quæ sunt, & relinquamus ubiq; signa læticiæ, nam hæc est pars nostra. Sic irretitus fuit diues Epulo, quem quidam scribunt ciuem fuisse Hierosolymitanum: sic & ille qui dixit (cum iam horrea sua plena frugibus uideret) frui nunc anima mea delicijs. Sed quid accidit illi? In medijs delicijs uocatus est ad pœnam. Spirituale uero uelamen fuit, de quo hic loquitur Christus. Et Paulus Rom. 1. Tradidit eos in reprobam mentem. Et Theff. 2. Dedit illis efficacem errorem, ut credant mendacio, qui ueritati non luerunt obedire. Atq; ita iustum est Dei iudicium.

SEXTA: Pœna neglectæ uisitationis, quæ est duplex: Carnalis & temporalis, Spiritualis & æterna. Ad pœnas temporales & carnales pertinet ista horrenda urbis uastatio: Item omnes calamitates in humano genere, quæ calamitates nos merito admonere deberent pœnitentiæ.

SEPTIMA: causa dilatæ pœnæ. Hanc Paulus Rom. 2. explicat, dum ait, diuitias bonitatis Dei & longanimitatem inuitare ad pœnitentiam: Deus enim tardus ad iram, id est, ad uindictam, idq; ideo ut nos tandem agnitis peccatis nostris, ingemiscamus & confugiamus ad Christum uera fiducia.

DE SECVNDO.

Cum Paulus dicit, Omne quod scriptum est, in nostram doctrinam scriptum esse, uideamus quis sit huius doctrine usus.

Pri-

Primum itaq; nos, qui in Christum credimus & sumus Ierusalem Dei sancta, audiamus uocem Christi deflentis peccata nostra, & discamus quomodo erga nos sit affectus. Deinde agnoscamus tempus uisitationis nostræ, quia nos uisitauit Deus in hoc regno mirabiliter. Primum suo uerbo: quod sane pure in omnibus Ecclesijs Danie proclamatur. Sed quia parum fuimus Euangelio obedientes, uisitauit nos bello, fame, peste & singulos uarijs modis. Verum si non egerimus pœnitentiam, idq; mature, uisitabit nos rursus bello, peste, fame, & tandem nos omnino delebit. Agamus igitur pœnitentiam: promittamus emendationem: amplectamur Euangelium Christi: breuiter, pie & sancte uitam instituemus, ut possimus euadere in die iræ.

DE SECUNDA PARTE.

Et ingressus in Templum, &c. In hac secunda huius Euangelij parte sunt quatuor circumstantiæ potissimum obseruandæ.

PRIMA, impietas Pontificum. Templum Salomonis fuit ordinatum propter has causas: non ut exerceatur mercatura in eo: sed ut illic uerbum Dei doceretur, & in illud populus Dei conueniret & oraret: quemadmodum ipse Salomon inquit in dedicatione Templi: Quodcunque orauerit populus tuus in loco isto (id est, in templo hoc) exaudies in loco tabernaculi tui in cœlo, & cum exaudieris, propicius eris. Præterea fuit ordinatum lege, ut iuxta templum fierent mactationes secundum legem

gem. Contra hæc omnia fecerunt Pharisei & Pontifices. Contemserunt enim uerbū Dei, exercuerunt prophanas mercaturas, imo, ut ipse Christus inquit: fecerunt ex templo Dei speluncam latronum. Trucidantur homines à latronibus, ut latrones occisorum bona ad se conuertant. Pontifices autem falsa doctrina ac praua interpretatione scripturæ multos hominum millia trucidarunt, dum illorum animas sacrilege priuarunt æterna beatitudine. Hinc satis liquet, quam fuerint ipsi pontifices impij in Deum: qui non solum ipsi contemserunt uerbum Dei: uerum etiam alijs occasio fuerunt contemptus, contumaciae, & tandem perditionis.

SECUNDA, eiectione ementium & uendendum de Templo. Christus enim eiecit ementes & uendentes, idq; externa ui: quo facto, primum testatur se improbare impietatem Pharisaicam. Deinde quatuor uerba declarat se uerum Regem & pontificem esse istius populi: Regem quidem, quod manum admoveat ad tollendam impietatem, quemadmodum Ezechias fecit, cum tolleret æneum serpentem propter idolatriam populi: Pontificem uero, quia ueram doctrinam defendit & reprehendit Pharisaicas corruptelas. Præterea hæc eiectione fuit præterea quædam admonitio de futura templi deuastatione, nisi resipiscerent. Ad hæc, facto hoc admonet de poena, in quam incurrent omnes impij, qui abusi fuerint templo Dei, nimirum, quod à Christo aliquando sint è templo eijciendi. Hinc præterea

rea discant utriq; , magistratus dico & gubernatores Ecclesiarum. Illi quidem manu & externa ui tollere impietatis instrumenta : hi uero gladio spiritus, hoc est, uerbo Dei amputare omnem superstitionem, quantum quidem fieri potest. Sic fecit beatus Theodosius, qui omnes imagines & Idola de templis sustulit. Sic fecit pijsimus princeps Iohannes Fridericus dux Saxonie. Horum exemplum imitatus est sanctissime memorie Rex Daniae Christianus, eius nominis tertius, cuius beneficio adhuc Scholæ & Ecclesie in hoc regno gaudent.

TERTIA est de templo Dei : quod est duplex, manufactum seu uisibile, et spirituale seu non manu factum. Vtrunq; est domus orationis. Domus mea, inquit Christus, est domus orationis. Vsus manu facti templi præcipue in his positus est. Primum, ut sit locus publicus, in quo doceatur & audiatur uerbum Dei. Deinde ut illic administrentur Sacramenta. Tum, ut illic conueniant pij, oraturi pro communibus necessitatibus. Postremo, ut sit locus, in quo fiat publica confessio religionis. Sed quid sit in Papatu pro uerbo Dei traditiones hominum obtrudunt : Pro mysteriorum Dei distributione, sacrilegia horrendissima proponuntur : uenale habent cælum : missam pro uiuis & mortuis iactant : spoliant Ecclesiam Sacramentis, contaminant sacramenta suis blasphemis additamentis : faciunt ex loco publicæ confessionis Euangelij, conciliabulum hypocritarum, qui conspirant aduersus Euangelium Christi. Hæc sint dicta

de

de manu facto templo. Non manu factum & spiri-
 tuale templum est cum tota Catholica Ecclesia, tum
 singula eius membra. Ita enim Paulus ait scribens
 Corinthijs: Nescitis, quod templum Dei sanctum si-
 tis uos? Imo Christus ipse architectus huius templi
 ait: Si quis sermonem meum audit, ad eum ueniamus,
 & mansionem apud eum faciemus. Proinde & tota
 Ecclesia, & singula eius membra templum Dei di-
 cuntur & sunt. Huius templi fundamentum est fili-
 us Dei: fundamentum enim aliud nemo ponere po-
 test, præter id quod positum est, quod est Iesus Chri-
 stus Dominus noster. Hoc templum erigitur à filio
 Dei: ædificatur à Prophetis, Apostolis, ministris
 uerbi, à pio magistratu, à sanctis Patribus familias,
 prout Dominus singulis dederit ædificandi gratia-
 am. Hoc templum purgatur & conseruatur san-
 guine CHRISTI. Huius templi ostiarius est Spi-
 ritus sanctus, quando precibus & fide ianua eius
 pulsatur. Neque hoc templum ociosum est. Nam
 in eo iugis est celebratio DEI, oratio perpetua,
 oblationes sanctæ, cultus DEI (ut uno uerbo di-
 cam) indefessus: huic enim sancto usui dicatum est
 hoc sanctum DEI templum. Verum homines, qui
 indulgent suis libidinibus, suæ tyrannidi, usuræ,
 fraudibus, non solum hoc templum DEI propha-
 nant, eiecto ostiario Spiritu sancto, expulso Chri-
 sto architecto: uerum etiam fiunt templa Satanae,
 in quibus sanguis CHRISTI contumelia affici-
 tur: uerbum DEI ludibrijs exponitur: in locum
 piarum

piarum precum succedunt inuocationes sanctorum, exercitationes, blasphemiae, contumeliae, & ut uno dicam uerbo, laudes Satanae illic personant.

Sed quid nos commouebit, ut templum Dei esse cupiamus? 1. Dignitas. Quae enim maior gloria est, quam esse templum sanctae Trinitatis? 2. Vtilitas: nam hoc pacto transitur à Satanae delubro (ubi meramors & damnatio regnant) ad domum Dei & aeternam felicitatem. 3. Finis conditionis hominis. Conditi enim sumus, ut simus templa Dei. Contra, cogitandum est, quam indignum sit, & quam magnum sacrilegium, hoc templum sceleribus ullis contaminare. Proinde conandum totis uiribus est, ut praestemus Deo in suo templo uerum cultum, & offeramus sacrificia labiorum nostrorum, hoc est, gratiarum actionem, & thura cordis nostri, hoc est, fidem & innocentiam.

QUARTA, mundus longe aliter iudicat de ijs, qui templa Dei sunt, quam uerbum Dei. Mundus iudicat praeclaros, potentes, sapientes, diuites in hoc templum recipi: sed contrarium docet uerbum Dei & monstrant exempla. Tametsi autem nullus reiicitur propter claritatem generis, potentiam, sapientiam, diuitias: tamen plerumque fit, ut tales huius mundi negotijs impediti, minus de hoc spiritu ali templo cogitent. Exemplo sunt Cain & Abel. Deinde Esau & Iacob. Ita semper diligit Deus in firma huius mundi, ut quae fortia sunt pudesceret. Sed hoc nos non mouebit, Christus enim dicit: Noli timere

TR
re posse gre
am, cui per Ch
in secula seculor
OMIN
CIMA TRI



ad quo
quod essent i
parabolam in
in Templum
deus, alter Pul
quod se orabat
non sim sicut
adulteri, ve

timere pusille grex: placuit enim Patri dare uobis regnum, cui per Christum cum Spiritu sancto sit honor in secula seculorum, Amen.

**DOMINICA VNDE
CIMA TRINITATIS, Luca 18.**



Iesus dixit ad quosdam, qui in se confidebant, quod essent iusti, & alpernabantur ceteros, parabolam istam. Duo homines ascendebant in Templum, ut precarentur: vnus pharisæus, alter Publicanus; Pharisæus stans hac apud se orabat: Deus gratias ago tibi, quod non sim sicut ceteri homines, raptores, iniusti, adulteri, velut etiam hic Publicanus.

p Ieiuno

Ieiuno bis in Sabbato, decimas do omnium
quæ possideo. Et Publicanus procul stans
ne oculos volebat ad cœlum attollere, sed
percutiebat pectus suum dicens: Deus pro-
picius esto mihi peccatori. Dico vobis, de-
scendit hic iustificatus in domum suam ma-
gis quam ille. Quia omnis qui se excollit,
humiliabitur, & qui se humiliat, extolletur.

ENARRATIO TEXTVS.

Occasio huius Euangelij fuit, quod postquam
Christus docuisset de efficacia orationis &
forma orandi, voluit etiam illustria exempla pro-
ponere, in quibus & efficacis orationis & hypo-
criticæ ostentationis naturam depingeret. Nam
cum nemo rite orare potest, nisi idem sit prius ius-
tus ex fide Christi, sit ut multi se iustos putent, &
propterea se recte orare arbitrentur: Quare ne-
cesse fuit discernere inter uere iustos, & eos qui
iusticiam simulant. Qui enim uideri uolunt iusti,
& non sunt tamen, illi nequaquam inuocant: Ve-
rum qui agnitis peccatis suis agunt seriam pœ-
nitentiam, hi fide iusti effecti, soli efficaciter &
uere orare possunt. Ea itaq; de causa Dominus hic
nobis proponit duas imagines: quarum una est hy-
pocriticæ orationis: altera ueræ & piæ inuocatio-
nis. Phariseus, qui putauit se pium & iustum &
non fuit, hypocriticam orationem nobis agnosce-
dam præbet: Contra, miser Publicanus, prosternens
se coram Deo & agnoscens suas sordes, & nihilominus

minus confugiens ad misericordiam, uera & salutaris orationis formam suo exemplo præbet.

Loci tres:

- I. De iusticia Legis & Pharisaica uanitate.
- II. De iusticia Christiano & uera pœnitentia.
- III. Iudicium Christi de Phariseo & Publicano.

DE PRIMO.

Dicebat ad quosdam qui in se confidebāt tanquam iusti &c. Hic necesse est dicere de legis iusticia: quæ sit: quis sit eius usus, finis & ius. Nam inde intelligemus quantum Pharisei aberrant à uera iusticia.

Quæ est legis iusticia? Est perfecta obedientia omnium membrorum nostrorum interiorum & exteriorum erga legem Dei, cordis, affectuum, uoluntatis, oris. Breuiter, omnium potentiarum et uirium corporis & animi: quam obedientiam non oportet esse momentaneam, sed perpetuam: non inanem, sed perfectam & absolutam: non contaminatam, sed puram & castam: qualis ab Adam præstari potuit ante lapsum, & qualis à sanctis Angelis in cœlo præstatur. Quod talem deceat esse legis iusticiam, cum Moses, tum Christus docent his uerbis: Diliges Dominum Deum tuum ex toto corde tuo, ex tota anima tua, ex toto robore, & omnibus uiribus tuis, & proximum tuum sicut teipsum. Deinde, quia ipse purus, sanctus & castus est, nihil potest illi place-re, nisi purum, sanctum & castum. Et qui hanc iusticiam præstant, soli habent promissionem legalem.

p 2 Sic

Sic enim Moses: Qui fecerit ea homo, uiuet in eis. Hanc obedientiam perfectam & perpetuam qualem Lex requirit, nullus homo, excepto solo Christo, unquam prestitit. Quare omnes, qui se hac legis iusticia iustos putant, non tantum cæci sunt & arrogantes: uerum etiam blasphemi in legem Dei, quam metiuntur suo modulo, & non uoce Dei. Quod autem nullus Legi Dei satisfacere possit, nuper dixi, & nunc breuiter idem nobis in memoriam reuocabo. Primum, nostra membra interiora & exteriora, quibus exequi obedientiam erga legem deberemus, sunt mutila et horrenda quadam ataxia uiciata, ita ut nihil recte exequi possint. Deinde Lex peccati tanquam fortissimus gigas nostra membra occupat, etiam quando renati sumus, ut non possimus præstare quæ uolumus. Hinc diuus Paulus clamat: ô infelix ego homo, quis liberabit me de corpore mortis obnoxio. Item alio loco: Velle quidem adest mihi; sed perficere non inuenio. Item: Non quod uolo bonum, hoc facio, sed quod non uolo malum, hoc ago. Ita regenerati promptam quidem uoluntatem habent, sed exequendi quod uolunt uiribus destituuntur, adeo domesticus noster hostis est importunus, & nos à bono retrahit. Quid dicemus ergo de illis, quorum uoluntas nondum est reformata, quales sunt omnes, qui nondum sunt regenerati? Huc accedit quod Lex Dei sit spiritualis: nos uero carnales. Ita enim Paulus iam fidelis dixit: Lex spiritualis; ego autem carnalis uenditus sub peccato. Hinc facile uidere est;

est, quod à nobis legi debita obedientia præstari non possit. Qui enim fieri potest, ut caro spirituales iustitias præstet? Multas alias & plures rationes nuper adduxi, quibus ostendi, neminem in hac uita perfectam legi obedientiam præstare posse. Quid ergo fiet? hic uocem legis primum audies. Quid illa dicit? Maledictus omnis qui non permanserit in omnibus, quæ scripta sunt in libro legis. Hic audis legis sententiam: Hæc legis uox te humiliet coram Deo & prorsus prosternet, ut agnoscas & sceditatem tui peccati, & iustam damnationem. Quid hic faciendum? Possumus ne hanc legis maledictionem declinare? non potes tuis uiribus: quare tibi uel perireundum est, uel querendum remedium contra hanc legis damnationem: quod sane non est aliud, quam solus Iesus Christus, qui ideo uenit in mundum, ut in se maledictionem legis reciperet, & omnes in se credentes liberaret à iure legis, id est, à damnatione, quam lex minatur transgressoribus suis. Hæc proinde maledictio extendit se ad omnes homines, qui non audiunt Christum, & uestiuntur eius iusticia, ut illa ornati appareant in conspectu Dei. Nam Christus est finis legis in iusticiam omni credenti, Rom. 10. Hæc de legis iusticia ideo à me dicta sunt, ut ostendam quam uani fuerint Pharisei isti, qui se iustos confidebant, & aspernabantur cæteros tanquam prophanos & iniustos. Sed quenam causa est, quod hic Phariseus cum sua turba confidat se esse iustum? cæcitas in causa fuit. Adeo enim

p

a

cæcus

cæcus erat, quod non uiderit legis mentem, imo uelamen tantum Legis uidit, & non introspexit in legis adytum, quemadmodum textus huius Euangelij satis indicat, ait enim: Gratias ago tibi, quia non sum sicuti cæteri homines, raptores, iniusti, adulteri, aut sicut hic Publicanus. Litteram igitur legis uidit, non spiritum, hoc est, tantum in externis operibus hæsit, non spirituales, quem requirit lex, sensum considerauit.

Verum ut hæc nobis clarius ponantur ab oculis, uidemus. 1. qualia ipsius opera fuerint. 2. conferamus ea cum lege Dei. 3. colligamus inde quid illi defuerit. 4. quam multis peccatis reus constrictus fuerit, etsi se iustum coram hominibus uenditaret.

Opera huius Pharisei fuerunt sine fide, profecta ex mera incredulitate & arrogantia. Iam cum scriptura aperte dicit: Sine fide impossibile est placere Deo: quis tam amens est, ut istam externam laudum iusticiam uocet.

Opera quæ iactat conferamus cum lege Dei. Lex requirit puram obedientiam: hic ex impurissimo corde promit conuicia in Deum & in proximum. Lex iubet proximum diligere: is accusat, idq; corum tribunali Dei. Quid multis? Nil ex Dei præscripto fecerat. An non est magnum, non esse raptorem? non iniustum? non adulterum? ieiunare & dare decimas? ista quidem non sunt contemnenda. Sed hic Phariseus bona, quæ fecerat, misere contaminauit philautia & superbia.

Quid

Quid ergo illi defuit? fons bonorum operum fides Christi, quæ per caritatem operatur. Vbi Autem hæc non est, quantumvis speciosum uidetur opus, Deo tamen gratum esse nequit: imo potius abominatio est coram Deo, præcipue, quia accedit opinio iusticiæ, sicuti uidemus in hoc Phariseo.

Vidimus unde profecta fuerint opera huius Pharisei, & quantum distent à legis iusticia, & quid illi defuerit: nunc quam grauiter peccarit, & quam iniustus fuerit uideamus. Primum ausus est Deum accedere & interpellare sine timore Dei, sine fide, sine poenitentia, sine mediatore Christo, per quem solum patet aditus ad Patrem. Est ne hoc graue scelus? Imo hic totam primam tabulam uiolat, & tanquam pedibus conculcat. Deinde ausus est puluis & cinis gloriari coram Deo, cum tamen scriptum sit: Innocens coram te non est innocens, quanta quæso hæc subergia? Nonne, tametsi & Deum & homines despicit: se tamen iustum simulat? Tertio abusus est templo Dei, quod erat ordinatum ad deprecanda peccata publica & priuata. Sed quid hic facit è templo? prætorium in quo accusat alios. Quarto, totam secundam tabulam inuadit, & uiolat contra caritatis naturam, quæ peccata proximi aut curare, aut tegere solet, quid facit? Non sum, inquit, sicuti cæteri homines, raptores, iniusti, adulteri: imo hoc uidebatur ei parum. Quare cum in supremo loco templi esset, respicit à tergo & uidet miserum Publicanum orantem, quem mox, ubi eum uidit,

uidit, accusat coram tribunali Dei. Neque sum inquit, sicut iste Publicanus. Hic si uere pius fuisset, gratulatus fuisset publicano cum Angelis Dei, qui gaudent in coelo super uno peccatore poenitentiam agente. Verum cum accusat poenitentem, satis arguit ex quo spiritu loquatur. Debat meminisse dicti Iesu Syrach: Hominem auertentem se à peccato ne despexeris. Omnes enim in correptione sumus, id est, obnoxij uarijs casibus. Qui stat uideat ne cadat, inquit Apostolus. De ieiunio & decimis huius hypocritæ hoc tantum dico. Ieiunium, quo carnis ferocia domatur, est res non mala: uerum si ieiunas, ut merearis aliquid à Deo, tuum ieiunium fit abominatio, Deus enim non uult coli humanis traditionibus: sed iuxta legis suæ regulam. De decimis hæc dico, quod Deus ita ordinauit in sua republica, ut sacerdotes Leuitica tribus haberent unde uiuerent. Et Christus dicit: Dignus est mercenarius mercede sua: & Non obligabis os boui trituranti.

DE SECVNDO.

Quemadmodum in Phariseo uidimus, qualis sit iusticia Pharisæica: & eius uanitatem ostendimus ex collatione ad legis iusticiam: Ita nunc sequitur secunda doctrina de iusticia Christiana, quæ nobis in hoc Publicano, tanquam in uiua quadam imagine representatur. Verum quia scriptura duobus modis de uirtutibus docet, nimirum regula, & exemplo: uolo primum uidere, quid scriptura dicat de iusticia Christiana. Deinde idem ostendam in Publicano.

Publicani exemplo, ut ita regula confirmetur exemplo.

Quantum autem ad regulam iusticie Christiane attinet, hæc sunt clara dicta. Paulus Rom. 3. Omnes peccauerunt & priuamur gloria Dei, iustificamur autem ipsius gratia, per redemptionem quæ est in Christo Iesu, quem proposuit Deus propitiatorium per fidem in sanguine eius. Mox in eodem capite: Arbitramur hominem iustificari fide absq; operibus legis. 2. Cor. 5. Eum qui non nouit peccatum, fecit peccatum, ut nos fieremus iusticia Dei in ipso. Rom. 5. Sicut unius hominis inobedientia multi sunt constituti peccatores: ita unius rursus obedientia iusti constituuntur multi. Et de Abrahamo: Credidit Abraham Deo, & imputatum est ei ad iusticiam. Et Dauid: Beati quorum remissæ iniquitates, & tecta sunt peccata. Huiusmodi sunt infinita dicta in scriptura de iusticia Christiana. Sed hæc pauca proposui, ut inde generalem doctrinam de iusticia Christiana colligam.

PRIMUM ergo ex his testimonijs colligitur, quod Christiana iusticia non sit ex operibus, tamen si iustificatus iam bene operari incipit. Hoc ergo primum tenendum est, quod opera excludantur ita, ut non sint huius iusticie causa: sed effectus & fructus, ut postea dicam. 2. ex his dictis colligitur quod Christiana iusticia nõ sit obedientia in ipsis, sed in Christo. 3. quod hæc Christi obedientia donetur homini, ut ea, & non sua sit iustus. 4. quod quisquis

p s

credi-

crediderit, huius iusticiæ Christi fiat particeps, ita ut illi imputetur tanquam sua. Christus enim est finis legis, in iusticiam omni credenti. 5. quod quia peccatores sumus, reconciliemur Patri per Christum, quem Pater proposuit propiciatorem. 6. quod pro peccatis credentium effusus sit sanguis Christi, ita ut iusticiæ Dei seu legis sit satisfactum. 7. ex his omnibus collectis efficitur, quod hæc iusticia Christiana constet absolutione à peccato, imputatione iusticiæ Christi, & acceptatione ad uitam æternam, gratis propter Christum. Hæc est summa doctrina Ecclesiæ Christi de Christiana iusticia: unde efficitur quod Christiana iustificatio sit absolutio à peccato, imputatio iusticiæ Christi, & acceptatio ad uitam æternam gratis propter Christum. Verum hoc præterea tenendum est, quod fides ipsa, qua iustificamur, sit efficax, & producat fructus Deo gratissimos per Iesum Christum. Vbi autem hic fructus non conspicitur, uix illic fides inuenitur. Nam cum credimus, simul renascimur in novos homines, ut nouam Deo obedientiam præstemus.

Iam hanc ipsam doctrinam de Christiana iusticia uideamus in exemplo Publicani. Primum (ut textus ait) stetit à longo. Indignitate enim sua ter-
ritus, non audebat cum Phariseo in conspectum maiestatis diuinæ prodire. Sic & Petrus procidens ad genua Christi ait: Exi à me, quia homo peccator sum. Similiter & Centurio: Domine non sum dignus, ut intres sub tectum meum. Hæc trepidatio
in con-

in conscientia hominis oritur ex noticia legis: ad huius normam cum homo sua facta examinat, cogitur exclamare, homo peccator sum. Deinde non audet leuare oculos. Hic notatur pudor Publicani ob turpitudinem peccati sui. 3. percutit pectus, quo significatur lucta cum diffidentia & desperatione. 4. cum inquit, Deus &c. significatur ad solum Deum confugiendum esse pro peccatis abolendis. Haftenus cum peccato, cum legis damnatione, cum diffidentia luctatus est: qua lucta uera contritio declaratur: Nunc sequitur quomodo sit eluctatus ab isto ueluti inferno. Nam cum dicit: Deus propicius esto mihi peccatori, erigit se fide contra desperationem. Nam hic animo recollit promissiones de Christo, quod Deus uelit esse peccatoribus propicius, qui agentes poenitentiam in Christum uera fiducia confugiunt. Ille enim est propiciatio pro peccatis nostris. Cum ita se erigit, sibi peccatum, & Deo misericordiam tribuit, se agrotum agnoscit, & Deum medicum: opponit misericordiam peccato: ac ita statuens Deum sibi propicium esse iustificatur sola fide. Ad eundem modum Daniel fecit: Tibi Domine iusticia, nobis autem confusio faciei.

Atq; ita ex hoc Publicano discere possumus primum rationem uerae poenitentiae & iusticiae Christianae. Nam ut uera poenitentia est uerus dolor ob peccatum: ita Christiana iusticia est absoluti a peccato, cum Deum uera fiducia accedimus, sicuti su-

pra

pra dixit. 2. possumus ab illo discere, qualis debeat esse uera oratio. Debet enim ex intimo animo proficisci in timore Dei & niti propiciatione, quæ est in Christo Iesu. 3. debemus à Publicano discere submisere nos gerere cum coram Deo, tum coram hominibus.

Viuendum ne igitur est more Publicanorum? Sane ita est, quatenus agunt poenitentiam, quemadmodum hic fecit. Vt enim Phariseus iste non est condemnatus propter externa opera honesta, quæ fecit: sed quia confidebat in opera: ita Publicanus hic non est laudandus ob peccata quæ fecerat: sed propter poenitentiam, quæ secuta est: Imo habemus ab utroque quod utiliter discamus. Cum utroque eundem est in templum: cum utroque agenda sunt Deo gratia: cum utroque orandum est: A Phariseo honesta externa opera facere: A Publicano animi pietatem & ueram fidem adferre discamus.

DE TERTIO.

Dico vobis: Descendit hic iustificatus in domum suam & non ille. Hic habemus iudicium Christi de Phariseo & Publicano. Publicanus (inquit) descendens de templo, in domum suam redijt iustificatus fide. Phariseus autem non redijt iustus, sed potius condemnatus. Hoc confirmat generalis sententia: Quia omnis, qui se exaltat humiliabitur: & qui se humiliat exaltabitur. Phariseus se exaltauit, existimans se iustum legis operibus, quæ nulla habuit: ideo humiliatus est sententia

tentia damnationis. Publicanus se humiliavit peccati confessione, humili inuocatione, fiducia in misericordiam Dei per Christum: ideo exaltatus est gratia absolutionis & gloria beatitudinis. Huius exemplo ut & nos humiliemur facit Christus, cui cum Patre & Spiritu sancto sit gloria in secula; Amen.

DOMINICA DVODECIMA TRINITATIS, Marc. 7.



Iesus rursus egrediens de finibus Tyri ac Sidonis, venit ad mare Galilææ, per medios fines Decapolis. Et adducunt ei surdum, impeditæq; linguæ, & deprecantur eum, ut imponat

ut imponat illi manum. Et cum apprehendisset eum de turba seorsim, misit digitos suos in auriculas eius, & spuito emisso, tetigit linguam eius, ac suspiciens in cœlum, ingemuit & ait illi: Ephata, quod est, aperire. Et statim apertæ sunt eius aures, & solutum est vinculum linguæ eius, ac loquebatur recte. Ac præcepit illis, ne cui dicerent. Sed quo magis ille eis præceperat, hoc potius amplius prædicabant, et supra modum stupebant, dicentes: Bene omnia fecit, & surdos fecit audire, & mutos loqui.

ENARRATIO TEXTVS.

Hoc Euangelium continet unum ex miraculis Domini, quibus ipse ostendebat potentiam, uoluntatem & officium suum. Potentia ostenditur in eo, quod imperet omnibus rebus creatis, aliâs mari, aliâs uentis, aliâs Diabolis, aliâs morbis, ut hic. Voluntas indicatur ex eius promptitudine ad iuuandum: est enim promptissimus ad opem ferendam omnibus inuocantibus se. Officium, quod sit saluator iuxta nomen suum, quod est Iesus. Hæc tria in singulis fere Christi miraculis conspiciuntur, quibus nos recte uti discamus. Potentia siquidem Christi Domini, aduersus mundi tyrannidem Sophisticam & hypocrisin, atq; adeo aduersus totum Satanae regnum uti debemus. Voluntatis cognitionem opponamus aduersus carnis nostræ peruersam uoluntatem & iudicium. Officij cogitatio
ne mu-

ne muniamus nos aduersus omnes Antichristos, quæ
Christum suo officio spoliare uolunt. Hæc tria, ut
in speculo quodam contemplari licet in præsentî
Euangelio. Hic surdus & mutus tenetur captiuus
à Diabolo: sed quid ad hoc Christus? Potentiam su-
am declarans, aperit aures eius, & linguam soluit
inuito & repugnante Diabolo. Deinde, cum hunc
calamitosum & miserum iuuat, ostendit se affici
eius calamitate, atq; ita uoluntatem suam erga ip-
sum indicat. Postremo declarat officium, dum se
promptum ad hunc iuuandum & alacrem exhibet.
Significat enim hoc facto missum esse se, ut affli-
ctos & calamitosos iuuet. Habemus quid Christus
ostendat in suis miraculis: iam summam præsentis
Euangelij uideamus. Christus adductum surdum &
mutum ad se sanat: quo facto significatur, quod
Christus uenerit in mundum, ad iuuandos eos, qui
ad se ueniunt, iuxta illud: Omnis qui inuocauerit
nomen Domini, saluus erit. Loci tres:

- I. Exemplum illorum, qui hunc surdum & mu-
tum ad Christum portant.
- II. Factum & miraculum Christi.
- III. Fructus huius miraculi ad spectatores.

DE PRIMO.

Exiens iterum de finibus Tyri & c. Ante-
quam ueniamus ad primam doctrinam, obseruanda
est præsentis miraculi occasio, quæ fuit profectio
Christi & locus profectionis.

Profectio ipsa indicat, quam sedulus Dominus
in sua

in suo officio, & quam auide sitierit salutem nostram. Locus ostendit, quod etiam gentes uelit suorum beneficiorum fieri participes. Venit enim querere quod perierat.

Iam primam doctrinam uideamus. Adducunt ei surdum & mutum; & deprecantur eum, ut imponat illi manus. Hic duo obseruanda sunt: Primum, quid faciant hi baiuli. Deinde quid petant. Quid faciunt? Apportant ad Christum surdum & mutum. His paucis uerbis Christiana uita describitur: quam descriptionem recte intelligere nostra interest, ut possimus illorum exemplum dextre imitari. Primum enim Christum agnoscunt Messiam: Deinde fidem in ipsum habent: utrumque declarant hoc facto. Nemo enim Christum accedit ut saluatorem, & eum inuocat, nisi qui in ipsum credit. Ut enim nemo credit, nisi qui audit: ita nemo inuocat, nisi qui credit, Rom. 10. Hac ratione fides concepta ex uerbo uite, est Christianorum salus.

Est ne ociosa nec fides? Non. Hic eius triplex fructus indicatur. Primus est confessio: nam hic suo facto & uoce confitentur Christum. Quemadmodum enim corde creditur ad iusticiam: ita ore fit confessio ad salutem. Secundus est inuocatio Christi. Sunt enim fides & inuocatio ita connexae ut citius calorem ab igne separes, quam eas à se inuicem diuellas. Tertius fructus fidei est dilectio fraterna, quam hi baiuli corde, opere, & ore declarant, hunc afflictum & miserum Christo apportantes.

Vides

Vides iam quales fuerint hi baiuli? uides ne totam uitam Christianam in illorum facto, tanquam in tabella depictam? Sed quare hoc factum & scriptum est? ut ego & tu habeamus exemplum pietatis erga Deum & caritatis erga proximum. Hæc est forma ueræ Christianæ uitæ. In Christum itaque cum his nos credere oportet: Christum cum his consilieri necesse est: eundem cum his inuocare fides postulat: proximum præterea horum exemplo corde, ore & opere, diligere & iuuare decet. Quodnam, quæso, maius dilectionis opus, quam hominem captiuum sub Diaboli potestate, afflictum & miserum & coram hominibus spretum extremèq; contemptum, adducere ad Christum, & tantam curam pro aliena salute suscipere.

Hic discant diuites, pauperes, nobiles, ignobiles, ciues & rustici quid illos deceat, modo non frustra Christianum titulum iactare uelint. Vnusquisque pro ratione suæ functionis conetur quam plurimos Christo adducere, eum inuocare, & sollicitudinem piam suscipere pro aliorum salute.

Hic oritur quæstio. Hic surdus fidem non habuit: non enim potuit uerbum audire, unde fides concipitur: sanatur tamen à Christo ob alienam fidem: uidetur ergo quod homo aliena fide saluari possit? Respondeo, Christus aperit linguam muti, & inuocatus dat infirmo fidem, quam nactus infirmus sua propria, non aliena fide saluatur. Deinde discernendum est inter corporalia beneficia & salutem

q eternam

eternam. Corporalia beneficia pij possunt etiam impijs à Deo impetrare: salutem, autem non possunt ipsis impetrare, nisi ipsi quoque prius fidem ex uerbo Dei conceperint. Nisi enim pij impetrare possent impijs beneficia corporalia, non posset stare mundus in hoc tantorum scelerum & scandalorum diluuiio.

Hæc dicta sint de facto horum baiulorum & eius utili imitatione: iam quid à Christo petierint uideamus. Deprecabantur eum (inquit textus) ut imponat illi manum: nam per impositionem manuum obseruârunt Christum antea multis contulisse sanitatem. Verum ut istum ritum nos intelligamus, quatuor de impositione manuum sunt obseruanda.

- I. Quam antiqua sit hæc consuetudo impositionis manuum.
- II. Quorum fuerit alijs manum imponere.
- III. Ad quid & in quem finem manus impositæ sint.
- IIII. Quæ sit manus ratio symbolica.

Quantum ad antiquitatem ritus imponendi manus attinet, scriptura ostendit, quod à Patribus sit hæc cōsuetudo accepta. Legimus enim Gen. 48. quod Patriarcha Iacob manus imposuerit filijs Ioseph, Manasseh & Ephraim. Quæ consuetudo postea lege Iudeis commendata est: & peruenit hic ritus usque ad tempora Christi, qui & ipso usus est, & uisum illius ad Apostolos suos transmisit. Quod autem manuum impositione coniuncta fuerit oratio, patet

tet ex 19. cap. Matth. ubi scribitur, quod oblatis sint
pueri Christo, ut manus eis imponeret & oraret.

Habemus quam sit antiqua consuetudo manuum
impositio: iam quorum fuerit alijs imponere manus
uideamus: id quod ex facto Iacob & aliorum colligi-
gitur. Mos enim fuit, ut maiores minoribus, paren-
tes liberis, sacerdotes populo manus imponerent.
Fuit enim solennis ceremonia, quæ penes illos erat,
qui præminebant autoritate.

Sed quem in finem iste ritus institutus erat?
quintuplex finis est scriptura colligi potest. 1. Quod
benedicendi seu orandi causa factum sit, ut Matth.
19. & Marci 7. ostenditur. 2. Offerendi causa: so-
lebant enim Sacerdotes manus imponere capitibus
uictimarum. 3. Sanandi gratia, sicuti Christus sæpe
suas manus imposuit sanaturus, qui sibi offereban-
tur. 4. Ut precando conferretur Spiritus sanctus,
ut in Actis Apostolicis legimus. 5. In consecratione
ministrorum uerbi manus imponebantur ijs, qui or-
dinabantur ad ministerium.

Iam de symbolo manuum nonnihil adijciamus.
Qui benedixerunt impositis manibus, fungebantur
uice DEI: manus significabant auxilium &
fauorem DEI: impositio manuum significabat
eum, cui imponebantur manus, esse sub fauore &
protectione Dei, & benedici à Deo. In benedictioni-
bus optabatur auxilium & fauor Dei: in sacrificiis
hostiæ dicabantur Deo: in sanationibus manus
DEI se exeruit, dum sanitati restituit sua poten-

tia egrotos : similiter in donationibus S. sancti, manus significabant presentiam Dei : in consecrationibus sacerdotum, hæc erat significatio impositionis manuum, quod qui ordinabantur, dicarentur Deo tanquam hostiæ, probarentur Deo & ordinarentur ad opus diuinum. Hæc sint dicta de primo loco, nempe de facto horum baiulorum, & impositione manuum : nos autem obseruemus breuiter, quid confirmet hic locus, quid confutet, & cuius nos moneat. Confirmat quod filij Dei spiritu Dei dicantur, & exerceant se pietate & caritate. Confutat eos, qui fidem inanem iactant sine uera pietate erga Deum, & caritate erga proximum. Monet nos, ut præstemus opera fidei interna & externa, modo uelimus inter filios Dei censerari.

DE SECVNDO.

Secunda doctrina, quam proposui, est de facto & miraculo Christi. Vt autem hoc factum intelligamus, quedam sunt de miraculis Christi obseruanda. Prophetæ, Christus & Apostoli ediderunt miracula, ut doctrinam, quam docuerunt, confirmarent à Deo esse, & ut homines conuicti miraculis de ueritate Dei, crederent & credentes saluarentur. Hos præcipuos fines fuisse miraculorum ostendit Iohannes Euangelista cap. 2. ubi ita ait : Hoc principium signorum fecit Iesus in Cana Galilææ, & manifestauit gloriam suam, & crediderunt in eum discipuli. Hic duo signantur fines : gloria Christi, & fides Apostolorum. Gloria autem Christi potentiam diuinam

diuinam, affectum erga genus humanum, & officium doctrinaeque ipsius certitudinem complectitur. Verum discernendum est inter Prophetas, Apostolosque & Christum. Prophetæ & Apostoli non sua uirtute ediderunt miracula, sed diuina Christi uirtute, cuius spiritus per os eorum loquebatur. Christus uero sua propria potentia edidit miracula. Quare ut Prophetæ & Apostoli suis miraculis declararunt se fuisse Christi seruos: ita Christus suis miraculis se Dominum & Deum ipsorum ostendit. Verum si quæris, cur hodie non etiam edantur miracula à ministris uerbi: scies quod miracula, postquam confirmarunt gloriam Christi, & ueritatem Dei, defuncta sint suo munere, quare non amplius sunt expectanda miracula, sed contenti esse debemus doctrina Prophetica & Apostolica, quam Deus olim multis confirmauit miraculis. Hæc sint de miraculis dicta in genere: Nunc ad hodiernum miraculum descendamus, in quo sunt multæ circumstantiæ obseruandæ, quarum singulæ singularem doctrinam & admonitionem continent.

PRIMA: Christus apprehendit eum de turba seorsim. Sed quare hoc fecit? propter duo: scilicet tempus & significationem. Propter tempus quidem, quia nondum uoluit suum regnum propagari toti mundo. Nondum enim peregerat hostiam: nondum fregerat interstitium, quod erat inter Iudæos & gentes: quod postea factum est, quando arripuit discipulos hoc mandato: *Ite in mundum uniuersum,*

uersum, prædicate Euangelium omnibus gentibus. Propter significationem uero, quia qui Christum desiderat medicum, debet à turba malignantium discendere. Nulla enim est consensio Christi cum Belial.

SECUNDA: Misit digitos suos in aures eius. Hoc sane non frustra factum est. Nam & eo signo declarauit precium carnis suæ, quam assumpsit, ut eius uictima humanum genus restitueretur pristinae sanitati, quam per peccatum amiserat, & significat suum uerbum nec audiri nec intelligi posse, nisi aures digito Christi aperiantur, id est, nisi Spiritus sanctus cordis nostri aures aperiat.

TERTIA: Et expuens tetigit linguam eius. Hoc symbolo significat & loquendi facultatem à se esse, & quod per media uelit in Ecclesia esse efficax.

QUARTA: Suspexit in cœlum. Hoc gestu significat suum animum ad patrem cœlestem eleuatum esse, quem precatus est non solum pro hoc: sed pro omnibus afflictis. Oratio enim nō est tam oris sonus, quam cordis supplex eleuatio ad Deum: quæ cordis eleuatio symbolo oculorum suspicientium in cœlum significatur. Vnde Dauid: Ad te Domine leuaui oculos meos, qui habitas in cœlis. Cuius & nos monemur cum dicimus: Pater noster qui es in cœlis.

QUINTA: Ingemuit. Magnum certe necesse est esse, propter quod tantus heros ingemiscat. Non ergo solum in hunc mutum, quem unico nutu liberare à suo malo poterat, respexit: sed in-

tuetur

tuetur in hac quinq; 1. peccatum, quod causa est omnium calamitatum in humano genere. 2. in tyrannidem Diaboli, qui ita oppresserat genus humanum: cum qua tyrannide se bellum initurum nouit. 3. in legis maledictionem, quam in se receperat, quod nos absoluamur à reatu. 4. in amarissimam suam mortem, quam erat perpeffurus pro toto humano genere 5. in maximæ partis mundi ingratitude, præuidebat enim quod multi suum beneficium essent contemnturi prorsus multi ignauia sua essent neglecturi: adeo ut minima pars mundi sua beneficia in salutem amplecterentur.

SEXTA: alloquitur hunc mutum & dicit: Ephata, hoc est, tu aperire. Non frustra hic Marcus Hebraica uoce usus est. Hac enim uoce primum indicat Christus, quæ sit sua diuina potentia, qui uerbo & imperat, & facit quæ uult: unde fides nostra non solum de diuinitate Christi confirmatur: uerumetiam omnes eos in tuto esse intelligit, qui sub eius imperio sunt, & se eius fidei committunt. 2. hac uoce indicatur, quanta sit uerbi Dei efficacia, præsertim ubi uera fide apprehenditur. 3. quod nemo saluari possit sine Christi uerbo, quo imperat nobis, quæ decent à nobis fieri. 4. hoc mandato APERIRE significat, quod uoluntas hominis requiratur in salutis negotio, non quod uoluntas non reformata manu DEI possit, aut uelit: sed ne, cum mouetur & formatur à Spiritu sancto, Spiritui sancto repugnet. 5. quod opus salutis sit totum

q 4 tum

tum Christi, non hominis, quemadmodum Hebraicum uocabulum indicat.

SEPTIMA: Et statim apertæ sunt aures eius, & solutum est vinculum linguæ eius, & loquebatur recte. Hoc ipsum miraculum est & beneficium Christi erga hunc afflictum hominem. Quo miraculo indicatur, quod ad iussu Christi & ad prædicationem uerbi ipsius soluamur à catenis Diaboli, ne amplius illis constricti teneamur. Hoc miraculum, ut summam repetam, confirmat quod Christus & possit & uelit iuuare omnes afflictos, qui ad se afferuntur, & suam opem implorant, Destruit eorum errorem, qui Christum tanquam seuerum iudicem fugientes sanctos inuocant. Monet præterea nos, ut in calamitatibus constituti ad Christum solum fide & inuocatione fugiamus.

DE TERTIO.

Et præcepit illis ne cui dicerent: Quanto autem magis eis præcipiebat, eo magis prædicabant & admirabantur. Christus prohibet ne patefacerent hoc factum, huius mandato obtemperasse oportuit: Quare bonum, quod secutum est, non illorum inobedientiæ, sed Christi bonitati adscribendum est. Voluit enim hoc factum latere usq; ad suam resurrectionem.

Sed quis fructus manauit ex hoc Christi miraculo? Primum spectatores conceperunt fidem in Christum. Deinde prædicabant hoc factum & Deum glorificabant: quæ Dei glorificatio ultimus finis

I. POST

TRINITATIS.

617

nis est omnium operum Christi. Sed quid est Deum
predicare? Dei predicatio oritur ex noticia Dei,
que in his sita est: ut recte iudices de diuina sub-
stantia & diuinis personis, ut statuas eum fontem
omnium bonorum: ut ad eum per Christum confu-
gas in omni necessitate: ut palam tuam fidem cum
his confitearis: ut tuo exemplo praluceas alijs, quo
multi tuo exemplo moti ad Christum confugiant, cui
cum Patre & Spiritu sancto sit honor in secula,
Amen.

DOMINICA XIII.

TRINITATIS, Lucæ 10.



9 5 Con-

4
10 1

Conuersus Iesus ad discipulos seorsim, dixit: Beati oculi, qui vident, quæ vos videris. Dico enim vobis, quod multi Prophetæ & reges voluerunt videre, quæ vos videris, & non viderunt, & audire, quæ vos auditis, & non audierunt. Et ecce quidam legisperitus surrexit, tentans illum dicens: Magister, quid faciendo vitam æternam possidebo? At ille dixit ad eum: In lege quid scriptum est? Quomodo legis? ille respondens dixit: Diliges dominum Deum tuum ex toto corde tuo, & ex tota anima tua, & ex totis viribus tuis, & ex tota mente tua: & proximum tuum sicut te ipsum. Dixitque illi: Recte respondisti, Hoc fac & viues. Ille autem volens iustificare seipsum, dixit ad Iesum: Et quis est meus proximus? Respondens autem Iesus dixit: Homo quidam descendebat ab Hierosolymis in Hericho, & incidit in latrones, qui etiam despoliauerunt eum vestibus, ac vulneribus inflicis, abierunt semimortuo relicto. Accidit autem ut sacerdos quidam descenderet eadem via, visusque illo, præterijt. Similiter & Leuita, cum iret iuxta locum, cum accessisset ac vidisset eum, præterijt. Samaritanus autem quidam iter faciens, venit ad eum, & viso eo, misericordia motus est, & accedens obligauit vulnera eius, infundens oleum ac vinum, & imponens

ponens illum in suum iumentum, duxit in diuersorium, & curam eius egit. Et postero die egrediens, depromptos duos denarios dedit hospiti, & ait ei: Curam illius habe, & quodcunque præterea infumseris, ego cum rediero, reddam tibi. Quis ergo horum trium videtur tibi proximus fuisse illi, qui incidit in latrones? At ille dixit: Qui exercuit misericordiam in illum. Ait igitur illi Iesus: vade, & tu fac similiter.

ENARRATIO TEXTVS.

Dve sunt partes huius Euangelij: in quarum priori agit Christus cum suis discipulis de vera beatitudine, docetque in qua re ea consistit, nimirum in sui cognitione: in posteriori disputatur de recta via uitæ æternæ, de lege Dei, de dilectione Dei & proximi: ubi paradiamate proposito docet, quis sit proximus habendus.

Loci quatuor:

Que sit vera beatitudo.

Questio Legisperiti de consequenda uita æterna, cum Christi responsione.

Summa capita legis diuinæ.

De parabola, qua docetur, quis sit nobis proximus.

DE PRIMO.

Iesus conuersus ad discipulos seorsim dixit: Beati oculi qui vident quæ vos videtis: Dico enim vobis quod multi &c. Hic docet Christus

Christus quæ nam sit uera beatitudo, & quodnam sit uerum & solidum gaudium hominis in hac uita, uidelicet uidere filium Dei. Si ergo soli illi sunt beati, qui filium Dei uident, sequitur nullos suis operibus & meritis beatitudinem consequi. Quare hæc Christi uisio merito expetenda est.

Verum sciendum, dupliciter filium Dei uideri, nempe in hac uita & futura. In hac uita uidetur tripliciter. 1. carnaliter tantum. 2. carnaliter & spiritualiter simul. 3. spiritualiter tantum.

Carnaliter tantum uidit maxima pars Iudaica gentis, quæ tamen damnata est: proinde carnalis Christi uisio non est per se salutaris: imo cedit potius in maiorem damnationem. Herodes uidit Christum, Pilatus similiter, Iudas & Caiphas, & multi impij alij, quorum interitus docet non esse salutarem uisionem Christi externam, ubi non est uera fides in Christum.

Carnaliter & spiritualiter simul uisus est Christus à Magis, Maria, Simeone, Zacharia, Zachæo, Apostolis, & multis alijs, quorum uisio fuit illis salutaris, quia non solum Christum externis oculis uiderunt, sed etiam lumine cordis: quod manifeste conspicitur in illa muliere, quæ Christi pedes lotos lacrimis suis abstersit capillis, quæ à Christo audit, peccata sua esse remissa, propter fidem quam in ipsum habuit. De hac uisione præcipue loquitur hic Dominus, cum ait: Multi Prophetæ & Reges cupierunt uidere quæ uos uidetis, & non uiderunt.

spiritualiter

Spiritualiter tantum uidet Christum, omnis qui credit in eum: Ita enim Christus ipse interpretatur, cum dicit: Sicut Moses exaltauit serpentem in deserto: Ita oportet exaltari filium hominis, ut omnis qui credit in eum non pereat, sed habeat uitam eternam. Sic uidit Christum Abel in suo sacrificio: sic Abraham, de quo testatur Christus, dicens: Abraham uidit diem meum & gauisus est. Sic hodie nos Christum uidemus, quotquot in ipsum credimus. Quod autem, qui ita Christum uident, sint beati, testatur hoc dictum Domini ad Thomam: Beati qui non uiderunt & crediderunt. Nam in Euangelio ipsum uidemus, ubi facie ad faciem nobis appareret, ut in imaginem eius transformemur.

Hactenus de primo genere uisionis & eius partibus, quo Christus in hoc mundo uidetur? Altera uisio sequitur, quæ est in futura gloria, ubi illum perfectissime uidebimus, & perpetua leticia afficiemur, fruantes ipsius dulcissimo conspectu.

Sed qua de causa pronunciat beatos qui Christum uident? Primum, quia Christus est uerbum uitæ, sine quo nulla est salus expectanda. Hoc enim uitæ uerbum ab æterna morte liberat credentes. Nam ut qui Christum non uidet & potissimum oculis fidei, in carcere & sub manu Diaboli manet: ita qui Christum uidet, uictor est mundi, atq; omnium malorum, iuxta illud Iohannis: Hæc est uictoria, quæ mundum uincit, fides uestra. An non uidemus multos pios male in hac uita habere & rapi ad grauissimam

uissima supplicia? Respondeo: Sunt beati propter euentum. Est enim futura latissima liberatio ab omnibus malis, quibus pij obruuntur in hac uita. Ideo Christus dicit in Matthæo: Beati qui lugent, quoniam consolationem accipient.

DE SECVNDO.

Quidam legis interpretes surrexit, tentans eum & dicens: Magister, quid faciendo, uitam æternam possidebo? Ille respondit: Diliges Dominum Deum tuum &c. Et ut in Matthæo habetur: Si uis ad uitam ingredi serua mandata. Ut hoc Christi responsum recte intelligamus, obseruandum est, esse duo genera hominum, cum quibus Christus agit. Quidam enim sunt hypocritæ: quidam agunt seriam potentiam. Hypocritæ superbi & tumidi opinione propriæ iusticiæ, putant se non opus habere Christo: atque ideo eum persequuntur: nunc tentando illum: nunc calumniando ipsius doctrinam: nunc persequendo ipsum. Hi cum querunt uiam salutis, monstrat eis legem, & dicit: Si uis ad uitam ingredi serua mandata. Qui uero poenitentiam agunt, & querunt à Christo salutis uiam, non mittuntur à Christo ad Legem & Moysen, sed ad se eos recipit, & iubet eos in se credere. Quod cum faciunt, donat eis suam iusticiam, ne maledictioni legis sint obnoxij. Hoc exemplis illustrabimus. Phariseus de quo nuper audiuius, iustus sibi uisus est, sed iniustus à Christo est pronuntiatus, eo quod legis iusticiam, quam iustitia

Titavit, non habuit. Contra, Publicanus qui peccata sua secum in templum attulit, quæ illic deflet, & confugit ad misericordiam, iustus descendit in suam domum. Si iustus, uitæ quoq; æternæ hæres erat. Apud Matthæum interrogat Legisperitus Christum & dicit: Quid faciam ut possideam uitam æternam? Respondit Christus. Si uis ad uitam ingredi serua mandata. Contra miser Latro peccator in cruce agit pœnitentiam, & ex fide inuocat Christum, cui Christus dicit: Hodie eris mecum in Paradiso, id est, in uita æterna. In hoc Euangelio accedit etiam Legis interpres, tentaturus Dominum & ait: Quid faciendo uitam æternam possidebo? Cui Dominus respondit: Diliges Dominum Deum tuum, & proximum sicut teipsum. Quod perinde est, ac si dixisset: Si uis ad uitam ingredi, serua mandata. At mulieri peccatrici Lucæ 7. ait: Fides tua te saluam fecit. Atq; ita Christus cum duobus generibus hominum agit, pro quorum uarietate monstrat rectam in cœlum uiam.

Quare uiam per legem monstrat, cum nemo inquam per illam uiam possit in cœlum uenire? Quia est uia rectissima in cœlum, iuxta illud: Qui egerit ea homo, uiuet in eis. Hanc ergo monstrat Christus suis contemtoribus. Quicumq; enim Christum contemserit, aut peribit æternum, aut Legi uisfaciet, quod est illi impossibile. Deinde est alia uia in cœlum, quæ tantum patet ijs, qui in Christum, ut est uia in cœlum, credunt.

Diliges Dominum Deum tuum ex toto corde tuo, & ex tota anima tua, & ex totis viribus tuis, ex tota cogitatione tua: & proximum tuum sicut te ipsum. Hæc est summa Legis diuinæ & epitome Decalogi. In utroq; horum præceptorum quatuor sunt spectanda. 1. Affectus, qui ab homine requiritur erga Deum & proximum. 2. Obiectum, nempe Deus & proximus. 3. Causæ obedientiæ seu dilectionis Dei & proximi. 4. Modus dilectionis.

Affectus, quem requirit Lex, est dilectio, quæ placere non potest, nisi sit sincera & careat omni hypocrisi. Nihil enim potest placere Deo quod est fucatum: quia ipse est absq; omni fucō, sanctus, purus & sincerus.

Obiecta, hoc est, res circa quas uersari debet affectus dilectionis, sunt Deus & proximus.

Causæ dilectionis Dei & proximi proponuntur in præcepto. Deus enim diligendus est, quia est Deus & Dominus noster: proximus uero, quia est proximus noster.

Modus dilectionis etiam exprimitur: Deus enim ex toto corde, ex tota anima, ex tota cogitatione est diligendus: proximus est diligendus, ut teipsum diligis. Verum, quæ breuiter notauimus, fusius sunt explicanda.

Dilectio seu caritas in genere est intimus affectus, rem quampiam amanter & beneuole complectendi.

Atendi, adeo ut animus eius studio ardeat, cupiatq;
ei quam optime. Hæc caritas duplex est. Vna Dei
erga creaturam. Altera creature erga Deum, &
alias res. Dei erga creaturam caritas rursus est du-
plex. Vna uniuersalis, qua complectitur omnem
suam creaturam, eam sustentat & continet, ut suum
statum tueatur: hæc caritas dicitur etiam uniuersa-
lis misericordia. Altera est peculiaris, qua Deus
ex intimo cordis affectu Ecclesiam suam: caram ha-
bet in Filio: hac motus filium dedit, iuxta illud: Sic
Deus dilexit mundum, ut Filium suum unigeni-
tum daret: hac motus Spiritum sanctum donat: hac
motus conseruat Ecclesiam: breuiter, hæc caritas
facit, ut se totum suæ Ecclesiæ donet. Huius dilecti-
onis Dei cogitatio consolabitur nos contra senten-
tiam Legis, contra acerbitem crucis, contra ten-
tationes in mortis articulo. Hæc etiam dilectio Dei
facit, ut Deus castiget suos filios & rursus afflictos
sanet.

De caritate Dei erga creaturam dixi: iam se-
quitur de caritate creature erga Deum & homi-
nes, atq; res alias. Hæc caritas est affectus intimus,
quo Deus diligendus est ab homine, & secundum
Deum proximus, perinde ut nos ipsi. Est itaq; &
hæc creature caritas duplex. Vna qua Deum pro-
sequimur: altera qua creaturam. Ea autem caritas
qua creaturas complecti nos decet, plures habet
gradus: quorum primus est, quo fratres necessitu-
dine spiritus Christi nobis coniunctos diligimus.

r

Secunda

Secundus, quo eos, qui aliqua necessitudine carnali nobis deuincti sunt, prosequimur. Tertius, quo reliquos ignotos amamus. Quartus, quo inimicis bene facere laboramus. Quintus, quo reliquas creaturas singulas pro suæ dignitatis statu complectimur.

Quæ causæ sunt dilectionis Dei, seu cur Deum diligimus? Etsi satis ex præcepto cognosci potest, tamen altius causas repetam & distinguam. Dilectio itaq; hominis erga Deum. 1. accenditur ex memoria beneficiorum Dei erga nos, & ex cogitatione immensæ dilectionis ipsius, qua nos prosequitur. 2. augeri debet ex uiuo sensu fauoris Dei erga nos, quem omni momento experimur. 3. in prius inflammari debet ex spe & fiducia promissorum bonorum. Hæ causæ sunt in uerbis his: Dilige Dominum Deum tuum. Est Dominus, id est, defensor: Deus, gubernator & saluator: Tuus, ut omnia bona ab eo expectes.

Habemus utrunq; qualis res sit dilectio DEI, qua homo Deum diligere debet. Deinde, & causas uidimus: sed modus dilectionis quis est? is in textu expressus est his uerbis: ex toto corde tuo, ex tota anima, ex totis viribus, ex tota cogitatione. Hæc uox T O T O tria significat, quæ coniuncta esse debent caritati hominis erga Deum. Primum, quod caritas hominum erga Deum debeat esse perfecta: Deinde pura: tum perpetua. Ex toto ergo corde Deum diligere dicuntur, qui perfecte, pure, & perpetuo ardent dilectione Dei

Dei: ita ut illum solum timeant, in illum solum confidant, in solum spem collocent. Ex tota anima dicuntur diligere Deum homines, cum ipsorum voluntas eius voluntati diuinæ, perfecte, pure, & perpetuo in omnibus respondet: id quod precamur fieri, cum dicimus: Fiat voluntas tua. Ex totis viribus diligitur, cum omnia membra interiora & exteriora perfecte, pure, & perpetuo se ad obsequendum Deo conuertunt. Ex tota cogitatione diligitur, cum nullum interuallum sentitur, quo non diligitur Deus pure, perfecte & sancte. Hic modus est, solidæ dilectionis Dei, quæ in nullo mortalium unquam fuit post lapsum, nisi in solo Christo: licet quædam eius tenuia principia sunt in renatis, Cuius signa sunt quatuor.

PRIMUM, obedientiam erga Deum omnibus rebus mundi anteferre, iuxta illud: Qui diligit me, præcepta mea seruabit, & Pater meus diliget eum.

SECUNDUM, reuerenter in timore Dei sacra mysteria tractare.

TERTIUM, exemplo alios ad diligendum Deum inuitare.

QUARTUM, ipsum proximum propter Deum diligere. Vbi hæc quatuor concurrunt, illustra habes signa incoactæ caritatis erga Deum: quæ indies in renatis noua incrementa sumere debent.

Dixi de primo capite Legis, nempe de dilectione erga Deum: nunc de secundo dicam, uidelicet de dilectione proximorum. De qua hæc tria obseruentur: Cause dilectionis, modus, & ordo. Cause duæ sunt præcipuæ: Vna mandatum Dei: Altera natura, quia homo homini proximus est. Mandatum Dei est, ut diligamus alter alterum. Christus præcipit: Diligite uos inuicem. Huic mandato non obedire grauissimum scelus est. Altera causa est natura, uidelicet quod homo homini sit proximus, idq; multis modis: Ratione creationis: ratione similitudinis: ratione regenerationis: ratione communis uitæ: & ratione futuræ gloriæ, de quibus coniunctionis gradibus nuper dictum est.

Quomodo est diligendus proximus? Respondet Dominus: Dilige proximum tuum ut teipsum. Quomodo autem quisq; seipsum diligat, à se ipso discat.

Ordo dilectionis ante indicatus est, ut maxime diligentur, qui nobis spiritu Christi coniuncti sunt. Deinde secundo loco, qui nos aliqua necessitudine carnali attingunt. Tertio, inimici etiam diligendi sunt, quemadmodum Christus docet Matth. 5. & Christus hic paradi-gmate proposito explicat: Hæc sint dicta de legis duobus capitibus, quibus neminem plenam præstare obedientiam posse manifestum est: & nuper quatuor rationibus ostendi.

Neq; tamen ideo frustra hæc lex est proposita. Primum enim hic docemur, qualis fuerit integer homi-

hominis status ante lapsum. Tum enim homo potuit huic legi satisfacere. Deinde hic intelligimus quanta sit deprauatio naturæ, cum uidemus quam procul absimus à perfecta legis obedientia. Tum monemur, ut cognita imbecillitate & immunditia nostra confugiamus ad Christum, qui est perfectio legis in iusticiam omni credenti. Ad hæc, erudimur quis sit finis legis, & quæ sint summa capita religioſe uitæ, in qua nos exercebimus. Postremo hinc admonemur, ut cogitemus, qualis sit futura obedientia sanctorum Angelorum & hominum in uita æterna.

DE QVARTO.

Ille autem volens iustificare seipsum, dixit ad Iesum: & quis est meus proximus? Cum hic Legis interpretes aliud responsum accepisset quam expectauit, ne confusus uideretur tacere, opinione iusticiæ legis tumens quærit, quisnam sit suus proximus: cui longe aliud responsum dat Christus, quam expectauit: & ut eliceat confessionem ab ipso Legisperito, proponit longam parabolam, & ait: Homo quidam descendebat à Ierusalem in Iericho &c. Sed cum omnis homo alteri sit proximus, cur non simpliciter respondit: Homines omnes sibi inuicem sunt proximi? Hæc responsio uisa fuisset & faciliior & breuior: hoc fecit Dominus, ut corrigeret malam Phariseorum & Legisperitorum interpretationem. Hi enim interpretabantur legem hoc pacto: Dilige amicum tuum, & odi inimicum tuum.

r 3 um.

um. Horum ergo iudicio, qui amici erant, sibi etiam proximi iudicabantur: quem errorem Christus Matth. 5. refutat, & docet inimicos etiam diligendos esse. Quia igitur de amicis conuenit inter Christum & Legisperitum, nam uterque confitebatur amicos diligendos esse: Christus conatur efficere, ut Phariseus inimicos in numero proximorum confiteatur. Omnes enim homines aut amici, aut inimici nobis sunt. Amicos pro proximis habere fatetur Phariseus. Verum quia de inimicis est questio, Christus proponit parabolam hanc de Iudeo & Samaritano, hoc est, de duobus, qui acerrimi hostes ex professione fuerunt. Iudeus enim extreme odit Samaritanum, & tanquam canem habebat: nec Samaritanus hoc ignorare potuit. Sed quid fit? Iudeus incidit in latrones, spoliatur, uulneratur, relinquitur semiuiuus: Venit hic Samaritanus post Iudeos, qui uulneratum praterierunt, & non moti sunt eius calamitate, & fert misero opem: præstat ei caritatis officia, imponit eum in iumentum suum, portat in diuersorium, habet eius curam: transigit cum hospite, ut illum amanter & bene foueat: promittit se soluturum, si quid ultra in eius curationem exposuerit. Quis horum, inquit Christus, videtur tibi fuisse proximus illi: Leuita ne qui præterierat? an Sacerdos, aut hic Samaritanus? Respondit Phariseus: Qui fecit misericordiam in illum. Et ait illi Iesus: Vade & tu fac similiter. Fatetur

Pharise

TR
Phariseus Samaritanum
quia, ideoque
hæc res
proximus. V
pharisei, iubet illu
phariseo ostendit, E
pharisei legis. Quan
pharisei possumus
pharisei & Spiritu
pharisei seculoru
DOMIN
TRINIT

Adum est, d

Phariseus Samaritanum prestitisse saucio carita-
tis officia, ideoq; proximum eius recte dici. Vnde
conficitur hæc responsio, quod omnis homo sit ho-
mini proximus. Verum ut deprimat supercilium
Pharisei, iubet illum ire & imitari Samaritanum:
quo dicto ostendit, Phariseum procul abesse à per-
fectione legis. Quare nos Samaritanum imitemur
quantum possumus per Christi gratiam, cui cum
Patre suo & Spiritu sancto sit honor, laus, & gla-
ria in secula seculorum, Amen.

DOMINICA XIII.

TRINITATIS, Lucæ 17.



Factum est, dum iret IESVS Hierosoly-
r 4 mam

nam, transibat per mediam Samariam & Galilæam. Et cum ingrederetur quendam vicum, occurrerunt ei decem viri leprosi, qui steterunt procul intentaque voce dixerunt: Iesu præceptor, miserere nostri. Quos ut vidit, dixit illis: Ite ostendite vos sacerdotibus. Et factum est, ut inter eundum mundati sint. Vnus autem ex illis, ut vidit quod mundatus esset, regressus est, cum magna voce glorificans Deum. Et procidit in faciem ad pedes eius, gratias agens ei. Et hic erat Samaritanus. Respondens autem Iesus dixit: Non ne decem mundati sunt? Nouem autem illi ubique Non sunt reperti qui redierint, ut darent gloriam Deo, nisi hic alienigena. Et ait illi: Surge vade, fides tua te seruauit.

ENARRATIO TEXTVS.

Summa huius Euangelij est, quod Christus sit Suerus Messias, Deus & homo, qui sola sua potenti uoluntate potest iuuare quos uult, uult autem iuuare omnes, qui ad se confugiunt, quemadmodum horum decem leproforum exemplum ostendit. Hos enim non contemnit, ut multi alij: sed suum paternum erga eos animum declarat, dum inuocantes sanat & liberat à morbo cum foedissimo, tum contagiosissimo. Neque aliter affectus est erga ullos, quam erga hos miseros, modo horum exemplo ipsius opem implorent. Discamus ergo & nos intuentes in hos leprosos, qualem habeamus Pontificem,

cem, nimirum non solum talem qui nostris afficiatur calamitatibus: uerum etiam eum, qui potenti sua uoluntate, quos suam sentit implorare opem, iuuari possit, & ab omni miseria uindicare. Quem admodum enim discedentes hos, imo iam absentes purgat: ita etiam si coram non aspiciatur, iuuare potest: Quare accedamus ad eum firma fiducia in omnibus necessitatibus nostris, certi, quod simus auxilium inuenturi in tempore oportuno: Hæc breuiter sint dicta de summa & usu huius Euangelij.

Loci tres:

- I. De his decem Leprosis.
- II. Cur eos mittat Dominus ad Sacerdotes.
- III. De gratitudine huius Samaritani, & ingratitudine nouem reliquorum.

DE PRIMO.

In prima huius Euangelij doctrina, quam de leprosis proposui, hæc ordine dicam: quam contemti fuerint leprosi in populo Israelitico: quid horum factum nos doceat: quomodo multi spirituali lepra infecti opus habeant medico Christo: & quid ex Christi facto de ipsius affectu erga nos colligamus.

Leprosi apud Iudeos immundi habebantur, & indigni qui inter Israelitas uersarentur, idque propter foedissimum & contagiosissimum morbum, quo contaminati erant: & circumferebant ex mandato legis diuinæ signa opprobrij & luctus, quibus admonebantur suæ impietatis & flagitiorum, propter quæ in talem miseriam incidissent. Numeran-

r s tur

tur autem in Leuitico quinque notæ, per quas ab alijs hominibus dignoscerentur, ne ipsorum contagione polluerentur. Vna fuit, uestis dissoluta. Altera detectum caput. Tertia, os uelatum. Quarta, habitatio ab hominum consuetudine separata. Quinta, publica proclamatio, qua immundi proclamabantur, ut qui indigni essent, qui inter Israelitas conuersarentur. Hic facile est cogitare, in quanto dolore fuerunt, & quam misera fuit illorum conditio: tamen in his malis positi confugiunt ad Christum. Vnde nos remedia contra triplicem tentationem colligamus, quarum prima prouenit ex cogitatione miserie & scditatis peccati nostri. Secunda, ex indispotione nostra, quod non sumus satis compositi ad compellendum tantum Herodæ, hoc est, Saluatorem nostrum Iesum Christum. Tertia manat ex cogitatione meritorum, quæ nulla habere nos animaduertimus. Exemplo enim horum leprosorum non sinamus nos his rebus absterreri, quo minus ad unicum nostrum medicum & saluatorem confugiamus.

Iam uideamus quid hi decem Leprosi fecerint. Cum ingrederetur (inquit textus) Dominus in vicum quendam, occurrerunt ei decem viri leprosi, qui steterunt à longe, & leuauerunt vocem, dicentes Iesu præceptor, miserere nostri. Hic habemus exemplum in leprosis ueræ humiliationis, fidei, inuocationis & confessionis.

Quod stant à longe, humiliationis signum est: nam propter morbum suum, & morbi causam peccatum,

catum, se in animo prosternunt coram Deo, agnos-
cunt suam miseriam, peccati turpitudinem, iustissi-
mam legis sententiam damnatoriam aduersus se :
atq; ita uere humiliantur coram Deo : quæ humili-
atio primus est gradus ad gloriam, sicut superbia
primus gradus est ad ignominiam, quod & Domi-
nus ipse testatur, cum ait : Omnis qui se exaltat, hu-
miliabitur, qui autem se humiliat, exaltabitur. Ho-
rum ergo exemplum & nos imitemur, & nos pro-
sternamus in uera pœnitentia coram Deo : quod si
fecerimus, fiet nobis secundum Christi dictum : Qui
se humiliat, exaltabitur.

Quod accedunt Christum, fidei testimonium est,
quam ex auditu famæ ipsius habuerint : Audiue-
runt enim absque omni dubio hanc dulcissimam uo-
cem Christi, qua tam paterne omnes ad se inuitat,
& omnibus suam gratiam offert : Venite ad me o-
mnes, qui laboratis & onerati estis, & ego reficiam
uos, & inuenietis requiem animabus uestris. Hanc
uocem : Venite omnes qui laboratis, audiuerunt,
& conceperunt spem, ut se non excluderet, qui se
omnibus benigne offerret. Quare concepta fiducia,
erigunt se & Christum accedunt. Horum exem-
plo, quo paterna promissio confirmatur, & nos ex-
citemur ad bene sperandum de Christo in omnibus
nostris ærumnis.

Huius fidei fructus sequitur inuocatio. Ita enim
orant : Iesu præceptor miserere nostri. In hac sua
ardentissima oratione, Primum agnoscunt se nulla
habere

habere merita: sed potius horrenda peccata. Nam qui dicit MISERERE, nullum iactat meritum, nullam sentit dignitatem, imo potius confitetur suam indignitatem, & se agnoscit indignum beneficio. Deinde in hac oratione agnoscunt Christum uerum Messiam esse, uictorem mortis & omnium calamitatum: agnoscunt ipsum mitem & misericordem, qui afflictis non addit afflictionem, sed potius medetur afflictis & eos sanat. Hoc exemplum orandi & nos imitemur, & uere Christum talem cogitemus & inuocemus, qualem illum in hac sua oratione describunt.

Habemus etiam in his leprosis exemplum confessionis, quæ nunquam potest ab oratione auelli, & sane confessio Christi non carebat periculo eo tempore. Potentissimi enim & sapientissimi persequuntur Christum, & confessionem eius prohibuerunt, quemadmodum legimus Ioannis 6. Vbi Pharisei obiurgant cæcum, cui uisum restituerat Dominus, propterea quod Christum sit confessus. Verum nos imitemur exemplum horum leprosororum. Nam tametsi grauis uideatur afflictio, quæ propter confessionem subeunda est: tamen salus, ad quam tendit confessio, maior & certior est, quam ut ullis terriculamentis ab ea deficiamus.

Dixi de lepra corporali, & horum leprosororum laudabili facto: nunc breuiter lepram spiritualem describam, & eius remedia tradam. Lepra spiritualis est labes & contagio mentis, cordis & affe-

Etuum

Etuum hominis : ita ut nulla pars in homine sit pura & munda. Hæc lepra habet etiam notas suas, quarum prima est separatio à domesticis, Dei & cœtus sanctorum Angelorum & hominum. Secunda est caput detectum, hoc est, nuditas, à donis Spiritus sancti, plena opprobrio, de qua apud Ezechielem : Nuda eras & confusione plena. Tertia, est os uelatum, hoc est, fœdus halitus & spiritus pestifer pessimorum colloquiorum, quæ ex impuro proueniunt corde. Quarta, habitatio ab hominum consuetudine separata, qualis est diuitis Epulonis, qui habitat procul à beatorum domo. Quinta publica proclamatio, hoc est, legis maledictio, quæ publice proclamatur in omnes, qui non agunt pœnitentiam, hoc est, in spiritualiter leprosos.

Sed quid est remedij contra hanc lepram spirituales? nulla humana arte est curabilis. Vnicus est medicus, qui eam purgare potest, qui est Iesus Christus : ad quem si leprosus uenerit, & se coram illo humiliauerit, inuocans eum & petens sanationem, mox hic sapientissimus medicus, sanguine suo primum abluit sordes huius spiritualis lepræ : deinde suo spirituali oleo fouet affecta membra, donec plene sanantur. Hic igitur adeundus est fidei pedibus : huius pharmacum, quod uoce Euangelij offertur, cordis ore, id est, fide recipiendum est : & ab eo impetrandum est oleum illud efficax, quo uires amissæ reparantur : atq; cauendum ita, ut hoc salutari pharmaco uerbi Dei, & oleo salutari Spiritu

Spiritus sancti amissis, rursus in lepram incurramus: quod si fecerimus difficilior erit postea curatio. Nam postquam aliquis morbus nimis altas radices egit, maiori cum difficultate curatur.

DE SECVNDO.

Quos ut vidit, dixit eis: & Ite Ostendite vos sacerdotibus. Quos solo nutu abeuntes sanauit, hos ad sacerdotes mittit: qui tametsi improbi & auari erant, tamen ministerio fungebantur diuinitus instituto. Sed quare illos ad Sacerdotes mittit? multe & magnæ causæ fuerunt.

PRIMA, Ut ita probaret fidem illorum, an suo uerbo & promissioni crederent. Solet enim Deus uarijs modis suorum in fide constantiam explorare: non quidem in eorum damnum aut malum: sed ut fides explorata, & ueluti igni tentationum decocta fiat probatior. Ita Abrahami fides est explorata, dum iubetur ire mactatum unigenitum filium: sic explorata fides mulieris Syrophœnissæ, & multa sunt exempla, ut Iob, Ioseph, Dauid & aliorum omnium.

SECVNDA, ut hoc suo facto ministerium publicum diuinitus ordinatum approbet. Habebant enim Sacerdotes mandatum cognoscendi & iudicandi de lepra: qui bene purgatos reciperent in cœtum publicum, alijs exclusis. Nam si secus fecisset, uideretur Mosaicam legem uiolare, ad quam non soluendam, sed implendam præstandamq; uenerat.

TER

TERTIA, quia Lex & Sacerdotium fuerunt testimonium de Christo, quemadmodum ipse ait: Lex & Prophetae ferunt testimonium de me. Nam quod sacerdotibus iniunctum erat, ut iudicarent de lepra, accepta oblatione pro leprosi sanati purgatione, typus fuit uirtutis Christi, qui non solum de lepra iudicare, sed eam emundare potest: idq; proprii corporis uictima & preciso sanguine.

QUARTA, ut ex miraculo discerent sacerdotes uere aduenisse Messiam. Sic enim praedixit Esaias, quod Christus suam praesentiam declararet stupendis miraculis, inter quae etiam numeratur hoc, quod caecos illuminaret & leprosos purgaret. Sacerdotes igitur, uiso hoc miraculo diuino, debebant ex prophetia Esaiæ conclusisse, Iesum filium Mariae uerum fuisse Messiam olim Patribus promissum, praesertim cum omnes Prophetiae de aduentu Christi in hoc tempus collimarent.

QUINTA, ut sacerdotes hoc miraculo conuicti de Aduentu Christi ueri Messiae, mitterent suos auditores & populum ad Christum corporum & animorum medicum peritissimum: quod tamen non fecerunt, ne quid suo quaestui discederet. Habent multos aemulatores hoc tempore, praesertim in Papatu.

SEXTA, ut hi leprosi testimonio sacerdotum recepti, suam gratitudinem ostenderent erga Deum & ordinarium ministerium.

Ceterum praeter has ueras causas, propter
quas

quas misit Christus hos leprosos ad sacerdotes: Papistæ finxerunt aliam, nimirum, ut sacerdotibus confiteamur peccata nostra, enumeremus omnia peccata cum omnibus suis circumstantijs: quod sane impossibile est. Textum proinde hunc detorquent Papistæ in peregrinum sensum, & sua allegoria fabricant laqueos, quibus miserae conscientiae horribiliter constringuntur. Atq; ita ex consolantissimo Euangelio conscientiarum carnificinam faciunt: Quid? Non ergo priuata confessio est retinenda? Est sane: sed non propter hanc allegoriam: neque more Papistico, qui omnium peccatorum enumerationem tanquam iudices exigunt, & negant ullam fieri remissionem, si non fiat plena enumeratio peccatorum, quæ nemo, ut testatur Dauid, intelligit, tantum abest, ut ea quis enumerare possit.

Sed quæ sunt causæ, cur retinetur confessio auricularis in nostris Ecclesijs: Propter eius utilitates, quæ sunt maximæ.

PRIMA, ut in priuato isto colloquio instituantur rudes & ignari, qui opus habent instructione in Catechismo.

SECUNDA, ut in ea iuuenum et adolescentum exploretur profectus. Nam boni est pastoris non solum publice pietatis doctrinam tradere, uerum etiam eius officium requirit, ut Pauli exemplo domi experiatur, quousq; sui auditores in pietate profecerint. Nam in isto priuato colloquio segnes stimulis excitabit, eorum, qui multum profecerunt, diligens

diligentiam laudabit & ad similem perseverantiam excitabit.

TERTIA, in hoc priuato colloquio exigitur ratio fidei ab ijs, de quorum fide ac religione iuste potest haberi dubitatio.

QUARTA, in eo colloquio infirmæ conscientie doctrina, consilio & consolatione iuuantur, præsertim cum aliquo scrupulo conscientie perplexæ teneantur. Hi enim sibi recte consulunt, si ad suos pastores se recipiunt, ut erigantur ac consolationem capiant.

QUINTA, tametsi, qui uere in Christum credit, absolutus est à peccato: nam cum peccatum sit defectus à lege Dei & uoluntate, cum obligatione ad æternam mortem & damnationem, absolutus absq; dubio est omnis, qui credit promissioni gratuita, iuxta illud: Qui credit in filium, habet uitam æternam: ex quo sequitur, ueram absolutionem esse liberationem hominis credentis, ab obligatione ad æternam mortem & damnationem: tamen prodest etiam omnibus priuatim audire Euangelium, quo annuntiatur ministri ore remissio peccatorum credentibus & hæreditas regni cœlorum. Nam tum demum aperitur regnum cœlorum, quando Euangelium prædicatum fide recipitur.

DE TERTIO.

Vnus autem ex illis videns quod mundatus esset, regressus est cum magna voce, glorificans Deum, & cecidit in faciem ante Iesum,
f gratias

gratias agens. In hoc Samaritano uidemus pulcherrimum gratitudinis & gratiarum actionis exemplum. Verum, ut nos eius excitetur exemplo, dicam nonnihil de uera gratiarum actione hoc ordine. Primum, quæ sit, & quas habeat causas. Deinde, quæ ad eam requirantur: & postremo, pro quibus rebus gratias nos agere oporteat.

Quantum ad primum attinet, uera gratiarum actio est agnitio & confessio beneficiorum acceptorum, una cum gratitudine mentis & predicatione bonitatis Dei. Hoc clare in Samaritano nostro apparet: agnoscit se mundatum à sua lepra: hoc publice confitetur: ac grata mente ad Christum redit, ei gratias pro beneficijs agens & predicans eius bonitatem. Hæc uera gratiarum actio habet causas. 1. noticiam Dei beneficientis. 2. noticiam sui. 3. perceptum beneficium. 4. affectum ardentem fide & predicatione Dei, quæ omnia uidemus in hoc Samaritano. Huc accedunt exempla, quæ ad hanc gratitudinem nos excitabunt.

Habemus quæ sit gratiarum actio, & quas habeat causas: iam quæ ad eam requirantur uideamus. Requiruntur autem duo. 1. uirtutes quæ nunquam à uera gratiarum actione separari possunt: 2. legitimus modus gratiarum actionis. Virtutes præcipuæ sunt duæ: ueritas & iusticia: Veritas, ut candide & aperte agnoscit benefactorem Deum (ut hic Samaritanus facit) ita excludit hypocrisin et mendacium. Hypocrisin quidem, ut non ore tantum

agās gratias, ut Phariseus fecit, sed mente & uoce simul. Mendacium quidem, ne Deo ascribas successum in rebus turpibus: ut si latro uellet Deo gratias agere pro optimo spolio, & adultera pro lepido amatore. iusticia excludit superbiam & abusum rei: & econtra admonet gratitudinis, humiliationis & inuocationis.

Modus agendi gratias & huius Samaritani exemplo, & hoc Pauli dicto: Gratias ago Deo per Iesum Christum, satis indicatur. Cum enim ait Apostolus, per Iesum Christum, primum significat, quod in gratiarum actione fides debeat prælucere. Deinde, ut agnoscamus nos per Christum accepisse beneficium. Tum, ut omnia ad gloriam Dei referamus. Postremo, ut & sciamus nostram gratitudinem per Christum placere, & quod accessum habeamus ad Patrem per eundem Iesum Christum, ut pro acceptis beneficijs gratias agamus.

Iam questio sequitur, pro quibus sint agenda gratiæ. Iob pro plagis acceptis agit gratias: hic Samaritanus pro plaga oblata agit gratias: Vnde sequatur, quod & pro malis & pro bonis sint agenda gratiæ, sed diuersimode.

Pro malis quidem cum ages gratias, ut pro cruce & alijs ærumnis, quatuor facies. 1. onus premeus admonet te peccati & poenitentiae. Nam est testimonium iudicij Dei propter peccatum. 2. crucem & quamuis aliam calamitatem accipies tanquam optimi Patris uirgam erudientis te &

§ 2 castigan-

castigantis, ne cum immorigeris pereat. 3. pro hac paterna castigatione agas serio Deo gratias. 4. supplex petas aut liberationem à premente onere, aut mitigationem cum conditione non impeditæ gloriæ Dei & propriæ tuæ salutis.

Pro bonis ages gratias cum perpetua gratitudinis promissione. Hæc de uera gratiarum actione dicta sint. Sed proh dolor, unus ex decem redijt, alij nouem accepto beneficio abeunt ingrati. Vnde Dominus: Nonne decem mundati sunt, & nouem ubi sunt? non est inuentus, qui rediret et daret gloriam Deo, nisi hic alienigena. Hic uides exemplum horrendæ ingratitudeis eorum, qui recens accepti beneficij sunt obliti. Tales sunt pleriq; in mundo. Sed quid illis factum est? excussa fide, manserunt in damnatione, cum interim hic Samaritanus audit: Surge, vade, quia fides tua te saluum fecit. Hunc & nos sequamur ad nostrum saluatorem unicum, qui est Christus Dominus, cui cum Patre suo & Spiritu sancto sit honor, laus & gloria in secula seculorum, Amen.

DOMINICA XV. TRINITATIS, Matth. 6.

Nemo potest duobus Dominis seruire. Aut enim hunc habebit odio, & alterum diliget: aut huic adhærebit, & alterum negliget. Non potestis Deo seruire, & mammonæ.



monæ. Propterea dico vobis, ne sitis solliciti
vitæ vestræ, quid esuri sitis aut bibitori, neque
corpori vestro, quibus indumentis vsuri.
Nonne anima pluris est quam cibus, &
corpus pluris quam indumentum? Vertite
oculos ad volatilia cœli, quia non serunt, ne-
que metunt, neque conuehunt in horrea, &
Pater vester cœlestis alit illa. Nonne vos lon-
ge præcellitis illa? Quis autem ex vobis so-
llicite cogitando, potest addere ad statu-
ram suam cubitum vnum? Ac de indu-
mento quid solliciti estis? Cognoscite Lilia
agri quomodo crescant, non laborant, neque
nunt: attamen dico vobis, ne Salomonem
f 3 qui-

quidem in vniuersa gloria sua sic amictum fuisse, vt vnum ex his. Quod si gramen agri, quod hodie cum sit, cras in clibanum mittitur, Deus sic vestit, an non multo magis vobis id faciet, o parum fidentes? Ne sitis igitur solliciti, dicentes, quid edemus, aut quid bibemus, aut quibus opriemur? Nam omnia ista gentes requirunt. Nouit enim Pater vester coelestis, quod opus habeatis his omnibus. Quin potius quaerite primum regnum Dei, & iusticiam eius, & haec omnia adijci-entur vobis. Ne sitis igitur solliciti in crastinum, nam crastinus dies curam habebit sui ipsius. Sufficit sua diei afflictio.

ENARRATIO TEXTVS.

Hoc Euangelium pars longae istius concionis est, quam Christus habuit coram discipulis suis, Matth. 5. 6. & 7. cap. In qua parte auarici-
am & diffidentiam damnat, ut quae stare non possunt cum cultu Dei. Nemo enim, inquit, potest duobus dominis seruire. Deinde multis argu-
mentis à prouidentia Dei sumtis, dehortatur à pro-
fana & Ethnica cura rerum huius uitae, quae cura partim oritur ex ignorance prouidentiae Dei, partim ab innata diffidentia. Postremo suis firmam et certam regulam praescribit. Quaerite primum regnum Dei & cetera adijci-entur vobis. Ve-
rum ne quis ignauie hoc dictum patrocinari exi-
stimet, addit: Sufficit enim diei malicia sua.

Hec

Hæc Euangelij summa est : nunc quosdam locos proponemus, qui sunt:

- I. Sententia Domini : Nemo potest duobus dominis seruire.
- II. Quanta sit prouidentia & cura Dei pro nobis.
- III. Mandatum & promissio Christi : Quærite primum regnum Dei, & cætera adiñcientur vobis.

DE TERTIO.

Nemo potest duobus Dominis seruire.

Aut enim vnum odio habebit, & alterum diliget, &c. Per quos Dominos, quibus Christus dicit neminem seruire posse, intelligere debemus res duas, quæ ita sibi inuicem sunt aduersariæ, ut unâ esse nequeant: sed ubi una earum fuerit, alteram cedere necesse sit. Qualia sunt, exempli gratia, uitia & uirtutes, cœlestia & terrena: caro & spiritus: uerus cultus Dei & idolatria, sub qua continetur auaricia: Deus & Diabolus. De quib. Paulus ita pronunciat: quæ est conuenientia Christi & Belial? Quod autem nemo possit huiusmodi dominis seruire, in promptu est ratio: quia contraria imperant & exigunt à suis seruis: idcirco si huic obtemperas, mox facis contra alium, & contra. Populus Israel (sicuti habetur 3. Reg. 18.) uoluit domino uero Deo seruire & Baal simul: quorum errorem corrigens Elias Propheta, ait ad eos: Vt qui claudicatis in duas partes? Si Dominus est Deus, sequimini eum:

¶ * ¶

si autem Baal, sequimini eum, quasi diceret: Vos
 uultis duobus Dominis seruire, qui uobis contra-
 ria imperant, quod fieri non potest absq; alterius
 contentu. Nam cum Baal colitis, Deum fœdo adul-
 terio offenditis. Hoc uicium in eodem populo re-
 prehendit Hoseas Propheta. Sed homines ita sibi
 consultum uolunt. Ethnici quidem Deum & Dia-
 bolum coluerunt: illam album, hunc nigrum pin-
 gentes: interrogati cur istud facerent, responde-
 runt: Deum colimus, ut nobis beneficiat: Diabolum
 uero ueneramur, ne nobis male faciat. Ad eundem
 modum hodie quidam superstitionem Papisticam
 retinent magna ex parte, & nihilominus uerbum
 Dei & ueram religionem se amplecti simulant.
 Hodie nos auaritiæ & uentri seruire uolumus, &
 simul nos ueros Dei cultores esse gloriamur. Ve-
 rum hoc fieri non potest. Qui Diabolum colit, Deo
 renunciauit: qui Papisticam idolomaniam ample-
 ctitur, fontem uerbi Dei turbauit: qui auaritiæ
 seruit, Dei cultor esse nequit: id quod Dominus in
 hoc Euangelio potissimum monstrare constituit.
 Qui sic? Quia Paulus Timotheo scribens, ait: Qui
 uolunt ditescere, incidunt in tentationes & la-
 queos Diaboli, & desideria multa & inutilia &
 nociua, quæ mergunt homines in interitum &
 perditionem. Radix enim omnium malorum auar-
 itia: quam quidem appetentes aberrarunt à fide.
 & inseruerunt se doloribus multis. Hic Paulus
 graphice ingenium auaritiæ depingit, cum qua ex
 diame-

diametro pugnat pietas & cultus Dei. Habent
 enim contrarios effectus. Qui auaritiæ seruit, in-
 cidit in laqueos Diaboli: qui Deo seruit, perrum-
 pit laqueos Diaboli: Auaricia demergit hominem in
 interitum & perniciem, cultus Dei inde liberat:
 auaritia à fide abducit, cultus Dei in fide retinet:
 auaritia implicat hominem doloribus multis, cul-
 tus Dei hominem ad æterna gaudia introducit.
 Auaritia est radix omnium malorum, cultus Dei
 est fons omnium bonorum. Non igitur mirum est
 quod Christus dicat: Nemo potest Deo seruire &
 Mammonæ. Nam inter se pugnant & diuersa se-
 ctantur studia. Deus imperat, ut consulas commo-
 dis fratris tui: sed auaritia suadet, ut tibi uiuas, ut
 in diuite Epulone uideamus. Deus imperat, ut ex
 tuis facultatibus largiaris egenti: Mammon iubet,
 ut per fas & nefas rapias aliena. Deus uult, ut sis
 sobrius: Mammon imperat luxum & uoluptates.
 Verum hic notandum est, quod Dominus non ne-
 get aliquem posse habere diuitias, & simul seruire
 Deo. Nam Abraham habuit diuitias, Dauid, Ioseph
 in Ægypto, Ezechias, Iosias, Theodosius, Corne-
 lius & multi alij, qui nihilominus Deo seruiuerunt.
 Quare? quia non seruiuerunt diuitijs, sed diuitiæ
 ipsis famulabantur. Ideo Dominus diserte dicit:
 Nemo potest seruire Deo & diuitijs. Seruire
 diuitijs quid est? Est cor apponere, ut Dauid lo-
 quitur: est per fas & nefas opes cumulare: est cum
 iniuria opes proximi retinere, & non iuxta Dei

s s consti-

consilium istas dispensare, est diuitiarum cumulanda-
 rum gratia à fide & timore Dei deficere, & uas-
 rias cumulandi diuitias uias querere. Verum cum
 auaritie precipua causa sit prophana sollicitudo
 uentris, Christus istam causam conatur auellere.
 Imitatur enim peritos medicos, qui cum morbum
 aliquem curare instituunt, indicato morbi periculo
 radices & causas morbi prius expellere satagunt.

DE SECVNDO.

Ne sitis solliciti vitæ vestræ, quid mandu-
 cetis, neq; corpori vestro quid induamini.
 His uerbis Christus non prohibet piam & san-
 ctam curam, sed Ethnicam & prophanam. Ne igitur
 quis putet hoc Domini dictum patrocinari so-
 cordie: dicam pauca (priusquam ad argumenta ue-
 nero, quibus nos Dominus uocare à prophana &
 illicita cura conatur) de cura licita & illicita. Ne-
 cesse est enim hic scutum esse, & diligenter alte-
 ram ab altera distinguere. Nam ut nulla maior pe-
 stis est ueri cultus Dei, quam Ethnica & prophana
 cura & sollicitudo: ita nihil magis optandum,
 quam ut unusquisq; solcite ambulet coram Deo
 in uocatione sua. Sciendum est igitur triplicem
 esse curam: Vna prophana est & Ethnica: Altera
 necessaria & sancta, Tertia mixta ex illis. Media
 est non solum licita: sed sancta & necessaria, adeo
 ut qui hanc non habeat, inter filios Dei censi ne-
 queat.

Impia seu Ethnica & prophana sollicitudo &
 cura

cura est, quæ oritur ex diffidentia & prouidentia Dei ignorantia. Hæc Ethnica cura in Euangelio hodierno uoce filij Dei damnatur, & interdicitur filijs Dei multis adhibitis argumentis, quemadmodum postea uidebimus. Hæc cura prophana et prohibita interdum carnis dicitur, cum quia ex carnis corrupto iudicio sine fide proficiscitur, tum quia scopum habet carnalem, nimirum præsentis uitæ quietem & securitatem.

Solicitude, quam dixi necessariam, piam & sanctam, sine qua nemo potest censeri inter filios Dei, commendatur nobis scripturæ testimonijs, & multis sanctorum exemplis. Rom. 12. dicitur: qui præest, in solitudine. 1. Tim. 5. Si quis suorum & maxime domesticorum curam non habet, fidem abnegauit, & est infideli deterior: Abraham, Isaac, Iacob piam suæ familiæ curam habuerunt: Ioseph in Ægypto septem annorum curam pie in se recepit ad imperium Pharaonis, postquam prædixisset de septem fertilibus annis, & alijs septem sterilibus, qui fertiles illos sequerentur: Dan el in Babylonia: pii Reges & Prophetae in populo Dei non tanta gesserunt sine hac sancta cura. Paulus 2. Corinth. 11. Coloss. 2. Thess. 2. suam sollicitudinem pro Ecclesia testatur: sic Reges pro suis regnis, Patres familias pro suis familijs: ministri uerbi pro suis auditoribus: præceptores pro suis discipulis, Breuiter, singuli in sua uocatione sanctam curam habere possunt, imo debent: si rite suo sunt
gi offi=

gi officio uelint. Verum ne hæc sancta & necessa-
ria cura ullo uicio contaminetur, sciendum est,
quinq; ad eam requiri: quorum primum est man-
datum Dei. Mens enim pia nihil aggredi debet si-
ne mandato Dei. Honestæ igitur erit uocatio, cuius
pia & sancta cura esse debet. Deinde, cura illa san-
cta à fide proficisci debet. Nam sine fide Deo nihil
placere potest. Tertia quia nisi Dominus custodie-
rit ciuitatem, frustra uigilat qui custodit eam, ad-
hibenda est inuocatio & gratiarum actio. Inuoca-
tio quidem, qua auxilium Dei petamus: gratiarum
uero actio, qua successum Deo tribuamus, & non
nostræ prudentiæ aut dignitati. Est siquidem opti-
mum remedium aduersus sollicitudinis Ethnica
tentationem, precibus ardentibus ad Deum consu-
gere: id quod Paulus docet Philip. 4. his uerbis: De
nulla re solliciti sitis, sed in omni re per precatio-
nem & obsecrationem cum gratiarum actione, pe-
titiones uestre innotescant apud Deum. Quarto
cura nostra principaliter debet tendere in glori-
am Dei. Etsi enim nostræ domus incolumitas spe-
ctari potest: tamen principalis finis erit gloria
Dei. Quinto, si parum cura nostra & labor uotis
respondeat, submittamus nos paternæ uoluntati
Dei in uero timore & humilitate, iuxta consilium
Petri dicentis: Humiliamini sub potenti manu Dei,
ut uos exaltet in tempore exaltationis, omnem so-
licitudinem uestram proijcientes in eum, quoniam
ipsi cura est de uobis. Et Psal. 54. Iacta super Do-

minum

minum curam tuam, & ipse te enutriet & non dabit in æternum fluctuationem iusto.

Mixta cura est, quæ partim pia apparet, partim prophana conuincitur: ut cum curamus quidem quæ officij nostri sunt, id quod Deus à nobis serio requirit: sed propter innatam in nobis dubitationem de prouidentia Dei limites transgredimur, ac in officium Dei sacrilege irrumpimus: ut cum paterfamilias recte & pie instituit liberos, familiam suam curat, sed nimia trepidatio & anxietas, ad impatientiam impellit, quando uotis non respondet labor & cura ipsius. Iactet igitur plus hanc curam in Dominum, & strenue faciat officium, nec sinat suam piam curam Ethnica diffidentia conspurcari, quod abiecta Ethnica diffidentia & anxietate, pax nobis interne constet, ac erga homines simus modestiores & mansuetiores, cum quibus eidem Domino seruiamus, excusso iugo Mammonæ & Ethnicæ solitudinis. Hæc dixi de triplici solitudine, ut sciamus, à qua Dominus dehortetur nos in hoc Euangelio. Non enim dehortatur à pia & sancta cura, qualem & ipse omnium maxime sustinuit, sed à prophana & Ethnica. Quibus autem id faciat argumentis, id nunc ex textu uidebimus. Ponuntur autem hic ordine sex argumenta, quibus confirmatur prouidentia & cura Dei pro nobis, quare decet ut Ethnicam solitudinem, quæ ex ignorantia prouidentie Dei proficiscitur, abijciamus.

PRIMUM, Nonne anima plus est quam

esca

esca, & corpus plus quam vestimentum? Hoc est, si Deus id quod maius est sine uestra cura dedit, quare non daret quod minus est: si ergo sine uestra cura dedit animam & corpus, quæ magna sunt, cur non daret uictum & amictum, quibus ista indigent, ut persistant & non collabantur, præsertim cum ipse hæc omnia in nostros usus condiderit.

SECUNDUM: Respicite volatilia cœli, quæ non ferunt neque metunt, neque congregant in horrea sua &c. Hoc est, Pater cœlestis alit aues cœli, quæ uobis longe sunt inferiores, si dignitatis gradum respicitis, cur non uos, quos ad imaginem suam creauit, aleret? Hoc argumento Dauid se consolatur, dum inquit: Qui dat escas pullis coruorum inuocantibus eum.

TERTIUM: Quis vestrum cogitans potest adnecere ad staturam suam cubitum unum: & de vestimentis quid solliciti estis? Quasi diceret, uana ista sollicitudo uestra est. Deus dat staturam corporis sine tua cura, cur non daret uestimentum sine prophana diffidentia de Deo, quasi is tibi adesse in tuo labore recusaret.

QUARTUM: Considerate Lilia agri, quomodo crescunt. Lilia in agris succum ex terra attrahunt, ita antea disponente Domino: & ita pulcre uestiuntur, adeo ut ne Salomon in omni gloria sua coopertus sit, sicut unum ex istis. Cum hoc Deus præstat Lilijs, quæ breui marcescent, & comburentur, cur non uos uestiret, quos ad æternam uitam creauit.

Quia

TRINITATIS.

655

QVINTVM: Hæc omnia gentes inquirunt. Quasi dicat, uos olim more gentium ignari eratis prouidentie Dei & uacui fide: sed nunc scitis Deum curam pro uobis habere, cur igitur Ethnica diffidentia necessaria uitæ quæritis?

SEXTVM: Scit Pater vester, quod his omnibus indigeatis. Hæc diligenter nota. Non dicit: scit Deus tremendus Zelotes, conditor cæli & terræ uisitans iniquitatem in filios, sed dicit: scit Pater: cuius Pater est uester. Qualis? cælestis. Hic quia cælestis est, est & optimus, & omnipotens & sapientissimus: quia optimus, uult dare quæ bona sunt: quia omnipotens, potest quæ uult, dare: quia sapientissimus, nouit quomodo, quid, & quando dare conueniat.

DE TERTIO.

Quærite primum regnum Dei, & iusticiam Dei, & cætera adhiçientur vobis. In hoc breui dicto Christi sunt duo, Mandatum & Promissio. Mandatum quidem est, Quærite primum regnum Dei, & iusticiam Dei. Promissio uero & cætera adhiçientur vobis. Primo ergo loco mandatum uideam. Deinde promissionem.

Mandatum est, ut quæramus regnum Dei & iusticiam Dei. Hic quæritur qualenam sit regnum Dei, & quæ Dei iusticia. Deinde, quis quærendi modus. Regnum Dei triplex in scriptura est, scilicet potentie, gratie & gloriæ. Potentie regnum non iubet nos quærare, sed gratie, unde est transi-

tus

tus ad regnum gloriæ. Quodnam est regnum gratiæ? Est in quod ex mera gratia recipimur, dum credimus Euangelio. Nam Euangelium est ueluti præconis uox, quo inuitamur ad hoc regnum: de hoc loquitur Christus alibi: Regnum Dei inter uos est. Hoc ergo regnum est gratia Dei quam Euangelium Christi offert: promissio est ianua: introductor Spiritus sanctus, qui nos sanctificat & regenerat lauacro aquæ per uerbum. Breuiter, hoc gratiæ regnum est misericordia, remissio peccatorum, gaudium conscientie, liberatio à regno Satanae. Quæ est iusticia Dei, quam iubet nos querere? ea absq; omni dubio est noua uita & obedientia, quam Deus à filiis suis requirit.

Promissio est: & cætera adiicientur uobis, Hoc est, quæ pertinent ad huius uitæ sustentationem donabuntur uobis. At Paulus, id quod nemo dubitat, sedulo quæsiuit regnum Dei, qui tamen 2. Cor. 11. conqueritur, se fame & siti laborasse. Deinde sanctus Iacob laborat frumenti & aliorum uictualium inopia, adeo, quod cogatur cum tota familia ire in Ægyptum, ne cum suis fame pereat: uidetur ergo hæc Christi promissio uana esse. Respondeo. Promissio Christi non fallit: ueritas enim mentiri nequit. Nam Christus, qui est medicus noster, non ignorat quando apponenda & quando detrahenda sint remedia. Non tam nostram imprudentiam, quam suam sapientiam consulit. Hoc pro inde pro certo habeamus, quod suos non deseret. Quod autem nobis aliquan-

aliquando necessaria desunt, multæ sunt causæ. 1. ut exerceamur patientia. 2. ut interdum nostra peccata istis plagis puniantur. 3. quia sepe superflua querimus, iuste & recte necessarijs caremus. 4. propter abusum rerum quas habemus. 5. quia non agimus gratias. 6. quia diffidimus Deo. 7. quia interdum bona, quæ accipimus, nostro studio & industria magis, quam Deo donanti ascribimus. Quare si uolumus benedictionem Domini, confitemur & faciamus cum Propheta, qui ait: Tua sunt omnia Domine, & quæ de manu tua accipimus tibi reddimus. Hic ut fatetur Propheta omnia Dei esse: ita omnia in laudem Dei conuertit: quod ut nos quoq; faciamus, donet nobis Pater cœlestis, per Iesum Christum, cui gloria in secula seculorum, Amen.

DOMINICA XVI.

TRINITATIS, Luc. 7.

Iesus ibat in ciuitatem, quæ vocantur Nain, & ibant cum eo discipuli eius multi, turbaq; copiosa. Cum autem appropinquaret portæ ciuitatis, ecce defunctus efferebatur filius vnicus matris suæ. Et hæc vidua erat, & turba ciuitatis multa cum illa. Quam cum vidisset Dominus, misericordia motus est super eam, dixitq; illi: Noli flere. Et accessit, tetigitq; loculum. Porro qui portabant, substititerunt. Et ait: Adolescens tibi dico, surge, & re-



& resedit qui erat mortuus, & cœpit loqui,
& dedit illum matri suæ. Accepit autem omnes
timor, & glorificabant Deum dicentes:
Propheta magnus surrexit inter nos, & Deus
visitauit plebem suam. Et exijt hic rumor
in vniuersam Iudæam de eo, & omnem finitimam
regionem.

ENARRATIO TEXTVS.

PAulus Apostolus scribens Romanis dicit: *Quæcunq; scripta sunt, in nostram doctrinam scripta sunt, ut per patientiam & consolationem scripturarum spem habeamus: Quapropter cum legimus hodiernum Euangelium dulcissimum, sciamus quod non solum ad illam uiduam de Naim pertineat,*
herum

verum etiam ad totum genus humanum. Christus enim in hoc Euangelio testatur de sua diuina potentia, de affectu suo erga afflictos, & de officio suo. Primum siquidem testatur se Dominus omnipotentem esse, dum morti, quæ est aculeus peccati imperat. Deinde testatur suum affectum erga nos, dum huius mulieris ærumnis afficitur, testatur suum officium esse, ut destruat opera Diaboli. Ideo enim in mundum uenit, quemadmodum Moses, Prophetæ, ipse Christus & Apostoli testantur. Hæc in genere consideranda sunt in hoc Euangelio. Cæterum quo nos inde maiorem percipiamus fructum, tres locos proponam, quos in hac concione tractabo.

- I. Qualis sit affectus Christi erga nos.
- II. Præsentis miraculi declaratio cum suis circumstantijs.
- III. Imago totius generis humani.

DE PRIMO.

Narrat Euangelista Historiam de quodam adolescente mortuo, cuius funus efferebatur, ut sepeliretur: quod cum uideret Dominus, misericordia motus est. Nam dum hanc afflictam mulierem intuetur, altius cogitat. Venit illi in mentem lapsus humani generis, tyrannis diaboli, calamitatum magnitudo, quibus humanum genus propter peccatum premitur. Cogitat suum officium esse, ut hæc munitiones Satanae destruat. Vidit enim in hac muliere exemplum humanæ miseriæ, quæ ipsum de lapsu hominis & de suo officio admonuit.

1 2 DND

Duo ergo ex hoc loco colligamus: Vnum, quales nos sumus: Alterum, qualis Christus ergo nos. Nos sumus reuera miseri, afflicti, & damnati, nec possumus nostris uiribus è tantis malis eluctari. Christus est Deus & homo: qui uenit, ut saluet quod perijt: qui hic suum affectum declarat erga genus humanum. Neque enim aliter affectus est erga nos, quam erga hanc uiduam. Afficitur huius calamitatibus, afficitur & nostris: hanc iuuat, uult & nos iuuare. Hoc est plane quod Apostolus dicit, Hebraeis scribens: Habemus pontificem, qui condolere potest nostris infirmitatibus. Imo maiorem affectum erga nos habet, quam hæc uidua habet erga unicum suum filium, quem hic plorans comitatur ad sepulture locum. Ita enim Propheta ait: Numquid potest mulier obliuisci infantis ueri sui, & si illa oblita fuerit, ego non obliuiscar tui.

Sed quæ causæ sunt huius ineffabilis dilectionis Christi erga nos, qui sumus multis sceleribus & sordibus defœdati? certe hic nullum est nostrum meritum, nulla ex nobis dignitas: sed sunt quatuor causæ, quibus filius Dei mouetur, ut tanta nos complectatur beneuolentia.

PRIMA est affectus paternus: nam ab ipso conditi sumus: Proinde iure creationis ipsius sumus. Et tametsi nos plenos sordibus & sceleribus nouit: tamen aliquid de suo in nobis adhuc reperit, nimirum quod simus ipsius creatura. Misereris omnium Domine (inquit Sapiens) & nihil odisti eorum quæ fecisti.

SE

SECUNDA, dignitas creationis: nimirum quod ad Dei imaginem conditi simus, iuxta illud: Faciamus hominem ad imaginem & similitudinem nostram. Et quia hæc imago ex potissima sui parte abolita per peccatum erat, ipse Dominus uenit, ut eam rursus repararet: quod fit, dum in ipsum uera fide intuentes transformamur in imaginem Dei.

TERTIA, finis creationis. Creati enim nos sumus, ut simus templum Dei, Deum celebrans. Etsi autem hoc templum erat iam peccato prophannatum, tamen materia adhuc reliqua erat, ex qua Christus nouum templum extrueret.

QUARTA, destructio regni Satanae, ad quod destruendum Dominus in mundum uenit, & huius destructionis specimen quoddam editum est hoc miraculo. Christus sæpe congressus est cum Satana, sæpe illum in fugam uertit: quem tandem uicit resurgens ex mortuis. Hæc uictoria Christi in extremo die cernetur perfecta, quando extremus hostium mors abolebitur. Hæ quatuor causæ mouerunt Dominum nostrum, ut assumpta carne fieret homo: & in carne, hoc est, in humana natura, in anima & corpore pateretur pro humano genere.

Tametsi autem hic Christi affectus nobis sæpe commendatur uerbo Dei, multis comprobatur miraculis atq; adeo obedientia ipsius filij Dei, qui obediens fuit Patri usq; ad mortem crucis: tamen tria sunt, quæ nobis aliud persuadere moliuntur:

t s Lex

Lex, conscientia, calamitatum moles, qua obrui-
mur in hac uita. Hæc enim nos à Christo abiectos
clamitant.

Lex dicit: Maledictus omnis qui non permanse-
rit in omnibus, quæ scripta sunt in libro legis: & ne-
mo non est, qui se non uidet infinitis modis legem
transgressum esse. Intueamur in Euam, quæ ob u-
num præceptum uiolatum maledictionis sententiæ
subiacuit. Quid nos quoties Deum offendimus?

Hanc Legis sententiam confirmat conscientie
trepidatio, quæ est instar mille testium, sicuti in
Prouerbio dicitur: Conscientia mille testes. Huc
illud Poetæ: Conscia mens, ut cuiq; sua est, ita con-
cipit intra Pectora pro meritis spemq; metumq;
suis. Et diuus Bernardus ait: Mala conscientia
delictorum nostrorum ipsa testis est, ipsa iudex,
ipsa tortor, ipsa carcer, ipsa accusat, ipsa iudicat,
ipsa damnat. Quid queso grauius est, quam talem
nocte dieq; suo gestare in pectore testem. Huius
conscientie testimonio multi uicti sibi ipsis uitam
ademerunt, dum hanc accusantem & testantem ad-
uersus se ferre non potuerunt.

Accedit moles calamitatum, quæ sententiam
legis & conscientie confirmant. Contra has tres
grauissimas tentationes, in uera pœnitentia oppo-
namus Iesum Christum. Is uenit in mundum ut ma-
ledictionem legis tolleretur, peccatum aboleretur, om-
nes calamitates credentium in se, conuerteret in
gloriam, sed ita tamen, ut omnia ordinate fiant:

Est

Est hic desertum uastum, unde transeundum est nobis in patriam. Populus Israel non statim uenit in requiem promissam. Ioseph in Ægypto non sine carcere ad tantam dignitatem peruenit. Christus non sine cruce, morte & sepultura intrauit in gloriam. Quapropter & nos per crucem oportet intrare in gloriam. Ita enim Paulus ait: Si patiemur cum illo, etiam cum illo regnabimus. Qui certamen fugit, frustra coronam expectat. Nemo, inquit Apostolus, coronabitur, nisi qui legitime certauerit. Idem ait: Salui facti sumus spe. Opponamus ergo maledictioni legis Christum, qui pro nobis factus est maledictum. Opponamus conscientie accusanti Christum absoluentem à peccato. Si Filius uos (inquit) liberauit, uere liberi eritis. Opponamus presentibus ærumnis crucem Christi & consilium Dei, qui uult nos esse conformes imaginis Filij sui. Breuiter, in uera poenitentia & fide confugiamus ad Thronum gratiæ, Dominum nostrum Iesum Christum. In hoc uno inueniemus auxilium in tempore oportuno. Is enim ait omnibus in se credentibus: Noli timere pusille grex, quia placuit Patri dare uobis regnum. Atq; ita non sinamus ullam rem in cœlo, in terra, in inferno, persuadere nobis, quod Christus sit aliter affectus erga nos, quam fuit erga hanc uiduam. Proinde hinc discamus longe aliud DEI iudicium esse quam mundi. Deus & Mediator noster Iesus Christus non reijcit more mundi, calamitosos & miseros.

ros, sed omnes recipit, quotquot ad se ueniunt, iuxta ipsius promissionem: Venite ad me omnes qui laboratis & onerati estis, & ego refocillabo uos, & inuenietis requiem animabus uestris. Præterea hinc discant uiduæ piæ, qualem habeant patronum, aduocatum, & consolatorem: Discant & hinc gubernatores Ecclesiarum, non auersari miseros & calamitosos: discant magistratus Christi exemplo, non spernere, non reijcere, non damnare miseros & calamitosos, sed eos amanter potius fouere & consolari. Deinde discamus nos mutuo caritatis affectu & officijs pijs prosequi. Hæc sint dicta de prima huius Euangelij parte: Sequitur secunda.

DE SECVNDO.

In presentis miraculi declaratione multæ circumstantiæ sunt: quarum singulæ habent suam doctrinam, quare eas ordine cum suis doctrinis & admonitionibus recitabo.

PRIMA: Cum efferebatur funus, sequebatur uidua mater, & turba ciuitatis cum ea. Hic duo uidemus: quorum primum est, honor & pompa funebris. Honestè demortui corpus deducunt ad sepulturæ locum: sic & sancti Patres fecerunt. Abraham honorifice suam uxorem sepeliit. Ioseph cum magna turba deducit funus Iacob Patriarchæ. Iacob & Esau honorifice patrem Isaac sepeliunt. Breuiter, apud omnes pios magnus fuit honos sepulturæ: idq; propter spem resurrectionis corporum, & futuram immortalitatis gloriam.

Hoc

Hoc sanctorum patrum exemplum imitatur ecclesia hoc tempore : tametsi multos inuenies , qui suos mortuos abijciunt tanquam cadauera porcorum . In nostris funeribus huiusmodi solennitas adhibetur : Pij præsentes sequuntur funus : canitur : pulsatur : prædicatur aliquando.

Qui sequuntur funus. 1. suum amorem testantur erga mortuum. 2. hoc facto edunt exemplum fidei suæ de resurrectione mortuorum. 3. admonentur quod suo tempore (quando uisum fuerit Domino) sequantur, & his mundi calamitatibus per mortem ualedicant.

Deinde canitur, idq; ut Psalmis pijs consolentur uiui, & ut agant Deo gratias pro eo qui mortuus est, si in confessione uera descescit.

Pulsatur non solum, ut conuocetur populus ad deducendum funus : uerumetiam ut uiui admoneantur tubæ Dei, qua in extremo die omnes mortui excitabuntur.

Postremo prædicatur, ut qui deducunt funus, aliquid doctrine & consolationis contra mortem secum domum reportent. Hæc breuiter sint dicta de prima circumstantia, & de pompa funebri, quæ apud nos seruatur.

SECUNDA, Dominus dicit viduæ: Noli flere. Hic queritur, num liceat deflere mortuos. Exempla sanctorum & scriptura fletum super mortuos admittunt : Deut. ultimo totus populus in deserto defleuit Moysen mortuum : Abraham defle-

t s uit

uit Saram uxorem suam : Ioseph uir sanctus multos dies defleuit patrem Iacob : David luget filium Ammon : Israel Samuelem : Mariha Lazarum. Ipse Dominus etiam defleuit Lazarum. Iesus Syracides capite 38. ait : Filij in mortuum produc lacrimas, & quasi dira passus incipe plorare, & ad iudicium contege corpus ipsius, & non despicias sepulturam ipsius. Sed Ieremias cap. 22. ait : Nolite deflere mortuos. Et Christus hic dicit mulieri, Noli flere. Has antilogias Paulus conciliat 1. Thes. 4. ubi ait : Nolite autem ignorare fratres de dormientibus, ut non contristemini, sicuti ceteræ gentes, quæ spem non habent. Prohibetur ergo luctus Ethnicus, qui nullam spem habet consolationis per resurrectionem mortuorum : & conceditur luctus moderatus, qualem habent, quibus consolatio est proposita.

Sed dicamus breuiter, postquam in consolationis mentionem incidimus, unde Christiani se consolari possunt in mortem suorum amicorum. 1. cogitent uoluntatem Dei cui obtemperandum est. 2. cogitent uniuersalem conditionem. Omnibus enim nobis semel moriendum est. 3. cogitent iusticiam Dei. Quid enim iustius, quam ut qui dedit uitam, rursus ad se eam recipiat & conseruet, quando uisum fuerit. 4. cogitent Dei sapientiam, qui nouit solus, nobisne magis expediat uiuere an mori. Multos enim è medio tollit, ne uel ipsi peiores fiant, uel plures ærumnas in hac mortali uita perpetiantur. 5. cogitent mortuum liberatum esse ab omni

omnibus ærumnis huius uitæ. 6. cogitent frustra magnum luctum suscipi pro ijs, qui luctu reuocari non possunt. Ita Dauid. 2. Regum. 12. se consolatus est: luxit egrotante puero, quo mortuo surrexit, se lauit & comedit. 7. cogitent immodice lugentem corpori suo nocere, & ita in Deum peccare. 8. cogitent non mortuo inuidendam immortalitatis beatitudinem. Beati enim, (ait scriptura) qui in Domino moriuntur. 9. cogitent resurrectionem Christi & nostram, quæ in extremo fiet die: Hæc enim cogitatio commune remedium esse debet non solum aduersus dolorem, quem pro mortuis concipimus: uerumetiam contra omnes calamitates animi & corporis. Verum obijciat aliquis: Solatio uita sum destitutus, ergo non ipsum qui mortuus est, sed teipsum & iacturam, quam inde habes defles. Naturale est flere. Verum est: sed uincat gratia naturam. Hæc sint breuiter in hac secunda circumstantia addita de consolatione in morte carorum.

TERTIA: tangit Dominus loculum, in quo iacuit hic mortuus: quo tactu indicat suum corpus organum fuisse acquirendæ nobis uitæ & salutis.

QUARTA: loquitur adolescenti & ait: Tibi dico adolescens, surge. Ita etiam puellam excitauit, ut in Marco habetur: sic & Lazarum quadriduanum, ut est in Iohanne. Hic docemur, quod & Christus sit potentior morte, & quod uerbum ipsius sit uerbum uitæ & salutis.

Quin

QVINTA: Mortuus surgit ad uocem Christi, & hoc mirandum est. Surrexit qui erat mortuus: coepit mox loqui. Et Dominus dedit illum matri suae.

SEXTA: Accepit omnes timor, & glorificabant Deum dicentes: Prophera magnus surrexit in nobis, & Deus visitauit plebem suam, & exijt hic sermo in vniuersam Iudaeam de eo. Hic duplex fructus miraculi describitur. Vnus attingit praesentes auditores: alter nauit ad alios, ad quos huius miraculi rumor peruenit. Praesentes spectatores hinc fidem conceperunt, unde timuerunt Deum, uero cultu glorificarunt Deum, agnouerunt Messiam uenisse, quem & confessi sunt. Deinde hic rumor peruenit ad alios, qui fuerunt in Iudaea & finitima regione, qui & ipsi conceperunt fidem in Messiam: Et hodie iste rumor ad nos uenit, unde agnoscamus Christum esse uerum Messiam, esse potentiorē morte: concipiamus in ipsum fidem: praedicemus Deum corde, uoce, confessione & moribus: ita futurum est, ut olim laeti per ipsum ad aeternam uitam excitemur.

DE TERTIO.

Diuus Ambrosius imaginem Ecclesiae hic proponi dicit: quae quia nostras condiciones pingit, digna est explicatione. Vidua, inquit, significat Ecclesiam: adolescens mortuus quemlibet peccatorem uiuentem sine poenitentia: Loculus notat corpus peccati: Vidua lamentatur suum filium mortuum,

hoc

hoc est, Ecclesia ob impœnitentiam sceleratorum lamentatur, & rogat Christum ut ipsos moueat & ad se pertrahat suo uerbo & spiritu. Christus igitur iubet, ut sistant baiuli. Peccator enim à quatuor baiulis gestatur ad infernum, qui sunt. 1. spes diuturnioris uitæ. 2. consideratio alienæ culpæ. 3. præsumptio diuinæ misericordiæ. 4. adulatio societatis prauæ. Si autem uis resurgere à morte peccati, necesse est ut audias Christum, qui iubet baiulos sistere. Primum ergo depones fiduciam longioris uitæ, quia uita incerta est, sicuti multorum experientia docet: & periculum in promptu est, ut uidere est in diuite Epulone. Deinde non debes alienam uitam tibi proponere imitandam: sed exemplo Abraham Deo te subijcies, confides in illum, emendabis mores, sciens quod errantium multitudo neminem sit excusatura in iudicio. Non inuit Adam quod diceret: Mulier, quam dedisti mihi, dedit mihi de pomo. 3. depone præsumptionem misericordiæ Dei. Nam hæc præsumptio est magnus Dei contemptus, Rom. 2. 4. reijce adulatores, qui te ad mala sollicitant. Quo facto recumbe in Christum uiua fiducia, & ipse te uiuificabit ad æternam uitam, quam donet nobis Christus, cui sit honor in secula, Amen.

DOMINICA XVII.

TRINITATIS, Luca 14.

Accidit, ut introiret Iesus in domum cuiusdam principis Phariseorum Sabbato



to ad capiendum cibum. Et ipsi obseruabant eum. Et ecce homo quidam hydropicus erat ante illum. Et respondens Iesus, dixit ad Legisperitos & Phariseos, dicens: Num licet Sabbato sanare? At illi tacuerunt. Ipse vero apprehensum, sanauit eum ac dimisit. Et respondens ad illos dixit: Cuius vestrum asinus aut bos in puteum cadit, & non continuo extrahet illum die Sabbato? Et non poterant ad hæc respondere illi. Dicebat autem & ad inuitatos parabolam, intendens quomodo primos accubitus eligerent, dicens ad illos: Cum inuitatus fueris ab aliquo ad nuptias, ne accumbas in primo loco,

co, ne quando honoratior te sit inuitatus ab illo, & veniens is, qui te & illum vocauit, dicat tibi, Da huic locum, & tunc incipias cum rubore extremum locum tenere. Quin potius cum vocatus fueris, vade accumbe in nouissimo loco, vt cum venerit qui te inuitauit, dicat tibi, Amice, ascende superius. Tunc erit tibi gloria coram simul discumbentibus. Quia omnis, qui se extollit, deijcitur, & qui se deijcit, extolletur.

ENARRATIO TEXTVS.

Occasio huius Euangelij fuit hæc. Christus à Phariseo quodam ad prandium inuitatus, obseruatur à discumbentibus, idq; ideo, ut habeant quod accusent, uel in dictis uel in factis Christi. Hæc enim est improbitas mundi, ut quemadmodum uicia palliant uirtutum larua: ita honesta facta & ueram uirtutem infamia proscindere non uerentur. Tanta est malitia hominum. Verum Christus eorum improbitate nequaquam absterretur, sed obtinet antiquum, ac officium suum exercit in medio hostium, nobis relinquens exemplum, ut in recte factis non desinamus progredi, etiamsi totum mundum nobis aduersum animaduenterimus. Miserum itaq; hunc Christus sanat, potentiam suam diuinam, & officium suum, ob quod in mundum uenerat, declarans. Deinde ueram Sabbatismi rationem explicat.

672 DOMINICA XVII. POST
plicat, & facto suo ueluti definit uerum Sabbatis-
mum. Quare ut simul arguit & Phariseorum su-
perbiam & in scripturis inscitiam: ita ad ueram
humilitatem hortatur. Hæc de summa præsentis
Euangelij. Loci autem sunt tres.

I. De Sabbato atq; eius ueris operibus.

II. De miraculo, quo confirmatur uerus usus
Sabbati.

III. De uera humilitate.

DE PRIMO.

Cum Dominus Sabbato inuitatus esset à quodam
Phariseo, & offerretur hydropicus quidam ante
illum, quærit ab illis, qui sibi plus alijs sapere uidea-
bantur, nunquid liceat Sabbato curare. Ideo autem
hanc quæstionem proponit, quia sicuti alias scri-
pturas suis corruptelis, ita etiam Sabbatismum in-
fecerant Pharisei. Verum quia quæstio est de Sab-
bato, nos doctrinam integram de Sabbato propone-
mus, & quatuor ordine dicemus. 1. cur Deus Sab-
batum instituerit. 2. quisnam sit uerus usus Sabba-
tismi Iudaici. 3. qualia nostra festa esse debeant. 4.
de ueris Ecclesiæ ceremonijs & earum finibus.

Cur ergo Deus Sabbatum instituit? Quinq; cau-
se præcipue numerantur: quarum prima est, ut es-
set perpetuum symbolum quietis Dei post creatio-
nem mundi, quem sex diebus cum omnibus suis or-
namentis & contentis creauit. Hæc causa assigna-
tur Genes. 2. ubi Moses ait, Dominum præcepisse
Sabbatum sanctificari, quia eo die à creatione qui-
euit.

euit: septimus dies est Sabbatum Domini: sex enim diebus fecit Dominus Deus cœlum & terram. Secunda causa instituti sabbati fuit, ut esset figura & antitypon sabbatismi Christi. Figurabat enim Sabbatum, quod Christus uerū Pascha & noui cœli et nouæ terræ creator requiesceret in sepulchro die sabbati, & ageret uerum Sabbatismum. Quapropter seuerè præcepit populo Iudaico ut Sabbatum obseruarent. Et sapientiæ suæ consilio inscrutabili ordinauit, ut Christus uerus agnus Paschalis in ipso die Paschatos mactaretur & occideretur, & proximum Sabbatum requiesceret in sepulchro. Tertia, fuit etiam institutum Sabbatum, ut esset symbolum promissionis. Promisit enim Deus suo populo Sabbatismum, id est, requiem. Iesai. 14. Et erit in die illa cum requiem tibi dederit Deus à labore tuo, & à confusione tua, & à seruitute dura, qua antea seruisti. Triplicem autem requiem expectabit populus Dei. Primam à labore præsentium ærumnarum in hac uita. Secundam à tentationibus, quibus nos propria concupiscentia & Diabolus adoritur. Tertiam à seruitute diaboli, ut ille nunquam possit nos redigere in suam seruitutem, & durum iugum. Quarta, ut esset certum tempus docendi, & discendi uerbum Dei, seu ut esset tempus, in quo fieret publica Religionis professio, in qua pii consolationem caperent, & rudes erudirentur ad pietatem. Iesai. 58. Si uocaueris Sabbatum delicatum: tunc delectaberis super Domino. Iob. cap. 22. Tunc super omnia

u potena

potentem delicijs afflues & eleuabis ad Deum faciem tuam. Non enim ad ludendum & potandum: sed ad laudandum & orandum Deum institutum est Sabbatum. Vnde Augustinus uere dicit, tali die minus malum esse arare, quam ludere. Quinta politica est, quæ populo Dei Deut: 5. commendatur his uerbis: Obserua diem Sabbati, ut requiescat seruus tuus & ancilla tua & tu. Et postea: non facies in eo quicquam operis, tu, & filius, & filia tua, seruus & ancilla, bos & asinus, et omne iumentum tuum. Atque ita habemus & ueras causas, et uerum usum Sabbati Iudaici. Et si autem Iudaicum Sabbatum una cum alijs ceremonijs Mosis abolitum est & abrogatum, quantum ad septimæ diei septimanæ obseruationem attinet: tamen quantum ad usum attinet est perpetuum, utpote quod & iuris diuini & naturalis est. Vt enim Deus uult coli & suum uerbum sonare: ita natura dictat omnino necessarium esse, ut sit quoddam tempus sacris rebus destinatum. Neesse est igitur certos ordinari dies, in quibus fiant publici congressus certis horis, & doceatur discaturque uerbum Dei, quo omnia fiant in Ecclesia ordinate & decenter, ut Paulus Corinth. docet.

Porro in nostris festis duo sunt obseruanda! Vnum quid sit uitandum: Alterum: quid sit faciendum. Vitanda sunt tria. 1. Externus labor, idque ideo, ut animus totus possit uacare cultui diuino, hoc est, ut uacet audire uerbum, illud discere & meditari. proinde magistratus officium est curare, ne seruilibus

libus operibus impediatur cultus Dei isto tempore. Verum hic sciendum est, quatuor esse exceptiones, quæ laborantes isto tempore excusant. 1. Neceſſitas: Nam & Dominus excusat discipulos suos uellicantes spicas die septimo Matth. 12. 2. Vtilitas Ecclesiæ, sicut sacerdotes fecerunt in die sabbati omnia, quæ in Ecclesia uidebantur necessaria, non impediti Sabbati religione. 3. Proximi utilitas & salus, quare & Dominus curat hunc hydropicum die Sabbati. 4. Superiorum autoritas, quibus obtemperandum est. Verum superiores caueant, ne se superiorem offendant, dum inferiores se nimium grauant.

Habemus quæ sunt in nostris festis uitanda: nunc quid in illis faciendum sit uideamus. PRIMVM itaq; quoniam Iudæi occupati erant in mactandis sacrificijs & offerendis, mactemus & nos sacrificia propriorum corporum, & offeramus utulos labiorum nostrorum: agamus seriam pœnitentiam: glorificemus Deum corde, ore, confessione & moribus: offeramus thymiana cordis nostri, id est, fidem & spem: offeramus sacrificium beneficentiæ quo sacrificij genere (ut inquit Apostolus ad Hebræos) exhilaratur Deus: simus ad dandam Eleemosynam impigri: foueamus Ecclesiæ imbecillia membra: sanemusq; ea quantum id fieri potest, idq; exemplo Christi aliorumq; sanctorum, qui se in ueris Sabbati operibus exercuerunt.

Restat ut nonnihil dicamus de ceremonijs. Ceremoniæ sunt ritus & ordinationes ad regendam

11 2 Eccleſia

Ecclesiasticam politiam institutæ. Hæ si sint licitæ (de impijs enim ceremonijs nihil dicam) aut habent apertum uerbum Dei, ut Baptismus & cœna Domini: aut faciunt reuera ad conseruandam doctrinam & politiam Ecclesiasticam, & sunt à Senatu Ecclesiastico ordinatæ, uel à pio magistratu. Hæ ceremonie duos habent fines. Sunt enim ordinatæ decori & ordinis gratia. Decorum partes sunt duæ: Prior est ut excitemur ad pietatem illis adminiculis: Posterior, ut modestia & grauitas in pietatis tractatione eluceat. Ordinis partes sunt tres. PRIMÆ, ut præsidentes habeant certam regulam agendi. SECUNDÆ, ut auditores assuescant ad obedientiam & disciplinam. TERTIÆ, ut bene composito Ecclesiæ statu paci & tranquillitati consulatur. Hæc sint breuiter de ceremonijs pijs dicta, & eorum finibus & finium partibus.

DE SECUNDO.

Secunda doctrina, quam proponit hoc Euangelium, est de miraculo, quo sanatus est hydropicus. In hoc Euangelio sunt quatuor obseruanda: Quæstio, sanatio, defensio facti, & usus.

Quæstio ab ipso Christo proponitur, an liceat Sabbato curare. Ad hanc nihil respondent Pharisæi. Si enim negassent licere, uisi fuissent crudeles in miserum hydropicum. Si affirmassent, transgressores legis se esse timuissent, Tacent igitur, ut explorent quid Dominus uelit facere. Si non sanasset, dixissent illum uel non potuisse, uel noluisse huic affli-

afflicto opem ferre. Si sanasset, putarent se habuisse iustam causam accusandi Christum, tanquam transgressorem Sabbati, adeoq; legis diuinæ contemptorem, Hic utrinq; est periculum. Sed Dominus non moratus illorum Sophisticam, apprehendit hunc miserum hydropicum, eum sanat intuentibus Pharisæis, atq; sanum dimittit. Quo facto, ut in principio dixi, declarauit potentiam, uoluntatem, & officium suum. Nunc sequitur tertio loco defensio facti. Cuius, inquit, vestrum bos aut Asinus in puteum cadit, & non extrahit illum die Sabbati. Quasi dicat, aut licet curare hominem in die Sabbati, aut non licet. Si licet: cur me obseruatis tanquam legis transgressorem, si hoc facio? Si non licet: cur Asinos & boues seruatis uos die Sabbati? quid illi contra? & non poterant (inquit Euangelista) ad hæc respondere. Sed quis usus est hydropici huius sanati à Christo? Duplex, Vnus generalis, de quo dixi, uidelicet ut hoc miraculo Christus ostenderet suam potentiam, uoluntatem, officium, ueritatem suæ doctrinæ, & inde fides in spectatoribus confirmaretur. Alter specialis. Nam hic hydropicus ex sua haud dubie intemperantia inciderat in hunc morbum. Quare & nos discamus, quod Christus non contemnit eos, qui se sua culpa coniecerunt in morbos, modo hunc hydropicum imitentur, ac patientur se ab illo tangi & sanari, hoc est, si cordis affectu Christum accedant, si ipsius uerbo credunt, agunt pœnitentiam, agnos-

u 3 scunt

scunt iustam iram Dei, propter Christi meritum
precantur culpæ condonationem, & plagæ aut sa-
nationem, aut mitigationem.

DE TERTIO.

Dicebat autem ad inuitatos, qui primos
accubitus elegerunt: cum inuitatus fueris ad
nuptias &c. Vt hac parabola superbiam damnat:
ita ueram humilitatem, quæ est rarissima uirtus, doc-
cet: de qua hoc ordine dicam. Primum, quid sit hu-
militas. Deinde quot sint eius genera. Tertio, quas
habeat causas, cum efficientes, tum impediētes.
Quarto loco quis sit fructus & quæ præmia ueræ
humilitatis.

Quantum ad primum attinet, ut sciamus quid
sit humilitas, debemus uidere quos scriptura humi-
les uocet. Vocat autem Paulus humiles, quos Chri-
stus uocat pauperes spiritu, quales sunt, qui omnis
propriæ uirtutis, sapientiæ & iusticiæ fiducia ex-
inaniti, quicquid boni est ad solum Deum referunt.
Proinde humilitas est uirtus, qua uerissima nostri
agnitione nobis ipsis uilescimus, omnis propriæ
uirtutis, sapientiæ, iusticiæ fiducia exinaniti, nos
coram Deo prosternimus, ac in eo solo omnia bona
per Christum querimus. Illustre exemplum est in
Magdalena, in latrone, in publicano, in Dauide &
alijs multis sanctis. Hæc uera est humilitas, de qua
Christi promissio est intelligenda: Beati pauperes
spiritu. Habemus quid sit humilitas: iam quotuplex
sit uideamus. Est itaq; humilitas duplex: una, qua
coram

coram Deo nos prosternimus : altera, qua coram hominibus nos submittimus : sed cauendum est, ne superbia laruam humilitatis induat, quam si homo detrabere non potest, Deus certe eam pudefaciet. Sed illa larua omissa, dicamus de uera humilitate, quæ Deum & hominem respicit. Humilitas coram Deo est uerus timor Dei, ex agnitione nostræ infirmitatis & bonitate Dei erga nos natus : qualis fuit humilitas Manassæ in carcere, qui posteaquam genua corporis propter angustiam carceris flectere non potuit, flexit genua cordis. Ita Abraham se humiliavit, quando se puluerem & cinerem fatebatur. Vera humilitas coram hominibus est uera dilectio, qua nos nemini præferimus superbe, sed omnibus nos sincere accommodamus. Huius humilitatis exemplum maximum habemus in Filio Dei, cuius exemplum ut imitemur, monet Paulus Philip. 2. Ita humilis fuit beata uirgo, Anna prophetissa & multi alij.

Iam de causis, sicuti promisi, tertio loco, dicendum est, quæ sunt sanè multæ. PRIMÆ, Mandatum Dei. Primum enim præceptum requirit humilitatem erga Deum : tota secunda tabula requirit humilitatem erga hominem. SECUNDÆ, Exemplum Christi, unde Paulus Philip. 2. Hoc sentite in uobis, quod & in Christo, qui cum esset Deus, assumpsit formam serui. TERTIÆ, Consideratio tui ipsius, quid fueris ante ortum, quid sis ab ortu ad occasum, quid futurus sis post hanc uitam.

H 4

Fueris

4
10 11

Fuisti semen & sanguis in utero materno, iam es in deserto miserarium huius uitæ, & tandem esca-
 cris uermium. QVARTA, quod bona, si quæ ha-
 bes, non tua sint, sed Dei, tibi in aliorum bonum
 collata. Si ergo inde superbis, aut male eis uteris,
 pœnæ tibi horribiles metuendæ sunt. QUINTA,
 cogitatio quod Deus possit tibi auferre quicquid
 habes donorum, si illis abusus fueris, & illi soli lau-
 dem non tribueris. SEXTA, quod multi qui mi-
 nora dona uidentur habere, quam tu, sepe utilio-
 rem operam collocent Reipub. & Ecclesiæ, quam
 tu. Nam ut Deus est robur panis: ita uis, qua ali-
 quid gratum illi sit. Atq; istæ sunt causæ sex, quæ
 coniunctæ ueram humilitatem efficiunt: quam im-
 pediunt duo mala: contentio & inanis gloria.
 Quare Paulus Philip. 2. ait: nihil ex contentione
 aut inani gloria, sed per humilitatem alij alios se
 ipsis existiment excellentiores. Qui enim conten-
 dendi libidine laborant, ut destituuntur caritate, ita
 uera humilitate sunt uacui: & ex diametro pu-
 gnat cum humilitate inanis gloria. Habemus iam,
 quid sit humilitas, quotuplex & quas habeat cau-
 sas: nunc sequitur, quod quarto loco promisi me di-
 cturum, de eius præmijs & germanis fructibus.

Qui uere humilis est, triplicem fructum, Pri-
 mum coram Deo, secundum coram hominibus, ter-
 tium in se ipso, consequetur.

Coram Deo hic primus fructus est, quod uere
 humilis habeat Deum in se habitantem. Vnde Isai-

as 57. in sancto habitans, cum contrito & humili spiritu. Et 66. Ad quam respiciam, nisi ad contritum spiritu & trementem sermones meos. Luc. 2. Deus exaltat humiles. 1. Pet. 5. Deus superbis resistit, humilibus dat gratiam.

Coram hominibus percipit humilis hunc fructum. Quemadmodum superbus ab omnibus contemnitur: ita uere humilis ab omnibus honoratur: cum honestum nomen & fama comitatur.

In seipso hos percipit humilis dulcissimos fructus. 1. humilitas est mater pudicitie, & patientie. 2. est uia ad sapientiam, Prouerb. 11. Vbi est humilitas, ibi & sapientia. 3. est custos timoris Dei & fidei. 4. est opitulatrix inuocationis, & ueluti exauditionis in Domino conciliatrix. Psal. 101. Prospexit Dominus in orationem humilium 5. humilitatem gloria comitatur, Matth. 5. Beati pauperes spiritu, quoniam ipsorum est regnum cælorum. Matth. 24. Qui se humiliauerit, exaltabitur. Prouerb. 29. Humilem spiritu suscipiet gloria, non quod humilitas ista mereatur: sed quod ista contingant humilibus propter humilitatem Christi, cui gloria in secula seculorum, Amen.

DOMINICA XVIII.

TRINITATIS, Matth. 22.

Cum audissent Pharisei, quod obturasset Iesus os Saducæis, conuenerunt in v-

v 5 num



num, & interrogauit eum vnus ex eis, legis
 doctor quispiam, tentans eum, & dicens: Ma-
 gister, quod est mandatum magnum in lege?
 Ait illi Iesus: Diliges Dominum Deum tu-
 um ex toto corde tuo, & in tota anima tua,
 & in tota mente tua. Hoc est primum & ma-
 gnum mandatum. Secundum autem simile
 est huic: Diliges proximum tuum perinde
 atq; teipsum. In his duobus mandatis tota
 Lex & Prophetæ pendent. Congregatis au-
 tem Phariseis interrogauit eos Iesus dicens:
 Quid vobis videtur de Christo? cuius filius
 est? Dicunt ei: Dauid. Ait illis: Quomodo er-
 go Dauid in Spiritu vocat eum Dominum?
 dicens:

dicens: Dixit Dominus Domino meo, sede
 à dextris meis: Donec ponam inimicos tuos,
 scabellum pedum tuorum. Si ergo Dauid
 vocat eum Dominum, quomodo filius
 eius est? Et nemo poterat ei respondere quicquam,
 neque ausus fuit quisquam ex eo die
 eum amplius interrogare.

ENARRATIO TEXTVS.

HOc Euangelium continet summam doctrinæ
 Christianæ, uidelicet doctrinam legis & Euangelij:
 Phariseus proponit questionem de Lege, Christus
 rursus de Euangelio: sed diuerso consilio. Phariseus
 enim de lege interrogat tentandi & calumniandi
 causa: Christus autem eo animo querit de Euangelio,
 ut errantes Iudeos & Phariseos deducat in ueram
 Legis & Euangelij cognitionem. Illi enim quia
 putarunt homines ex legis operibus iustificari,
 Euangelium contemserunt, putantes non esse opus
 alia doctrina ad salutem consequendam, quam legis,
 quorum errorem confutat Christus. Vide hic Christi
 bonitatem: Tametsi Pharisei ex malicia interrogant:
 tamen Christus ex officio respondet, & tradit absolutam
 doctrinam de Lege & Euangelio. Proinde summa
 Euangelij est, quod Christus totam legem & Prophetas
 reuocet ad hæc duo capita, quæ sunt dilectio DEI &
 dilectio proximi. Deinde de Messia querit, hoc est,
 de seipso, ut ostendat qualis sit, nimirum Deus &
 homo,


homo, qui ideo promissus erat patribus, ut destrueret opera Diaboli, & benedicerentur in ipso omnes cognationes terræ, qui sacerdos effectus iram Dei placaret, soluto precio pro nobis. Loci tres:

- I. De Saducæis, quibus Dominos os obstruxit.
- II. Quæstio de legis summa, & norma cultus
- III. Quæstio de Messia. (Dei.

DE PRIMO.

Pharisæi audientes, quod silentium imposuisset Saducæis, conuenerunt in vnum. Tametsi Pharisæi & Saducæi inter se aduersam religionem, & diuersas opiniones defendebant: Tamen in hoc conueniunt, quod utriq; se Christo opponant. Herodes & Pilatus fuerunt hostes: uerum in hoc conueniunt, quod ambo cupiunt Christum è medio sublatum. Ita impietas conspirat aduersus Christum & eius sanctum Euangelium. Quantum autem ad id, quod dicit Christum silentium imposuisse Saducæis, attinet, sciendum est, quod Saducæi, qui negarunt animas uiuere post mortem, & sustulerunt resurrectionem mortuorum, Christum impugnarunt, ut uel suæ sententiæ subscriberet, uel exponeretur ridendus rudis populo, qui ab istis doctoribus erat seductus. Adorti sunt ergo Christum hoc modo: si resurrectio mortuorum erit, multa incommoda, multa dissidia, & magnæ absurditates sequentur. Hoc ita probare conantur. Mulier quædam apud nos fuit, quæ nupsit septem uiris, uni post alterum: iam si futurum foret, ut mortui resurrexerent, quid esset?

ra est resurrectio mortuorum, resurget ista mulier, resurgent & septem mariti, quos habuit illa. Iam si unus ex illis ei adhæserit, alij mouebunt ei lites, si omnes simul cum illa una habitauerint, nihil erit mulieri molestius & uiris difficilius. Cum igitur hæc absurda sequerentur resurrectionem mortuorum, male asseritur resurrectio mortuorum. Hæc fuit eorum ratiocinatio, quorum officium erat recte populum instituere de spe uitæ æternæ, à qua perfide homines auocant, & tamen iusti uideri uolunt. Sed his Christus os obstruit, & ita silentium imponit, ut conuicti uerbis Christi, non habeant quod dicant. Hos ergo reprehendit, confutat & docet. Reprehendit quod ignorent scripturam & tamen uoluerunt esse scripturæ doctores. Confutat manifeste proposito exemplo: Deus est Deus uiuorum. Deus est Deus Abraham, Isaac, & Iacob: Ergo Abraham, Isaac & Iacob uiuunt. Sed si illi uiuunt: uiuunt, aut secundum corpora aut animas: non secundum corpora, quia illorum sepulcra nobis, igitur secundum animas, quas uos mori cum corpore falso dicitis. Nunc autem animæ uiuunt, ut suo tempore redeant in corpora, ut qui bona fecerunt in hac uita, mercedem recipiant, & qui mala, luant supplicia iusta. Hæc summa est confutationis. Quid docet? Duo. Vnum, quod mortui resurgant potentia & uirtute Dei, cui nihil impossibile est. Potuit ex nihilo omnia creare, cur non poterit animas ad corpora reuocare, præsertim



sertim cum illud & decreuerit & ipsius iusticia
& glorie intersit. Paulus Philip. 2. ait: Nos expecta-
mus saluatorem de cœlo Christum Iesum, qui trans-
figurabit nostra contempta corpora, ut fiant con-
formia glorioso corpori ipsius, per eam potenti-
am, qua potest sibi omnia subicere.

Cum igitur ratio nostra incipit disputare de
resurrectione, opponamus illi quatuor. Decre-
tum Dei, omnipotentiam Dei, iusticiam, & glori-
am Dei.

Decretum, quia ordinauit & proposuit se uel
le excitare mortuos. Hoc decretum, quia Deus est
immutabilis, nunquam antiquabit. Et extant huius
decreti quædam exempla. Christus Dominus resur-
rexit à mortuis: Enoch uiuus in cœlum translatus
est: Helias in curru ardenti in cœlum uiuus subue-
ctus est.

Omnipotentia opponatur rationi, quæ putat
impossibilem esse resurrectionem mortuorum. Si enim
non possit facere quæ decreuit, non esset omni-
potens. Si non omnipotens, neque Deus dici posset.

Iusticia est, ut reddat bene meritis præmia, &
impijs supplicia. Iam uidemus quod in hac uita,
pijs ut plurimum male sit, impijs uero bene. Sed
nunc cum iusticia Dei requirat, ut bonis bene sit,
& malis male, & id non sit in hac uita, necesse est
aliam uitam restare, in qua Deus iuxta suæ iusticiæ
normam pijs uitam æternam, impijs uero inferna-
les pœnas reddat.


Gloria

Gloria Dei etiam opponenda est Sadducæorum opinionioni & rationi nostræ. Deus condidit hominem in suam gloriam, ut se perpetuo prædicet & glorificet: quod sane non fieri posset, nisi esset resurrectio mortuorum.

Præterea docet Christus Sadducæos de statu hominum post resurrectionem. Non erit illic usus coniugij, non erit procreatio sobolis, sed uiuent perpetuo in omni æternitate casti, sicut Angeli Dei. Quare non est metuendum bellum inter maritos multos, qui unam & eandem uxorem unus post alium in hac uita habuerunt. Hæc sint dicta de Sadducæis, confutatione errorum eorum, & confirmatione nostri de resurrectione mortuorum: cuius fidem in nobis confirmabunt, decretum Dei immutabile, potentia, qua sibi omnia subijcere potest, iusticia, qua reddit unicuique iuxta facta sua, gloria, quæ illi redditur à sanctis in omni æternitate.

DE SECUNDO.

Procedit Phariseus, interrogat Christum quodnam sit summum legis præceptum. Dominus respondet: diliges Dominum Deum tuum ex toto corde tuo, ex tota anima tua, & ex totis uiribus tuis, hoc est maximum & primum mandatum. Secundum est huic simile: Diliges proximum tuum sicut te ipsum, In his duobus mandatis tota Lex & Prophetæ pendent. Id est, quicquid Prophetæ & Moses de uero cultu DEI docent, sub his duobus



duobus capitibus continentur. Cum nuper Dominica decimateritia Trinitatis & saepe alias de lege Dei dixi, quæ sit: quis eius usus: quod nemo possit ei satis facere: & quomodo pijs sit abrogata, nolo hic eadem repetere, sed duo dicam: Vnum cur Christus secundum mandatum de diligendo proximo, dicit simile esse primo, de diligendo Deo. Deinde, quia Christus dicit, totam Legem & Prophetas, in his duobus mandatis pendere, idq; ideo, quia quicquid Moses & Prophetæ docuerunt de cultu Dei, his contineatur: dicam pauca de uero cultu Dei, ut nobis certa eius ratio constet.

Quantum ad primum attinet, sciendum est, quod secundum præceptum de amando proximo non dicitur simile primo uel ordine, uel obiecto, uel gradu dilectionis. Nam ordine primum præceptum prius est. Obiectum primi præcepti est Deus, ut secundi præcepti obiectum est homo proximus. Gradus dilectionis requirunt, ut summum bonum maxime ametur: deinde reliqua quoq; suo ordine iuxta suæ dignitatis gradus. Non est ergo secundum primo simile ordine obiecti, aut gradu dilectionis. Quomodo ergo est simile? Primum affectu dilectionis, quia utrumq; requirit puram dilectionem. Deinde obligatione. Nam utrumq; nos obligat uel ad obedientiam, uel ad poenam. Postremo consecutione obedientiæ. Qui enim dicit se diligere Deum & proximum suum odit, mendax est, ait Apostolus Iohannes: Hoc sit breuiter dictum, quomodo secundum

dum præceptum sit simile primo de diligendo Deo :
nunc de uero cultu Dei dicam, quoniam de dilectione
Dei & proximi præcepta, materiam cultus Dei
continent.

Vt igitur doctrinam de uero Dei cultu melius
intelligamus, quatuor, quæ ad eius explicationem
faciunt, ordine dicam. 1. tradam regulam, ad quam
exigendus & probandus est cultus Dei. 2. ostendam
cultus Dei solidum fundamentum. 3. quodnam
opus recte dici possit cultus Dei aperiam. 4. indicabo,
quinam homines uerum cultum Deo præstare possint.
His quatuor rite cognitis, constabit nobis quanam sit
uera colendi Deum ratio.

Quantum ergo ad regulam cultus Dei attinet
hoc statuatur pro generali & immota regula, quod
nullus cultus Deo placeat, nisi quem ipse instituit.
Hanc regulam non omnes recipiunt, quare nobis est
firmis fundamentis munienda. Primum itaq; Deus
apud Isaiam Prophetam, & Christus in Evangelio
hanc regulam confirmat his uerbis : Frustra me con-
lunt docentes doctrinas mandata hominum. Et Spi-
ritus sanctus per os Pauli Coloss. 2. damnat omnem
cultum, quem homines sibi fingunt. Et Dominus apud
Ieremiam dicit : In præceptis meis ambulate.
Deinde impossibile est placere Deo sine fide. Cul-
tus autem præstatur, ut placeat : quare ex fide fieri
eum necesse est : ex fide autem fieri nequit, nisi ha-
beat mandatum & manifestum uerbum. Fides enim
ex uerbo pendet. His certissimis rationibus ita con-

x

firma

firmatur regula cultus Dei, ut qui contradicere pergit, stultior esse uideatur, quam qui negat solem exortum esse, cum sit clarissimus dies. Hanc igitur regulam firmiter teneamus, nec sinamus eam à nobis extorqueri ulla sophistica.

Huius regulæ usus est multiplex. 1. hac regula stabilitur autoritas legislatoris. Vbi enim in re pub. liberum est unicuique condere leges, uilescit autoritas superioris Domini. Hanc autoritatem sibi uendicat Dominus in præcepto primo, cum inquit: Ego sum Iehoua Deus tuus &c.

Secundus usus huius regulæ est, quod liberet hæc regula ab errore, ne erremus in colendo Deo.

Tertius est, quod impediatur superstitiones et petulantiam hominum: in excogitandis nouis cultibus.

Hactenus de regula cultus Dei sit dictum, uide licet quod nullus cultus Dei placeat, nisi quem ipse instituit, & de huius regulæ confirmatione usque: nunc quod secundo loco proposui, breuiter dicam de fundamento cultus Dei.

Fundamentum autem hoc positum est cum in cognitione Dei uera, tum in cognitione nostri ipsorum. Cognitionem Dei consequimur uerbo & testimonio uerbo addito. Vtrumque enim nos docet. 1. quod Deus sit fons omnis uirtutis, sapientiæ, iustitiæ & ueritatis: 2. quod illi omnis gloria tribuenda sit. 3. quod ad iuuandum sit promptissimus. 4. quod uelit omnes ad se confugere in quouis periculo. Cognitionem nostri consequimur ex duabus rebus:

rebus : ex consideratione imaginis Dei, ad quam homo creatus est, & ex presentium uirium nostrarum aestimatione. Consideratio imaginis deducit nos ad cogitationem finis, propter quem creati sumus homines rationales, monstratq; officium, in quo nos perpetuo occupari decet, nimirum ut referamus imaginem Dei in omni sanctitate & puritate. Aestimatio presentium uirium cogit nos fateri, quod nequaquam debitum officium prestare ualeamus. Pertinet igitur hæc duplex cognitio eo, ut Deo quidem omnem gloriam tribuamus: nobis uero omnem gloriandi materiam adimamus: monstratq; nobis hæc cognitio nostras sordes & imbecillitates. His ita explicatis de regula cultus Dei & eius uero fundamento: accedam ad illud, quod tertio loco proposui, & clare definiam quis sit cultus Dei.

Est itaq; cultus Dei opus mandatum à Deo, factum ex fide, in celebrationem gloriæ Dei principaliter. Hic primum indicatur, quæ opera sint cultus Dei, nempe sola illa, quæ Deus in lege sua præcepit, quemadmodum ex regula supra tradita clare liquet. Deinde additur fides, unde opus debet procedere. Est enim illa omnis operis boni efficiatrix: idq; ideo, quia nullum opus potest placere Deo, nisi prius persona placeat: placet autem persona fide. Sacrificat Cain: sacrificat Abel. Uterque habuit mandatum Dei: sed sacrificium Cain non fuit cultus Dei, sicut Abelis fuit. Quare? quia

Cain fidem non habuit, Abel uero habuit. Dant eleemosynam Cornelius Act. 9. & Phariseus. Vterque mandatum habuit: sed opus Cornelij fuit cultus Dei, quod ex fide profectum est. Pharisei uero fuit abominatio, quia persona Deo non placuit. Duo rustici arant agros, hic Deo cultum tribuit arans in timore Dei, expectans benedictionem à Deo: Alter non placet, quia fide & timore Dei uacat. Vterque tamen habet mandatum operis: In sudore uultus tui uesceris pane tuo. Ancillæ duæ præstant obedientiam suæ heræ forte in uerrendo pauimento, & ambæ habent mandatum Dei: sed illa, quæ fidem ad laborem affert, cultum Deo reddit: quæ uero fide destituitur, facit quidem quod debet ex officio, sed eius opus cultus Dei dici non potest.

Præterea opus mandatum, & ex fide factum, debet tendere in gloriam Dei principaliter. Hoc confirmatur Isaïæ testimonio: omnem qui inuocat nomen meum, in gloriam meam creauit eum, formauit eum, feci eum. Sed quid est Deum glorificare? Breuiter, est illi omnem gloriam tribuere, & eum corde, ore, confessione & moribus celebrare.

Sequitur quod quarto loco me dicturum promisi, scilicet quanam possint Deo uerum cultum præstare. Hoc tametsi ex superioribus colligi potest, tamen illud hic breuiter dicam. Illi soli Deum colere possunt, qui habent ad illum accessum: soli autem filij Dei habent ad illum accessum: Quare illi possunt soli Deo uerum cultum præstare. Sunt autem

autem filij omnes, qui credunt in nomen eius, Ioha. 1.
 & hi per fidem accessum habent ad Patrem. Rom.
 5. Et ea de causa Christus docens suos orare, iubet
 dicere: Pater noster qui es in coelis, significans tan-
 tum filios inuocare posse. Hæc de uero cultu Dei
 sint dicta, cuius summa continetur dilectione Dei,
 & dilectione proximi: nunc restat ut dicam de ter-
 tia doctrina.

DE TERTIO.

Quid vobis (inquit) videtur de Christo,
 cuius filius est? Dicunt ei, Dauidis est filius.
 Pharisei putarunt se iustos esse Lege: quod si ue-
 rum fuisset, frustra Christus promissus fuisset. Sic
 enim Paulus Galat. cap. 2. ait: Si iusticia est ex Le-
 ge, Christus frustra mortuus est. Querit igitur
 Dominus de Messia, id est, Christo, ut ea mentione
 excitet eos ad agnoscendum & meditandum fi-
 nem legis, & cogitandum cur Messias esset pro-
 missus. Quod si recte fecissent, ita fuissent ratioci-
 nati: Messias est promissus, ut tollat peccatum, si-
 cut ipse Isaias testatur: Ipse languores nostros tu-
 lit. Gen. 15. In semine tuo benedicentur gentes. Er-
 go necessum est, ut non tantum sit homo filius Da-
 uid: uerumetiam Deus Dominus Dauidis, quemad-
 modum & Psalmus testatur: Dixit Dominus Do-
 mino meo. Ex hac ratiocinatione & recte de Le-
 ge & recte de Christo iudicassent, & Christum
 ut uerum saluatorem fuissent amplexi, cui sit ho-
 nor in secula seculorum, Amen.

x 3 DOMI-



DOMINICA XIX.

POST TRINITAT. Matth. 9.



Iesus ingressus nauem, traiecit, ac venit in suam ciuitatem. Et ecce, adduxerunt illi paralyticum in lecto decumbentem. Cumque vidisset Iesus fidem illorum, dixit paralytico, Bono animo esto fili, remittuntur tibi peccata tua. Et ecce quidam e scribis dicebant intra sese, hic blasphematur. Et cum vidisset Iesus cogitationes illorum, dixit: Quare vos cogitatis mala in cordibus vestris? Vtrum enim est facilius dicere, Remittuntur tibi peccata, an dicere, Surge & ambula? Vt autem scia-


tis,

is, quod potestatem habeat filius hominis in terra remittendi peccata, tunc dicit paralytico: Surge, tolle tuum lectum & abi in domum tuam. Et ille surrexit, abiitq; in domum suam. Turbæ vero quæ viderant, admiratæ sunt, & glorificauerunt Deum, qui de disset potestatem hominibus.

ENARRATIO TEXTVS.

HOc Euangelium continet unum ex miraculis, quibus Dominus suam potentiam, uoluntatem & officium testatur, & simul confirmat suæ doctrinæ certitudinem. Narratur enim in præsentī Historia, quomodo Christus paralyticum sanat, quod factum non excipiunt auditores eodem modo. Pharisei enim blasphemant: turba uiso miraculo admonetur de præsentia Dei: confirmatur de Christi doctrina: unde non solum timorem & fiduciam concipit, uerumetiam ueros edit fidei fructus & prædicat bonitatem Dei. Est proinde hoc Euangelium, ueluti pictura quadam, in qua regnum Christi in hoc mundo depingitur, in quo sunt, qui infirmos ad Christum deducunt. Sunt etiam qui murmurant, ut Pharisei omnibus temporibus. Sunt quoque qui uere timent Deum, cumq; ob sua facta glorificant. Inter hos uarios auditores stat in medio Christus, recipit ad se uenientes, neminem ob miseriam contemnit, sanat uulnera, remittit peccata, ac suo Spiritu sancto ueluti balsamo preciosissimo, liuores nostros mitigat & sanat. Hæc summa & hic

x * scopus



scopus est hodierni Euangelij, quod docendi causa
in tres diuidam locos.

- I. De ijs qui hunc paralyticum in lecto iacentem
ad Christum portant, ut sanet ipsum.
- II. Murmur Phariseorum accusantium Chri-
stum, & eius defensio.
- III. Miraculorum Christi finis & usus.

DE PRIMO.

Et ascendens Iesus in nauiculam &c. Hic
omnium primum animaduertenda est occasio mi-
raculi hic à Domino editi. Christus, inquit, ascen-
dit in nauiculam, transfretauit & uenit in suam ci-
uitatem, id est, Capernaum. Illic enim frequentius
erat. Quæ causa fuit huius processionis? fuerat in
terra Gerasenorum, ubi demoniacum curauit, &
cum demones peterent, ut sibi liceret in porcos
intrare, Dominus annuit, & ita grex porcorum
ruit in mare præceptis & suffocatus est. Hoc cum
uiderent incolæ, uenerunt ad Iesum rogantes ip-
sum, ut à se discederet. Pluris enim suos fecerunt
porcos, quam Christum cum suo Euangelio: qui sa-
ne hodie multos socios habent, quos iure uocare
possumus Gerasenitas. Duo ergo hic obseruentur:
Vnum, quod nobis uitandum proponitur. Alte-
rum, quod omnibus pijs imitandum commendatur.
Vitanda est ingratitude Gerasenorum, qui pluris
petasorem, quam salutem fecerunt. Quorum simi-
les maxima pars eorum est, qui Christiano nomine
gaudent. Imitanda nobis proponitur industria
Chri-

Christi, qui quamuis occasionem nactus, pomeria sui regni dilatare studuit. Vt enim hac sua professione ostendit, quantum hominum sitiat salutem: ita nobis omnibus commendat suo exemplo in officio diligentiam.

Iam sequitur prima huius Euangelij pars. Et ecce offerebant ei paraliticum in lecto iacentem, & videns Iesus fidem illorum, dixit paralytico: Confide fili, Remittuntur tibi peccata tua. In hac prima huius historię parte habemus quatuor, quę obseruare utile fuerit. Primum exemplum baiulorum. 2. Paralyticus ipse. 3. respectus Christi in fidem eorum. 4. quomodo excipitur paralyticus à Christo.

In baiulis ex certis indicijs prodit se illorum fides, quę ita ardet ubicunq; uere est, ut nullis cineribus eius flamma suffocari possit. Hęc fides uel inde concepta erat, quod ipsum docentem & sonantem prius uiderant, uel ex fama, quę ad eos peruenerat de factis Iesu, summa est, quod sibi persuaserint, quod afflictos reciperet & iuuaret. Hęc uius horum baiulorum fides quintuplicem fructum edidit: quorum primus est confessio Christi, quam tum confiteri in tanta hostium rabie fuit arduum & rarum. Secundus, inuocatio, quę non magis abesse potest à fide, quam calor ab igni. Omnia enim uota credentium, quę nunquam intermittuntur, sunt inuocationes. Tertius, fortitudo animi, quod se exposuerint periculo uitę propter confessionem Christi:

x 5

Christi:

Christi: Nam Pharisei, Scribæ & præcipui homines in isto populo persequabantur omnes, qui Christo aliquid honoris tribuerent. Quartus, dilectio proximi, qua sincere proximum suum complexi sunt. Quintus, labor & molestia propter salutem proximi. Nam non solum portant illum, quod fuit caritatis intimæ: uerumetiam cum recta ad Christum propter turbam uenire non possent, ascendunt tectum, & per tabulatum demittunt languentem: quod factum non caruit periculo.

Quid nos hinc discemus? Cum his baiulis uel inuito mundo confitemur Christum: inuocemus ipsum, cum pro nobis ipsis, tum pro alijs: exponamus nos periculo propter ueritatem Euangelij, si res ita postulauerit: intime diligamus proximum, non solum affectu, sed opere etiam, & nullos detrectemus labores, modo eis prodesse ualeamus.


ALTERVM, quod in hac prima parte obseruandum dixi, est ipse paralyticus, in quo tria sunt obseruanda. Morbus, morbi causa, & quod se ad Christum portari uoluerit. Morbus fuit paralysis, quæ est ubi alterum latus aut dextrum, aut sinistrum sensum ac motum perdit. Morbus sane grauissimus, quo totum officium hominis impeditur. Causa morbi duplex: Vniuersalis, quæ est peccatum originis in omnibus hominibus: & specialis, quæ ortum habuit uel ex intemperantia, uel à grauiori aliqua perturbatione animi. Quod autem se ad Christum portari uoluerit, significat se fidem habere

habere in Christum, quemadmodum & ipsi qui illum portarunt.

Hoc exemplum paralytici imitemur & nos. Morbum nostrum internum & externum agnoscamus, peccatum nostrum fateamur, & cum hoc paralytico sinamus nos ad Christum unicum medicum portari.

TERTIVM, quod in hac prima parte considerandum admonui, est, quod Iesus uiderit fidem illorum, hoc est, baiulorum & paralytici. Vnde hæc discamus: primum, quo sit erga nos Christus affectu. Non enim aliter est erga nos quam erga hunc paralyticum affectus. Nam non est personarum acceptor Dominus. Deinde, quod Christus non tam magnitudinem peccatorum respiciat, quam fidem. Hæc impetrat à Christo salutaria animæ & corpori. Quamuis autem existimem hunc paralyticum aliquam scintillulam fidei habuisse: tamen non repugno, si quis dicat baiulos habuisse fidem & non ipsum paralyticum. Non est enim insolens, beneficia corporalia, imo etiam spiritualia, impetrari aliena fide. Ut enim aliquis sua sapientia potest efficere, ut alius euadat sapiens: ita qui credit, sua fide potest alijs fidem impetrare. Verum sicut nemo est sapiens aliena sapientia, sed sua: ita nemo saluatur aliena fide, sed sua propria. Hic ergo discamus & orare pro alijs, ut gratia Dei in illis augeat, & petere ab alijs, ut suis nos precibus Deo commendent. Multum enim ualet deprecatio iusti.

Quara



QVARTVM, quod in hac prima parte spectandum proposuit, est modus, quo hunc paralyticum excepit, qui hisce uerbis exprimitur: Confide fili: remissa sunt tibi peccata tua. Hic duo perpendantur: Vnum cur ita exceperit hunc afflictum, alterum excipientis oratio.

Hic paralyticus petit liberationem à morbo corporis: cur ego dicit, remissa sunt tibi peccata tua? Magne sunt profecto & graues causæ.

PRIMA est, ut doceat morbos stipendia peccati esse, ut Paulus dicit: stipendium peccati mors. Et Christus Iohan. 5. dicit cuidam quem sanauerat: Ecce sanus factus es, caue ne post hac pecces, ne quid deterius tibi eueniat. Et 1. Cor. 11. Propter irreuerenter usurpatam Domini Cœnam, multi fuerunt mortui & multi infirmi.

SECUNDA, ut doceat unde sit incoanda curatio corporis, nimirum ab animo, cuius maculæ prius sunt expurgandæ, quam adhibeas corporis medicinam. Seruemus igitur hunc in nostris morbis curandis ordinem. Primum agnoscamus morbum: Deinde agamus pœnitentiam, et petamus propter Christum remissionem peccatorum: tum utamur medijs ordinatis in timore Dei, & cum gratiarum actione: & agnoscamus medicum ministrum Dei esse, qui uice Dei manum nobis curandis adhibet.

TERTIA, ut hac oratione Phariseos arguat qui nec de sua persona, nec officio sincere iudicauerunt. Semper enim sunt, qui in operibus Dei quædam

runt, quod cauillentur, quod nos monebit, ne officium nostrum minus diligenter obeamus.

QVARTA, ut hanc occasionem nactus, plenius doceret de sua persona, affectu ergo homines, & officio ad quod erat à Patre in mundum missus.

Iam expendamus orationem Domini. Ait enim paralytico: fili confide, remittuntur tibi peccata tua. Hæc uerba filij Dei sunt, quare diligenter sunt expendenda. Hæc uox FILII opponenda est desperationi, quam ei morbus præsens persuadere uoluit. Vox CONFIDE opponenda est maledictioni, quam mala conscientia misero conata est persuadere. PECCATA, inquit, TVA. Hic gratia superabundat peccatum. Vox REMITTUNTUR opponenda est summo satisfactionis meritorum & iusticiæ legis. Remittuntur, inquit, peccata: beneficium gratiæ huic misero uoce sua accommodat. Habemus ergo hic doctrinam salutis, remissionis peccatorum, iustificationis & adoptionis. Hæc enim beneficia perpetuo coherent ita connexa, ut à se inuicem diuelli nequeant. Fidem requirit: credenti remittit peccatum: absolutum à peccato optat in filium, & ut iustum acceptat, quem iustificauit etiam glorificabit, collata æternæ salutis beatitudine. Nec est alia ratio ulla consequendi salutem, quam quæ in hoc exemplo nobis commendatur. Paralyticus tria facit, agnoscit peccatum suum: agnoscit se iuste puniri ob peccatum confidit in filium Dei, Christus rursus tria: Remittit pec-

tit peccatum, adoptat in filium, et acceptat ad uitam eternam. Tu hoc exemplum imitare. Agnosce serio peccatum: agnosce iustum Dei iudicium: & confidito in filium, & uere senties, quod Christus sua beneficia sit tibi collaturus. Hæc sint de prima huius Euangelij doctrina dicta: sequitur secunda.

DE SECVNDO.

Etece quidam de Scribis dixerunt intra se, hic blasphematur. Et cum vidisset cogitationes eorum, dixit: ut quid cogitatis mala in cordibus uestris? Hic Scribarum murmur & Christi responsio docent, quomodo regnum Christi & Satanae inter sese concurrunt. Habemus hic duo: quorum alterum est accusatio scribarum accusantium Christum: Alterum est Christi iustificatio defensio. Accusatio scribarum hæc fuit. Iste blasphemus est. Quare? quia dicit se remittere peccata, quod solius Dei est. Est enim usu scripture blasphemia, creaturae tribuere, quod est Dei proprium: iam dimittere peccatum est Dei proprium, quod uel ex Isaia constat, ubi Dominus per os Prophetæ ait: Ego sum, ego sum, qui iniquitates tuas deleo propter me, & peccatorum tuorum non recordabor ultra. Hinc iam immota consequentia existimant se concludere Christum blasphemum esse hoc: modo Quicumque sibi tribuit quod Dei est proprium, est blasphemus: iste Iesus sibi tribuit, quod est Dei proprium. Igitur iste Iesus est blasphemus. Et profecto uera fuisset ratiocinatio, si Christus

stus fuisset scribis similis, hoc est, si merus homo es-
set & non Deus. Videte quæso quanto sunt nostri
Papistæ & Monachi deteriores his scribis. Scribæ
uerbo Dei edocti, defenderunt hanc propositio-
nem: Nemo potest remittere peccatum nisi solus
Deus. Verum Papistæ remissionem peccatorum
tribuunt sanctorum meritis, missis & indulgen-
tijs: quæ non communicant gratis, sed uendunt ma-
gna pro pecunia. Mirabile sane mercatorum ge-
nus. Vendunt quod non habent: uendunt fumos
uerborum & accipiunt aurum, ementibus promit-
tunt cælum, sed conferunt infernum.

Sed quid dicemus de ministris uerbi? Remit-
tuntne illi peccatum? Non remittunt ipsi, sed an-
nunciant remissionem peccatorum omnibus, quos
inuenerint similes huic paralytico esse, non dant
de suo, sed offerunt alienum mandato Christi, offe-
runt remissionem peccatorum uoce Euangelij. Qui-
cunq; hanc uocem fide recipiunt, remissionem pecca-
torum accipiunt absq; omni dubio. Dicit enim Chri-
stus: qui uos audit, me audit.

Sed quid Christus ad hanc accusationem facit?
visis cogitationibus eorum dixit, Quid co-
gitatis mala in cordibus uestris? Quid est fa-
cilius dicere: Remittuntur tibi peccata tua, an di-
cere, surge & ambula? Hic Christus tria facit. 1. ui-
det cogitationes eorum, quod est solius Dei. Vnde
scribæ debebant cogitasse, quod Christus plus esset,
quam merus homo, nemo enim hominum potest al-
terius



704 DOMINICA XIX. POST
terius scire cogitationes. Solus .n. spiritus Dei scruta-
tatur profunda cordium. 2. arguit eos. Quid, in-
quit, cogitatis mala in cordib. vestris? quasi di-
ceret: Vos de me peruerse cogitantes peccatis. Non
temus ergo, quod malæ cogitationes sint peccata.
3. signo uisibili confirmat occultam suam diuinita-
tem, quasi diceret: uos dicitis: Qui tribuit sibi
quod est solius Dei, est blasphemus. Nomine enim
Dei & famæ nocet. Hoc sane uerum esse fateor. Sed
quod me Deum esse non creditis, erratis: quare uos
blasphemi estis, non ego. Ut autem hoc ostendam,
& conuincam me uerum Deum esse, hunc paralyti-
cum solo nutu sano: quod sane diuinæ est potentia.
Si hoc possum diuina potentia, cur non etiam pec-
cata remitterem? Quis potest morbum penitus tol-
lere, nisi qui morbi causam tollit? Iam uestris ocu-
lis uidetis me morbum tollere: Cur non etiam cre-
ditis me posse auferre peccatum morbi causam: ita
Christus ad facta sua prouocat, quæ de ipso testimo-
nium ferunt. Ita enim apud Iohannem dicit: Si mi-
hi non creditis, credite operibus meis, quæ testimo-
nium perhibent de me. Ex hac ergo secunda doctri-
na tria discamus. 1. perpetuam pugnam esse inter
regnum Christi & Satana: semper enim murmu-
rat Satan & uarias technas excogitat, ut Christi
regnum inuadere possit, iuxta illud: Tu insidiabe-
ris calcaneo eius. 2. Christum sua sapientia & po-
tentia superare potentiam & consilia Satana, iux-
ta illud: non est sapientia, non est consilium aduer-
sus

sus Dominum. 3. ut nos ei subijciamus, et eum uerum Deum agnoscamus & confiteamur cum omnibus, qui in uera poenitentia ad illum confugiunt.


DE TERTIO.

Videntes autem turbæ timuerunt & glorificarunt Deum. Hic habemus effectum & fructum huius miraculi apud spectatores, quem fructum Euangelista sua historia ad nos transfert. Sæpe de miraculis Christi dictum est, ideo hic pauca dicam. Christus hoc miraculo confirmauit suam diuinam potentiam, suam paternam uoluntatem erga homines, suum officium, quod est saluare, ad quod est missus, & ueritatem suæ doctrinæ obsignauit tanquam authentico sigillo & regio. Deinde in auditoribus concepta est fides, timor Dei è fide manauit, & ex fide Deum glorificauerunt corde, uoce, confessione & moribus. Hinc ergo & nos ista quatuor de Christo colligamus, ac una cum his spectatoribus concipiamus fidem, timeamus Deum, glorificemusq; eum, qui est laudandus in secula seculorum, Amen.

DOMINICA XX.

POST TRINITAT, Matth. 22.

Simile factum est regnum cœlorum hominibus regi, qui fecit nuptias filio suo. Et emisit seruos suos, ut vocarent inuitatos ad nuptias, et nolebant venire: Rursum emisit alios seruos, dicens, Dicite inuitatis: Ecce prandium meum



meum paravi, tauri & altilia mea mactata sunt, & omnia parata, venite ad nuptias. Illi autem neglexerunt & abierunt, alius in villam suam, alius vero ad negociationem suam. Reliqui vero tenuerunt seruos eius, & contumelijs affectos occiderunt. Rex autem cum audisset, iratus est, & missis exercitibus suis, perdidit homicidas illos, & ciuitatem illorum succendit. Tunc ait seruis suis: Nuptiæ quidem paratæ sunt, sed qui inuitati erant, non fuerunt digni. Ite ergo ad exitus viarum, & quoscuncq; inueneritis, vocate ad nuptias. Et egressi serui eius in vias, congregauerunt omnes quotquot inuenerunt, malos pariter ac bonos, & impletæ sunt nuptiæ discumbentibus. Ingressus autem Rex, vt videret discumbentes, vbi vidit illic hominem non vestitum veste nuptiali, ait illi: Amice quomodo huc intraisti, non habens vestem nuptialem? At ille obmutuit. Tunc dicit Rex ministris: Ligatis pedibus, & manibus eius, mittite eum in tenebras exteriores, ibi erit fletus & stridor dentium. Multi enim sunt vocati, pauci vero electi.

ENARRATIO TEXTVS.

Quod Christus perpetuo facit, id etiam in hodierno Euangelio facit. Nam ut bonus & fidei Pater suos liberos ad uitam honestam hortatur, idq; varijs modis: Ita Christus Dominus

et Pa

¶ Pater futuri seculi non una uia contentus est, sed multas tentat, quò suos in officio retineat. Alias enim id agit blandis uerbis, ut cum apud Matth. 11. Venite ad me omnes, qui laboratis & onerati estis, & ego reficiam uos. Alias paternis promissis, ut cum dicit: qui uenerit ad me, dabo illi aquam uitam. Alias muneribus, cum presentia confert beneficia. Alias minis, ut cum dicit Marci 12. Veniet & perdet colonos istos, & dabit uineam suam alijs. Ad eundem modum in hoc Euangelio, partim minis agit, proposito paradiigmate. Minatur enim extrema ijs, qui recusauerint ad suas uenire nuptias induiti ueste nuptiali: partim promissionibus, quod uenientes & ornatos ueste nuptiali uelit magnifice excipere & bene tractare. Proinde huius Euangelij summa est, quod Christus requirat à suis uitam adeo sancta uocatione dignam, & minetur ijs horrenda supplicia, qui in Ecclesia uiixerint sine poenitentia & sanctificatione, quæ uestis illa nuptialis est, quam hic sponsus requirit. Loci tres:

- I. Explicatio parabole nuptiarum.
- II. Reprehensio eius, qui in nuptijs sedet sine ueste nuptiali. (electi.)
- III. Querela Christi: Multi sunt uocati, pauci

DE PRIMO.

Simile factum est regnum cœlorum homini Regi. Ut autem, nobis fiat dulcius presens Euangelium, similitudines huius partis uideamus, quæ sunt multæ.

y 2 Primus:



PRIMA: Regnum cœlorum hoc loco significat Ecclesiam congregatam uoce Euāgelij, quod à Petro uocatur gens sancta et regium sacerdotium, genusq; electum.

SECUNDA: homo rex significat Deum Patrem cœlestem, quem Paulus Regem Regum & Dominum dominantium appellat.

TERTIA: regis filius est Dominus noster Iesus Christus, de quo inquit: Hic est filius meus dilectus, in quo mihi complacui. Hunc filium David sponsum nominat ornatum decoro sancto.

QUARTA: huic filio pater nuptias fecit, quando nostra causa eum nasci uoluit ex beata uirgine, qui tanquam sponsus, ut loquitur David, de thalamo suo procedit. Hic Ecclesiam sibi tanquam sponsam adiunxit, & eam sibi desponsauit, iuxta hoc Hoseæ Prophetæ dictum: sponsabo te mihi in sempiternum, & sponsabo te mihi in iusticia & iudicio, & in misericordia, & in miserationibus, & sponsabo te mihi in fide, & cognosces Dominum. Hæ nuptiæ, quantum ad humanum genus attinet, incoatæ sunt per sponsalia, mox creatis primis hominibus. Deus enim dum condidit hominem ad sui Cognitionem & amorem, dum ornauit primos parentes iusticia originali, impressa eis imagine Dei, hæc sponsalia celebrauit: Verum hæc sponsalia mox sunt uiolata artibus Satanae, qui hominem ad nefarium adulterium pellexit ut deficeret, à suo uero sponso, ad turpissimum adulterum diabolum: quam iniuriane


iniuriam sponsus contemptus, ultus est, dum adulteram nudam statuit, ablata imagine regis & detrahit ornamentis nuptialibus. Sed ô admirandam bonitatem sponsi, sponsam sibi ademptam & foedissime pollutam, redimere statuit: atq; ita statim spem huius redemptionis facit Pater sponsi data promissione seminis: tandem quando uenit plenitudo temporis, emittit Pater suum filium, natum ex Maria uirgine, factum sub lege, ut sponsam, quæ sub maledictione Legis erat, redimeret: quod factum est, quando seipsum precium statuit, quo redempta est & erepta è manibus adulteri Satanae.

Quantum autem ad singulos homines attinet, initiantur per fidem & baptisma, quemadmodum ipse sponsus ait: Desponsabo te mihi in sempiternum, & desponsabo te mihi in iusticia & iudicio & misericordia & miserationibus, & desponsabo te mihi in fide, & cognosces Dominum.

In hac desponsatione duo in uniuersum spectanda sunt: Vnum est pactio sponsi & eius promissio: Alterum pactio sponsæ, qua ipsa obligatur suo sponso. In pactioe sponsi sunt tria. 1. beneuolentia & amor sponsi gratuitus, quo ipsam sponsam absq; omni eius merito complectitur. 2. significatio durationis coniugij inter Christum sponsum & Ecclesiam sponsam. Desponsabo te mihi, inquit, in perpetuum. Manet igitur perpetuus Ecclesiæ sponsus. 3. Enumeratio dotum, quas suæ sponsæ largitur sponsus Christus, & numerantur hic quatuor: iusticia, iudicium,

2 3 pietas,

*patro pro
Christi in
Ecclesia, &
patro pro
i. e. Ecclesia
in christi*



pietas & miseratio. Iusticia propria sponsam suam ornat, dum remissis peccatis, illi suam imputat obedientiam, qua sponsa decora apparet, & pulchra in conspectu Patris sponsi. Iudicio eam ab iniuria uindicat, tuetur, ac errantem in uiam reuocat. Pietate, hoc est, uera storga coniugali eam amplectitur. Est enim pietas hic caritas ex intimis animi recessibus promanans. Miserationibus eandem prosequitur, dum quotidiana condonat errata, & eius calamitatibus afficitur. Hæc quatuor sunt in pactione sponsi. Verum in pactione à parte sponsæ duo sunt: Agnitio beneficii cum celebratione Dei, & fides qua recumbit sponsa in sponsi pectus, & ab eo omnia bona promissa absq; omni diffidentia expectat. Ex hac mutua pactione, nos doctrinam, consolationem & fiduciam concipiamus, ne fracti illis aduersis ab hoc sponso deficiamus, qui suam sponsam nunquam deserit, nisi illa prior fidem coniugij perfide uiolauerit. Deinde hic etiam discimus, quod quicumq; fidem Christi non habeat, non sit Christi, sed eis nefario adulterio pollutus. Hinc patet, quam uere dixerit Iohannes in sua Apocalypsi: Beati qui ad coenam agni uocati sunt.

QVINTA: Qui nã sint inuitatores ad has magnificas nuptias obseruandum est. Primum itaq; Deus æternus sponsi pater sua uoce ad has nuptias inuitat. Deinde multi sancti Patres ante diluuium. Post diluuium Nohe, Melchizedech: Ioseph & Moses in Ægypto: sancti Prophetæ & reges in terra Canaan,

naam: Daniel in Iudæa. Post hos uenit Paronym-
phus Iohannes Baptista, & digito monstrauit spon-
sum, qui et ipse cum Apostolis clamauit & inuitauit
ad has nuptias, dicens: Venite, omnia parata sunt.

SEXTA: Apparatus nuptialis est consideran-
dus. Vt enim in nuptiis hominum mactantur tauri,
oues, boues & feræ: Ita hic quoque nuptiarum appa-
ratus instituitur splendidissimus. 1. panis non cor-
ruptibilis, sed uiuus de cœlo nobis apponitur, de
quo qui ediderit non esurit in æternum. 2. potus
adeſt aquæ uitæ. Ita enim ipse sponsus ait: Si quis bi-
berit ex aqua, quam ego dabo, non morietur. 3. cor-
pore suo & sanguine fatigatos nos refocillat spon-
sus. 4. ornat nos suis uestibus, dum ipsum per Ba-
ptismum induimus. Ita enim S. sanctus ait per os
Pauli: Quotquot baptisati sunt, Christum indue-
runt. 5. bellaria sunt fructus de arbore uitæ, unde
uires sponsa habitura est, ut nunquam moriatur.

SEPTIMA: Illi autem, inquit textus, recusa-
runt uenire. Quid? Quæ est hæc ingratitude? In-
uitati nolunt uenire? Quid impediuit eos? 1. Ho-
spes illorum domesticus peccatum inhabitans. Hic
hostes suis illecebris detinet eos, quo minus ad has
nuptias inuitati ueniant. 2. hostis sponsi, hoc est,
diabolus uias occupat omnes, & intercludit uarijs
modis accessum ad nuptias. 3. negocia uaria. Alius
enim uillam, alius boues, alius uxorem, alius aliud
curat: Reliqui uero tenuerunt seruos eius & occi-
derunt. Hoc uerissimum esse docet mundi historia.

γ 4 Ad

Ad has nuptias inuitauit Abel, sed Diabolus emissio
suo satellite Cain, ipsum occidit. Ad has centum &
uiginti annos inuitauit Nohe, sed ab inuitatis deri-
sus contemnitur. Ad has Ioseph in Ægypto inuita-
uit, sed ab impudica adultera accusatus in carce-
rem conijcitur. Ad has inuitauit Moses, sed multa
patitur ab inuitatis. Ad has nuptias inuitant Patri-
archæ & reges sanctissimi, sed illorum uox sperni-
tur. Tandem uenit Paranympheus ipse Ioannes, sed
ab Herode trucidatur. Ad has inuitat ipse Sponsus
filius Dei, sed in patibulo crucis suspenditur. Ad
has inuitant Apostoli, & deinde omnes pij ministri
uerbi, quos Diabolus adortus, partim Sophistica,
partim tyrannide, partim hypocrisi necare contem-
nit. Adeo maxima pars mundi ingrata recusat ad
has filij Dei nuptias uenire.

OCTAVA: Quid rex ad hæc? Primum ira
scitur, quod sane non mirum est. Vidit enim se con-
temni & suas nuptias ab ijs, qui quicquid habent bo-
ni, uelint nolint, ei acceptum ferre coguntur. 2. pu-
nit corporaliter: id quod mundus ingratus, quem
per diluuium occidit Dominus, expertus est. Hoc
Sodomiticum incendium testatur: hoc excidium Hie-
rosolymitanum cōuincit. 3. punit spiritualiter in hac
uita tenebris et ignorantia, post mortem æternis sup-
plicijs. Exempla huius pœnæ sunt Græcia, Turcia, I-
talia, et maxima florentissimaq; pars totius orbis ter-
rarum. Hoc serio, sed frustra resipiscens in inferno
testatur diues ille Epulo, qui illis æternis pœnis cru-
ciatur.

Non

NONA: An rex nuptias, quas instituerat, propter hominum ingratitude[m] intermittit? Minime, sed ait seruis suis: Nuptiæ quidem paratæ sunt, sed qui erant inuitati, non erant digni. Hoc etsi de ingratitude totius mundi intelligi potest: tamen potissimum Christus hic agit de Iudæorum ingratitude, quibus hac oratione comminatur exclusionem à nuptijs filij Regis.

Ite ergo ad exitus viarum, & quoscunq[ue] inueneritis, vocate ad nuptias. En liberalitatem huius regis. Iubet ad nuptias filij inuitare omnes absq[ue] conditione gentis & personarum. Loquitur enim de uocatione gentium ad Euangelium. Et diligenter obseruandum est, quod dicit: quoscunq[ue] inueneritis uocate ad nuptias. Sed quando hoc dictum est ministris sponsi? Quando Christus dixit: Ite in mundum uniuersum, & prædicate Euangelium omni creaturæ, qui crediderit & baptisatus fuerit, saluus erit, qui uero non crediderit, condemnabitur.

DECIMA: & egressi serui eius in uias, congregauerunt omnes quos inuenerunt, bonos & malos, & impletæ sunt nuptiæ discumbentibus. Hoc factum est post diem Pentecostes, postquam armati fuerunt Apostoli Spiritu sancto, & deinde usq[ue] in hunc diem per Euangelij ministros.

D E S E C U N D O.

Intrauit autē Rex, ut videret discumbentes, & vidit hominem non vestitum veste nuptiali, & dicit ei: Amice, quomodo huic

y 5 intraisti,


intraſti, non habens veſtem nuptialem? Hic locus primum docet, quod in cœtu Eccleſiæ uiſibili debeant mali commixti eſſe bonis, uſq; ad extremum diem: id quod etiam parabola de zizanijs docet. Nec eſt ſperanda talis in Eccleſia hac uita, qualem Anabaptiſtæ fingunt. Eſt enim Eccleſia perſimilis agro, in quo creſcit cum zizanijs triticum. Quemadmodum enim triticum ibi manet triticum, cū plurimum zizaniæ ſubinde oriatur: ita Eccleſia ſancta manet, tametſi quædam habeat putrida membra. Sunt quidem Eccleſiæ membra, quotquot profitentur Chriſti religionem: ſed alia ſunt uiua, alia mortua. Viua ſunt, qui uiuam habent fidem: Mortua ſunt, qui religionem profitentur ſine uiua in Chriſtum fiducia. Qui autem ſunt extra uiſibilem Eccleſiæ cœtum, hoſtes doctrine, nec uiua nec mortua membra ſunt.

Sequitur, quod rex ingreſſus uiderit hominem non indutum ueste nuptiali. Quenam eſt iſta nuptialis uestis? Hoc neceſſarium eſt ſcire, ut nuptiarum Chriſti dulcedine perpetuo frui liceat. In extremo die in conſpectu huius regis ſtabunt duo genera hominum, quorum alij reſuſarunt uenire ad has nuptias, quales ſunt Turcæ, & Impij Iudei, & multe prophane gentes hodie. Horum neminem habere uestem nuptialem manifeſtū eſt, quarum tamen multi ciuilem honeſtatem amant. Quare iſta externa ciuilitas Ariſtidis, Fabricij, Fabij Maximi, Catonis, nequaquam eſt uestis ipſa nuptialis, quam hic requi-

rit

rit. Alij uenerunt ad nuptias, hoc est, ad prædicationem Euangelij se in externum Ecclesiæ cœtum receperunt. Verum hi non sunt unius generis. Quidā cum suis operibus fidunt, & putant suam turpitudinem tectam uestitu operum suorum. An hic uestis nuptialis est? nequaquam: nam excluduntur à nuptijs: Nemo autē qui uestem nuptialem affert, à nuptijs excluditur. Alij nulla habent opera nisi mala: sed gloriuntur de fide, & iactant se fideles esse, & hanc suam uanam gloriationem existimant uestem esse nuptialem, sed frustra. Dicit enim Dominus de talibus hypocritis: Non omnis qui dicit mihi, Domine, Domine, intrabit in regnum cœlorum: Sed qui Patris mei uoluntatem facit, qui in cœlis est. Alij uere credunt, hoc est, qui mortificant carnem & uiuunt Spiritu, agunt pœnitentiam & innocentiam meditantur. Hi soli uestem nuptialem habent. Siue ergo fidem uiuam siue significationem dixeris uestem nuptialem, non erraueris. Nam uocatio ad nuptias ut fidem, ita sanctificationem ueram requirit. Quod autem hæc sit uestis nuptialis in Abele, Abrahamo, Magdalena & alijs multis sanctis apparet. Neq; mirum est, huiusmodi uiuam fidem uestem nuptialem esse. Nam qui credit, eius peccatum remissum est, & ira Dei ablata est, is filius Dei est. Nam scriptum est: dedit potestatem filios Dei fieri, quotquot credunt in Nomen eius. Qui credit in eum, habet uitam æternam. Deinde credenti imputatur iusticia Christi, qua homo ornatus apparet

Sanctificatio



apparet iustus in conspectu Dei. Verum hic cauendum est, ne laruam aliquam pro uera ueste sumas, id est, ne inanem fiduciam pro uera & uiua fide iactes. Si uis ergo eius notas habere, scito has esse. Vbicunq; est uera fides, ibi simul adest poenitentia, uerum odium peccati, ueri terrores, rursus consolatio in corde accensa per Spiritum sanctum, studium gloriæ Dei promouendæ inter homines, officia caritatis, seu, ut uno uerbo dicam, uera sanctificatio, quæ non est aliud, quam separatio à prophanitate mundi per mortificationem carnis, & applicatio ad Deum per uiuificationem spiritus. Hæc sanctificatio ubicunq; est, in perpetua lucta est posita. Nam caro militat aduersus spiritum. Sanctificatio hæc non uno perficitur momento: sed toto uitæ tempore crescit: id quod uita sanctorum facile docere potest. Hæc sint dicta de ueste nuptiali.

Sed quid quæso fiet eis, qui hanc uestem non habent? Hoc textus his uerbis docet: ligatis manibus & pedibus eius, mittite eum in tenebras exteriores, ibi erit fletus & stridor dentium. Tenebræ exteriores notant supplicia & tristitias, quæ sunt extra regnum Dei, nempe in inferno. In has tenebras missus est diues Epulo, & omnes, quotquot ueste nuptiali non inueniuntur induti eo conijcientur.

DE TERTIO.

Multi sunt vocati, pauci vero electi. Hoc Christi dictum duo continet, nempe prædicationem misericordiæ & bonitatis Dei (qui omnes uocat ad nuptias

nuptias filij sui. Neq; ullos uocare putandus est, quos non uult interesse nuptijs filijs sui) & querelam de ingratitude maximæ partis totius mundi. Multi sunt (inquit) vocati. Iussit enim sponsus, ut Apostoli irent in orbem uniuersum & uocarent ad nuptias hos omnes, & ut supra dixit: Vocate ad nuptias quoscunq; inueneritis. Sed pauci sunt electi, id est, pauci habent uestem nuptialem. Electi enim dicuntur, quia ab alijs segregati sunt, & præ alijs sunt eximij. Ideo Petrus dicit, Christianos electos esse in sanctificationem spiritus, id est, ut spiritu sint sancti. Deus uult quidem omnes homines saluos fieri, ut Paulus docet, & parabola hæc ostendit, imo Christi uox Matth. 11. hoc conuincit: Venite ad me omnes qui laboratis & onerati estis, ego reficiam uos. Hoc dictum opponamus omnibus hostibus gratiæ Dei. Si ergo Deum respicis, Deus uult omnes homines saluos fieri, & ad cognitionem ueritatis peruenire, & uocat omnes promiscue ad nuptias filij sui. At si homines respicis, pauci sint electi, id est, pauci auditum Euangelium fide recipiunt & spiritu sanctificantur. Quare causa damnationis non est in Deo: sed in nobis ipsis querenda est. Quoties uolui (inquit Christus) congregare filios tuos, & nolui? Ecce duo hic habes: Christus uoluit. Ierusalem noluit. Monemur proinde hoc dicto, quod non satis sit audire Euangelium: sed obtemperare Euangelio oportet. Nam ideo prædicatur, ut Petrus docet, ut mortificemur secundum carnem, & uiuamus secundum spiritum.

Hæc



Hæc sint dicta de hodierno Euangelio: ex quo discamus Deum nos non ad perditionem, sed ad beatitudinem creasse, & omnia quæ ad ueram beatitudinem spectant gratis præparasse. Deinde quod qui damnantur, sua damnentur culpa, ut qui nolint Euangelio obtemperare. Quare si nobis salus curæ est, induamus uestem nuptialem, & meditemur ueram sanctificationem per Iesum Christum Dominum nostrum, cui cum Patre & Spiritu sancto sit honor in secula seculorum, Amen.

DOMINICA XXI.
POST TRINITAT. Iohan. 4.



Erat

o Evangelio: ex quo
ditionem, sed ad bea
que ad ueram beatitu
raste. Deinde quod
ur culpa, ut qui noluit
are si nobis illa care
rialem, & mitem
Iesum Christum dicit
e & Spiritu sancto
Amen.

ITAT. Iohan. 4.



TRINITATIS.

719

ERat quidam regulus, cuius filius infirmabatur Capernaum. Hic cum audisset, quod Iesus aduenisset à Iudæa in Galilæam, abiit ad eum, & rogabat eum, ut descenderet ac sanaret ipsius filium, siquidem is agebat animam. Dixit ergo Iesus ad eum: Nisi signa & prodigia videritis non creditis. Dicit ad eum regulus: Domine descende priusquam moriatur filius meus. Dicit ei Iesus: Vade, filius tuus viuit. Credit homo sermoni, quem dixerat ei Iesus, & ibat. Iam autem eo descende, serui occurrerunt ei, & nunciauerunt, dicentes: Filius tuus viuit. Sciscitatus est ergo horam ab eis, in qua melius habuisset. Et dixerunt ei: Heri hora septima reliquit eum febris. Cognouit ergo pater, quod illa hora erat, in qua dixisset sibi Iesus: filius tuus viuit. Et credidit ipse, & domus eius tota. Hoc iterum secundum signum edidit Iesus, cum venisset à Iudæa in Galilæam.

ENARRATIO TEXTVS.

HOc Euangelium docet nos, quo sit in omnibus huius uitæ calamitatibus fugiendum: nimirum ad omnis salutis & felicitatis fontem Iesum Christum: quod etiam Isaias monet cum ait: Haurietis aquas de fontibus saluatoris. Ad hunc fontem non pedibus sed affectibus: non ratione, sed fide accedendum est. Docet præterea hoc Euangelium, quam promptus sit Christus ad iuuandum, qui nul-

lunt;



lum, qui ad se, uenit, dimittit sine consolatione. Non enim aliter est affectus erga quenquam, quam erga hunc regium uirum & aulicum de aula Herodis: quem non solum uerbo consolatus est, uerumetiam miraculo eum iuuuit. Summa propterea Euangelij in illud Ioëlis dictum includitur: omnis qui inuocauerit nomen Domini, saluus erit. Loci tres.

- I. De humanis calamitatibus, earum causa & remedio.
- II. De increpatione, qua Christus hunc regium increpat.
- III. Vere fidei natura & indoles.

DE PRIMO.

Erat aulicus quidam, cuius filius infirmabatur. Hic mœstus pater & egrotus filius mundi calamitates nobis ob oculos ponunt: quæ sicuti sunt pœnæ peccatorum: ita etiam ueluti conciones quedam sunt iudicij diuini, quibus ad pœnitentiam inuitamur, sicuti hic aulicus mœstus propter filij morbum sentit suum peccatum, & illud deplorat. Huc pertinet illud Isaïæ: Angustia erit illis disciplina. Verum ut bonitatem Dei erga nos consideremus melius, dicam quibus modis Deus potissimum soleat nos ad pœnitentiam inuitare: sunt autem præcipui sex modi.

PRIMVS: proponit doctrinam legis, qua tanquam in tabula pingit peccata nostra: ostendit mentis cæcitatem: dubitationem de prouidentia Dei, de promissionibus & conminationibus: ostendit affectuum

Stuum impuritatem: ostendit cordis fœtorem, uoluntatis auersionem à Deo, & omnium uirium ataxiam. Deinde in secunda legis tabula, iniusticiam nostram erga homines & impuritatem affectuum nostrorum, adeo ut si quid iusti in tota nostra uita ante quam ad Christum conuersi fuerimus appareat, id sit non secus, quam pannus tæbe & impurissimo sanguine fœdatus: id quod Isaias conqueritur his uerbis: omnis iusticia nostra tanquam pannus sordidissimus. Has nostras sordes ideo nobis lex proponit, ut earum fœtore admoniti agamus pœnitentiam, & discedamus à uijs nostris pessimis.

SECUNDVS: magnitudo calamitatum internarum, quas nemo satis describere & deplorare potest, neq; ullius hominis tanta calamitas unquam fuit, quin aliquis nostrum possit in eam incidere, sicuti pie monet Ambrosius, cum ait: aut sumus aut fuimus, aut possumus esse quod hic est. Quanta fuit calamitas Adam, qui non solum uidit unum filium alterum occidere: uerumetiam uidit nongentis annis tristissimos nepotum suorum lapsus? Quantus fuit cruciatus in animo Dauidis, cum supra filiarum, patricidia filiorum uidit? quid dicam de paucis? omnes homines morsum serpentis sentiunt, qui morsus alio non spectat, quam ut inde cognoscamus iustissimum iudicium Dei, & confugiamus ad ueniam per ueram pœnitentiam, Manasse rabiose insurrexit aduersus Ecclesiam Dei 25. annis, & se horrendis modis contaminauit: nec unquam cogitasset

Ambrosius



tasset de agenda pœnitentia, nisi in Babylonicum carcerem fuisset abductus, ubi angustia carceris dedit illi intellectum. Ibi enim ex calamitatum magisterio doctus, flectit genua cordis, & ueniam peccatorum supplex petit, quam & impetrat.

TERTIVS: proponit nobis Deus aliena exempla, tragicos lapsus & multorum horrenda supplicia, ut illis admoniti agamus pœnitentiam. Omnes enim lapsus hominum, qui in historijs sacris & prophetis proponuntur, eo pertinent, ut nos cautos reddant. Cain lapsus in peccatum obrutus est æternis pœnis: Saul deficit à Deo, & non reuersus est per pœnitentiam, sed est ira Dei oppressus. Multi hodie ab Euangelio deficientes, incidunt in laqueos diaboli: unde nunquam extricare se possunt. Quare horum horrendis lapsibus & tristissimo supplicio admoniti, agamus mature pœnitentiam, ne Deus iratus nos abiciat: & simus memores dicti Poetæ: Felix, quem faciunt aliena pericula cautum.

QUARTVS: concionatur aliquando Deus per tempestates, terræmotum, horrendos aspectus in cœlo, quales uisi sunt ante destructionem Ierusalem: ut comete instar gladiorum, quales uidit hæc ætas permultos, quorum admonitu nisi egerimus pœnitentiam, in pœnas incidemus grauissimas. Hoc anno, qui est à natiuitate Christi 1561. uisus est in cœlo uir cruci affixus, habens in capite coronam spineam. Pluit sanguis, & alia multa quotidie conspiciuntur. Quoties ergo offeruntur nobis

huius

huiusmodi uisa coelestia, sciamus Deum inuitare nos ad poenitentiam his symbolis suae irae. Cum autem Dominus dicit: nolite à signis coeli metuere, uult ut agamus poenitentiam, ne mala, quae minantur signa, nos obruant. Nam omnibus poenitentibus cooperantur in salutem.

QVINTVS: proponitur nobis mors filij Dei, in qua Deus ostendit maximam suam iram aduersus peccatum: & simul inuitat ad poenitentiam. Is enim in cruce expandit brachia sanguine madida, & inuitat totum mundum ad poenitentiam, & offert gratiam omnibus poenitentiam agentibus. Quicumq; ergo differt poenitentiam, contemnit filium Dei, suo tempore poenas horrendas luiturus.

SEXTVS: incertus uitae huius exitus. Vita enim nostra similis bullae est, & flori, qui est in agro, qui hodie floret, cras in ignem mittitur. Huius uitae imbecillitatem proponit nobis etiam diuus Iacobus. Vidimus multos, qui sine poenitentia uixerant, subitanea morte tolli, adeo ut locus ad poenitentiam non sit illis relictus. Securis (inquit Iohannes) ad radicem arborum posita est. Et Salomone dicit: si ceciderit arbor ad austrum aut ad aquilonem, in loco, in quem ceciderit ipse arbor, ibi erit, id est, talis iudicaberis, qualem te in hora mortis inuenerit iustus iudex.

Ecce quot modis Dominus nos ad poenitentiam inuitat. Ipse ait: Nolo mortem peccatoris, sed ut conuertatur & uiuat. Hanc suam uoluntatem declarat,

z z clarat,

expositio.



clarat, cum tot modis adeo paterne ad poenitentiam inuitat: quæ sane ad poenitentiam inuitatio ad omnes spectat.


Sed Paulus dicit, Deum non multos sapientes secundum carnem, non multos potentes, non multos præclaro genere natos elegisse: sed idem dicit, Deus uult homines omnes saluos fieri. Quomodo ergo non elegit? Dicitur Deus eos non eligisse, non quia non uoluit eorum salutem, sed propter euentum, hoc est, quia sapientia huius mundi, potentia & claritas generis multos inescat & abstrahit ab obedientia Euangelij. Dauid fuit diues & potens: fuit etiam diues & potens Nero: quorum ille non est inescatus suis diuitijs & potentia, ut deficeret ab Euangelio: hic uero qui pluris fecit præsentem fortunam, quam futura uitæ gloriam, à diuitijs suis damnationis materiam sumpsit. Isaac fuit claro genere natus, fuit & Ismael clarus: sed non utriq; fuit par studium: Ismael enim claritate sui generis contentus promissiones spreuit: contra, Isaac fide promissionis iustificatus & saluatus est. His exemplis clare docetur, quod Dominus neminem abiciat propter dona, quæ in ipsum cumulauit. Nam potentia, diuitia, claritas generis, bona Dei dona sunt, quibus qui recte utitur felix est: Qui uero male, sua culpa uertit sibi dona Dei in damnationis instrumenta. Consilium ergo pauli amplectamur, modo nobis salus curæ est. Is enim ita dicit 1. Cor. 7. Qui utuntur hoc mundo, sint tanquam non utentes: Vult Christi-
stiani

stiani hominis animum rebus terrenis non occu-
pari, ut nos à uia recta uitæ abducant. Sic nos uult
uiuere, quasi singulis momentis migrandum sit ab
hac uita. In omnibus ergo rebus præsentis uitæ
corda habeamus erecta ad meditationem uitæ cœ-
lestis. Huc illud Pauli: quæ sursum sunt quærite,
ubi Christus sedet ad dextram Patris.

DE SECVNDO.

Dixit Iesus ad eum: Nisi signa & prodi-
gia uideritis, non creditis. Hic Christus incre-
pat aulicum, & uirum qui fuit in magna dignitate
& singulari autoritate apud Herodem, quod tamen
raro fecit Christus, præsertim cum homines tristes
petentes opem ad se uenirent. Hinc nos discere de-
bemus, non esse adulatorem aulæ & dicere placen-
tia: sed exemplo Christi ulcus tangere, ut dolor
sentiatur, ut postea felicius cura adhiberi possit.
Quântum autem ad hanc Christi increpationem
attinet, sciendum est, quod increpet Deus alias ut
Iudex, alias ut Pater, ut sit alia increpatio iudicia-
ria, alia paterna. Iudiciaria, qua ut Iudex increpat
impœnitentes, ut Scribas, Phariseos, Hypocritas,
qualis illa apud Matthæum, Væ uobis scribæ, Pha-
risei & Hypocritæ. Hæc horrenda est commina-
tio æternæ damnationis, cui subiectus est totus mun-
dus, qui contemnit Euangelium, iuxta illud: Qui
non credit, iam iudicatus est. Hæc increpatio nos
merito mouere debet, ut fugiamus peccata, ne inci-
damus in manus Dei uiuentis, & nostra culpa ab-

z 3 iecti



iecti eternum pereamus. Hic leuamus oculos, ac mores mundi uideamus.

Multi alieni à pietate uideri non uolunt, sed spe diuturnioris uitæ procrastinant poenitentiam. Multi decipiuntur stoicis imaginationibus & dicunt: si sum prædestinatus ad uitam eternam, non est quod ego magnopere sim sollicitus: siue bene siue male agam, Deus decretum suum propter mea scelera non mutabit. Hæc horrenda est blasphemia. Primum, quia hoc horrendo dicto Deo fit summa iniuria, qui neminem uult damnari, sed saluari, idque per salutem, id est, Iesum Christum, quem fide amplecti oportet. Non iussit Dominus prædicari Euangelium huic uel illi, sed omnibus promiscue, & addit conditionem: Qui crediderit, saluus erit, qui non crediderit, condemnabitur. Hoc Dei decretum nullum fatum mutabit. Proinde sic sentiendum est: ut quemadmodum Hector apud Homerum ait: Hoc augurium optimum est pugnare pro patria: ita fatum minime fallax est Euangelio credere, modo salutem uelis.

Alij, qui audiunt misericordiam magnam esse, uolunt peccare: & quando illis uisum fuerit poenitentiam agere. Hæc cogitatio multos prostrauit & prosternit hodie. Paulus dicit: Ne seducamini: Deus non irridetur. Quicquid seminauerit homo hoc & metet.

Alij multitudinem peccantium sibi proponunt. Is (inquit) non minus salutem suam uellet, quam ego:

go:

go: Deus non tantam multitudinem perdet. Sed uide quid acciderit in diluuiio. Christus spiritu per os Nohe predicauit spiritibus, hoc est, illis quorum animæ nunc sunt in carcere: sed maxima pars orbis terrarum Christi spiritum concionantem audire recusauit, adeo quod tantum octo homines seruati sint. Nihil hic uiuit malorum multitudo. Quinq; ciuitates, quarum capita fuerunt Sodomæ & Gomorra, uocem Loth contemserunt. Quid uiuit illos multitudo? Nonne ad unum omnes perierunt excepto uno uiro Loth, cum duabus filiabus? Quare caueamus, ne nos turba peccantium à pœnitentia impediatur: fugiamus impiorum uoces, qui nos ad peccandum inuitant, meminerimus dicti Christi qui mentiri nequit: nisi pœnitentiam egeritis, omnes similiter peribitis.

DE TERTIO.

Et credidit homo sermoni, quem dixit ei Iesus, & ibat. Hic primum obseruandū est, quod Christus non reiecerit hunc alienum, propterea quod ipsius fides erat infirma. Reprehendit quidem fidei imbecillitatem, sed non abiicit. Non enim arundinem fractam diminuit Dominus, nec linum fumigans extinguit, sed potius sanat & excitat. Discipulos obiurgat ob uacillantem fidem, sed non eos tanquam indignos à se repellit. Nouit enim quæ sint imbecillitates nostræ: nouit, quantis ardentibus concutiat fides nostra, nouit, quod in omni homine sit dubitatio horribilis.

expositio
et c.

Z

4

Se

4
10 11

Sed Philippus dicit Eunuchō petenti baptismum: si perfecte credideris. Ergo si baptismus conferri nequit sine perfecta fide, neq; alia beneficia sunt expectanda. Hic sunt duę questionēs: Vna de dubitatione: Altera de perfectione fidei. Quantum ad dubitationem, ita respondeo: Fides est firma & infirma: sed secundum diuersa principia. Si enim carnem respicis, subinde suboriuntur dubitationes. Sara, cui promissum fuit semen, risit, & ex carnis sensu magnam dubitationem habuit. Sic Abraham & multi sancti, quoties carnis sensu tanguntur, dubitare nonnihil incipiunt. Caro enim perpetuo aduersatur spiritui: nec est quod quisquam tantum robur fidei expectet, quin subinde carnis arietibus concutitur. Verum si spiritum respicis, fides firma est, nihil ambigit. Abraham, inquit Paulus, non hesitauit diffidentia, eo quod fuerit effoetus, & uxor Sara fuerit sterilis & natura & etate, sed dedit gloriam Deo, qui prestare posset quod promiserat.

Quomodo perfecta est fides? nonne quotidianis incrementis indiget? Est perfecta fides, et tamen indiget quotidianis incrementis. Perfectam habuit fidem qui dixit: Credo DOMINE, sed auge fidem meam. Hoc pulcherrima hac similitudine ostendi potest: Puer recens natus est homo perfectus. Vir adultus est homo perfectus. Ita est cum fide. Fides est perfecta, quę Christum perfectum recipit et apprehendit, sed opus habet quotidianis incrementis, quo absoluta fiat suis partibus. Sicut puer etsi perfectus

Quis est homo: tamen uictu & alimento indiget, quo iustam quantitatem acquirat: ita qui credit, opus habet perpetua meditatione uerbi Dei, opus habet pane coelesti, opus habet potu spiritali, quo indies noua incrementa accipiat: id quod in Apostolis uidemus. Petrus fidem habuit, quando dixit: quo ibimus, uerba uitæ habes. Verum hæc Petri fides maiores uires habuit, & ueluti adulta fuit die pentecostes, quando spiritum Christi uisibiliter nactus prodijt in medium, & Christo una concione tria millia hominum adduxit. Ita in cæteris quoque crescere debet fides: Cuius si substantiam respicis, statim ubi concepta fuerit ex uerbo, est perfecta: si uero quantitatem, quotidianis incrementis augefcit.

Quantum autem ad actiones fidei attinet, pulcherrime ostenduntur in hoc aulico. Primum etenim urget fides hunc aulicum, ut in suis calamitatibus ad Christum confugiat, tanquam ad uerissimum & peritissimum medicum omnium morborum & calamitatum. Deinde eum impellit, ut Christum inuocet petatque ab eo auxilium. Ad hæc facit, ut non statim Christum deserat: ubi ad primam petitionem non impetrat quod uult: sed ut urgeat Christum precando: ut non sinat se asperiori responso terreri ab eo, quem unicum saluatorem agnoscit. Hoc enim dum fit, impetrat à Christo quod uult: unde crescit magis, & fit ad petendum alacrior et ardentior, & edit fructus confessionis et glorificationis, sicuti hic dicitur: & credidit ipse, & domus eius tota.

Hinc ergo sex fidei proprietates colligere licet, quas habet perpetuas.

PRIMA, fides nos ad Christum in nostris calamitatibus petatum auxilium impellit: non nouit sanctos quos inuocet, sed solum Christum, quem agnoscit unicum Mediatorem esse inter Deum & hominem.

SECUNDA, ubi Christum accessit, eum inuocat, non sua dignitate, sed eius clementia & misericordia freta.

TERTIA, non si mox non impetrauerit oiosa quiescit et despondet animum, sed in orando perseverat.

QUARTA, impetrat quod uult: uult autem quod in Dei gloriam cedere potest.

QUINTA, postquam impetrauit quæ uoluit, magis crescit, & iustam quantitatem accipit.

SEXTA, edit fructum confessionis & prædicationis Dei. Et diligenter obseruanda est hæc clausula: Credidit ipse, & domus eius tota. Simile refert Lucas de Cornelio. Hinc ergo discamus nostram familiam ad pietatem assuefacere, simus ei typus & forma doctrinæ, rudes instituamus, delinquentes corripiamus, desideria excitemus: Breuiter, omnia faciamus, ut quod sunt familiæ, tot sint & Ecclesiæ. Verum qui nullam curam familiæ habent, ut pie instituatur, fidem quidem iactare possunt: sed tantum fumum fidei habent, & non ueram fidem, quæ perpetuo frugifera est per Iesum Christum.

T
Christum Dom
in la seculorū

DOM
POST



Simulacrum
regi, qui vo
nus suis, Et cur
rei vnus, qui
morum, Carter
iulsit eum U
m eius & libe
beri solutione
adorabat eu

Christum Dominum nostrum, cui laus & gloria in
secula seculorum, Amen.

DOMINICA XXII.

POST TRINITAT. Matth. 18.



Astimulatum ex regnum cœlorū hominī
A regi, qui voluit conferre rationem cum
seruis suis. Et cum cœpisset conferre, oblatus
est ei vnus, qui debebat ei decem millia ta-
lentorum. Cæterum cum is non esset solu-
endo, iussit eum Dominus venundari & vx-
orem eius & liberos, & omnia quæ habebat,
ac fieri solutionem. Procidens autem seruus
ille, adorabat eum, dicens : Domine esto pa-
tiens

4
10 11

tiens erga me, & omnia tibi reddam. Misertus autem Dominus serui illius, absoluit eum, & æs alienum remisit ei. Egressus vero seruus ille, inuenit vnum de conseruis suis, qui debebat ei centum denarios, & iniecta in eum manu, obtorto collo trahebat, dicens: Solue quod debes. Et procidens conseruus eius, rogabat eum dicens: Esto patiens erga me, & omnia reddam tibi. At ille volebat, sed abiit, & coniecit eum in carcerem, donec redderet debitum. Porro cum vidissent conserui eius quæ fiebant, indoluerunt valde, & venerunt, aperueruntq; Domino suo omnia quæ facta fuerant. Tunc accersiuit illum Dominus suus, & ait illi: Serue scelestè, totum debitum illud remisi tibi, cum obsecrasses me, Nonne oportuit & te misereri conserui tui, sicut ego tui misertus eram? Et iratus Dominus eius, tradidit eum tortoribus, quousq; redderet totum quod debebatur sibi. Sic & Pater meus cœlestis faciet vobis, si non remiseritis suo quisq; fratri de cordibus vestris delicta illorum.

ENARRATIO TEXTVS.

Occasio huius Euangelij fuit interrogatio Petri, qui Christum interrogat, quoties remittat peccanti aduersus se fratri, an usq; septies. Huic Dominus respondet. Non dico tibi usq; septies, sed ad septuagies septem, scilicet peccata. Septuagies septem

Septem sunt 490. quo numero significatur, quod fratri resipiscenti toties condonabimus offensam, quoties in nos peccauerit. Posuit enim numerum finitum pro infinito. Verum quia hoc durum uidebatur Petro, Dominus proponit parabolam, cuius hæc est sententia. Deus pater cœlestis condonat nobis sæpißime contra se peccantibus: Quare nos quoq; fratribus resipiscentibus, qui nos læserunt, condonabimus. Pertinet igitur hoc Euangelium ad tertiam partem pœnitentiæ, uidelicet ad nouam uitam ex fide degendam: cuius nouæ uitæ quædam pars est, mutua erratorum quæ incidunt condonatio. Quo autem hæc parabola clarius intelligi possit, rerum collationem instituam hoc modo: Quemadmodum homo prædiues creditor habet se ad debitorem pauperrimum, sed humiliantem se, prosternentem se coram creditore, & petentem ueniam: sic se habet Deus erga peccatores humiliantes se in uera pœnitentia coram Deo prosternentes se, & petentes remissionem peccatorum propter Christum. Sed creditor diues humilianti se debitori debitum condonat. Ergo Deus pœnitenti ex misericordia condonat omnia sua peccata. Iam sicut Deus se habet erga peccatores sæpißime aduersus se delinquentes: sic habebit se Christianus erga fratres seu conseruos suos in se delinquentes. Proinde ut Deus condonat gratis nobis errata nostra: Ita & nos offensas, quibus læsi sumus à fratribus, remitemus. Verum contra, quemadmodum creditor habet se



bet se aduersus eum debitorem, cui condonauit prius debitum, & postea eum crudelem deprehendit aduersus fratrem suum: sic se habet Deus erga eos quos receperat prius in gratiam: & postea deprehendit crudeles erga proximum suum. Sed creditor huiusmodi ingratum hominem reuocat ad rationes reddendas. Ergo & Deus reuocat ad seuerum iudicium, qui fuerant duri erga proximos. Proinde, condonandum est proximo, quotiescung; aduersos nos peccauerit. Loci tres.

- I. Vera agendi pœnitentiam ratio.
- II. Commendatio misericordiæ Dei erga peccatores.
- III. Officia mutua Christianorum condonare et condonari.

DE PRIMO.

Parabola creditoris & debitoris pulcherrimam agendæ pœnitentiæ rationem proponit, qua non est alia illustrior in toto nouo testamento: Quare omnes eius circumstantias perpendamus: Quis sit creditor: Quando exigat rationem: Cur debeamus: Quantum debeamus: Quid faciendum ubi urgeatur ratio: Quomodo satisfiat iusticiæ Dei, quæ efflagitat, ut soluatur quod debetur.

Quis est creditor? Deus Rex cœlestis. Is nos donauit multis bonis: formauit nos ad suam imaginem, dedit lucem in mente, rectitudinem in corde & uires interiores & exteriores, quibus potuimus ei obedientiam præstare.

An non

An non hæc sunt abolita per peccata primorum parentum? Verum quidem hoc est: sed dona, quæ contulit Adam, ad totam eius posteritatem pertinebant. Cum ergo ille noster parens amisit dona, & se & nos secum in mortem coniecit, proinde recte repetit à nobis Deus, quod in nostro parente amisimus: imo multis modis nos auximus debitum, ut eius summa ita magna sit facta, ut nemo possit eam soluere, etiamsi se & sua omnia uendat.

Quando hic creditor exigit rationem? Etsi autem perpetuo nos huius debiti admonet: tamen potissimum rationem exigere putandus est, Primum, quoties nostra conscientia peccati nos coarguit, & ueluti nos ad tribunal Dei prouocat. Deinde, quando S. Spiritus in ministerio legis uenit, & arguit peccatum, & prouocat ad poenam, nisi fiat solutio. Præterea, quando signa iræ Dei conspiciuntur, uel in cælo, uel in terra. Ad hæc, cum cruce aut morbo uexamur, quæ sunt ueluti ministri Dei, qui nos ad soluendum debitum urgent.

Sed cur peccata uocantur debita? Quoniam quemadmodum debita ciuilia obligant ad solutionem: ita peccata ad satisfactionem poenæ, nisi fiat solutio.

Cur debemus hoc iam dictum est. Debemus enim tantum, quantum apud parentem nostrum Adam deposuit, quod totum amisimus, & insuper nouis debitis nos onerauimus, quotidianis transgressionibus aduersus Dei sanctissimam legem, illius in nos iram prouocantes.

Quanta

Quanta est debiti summa? Respondet creditor, quod debeas decem millia talentorum, & quod tu non habeas obulum, tantum abest, ut tantum debitum unquam soluere possis. Decem praecepta continent debiti partes. Exigitur à te timor Dei, dilectio, fiducia, patientia, in primo praecepto: quia hanc obedientiam non praestitisti & solvisti, debes poenam. Ita examinandum est debitum in singulis praeceptis primae & secundae tabulae: unde magnitudo debiti colligenda est.

Sed quid hic faciendum est? Imitari debemus exemplum huius debitoris, qui se prosternit coram suo creditore, se humiliat, petit ueniam, quam & consequitur. Hoc est, Agnoscamus peccati magnitudinem: dolebimus ex corde, quod non reddiderimus quod debuimus: & confugiemus fiducia Christi ad Patrem coelestem, petentes ueniam & condonationem debiti: quod cum fecerimus, habemus promissionem, quod uelit nos, condonato toto debito, in gratiam recipere. Hoc clare in praesenti miraculo indicatur: cuius rei nunc aliquod exemplum proponam ad nos excitandos.

Mulier peccatrix. Luc. 7. agnoscens suum debitum, confugit ad gratiam, & uia fiducia recumbit in Christum, quam Dominus mox pronunciat consecutam esse condonationem debiti. Ita enim ait: Remissa sunt ei peccata multa. Sed ibi additur: quia dilexit multum. Christus non eam dicit debito satisfecisse dilectione: sed postquam nacta est solutionem,

tionem debiti, dilexit: id quod Christus aperte proposita hac parabola indicat. Nam cum Phariseus offenderetur, quod Christus non reijceret hanc mulierem, tanquam peccatricem, & ministerium eius non improbaret tanquam impurum, ita eius peruersum iudicium corrigit. Duo debitores (inquit) erant cuidam creditori: unus debebat denarios quingentos, alter quinquaginta. Cum autem illi non essent soluendo, condonauit utrisq;. Horum igitur dic uter plus diligit? Respondens Phariseus dixit, existimo quod is cui condonatum plus est. At ille dixit ei: recte iudicasti: & conuersus ad mulierem, dixit Simoni: uides hanc mulierem? Ingressus sum in domum tuam, aquam pedibus meis non dedisti, hæc autem lacrimis rigauit pedes meos, & capillis capitis sui extersit, Osculum mihi non dedisti, hæc autem non intermisit deosculari pedes meos. Oleo caput meum non unxisti, hæc autem unguento unxit pedes meos: Cuius rei gratia dico tibi, quod remissa sunt peccata eius multa: nam dilexit multum. Cui enim paululum remittitur, paululum diligit. Dixit autem ad eam: remissa sunt tibi peccata tua. Hic aperte uidemus, quod nacta remissionem debiti dilexerit. Nam remissionem peccatorum debet noua obedientia sequi, quæ dilectionis nomine hic significatur.

Videamus quoq; exemplum Dauidis, in quo conspiciuntur hi duo motus, quos in peccatrice uidimus: ingens pavor et consolatio. Nam cum à Pro-

A 4

pheta



pheta Nathan arguitur de rapta coniuge alterius,
 & de nece mariti, existunt in Dauide horrendi pa-
 uores propter magnitudinem debiti sui, quales pa-
 uores sepe describit: Non est pax ossibus meis à
 conspectu peccatorum meorum. Agnoscit iram Dei
 aduersus peccatum: dolet propterea quod offendit
 Deum: metuit se abijci à Deo, sicuti ante uiderat
 horribiliter abijci Saulem: deniq; metuit æternas
 & presentes pœnas. Hic fuisset dolore extinctus,
 nisi audiuiisset consolationem à Propheta, uice Dei:
 Non morieris, Dominus abstulit peccatum tuum.
 Hac audita consolatione accenditur in eo fides, qua
 apprehendens absolutionem, incipit intueri misera-
 ricordiam Dei, & in mediatore acquiescit.

Nuper audiuius pulcherrimum exemplum in
 Publicano, qui adeo agnouit magnitudinem sui de-
 biti, quod nec oculos leuare sit ausus: tamen audita
 misericordie Dei magnitudine, erigit se fide &
 precatur: Deus propicius esto mihi peccatori: atq;
 ita totius debiti gratuitam remissionem accepit.

Hæc exempla nobis proponamus, quæ clare mon-
 strant nobis pœnitentie & remissionis peccatorum
 doctrinam: quod remissio peccatorum sit debiti gra-
 tuita condonatio, quæ illi contingit qui agit pœni-
 tentiam, & confugit ad misericordiam Dei pro-
 pter Christum. Etsi autem hæc remissio omnino
 gratuita est, si nos respicimus: tamen si Christum re-
 spicimus, qui pro peccatis nostris horrenda susti-
 nuit supplicia, facta est Deo sufficiens pro debito
 nostro solutio.

Note

Notemus proinde REMISSIONIS uocem, quæ uel unica multiplicem in se continet doctrinam. Primum destruit doctrinam Monachorum de satisfactionibus. Nam si salus contingit per remissionem debiti iuxta Euangelium, quis furor est dicere, salutem contingere propter satisfactionem debiti. Nam remissio & satisfactio ita inter se pugnant, ut eidem nequaquam conuenire possint. Deinde, omnia merita humana euertit. Quomodo enim quod gratuitum est, ex merito esse potest? Aper-te Paulus inquit: Ei qui operatur, merces confer-tur non ex gratia, sed ex debito: ei uero qui non o-peratur, sed credit in eum, qui iustificat impium, imputatur fides eius ad iusticiam. Quemadmodum & Dauid inquit: Beati quorum remissæ sunt ini-quitates, et quorum tecta sunt peccata. Tercio, euer-tit remissionis nomen compensationem, quam Pa-pistæ docent, quæ compensatio debet fieri, ut docent, per peregrinationes, ieiunia, elemosynas. Ignem quoq; purgatorij exlinguit. Si enim est remissum debitum, cur punitur debitor. Postremo remissionis uox ianuam gratiæ miseris peccatoribus aperit, in agone mortis salutis est portus, & omnis consolatio-nis fons. Hæc sint dicta de primo loco.

DE SECUNDO.

Quia hic textus de parabola creditoris, quanta sit dilectio & misericordia DEI erga genus hu-manum, indicat, nonnihil de ea dicam. Est autem duplex Dei misericordia. Vniuersalis una, qua si-

A 4 2 ni



nit solem suum oriri super bonos & malos : & peculiaris, qua, ut carissimus Pater, Ecclesiam filij sui complectitur : de qua Christus Ioh. 3. Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat vitam eternam. Nullo maiori testimonio potuit celestis pater suam erga nos declarare misericordiam, quam quod dederit filium, qui nos à commerito damnatione per mortem suam redimeret, & daret vitam eternam. Quoties igitur audimus nominari misericordiam Dei, hæc cogitemus:

I. Cogitabimus quanta sit miseria generis humani priusquam in gratiam recipiatur. Iacet genus humanum prostratum & uulneratum à Diabolo, eius ueneno insuper infectum, nihil spirat præter peccatum, propter quod æternis pœnis est obnoxium.

II. Huius miserie cause sunt cogitande, quæ sunt cum peccata primorum parentum, tum nostræ propriæ sordes. Etsi enim illorum lapsu obnoxij sumus sententiæ damnationis: tamen quotidie novis peccatis obligamur ad grauiores poenas.

III. Philanthropia Dei & clementia erga genus humanum est cogitanda. Apparuit, inquit Paulus, Philanthropia & benignitas Dei salutaris omnibus hominibus. Quae potuit maior Philanthropia esse, quam quod nos non abiecerit propter tantam turpitudinem & foeditatem?

IIII. Cogitandum est Antilytrō, hoc est, uictima
fili,

filij, qua succurritur miserie humane & peccatum aboletur. Eum qui non nouit peccatum fecit peccatum, ut nos fieremus iusticia Dei in ipso, 2. Cor. 5.

5. Cogitanda est uia, per quam nos uenire possumus in possessionem misericordiae Dei: illa uia monstrata est in primo loco, quae nulla est alia, quam uera poenitentia.

6. Cogitandum est, quousque se diuina misericordia extendat, quod non ad paucos quosdam pertineat, uel ad homines unius aetatis: sed promiscue ad timentes eum. Ita. n. canit beata uirgo edocta spiritu Christi, quem conceperat iam ex S. spiritu: Misericordia Dei à progenie in progeniem timentibus eum, id est, omnibus qui agunt poenitentiam.

7. Cogitanda est perpetua gratitudo in tota uita, ut Deum pro tanta misericordia glorificemus corde, ore, confessione & moribus.

8. Cogitandum est, ut solliciti simus in tota nostra uita regenda, ne nostra culpa tantum bonum omittamus, quemadmodum hic debitor fecit.

DE TERTIO.

Tertiam doctrinam proposui de mutua condonatione erratorum, quae incidere solent. Nam haec coniuncta est cum fide remissionis peccatorum. Sunt autem duo cum fide remissionis peccatorum coniuncta, nempe gratia & donum. Gratia est ipsa iustificatio, qua hominibus credentibus imputatur iusticia Christi remissis peccatis: de hac dictum est in primo loco. Donum est ipsa donatio spiritus sancti,

Ad 3 qua



qua homo sola fide iustificatus simul regeneratur, sanctificatur, hoc est, mortificatur carne & uiuificatur spiritu. Mortificatur caro, quando aboletur peccandi consuetudo: uiuificatur spiritus, quando nouam obedientiam Deo prestare incipimus. Huius uiuificationis quedam particula est condonatio mutua, qua alij alijs peccata & offensas condonant. Quam sit haec condonatio necessaria, hodiernum Euangelium apertissime ostendit, sicut in praefatione dixi. Christus iussit nos precari: Dimitte nobis debita nostra, sicut nos dimittimus debitoribus nostris. Vult enim Christus nos imitari Patris sui exemplum.

Verum sunt duo genera hominum, qui nos offendunt: quidam offendere pergunt & non petunt condonationem: quidam, postquam senserunt se offendisse, mox supplices ueniam petunt. Quantum autem ad illos attinet, qui pergunt offendere, offensas remittas hoc modo. Deposito uindictae affectu cum amare non desines, quin etiam beneficium rependes loco iniuriae, quamuis de illo, ut meretur, sis mistre sentis. Nam cum Deus hostibus nos bene uelle iubet, non ideo protinus exigit, ut probemus in ipsis quae ipse damnat: sed tantum animos nostros uult esse purgatos. At quantum ad illos attinet, qui postquam leserunt, mox ueniunt & deprecantur ueniam, debemus nos fratres in gratiam recipere, ut de ijs recte sentiamus, simulq; persuasi deletam coram Deo esse peccati eius memoriam.

Porro

Porro
ingit inter
era leditur.
male uiuit &
bus nullam i
ille Ecclesiam
in gratiam re
est duplex: o
confugientem
fratrem illum
ipsius maculi
cta de tertio
tionem incide
exemplo Pat
condonauit p
seculorum, &

DOM
POST

A Beunter
A villaqu
illum mittun
anis, dicentes
fis, & viam I
quenquam
minum. Di
Licet censu
autem Iesu

Porro sciendum est, quod duplex offensio contingit inter fraires: una leditur frater à fratre: Altera leditur Ecclesia, scandalo uidelicet, cum quis male uiuit & agit, etiamsi nostræ personæ aut rebus nullam inferat iniuriam. Ita læsit incestuosus ille Ecclesiam Chorointhiacam, quem resipiscens in gratiam recepit. Hæc condonatio seu remissio est duplex: odium aduersus eum depones: Deinde confugientem ad gratiam recipies, & tanquam fratrem illum complecteris, quem antea fugisti, ne ipsius maculis te inuolueres. Hæc sint breuiter dicta de tertio loco, qui requirit mutuam condonationem incidentium erratorum inter homines, idq; exemplo Patris cœlestis, qui tantum debitum nobis condonauit propter Christum, cui gloria in secula seculorum, Amen.

DOMINICA XXIII.

POST TRINITAT. Matth. 22.

A Beutes Pharisei, consilium cœperunt, ut illaquearent Iesum in sermone. Et ad illum mittunt discipulos suos cum Herodianis, dicentes: Magister, scimus quod verax sis, & viam Dei in veritate doceas, neque cures quenquam, non enim respicis personam hominum. Dic ergo nobis, quid tibi videtur? Licet censum dare Cæsari, an non? Cognita autem Iesus malicia eorum, ait: Quid me

Aa 4 tenta-



rentatis hypocritæ: Ostendite mihi numisma
census. At illi obtulerunt ei denarium. Et ait
ad illos: Cuius est hæc imago & subscriptio?
Dicunt ei: Cæsaris. Tunc ait illis: Reddite er-
go, quæ sunt Cæsaris, Cæsari, & quæ sunt
Dei Deo. Et his auditis, mirati sunt, & omisso
eo abierunt.

ENARRATIO TEXTVS.

Consilium sanctorum patrum, qui hoc Euan-
gelium in Ecclesia proponendum iudicarunt,
fuit, ut extaret doctrina in Ecclesia de discrimine
spiritualis regni Christi, & regnorum mundi. Dein-
de ut scirent pij, quatenus obediendum sit politico
magistratui.

Occasio

Occasio autem huius Euangelij, fuit malicia Phariseorum, qui iuxta uaticinium Davidis consilia inierunt aduersus Dominum & aduersus Christum eius, quo ipsius regnum evertant, & suam superstitutionem stabiliant.

Versatur autem totum Euangelium in hac questione: Iurēne populus Dei externo & politico magistratui esse subiectus, & ei tributa dare et obedire debeat. Christus ad hanc questionem ita respondet: Ecclesia ijs omnibus, quibus est subiecta, obedientiam debet. Cum ergo populus iudaicus & Deo subiectus sit, nam ab eo in peculiarem populum est electus, & Cesari, qui armis eum subiecit, Deo reddere quod illi debetur, & Cesari quæ sunt Cesaris debet. Hoc responsum eo pertinet, ut doceat Ecclesiam suam debere subiectam esse magistratui ciuili, atq; tributa soluere, & tantisper obedire, donec aliquid contra uerbum Dei & legem naturæ præcipiat. Loci duo.

I. De hypocrisi & usitata ingratitude erga bene meritos.

II. De questione Phariseorum et de magistratu.

DE PRIMO.

Tunc abeuntes Pharisei consilium inierunt, ut caperēt eum in sermone. Hostes Christi fuisse Phariseos, testatur tota Euangelica historia. Et tametsi nec in doctrina quicquam, nec in uita erat, quod poterant reprehendere: tamen omnes querunt occasiones, ut innocenti sint molesti, eumq;

A 4 5 tradua



Utendūe mihi nōdū
runt ei denariū frāt
e imago & talis pōt
unc ait illis dōdūe
is, Cesari, & quā
is, mirati sunt, & cōsū

O TEXTVS,

patrum, qui hos Eua
ponendū indicant.
Ecclesia de discrimi
regnum mundi. De
bediendū sit politia

Oris



traducant, tanquam qui male doceret & male ui-
ueret. Hoc perpetuum fuit hypocritarum studium
in mundo. Exemplum habemus in Ecclesia Dei hoc
die. Monachi & Pharisei Papistici bene norunt no-
stram doctrinam, quam docemus, ex Mose, Prophe-
tis & Apostolorum scriptis desumptam esse, nec ali-
quid habent, quod iure reprehendere possint in
multorum piorum ministrorum moribus: tamen ua-
rias excogitant calumniandi artes mille uias qua-
runt ad abolendum Euangelium, potius uiderent
Turcam regnare, quam Euangelij puritatem con-
seruari. Vnde tanta rabies? unde haec malicia? sunt
satellites Satanae, quare non est mirum, si in castra
Christi irrumpere conantur. Deinde haecenus fue-
runt in magno precio, & salutabantur sanctissimi
patres: nunc autem detecta illorum hypocrisis uile-
scunt, & illorum superstitie explosa contemnitur.
Totas igitur uires intendunt, ut cursum Euangelij
cadaueribus & sanguine sanctorum intercludant.
Sed Deo sit Gratia, Ecclesia Christi est aedificata
super firmissima rupe, ut portae & consilia uiresq;
inferorum aduersus eam praeualere nequeant. Hoc
proinde cum sit perpetuum, non est mirandum,
quod hi Pharisei suo faciant more.

Videamus ergo quibus artibus Christi regnum
inuadant. Euangelista noster quatuor illis tribuit ar-
tes, quibus utuntur prius quam manum admovent.
Primum consilium: Consilium, inquit, inierunt.
Est enim consilium actionis fundamentum. Conueni-
unt

unt ergo, conferunt sua nefaria consilia, & quo quisq; sit in consultando nequior, eo maiorem laudem reportat. Hoc longe ante praevidit spiritus Christi in Davide, quemadmodum habemus in 2. Psalmo. Quare fremuerunt gentes & populi meditati sunt inania. Vere inania, quia Dominus fatuabat consilia eorum. Deinde notatur hic, quo omnia ipsorum consilia tendebant. Vt (inquit Evangelista) caperent eum in sermone. Vt ita captius exponeretur ludibrio populi: infamaretur eius doctrina: uilesceret autoritas: utq; ad extremum raperetur ad supplicium, ut contumeliosus in Deum, haereticus & maleficus. Vides scopum consultationis Pharisaeorum. Tertio loco sequitur, qualenam inuenerint consilium. Placuit istis bonis consiliarijs, ut mitterent suos discipulos cum Herodianis. Astute admodum, ut haberent praesentes testes, qui possent ipsum apud Herodem traducere, si quicquam dixisset, quod alias minus placuisset. Hos discipulos egregie hypocrisi instruxerunt, ut essent ad fallendum magis idonei. Nulli enim citius fallunt, quam qui cum externam sanctitatem & comitatem simulant, occulte fallere instituunt. Quarto describitur horum hypocritarum oratio in hunc modum: Magister, scimus quod verax sis, & viam Domini vere doceas, & quod non sit tibi cura de aliquo. Hoc est principium orationis illorum: quod sane, si uerba spectes, aptissimum est. Continet enim duo: Primum, agnoscunt eum magistrum, deinde

deinde tribuunt ei uirtutes, quas habere oportet *fi-*
delem doctorem. Cum eum uerbis agnoscunt Domi-
 num, uolunt non hostes, sed amici, imo discipuli ui-
 deri, qui magno discendi desiderio teneantur. Cum
 tribuunt ei uirtutes, quas uerus doctor habere de-
 beat, fraudulentem se insinuant Domino, ut nihil sibi
 ab illis periculi esse credat. Sed nullum est consili-
 um, nulla prudentia aduersus Dominum. Sed quæ-
 nam sunt illæ uirtutes, quas Christo tribuunt? PRI-
 MA est ueritatis studium: Scimus (inquiunt)
 quod verax sis. SECUNDA, certitudo doctri-
 næ: & viam Dei (inquiunt) in veritate doceas.
 TERTIA est constantia & animi fortitudo: &
 non (inquiunt) est tibi cura de aliquo: Quare?
 Quia non respicis personam alicuius (& hæc est
 quarta uirtus) Non enim (inquiunt) respicis per-
 sonam hominum. Hæ quatuor uirtutes sunt ma-
 gnæ, & requiruntur ab omnibus Dei ministris.

Veritatis studiū facit, ut excussis ignorantie te-
 nebris, ueritas illucescat. Certitudo doctrinæ fa-
 cit, ne uariæ doctrinæ uentis, & rumorum uanitas
 te fluctuemus. Constantia & animi fortitudo in-
 uictum in officio reddit. Quod non personas homi-
 num respiciat, Doctor efficit ut ueritas non metu
 aut alia re supprimatur. Has uirtutes Dominus Io-
 hanni Baptiste tribuit: & quod fuerit eis uere
 præditus ostendit effectus: Nam cum Herodes ac-
 cepisset per uim uxorem fratris sui Philippi, auda-
 cter illi restitit, non ueritus personam, quam susti-
 nuit,

nuit Herodes. Dicit enim: Non licet tibi habere uxorem fratris tui: propter quod paulo post raptus est ad supplicium. Huiusmodi uirtutes habuit & Helias, qui impio regi restitit, & aperte illi in os dixit: Tu perturbas Israel, & domus patris tui. Verum hoc qui non faciunt, uerius mercenarij dicendi sunt, quam ueri pastores. Haftenus de machinis Hypocritarum aduersus Christum.

DE SECVNDO.

Quaestio sequitur, qua ita putant se Christum posse constringere, ut non habeat quo euadat. Licet (inquiunt) censum dare Cæsari an non? Hic putarunt quod necessario & simpliciter alterum ex his duobus esset responsurus, licere, aut non licere. Si dixisset licere: turbam offendisset, quæ inuita istud onus sustinuit, ac ita habuissent accessum ad ipsum perdendum, deficiente ab eo turba: At si dixisset non licere: aderant Herodiani, qui mox illum tanquam seditiosum rapuissent ad poenam. Quid ergo ad hanc quaestionem Dominus? Duo facit, Primum obiurgat eos, Deinde soluit quaestionem. Cognita, inquit Euangelista, Iesus nequicia eorum, ait: Quid me tentatis hypocritæ? Hic experiuntur uerum esse, quod illi antea adulandi gratia dixerant: non respicis personas hominum. Quaestionis solutionem hoc pacto instituit: Ostendite mihi numisma census: at illi obtulerunt ei denarium. Cuius est imago hæc (inquit) & superscriptio? Dicunt ei, Cæsaris. Tunc ait illis: Red-

Reddite ergo quæ sunt Cæsaris, Cæsari, & quæ sunt Dei, Deo. Questio soluta est, ita ut nec ueritatem tacuerit Dominus, nec ansam calumniandi habuerint Pharisei. Quare confusi mirati sunt & abierunt. Adeo nullum consilium, nulla prudentia ualet contra Dominum.

Sed quid hæc Christi responsio nos docet? Primum discernit inter regnum Cæsaris & Dei, id est, inter regna mundi & Ecclesiam. Deinde distinguit inter personas, quæ his diuersis regnis præsent. Tum docet obedientiam præstandam esse in utroque regno, hoc est, ut Deo suus cultus tribuatur in spiritali suo regno, & Politico magistratui debita præstetur officia. Hoc loco dicendum esset, quid Deo debeatur, & quid politico Magistratui: uerum quia sæpius alias dictum est de cultu Dei, hic de magistratu dicam, quo admoneamur, quam pie nos de magistratu sentire oporteat. Dicam igitur quinque de magistratu. 1. unde, et quid sit. 2. quæ conditiones boni magistratus esse debeant. 3. quod officium, quique fines sint administrationis politicæ. 4. qualenam magistratus ius existat in subditos & subditorum bona. 5. quid magistratui suo debeant subditi.

PRIMUM, quod proposui, nempe unde & quid sit magistratus, Paulus Rom. 13. declarat, ubi docet magistratum à Deo esse. Non enim (inquit) est potestas nisi à Deo, quæ uero sunt potestates, à Deo sunt ordinatæ. Quod quidem de iure imperij intelligendum est, non de confusione, quæ sæpe in impe-

imperijs propter scelera hominum cernitur, Dum itaq; boni magistratus præsunt, Deum ueluti propinquum nobis cernimus, & nobis eorum, quos constituit, manu imperantem. Contra cum impij magistratus præsunt, impietas quædam à Diabolo & prava uoluntate imperantis est: sed Deus iratus laxat frena Tyrannis & impijs, ut ita ingratitude hominum ulciscatur.

Habes unde sit magistratus: quid autem sit idem Paulus definit: nempe quod sit ordinatio Dei subditis in bonum, dum honorantur boni, & puniuntur mali corporalibus pœnis.

SECUNDVM, quod proposui, fuit de conditionibus boni Magistratus, quæ Moſis 12. quatuor recensentur, nimirum ut Iudex seu magistratus sit sapiens, Timens DEI, uerax ac minime auarus. Sapiencia gubernet actiones ne in administratione per errorem peccet, ac peruertat iudicium. Timor Dei efficit, ut Deum respiciat in omnibus causis, caueatq; ne quicquam committat, quo illum offendat. Veritas monet, ne falsas legum interpretationes & sycophantias admittat. Odium auariciæ sinceritatem in iudicando conseruat. Vbi enim munerarij iudices sunt, actum est de æquitate. Nam si personæ acceptio corruptio est iudicij, ut nullus sit æquitati locus, profecto auaricia efficit, ut iudex potius personam quam causam intueatur. Quisquis igitur magistratu fungens precio ducitur, æquum & bonum perspicere non potest.

Munere



Munere enim excæcantur oculi sapientum & peruertuntur uerba istorum. Hinc est quod auari iudices furum socij dicantur ab Isaia.

TERTIVM, quod proposui de Magistratu, fuit de eius officio, de quo nunc agam. Ostendam autem magistratus officium cum ex testimonijs scripturæ, tum per exempla illustrium hominum, qui magistratu cum laude functi sunt. Officium magistratus in genere est, ut sit custos diuinæ legis, hoc est, ueræ religionis conseruator. Hoc autem officium tum demum exercet pius Magistratus, cum exemplo Dauidis, Iosia, Ezechia tollit idolatriam & idolatriæ occasionem: ut Ezechias æneum serpente diminuit: Iosias templum purgauit à uarijs idolis: Moses uitulum confregit: Dauid exhortationibus populum ad uerum cultum Deo præstandum adduxit. Nam si Magistratus à Deo ordinatus est, ut sit minister Dei homini in bonum, debet utique, quæ homini noxia uidet, pro uiribus amoliri, ne reipublicæ bonum & ciuium salus impediatur. Deinde curabit magistratus exemplo Iosia, ut uera religio proponatur, conseruetur & propagetur, impijs doctrinis abolitis. Quanquam autem distincta sunt officia magistratus ciuilib, & ministerium uerbi: tamen in hoc conuenire possunt & debent, ut gloriam Dei & salutem generis humani simul quærant, sed seruata utriusq; legitima ratione: hoc est, ut magistratus ciuilib edicto & gladio, minister autem uerbi doctrina, exhortatione, obiurgatione

&

et comminatione, impietatem tollere, et gloriam Dei querere conentur. Præterea quia religio sine docentibus et discentibus conseruari nequit, Magistratus officium est scholas erigere, stipendijs conseruare, ut docentes et discentes pietatis studijs incumbere possint. Adhæc Ezechie et regis Ninive exempla commonefaciant magistratū, ut uel præsentem, uel imminentem iram Dei solennibus ad Deum precibus, ueraq; ad Dominum conuersione auertere studeant. Atq; hæc quidem ad eam partem legis referenda sunt, quæ ad religionem potissimum spectat. Quantum autem ad externum politicum statum attinet, idem officium est magistratus boni in sua republica, quod honesti patrisfamilias in sua domo, nimirum ut quemadmodum pater liberos disciplina regit, castigat contumaces, bonos honore afficit, largitur præmia, breuiter in hoc totus incumbit, ut sua familia quam optime constituta uideatur: ita magistratus in sua republica facere debet, ut uere Pater patriæ dici possit.

Verum si quis officia magistratus numerata sibi cupiat, is sciat primum magistratus officium esse studium pacis, ut in tranquillitate Deum colamus abolitis superstitionibus, quæ ueram religionem corrumpunt, ac pietati ueræ sunt impedimento. Secundum magistratus officium est, ut singuli sua officia recte faciant, quod fieri non potest, nisi ubi legum maneat autoritas et executio. Leges enim ferre, quas executio non sequitur, rerum publica-

Bb

rum



rum pernicies est: quare ut honestas leges magistratui ferre licet, ita caueat oportet, ne in contemptum ueniat, quod sit, quando non sequitur executio. Tertium officium est, ut puniat fontes, & insontes tueatur iuxta legum præscriptum, & prudentem moderationem. Ex his facile est colligere, quoniam sint fines magistratus, nimirum quod sit ordinatus propter Deum ad Ecclesiæ & rerum publicarum utilitatem: quare recte dicitur, quod gubernatio, religio, & propria domus principi curæ esse debeant.

QUARTVM, quod promisi me dicturum, est de iure magistratus in subditos & subditorum bona. Xenophon Philosophus hanc legem tradit magistratui: Regula regi non affectus, sed lex esse debet. Vnde sequitur, tantum iuris magistratum habere in subditos et illorum bona, quantum leges consentientes Decalogo & legi naturæ permittunt. Habet igitur ius iuxta quartum præceptum imperare subditis, necessaria officia, cum ad publicam utilitatem, tum ad singulorum utilitatem facientia.

Restat quod quinto loco proposui de officio subditorum erga magistratum. Potest autem officium subditorum erga magistratum ad quatuor capita reuocari, ut primum sit, iuxta quartum præceptum, honorare magistratum, hoc est, suspicere & reuereri ipsum tanquam ministrum & legatum Dei: ita ut ipsum honores, timeas, candide de ipso iudices, errata in meliorem partem accipias, non cum uulgo magistratui detrahas. Nam id se-

uere

vere prohibetur uerbo Dei: Principi populi tui ne maledicas. Maledictionis uoce omnes calumnie & obrectationes intelliguntur. Secundum, edictis parere cum in tributis dandis, tum in alijs quoq; rebus, quatenus per religionem & legem nature liceat. Huc illud Pauli pertinet: Admoneto illos, ut principibus & potestatibus subditi sint, ut magistratib. pareant, ut ad omne opus bonum sint parati. Tertium, orare pro magistratu. Adhortare, inquit paulus, ut fiant deprecationes, obsecrationes, interpellationes, gratiarum actiones pro omnibus hominibus, pro regibus, & omnibus in eminentia constitutis, ut placidam, & quietam uitam degamus, cum omni pietate & honestate. Quartum, non irrumpere in partes officij magistratus: sed magistratui cognitionem deferre, si quid ad reipublice salutem pertinere uideatur. Hæc sint dicta de magistratu. Deus det nobis gratiam, ut & Deo uerum cultum & magistratui nostro debita præstamus officia per Iesum Christum Dominum, cui gloria in secula seculorum, Amen.

DOMINICA XXIII.

POST TRINITAT. Matth. 9.

Primas quidam venit, & adorauit Iesum dicens: Filia mea modo defuncta est, sed veni & impone manum tuam super illam, ac uiuet. Et surgens Iesus secutus est eum, ac discipuli eius. Et ecce, mulier quæ sanguinis

Bb 2 pro

4
10 11



profluuiio laborauerat duodecim annos, accedens à tergo, tetigit fimbriam vestimenti illius, dixerat enim intra sese: Si tantum tetigero vestimentum illius, ero salua. At Iesus conuersus, vt vidit illam, dixit: Confide filia, fides tua saluam te fecit. Et salua facta fuit mulier à tempore illo. Et cum venisset Iesus in ædes primatis, vidissetq; tibicines & turbam tumultuantem, dicit illis: Secedite, non enim mortua est adolescentula, sed dormit. Et deridebant illum. Cum autem fuisset eiecta turba, introgressus tenuit manum illius, & surrexit adolescentula. Et emanauit rumor hic in totam terram illam.

ENAR.

ENARRATIO TEXTVS.

In hoc Euangelio clarissime describitur, quomodo Dominus noster opem ferat suæ Ecclesiæ subiectæ cruci. Quemadmodum enim Christus saluator noster erga hunc primatem & hanc afflictam mulierem est affectus: sic etiam est affectus erga me et te, adeoq; omnes, qui horum, hoc est, huius primatis & huius mulieris exemplo ad ipsum confugiunt, iuxta illud uaticinium Ioelis de Christo: Omnis qui inuocauerit nomen Domini, saluus erit. Cum hoc uaticinio & Christi uerba & facta consentiunt. Verba sunt: Venite ad me omnes, qui laboratis & onerati estis, ego uos reficiam. Facta multa occurrunt: Cæcos sanat, leprosos purgat, hunc lairum et hanc mulierem exaudit, & se implorantibus fert opem. Hac est ergo summa huius historiæ, quod Dominus duo edat miracula: sanat mulierem, quæ duodecim annos laborauerat morbo: excitat huius lairi filiam, quæ defuncta erat: utroq; facto suum erga omnes animum declarat. Loci tres:

- I. Exemplum huius mulieris, eius conditio, fides, inuocatio & sanatio.
- II. Exemplum lairi & excitatio puellæ mortuæ.
- III. Derisio quæ Christus ridetur ab hostibus suis.

DE PRIMO.

Etsi primo loco fit mentio principis lairi, qui uenit ad Christum: tamen prius dicam de hac muliere patiente fluxum sanguinis, quia ponitur in medio historiæ de principe hoc. In hac itaq; muliere

Bb 3 re qua-

758 DOMIN. XXIII. POST
re quatuor sunt nobis perpendenda. 1. conditio
eius. 2. fides. 3. inuocatio. 4. eiusdem à morbo, quo
laborauit, sanatio: quorum singula singularem do-
ctrinam & admonitionem continent.

Conditio mulieris fuit. 1. fuit mulier simplex &
timida. 2. duodecim annos fluxum sanguinis passa
fuit, unde facile cogitare est, quam fuerit exhausta
& imbecillis. Qui uno mense tam graui morbo la-
borat, satis miser & afflictus est, quid dicemus de
hac, quæ tot annis est uexata? 3. addit Marcus, quod
multa passa sit à medicis, quorum alij alijs pharma-
cis miseram excarnificarunt. Huc accedit, quod
iam suas facultates consumserat: unde in hoc gra-
uissimo morbo ad mendicitatem erat redacta: neq;
tanti sumtus quicquam profuerunt, imo quotidie
fuit deterius. Morbum hunc corporis morsus con-
scientiæ acerbiores fecerat: Nam cum scriptura
dicat, eum qui peccat contra Dominum, incidere
in manus medici, quid aliud potuit cogitare, quam
Deum se abiecisse. Hæc fuit huius mulieris condi-
tio dura satis: morbus corporis, mala conscientia,
mendicitas, contemptus. An propterea est abiecta
coram Deo? An propterea Christus eam reiecit?
Nequaquam. Venit enim propter afflictos: uenit
propter peccatores. Nos ergo huius mulieris ex-
emplo admoniti, erigamus nos in nostris calamita-
tibus, agnoscamus iustam iram Dei aduersus nos
propter peccata. Audiuius quæ fuerit conditio
huius mulieris, sequitur fides.

Accel-


7
Accel-
menti eius, li
menti fimbri
delectat, qualis
fit, quod si tanta
lus, consequeret
univerſali pron
Nonit absq; dub
nie ad me omne
laudem ueritat
commodauit ho
promittit opem
ſum in numero
quam totam ad
uelit iuuare. V
excitant: tam
Quoties te
agnosce istam cr
lam, qua tua m
ponitur, Deinde
inuenire, & cogit
ſonum: ſed uel
ſu. Hac fiducia C
ere uelle exau
nam petieris, ic
ſit utile, ſeu qu
diſtum: Venite
ſeceris, conſola
Verum iſta

Accessit retro, & tetigit fimbriam vestimenti eius, si tetigero (cogitat) tantum vestimenti fimbriam eius, salua ero. Hæc uox satis declarat, qualis fuerit eius fides. Certo sibi persuasit, quod si tantum tangeret fimbriam uestimenti illius, consequeretur salutem. Vnde tanta fides? Ex uniuersali promissione, quam sibi accommodauit. Nouit absq; dubio hanc Christi promissionem: Venite ad me omnes &c. Hic primum tribuit Christo laudem ueritatis. Deinde generale dictum sibi accommodauit hoc modo: Omnes uocat ad se, omnibus promittit opem, uult omnes laborantes reficere. Ego sum in numero laborantium, ego sum ex ea turba, quam totam ad se uocat: uere igitur statuo, quod me uelit iuuare. Videmus quomodo hæc mulier fidem excitauit: iam hoc ad nos accommodemus.

Quoties te premit crux interne uel externe, agnosce istam crucem esse ueluti concionem quandam, qua tua miseria & damnatio tibi ob oculos ponitur, Deinde uerbum promissionis & exempla intueri, & cogita Deum non esse acceptorem personarum: sed uelle omnium misereri in Christo Iesu. Hac fiducia Christum inuoca: & statue illum te uere uelle exaudire & dare quod petis, nisi uenum petieris, id est, nisi petieris id, quod tibi non sit utile, seu quod impediatur gloriam Dei: & hoc dictum: Venite ad me omnes, tibi applica: quod cum feceris, consolationem senties.

Verum ista mulier habuit Christum presentem,

Bb 4 quem



quem oculis uidit: à me procul abest. Ista tentatio est carnis, contra quam primum opponito promissionem Christi: Ego ero uobiscum usq; ad consumptionem seculi. Deinde, quod Dominus Thome dixit: Beati qui crediderunt & non uiderunt. Preterea, quod Christus non sit acceptor personarum? & in aliquot exemplis declarauit, cum hic esset præsens in carne, quomodo uellet agere cum reliquis se inuocaturis.


At sum peccator magnus? Credo: sed Christus uenit in mundum peccatores saluos facere. Ita dicit primum ipse: Non ueni ad uocandum iustos, sed peccatores ad poenitentiam. Hoc Paulus repetens ait: Certus sermo & omni approbatione dignus, quod Christus Iesus uenit in hunc mundum saluos facere peccatores, Item, Apparuit gratia salutaris omnibus hominibus. Deinde intueamur exempla misericordiae Dei. Adam coniecerat totum mundum in damnationem, sed agit poenitentiam & recipitur: Paulus persecutus est Ecclesiam Christi, Petrus negauit Christum, Monasses se horrendis idololatrijs, & copioso sanctorum sanguine polluerat: sed resipiscentes in gratiam sunt recepti. Qua re declaratur: quam uerum sit dictum illud apud Prophetam: Viuo ego, nolo mortem peccatoris, sed ut conuertatur & uiuat. Huc ille Christi asseuerationes: Amen amen dico uobis: qui credit in me, non peribit, sed habebit uitam æternam: Has sententias & hæc exempla opponito cogitationi de

de peccatorum magnitudine, & scito misericordiam excedere peccatum, & gratiam abundare supra delictum.

At nescio an sim prædestinatus? Hæc grauissima est tentatio ab ipso Satana profecta. Quis est lapsus? Adam cum sua posteritate: nam fuimus in illo tanquam in massa communi humani generis. Quis accepit promissionem? Non ne Adam? Ergo quem admodum lapsus es in Adam: ita cum eodem es promissionis particeps, modo promissionis uerbo fidem abhibere uelis. Deinde clarum est Pauli dictum: Deus uult omnes homines saluos fieri, & ad cognitionem ueritatis uenire. Huc facit, quod Christus mandatum uniuersale dat suis discipulis: Ite in mundum uniuersum, prædicate Euangelium, qui crediderit & baptizatus fuerit, saluus erit. Qui uero non crediderit, condemnabitur.

At fides est donum Dei, quod dat quibus uult? Vide quam multa caro inuenit, quibus sibi ipsi uiam ad salutem intercludit? fides est donum Dei, sed hoc modo confertur. Proponit tibi uerbum, huic ut credas iubet, & in cogitatione uult esse efficax: Sed tu caue, ne cum Iudæis resistas S. sancto, quod Stephanus suis obiecit. Christus cum uideret ciuitatem Ierusalem, & cogitaret de eius uastatione, flens dixit: Quoties uolui te congregare, sicut gallina colligit pullos suos, & noluisti. Ecce Christus uult, nec aliud uult quam Pater. Quid uoluit? congregare filios Ierusalem ad suum ouile: sed Ierusalem

Bb 5 noluit



noluit, decepta à suis seductoribus, falsis Prophetis,
 & inescata diuitijs, potentia, uoluptatibus & cu-
 ris huius mundi, noluit Christo suo Pastori obedire.
 Quare ut iusto Dei iudicio: ita propria culpa pe-
 rijt. Promissionibus igitur diuinis, eisq; uniuersa-
 salibus freti, & confirmati exemplis, cum hac mu-
 liere in doloribus & cruce confugiamus ad Chris-
 tum, ita futurum est, ut inueniamus auxilium in
 tempore opportuno. Fide huius mulieris uidimus:
 nunc, quod tertio loco in hac muliere spectandum
 dixi, uideamus, uidelicet qualis fuerit huius mulie-
 ris inuocatio.

Sed tacet, loquitur apud se, tangit tantum fim-
 briam uestimenti Iesu. Nulla hic auditur oratio.
 Verum quidem est: nulla orantis uerba hic recitan-
 tur, sed sunt hic orationis signa & orationis effe-
 ctus. Signa sunt quod accedit, tangit fimbriam, &
 apud se cogitat de eius clementia, & intimo cordis
 uoto misericordiam sibi præstari expetit. Hoc uo-
 tum non secus quam ardentissimas preces exaudi-
 uit Christus. Effectus sunt consolatio & sanatio.

De Moïse etiam legimus, quod cum labia non ui-
 derentur mouere, tamen audit à Domino, quid cla-
 mas ad me? unde docemur, quod oratio, quæ nubes
 penetrat, non sit labiorum motus, non sit uerbo-
 rum βαρτολογία & multiloquium: sed potius sup-
 plex animi eleuatio ad Deum, qua fide Christi ali-
 quid à Deo petitur. Hoc etiam confirmatur Davidis
 testimonio, qui ait: Ad te Domine leuavi animam me-
 am.

Perro,

Porro, quia nullus cultus maior est, quam recte Deum inuocare, & oporteat pios perpetuo in hoc cultu occupari, uolo breuiter quedam de recta inuocatione dicere. Dixi paulo ante, quid sit oratio: nunc quas conditiones perpetuo habere debeat ostendam. Sunt autem quinque perpetuae conditiones & ueluti proprietates pie orationis, quae sunt. 1. quomodo noster animus compositus esse debeat ad orandum. 2. quid nos ad orandum impellat & urgeat. 3. quis sit à nobis inuocandus. 4. quo fundamento freti prodeamus in Conspectum Dei oraturi. 5. quid sit petendum, & quando cum conditione, & quando sine conditione.

PRIMA: Animus noster in hunc modum compositus esse debet. Primum exuenda est omnis cogitatio propriae gloriae, sicut haec mulier nihil nisi sordes in se agnouit. Deinde inopia sentiatur, quam sane maximam haec afflicta mulier sensit. Tum in uera poenitentia homo se prosternat coram Deo, idque potius animo quam corpore. Id hanc mulierem fecisse inde apparet, quod à tergo accesserit. Postremo, certa fide ad orandum incendatur animus. Nam nisi quis certam fidem attulerit, uerba fundit potius quam precatur. Huiusmodi etiam fidem hanc mulierem ad Dominum attulisse, ex superioribus manifestum est.

SECUNDA: Causae, quae nos ad orandum impellent, sunt multae. Haec mulier absque dubio cogitauit de mandato Dei, in quo serio à nobis hunc cultum



cultum requirit. Deinde promissiones non ignorauit, alioqui tanta fiducia ad orandum non prodisset, Quicquid (inquit Christus) petieritis in nomine meo, Pater dabit uobis. Sensit praeterea & Diaboli tyrannidem & suam inopiam, unde meta auxilium querit ab eo, qui solus iuuare potest. Considerauit quoque exempla: uidit Iairum Dominum inuocasse pro filiae uoletudine, & multa alia exempla cogitauit. His multis causis ad deprecandum est excitata. Proinde & nos erigamur ad Deo hunc cultum inuocationis praestandum, 1. mandato Dei. 2. promissionibus. 3. cogitatione tyrannidis Diaboli. 4. sensu propriae miseriae & inopiae. 5. sanctorum exemplis.

*Sancti non
inuocandi.*

TERTIA: Quis inuocandus? Solus Deus, qui est Pater, Filius & Spiritus sanctus: nec Angeli, nec homines sunt inuocandi. Hoc enim aeternum Dei mandatum est: Inuoca me in die tribulationis. Item Dominum Deum tuum adorabis, & illum solum coles. Inuocare enim creaturam summa est idolatria, propter quam mundus horribiliter puniatur, quia talis idolatria in Deum summa blasphemia est.

QUARTA: Iure queritur, quo fundamento nixi prodeamus in conspectum Dei. Nam si nos in tueamur, confusio facies nostrae nos precando absterret. Deinde scriptura dicit, Deus peccatores non exaudit. Certum est, quod nemo fretus sua dignitate possit orare. Quare querendus est ille unus


Medias

Mediator inter Deum & hominem Christus Iesus, qui se pro nobis interpellatorem offert, dum ait: Quicquid petieritis patrem in nomine meo, dabit uobis. Huius ergo dignitate habemus accessum ad Deum patrem.

QVINTA: Quid orandum sit. Triplicia sunt precanda & triplicia deprecanda. 1. gloriam Dei sanctificari inter homines precabimur. 2. salutem animæ. 3. necessaria ad præsentis uitæ conseruationem: & contra deprecabimur. 1. quicquid impedit gloriam Dei. 2. quicquid aduersatur nostræ saluti. 3. quicquid nobis in hac uita molestum est. Hæc statuamus nos impetraturos, & præsertim quæ primo & secundo loco ponuntur. Tertij generis bona & mala deprecari oportet cum conditione non imminutæ gloriæ Dei, aut impeditæ nostræ salutis.

QVARTVM, quod proposui de hac muliere, est eius sanatio: in qua quid Christus dixerit & egerit, & quid illi acciderit dicendum est. Quid dixit Christus? Confide filia: fides tua te saluam fecit. Et hoc cum diceret, diuina sua uirtute mulierem sanauit. Quid accidit mulieri? & salua facta mulier ex illa hora. Hic habemus multa. 1. quod qui credunt adoptantur in filios, iuxta illud: Dedit potestatem, ut filij Dei fierent, quotquot credunt in nomen eius. 2. qualis sit affectus Christi in afflictos. 3. quod fides quoduis à Deo impetret. 4. quod Christus hic declarat suam diuinam potentiam, ostendit uoluntatem, monstrat officium, ac ueritatem Euangelij

3^a precanda, et
3^a deprecanda.



766 DOMIN. XXIIII. POST
gelij confirmat. De his propter temporis breuita-
tem plura non dicam.

DE SECVNDO.

In hoc lauro primatū habemus etiam exemplum
fidei, inuocationis, confessionis & spei. Ecce prin-
ceps accessit. Hic habes fidem: Et adorauit eum.
Habes fidei fructum inuocationem. Hæc duo con-
fessionem continent. Domine, inquit, filia mea
modo defuncta est: sed veni, & impone ma-
num tuam super eam & viuet. Ecce quanta
cum spe precatur. Nos ergo ex hoc discamus, in no-
stris necessitatibus Christum accedere, illum ex fi-
de inuocare, confiteri, & certo statuere, nos ab illo
impetraturos, quæ nobis salutaria sunt. Sed quid fa-
cit Christus? Sequitur illum, & cum uenisset Iesus
in domum principis, & uidisset tibicides & tur-
bam tumultuantem, dicebat: Recedite: & eiecta
turba, dixit puellæ: Puella surge: & surrexit
puella, & exijt hæc fama per vniuersam ter-
ram illam. Quia circumstantiæ huius exempli
congruunt fere cum exemplo mulieris, sufficiant
hæc uice, quæ de muliere dixi.

DE TERTIO.

Cum Christus diceret: puella non est mor-
tua, sed dormit, deridebant eum. Hic tria intue-
amur. Primum, quod mundus non solum sit ingratus
erga Christum benefactorem: uerum etiam derideat
ipsum. Quare hoc? quia cæcus est mundus, & ideo
de Christi doctrina & factis non potest recte iudi-
care,

care. Animalis homo non percipit ea, quæ sunt spi-
ritus Dei. Caro non nisi carnem sapit. Sapientia
carnis inimicitia est cum Deo. Nisi ergo cum mun-
do uelimus errare & fieri derisores, audiamus Eu-
angelium, quo mens rectius de operibus Dei instru-
atur. Secundum, quod hic non solum intueri: sed
etiam mirari oportet, est, quod Christus nihilomi-
nus pergat in suo sancto proposito. Non absterre-
tur uel summa ingratitudine mundi, ut suam Ec-
clesiam deferat. Dominatur in medio inimicorum
suorum. Tertium, quod hic obseruare decet, est
Christi exemplum. Si ergo deridemur propter con-
fessionem, intueamur filium Dei, & contemnamus
istos derisores, qui sunt Diaboli moriones. Non
malicia mundi nos turbabit, sed exemplum filij Dei
nos consolabitur, qui nobis adest iuxta suam pro-
missionem: Ego ero uobiscum usq; ad consumma-
tionem seculi. Huic nostro unico Mediatori, una
cum Patre & Spiritu sancto, sit honor & gloria in
secula seculorum, Amen.

DOMINICA XXV.

POST TRINITAT. Matth. 24.

CVM videritis abominationem desola-
tionis, quæ dicta est à Daniele Prophe-
ta, stantem in loco sancto, qui legit, intelligat.
Tunc qui in Iudæa sunt, fugiant ad montes;
qui in tecto, non descendat, ut tollat quicquid
de domo sua; & qui in agro, non reuertatur,
ut tol-

4
10 11

ut rollat vestes suas. Væ autem prægnantibus & lactantibus in illis diebus. Orate autem, ut non fiat fuga vestra hieme neque Sabato. Erit enim tunc afflictio magna, qualis non fuit ab initio mundi, ad hoc usque tempus, neque fiet. Et nisi decurtati fuissent dies illi, non fieret salva omnis caro. Sed propter electos decurtabuntur dies illi. Tunc si quis vobis dixerit: Ecce hic Christus, aut illic, nolite credere. Surgent enim Pseudochristi, & Pseudoprophetæ, & dabunt signa magna & prodigia, ita ut in errorem inducantur (si fieri possit) etiam electi. Ecce prædixi vobis. Si ergo dixerint vobis. Ecce in deserto est, nolite exire: Ecce in penetralibus, nolite credere. Sicut enim fulgur exit ab oriente & apparet usque ad occidentem, ita erit aduentus filii hominis. Vbicunque enim fuerit cadauer, illic congregabuntur Aquilæ.

ENARRATIO TEXTVS.

Hæc Domini concio continet insignem admonitionem, admodum hoc periculoso tempore necessariam: nam cum Paulus dicit: Quæcunque scripta sunt, in nostram doctrinam scripta sunt, non est quod putemus hæc propter solos Iudeos dicta & scripta esse: sed potius propter nos, qui iam vicini ores sumus extremo diei, quam Iudæi fuerunt. Est autem hæc concio & plena terrore & consolantissima. Nam si impios & non agentes pœnitentiam

tiam respicis, nulla concio magis terribilis esse potest: illis enim horrendas poenas comminatur: Sin autem ad pios & agentes poenitentiam respicis, concio hæc plena est consolatione. Nam his ab omnibus ærumnis liberationem permittit. Cum hæc, inquit, uideritis leuate capita uestra, quia appropinquat redemptio uestra. Porro occasio huius concionis, fuit discipulorum Christi interrogatio duplex, qui sumpta occasione ex prædictione uastationis urbis Ierusalem, de qua in hoc ipso capite præcedit uaticinium, quæsiuerunt primum quando id fieret. Deinde de signo & aduentus Domini quærunt. Ad has quæstiones respondet Dominus, non ut eorum carnale desiderium expetebat: sed prout ipse sciuit eorum instructioni ad salutem uile esse. Summa huius concionis est, quod Christus prædicit tempus uastationis Ierusalem, & monstrat aduentus sui signa ad iudicium.

Loci duo:


- I. Responsio Christi & eiusdem prædictio.
- II. Huius doctrine usus.

DE PRIMO.

Responsio Christi habet duas partes, in quarum priori respondet ad primam interrogationem, uidelicet qua interrogarunt discipuli, quando Ierusalem uastaretur: in posteriori ad secundam interrogationem, in qua quærunt discipuli de aduentu Christi ad iudicium.

Prior pars continet signa, quæ præcedent uastationem urbis Hierosolymitanæ, quæ multa hic

Cc enu-



enumerantur, non solum in textu, quem audiuiſtis, sed etiam in principio huius capituli.

PRIMUM signum est, quod ueniant Pseudochristi, hoc est, homines uani qui mentiantur se Messias & saluatores esse: id quod etiam accidit. Nam tres precipui nobiles fuerunt unus post alium, qui magnam multitudinem hominum post se traxerunt. Teudas, uir quidam Ægyptius, & Simon Magus. Teudas, Cuspido administrante rempublicam, suasisit populo, ut acciperent substantias suas, & se sequerentur ad Iordanem. Illic enim se recepit suo nutu diuisurum aquas, ut ipsi sicce pedibus transirent, & ita asserta libertate seruitutem Romanorum declinarent. Cui obtemperans stulta turba ad Iordanis ripam, cum frustra expectaret miraculum, est trucidata. Ægyptius ille suis sequentibus salutem & requiem promisit. Verum illi quoque delusi suæ temeritatis iustas dedere poenas. Simon Magus, qui cum à Petro pecunia non posset emere donum conferendi uisibiliter Spiritum sanctum, & audiuiſſet à Petro: Pecunia tua sit tecum in maledictionem, excogitauit aliam uiam, quam Diabolicis artibus fucauit, & pietatis laruam eam induit: dixit igitur se uirtutem Dei esse, cuius prestigijs multi decepti sunt. Quare autem id Deus permiserit, Paulus ad Theſſ. respondet: quia non uoluerunt credere ueritati, dedit eis Deus efficacem illusionem, ut crederent mendacio. Hac poena digni sunt, qui ad claram Euangelij lucem sponte cæ-

te cæ-

te cæcutiunt. Deinde admonitionem continet textus. Ita enim ait Christus: uidete ne quis uos seducat, multi uenient in nomine meo, dicentes ego sum Christus. Hæc horribilis Iudaici populi pœna nos admoncat timoris Dei, & reuerentiæ erga Euangelium Christi.

SECUNDVM signum, quod præcedet uastationem urbis Ierusalem. Audituri estis (inquit) bella & rumores bellorum. Huiusmodi bella multa præcessisse uastationem Ierusalem testatur historiæ. Primum 2000. ob petulantiam militis illudentis genitalibus Iudæorum occisi sunt. Deinde latrones publicè grassabantur, qui gladios sub pallijs tectos gestantes, quosuis obuios trucidarunt. Adhæc Cæsarea sunt trucidati 2000. Scytopoli tredecim millia. Ascaloni 2500. Ptolemaide uiginti millia. Alexandria quinquaginta millia. Damasci decem millia trucidati sunt. Ecce quam uera fuerit prædictio Christi, & quam grauitèr punitus sit populus Iudaicus ob suam ingratiudinem. Quid dicam de fame, de pestilentia, & terramotu, quæ contigerunt iuxta Christi uaticinium? Hæc omnia peccata istius populi monstrant, sed fuerunt tantum præludia quedam ad illa mala, quæ secuta sunt.

TERTIVM signum, persecutio discipulorum. Inuisi (inquit) eritis cunctis gentibus propter nomen meum. Hæc persecutio incepit à nece sanctissimi Stephani, & postea quotidie magis ac magis creuit. Fuit autem discipulorum Christi affli-

ctio quadruplex. 1. corporum. Nam alij flagellabantur: alij crucifigebantur: alij alio supplicij genere afficiebantur. 2. afflictio fuit ex scandalo defectio-
nis ab Euangelio. Multi enim persecutionum acer-
bitate fracti defecerunt ab Euangelio cum summo
dolore discipulorum Christi. 3. afflictio discipulo-
rum Christi fuit à Pseudoprophetis, quorum pluri-
mi fuerunt isto tempore, de quibus Epiphanius scri-
bit: ut Simoniani, qui Simonis Magi sectatores fue-
runt: qui Simon postea in medio urbis Romæ colla-
psus interiit. Hos sequuntur Menandriani, Menan-
dri sectatores. Saturniliani sequaces: Basiliani, qui
Basilidem quendam imitabantur: Nicolaitæ, qui
Nicolai, qui erat unus de septem Diaconis, turpitu-
dinem sectati sunt: Gnostici, quorum infiniti fuerunt
furores: taceo Ebionem & Cerinthum, qui natu-
ræ diuinæ in Christo hostes fuerunt. Ecce quam
multa agmina falsorum doctorum habuerunt, qui
simplicitate Euangelij filij Dei contenti esse nolue-
runt. Quarta afflictio discipulorum fuit petulan-
tia, contumacia & ingratitude totius populi.

QVARTVM signum, & prædicabitur re-
gni Euangelium in uniuersa terra in testimonium
omnibus gentibus. Hoc factum esse testatur Paulus,
cum ait: An non audiuerunt? atqui in omnem terram
exiuit sonus eorum. Hactenus de signis præceden-
tibus uastationem Ierusalem: nunc in textu typus
uastationis signatur: Cum videritis abomina-
tionem desolationis, quæ dicta est à Daniele
Prophe-

Propheta,
Iudæa sunt.
Tunc ipse ex
appropinquat
idolatriæ popu-
lus erat infecti-
pterea, quod D
lationis abomi-
secuta est: qua
puli Iudæici.

Hactenus
discipulorum qu
citur respon-
fuit de Christi
da. Primum, e
vobis dixer
lite credere.
ne per ositant
Ecce, inquit, p
lim uos perpetu
esse, ne exemple
fessionē. Tertiū
turus in anguli
conspicius toti
gur exit ab o
dentem: ita e
est ergo quod
tur Messie no
tio ad Christi

Propheta, stantē in loco sancto. Tunc qui in Iudæa sunt, fugiant ad montes. Quasi diceret, Tunc ipse exercitus, qui vastaturus est Ierusalem, appropinquabit. Hæc abominatio fuit scelerum & idolatriæ populi Iudaici, quo totus fere iste populus erat infectus. Abominatio quidem dicitur propterea, quod Deo, ut res fœdissima, displicuit. Desolationis abominatio dicebatur propter pœnam quæ secuta est: quæ pœna fuit desolatio & vastatio populi Iudaici.

Hactenus de prima responsione ad priorem discipulorum quæstionem de vastatione Ierusalem: sequitur responsio ad secundam interrogationem, quæ fuit de Christi aduentu, in qua quatuor sunt spectanda. Primum, quod iubeat cauere signa falsa. Si quis vobis dixerit: Ecce hic Christus aut illic, nolite credere. Alterum, quod admoneat discipulos, ne per oscitantiam suæ admonitionis obliuiscantur. Ecce, inquit, prædixi vobis: quasi diceret. Velim uos perpetuo huius meæ prædictionis memores esse, ne exemplo aliorum obliti mei, abijciatis confessionē. Tertium, quod aduentus ipsius non sit futurus in angulis mundi aut in deserto: sed quod sit conspicuus toti terrarum orbi. Sicut, inquit, fulgur exit ab oriente, & apparet usque ad occidentem: ita erit & aduentus filij hominis. Non est ergo quod credatis illis, qui uenient & mentientur Messie nomen. Quartum, est electorum collectio ad Christum: Vbicunque, inquit, fuerit cada-

uer, illuc congregabuntur & aquilæ, Hoc est, quemadmodum Paulus interpretatur: cum Christus ad iudicium uenerit, obuiam rapiemur Christo in aerem, & sic cum eo perpetuo erimus.

DE SECVNDO.

Cum ista, quæ contigere Iudæis, signa sint eorum, quæ contingent in extremis diebus, in quos nos incidimus ante aduentum Christi, par est ut aspiciamus ea, quæ nostro seculo fiunt, ut uideamus quomodo cum istis congruant. Inter signa supra audiuius primum, quod essent uenturi, qui se Messiam esse fingerent, cui simile ante paucos annos in Germania accidit. Nam quidam Hollandus David Georgius nomine finxit se Christum, qui multos seduxit, qui postea mortuus, & deinde effossus & combustus est. Fuerunt & alij tum ex Iudæis, tum ex alijs, qui male cum suis sectatoribus perierunt. Deinde quantum ad bella attinet et rumores bellorum, Turcia docet et aliæ multæ nationes, quam istud signum bene in hoc seculum quadret, & certe metuenda sunt adhuc grauiora. Tum quanta sit persecutio Ecclesiæ in multis regnis, in Turcia, in Græcia, in Italia, Hispania, Hollandia, quotidiani rumores ad nos allati docent, Multæ subinde oriuntur sectæ, maxima est ingratitude mundi erga Euangelium, & corruptis finxi sunt plerorumq; mores. His accedit et quartum signum aduentus Domini ad iudiciū, quod prædicetur Euangelium in uniuerso fere orbe terrarum. Etsi autem id publice non fiat ubiq; in publico loco: ta-

men


men in omnibus regnis mundi sunt aliqui, qui Euangelium audiunt. Cur prædicatur? nobis in testimonium: idq; dupliciter. Testimonium enim salutis est, si Euangelio credimus: testimonium iustæ nostræ damnationis erit, si fuerimus Euangelio increduli. Vsus iam colligamus prædictionis Christi.

PRIMVS est, de quo iam dixi, uidelicet, quod ista omnia contigerunt nobis quoq; in doctrinam, ut inde cogitemus, quid immineat in gratissimo mundo ante aduentum Domini ad iudicium.

SECUNDVS: Hæc nobis ob oculos ponunt magnitudinem & sceditatem peccatorum nostrorum, & sunt ueluti præludia pœnarum, quas sustinebunt, qui non egerint pœnitentiam.

TERTIVS: Admonemur hic, quæ ultio illos manet, qui sanguine sanctorum se polluant. Qui uos persequitur, inquit Christus, me persequitur. Quare? Quia propter Christi Euangelium & eius confessionem ista fit persecutio. Nunc letantur quidam aduersarij Christi cum malefecerint: Verum futurum est, ut satis acerbis luant pœnas effusi sanguinis fidelium, qui de terra clamat ad Deum, & exspectat uindictam, quam iustus iudex reddet illis tempore suo, iuxta illud: Mihi uindicta, & ego retribuam, tempore opportuno labetur pes eorum. Dominus differt pœnam, & iuxta diuitias bonitatis suæ & longanimitatis inuitat ad pœnitentiam. Non enim delectatur in perditione peccatorum, sed mauult omnes resipiscere & uiuere, quemadmodum

Cc 4 ipse



ipse apud Prophetam testatur his uerbis: Viuo ego, dicit Dominus, nolo mortem peccatoris, sed ut conuertatur & uiuat. Verum qui hac bonitate diuina abutitur, thesaurizat sibi iram in die iræ.

QVARTVS usus huius predictionis est, quod admoneat nos pœnitentiæ. Christus, cum quidam sibi referrent, quomodo Pilatus miscuisset sacrificia Iudeorum sanguine, et quod turris Siloe collapsa 13. uiros occidisset, ait: Nisi pœnitentiam egeritis, omnes similiter peribitis. Nam asseuerat hoc non tantum factum esse propter eos, qui istic perierunt, sed etiam propter alios, qui eorum casu admoniti resipiscerent. Multo magis calamitas populi Iudaici nos admonebit pœnitentiæ, præsertim cum causa non sit dissimilis. Illi enim potissimum puniebantur propter religionis contemptum. Quid quæso hic non est simile? Quare admoniti casu Iudaici populi mature resipiscamus, ne prius opinione nostra incurramus in manus Domini uiuentis.

QVINTVS usus, quod ex persecutione Ecclesiæ, quæ tum fuit maxima, discere debeamus, quod ciues regni Christi in hoc mundo non debeant florere, & externo imperio mundi gaudere. Vt enim Ecclesia Christi non est affixa certo loco, ita ipsius gloria & decus partim in conscientia piorum est, partim in expectatione reuelationis Iesu Christi est posita.

SEXTVS usus est, ut ciuibus regni Christi nos adiungamus, non persecutionum mole abster-

gloria & decus ecclesie { *in conscientia piorum* *et expectatione reuelationis iesu christi.* *riti à*

riti à confessione. Tametsi enim omnes, qui pie in Christo uolunt uiuere, patiuntur persecutionem: tamen Christus eos beatos esse pronunciat, quia presentem afflictionem sequitur gloria, ad quam nulla patet uia, nisi per crucem.


SEPTIMVS, ut incommodo Iudeorum & damno simus cautiores. Ne igitur erremus cum Iudeis, sequamur lucernam uerbi Dei. Hæc enim nos sola tutos ab errore facere potest. Lucerna, inquit Dauid, pedibus meis uerbum tuum, & lumen semitis meis. Et Paulus uult nos uerbum Dei prætere tanquam facem ardentem.

OCTAVVS, ut admoneamur, ut supereminentibus malis opponamus uerbum Dei, quod est turris fortissima. Ita enim Salomon inquit: Turris fortissima nomen Domini, ad quam confugiet iustus & saluabitur. Hi in curribus (inquit Dauid) hi in equis, nos autem in nomine Domini inuocabimus. Est autem nomen Domini supplex oratio, quæ ex uera Christi fiducia proficiscitur, quæ fiducia est uictoria mundi. Ita enim ait Apostolus: Hæc est uictoria, quæ uincit mundum, fides uestra. Quare sic? Quia Christum inuocat mundi uictorem, Christum presentem habet, contra quem portæ inferorum nihil possunt. Oremus ergo, ne uel mens phantasticis opinionibus inuoluatur, uel fiducia labascet in tantis tumultibus.

NONVS, ut muniamus nos etiam aduersus scandala, quæ sunt plurima futura: quæ cum uenerint,

Cc s rint,

*nomen
domini.*



rint, meminerimus dicti Christi: Ecce prædixi uobis. Neque scandala illa sunt futura eiusdem generis. Alia enim erunt scandala persecutionis, alia paucitatis confitentium Christum: alia defectionis. Multi enim prorsus in istis malis, quæ uentura sunt, renuntiabunt Christi nomini eiusque Euangelio, et rursus se subijcient Satanae: multi erunt autores diuersarum sectarum in isto exiguo coetu, qui Christum confitebuntur. Contra hoc muniri nos uult Christus: & quia mala præscita minus nocent, uoluit Christus suam Ecclesiam de his præmonitam esse.

DECIMVS, ut uos uiuentes in timore Dei, expectemus aduentum Domini nostri Iesu Christi, qui nobis plenam redemptionem afferet: quæ redemptio est ueluti omnium beneficiorum Christi finis, ad quam alia beneficia destinantur. Est enim hic ordo beneficiorum Christi, qui 1. Cor. 1. describitur his uerbis: Christus factus est nobis sapientia a Deo, iusticia, iustificatio, & redemptio, ut qui gloriatur, in Domino gloriatur. Sapientia nobis est, cum nobis reuelat uoluntatem Patris in Euangelio. Iusticia, quando credentibus in Euangelio ipsius iusticia nobis imputatur. Sanctificatio fit nobis, quando iustificati donamur S. sancto, cuius uirtute iam nouam uitam meditamur. Tandem erit nobis redemptio, quando perfecta salus nobis per ipsum continget, cui cum Patre & Spiritu sancto sit honor, laus & gloria in secula seculorum, Amen.

IN

IN FE
TIO

P

Posteaquam
gationis eo
adduxerunt eu
eum Domino
mini, Omne m
sanctum Dom
hostiam, secun
Domini, par tu
umbarum, Et

POST

Ecce praxi ve
ura eiusdem generis
secutionis, alia pua
alia defecim. Nihil
que uenturi let, re
musq; Euangeliu
li erant amore hie
guo coetu, qui Chris
c munitis uale diti
ita minus nocet, uic
e his premium esse
mientes in more De
cunini nostri lita Chris
tionem afferet, qui
n beneficiorum Comp
cia destinant. Es in
bristi, qui i. Ch. de
factus est in spem
a. & redemptio ple
ietur. Sapiencia d
atem Patris in Euang
us in Euangelio ipso
ificatio fit nobis, qua
sancto, cuius uirtute
Tandem erit nobis
us nobis per ipsum
r Spiritu sancto in
ria in secula
amen.

779

IN FESTO PURIFICA TIONIS MARIÆ, EVAN gelium Luca 2.



POsteaquam completi fuissent dies pur
gationis eorum secundum Legem Mosi,
adduxerunt eum Hierosolymam, ut sisteret
eum Domino, sicut scriptum est in lege Do
mini, Omne masculinū adaperiens vuluam,
sanctum Domino vocabitur, & ut darent
hostiam, secundum quod dictum est in lege
Domini, par turturum, aut duos pullos co
umbarum. Et ecce, homo erat Hierosoly
mis,

4
10 11

mis, cui nomen Simeon, & homo iste iustus & pius, expectans consolationem Israel, & spiritus sanctus erat super eum. Et respōsum acceperat à Spiritu sancto, non visurum se mortem, nisi prius videret Christum Domini. Et venit per spiritum in templum. Et cum inducerent puerum Iesum parentes, vt facerent secundum consuetudinem Legis pro eo, ipse quoq; accepit eum in vlnas suas, & laudauit Deum, ac dixit: Nunc dimittis seruum tuum Domine, secundum verbum tuum in pace, Quia viderunt oculi mei salutare tuum, quod parasti ante faciem omnium populorum. Lumen ad reuelationem gentium, & gloriam plebis tuæ Israel.

ENARRATIO TEXTVS.

In hoc festo tractatur pars historię Christi, videlicet quomodo sit oblatus in templo iuxta legem: & quomodo Simeon uir iustus agnouerit Iesum Marię filium uerum Messiam esse, idq; ex instinctu Spiritus sancti, à quo respossum acceperat, se non moriturum, priusquam uiderent oculi eius Christum Dominum: quem cum uidisset, accepit eum in vlnas suas, benedixitq; ei: quo facto, carmine suam gratitudinem erga Deum ostendit. Debemus autem hic reuocare in memoriam, quæ hactenus audiui-
mus de Christo, ut eius perpetuam historiam cognoscamus. Audiuius itaq; primum de natiuitate eius gloriosa, quod natus sit in Bethlehem. Secun-
do, de

do, de eius circumcissione, quod octauo die sit circumcissus, Tertio, quomodo à Magis sit agnitus & honoratus. Iam sequitur eius oblatio in Templo, quæ oblatio secundum Legem contigit, exactis sex septimanis ab eius natiuitate. Loci tres.


- I. Oblatio Christi in Templo.
- II. Simeonis descriptio & benedictio.
- III. Simeonis carmen.

DE PRIMO.

Deus in ueteri Testamento uarios offerendi ritus ordinauerat, idq; non ut sacrificandi opere iustificarentur homines coram Deo: Si enim sanguis taurorum & hircorum abolere potuisset peccatum, Christus non uenisset in carnem, ut sui corporis uictima peccatum expiaret: sed fuerunt aliæ causæ, quarum de numero sunt hæ:

PRIMA, ut isto exercitio gentium idololatria impediretur. Nam cum omnes homines etiam barbarissimi tangantur quadam religionis reuerentia, uolunt suo iudicio ritus colendi Deum instituere: uerum quia nullus Deo placet, nisi quem ipse instituit, ordinauit ipse Deus per Moysen uarios cultus, ut multitudine rituum, quos Deus ordinarat, impediretur populus Iudaicus ab idololatria, & seruiret uni Deo, qui eos de terra Ægypti eduxerat, infinitaq; alia beneficia spiritualia & corporalia præstiterat.

SECUNDA, ut interna pietas his externis adminiculis exerceretur. Neq; enim ista externa sacrificia



sacrificia per se cultus erant, sed tantum ueri cultus excitamenta: id quod ex Esaia patet, ubi Dominus externa sacrificia abominatur sine interna animi pietate.

TERTIA, ut essent publica testimonia gratiarum actionis, quibus populus iste & excitaretur & confirmaretur, testareturq; palam se hunc Deum colere, qui eos in terram Canaan introduxisset, & miraculose in deserto paussset.

QUARTA, ut hoc pactum confirmaretur ministerium uerbi: ut ministri cultus Dei, & sacerdotes haberent quo alerentur. Qui seruit, inquit Paulus, altari, uiuat de altari. Et Christus: Dignus est operarius mercede sua. Hanc consuetudinem retinuerunt in Ecclesia olim, quando ad uerbum audiendum & ad celebrationem Sacramentorum conuenerunt. Pij contulerunt pro modo suarum facultatum aliquid ad ministros uerbi & pauperes alendos: quae contributio collecta uocabatur. Hinc & decimandi ratio fluxit.

QUINTA, ut istae oblationes ueteres essent umbra futurae uictimae Christi, & ueluti praeludium, quo admonerentur de uenturo Christo. Hoc pij bene intellexerunt, Abel, Nohe, Abraham. Non enim putarunt se suis uictimis abolere peccatum & mortem: sed confisi sunt uictima Christi, cuius uirtute & ipsorum peccata sunt expiata. Abel, cum suas uictimas mactaret, sic cogitauit. i. uidens sanguinem uictimae, cogitauit de peccato generis humani,

mani, quod poenam eternam meruerat. 2. prospexit ad significatum. Nam suam uictimam cogitauit figuram esse promissi Seminis, hoc est, Christi, qui sua uictima esset peccatum expiaturus. 3. hac cogitatione fides Abelis confirmabatur, & crescebat, quia & coram Deo iustificatus est, & placuit Deo. 4. hanc fidem sequebatur gratiarum actio, & uitæ nouitas. Hoc pacto offerentes Deo placuerunt. Hoc sit dictum de sacrificijs ueteris testamenti in genere: nunc de ea sacrificiorum forma dicam, cuius in hoc Euangelio fit mentio.

Prole nata duplex præceptum erat positum. Vnum de matre, quot septimanis extra coetum hominum esse deberet. Alterum de puero nato. De matre hoc præceptum erat, ut nata mascula prole, extra coetum esset 37. dies: sed nata foemella, duplicabatur numerus. Nam tum extra coetum publicum esse debuit 74. dies. Id quod non factum fuit propter mulieris indignitatem, sed propter duas alias causas, nempe necessitatem & significationem. Necessitas fuit, ut isto pacto consuleretur mulieris sanitati, quæ post dolores partus habet opus quiete, quo uires colligere possit: & deberent pij mariti imbecillitatis uxoribus isto tempore rationem habere: & mulieres etiam oporteret cum propter se, tum propter alias hanc naturæ legem seruare. Significatio fuit, ut ista exclusio significaret, omnes natos ex Adam propter peccatum, in quo nascuntur, exclusos esse à Deo, & ideo opus habere expiatoria Christi uictima.

Alte-

Alterum præceptum erat de nato puero, idq; duplex. Vnum generale, Alterum de primogenitis.

Generale erat mandatum, ut expletis diebus, quibus mulier excluderetur à cœtu Ecclesiæ, offerrentur sacrificia siue pro filio, siue pro filia quocunq; ordine nati essent. Hoc sacrificium primum admonerat, quod pueri nati essent peccatores, et ideo opus haberent mundatione et remissione peccatorum. Deinde, ut isto pacto consecrarentur Deo. Tum, ut parentes scirent, se pueros generare Deo, & non sibi, aut Satanae. 4. propter significationem, nimirum ut essent typi offerendi Christi.

Speciale mandatum erat de primogenitis, tam in hominibus, quam in iumentis, ut offerrentur Deo. Primum in memoriam istius magni beneficii, quod Dominus, reseruato populo Israelitico, percussit primogenita Ægypti ab homine usq; ad pecus. Deinde propter significationem, uidelicet quod unigenitus Dei & primogenitus Mariæ, olim esset offerendus pro nobis liberandis ab Ægypto peccatorum. Hoc sit dictum de lege & eius significatione: nunc ad oblationem Christi ueniamus.

Lex iubet, ut omne primogenitum aperiens uulua, conceptum ex uirili semine isto pacto offeratur: Sed Christus non erat ita humano more conceptus, sed de spiritu sancto erat conceptus, & natus de castissima uirgine: ergo non erat obligatus lege, ut more aliorum primogenitorum offerretur in Templo. Respondeo: Christus etiam erat liber, ne concipere

conceperetur
eum dederetur
filius est omni
Sine, ut Angu
mines Deos fa
sub Lege, ut eo
hic primogeni
Sed quando
talis exiit pr
uina sua natur
inquit, hodie g
mogenitus Ma
rat, neq; post
natus est, qui
te, quia est
ipsum nos non
Preterea
leuit duos pul
tur paupertas
Nos hinc disc
Christus paup
ret, modo ipsi
erimus.

Etece
men Simeo
neme Simeonis
num predica
mixit, ut ab

conciperetur & nasceretur homo, & postea circumcideretur & pateretur: sed qui liber fuit, factus est omnium servus, ut omnes liberos faceret: Siue, ut Augustinus ait: Deus est factus homo, ut homines Deos faceret. Paulus dicit, cum factum esse sub Lege, ut eos qui sub Lege erant redimeret. Ideo hic primogenitus etiam in templo offerri uoluit.

Sed quando fuit primogenitus? nemo unquam talis extitit primogenitus. 1. fuit primogenitus diuina sua natura: erat enim filius Dei æternus. Ego, inquit, hodie genui te. 2. humana natura fuit primogenitus Mariæ. Nullum enim ante illum genuerat, neq; post genuit. 3. gratia, Primus enim homo natus est, qui Deo oblatus per se placuit. 4. uirtute, quia est primogenitus mortuorum. 5. ut per ipsum nos noui homines nascamur.

Præterea obseruandum est, quod Maria obtulerit duos pullos columbarum, quo eius significatur paupertas. Nam ditiores agnum offerebant. Nos hinc discamus non pudere nostræ paupertatis, Christus pauper nasci uoluit, ut nos diuites faceret, modo ipsius diuitias grata mente accipere uolu-erimus.

DE SECVNDO.

Et ecce homo erat in Ierusalem, cui nomen Simeon. Hic habemus primum descriptionem Simeonis, & deinde eius benedictionem. Primum prædicatur ob iusticiam. Ita enim inter suos uixit, ut ab omnibus uir bonus & iustus sit habitus,

D d

bitus,

bitus, Non uult hæc Euangelista, quod fuerit ita iustus, ut non opus habuerit aliena iusticia: Nam in suo carmine fatetur Christum suum esse saluatorem, sed quod uixerit inculpate inter homines & honeste, ut qui nemini male fecerit, sed omnibus pro uiribus bene fecerit. Qui talis est, à Ciccone, imo ab omnibus, iustus dicitur. 2. Prædicatur ob pietatem: timuit enim Deum. Timoris nomine totus cultus Dei intelligitur. Qui enim Deum timet, ut caueat omnia quibus ipsam offendi nouit: ita facit quicquid illi gratum senserit. Hic timor ex fide ortum habet. Alius timor Dei est sine fide, qui non est cultus Dei: talis est in omnibus impijs. Semper enim metuant aduersus se iudicium Dei: qui potius uellent Deum non esse, quam propter sua scelera puniri. Talis non fuit timor, qui in Simeone prædicatur. Nam sequitur, quod expectauerit consolationem Israel, quo dicto ostenditur, quod ardenti affectu expectauerit Christi aduentum. Sciuit enim uaticinia Iacob & Danielis in istud tempus respicere. Quare ardentius expectauit & cupiuit sibi uitam prorogari, donec præsentem Christum uideret. Neq; mirum est, eum tanto affectu expectasse Christum. Nam erat, ut inquit Euangelista, plenus Spiritus sancti. Talis fuit hic sanctus uir.

Sed quodnam fuit præmium huius pietatis? Accipit responsum à Spiritu sancto, ut non uideret mortem, priusquam uideret Christum Dominum: cuius impulsu uenit in Templum. Sed quid illic fecit?

vit? cum parentes Ioseph & Maria introducerent
puerum, accepit eum in ulnas, & laudavit Deum.
Iam habet hic sanctus senex, quod adeo ardentem
postulavit, & fert Christo testimonium, publice
profitetur hunc Iesum Christum esse, qui Patribus
erat promissus.

Habemus quæ Simeonis fuerit pietas: nunc ip-
sum nobis proponamus. Primum senes, deinde &
alii discant ab illo timere Deum: discant iuste &
sancte inter homines uiuere: discant Christum re-
cipere in ulnas suas, hoc est, in corda sua: hunc præ-
dicent, laudent, confiteantur: quod si fecerint, olim
cum Simeone mercedem copiosam in cælis accepturi
sunt.

DE TERTIO.

Sequitur canticum Simeonis. Nunc dimittis
seruum tuum Domine, secundum verbum
tuum in pace. Hoc canticum multis seculis in Ecu-
clesijs cant solitum est, & nos, quando funera sepe-
liuntur, illud ipsum canere consueuimus. Continet
enim doctrinam de Christo, & docet unde summa
consolatio sit petenda, maxime cum ex hac uita no-
bis discedendum erit. Quo autem hoc carmen me-
lius intelligamus, illud diuidam in duas partes: in
quarum priori sibi gratulatur senex Simeon: in
posteriori Christi regis beneficia erga totum mun-
dum breuissime complectitur.

Prior pars est: Nunc dimittis Domine
seruum tuum, secundum verbum tuum in

Dd 2 pace.


pace, quia viderūt oculi mei salutare tuum. Hic Simeon senex sibi gratulatur, quod corporeis oculis uiderat Christum, quemadmodum responsum acceperat à Spiritu sancto. Etsi enim prius illum uidit oculo fidei, sicut de Abrahamo ait Dominus: Abraham uidit diem meum & gauisus est: tamen quia acceperat à Spiritu sancto promissionem, ut Christum præsentem corporeis oculis uideret ante obitum, ualde hoc intuitu est delectatus, & magno fidei robore nunc petit liberationem, ut aggregetur ad patres suos in pace. Sed uide, accepit promissionem, ut uideret Christum domini. Hic offertur infans pauper, nulla externa species hic apparet, nisi contempta. An hac externa specie offenditur? non. Quem uidit minimum corporeis oculis, hunc uidit maximum fidei luminibus: quem in forma serui aspexit oculo corporis humilem, hunc nouit Regem regum & Dominum dominantium esse. Neq; ignorauit Prophetiam Zachariæ de illo, qui ait: Ecce Rex tuus uenit pauper. Sciuit enim non uenire, ut occuparet regna mundi, sed ut regnum Dei daret credentibus. Hinc & nos discamus scripturis credere, & Christum & ipsius Ecclesiam intueri, non tantum oculis corporeis, sed multo magis oculis fidei. Sed quoniam petit se iam dimitti, ut hanc ærumnosam uitam morte commutet, satis ostendit Christi regnū non esse huius mundi, sed æternum, quod in pace conscientiae positum est. Quasi diceret: Da mihi nunc, ut in pace & feliciter

liciter mori
bauriamus. I
spiritalis, qu
nis sit exitus a
det ante mort
habet. Qui seq
in tenebris. Co
te presentis ui
solationem uer
culo moris, h
iam dimittend
ad tenebras, se
non solum in
reis miserrime
uidit uictorem
cum eris in p
dit Christum e
gaudio Domino
nando spiritum
iam morbus te
torem, & ab il
sinat ab hac ui
fidelibus prom
ut hunc mundi
fortiter contem
leniur spe salu
nequit. Sequitur
Quod pa
pulorum, Lu

liciter moriar. Hinc doctrinam & consolationem hauriamus. Doctrinam quidem, quod uisio Christi spiritualis, quæ fit per fidem, facit, ut latus hominis sit exitus ab hac uita, quia qui Christum ita uidet ante mortem, quam sequatur lucem ad uitam habet. Qui sequitur me (ait Dominus) non ambulat in tenebris. Contra, qui Christum non uidet, à morte præsentis uitæ transit ad æternas tenebras. Consolationem uero, quia qui Christum uident in articulo mortis, habent quo se consolentur: sciunt se iam dimittendos esse in pace: sciunt se non ituros ad tenebras, sed ad gaudium æternum. Latro quia non solum in cruce uidit Christum oculis corporis miserrime afflictum, sed etiam eundem oculis uidit uictorem mortis, audiuit à Domino: Hodie mecum eris in paradiso. Sic Stephanus moriturus uidit Christum & summa cum uoluptate animi & gaudio Domino dixit: In manus tuas Domine commendo spiritum meum. Ad hunc modum & tu, cum iam morbus te grauat, fide aspice Christum saluatorem, & ab illo pete, ut te in pace dimittat, id est, sinat ab hac uita discedere, & in requiem omnibus fidelibus promissam intrare. Hæc cogitatio faciet, ut hunc mundum & præsentis uitæ calamitates, fortiter contemnamus, & mentem nostram consolemur spe salutis, quam nobis promisit qui mentiri nequit. Sequitur altera pars Cantici.

Quod parasti ante faciem omnium populorum, Lumen ad reuelationem gentium,

D d 3 & glo



& gloriam plebis tuæ Israel. Hic breuiter duo indicantur: Vnum quæ sint beneficia Christi. Alterum, quibus destinata sint illa beneficia. Beneficia sunt, salus, lumen, gloria. Sine Christo ergo mundus in damnatione, tenebris & ignominia hæret, idq; propter peccatum: Nam Christus damnationem tollit, & reddit salutem: tenebras aufert, & effundit lumen: ignominiam amouet, & gloriam tribuit. Quanta queso sunt hæc? sane nemo ea satis estimare potest.

Sed quibus beneficia illa destinata sunt? omnibus populis, Iudæis & gentibus: uerum fide sunt accipienda. Offeruntur enim uniuersaliter omnibus: ea est enim inscrutabilis Dei bonitas, sed additur conditio: qui crediderit, hic saluus erit, qui non crediderit, condemnabitur. Quare nos, si hæc bona cupiamus cum Simeone, hunc Iesum saluatorem & Dominum in ulnas cordis nostri recipiamus, firma fiducia in illum recumbentes. Huic nostro saluatori sit honor & gloria in secula seculorum Amen.

IN FESTO ANNUNCIATIONIS MARIÆ, Luc. 1.

IN mense autem sexto, missus est Angelus Gabriel à Deo in ciuitatem Galilææ, cui nomen Nazareth, ad virginem desponsatam viro, cui nomen erat Ioseph, de domo David, ac nomen virginis Maria. Et ingressus Angelus


Angelus a
nus tecum
vero cum v
eius, & cogi
Angelus ei
gratiam apu
ro, & paries
IESVM. Is
vocabitur.
dem David
domum lace
erit finis. Di
Quomodo e
non cognos
ei: S. sanctu
rissimi obu
quod nascere
Atque ecce,
concepit filiu
sis est sexus il
non erit imp
bum Dixit a
ni, fiat mihi
discessit ab il
ENAR
Hoc festum
Iesu Chri
lo Dei. Olim
pionem promi

Angelus ad eam dixit: Ave gratiosa, Dominus tecum, benedicta tu inter mulieres. Illa vero cum vidisset, turbata est super oratione eius, & cogitabat, qualis esset salutatio. Et ait Angelus ei: Ne timeas Maria, nacta es enim gratiam apud Deum. Ecce concipies in utero, & paries filium, & vocabis nomen eius IESVM. Is erit magnus, & Filius altissimi vocabitur. Et dabit illi Dominus Deus sedem David patris ipsius, regnabitque super domum Iacob in æternum: & regni eius non erit finis. Dixit autem Maria ad Angelum: Quomodo erit istud, quandoquidem virum non cognosco? Et respondens Angelus, dixit ei: S. sanctus superueniet in te, & virtus altissimi obumbrabit tibi. Quapropter & quod nascetur sanctum, vocabitur filius Dei. Atque ecce, Elizabeth cognata tua, & ipsa concepit filium in senectute sua, & hic mensis est sexus illi, quæ dicebatur sterilis: Quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Ac discessit ab illa Angelus.

ENARRATIO TEXTVS.

Hoc festum continet historiam conceptionis Iesu Christi, quæ nunciatur uirgini ab Angelo Dei. Olim enim 3960. anno ante hanc conceptionem, promisit Deus Semen mulieris, quod con-

D d 4 tritua



triturum erat caput serpentis, id est, quod demoliturum erat opera Diaboli, peccatum & mortem. Huius promissionis memor Deus mittit Angelum suum ad castissimam uirginem, cui annunciat, quod sit conceptura ex Spiritu sancto sine uirili semine, & paritura filium, qui sit futurus saluator mundi. Hæc summa est historię, cuius sunt quinque præcipua membra, quę sunt:

- I. Descriptio Legationis.
- II. Salutatio Angelica.
- III. Consolatio turbatę uirginis.
- IIII. Expositio legationis.
- V. Conceptionis ratio.

DE PRIMO.

In descriptione huius Legationis plures sunt obseruandę circumstantię, quarum singulas seorsim considerabimus, quo aliquid doctrinę ad nos confirmados inde hauriamus.

PRIMA: tempus est. In mense, ait, sexto, scilicet à conceptione Iohannis Baptistę, qui iuxta uaticinia Prophetarum erat futurus præcursor Domini, ut pararent homines uiam regi suo aduenienti. Et fuit 20. annus, postquam sceptrum ablatum est. Nam ita à Iacob Patriarcha prædictum erat: Non auferetur sceptrum de Iuda, donec veniat Silo, id est, mulieris Semen, quod promissum erat primis Parentibus. Hæc igitur temporis circumstantia conuincit, hunc filium uirginis uerum Messiam esse. Nam eo tempore est natus, quo

eum

eum nascito
is. Deinde
memorandum
mactatio Ag
eiusdem: quo
num fuisse cre
tatem promiss
mittere filium
non mansit ue
lius uenire uen
ubi ei placitum

SECV

Quare? Prim
Nam ut ante
qui hominibus
mittitur Ang
enim Angelos
Hebræos capi
perditionis sui
gelus reparand
tio, hoc quoque
eam castissimam

TERTI

Imperatorum
ut sciatur qui
summus, qui na
titur, legatus.
tari debemus.

QVAR


eum nasciturum prædixit Spiritus Dei in Prophetis. Deinde, quantum ad diem attinet, hoc est memorandum, quod in eundem anni diem incidit mactatio Agni Phase, Conceptio Christi, & Passio eiusdem: quo die etiam putant sancti patres, Adamum fuisse creatum: Hæc commendant nobis ueritatem promissionum diuinarum. Distulit diu Deus mittere filium post factam promissionem, sed tamen mansit uerax in suis promissis. Promisit se Filium uenturum ad iudicium, sed differt: ueniet tamen, ubi ei placitum fuerit.

SECUNDA: legatus est Angelus Gabriel. Quare? Primum, ut seruaretur diuina ordinatio. Nam ut antea Deus solitus erat mittere Angelos, qui hominibus nuntiarent uoluntatem Dei: ita nunc mittitur Angelus, ut seruiat saluti hominum. Hoc enim Angelorum officium esse docet Apostolus ad Hebræos cap. 1. Deinde, quia Angelus malus primæ perditionis fuit causa, conueniebat, ut bonus Angelus reparandæ salutis primus esset nuncius. Tertiò, hoc quoque uirgini castissimæ conueniebat, ut ad eam castissimus mitteretur legatus.

TERTIA: quod hic legatus à Deo missus sit. Imperatorum & regum legati auidè expetuntur, ut sciatur quid tanti principes uelint. Ecce hic summus, qui mittit, imperator, & magnus, qui mittitur, legatus. Quare merito in admirationem excitari debemus.

QUARTA: locus, ad quem mittitur, signatur.

D d 5



tur. Mittitur enim, in ciuitatem Galilææ, cui nomen Nazareth. Hoc ideo factum est, quia ita prædictum fuit. Deinde, Deus ostendit se quæ humilia sunt in terra respicere. Quare non est, quod quisquam se abiectum putet, propterea quod uel pauper uel abiectus sit in terra.

QUINTA: ad quam personam mittitur, nempe ad uirginem desponsatam uiro. Debit quidem Christus à uirgine concipi, & à uirgine nasci, iuxta uaticinia Prophetarum. Quatuor enim hominum in mundum propagationes fuerunt. 1. fuit solius Adam, qui ex limo terræ formatus est. 2. fuit solius Eue, quæ è costa Adam ædificata est. 3. fuit solius Christi, qui ex purissima uirgine natus est. 4. communis est omnium aliorum hominum, qui ex seminibus maris & feminae nascuntur.

Conceptus est igitur & natus ex uirgine Christus. Primum, quia si ex uiri & mulieris semine fuisset natus, in peccatis fuisset conceptus & natus. Sed decuit eum, qui uenit, ut tolleretur peccatum, absq; peccato esse. Deinde, uaticinijs debuit satisfieri. Gen. 3. dictum erat, Semen mulieris conteret caput serpentis. Gen. 49. Non auferetur sceptrum de Iuda, donec ueniat Siloh, id est, eius scilicet mulieris filius. Esa. 7. Ecce, ait, uirgo prægnans pariet filium. Præterea, conueniebat ita fieri propter significationem spiritualis regenerationis, quæ non ex uoluntate carnis, neq; ex uoluntate uiri, sed ex Deo est. Vnde Augustinus: Oportebat caput

put nostrum insigni miraculo secundum corpus nasci de uirgine, ut significaret sua membra secundum spiritum nascitura.

Quod autem hæc uirgo fuerit uiro desponsata, habuit etiam suas causas. Nam & hac ratione matrimonij dignitas commendatur, & consultum est pudicitie & famæ uirginis, imo etiam datus est custos uirgini, qui eius curam haberet.

SEXTA: quod Ioseph fuerit de domo David: idq; ita conueniebat, primum propter oracula. Fuit enim prædictum, ut Christus adueniens nasceretur de prosapia Dauidica: id quod ipsis Scribis & Phariseis ignotum erat.

DE SECVNDO.

Secundum membrum huius Euangelicæ historie est salutatio Angelica, quæ est: Ave gratia plena, Dominus tecum, benedicta tu in mulieribus. Hic cogitemus de Eua prima parente & sanctissima uirgine matre IESV, & obseruemus, quam diuersas uoces audiuerint. Eua audiuit: Multiplicabo arumnas tuas. Arumnæ autem maledictionis signa sunt ante fidem. Maria audiuit: Χαῖρε, id est, gaude. Et causam addit: plena es gratia, id est, Deus te in gratiam recepit, & delegit te unam ex toto humano genere, cui singulare præstabit beneficium. Dominus est tecum, hoc est, tu habes Deum protectorem & saluatorem. Benedicta tu inter mulieres, hoc est, quemadmodum Eua erat maledicta inter mulieres,

res, imo omnes mulieres erant maledictæ propter illam: ita tu benedicta es ex dono & fauore Dei. Tibi enim tanta cōtigit felicitas, ut Seminis promissi mater sis futura. Hæc est sententia salutationis, unde facile est colligere, quam stulti sunt, qui hinc uolunt facere precationem, qua inuocant beatam uirginem contra manifestum uerbum Dei: quibus hoc dictum uolo hoc tempore: maledictus omnis, qui inuocat creaturam, & qui detorquet scripturæ uerba ad stabiliendum horrendam idolatriam, in contemptum filij Dei, in ignominiam sanctissimæ uirginis, & in sui certissimam perniciem. Quando docetur in Ecclesia de uera inuocatione, etiam ostenditur, quod inuocatio sanctorum sit cultus Diabolici, in Ecclesiam à Diabolo inuectus.

DE TERTIO.

Audita hac insolita salutatione, turbatur, & apud se cogitat, qualisnam sit ista salutatione. Cui Angelus: Ne timeas Maria, inuenisti enim gratiam apud Deum. Vide hic quid faciat uerbum Dei. Primum terret, deinde consolatur. Ne timeas, inquit, quasi dicat: non uenio, ut tibi aliquid triste annunciem, non uenio prædicaturus iram Dei aduersus te. Nam inuenisti gratiam apud Deum. Hic habemus firmam doctrinam, quod sola gratia Dei timorem expellat. Reliqua omnia adiunctum habent timorem. Amici adiunctum timorem habent, ne nos deserant, cum maxime eis opus habeamus: sanitas timorem habet ne perdat: diuitie

diuitiæ non possidentur sine metu, nam amitti possunt, & amissæ dolorem relinquunt: potentia timet, ut quæ à superiori uincatur: sola gratia Dei timorem expellit. Qui in hac est, ipse potest & in uita & in morte libere insultare Diabolo, & omnibus eius artibus. Hæc gratia quia possidetur fide, augetur pijs exercitijs, nobis omnibus operæ precium est cauere, ne eam nostra culpa amittamus. Ea enim amissa, nihil est reliquum præterurbationem conscientiæ & maledictionem.

DE QVARTO.

Ecce concipies in utero & paries filium, & vocabis nomen eius Iesum. Hæc propositio legationis est, cuius sensus est: ego ex mandato Dei tibi denuncio, quod sis iam mater futura, & filium paries, quem uocabis Iesum. Hic haud dubie castissima uirgo cogitat de promisso Semine: audit sibi nomine Dei denunciari, quod sit paritura filium, quem Iesum appellare iubetur. Hoc nomen IESVS quod Saluatorem significat, intellexit opponi maledictioni & morti, in quam primi parentes ob suam transgressionem inciderant. Hoc nomen solet fusius explicari die Circumcisionis: quare nunc ad reliqua pergo.

Hic erit (inquit) magnus. Vere magnus, utpote filius altissimi: uere magnus, qui potentem Satanam uinceret: uere magnus, qui maxima daret: uere magnus, cuius regnum æternum. Dabit illi (inquit) Dominus Deus sedē Dauid patris sui, &



& regnabit in domo Iacob in æternum, & regni eius non erit finis. Hanc descriptionem si obseruemus, quatuor de Christo hic dici inuenimus. Primum enim eius ueram humanitatem indicat, cum dicit illum nasciturum ex uirgine. Deinde eius diuinitatem non tacet. Dicit enim Filius altissimi vocabitur. Filius altissimi est eiusdem nature cum altissimo. Tertio, cum addit, hic erit magnus, significat unionem personalem. Et si enim est Deus & homo: una tamen persona est, non due. Quarto loco notatur eius officium, quod sit IESVS & REX, qui regnabit in æternum. Quomodo de Christo dici potuit, quod esset habiturus sedem Patris sui, cum ipse dicit, Regnum meum non est ex hoc mundo, quemadmodum etiam euentus declarauit: & Dauidis regnum fuit politica administratio in Iudæa? Vmbra regni tenuit Dauid: hic eius filius ueritatem regni occupat. Regnum Dauidis fuit figura & umbra Christi, & ideo unum regnum dicitur utrumq; quia illud est umbra, hoc est ueritas eiusdem regni. Deinde, mos scripturæ est, diuina externis rerum imaginibus depingere, ut nostræ infirmitati seruiat collatio.

DE QVINTO.

Dixit autem Maria ad Angelum: quomodo fiet istud, quoniam virum non cognosco: quasi diceret: Quomodo possum absq; uiro grauida fieri corporaliter (ut tu dicis) cum nondum cognos-

cognouerim
nem diuinitus
rentur ex sem
rium exemplar
primorum pare
dicium & exp
cito secuta, qu
uirum non cog
fiet conceptus
ei: Spiritus sa
tus altissimi
quod nascitur
us Dei. Hic mo
& causam conc
um nature op
pies ex uirili se
tur tibi filius; i
tia. Spiritus enim
ut ex tuo semini
gustinus: Per gra
eperationem Spi
sum est, quia
quia si ex uirili
tis in Adam imm
carne natum est,
est, Iohan. 2. N
fieri gratiam &
uiro concipi, sed
Dei uirtute: que

cognouerim uirum. Sciuit castissima uirgo ordinem diuinitus sancitum esse, ut homines conciperentur ex semine uirili & muliebri: neq; contrarium exemplum uidit aut audiuit post creationem primorum parentum. Quare hoc sue rationis iudicium & experientiam in ordine diuinitus sancito secuta, querit: quomodo fiet istud? quoniam uirum non cognosco, an aliquo insolito more hic fiet conceptus? Et respondens Angelus, dicit ei: Spiritus sanctus superueniet in te, & uirtus altissimi obumbrabit tibi. Ideoq; & quod nascitur ex te sanctum, vocabitur filius Dei. Hic modum conceptionis declarat Angelus, & causam conceptionis transfert à natura ad Deum naturæ opificem. Quasi diceret: Non concipies ex uirili semine, sed ex tuo semine solo nascetur tibi filius; idq; operante non natura sed gratia. Spiritus enim sanctus sua diuina uirtute faciet, ut ex tuo semine nascatur uerus homo. Hinc Augustinus: Per gratiam Dei, seu potentiam Dei, & operationem Spiritus sancti, de carne uirginis assumptum est, quod Verbo est unitum: idq; ideo, quia si ex uirili semine fuisset, cum omnibus natis in Adam immundus extitisset. Quod autem ex carne natum est, caro est, mendacium est, uanitas est, Iohan. 2. Nunc autem per Christum oportuit fieri gratiam & ueritatem. Non igitur potuit de uiro concipi, sed oportuit id fieri occulta quadam Dei uirtute: quo omnis peccati purus & sanctus.

nos



nos quoque purificaret & sanctificaret, futurus Patri hostia sancta & incontaminata. Deinde de Spiritu sancto conceptus est, ut sciamus, quod quicquid filius loquatur, esse ipsissimam patris voluntatem. Est enim Spiritus sanctus amor Patris & filij substantialis. Præterea, quia Spiritus sanctus est Spiritus sanctificationis & purificationis. Hic enim ex sanguine, quem purificauerat, Christi corpus adificauit, ut esset mundum & immune ab omni peccato, ut supra quoque dictum est. Hæ causæ fuerunt & sunt, quod non decuerit Christum nasci ex uiri semine, sed per efficaciam Spiritus sancti. Id Angelus insinuat cum dicit: ideoque quod nascitur ex te sanctum, filius Dei vocabitur.

Et si autem beata uirgo his uerbis Angeli fidem habuit: tamen ut sit confirmatio uirginis fides, addit ei signum quo certificatur. Et ecce, inquit, Elizabeth cognata tua, & ipsa concepit filium in senectute sua, & hic mensis est sextus illi, quæ vocatur sterilis: quasi diceret: Tu apud te ratiocinaris contra naturæ legem & ordinem diuinitus institutum fieri, ut uirgo concipias & uirgo parias: sed ego tibi aliud ostendam, quod etiam est contra naturæ ordinem, Elizabeth cognata tua est sterilis natura & ætate: natura quidem, quia tot annis uixit cum marito sine prole, adeo quod in eius ignominiam sterilis sit uocitata: ætate uero, quod iam excesserit annos pariendi, etiamsi maxime olim fuisset fecunda. Verum hic sextus mensis est

est à quo con
Quare hoc se
tu quoque par
Vide hic co
do uerbo agit
quod externum
gis se accom
per uerbum,
signacula offer
Euangelium b
quam externis
Dominica.

Verum in
obseruandum e
possibile ap
uerbum & hæ
ueritatem & c
rum obfignat.
Dei opponamus
statuamus Deum
rum machina
utq; dicamus cum
tuum: uerbo uolu
tem adimplere,
deploras tuam m
tis: Nolo mortem
uocauerit nomen
hoc uerbo & c
nil resistere

est à quo concepit, ita Deo ordinante & uolente.
Quare hoc signo te confirmes, uere futurum esse, ut
tu quoq; parias.

Vide hic consuetudinem in Deo, qui nunquam nu-
do uerbo agit cum homine, sed semper signum ali-
quod externum addit, quo nostræ imbecillitati ma-
gis se accommodet, dum suam uoluntatem menti
per uerbum, & sensibus per signa externa uerbi
signacula offert ueluti spectandum. Sic nobis per
Euangelium hodie suam patefecerat uoluntatem,
quam externis signis obsignat, Baptismo & Cœna
Dominica.

Verum in hoc colloquio Angeli cum uirgine
obseruandum est dictum, quo ait: Non erit im-
possibile apud Deum ullum uerbum. Hoc
uerbum & hæc uox Angeli duo continet. Primum,
ueritatem & certitudinem promissorum diuino-
rum obsignat. Deinde monet nos, ut potentiam,
Dei opponamus omni carnis sensui & iudicio, &
statuamus Deum ueracem esse, etiamsi tota re-
rum machina aliud nobis persuadere moliretur,
utq; dicamus cum uirgine: fiat secundum uerbum
tuum: uerbo uoluntatem reuelas: potentia uolunta-
tem adimpleas, ut tibi soli sit gloria. Peccatores,
deploras tuam miseriam, sed audi uerbum uolunta-
tis: Nolo mortem peccatoris. Item: Omnis qui in-
uocauerit nomen Domini saluus erit. Include in
hoc uerbo & uoluntatem & potentiam Dei, cui
nihil resistere potest. Quando uicinis morti tri-

Ee staris



statis, confugito ad Christum & audi uerbum: Beati qui in Domino moriuntur. In hoc uerbo coniunge uoluntatem & potentiam Dei, & certo statuito mortem tibi fore uiam ad beatitudinem: idq; per Christum Iesum Dominum nostrum, cui cum Patre & Spiritu sancto sit honor, laus & gloria in secula, Amen.

IN FESTO IOHANNIS

BAPTISTÆ, Lucæ 1.

ELizabethæ impletum est tempus parienti & peperit filium. Et audierunt vicini & cognati eius, quod magnifice Dominus misericordia sua usus esset erga illam, & gratulabantur ei. Et factum est in die octauo, venerunt ad circumcidendum puerum, & vocabant eum nomine patris sui Zachariam. Et respondens mater eius, dixit: Nequaquam, sed vocabitur Iohannes. Et dixerunt ad illam: Nemo est in cognatione tua, qui vocatur isto nomine. Innuebant autem patri eius, qui uellet vocari eum. Isq; postulat tabellis scripsit, dicens: Iohannes est nomen eius. Et admirati sunt uniuersi. Apertum est autem os eius ilico, & lingua eius, & loquebatur laudans Deum. Et peruasit timor omnes vicinos eorum, & per omnem montanā regionem Iudæis diuulgabantur omnia uerba hæc, & posuerunt omnes, qui audierant,

i n

In corde suo
erit: Et man
charis pate
prophetaui
nus Deus Ili
tionem pop
nobis in don
rus est per os
Prophetarum
ab inimicis n
oderunt nos.
patres nostro
sancti. Præst
uit ad Abrah
nobis. Ut fir
nostrorum li
tutate & iusti
uitæ nostræ.
vocaberis, pr
ri ad parandu
entiam salutis
nem peccator
cordiæ Dei ne
ens ex alto. V
bris & umbra
dos pedes noi
tem cresceba
& erat in dese
ostendendus

Et audi uerbum:
r. In hoc uerbo con-
m Dei, & certo be-
d beatitudinem: ut
iam nostrum cum
mor, Luce & gna in

Æ, Luce 1.

m est tempus pater
1. Et audierunt uir-
od magnifice Uni-
sus esset erga illam
tum est in die octu-
idendum puerum
e patris sui Zache-
ter eius, dimissa
Iohannes. Et licet
cognitione, quia
anuebant aures p-
eum. Isq; postulat
Iohannes est notu-
niuersi. Apertum
gua eius, & loqu-
perualit timor
r omnem mont-
bantur omnia ve-
es, qui audierat

In corde suo, dicentes: Quidnam puer hic
erit? Et manus Domini erat cum illo. Et Za-
charias pater eius repletus est spiritu sancto
prophetauitq; , dicens: Laudandus Domi-
nus Deus Israel, quia uisitauit & fecit redem-
tionem populo suo. Et erexit cornu salutis
nobis in domo Dauid pueri sui. Sicut locu-
tus est per os sanctorum, qui à seculo fuerunt
Prophetarum suorum: Fore ut seruaremur
ab inimicis nostris, & de manu omnium qui
oderunt nos. Ut ueretur misericordia erga
patres nostros, ac memor esset testamenti sui
sancti. Præstaretq; iusiurandum, quod iura-
uit ad Abraham patrem nostrum, ac daret
nobis. Ut sine timore, de manu inimicorum
nostrorum liberati, seruiremus ipsi cum san-
ctitate & iusticia coram ipso, cunctis diebus
vitæ nostræ. Et tu puer Propheta altissimi
vocaberis, præibis enim ante faciem Domi-
ni ad parandum vias eius. Ad dandam sci-
entiam salutis populo ipsius, per remissio-
nem peccatorum eius. Per viscera miseri-
cordiæ Dei nostri, quibus uisitauit nos ori-
ens ex alto. Ut illucesceret his, qui in tene-
bris & umbra mortis sedebant, ad dirigen-
dos pedes nostros in viam pacis. Puer au-
tem crescebat, & corroborabatur spiritu:
& erat in desertis, donec veniret dies, quo
ostendendus erat apud Israelitas.

ETsi autem prophana idolatria est inuocare sanctos, id quod à Papistis in sanctorum festis factitatum est: tamen aliquod sanctorum festa retinere est perutile, idq; multis de causis. Prima, utile admodum est, ut cognoscatur historia Ecclesiæ: nam inde doctrinam, confirmationem & consolationem petere possumus, Secunda, dulce est cogitare beneficia Dei erga Ecclesiam, unde singularis fructus pijs accedit pectoribus. Tertia, ut gratie Deo agantur pro beneficijs DEI erga Ecclesiæ membra. Quarta, ut perpensis uarijs sanctorum casibus, obfirmemus animos nostros aduersus præsentis & futuros casus, quos experiri necesse est. Quinta, ut sancti sint nobis in pœnitentia, & uita, cultu, confessione, constantia, patientia & alijs uirtutibus, quasi exemplaria, ad quæ nostram uitam formemus. Sexta, ut pijs suspirijs sanctorum expectamus consortium. Hæ & aliæ graues sunt causæ, cur sanctorum festa quedam in Ecclesia retineamus. Utinam non abuterentur multi sanctorum festis & alijs, ad suas uoluptates & insanias: quemadmodum hoc festo præcipue multi abusi sunt in Papatu, dum in nocturnis saltationibus, amatorijs corollis, perpotationibus, ne dicam alia turpiora, hoc festum celebrarunt, quo non Deo, eius Angelis, & sanctis placuerunt, Sed Satanae seruiuerunt in contumeliam Dei, Angelorum & sanctorum. Hæc sint breuiter dicta de festis sanctorum, & eorum recto

recto usu: d
bo, nempe
tiones extru
DE H

IN Historia
circumstant
ducatio, uoca
Christi, mors,
tem conigeru
Parentes
uir sanctus, &
fuit, ut etate
tristis, ita test
iusti ambo co
datis & iusti
les, & non er
sterilis, & a
descriptio cor
Iohannis, qua
nium adepti
quod Elizab
dum adhuc iu
iam anus esse
sum & steri
quantur, que
Hæc promde
nis multa do
exaudiantur.

recto usu: de hoc festo unum tantum locum tracta-
bo, nempe historiam Iohannis, unde aliquot admoni-
tiones extruam.

DE HISTORIA IOHANNIS
BAPTISTÆ.

IN Historia Iohannis Baptistæ hæc perpendantur
circumstantiæ: Parentes, conceptio, natiuitas, e-
ducatio, uocatio, officium, de Iohanne testimonium
Christi, mors, & ea, quæ circa mortem & post mor-
tem contigerunt.

Parentes Baptistæ fuerunt Zacharias sacerdos
uir sanctus, & inculpatae uitæ, & Elizabeth mater
fuit, ut ætate prouecta: ita pietate eximia. De u-
trisq; ita testatur Euangelista Lucas cap. 2. Erant
iusti ambo coram Deo, incedentes in omnibus man-
datis & iustificationibus Domini irreprehensibi-
les, & non erat illis filius, eo quod esset Elizabeth
sterilis, & ambo processissent in diebus suis. Hæc
descriptio continet, qua fuerint pietate parentes
Iohannis, qua uixerint innocentia, & quod iam se-
nium adepti solatio senectutis destituti fuerint, eo
quod Elizabeth sterilis fuerit, non solum natura,
dum adhuc iuencula erat: uerumetiam ætate, cum
iam anus esset facta. Verum contra naturæ cur-
sum & sterilitatis incommodum tandem conse-
quuntur, quod magno desiderio à Deo petiuerant.
Hæc proinde circumstantia de parentibus Iohan-
nis multa docet. 1. quod preces piorum tandem
exaudiantur. 2. quod ab officio non sit disceden-

Ec 3 dum



dum, propterea quod diutius differri postulata uidentur. Est enim pulsandum, donec nobis gratia ostium aperiatur. 3. quod afflicti in fide manentes & innocentiam tuentes, tandem consolationem consequantur. 4. quod qui matrimonio sunt copulati, debeant in timore Dei uiuere, & irreprehensibiles esse. 5. quod ministri uerbi & ipsorum uxores debeant alijs praelucere in omni genere uirtutum. Ut enim Zacharias maritus officij dignitatem ornauit sanctitate uitae: ita Elizabeth uxor sanctam uitam & inculpatam degit. Sciuerunt enim se in eum dignitatis locum euectos esse, unde ipsorum uita alijs magis conspiceretur. Utinam non essent multi, qui Zachariam praedicant & non Zachariam uiuunt: uerum hi suum inuenient iudicium.

SECUNDA circumstantia est conceptionis, in qua plura sunt considerata. Nam primum conceptio Zachariae patri fungenti suo officio in Templo praedicatur ab Angelo: quod cum non credit senex effectus, mutus efficitur in poenam suae incredulitatis: Hic primum se offert officium sanctorum Angelorum, qui sunt nuncij Dei, & ministri Ecclesiae Dei, ut eam defendant, & seruiant iuxta Dei uoluntatem: Sed de Angelis dicenda sunt plura die Michaelis. Deinde, hic obseruetur, quod Deus soleat exaudire eos, qui officio suo rite fungentes ex fide inuocant. Qui enim officio commisso non recte, quantum potest, fungitur, fide uacuus est, & orare nequit. Quare nos Zachariae exemplum

plum sequere
& ardente
tatibus succ
memor. Pra
conflum m
Esi enim Za
lis & natur
cedit, & E
Hinc regula
nihil decret
sit. Decret
uidetur fieri
nature ne a
laus, & cer
ueritas & a
prastare qu
& effectus
mandante na
tris agnouit
ceptionem a
testimonium
uelit ab eis
& lactentam
hac re plura
gimis.

TERTI
qua in hunc
gelus ad Zach
erit gaudiu

plum sequentes, & rite fungamur nostro munere,
 & ardenter Deum inuocemus, ut nostris necessi-
 tatibus succurrat. Est enim suarum promissionum
 memor. Præterea hic docemur, quod Dei actio, &
 consilium non impediatur, impedimentis naturæ.
 Etsi enim Zacharias erat effæctus: Elizabeth steri-
 lis & natura & ætate: Dei tamen consilium pro-
 cedit, & Elizabeth concipit iuxta decretum Dei.
 Hinc regulam generalem extruamus, uidelicet quod
 nihil decretum & consilium Dei impedire pos-
 sit. Decevit mortuos excitare, sed naturæ hoc
 uidetur fieri non posse. Cui hic magis credendum,
 naturæ ne an uoci Dei? Deo reddatur ueritatis
 laus, & certo statuamus, quod qui omnipotens est,
 ueritas & uerissima omnipotentia, uelit & possit
 præstare quicquid decreuit. Concipit ergo sterilis,
 & effæctus senex fit Pater aduersante natura, sed
 mandante naturæ autore, quem puer in utero ma-
 tris agnouit, quando adueniente Maria post con-
 ceptionem ad uocem Angeli, in utero exaltauit in
 testimonium, quod DEVS recipiat infantes, &
 uelit ab eis coli, iuxta Psalmum: Ex ore infantium
 & lactentium perfecisti tibi laudem. Verum de
 hac re plura dicenda sunt die Visitationis beatæ uir-
 ginis.

TERTIA circumstantia est natiuitatis, de
 qua in hunc modum Lucas: Vocabis, inquit An-
 gelus ad Zachariam, nomen eius Iohannem, &
 erit gaudium tibi & exultatio, & multi in

Ee 4 natiui-



natiuitate eius gaudebunt: & cum natus esset Iohannes, vicini quod acciderat Elizabeth audientes, prædicarunt misericordiam Dei & congratulati sunt Elizabethæ. Hæc circumstantia admonet nos gratitudinis erga Deum pro acceptis beneficijs: admonet nos congratulationis, ut congratulemur illis, quibus Deus benefacit: admonet nos officij piorum parentum, ut nostros infantes Deo commendemus: admonet nos gaudij, quod ex benedictione Domini percipimus, & illud ad Dei gloriam referamus.

QVARTA circumstantia est educationis Iohannis, de qua Euangelista: Puer crescebat & confortabatur spiritu, & erat in deserto, usque in diem ostensionis suæ ad Israel. Et cum in deserto esse, ut narrat Matthæus, habebat uestimentum, de pilis Camelorum, & zonam pelliceam circa lumbos suos. Esca autem eius erant locustæ & mel siluestre. Hæc est educationis satis asperæ descriptio. Quia enim arduum erat futurum ipsius officium, non in delicijs erat educandus, sed potius erat assuefaciendus laboribus ab initio. Nam, ut ille inquit, à teneris assuescere multum est.


Sed quid nos hinc discemus? Monasticen ne? nequaquam. Quidnam igitur? tria hinc discere debemus: sobrietatem, obedientiam erga Deum, & assuefactionem. Sobrietas enim & continentia hoc Iohannis exemplo non solum futuris ministris uerbi, uerumetiam omnibus Christianis commendatur.

Deinde

Deinde, obedientia erga Deum in nostra uocatione commendatur nobis. Non enim putandum est, quod Iohannes hoc opus & uiuendi genus elegerit, tanquam sanctius esset in deserto uiuere, quam in theatro hominum: sed uocationi obtemperandum putauit. Assuefactio præterea commendatur nobis hoc exemplo, ut durioribus assueti, non frangamur laborum mole, si quando duriora ferenda sunt. Delicate educati effœminati redduntur, ut ad nihil præclare agendum sint idonei, quemadmodum experientia in multis docet. Zona pellicea circa lumbos eius, symbolum erat certaminis, quod illi futurum erat in officio suo cum Scribis, Phariseis, Herode & alijs regni Christi hostibus.

QVINTA circumstantia est uocationis Iohannis. De hac circumstantia ita scribit Lucas: Factum est uerbum Domini super Iohannem Zachariæ filium. Hoc uerbum fuit uocationis, qua diuinitus uocatus est ad ministerium. Hic nobis commendatur modestia, ut exemplo Iohannis expectemus uocantis uocem, siue Dei sine medijs, quod olim sæpius fiebat: qua ratione sunt uocati Prophætæ, Apostoli, & alij interdum: siue Dei per media, hoc est, per homines, penes quos ius est uocandi ad aliquod ministerium in Republica siue Ecclesia. Contra hoc modestiæ exemplum peccant curiosi, qui sine uocatione rumpunt in officia, per fenestras potius & tectum, quam per ostium. Huiusmodi sunt, qui uel per amicos, uel per munerum

Ee 5 largi-



largitionem aucupantur officia Ecclesiastica, idq;
non ut Deo seruiant, & Ecclesiam edificent, sed ut
suo uentri consulant, quæ res non bene cedere solet.

SEXTA circumstantia est officij, de qua Lu-
cas hoc modo: Et uenit in omnem regionem Iorda-
ni finitimam, prædicans baptismum poenitentiae in
remissionem peccatorum, sicuti scriptum est in li-
bro Esaie: Vox clamantis in deserto, Parate uiam
Domini, & rectas facite semitas eius &c. Habe-
mus officium Iohannis, uidelicet ut baptizet &
prædicet poenitentiam, ut paret uiam Domino, ut
Christum Dominum monstret.

Quia autem primus Dei minister fuit, qui ba-
ptizauit ex mandato Dei, Baptista dictus est: quia
prædicauit poenitentiam, Propheta est dictus: quia
Christum monstrat, Elias est uocatus, ut spiritus
Eliæ ueniens Domino uiam pararet: In huius offi-
cio multæ uirtutes lucent: ut constantia, fortitudo,
confessio, crux, defensio ueritatis, ardor & studium
propagandi Regni Christi. Herodem non timuit,
Phariseos non est reueritus, sed officium constan-
tissime tuebatur usq; ad mortem.

SEPTIMA circumstantia est testimonij Chri-
sti de Iohanne. De hac circumstantia scribitur Mat-
thæi 11. ubi Iohannes coniectus in uincula mittit
duos discipulos ad Iesum, ut quærerent, num is sit,
qui uenturus sit, an alius sit expectandus. Verum
post responsum Christi, subiicitur testimonium
Christi de Iohanne. Quid existis, inquit, in deser-
tums

tum uidere? num arundinem? uerum quia hic Christi præconium de Iohanne declaratum est tertia Dominica Aduentus, nolo de ea plura dicere.

OCTAVA circumstantia est de morte Iohannis, & de ijs quæ circa mortem & post mortem contigerunt. In morte: occasio, causa, mortis genus & exemplum Iohannis.

Occasio fuit hæc: Herodes accepit fratris sui uxorem, qua usus est ut sua. Hoc quia Iohannes uidit esse contra Legem Dei, & naturæ honestatem, dicit Herodi: Non licet tibi habere uxorem fratris tui: quod cum ægre tulisset Herodes, mittit Iohannem in carcerem. Herodes ante hoc Iohannis factum amabat Iohannem: Habuit illum pro Propheta Dei: usus est interdum eius consilio: sed postquam à Iohanne taxari cœpit ipsius incestus & impura uita, ex amico fit inimicus Herodes: Iohannes in carcerem tanquam maleficus conijcitur. Huius Herodis exemplum multi hodie imitantur. Complectuntur ueros Dei seruos, donec non offendant, donec uicia non carpant: sed mox ubi morbum indicauerint, ut phrenetici in medicos manus iniiciunt.

Causa mortis fuit iuramentum Herodis. Nam cum Herodes in conuiuio uidisset filiam Herodias saltantem, adeo placuit Herodi puellæ saltatio, quod iurarit se daturum quicquid peteret etiam ad dimidium regni. Puella hoc audito, currit ad matrem, interrogat quid petat. Mater, quæ Iohannem odio prosequabatur propter reprehensam eius libidinem,



dinem, iubet ut petat caput Iohannis Baptiste, quod & impetrat. Nam mox misso carnifice obtruncatur Iohannes, & caput illius puellæ traditur. Habemus causam mortis Iohannis & mortis genus. Ecce hic ad puellulæ petitionem iugulatur maximus ille heros, quo non fuit inter natos mulierum maior, iuxta Christi testimonium. Hæc sane fors est Ecclesiæ. Hic uidemus Christi regnum sanguine parari & sanguine seruari.

Exemplum hoc Iohannis omnibus sinceris Christi ministris imitandum est, ut uidelicet eligant potius mortem, quam ut ad peccata hominum conueniant: certi quod is, qui Iohannis sanguinem tanquā oblationem gratissimam suscepit, etiam sui curam in medijs flammis sit habiturus: cui sit honor, laus, confessio & gloria in secula seculorum, Amen.

IN FESTO VISITATIONIS MARIE, Luca 1.

EXurgens autem Maria in diebus his, abiit in montana cum festinatione, in ciuitatem Iuda, & intrauit in domum Zachariæ, ac salutauit Elizabeth. Et factum est, ut audiuit salutationem Mariæ Elizabeth, saluit infans in utero eius. Et repleta est Spiritu sancto Elizabeth, exclamauitque voce magna, & dixit: Benedicta tu inter mulieres, & benedictus fructus ventris tui, Et vnde hoc mihi, ut veniat



niat mater
facta est vo
is, exultauit
Et beata qu
tur ea, qu
Maria: M
Et exultau
meo. Qu
sux, ecce e
nes genera
qui potens
sericordia
timentibu
um suum,



niat mater Domini mei ad me: Ecce enim, ut
facta est vox salutationis tuæ in auribus me-
is, exultauit præ gaudio infans in utero meo.
Et beata quæ credidisti, quoniam perficien-
tur ea, quæ dicta sunt tibi à Domino. Et ait
Maria: Magnificat anima mea Dominum.
Et exultauit spiritus meus, in Deo seruatore
meo. Quia respexit ad humilitatem ancillæ
suæ, ecce enim ex hoc beatam me dicent om-
nes generationes. Quia fecit mihi magnifica
qui potens est, & sanctum nomen eius: Et mi-
sericordia eius in progeniem & progeniem,
timentibus eum. Præstitit robur per brachi-
um suum, dispersit superbos cogitatione cor-
dis

VISITATI
RIÆ, Luca.

Maria in diebus his
in festinatione, in qua
in domum Zachariæ
Et factum est, ut cum
Elizabeth, saluati
est Spiritu sancto
oce magna, & dicit
eres, & benedictio
de hoc mihi, ut ve-

4
10 11

dis ipsorum. Detraxit potentes de sedibus, & erexit humiles. Esurientes impleuit bonis & diuites dimisit inanes. Suscepit Israel puerum suum, vt memor esset misericordiæ. Sicut locutus est ad patres nostros, nimirum Abraham, & semini eius in æuum. Mansit autem Maria cum illa circiter menses tres, & reuersa est in domum suam.

ENARRATIO TEXTVS.

CVR festa de sanctis instituta sint in Ecclesia cum alias, tum ipso die Iohannis Baptiste dictam est. Summa autem eo redit, ut habeamus exempla pœnitentiæ, & misericordiæ Dei, seu ut explicatiùs dicam. Primum, ut cum illis lapsis non desperemus de uenia, sed aspiremus ad gratiam, seruam pœnitentiam peccatorum exemplo sanctorum agentes. Deinde, ut fidem illorum imitemur: quemadmodum Paulus monet, Abrahami fidem nobis commendans: Rom: 4. Tum, ut mores sanctorum exprimere conemur honeste, pie, & iuste uiuentes, & abnegantes omnem impietatem & mundanas concupiscentias, ut Paulus ad Titum docet.

In hunc usum & hoc festum institutum esse cogitemus, non ut sanctam uirginem inuocemus, quod impia est idolatria, sed ut habeamus, quo & animum nostrum, & uitam informemus ad pietatem & uirtutem exemplo huius, castissimæ uirginis.

Summa

Summa
uirgo, post
concepisse,
in sua senect
suam cognat
loquantur de
firmant. Qu
ga Deum si
cant in laude

I. H
II. C

In Histori
spectanda cir

1. Mutua
2. Saluta
3. Elzabe
4. Miracul
tis.

P
Exurge
montana c
da, & intrau
go fructum ja
ritatis erga
esser, anam E
festinatione a
sic cogitans:
cta: prætere

Summa autem huius Historie est, quod Maria uirgo, postquam & se cognouit ex Spiritu sancto concepisse, & sciuit Elizabetham cognatam iam in sua senectute pregnantem esse, proficiscitur ad suam cognatam Elizabeth, eam salutat, atq; ita colloquuntur de eo quod acciderat, & se mutuo confirmant. Quo facto, Maria, ut sue gratitudinis erga Deum signum ederet, Psalmum componit, & canit in laudem Dei. Loci duo.

- I. Historia uisitationis.
- II. Canticum uirginis.

DE PRIMO.

In Historia uisitationis quatuor precipue sunt spectandae circumstantiae, quae sunt:

1. Mutuum officium uirginis & Elizabethae.
2. Salutatio uirginis.
3. Elizabethae testimonium de fide uirginis.
4. Miraculum infantis in utero matri gestientis.

Prima Circumstantia.

Exurgens Maria in diebus illis, abiit in montana cum festinatione in ciuitatem Iudae, & intrauit in domum Zachariae. Beata uirgo fructum suae fidei pulcherrimum edit, nempe caritatis erga proximum. Illa enim cum iuuencula esset, animum Elizabetham non contemnit, sed cum festinatione accedit, ut eam iuuet & consoletur, sic cogitans: Ecce cognata mea est senio confecta; praeterea etiam, quod natura denegatum fuit,



fuit, miraculo est fecunda facta, eget proinde mea opera: uolo itaq; ad eam proficisci, ut mutuis nos consolemur colloquijs, & ut ei ministrem.

Hinc iuuentulae Matronae discant, quomodo eas affectas esse erga grandaeuas deceat. Maria etsi maioribus donis erat ornata, quam nulla foeminarum in mundo fuit: non tamen inde superbit: non cogitat, egone tantis donis ornata seruirem isti anui? sed potius, quod quo maior sit, & praestantioribus donis pollens, eo magis ad seruiendum alijs sit obnoxia. Ioseph tametsi somniauit solem & Lunam & undecim stellas se adorare, quo somno significabatur, quod parentes ipsius & fratres aliquando ipsum essent ut Dominum ueneraturi: non tamen inde superbit, sed seni parenti seruit, & est obediens iuxta regulam Syracidae: Quanto maior es, eo magis te ipse humilia in omnibus, & coram Deo inuenies gratiam: congregationi pauperum affabilem te facito, & seniori humilia animam tuam. Qui iuxta hanc regulam & Mariae exemplum uitam instituit, uberrimum reportabit fructum. Primum enim inueniet gratiam apud Deum: nam ut Deus superbis resistit: ita humilibus dat gratiam. Deinde, inueniet gratiam apud homines. Vt enim omnes oderunt superbos, ita humiles & affabiles amore prosequuntur. Praeterea, meretur ut ipse senex effectus honoretur à iunioribus. Vt enim iustum iudicium Dei est, ut qui iuuenis senes contempsit, ipse senex contemptibilis fiat: ita iusticia Dei est, ut qui iuuenis

uenis reueritus est senes, & eos in honore habuit,
senex honoretur & ametur à iuuenibus.

Discant & hinc uirgines nostræ, non circum-
cursitare per alienas domos, non ocio indulgere,
sed cum festinatione pie & modeste res suas age-
re: nisi potius placuerit ipsis Dinæ imitari exem-
plum, quæ ignominiam domum secum tulit, quam
beatæ uirginis, quæ decus & perpetuum honesta-
tis testimonium secum reportauit. Olim nullus the-
saurus prudentia uirginibus erat carior: at nunc &
uestibus & gestibus omnem impudicitiam produnt
multæ, quarum pleræq; iustas suæ impudicitie pœ-
nas luunt.

Secunda Circumstantia.

Secunda circumstantia est salutationis. Nam in-
gressa domum uirgo mox salutat Elizabetham. Sa-
lutatio amica humanitatis, humilitatis, & beneuo-
lentia est testimonium. Salutandi forma apud Iudæ-
os usitata fuit: Pax tibi: et pax huic domui, quæ sa-
lutandi forma de multis rebus nos admonet. Primum
enim hæc salutandi ratio est confessio, qua omnem
pacem, omnem fortunam, adeoq; omnia prospera à
Deo esse confitemur. Secundo est petitio. Qui enim
sincero corde dicit: Pax tibi, perinde est, ac si dice-
ret: te Pater cœlestis oro, ut huic tuam largiare pa-
cem: hunc tua protectione munias aduersus Sata-
nam Ecclesiæ tuæ hostem implacabilem. Tertio, sa-
lutatio est adhortatio, qua hortamur quem saluta-
mus, ut Deum inuocet, ut se, suam domum, liberos

Ff

Cc



&c. tueatur. Quarto, salutatio & pacis precatio est significatio quedam, quod hostes habeamus, qui nobis perpetuo struunt insidias: unde monemur, ne stertamus, sed uigilemus, ne incautos nos opprimant. Quinto, pia salutatio est gratiarum actio. Nam cum precamur alijs à Deo pacem, publice agnoscimus Deum esse autorem pacis, quem hac confessione prædicamus. Discamus ergo ab hac uirgine mutuis salutationibus nos inuicem excipere.

Tertia Circumstantia.

Tertia circumstantia est testimonium Elizabethæ de fide uirginis. Et repleta est S. sancto Elizabeth, & exclamauit voce magna ac dixit: Benedicta tu inter mulieres, & benedictus fructus ventris tui &c. Beata es quæ credidisti, quoniam perficientur ea, quæ dicta sunt tibi à Domino. Elizabeth impletur S. sancto, à quo certificatur de conceptione uirginis. Nam cum contra naturam sit uirginem gestare uterum, oportuit autorem naturæ doctorem esse gratiæ & doni quod contigit præter naturam. Deinde ut edocta erat à spiritu sancto, fidem uirginis prædicat, cum ait: Beata es quæ credidisti: quæ brevis sententia plura docet. Primum enim inquit, omnes esse miseros qui sunt sine fide. Deinde docet, quod credentibus contingat beatitudo uera, quæ est in Christo Iesu beatitudinis fonte uberrimo. Tertio, indicat quis sit fructus fidei, cum ait: Quoniam perficientur ea, quæ dicta sunt tibi à Domi-


no

nō, quasi dicat: Etiam si omnium hominum experientia reclamationem, etiam si natura negat, etiam si ratio contra statuit: tamen perficietur quod tibi à Domino dictum est, uidelicet quod uirgo paries Filium iuxta Dei uerbum. Hinc discamus & nos, quæ sit ueræ fidei indoles, & exemplo uirginis uerbo Dei adhibeamus fidem, etiam si tota rerum natura contrarium polliceri uideatur.

Quarta Circumstantia.

Ad salutationem uirginis exultat puer in utero matris: & gestu quodam adesse significat in utero uirginis messiam. Hoc sane magnum miraculum fuit, quod puer nondum in mundum editus, naturæ reparatorem agnouerit. Quo miraculo & fides Elizabeth ac Mariæ confirmatur, & bonitas Dei erga infantes declaratur, qui olim promissit Abrahamo, quod uellet ipsius Deus esse, & seminis eius in sempiternum: in cuius promissionis certitudinem legem sanxit, ut infans octo dierum circumcideretur: quæ promissio, cum ad nos pertineat, impie & impudenter faciunt Anabaptistæ, qui nolunt Christianorum infantes baptizari, hoc est, nolunt eos ob signationem gaudere, qui gratiæ cælestis iuxta promissionem sunt hæredes. Anabaptistæ ita aiunt: Qui audit & credit baptizandus est: Infans uero non audit nec credere potest: Quare nullo pacto est baptizandus. Sed falluntur miseri. Sic potius deberent colligere: Infantes Christianorum habent promissionem: igitur hæc promissio est

Es 2 ipsis



ipsis baptismo obsignanda, sicut infantibus Iudeorum obsignata fuit circumcisione. Promissionis uerbum offert gratiam: Promissionis Sacramentum obsignat gratiam & symbolo docet: quemadmodum die Cœnæ Dominicæ dictum est. Proponamus igitur nobis Iohannem, qui in utero matris plenus Spiritu sancto hæres est gratiæ communis omnibus infantibus, qui habent promissionem.

Sed dicunt: hoc erat miraculum. Fateor fuisse miraculum, & sane magnum miraculum, sicuti omnia opera Dei in Ecclesia sunt miracula. Verum hoc adeo, quod hoc ipsum miraculum docet nos, quod pueri possint esse capaces Spiritus sancti. Si sunt capaces Spiritus sancti: si sunt filij Abrahamæ: si sunt secundum promissionem hæredes: si Christus eos recipi mandat: cur non baptizandi? Præsertim cum baptismus istarum rerum sit quædã obsignatio.

DE SECVNDO.

Maria audita oratione Elizabethæ de beneficio sibi facto, uidelicet quod esset Mater Messiae futura, sui animi gratitudinem erga Deum declarat, quem celebrat in hoc Psalmo, cum propter ingens illud beneficium, quod sibi contingit, tum propter misericordiam, potentiam & ueritatem, quæ exercet erga homines, dum timentes se misericordia in gratiam recepit, contumaces iuste punit, & quod olim promisit Patribus, iam tandem uere complet. Vsus huius Psalmi est, ut cognita misericordia Dei credamus: ut cognita potentia timeamus: cognita ueritate

ta ueritate speremus, ac expectemus cum patientia, quæ Deus nobis ex gratia promisit. Misericordiam opponamus peccato: potentiam tyrannidi diaboli: ueritatem tentationibus omnibus, quas caro uel Satan suggerit. Atq; his de causis Ecclesia uetus ordinauit, ut quotidie in coetu piorum caneretur hoc uirgineum carmen. Nunc singulos uersus breuiter explicemus.

1. Magnificat anima mea Dominum.
2. Et exultat spiritus meus, super Deo saluatore meo.
3. Quia respexit me humilem ancillam. ecce enim ex hoc beatam me dicent omnes generationes.

Hoc est: Ego magnifice Deum prædico, & tota gaudio perfundor, idq; super Deo saluatore meo. Is enim meum gaudium, qui mihi tantam præstitit salutem. Is respexit & gratuito fauore complexus est me humilem & uilem ancillam, quæ iam spreta, uilis, instar uilium seruulorum uixi: atq; ita respexit, ut non posthac uilem & contemptam, ut antea, sed beatam me prædicent omnes ætates: cui tanta gratia facta est, ut sim mater futura Messiae, qui Saluator est meus & omnium in se credentium.

Ex Mariæ exemplo hoc discamus. 1. agnoscere nostram uilitatem, & prosternere nos coram Deo in uera pœnitentia. 2. agnoscere beneficia Dei erga nos. 3. predicare Deum ob sua beneficia. 4. alios ad gratitudinem nostro inuitare exemplo.

Ff 3 4. Quia



4. Quia magnifice mecum egit potens ille, cuius sanctum est nomen.

Nulla hic iactat merita pudica uirgo, nihil suis tribuit uiribus, sed omnia accepta fert Deo, qui solus potens est, & cuius solius nomen sanctum existit, ut quod summam mereatur reuerentiam. Deus enim quoties nominatur, debet ob sanctitatem prædicari, quæ relucet in omnibus operibus eius, in ingenti misericordia, in iusto iudicio, in potentia & ueritate, quemadmodum particulatim uirgo in suo exponit Psalmo:

5. Et cuius misericordia in omnes ætates parata est timentibus ipsum.

Hic uersus tria docet. Primum quod Deus sit misericors. Secundum, quam late se extendat Dei misericordia. Tertium, quibus illa infinita contingat misericordia. De Dei misericordia multa sunt illustria dicta & exempla. Ero (inquit) Deus tuus & seminis tui usque in seculum. Item: Ego sum Deus, faciens misericordiam. Et apud Esaiam: Ego adsum, quia misericors sum Dominus Deus tuus. Et Syracides: Pius & misericors est Deus, & remittet in die tribulationis peccata. Hinc Paulus Deum uocat Patrem misericordiarum, inquiens: Benedictus Deus & Pater Domini nostri Iesu Christi, Pater misericordiarum, qui consolatur nos in omni tribulatione nostra. Exempla huius declarate misericordie sunt plurima, quorum summum est, quod Filium suum unigenitum dederit, ut saluetur mundus

mundus per
dum, ut Fili
qui credit i
æternum. Im
prodigus, Sa
Quam la
Respondet Vi
hoc est, in
illud: Miseri
Psalmi: miser
lum. Iusticia
tota sua poste
tie particeps
sua culpa non
Iud Esaiæ: De
mea usque ad
quod parasti
Quibus con
det Maria: tit
hiscæ attestatur
culo usque in se
suis: Prope tim
timor Dei uer
habet.

Sed quis est
religio, qua sum
cumbunt fiducia
uandum inter
tem eorum quib


mundus per ipsum. Huc illud: Sic Deus dilexit mundum, ut Filium suum unigenitum daret, ut omnis qui credit in illum non pereat, sed habeat uitam eternam. Imagines huius misericordiae sunt, filius prodigus, Samaritanus, ouis perditam.

Quam late se extendit hæc Dei misericordia? Respondet Virgo: In progenies progeniorum, hoc est, in omnes ætates, in omnes nationes, iuxta illud: Misericordia Dei plena est terra. Huc illud Psalmi: misericordia Domini à seculo usq; ad seculum. Iusticia Dei Adam miseriæ subiectus est cum tota sua posteritate. Misericordia Dei Adam gratiæ particeps factus cum sua posteritate, modo illi sua culpa non accersuerint sibi iudicium. Huc illud Esaie: Dedi te in lucem gentium, ut salus sis mea usq; ad extremum terræ. Et Simeon: Lumen quod parasti omnibus populis.

Quibus contingit ista Misericordia? Respondet Maria: timentibus eum. Hoc ipsum David hisce attestatur uerbis: Misericordia Domini à seculo usq; in seculum super timentes eum. Et rursus: Prope timentes eum salutare ipsius. Vbi ergo timor Dei uerus, illic & misericordia Dei locum habet.

Sed quis est iste timor Dei? Est uera pietas & religio, qua sunt præditi, qui in Christum firmare cumbunt fiducia. Est autem hic diligenter obseruandum inter causam misericordiae, & qualitatem eorum quibus contingit. Causa nulla est præ-

Ff 4 ter



ter ἐνδονίαν paternam in dilecto, sicuti ipse ait :
Hic est Filius meus, per quem placatus sum. Qualitas eorum, quibus misericordia contingit, non est meritum, sed nota filiorum Dei, qui fide sunt effecti filij, iuxta illud: Dedit potestatem, ut fierent filij Dei, quotquot credunt in nomine eius. Fide sola nascimur filij Dei, sed filij Dei effecti debemus, ut filios Dei decet, in omni pietate & innocentia, & alijs uirtutibus uiuere, quas beata Virgo hic timoris uocabulo complectitur.

6. Fecit potentiam in brachio suo, dispersit superbos mente cordis sui.

7. Deposuit potentes de sede, & exaltauit humiles.

8. Esurientes impleuit bonis, & diuites dimisit inanes.

Prædicat iudicium Dei in superbos, & misericordiam in humiles. Exempla infinita præbet sacra historia & quotidiana experientia.

9. Suscepit Israel puerum suum memor misericordiæ suæ.

10. Sicuti locutus est Patribus nostris, Abrahamo & semini eius in æternum.

Hoc est: Promissionem misericordiæ compleuit Deus misso Filio. Est igitur uerax & ob ueritatem celebrandus: cui sit laus, confessio, & gloria misericordiæ, potentiæ, iusticiæ, ueritatis in secula seculorum, Amen.

IN

IN F



In illo tempore, dicens: coelorum: statuit in meo vobis, Non sicut puer coelorum. Cuiusmodi ipsum, sicut in regno coelorum talem in

IT. MAR.

io, sicuti ipse ait:
lacatus sum. Quan-
tia contigit, non est
ei, qui sua sunt effe-
restarem, ut perent si-
nomine eius. Fide sola
Dei effecti habemus, ut
tate & innocentia, et
beata Virgo hic imo
brachio suo, dispo-
mente cordis sui.
es de sede, et exaltati
ut bonis, et diuini
in superbus, et in
empla infanti pueri
experientia.
uerum suauitatem
sua.
est Patribus notum
& semini eius in
misericordie compla-
uerax & ob
confessio, & quia
e, ueritatis in se

IN FESTO MICHAELIS, EVANGELIUM

Matth. 17.



In illo tempore, accesserunt discipuli ad Ie-
sum, dicentes: Quis est maximus in regno
cœlorum? Et accersitum ad se puerum, Iesus
statuit in medio illorum, & dixit: Amen di-
co vobis, Nisi conuersi fueritis, & efficiami-
ni sicut pueri, non ingrediemini in regnum
cœlorum. Quisquis igitur demiserit semet-
ipsum, sicut est puer iste, hic est ille maximus
in regno cœlorum. Et qui receperit puellu-
lum talem in nomine meo, me recipit. Qui

Ff 5 autem



autem offenderit vnum de pusillis istis, qui in me credunt, expedit ei, vt suspendatur mola asinaria in collum eius, ac demergatur in profundum maris. Væ mundo ab offendiculis. Necessè est enim vt veniant offendicula, veruntamen væ homini, per quem offendiculum venit. Quod si manus tua, vel pes tuus obstaculo est tibi, abscinde eum, & proijce abs te: Bonum est tibi ad vitam ingredi claudum aut mutilum, potius quam duas manus, vel duos pedes habentem, mitti in ignem æternum. Et si oculus tuus offendit te, erue eum, et proijce abs te: Bonum est tibi, vt luscus intres in vitam potius, quam vt duos oculos habens, mittaris in gehennam ignis. Videte ne contemnatis vnum ex pusillis. Dico enim vobis, quod Angeli eorū in cœlis, semper vident faciem patris mei, qui in cœlis est. Venit enim filius hominis seruare quod perierat.

ENARRATIO TEXTVS.

HOC festum in Ecclesia ideo ordinatum & receptum est, ut discamus beneficia Dei erga nos, qui dederit nobis Angelos custodes. Quare de Angelis potissimum hoc die docenda est Ecclesia. Verum, quia Euangelica lectio, quæ hodie tractari solet, continet singulares doctrinas: uolo primum textum Euangelij explicare. Deinde nonnulla de Angelis dicere.

Occas

Occasion
arrogantia a
Christus sui a
de primatu, q
statuit puerum
tis sicut pueri.
Dehortatur p
nobis pueros,
entes talium es
I. Disput.
II. Admon
III. Mandat
III. Angelo

Discipuli
nam maximu
primum obseru
rum Christi, nor
sit Christi regi
ministrationem,
narcha, Discipu
ces, dominareu
runt, quisnam
Christo proxim
mentes fascinaue
Deinde licet
etiam efficax in
Christi, qui era


Occasionem huic Euangelicæ lectioni præbuit arrogantia discipulorum Christi, qui postquam Christus sui abitus mentionem fecisset, contendunt de primatu, quos Christus ab errore reuocat, & statuit puerum in medio eorum, dicens: Nisi fueritis sicut pueri, non intrabitis in regnum cœlorum. Dehortatur præterea à scandalo, & commendat nobis pueros, ut eos in Ecclesiam recipiamus, scientes talium esse regnum cœlorum. Loci quatuor.

- I. Disputatio Apostolorum de primatu & eorum reprehensio.
- II. Admonitio de cauendo scandalo.
- III. Mandatum Christi de recipiendis pueris.
- IIII. Angelorum natura & officium.

DE PRIMO.

Discipuli accedunt Iesum dicentes: Quisnam maximus est in regno cœlorum? Hic primum obseruanda occurrit cœcitas discipulorum Christi, non intelligentium adhuc, qualenam sit Christi regnum. Somniabant fore civilem administrationem, in qua Christus, ut summus Monarcha, Discipuli uero ipsius sub eo, tanquam duces, dominarentur toti terrarum orbi: ideo querunt, quisnam illorum sit futurus summus, & à Christo proximus. Adeo stupenda cœcitas eorum mentes fascinauerat.

Deinde licet hic uidere uirus diaboli, quod fuit etiam efficax in illis Dei organis, nempe discipulis Christi, qui erant destinati Apostoli & legati regis



gis Christi in spiritali eius regno. Quid facit? *ter-*
*terr*rimo uicio superbiæ eos commaculat, adeo ut
 iam de primatu disputent, hoc est, quisnam eorum
 sit aliorum futurus Dominus.


Quid Christus facit ad hanc discipulorum suo-
 rum stultam arrogantiam? Potuit sane iuste eos re-
 ijcere, ut superbos & minime idoneos, qui suo spi-
 rituali regno administrando præficerentur: hoc ta-
 men non facit, sed eos paterne admonet, & ut cor-
 rigit errorem: ita superbiæ uicium seuerè taxat.
 Ita enim ait: Et cum aduocasset puerulum Ie-
 sus, statuit eum in medio eorum, & dixit: A-
 men dico vobis, nisi conuersi fueritis & fiatis
 vt pueruli, nequaquam ingrediemini in re-
 gnum cœlorum. Hic exemplo & doctrina docet,
 quales uelit habere administratores sui regni. Vult
 æqualitatem, quantum quidem ad animorum affe-
 ctionem attinet: non uult, ut unus alterum tanquā ex
 alto despiciat: sed ut amanter sint erga se inuicem
 affecti, mutuis se prosequentes officijs: non uult
 ut more gentium alij alijs superbe dominantur in
 spiritali suo regno. Nam de regnis politicis alia
 ratio est. Deinde, hic facit discrimen inter suum
 regnum & imperia mundana. Qui summus est in
 regnis mundi, is ab omnibus uult coli & ministrari.
 Contra, qui uult hic summus esse, debet omnium es-
 se minister, non uerbis, ut Papa, sed reuera, ut Pau-
 lus, Petrus, Apostoli, & alij sinceri Euangelij præ-
 cones. Ita maximus in Ecclesia Christi est, qui ma-
 xime

xime seruit,
 Vt autem Ch-
 reuocet, add-
 Nisi fiat v-
 num cœloru-
 suos discipulos
 secus docere u-
 scribat: ne su-
 esse pueris simi-
 miles. Virumq-
 miles, & rur-
 Pueris simil-
 militate & ab-
 minus ait: Qu-
 est puerulus
 ponenda illi, q-
 illud Christi: Q-
 sum, hoc est, qui
 ter de se sentiat,
 inde, pueris su-
 Vt enim pueri
 suis gloriari m-
 ram Domino ul-
 antur se infante-
 sent. Tertio simi-
 admodum enim
 mittunt: ita disc-
 dem coniciant, &
 Quarto, similes

xime seruit, minimus uero qui minime dominantur. Ut autem Christus suos discipulos ab ista arrogantia reuocet, addit seuerissimam comminationem dicens: Nisi fiat is ut pueruli, non ingrediemini regnum coelorum. Sed quid est quod uelit Dominus suos discipulos esse similes puerulis? an non Paulus secus docere uidetur, cum Corinthijs in hunc modum scribat: ne simus pueri sensibus? Christus uult nos esse pueris similes: Paulus uult nos esse pueris dissimiles. Vtrumque uerum est: Debemus esse pueris similes, & rursus debemus esse pueris dissimiles.

Pueris similes esse debemus, primum uera humilitate & abnegatione nostri ipsorum, sicuti Dominus ait: Quisquis dimiserit seipsum, sicuti est puerulus iste. Est igitur omnis superbia deponenda illi, qui uult Christi discipulus esse. Huc illud Christi: Qui uult me sequi, abneget semetipsum, hoc est, qui uult meus discipulus esse, humiliter de se sentiat, nihil sibi arroganter tribuat. Deinde, pueris similes erimus in meritorum ratione. Ut enim pueri non possunt aduersus parentes de suis gloriari meritis: Ita nec discipuli Christi coram Domino ulla merita iactare debent, sed fateantur se infantes, qui sine paterna cura nihil possent. Tertio similes erimus pueris affectu. Quem admodum enim pueri se totos paternae curae committunt: ita discipuli Christi se totos in Christi fidem coniiciant, ab eo omnia salutaria expectantes. Quarto, similes erimus pueris obediendi studio.

Pueri



Pueri boni non disputant, quale sit quod mandat pater: sed quid, & eius uoluntatem agendi regulam sequuntur, sicuti Abraham fecit, qui ad mandatum Dei paratus erat ad mactandum filium unigenitum. Non cogitauit Abraham: quid hoc opus Deo proderit? mors filij mei mihi molestissima quidem est, & Deo nihil confert. Sed hoc potius, Tu mi Deus hoc mihi mandas: tuam igitur uoluntatem agendi regulam sequar, & tibi morem geram. Postremo pueris similes esse debemus malicia, hoc est, ut infantes malis artibus non student, non auare colligunt, non turpem libidinem sectantur: ita discipuli Christi à malo abstinebunt.

Disimiles autem debemus esse pueris. Primum, ne pueriliter desipiamus, absurda sectantes, ut pueri faciunt, sensibus nondum firmatis. Deinde, ne imbecilles in fide simus, sicuti pueri, qui per aetatem non possunt res spirituales capere. Tertio, ne indulgeamus lusibus carnalium affectuum. Quarto, ne instar puerorum in doctrina pietatis incerti & inconstantes fluctuemus, & ne, ut Paulus inquit, circumferamur quouis uento doctrinae: sed sanctam exhibeamus infantiam, ad quam hortatur nos Petrus, cum ait: quasi modo geniti infantes & c. 1. Pet. 2.

Huc & premium uerae humilitatis apponit, cum ait: Quisquis exceperit unum puerulum talem in nomine meo, me recipit. Hoc diligenter expendatur. Primum, Christus hoc dicto uult,

ut o-

ut omnes p
fius nomine.
suo collatum
ipsi collatum
missio ad hum
me erga mem
admonet de pe
stum credente
derit unum
praesiterit ei
collum eius
maris. Deber
in officio, ne ta
os. Sed de hoc l

Væ mun
ut veniant se
ni per quem se
dum tria habet
dus sit futurus
catio subobscu
est comminatio

PRIM
Docet quid sit
sit futurus plenu
dala secum sint a
poenas, sub quib
bunt pre angust
quidam es et tunc

ut omnes pueros amanter complectamur, idq; ipsius nomine. Deinde testatur quicquid in nomine suo collatum fuerit pijs, id ita se aestimare, ac sibi ipsi collatum esset. Quem non excitaret hæc promissio ad humanitatis officia erga suos, & maxime erga membra Ecclesiæ Christi? Ab altera parte admonet de pœna quam luent, qui ullos in Christum credentes contemserint. Qui, inquit, offenderit vnum ex parvis istis, qui in me credunt, præstiterit ei, vt suspendatur mola asinaria in collum eius, vt demergatur in profundo maris. Deberet uel hæc comminatio retinere nos in officio, ne tam faciles essemus ad offendendos alios. Sed de hoc loco sequitur.

DE SECUNDO.

Væ mundo à scandalis. Necesse est enim vt veniant scandala: veruntamen væ homini per quem scandalum venit. Hoc Christi dictum tria habet. Primum est prædictio, quod mundus sit futurus plenus scandalis. Secundum est indicatio subobscura causarum scandalorum. Tertium est comminatio pœnæ, quam luct autor scandali.

PRIMUM nos docet, admonet, confirmat. Docet quid sit euenturum, hoc est, quod mundus sit futurus plenus scandalis. Deinde, quod ista scandala secum sint allatura hominibus VÆ, hoc est, pœnas, sub quibus homines super se VÆ clamabunt præ angustijs. Est autem Væ, ut Basilii ait: *ὁ πλῶνδες ἐν ἰσχυρίᾳ*, hoc est, flebilis acclamatio, quæ



tio, qua suum dolorem testantur, qui sub cruce gemunt. Tum quod Ecclesia non sit futura tranquilla in hac uita: sed cum maxime quieta uidebitur, subito excitabuntur tempestates, quibus mirum in modum concutietur. Erit Ecclesia in mundo similis Halcyoni aui, quæ in mari oua parit, & pullos nutrit. Hæc nunquam sibi polliceri potest unum tranquillum diem, sed se in omnem euentum parat: tranquillo mari cum suis pullis gaudet: obortam tempestatem perfert fortiter, sperata tranquillitate animum alens. Sic Ecclesia est in mundo ut in mari, in quo gignit sibi liberos. Hæc nunquam secura esse potest à tempestatibus mundi, quæ sunt falsi Prophetæ, Diabolus, propria caro, prauis hominum mores & exempla. Hæ tempestates cum in Ecclesiam ingruunt, debet ipsa parata esse in omnem euentum: sed tandem omnia superabit per uictorem mundi Iesum Christum, quem cum fide apprehendimus, & nos uictores mundi euadimus, iuxta illud: Hæc est uictoria, quæ uincit mundum, fides uestra. Quare hæc uincit mundum? quia Christum habet.

Deinde, admonet nos hoc dictum Christi, ne uel ipsi autores scandalorum simus dicto aut facto, uel sinamus nos abduci scandalis, ac rursus relabamur in pristinas tenebras, ac à Christo saluatore turpiter deficiamus: sicuti multis hodie accidit, ubi sophistæ & tyranni pro sua litidine omnia sursum ac deorsum uersant.

Tertio

Tertio
de Christi
ni responde
firmatur fide
fessionem ab

SECV


est indicati
celle est inq
illa necessitas
non est auto
sed irascitur
dunt. Unde e
Nihil enim is
siam scandalis
tat. Hæc sibi
rannos muna
relinquant, q
dant, uel lacer
elestia docet, q
pio, in deserto
bus, regibus,
uitatem usq
Christum by
bet scandalor
horribiliter in
TERTI
eommatio pe
timebunt. V
scandalū ve

Tertio, hoc dictum Christi nos confirmat in fide Christi. Nam cum uidemus euentum prae-dictioni respondere, certificamur de Euangelio, & confirmatur fides, ne cum maxima parte mundi confessionem abijciamus.

SECUNDVM, quod habet dictum Christi, est indicatio subobscura causarum scandali: Necessesse est, inquit, ut veniant scandala. Sed unde illa necessitas? à Deo ne? Nequaquam. Deus enim non est autor malorum, nec delectatur scandalis, sed irascitur autoribus scandali, sicuti poenae ostendunt. Vnde ergo? num à Diabolo? uere à Diabolo. Nihil enim is aliud molitur, quam ut Christi Ecclesiam scandalis in doctrina, moribus, in cruce euer-tat. Hic sibi adiungit Sophistas, Hypocritas, & tyrannos mundi, quos excitat, ut nihil intentatum relinquunt, quod faciat ullo modo uel ad euer-tendam, uel lacerandam Ecclesiam: id quod historia Ecclesiae docet, ante diluuium, post diluuium, in Aegypto, in deserto, in uarijs persecutionibus sub iudicibus, regibus, & ducibus, in captiuitate, post captiuitatem usque ad Christum exhibitum. Deinde post Christum historia Ecclesiae infinita testimonia habet scandalorum, quibus Satan Ecclesiam Christi horribiliter inuadit.

TERTIVM, quod Christi dictum habet, est comminatio poenae, quam autores scandalorum sustinebunt. Vae homini (inquit) illi per quem scandalum venit. Significat ergo fore, ut quia alij

eg sunt



sunt scandalo, grauissimis puniatur poenis. Nec est dubium, quin de poenis eternis loquatur.

Ceterum, ut diligentius caueamus, ne fiamus autores scandali, breuiter dicam, quanam scandalorum genera sint cauenda, quæ à suis causis differencias accipiunt. Vnum genus scandali est, quod oritur ex mala doctrina, seu ex corruptelis doctrine Ecclesie. Qui hoc pacto alijs est scandalo, diabolum patrem suum imitatur, qui primos homines hoc genere scandali euerit, Gen. 3. Alterum genus scandali est, quod oritur ex malis moribus, hoc est, cum alij in te respicientes tuos malos mores induunt. Qui ita scandalo est hominibus, regnum Satanæ extruit, & demolitur Christi regnum: quare summopere cauendum est. Quotus quisq;, quæso, hic non dat scandalum? Siue ad clerum, siue ad populum, siue ad magistratum, siue ad subditos respicis, uides omnia plena scandalis morum, adeo ut non frustra Christus dixisse uideatur: Væ mundo à scandalis.

Tertium genus scandali oritur ex abusu rerum, quæ sua natura sunt indifferentes, quod cauendum est, ne offendantur infirmi. Obstinati & impij sunt contemnendi, idq; Christi exemplo. Plura de scandalis alias diximus.

DE TERTIO.

Videte ne contemnatis vnum ex pueris his. Dico enim vobis, quod Angeli eorum in cœlis semper vident faciem Patris mei, qui
in

in cœlis est. Hic Christus nobis pueros *commendat* ne illos ullo pacto offendamus: & rationem subnectit: quia Angeli eorum vident faciem Dei patris, qui in cœlo est, hoc est, cum tanta cura Deus pueros complectatur, ut eis Angelos custodes dederit, non decet, ut nos inhonoremus. Hic observemus, quod pueri habeant Angelos custodes, qui eos aduersus Satanam tuentur. Deinde, excitemur ad gratitudinem erga Deum pro tanto beneficio. Tum studeamus pijs moribus eos retinere. Postremo caueamus ne ulla impietate aut turpitudine illos à nobis arceamus, qui in cœlo gaudent piorum sanctitate & uitæ puritate.

DE QVARTO.

Quartum, quod proposui, fuit de Angelis de quorum natura & officio pauca dicam, ut cum sciamus quales custodes habeat Ecclesia, tum intelligamus in quanto uersetur periculo.

Angelus est creatura Dei, spiritualis, intelligens, potens, condita in ministerium Dei & Ecclesiæ: à quo suæ conditionis fine quidam defecerunt, & facti sunt hostes Ecclesiæ, quidam autem non defecerunt, sed manserunt in sua innocentia, in qua Deo & Ecclesiæ seruiunt. De quibus Epistola ad Hebræos ita ait: Nonne omnes sunt ministratores spiritus, qui ministerij causa mittuntur propter eos, qui heredes erunt salutis. De malis Dominus ait, quod Satan cum suis sit mendax & homicida ab initio. Et Petrus dicit: Diabolus sicut Leo circum-

Gg 2 cūmit



cumit, querens quem deuoret. Hinc facile est intelligere, quod Ecclesia in mundo sit ueluti ciuitas, quam ut Angeli boni intus defendunt: ita mali foris oppugnant. Cum igitur in tanto uersamur discrimine, rogemus Deum, ut suis nos Angelis tucatur, cui laus, honor, & potestas in secula seculorum, Amen.

IN FESTO OMNIVM SANCTORVM, Matth. 5.

CVM vidisset IESVS turbas, ascendit in montem, & cum consedisset, accesserunt ad illum discipuli eius, & postquam aperuisset os suum, docebat illos, dicens: Beati pauperes spiritu, quoniam illorum est regnum cœlorum. Beati qui lugent, quoniam ipsi consolationem accipient. Beati mites, quoniam ipsi hæreditatem accipient terræ. Beati qui esuriunt & sitiunt iusticiam, quoniam ipsi saturabuntur. Beati misericordes, quoniam ipsi misericordiam consequentur. Beati mundi corde, quoniam ipsi Deum videbunt. Beati pacifici, quoniam hi filij Dei vocabuntur. Beati qui persecutionem patiuntur propter iusticiam, quoniam illorum est regnum cœlorum. Beati estis, cum probra iecerint in vos homines, & insectati fuerint, & dixerint omne malum verbum aduersus vos mentientes propter me: Gaudere &

& exultate, quoniam merces vestra multa est in cœlis.

ENARRATIO TEXTVS.


Festa de sanctis in Ecclesia instituta sunt non sine grauissimis causis, quas ordine recensebo, ut in nostrum commodum sanctorum festis uti possimus. Prima, ut cognoscatur Ecclesiæ historia. Id enim ualde utile est: nam & inde Ecclesiæ statum, & quos habuerit defensores & hostes Ecclesiæ intelligimus.

Secunda, ut cogitentur beneficia Dei erga Ecclesiæ membra. Paulus ex persecutore factus est Apostolus. Petrus, qui Dominum suum negarat, in gratiam est receptus, Magdalena peccatrix pro filia agnita est, dum in Christum fide recumbit. In mortis articulo Christus se contemplandum præbuit Stephano: atq; ita in singulis sanctis Dei singularia beneficia uidere est.

Tertia, ut consideratis hisce Dei beneficijs erga sanctos, nos agamus Deo gratias, quod in miseros peccatores conuertentes se ad Dominum per ueram pœnitentiam, fuerit adeo misericors, & eos in gratiam receperit, & tot ornauerit beneficijs, ac spiritu suo in hoc deserto rexerit.

Quarta, ut uarij sanctorum casus perpendantur & conferantur cum periculis nostri temporis. Vt olim pij opprimebantur ab impijs: ita & hodie. Olim sancti gaudebant sub pijs gubernatoribus, & interdum iugum grauius tyrannorum experiri co-

G g 3 geban-



gebantur : ita & hodie. In his casibus uarijs debemus nos erigere exemplo sanctorum.

Quinta, ut sanctos imitemur in poenitentia, uita, cultu, confessione, constantia, patientia, & alijs uirtutibus. Debent ergo sancti nobis esse ueluti exempla regule uitae nostrae. Verbum Dei requirit poenitentiam, cultum Dei, confessionem, patientiam : sed sancti Dei huius uerbi exempla suppeditant.

Sexta, ut pijs suspirijs sanctorum expetamus consortium, quo liberati tandem ex his angustijs, beatificamur cum Christo in omni aeternitate : qua de causa Christus pronunciat suos discipulos beatos, etiam si uarijs ærumnis in hac uita affligantur. Et huc pertinet hodiernum Euangelium de beatitudinibus uarijs, sicuti nunc audiemus : singulas ergo beatitudines ordine declaremus. Locus unicus.

De beatitudine discipulorum Christi.

Beati pauperes spiritu, quoniam ipsorum est regnum coelorum. Hoc uersu ostendit Christus primum gradum ad summas opes. Summae opes sunt possessio regni coelorum & aeternae uitae. Gradus autem est ad has opes primus paupertas spiritus, quia contriti & contusi sentimus nos omnis iustitiae esse inopes.

Quid ? an non haec paupertas nos excludit è regno coelorum ? Sicut recte dicitur : primus gradus est ad sanitatem nouisse morbum, quia qui morbum nouit, querit conueniens remedium : ita primus gradus est ad opes coelestes paupertas spiritus, quia
qui


qui hanc
bus sua
rat medic
mitteret, n
nicaret. S
tuales mer
lorum, ad
ritualis hu
est, nihil es
uera senti
cum iste sua
ad summas
ditur, non q
git nos illu
Qualis
latione facil
tas mendic
rumetiam ei
ritus est non
est, iusticia
rumetiam e
ut propter
ergo paupe
tione opu
Morach
cuerunt, pa
mereri regnu
cit, Rom. 6. I
Christum de

qui hanc sentit, quærit opes aliunde. Et sicut morbus sua natura gradus est ad mortem, nisi succurrat medicus: ita hæc paupertas recta ad infernum mitteret, nisi Christus suas opes nobiscum communicaret. Non ergo diuitiæ nobis contingunt spirituales merito paupertatis, sed beneficio regis cælorum, ad quem implorandum nos cogit sensus spiritualis huius paupertatis. Sensus ergo huius loci est, nihil esse, cur illi se infelices esse putent, qui reuera sentiunt in animo, se esse omnis iusticiæ inopes, cum iste suæ inopiæ sensus sit primus gradus, quo ad summas opes, id est, in regnum cælorum ascenditur, non quidem per se & sua natura, sed quia cogit nos illum quærere, qui solus uia est in cælum.

Qualis autem sit paupertas spiritualis, ex collatione facilius intelligi potest. Vt enim paupertas mendicitatis est non solum summa inopia, uerumetiam eius publica professio: ita paupertas spiritualis est non solum summa opum cælestium, hoc est, iusticiæ, sanctitatis, & innocentie inopia: uerumetiam eius professio coram Deo, à quo petimus ut propter Christum nostræ succurrat inopiæ: Hæc ergo paupertas sita est in uera pœnitentia & expectatione opum cælestium.

Monachi abusi sunt hoc loco. Nam ex eo docuerunt, paupertate, id est, mendicitate homines mereri regnum cælorum, cum Paulus aperte dicit, Rom. 6. Donum Dei est uita æterna per Iesum Christum dominum nostrum. Si donum est gratia

G g 4 tum,



tum, certe non comparatur paupertate, quæ sane sua natura nihil meretur, sed est poena, cuius causa est partim prodigalitas, partim pigritia.

Beati qui lugent, quoniam ipse consolationem accipient. Hæc mirabilis est concio. Pronunciat beatos lugentes: cum nihil magis felicitati repugnet quam luctus: uerum Christi dictum intelligendum est non de luctus tempore, se de euentu: Nam ita ait: quia consolationem accipient, scilicet finito in hoc mundo luctu. Hic luctus causam habet partim spiritus paupertatem, partim ærumnas præsentis uitæ, quæ nos tanquam igni quodam excoquunt & explorant, & quasi stimulis nos excitant ad expetendum æternum gaudium, quod omnes lacrimas absterget. Non ergo luctus per se causa est felicitatis, sed quia compellit nos ad Christum, qui est autor omnis consolationis.

Huc proinde Pauli dictum pertinet: Gloriamur in tribulationibus, quia operantur patientiam: patientia probationem: probatio spem, spes autem non confundit, quia Deus nos diligit. Hinc facile intelligi potest, Christum non loqui de quouis luctu, sed de luctu, qui est secundum Deum, non de luctu mundi.

Beati mites, quoniam ipsi hæreditatis iure terram possidebunt. Mites sunt placidi, mansueti, faciles, humani, qui suos affectus mitigant: qui læsi faciles sunt ad condonandam iniuriam: qui malunt rem perdere quam contendere. Hæc uirtus mansuetudo è timore Dei et uera humilitate nascitur,

scitur, quan
scite à me, qui
la est: Discite
plum regulæ
tatem medita
nus: discite à
gare, super ma
& noctes sine
me, quia minus
tas habet secum
minus: in hoc
puli sitis, si uos

Sed quid p
propter euentu
suebunt, non q
pter typum. T
fuit typus & j
ritas umbra non

Hoc loco qui
de merito, ac
possemus, stulti
uerba. Dicit en
terram. Vbi est
heredes sumus,
fidem: nonne Pa
Dei per Iesum C
est loqui de caus
eorum, qui hære
Beati qui e

scitur, quam Christus suis commendat, dicens: Discite à me, quia mitis sum & humilis corde. Regula est: Discipuli Christi mites esse debent. Exemplum regulæ est Christus. Vult enim ut hanc uirtutem meditantes se intueamur. Non dicit Dominus: discite à me mortuos suscitare, dæmones effugare, super mare siccis pedibus ambulare, 40. dies & noctes sine cibo uiuere, sed hic dixit: discite à me, quia mitis sum, & humilis corde. Hæc humilitas habet secum germanam dilectionem, de qua Dominus: in hoc cognoscent omnes, quod mei discipuli sitis, si uos mutuo dilexeritis.

Sed quid promittitur mitibus? beatitudo, idque propter euentum: nam hæreditatis iure terram possidebunt, non quod in terra simus uicturi, sed propter typum. Terra enim olim promissa patribus, fuit typus & figura regni cælorum, atque ideo ueritas umbræ nomen accepit.

Hoc loco qui abutuntur ad stabiliendum dogma de merito, ac si nostris uirtutibus mereri cælum possemus, stulti sunt, non animaduertentes Christi uerba. Dicit enim eos possessuros iure hæreditatis terram. Vbi est illud hæreditatis ius? Nonne ideo hæredes sumus, quia in Christo gratis adoptati per fidem? nonne Paulus dicit: Vita æterna est donum Dei per Iesum Christum Dominum nostrum. Aliud est loqui de causis salutis, aliud de nouis qualitatibus eorum, qui hæredes sunt salutis.

Beati qui esuriunt & sitiunt iusticiam, quoniam

Gg 5 niam

niam ipsi saturabuntur. Christiani in hac uita nunquam ita ex fontibus salutis hauriunt aquam, quin magis sitiant, quos hic consolatur Dominus, promittens fore, ut tandem saturentur: ex qua saturitate se felices profitebuntur. Quisquis esurit & sitit iusticiam, duo optat. Primum ut publice glorificetur Deus recta doctrina, sancta uita, & confessione. Deinde, ut priuatim singuli agnoscant Deum, fidem Christi concipiant, impleantur S. sancto, ac sancta puraq; uita iusticiam Dei meditentur. De hac satietate loquitur Dauid, quam tum demum fore dicit, cum apparuerit gloria eius. Ibi enim (ut est in Apocalypsi) sancti non esurient neq; sitient amplius.

Beati misericordes, quoniam ipsi misericordiam consequentur. Hic nobis commendatur misericordia erga miseros. Vult enim Christus suos discipulos, non tantum tangi proprijs malis, uerum etiam affici aliorum miseria: quod sane est uera caritatis officium. Neq; Christus tantum requirit, ut condoleamus aerumnis & miserijs aliorum: sed opus simul requirit: uult ut miserijs manus auxiliatrices porrigamus. Ne autem hominum ingratitudine frangantur, adiungit promissionem. Promittit enim fore, ut qui misericors fuerit in proximum, misericordiam rursus consequatur: idq; non solum apud Deum, uerum etiam apud homines. Deus promittit misericordibus misericordiam, & facit etiam, ut inueniamus misericordiam apud homines, dum illorum animos flectit ad benefaciendum nobis.

Beati

Beati
videbur
datur, que
tie & libi
candor, qu
perte sine o
sti dictum
num. Pl
quando alie
re: unde &
tur, & fan
tur. Verum
agant, sed n
re, ut cor, n
uideantur. H
ius uisione su
dities cordis e
quam Paulus
state sanctitat
enim Deus a
ctatur castit
Beati p
buntur. H
scipulis comm
& tranquill
Hi quia diu
filij Dei uoc
cis & tran
pacis studie

Beati mundo corde: quoniam ipsi Deum videbunt. Mundities cordis hic nobis commendatur, quæ opponitur duobus maximis uicijs, astutiæ & libidini. Cum opponitur astutiæ, est simplex candor, quo agimus cum hominibus sincere & aperte sine obliquis fallendi artibus. Hoc ergo Christi dictum aduersatur iudicio plerorumq; hominum. Pleriq; enim tum demum se beatos putant, quando alios astute circumuicere possint ac fallere: unde & prudentiæ laudem & lucrum uenantur, & fauorem magnorum hominum aucupantur. Verum Christus non uult, ut sui discipuli ita agant, sed ut potius sint contenti simplici candore, ut cor, manus, lingua quam optime consentire uideantur. His promittit, ut Deum uideant, in cuius uisione summa est sita fœlicitas. At cum mundities cordis opponitur libidini, est uera castitas, quam Paulus sanctitatem uocat, cum inquit: Præstate sanctitatem, sine qua nemo uidebit Deum. Ut enim Deus abominatur libidines: ita summe deletatur castitate fidelium.

Beati pacifici: quoniam ij filij Dei vocabuntur. Hic magnam & raram uirtutem suis discipulis commendat Christus. Pacifici sunt, qui paci & tranquillitati faciendæ & conseruandæ student. Hi quia diuersum studium à filijs Satane habent, filij Dei uocabuntur, ut qui Dei Patris exemplo pacis & tranquillitatis sunt autores, et multos suo hoc pacis studio iuuant & oblectant. Quemadmodum
enim



enim Balsamum preciosum integram domum sua replet fragrantia: ita unus uir pacis studiosus magnum coetum dissidentem in concordiam reducere potest. Non ergo immerito David concordie & pacis studium celebrat, ita canens: Ecce quam bonum & quam iucundum, habitare fratres in unum. Sicut unguentum optimum super caput defluens super barbam, barbam Aaron, quod defluit per oram uestimentorum eius. Sicut ros Hermon, qui descendit super montes. Vt enim rore terra foecunda redditur benedicente Domino: ita ubicunq; sunt multi pacis studiosi, foecunda sunt & felices politiae, Ecclesiae & oeconomiae. Contra ubi non est pacis studium, illic ariditas & siccitas, hoc est, summa miseria.

Beati qui persecutionem patiuntur iusticiae causa, quoniam ipsorum est regnum coelorum. Quia maxime concutit infirmorum animos scandalum persecutionis, ualde commode suos de cruce admonet, ut non fracti persecutionum acerbitate abijciant confessionem: sed potius propositum regnum coelorum intueantur: cuius potius di desiderio magis contendant per tribulationes multas introire in regnum coelorum. Imitemur ergo eorum exempla, qui dum currunt in stadio, respiciunt ad premium, quod ab Aganothete propositum est, & ita alacres properant, donec ad metam uentum fuerit: ita uult suos facere Christus: non uult segnitiam, sed infatigabile currendi studium, donec ad metam regni coelorum perueniant.

Deinde

Deinde,
causam pon
instituiamus,
pter nostram
iusta poena,
ueritatis. Et
sed ut iusti, id
postolorum, &
Beati erit
& vos perfe
mali aduersu
ponit quid sit p
Si conuiciati
persecuti vos
rint omne ma
xerint, non er
persecutionem p
Nam causa (ut in
Gaudete, in
ces uestra mul
satio obedientie
ta. Non hoc di
mereri coelum, q
sed potius uos ad
posita Patris cle
laborum, quos
que compensat
Christi, cui u
potestas

Deinde, cum Christus hic unam persecutionis causam ponit, nempe iusticiam, uult ut ita uitam instituamus, ne pati cogamur nostra culpa, seu propter nostram iniusticiam. Tum enim persecutio est iusta pœna, non testimonium defensæ iusticiæ & ueritatis. Et Petrus monet, Ne patiamur ut iniusti, sed ut iusti, idq; exemplo Christi, Prophetarum, Apostolorum, & multorum martyrum.

Beati eritis, cum conuiciati fuerint vobis, & vos persecuti fuerint, & dixerint quiduis mali aduersus vos, mentientes mea causa. Exponit quid sit pati persecutionem propter iusticiam, Si conuiciati vobis (inquit) fuerint iniuste, si persecuti vos fuerint odio Euangelij, Si dixerint omne malum mentientes. Nam si uerum dixerint, non eritis beati. Si propter peccata uestra persecutionem patiemini, non continuo eritis felices. Nam causa (ut inquit ille) facit martyrem, non sanguis.

Gaudete, inquit, & exultate, quoniam merces uestra multa est in cœlis. Merces est compensatio obedientiæ erga Deum in persecutione præstita. Non hoc dicto significat Dominus, nos cruce mereri cœlum, quia cœlum est filiorum hæreditas: sed potius nos ad ferendam crucem extimulat, proposita Patris clementia, qui nobis compensationem laborum, quos sustinemus in hac uita, pollicetur, quæ compensatio in cruce fundata est D. N. Iesu Christi, cui una cum Patre & S. sancto sit honor, potestas, et gloria in secula seculorum.

A M E N.





W I T E B E R G Æ
Excudebat Ioannes
Crato,
A N N O
M. D. LXXII.



ERCE


Ioannes

to,


N 0

XXII.









Nic. Heringius
Postilla.

Witeb. 1572.

B. DALL 1982